

四庫全書存目叢書編纂委員會編

齊魯書社

四庫全書存目叢書


集部

第三八六冊



責任編輯：孫言誠 賀 偉

ISBN 7-5333-0615-5



9 787533 306151 >

EB35/05

四庫全書存目叢書·集部三八六

(大陸版·限中國大陸發行)

四庫全書存目叢書編纂委員會編

齊魯書社出版發行

(濟南經九路勝利大街)

廣東精裝印務有限公司印製

787×1092毫米 16開本 50印張

1997年7月第1版 1997年7月第1次印刷

印數1—100

ISBN 7-5333-0615-5

Z·60 集部定價：127800 圓

集部第三八六冊目次

集部·總集類

柳洲詩集十卷

〔清〕陳增新等選
北京大學圖書館藏清順治刻本

..... 一

江左十五子詩選十五卷

〔清〕宋肇選
蘇州大學圖書館藏清康熙四十二年宛委堂刻本

..... 二七二

溯洄集十卷詩論一卷詩話一卷

〔清〕魏裔介輯評
北京大學圖書館藏清康熙元年刻本

..... 五〇七

柳洲詩集十卷

〔清〕陳增新等選

北京大學圖書館藏清順治刻本

附《四庫全書總目·柳洲詩集

十卷》提要

序

柳洲詩集成諸子手一編視余而問序焉余謝不敏諸子則曰我黨所不可少子之一言者二而子所不可無一言者一何謝爲人之稱魏里也文之稱柳洲也子之兄弟旣始事焉尋流溯源當莫諱於吾子我邑聲氣雅爲四方所重邇者壇坫角立左右分袒主琴瑟之和以釋水火之鬪人則世講道則同學子旣許我矣二者所不可少子之一言也是集之成子之猶子交讓卜臣柳風沐雨以襄

魏序

茲役肥水師捷雖屬阿玄而圖碁賭墅當不禁展齒之折也子又可以無一言哉何謝爲余乃爲之序曰昔者仲尼採十五國風凡君后公卿大夫士以迨田庚女紅之所諷詠各以其國分隸之而雅頌郊廟之作則不名一地不名一人夫亦萃九州之良選其尤麗者播之樂章非一地一人所能工也若乃高會栢梁公宴鄴下顏謝鮑袁扶輪宋代江沈任劉鼓吹梁朝三唐以詩取士四傑開風於前李杜鳴盛於後極玄間氣國秀英靈諸集稱彬

彬矣然皆東西南北通和代興非皆生同里開茲
轡康莊者也我里僻處越西提封最狹而尚節義
工文章海內頗以小鄒魯相推許歲丁丑戊寅間
余兄弟盟八人於柳洲講經藝治事之學以其暇
爲詩古文辭朝夕砥礪務成一家書以無媿先民
之業而陵谷遷變感慨係之升沉顯晦遂成今古
壯心積學所不盡泯沒於烽燹險難中者惟此數
卷有韻之言爾客歲偕子更稭賔扁舟南下相約
抵里門時便當倡同志數人振舉詩壇寧其菁英

魏序

二

彙成一編以問當世而不謂二李子二曹子一蔣
子暨我家交讓州來已營樹壁壘旂旌一新矣陳
子毛子遂樂而受成焉重九上元之會余執鞭弭
從事分韻授簡與觀斯盛則敦詩書說禮樂其主
謀之帥馭軍之將皆賢傑也前茅慮無中樞後勁
右轅左戢皆戒備也望之如火如荼如墨中央旆
旆皆精色也故邑僅當邦莒之賦而狎主齊盟是
集也論斷商確實惟子更稭賔格齋燭崑崙書掌
公交讓卜臣爲政諸子惟是筆路藍縷桃弧棘矢

以告厥功今其飲至受勲之日哉余請得揚輝而
揖次之子更崇精研思於詩之體格神韻靡所不
工而藻鑑人倫十不失一稭賔天才敏妙學識相
副誠能雄視儕輩而片善寸長孜孜採擇銳意成
書弘長風流斯功偉矣先是我里稱詩者有數家
而菁藻之中時見蕪穢斷然崇述古學以北地濟
南爲宗則摧陷廓清交讓稱我家銳師焉格齋禹
書沉雄高邁於經史百氏無所不貫綜下筆輒有
遡漢魏跨開元之思與家卜臣並驅爭馳未審誰

魏序

三

者先到河源耳燭崑崙爲格齋難弟文情玄爽自然
神駿掌公昆仲烏衣年少世其家聲所爲詩無不
妍雋贍博橫絕一時疇昔同人以婁東二美推顧
菴子聞今復以此目二曹何譙國多才也若集中
之彥珠璣英瑤粲然列陳則自有諸子之評論在
當世而有承風若吳季子者乎未敢稱觀止或曰
美哉始基之矣

順治己亥暮春同學弟魏學渠子存氏拜題

凡例

我里人文蔚起莫盛於丁丑戊寅間切磨道誼故
尚古學則柳州八子實皆功業中更兵燹風雅不
廢季來同志益振起之詩古文辭幾與制舉義等
富今先以其詩行而仍以柳州名集志源流也

詩學深造誠不易言彖黨力崇正始義歸騷雅臬
府考求音節郊祀鏡歌橫吹清商諸曲取令本調
五言古詩以漢魏六朝奚宗登選唐音頗少七言
古詩規摹四傑憲章李杜要不落張王元白境中

凡例一

也近體氣貴渾雄聲期高朗間入中晚不失風格
緣轡緣素論次頗有苦心焉

是龔始於成之易月成於亥之窮月商推周詳始
得成書其間搜美剔瑕參酌盡變八風而外則子
存亭彥以第任任丹鉛之役辟丘觀軍皆有評騰
若輝六古嚶越后肅陶州來達夫徵之廉伯上衡
渭楊漢彬求仲安上心微寔多採擇襄事之功云
詩文妍媸奪取丹黃稱譽過實亦非古道是集因
歲省會課頗有評斷褒多抑少偶仍其舊聊存鼓

舜崇尚之意非敢阿好次集問世定當汰去

從來詩選不以先輩仕籍爲限彖里領袖騷壇者
如錢爾玉爾斐仲芳徐道招丁文博曹顧菴柯岬
初扶來暘谷照耀已久是集取同人倡禴之作爰
彖未獲借重嗣有子存柳州詩選之刻差彖遺憾
往者三吳兩越英杰林立壇坫所封不鮮彼此而
彖邑同好嚴氣正性頗爲四方所推重申酉以來
或人自爲政矣頃子存亭彥諸子尋舉舊盟申以
正義制舉之作嗣有柳州已亥集一編卽出

凡例二

四方名流命駕篇什倡爾初擬借兌梨棗既而金
鎔貂瑜克盈篋衍俟專勒成書以志同岑之盛

柳洲詩集目錄

卷之一

樂府全

魏學渠二十首

蔣玉立四首

沈樞之一首

丁璜二首

陳增新十二首

周宏藻一首

計善一首

李燁八首

沈汝雄一首

李鄂二首

毛蕃十八首

王之圻二首

柳洲詩集目錄

呂寓四首

李炳五首

魏允柵六首

李燁五首

顧理美六首

曹鑑徵三首

陸淮一首

周珽一首

魏允枚十五首

孫錄十首

朱通成一首

蔣瑒十一首

周珂一首

陳昌二首

計敬一首

曹鑑平六首

戈元穎五首

王辰二首

陳暉吉一首

錢士賁三首

周振藻二首

魏允札七首

陳哲庸一首

錢爍二首

曹爾壇一首

孫復煒一首

曹鑑章四首

陳謀道一首

陳秉三首

卷之二

五言古詩一

沈湛二首

褚偉一首

柳洲詩集目錄

沈煌二首

顏黃二首

魏學渠九首

蔣玉立四首

沈樞之二首

丁璜二首

陳增新十首

周宏藻一首

計善四首

李鄂一首

李燁十六首

計能二首

周瓚一首

毛蕃十七首

王之圻二首

呂寓一首

徐之陵一首

李炳四首

魏允柵十五首

李 燧三首

丁胤沄二首

陸樹駿一首

徐時來一首

曹鑑徵二首

郁 棗一首

陸 淮一首

周 珽六首

沈 鱗一首

卷之三

五言古詩二

顧理美十首

周振璜二首

魏允枚十七首

蔣會貞一首

柳洲詩集

目錄

三

張 辰一首

倪 晉一首

周振璠二首

陳學謙一首

孫 錄十二首

朱適成四首

蔣 璩十七首

周 珂七首

陳 昌二首

郁自振一首

計 敬一首

吳自求一首

曹鑑平十首

王 辰一首

戈元穎三首

陳暉吉二首

錢士賁二首

曹爾垣一首

陸 凝一首

周振藻四首

李孫煌一首

錢 煥一首

魏允喆六首

陳哲庸一首

錢 燦一首

曹爾璵一首

陳札倫二首

孫復燁二首

曹鑑章三首

李 炯二首

魏允桓一首

陳 秉二首

卷之四

七言古詩一

柳洲詩集

目錄

四

沈 湛一首

沈 煌一首

顧 黃一首

魏學渠七首

蔣玉立三首

沈權之二首

陳增新九首

計 善四首

李 鄂一首

李 燁五首

計 能一首

毛 蕃五首

呂 寓一首

王之圻二首

李 炳二首

魏允柵五首

李 燧一首

顧理美七首

曹鑑微六首

陸淮一首

丁胤淦一首

卷之五

七言古詩二

周振璜二首

魏允枚十首

蔣會貞一首

倪晉一首

周振璜一首

孫詠八首

朱適成一首

周珂一首

蔣璩十三首

陳昌一首

柳洲詩集

目錄

五

計敬二首

戈元穎二首

曹鑑平八首

陳暉吉一首

錢士賁二首

周振藻三首

李孫煌一首

錢煥一首

魏允札三首

陳哲庸一首

錢嫌二首

孫復煒一首

陳詒倫一首

曹鑑章三首

陳謀道一首

陳秉二首

卷之六

五言律詩一

沈湛二首

褚偉二首

沈煌五首

王序一首

朱輅二首

顏黃四首

魏學渠十七首

蔣玉立十一首

沈樵之二首

陳增新二十四首

周宏藻二首

計善二首

李鄂二首

李煒八首

沈汝雄一首

馮運隆一首

柳洲詩集

目錄

六

周瓚一首

計能一首

毛蕃十六首

呂禹一首

王之圻三首

徐之陵二首

魏允枏十二首

李炳十首

郁褒二首

顧理美十七首

曹鑑微十六首

陸淮二首

丁胤淦二首

李燧九首

周珽二首

周振璜十首

蔣會貞二首

張辰一首

徐時來二首

卷之七

五言律詩二

魏允枚十九首 周振璣十七首

倪晉二首 曹鑑微一首

孫錄十三首 朱通成五首

蔣璩十八首 周珂十八首

陳學謙二首 陳昌四首

郁自振二首 計敬七首

柳洲詩集

目錄

七

吳自求二首 曹鑑平十五首

卞庚二首 戈元穎三首

王辰二首 錢士賁三首

周振藻十首 陳暉吉四首

曹爾垣二首 李孫煌四首

陸凝一首 錢煥二首

魏允札十首 陳哲庸四首

曹爾埏二首 錢嫌二首

孫復煒四首 陳詰倫五首

曹鑑章十首 陳謀道五首

曹爾埏二首 李炯三首

錢燁一首 陳秉十二首

五言排律

沈煌二首 魏學渠二首

陳增新一首 周宏藻一首

李煒一首 毛蕃一首

呂隅一首 李炳一首

魏允樸一首 計善一首

柳洲詩集

目錄

八

顧理美一首 魏允枚一首

孫錄一首 曹鑑微一首

蔣璩一首 曹鑑平二首

周振藻一首 魏允札一首

陳哲庸一首 陳詰倫一首

計敬一首 陳謀道一首

魏允桓一首 陳秉二首

卷之八

七言律詩一

沈 湛三首	褚 偉二首
沈 煌三首	王 睿二首
朱 輅一首	顏 黃一首
魏學渠十四首	蔣玉立十三首
沈樞之四首	丁 璜三首
陳增新十八首	徐黃嗣一首
孫 鑣一首	周宏藻四首
李 鄂二首	計 善五首
馮運隆一首	馮明升一首
柳州詩集	九
李 煒十三首	周 贊二首
計 能一首	沈汝雄二首
呂 寓一首	毛 蕃十五首
丁 叙一首	王之圻四首
徐之陵二首	夏 鱗一首
陸 淮二首	李 炳十四首
魏允柵十四首	郁 褒一首
李 燧六首	顧埕美十三首
曹鑑微七首	丁胤詮四首

周 珽二首	周振璜二首
徐時來一首	
卷之九	
七言律詩二	
魏允枚二十首	張 辰一首
吳熊佳二首	蔣會貞五首
周振瑗三首	倪 晉一首
孫 錄十四首	陳學謙二首
朱適成六首	周 珂九首
柳州詩集	十
蔣 象二十首	陳 昌四首
計 敬二首	郁自振二首
吳自求二首	曹爾垣一首
陸樹驥二首	卞 庚二首
曹鑑平十一首	戈元穎二首
沈 鱗一首	王 辰三首
陳暉吉四首	錢士賁二首
周振藻六首	陳哲庸四首
陸 凝一首	李孫煌四首

錢 煥二首

曹爾延一首

魏允札六首

陳詰倫四首

曹爾璵一首

錢 燦二首

孫復煒五首

曹鑑章七首

陳謀道二首

李 炯三首

錢 燁一首

陳 秉十首

卷之十

五言絕句全

沈 湛一首

沈 煌二首

柳州詩集

目錄

十一

魏學渠一首

蔣玉立二首

陳增新一首

周宏藻二首

計 善二首

李 煒七首

毛 蕃五首

王之圻一首

魏允柵二首

李 炯五首

丁胤淦一首
曹鑑微四首

魏允枚二首

曹鑑微一首

孫 詠二首

蔣 璟六首

曹鑑平二首

戈元穎一首

錢士責一首

魏允札三首

曹鑑章一首

陳謀道一首

陳 秉一首

七言絕句全

沈 湛一首

褚 偉二首

沈 煌四首

王 曆一首

顏 黃一首

魏學渠六首

蔣玉立六首

沈樞之一首

丁 璜一首

陳增新十首

周宏藻三首

計 善二首

柳州詩集

目錄

十二

馮明升一首

李 煒十三首

李 鄂一首

計 能二首

毛 蕃九首

王之圻一首

呂 鴈一首

徐之陵二首

李 炳八首

夏 鑄一首

魏允柵十五首

李 燦四首

孫 鑣二首

顧珵美六首

丁胤淦一首

曹鑑微八首

徐時來一首

陸 淮一首

柳洲詩集卷之一

毛蕃蔣璩

同學 陳增新 李炳 全選

李煒 魏允枚

魏允桡 曹鑑平

樂府

魏學渠 字子存

魏賓曰子存才高騁驥文擅雕龍當代奉
為君宗人倫推其領袖魏氏固多賢者不
徒以詩文重而詩文亦冠絕於時始與選
密子聞兩先生繼與交讓卜臣先後茲稱

柳洲詩集

卷一

樂府

一

三魏

赤茂曰丁丑戌寅間魏氏三先生領袖藝
壇主盟中夏余方髫髻邇邇之賦從會葵
丘見子存詩歌膾炙人口二十年來益鳳
矯龍變以雄渾為堂奧蘊藉為神樞正始
風流承嘉復振令
人有觀止之歎
子更曰子存如鄧
林千里一望鬱蔥

擬漢郊祀歌十九章

練時日

練時日燎芳薪馳閭闔肇明禋以輶靈來格承
玄休播潤澤靈之下覽九州橫四海集圓丘靈之

車挾風雨奕素虬建翠羽靈之飾佩陸離冠玉冠

衣龍螭靈之至雷殷殷雲容裔績哉紛靈已坐奏

琴瑟思黜眇神肅栗靈之醉顏既酡醺騰滿堂驪青

娥靈愉悅憺將暮若延佇鑒余素案盛潔旨酒欣

五音諧六舞分靈飄搖神光注紫氛翔如有遇

帝臨

帝臨中央四方平直雨明育幽淳化惻惻止戈陳

俎百禮具飭澤自天流后土蕃殖文質互制經緯

杳冥五色是根庶物咸寧

柳洲詩集

卷一

樂府

二

青陽

青陽執規農緯厥耒水泮土膏皇澤汪濊二氣和

同雉先聞雷草木競華原田每每歧動喙鳴行慶

施惠群生暉暉報祀弗替

朱明

朱明執衡凱風扇物草木莽莽良苗奮蔚陰莢在

下盛德恢台贊遂俊傑順序息災長養百穀膏鬯

方開羞桃薦麥昭假不回

西顓

西顓執矩。清商澄景。飭法厲兵。用威服猛。潦收水清。霆聲以謐。素風振條。實穎實栗。神祐孔將。九夏平秩。器用廉深。爰薦琴瑟。

玄真

玄真執權。服皂駕鐵。謹司蓋藏。同雲霏雪。寢兵墜戶。端守樸誠。寒柯斂華。東海無聲。沉翔咸蟄。良月就盈。神惠右之。旨酒既清。

惟泰元

惟泰元位。瓊宮瑤闕。含育陰陽。運次日月。恬漠無

柳洲詩集

卷一 樂府

三

始二有是承。網緼醺粹。五序繩繩。星辰相暉。雷風互應。結雨爲露。履霜知冰。萬國和諧。皇德并覆。卉木飛走。聿登仁壽。神光炳靈。流照若晝。繼緒順則。居歆胡臭。陶匏在御。鐘鼓列房。四瀛賓享。降福穰穰。

天地

天地茲臨。惟予是右。乾健坤貞。默承昭祐。雷覆九域。二曜齊光。丘壇儼設。燧火熒煌。乘路戴鞫。夙齋潔芳。薪升烟百。神悅祝史。陳辭不須臾。鼓管鏞鼓。

間笙竽。千童歌舞。列辟駿奔。靈來格思。玄酒苾芬。博碩肥膋。旨且有神。炯燁祈以。耦雲門。孤竹奏諧。聲金支翠。蓋紛來迎。雨師風伯。清玉京。春秋弗替。皇貺章。蒼龍赤鳳。相和鳴。紫幄紺席。森成行。調商引羽。節。那。窈。眇。角。徵。宮。聲。多。秩。序。禮。樂。萬。福。羅。炎。祥。休。明。永。止。戈。

日出入

日出入。出扶桑。入細柳。誰耶能知其。紐故景南多。暑景北多寒。景夕多風。景朝多陰。驂六螭以遨遊。

柳洲詩集

卷一 樂府

四

萬古無停馭。晨光下地。夕安識宿處。爲我謂日。何不休息。行健致泰。平長世。時萬億。

天馬

帝心眷天馬。至應昌期。飛若翅。沫赭汗。叶黃圖。神姿逸才藝。殊躡浮雲。逐奔電。是龍媒。雄顧盼。右天馬歌。

又

天馬來自西。歸聖朝。報以力。天馬來奔赤霄龍。之子靈昭。昭天馬來。還秋服。神超忽。誰者牧天馬。徠朝幽燕。晝荆吳。馳蹀躞。應赤符。天馬來太乙。

排闥風氣驗。若天馬徠林芝田。服上阜。出重淵。右

極天馬歌

天門開

天門開。肝巍巍。杳旭卉。肅明威。光遠耀。臨翠幄。根
麗洪。雲漢倬。瑤珉鉅。砌珊瑚。植庭精。氣流囑。馳騁
雲耕宛。虹蜺帥。屏翳布。長離奄。捷曳二曜。東西懸。
壁五緯。南北編。珠碧樹。參差焱。燭鈞天。廣樂繁吹。
闌氛埃。臨窳窳。仰視憊。眇延衆妙。滄滄涼。涼薄青。
霧所祖。廣福求厥路。玉繩瑤光。夜低度。冥受帝况。
柳洲詩集 卷一 樂府 五

景星

景星哲哲。兆臻嘉瑞。輝光榮炳。休應從類。鼎室汾
睢。沐日浴月。黃耳龍文。祚炎始出。金精彪發。雕鏤
化工。自天之右。萬茂稱嵩。覆以黃雲。生紫烟。金波
滅。滌守太玄。昭饗思成。奏朱絃。笙歌絳肉。鼓殷闌。
騶龍騰鵠。藉芳荃。春清縹酒。享用虔。河伯效貢。薦
鮪。隨神浮六幕。叶坤乾。名王稽顙。守在邊。帝力何
有慶。普天芙蓉切。珮來神僊。至尊那居。永億年。

齊房

齊房生草。玲瓏九莖。養老延耆。祥發紫英。瑤光粲
粲。精曜圖謀。上帝博臨。三秀連葉。

后皇

后皇網緼。四靈威靈。立我蒸民。日月重彩。軒朱繁
會。將事苾芬。薄海內外。車書同文。

華燁燁

華燁燁。啓天間。神下來。騰雲裝。揚翠旗。樂常羊。神
下來。乘玉輅。虎秋方。龍春路。神下來。炳蕭管。曳霧

柳洲詩集

卷一

樂府

六

五神

穀飭水綃。神下來。鼓琴瑟。依八風。諧六律。神下來。
騰雙蛾。閑巧笑。掄流波。神格思。酌天漿。浥湛露。芬
都梁。神安坐。絡美玉。扈夜珠。綃結綠。神暢娛。雲驪
曜。駕虹霓。翔紫宮。神告子。既齊稷。昇純嘏。朝百國。
五神愉。安厥職。靖四方。祚有德。肅明祀。潔嘉壇。奏
匏管。鬱椒蘭。注靈光。霏祥雨。黝然來。色以五。屑瓊
根。寫九醞。猜忽悅。翊昌運。沛蜺旌。鳴玉鸞。往復回。
恣盤桓。觴既畢。沐休惠。爽神飈。奄既逝。

朝龍首

朝龍首。羽騎陳曳星。旃來白麟。稟金精。昭火德。行
中規。音應律。揚駿惠。宜皇風。華殊俗。禪岱嵩。澤陰
崖。蒼海濤。醑百日。燠如春。紀元符。自天覆。

象載瑜

象載瑜。龍就泰。澤玄寒。儀赤鴈。啄玉禾。濯清泉。感
白露。凌絳烟。格神武。集靈囿。永隆離。萬福又。鵲八
荒樂未央。

赤蛟

柳洲詩集 卷一 樂府 七

赤蛟舞海波。清景星兒奏。階平潔清醕。泰瑞增載
璽。積神用侃臨。決濟賽海若。德懷柔。命以爵。靈殷
振。颯雲旂車。千乘風霆追。澤滂洋。踰蠻貊。抵崑崙。
邇積石。神醉止錫百祥。誰者受坐明堂。

掌公曰弘雅肅穆純乎漢
音真足以登明堂薦清廟
禹書曰吾黨之為樂府率多相和清商諸
曲獨子存郊祀解頡頏歌春容大篇直嗣
西京獨也一
時亭彥

蔣玉立

子存曰往予與錢邵吳曹諸子共佳教擊
時亭彥最少年來升沉異感獨亭彥

久困鹽車引異英才闢揚
大雅承前開後實推首功

釋賓曰亭彥詩格律既高氣體復厚如大
將振旅威著朔方麾下偏裨皆堪萬戶
赤茂曰亭彥昔遊燕臺有鉅公衡詩擬之
昌穀子相亭彥拂衣而起余嘗謂詩文先
意氣而後論工拙亭彥氣誼馳驅交滿海
內幾同北海樂安宜其睥睨古人不甘絳
伍

獨漉篇

獨漉獨漉汙泥側足振衣千仞景彼芳躅解洪波
奔趨源清流別沒汶者誰知幾則察解水深浪惡
欲渡無梁芳洲杜若難以褰裳解三鰕鉏小虫啖啖

柳洲詩集 卷一 樂府 八

泥沙龍乘雲氣湖海為家解四劍沉深淵珠混魚目
物失其所哲士改服解五濯纓滄浪孰不移情流覽
川上身高道尊解六

自君之出矣三首

自君之出矣膏沐為誰施思君如轆轤循環無已
時

自君之出矣不競桃李華思君如春卉常恐委泥

沙

自君之出矣金閨深不開思君如秋月夜夜入羅

幃

沈權之 字序威

禹書曰季威鴻才博學兼馬卿枚叔之長
所著古文辭皆浩汗縱橫不可一世其詩
奇致磊落自成一家如
絳雲在天輝彩四耀

君子有所思行

駕言出遊邁。長嘯陵丹壑。志意自高凝。寤寐安然
諾。時尚一何綺。笙歌掩杯杓。但見輕車飄。隨風耀
城郭。士庶逞通衢。連雲侈高閣。朝市互攀躋。華滋
自紛錯。平生誇信誓。得失分今昨。晴川映蘭芷。富
柳州詩集 卷一 樂府 九

貴徒酬酢。拙哉恬淡士。偃蹇如尺蠖。安意守鄙吝。
風尚無終薄。

丁 璜 字夏玉

燭昆日夏玉詩曠然無
蒙翳朗如白日投懷

懷儂歌

絲布未下機。令儂織手織。心中亂如麻。幾日得成
匹。
東風吹桃李。婀娜如有情。誰知零落盡。黃葉夾路
生。

達夫曰是
齊梁人語

陳增新 字子更

交讓曰子更沉酣風雅力挽頽靡每下一
語必經審諦深務雅馴陳跡獨出異裁禹書
善於言情卜臣工使事子更兼擅其長
如風胡鑄劍班爾運斤氣候已成矩度自
合

赤茂曰古人傳世之業必由矜慎刻燭擊
銅乃一時典會語耳子更才氣無雙良工
獨苦有陸平原之渺慮澄思兼劉長沙之
唼咳祇畏寡奏一篇煥如華陰拭土雖有
季緒壞壞吾知
其渾肘寡矣

卜臣曰自乙酉以迄戊子予與子更共事
于陳氏之東園者凡四歲相勗為詩子更

柳州詩集 卷一 樂府 十

沉思冥搜而出之予每類唐放
筆坐是不待抗行深以為愧

東飛伯勞西飛燕

東飛伯勞西飛燕。紅粧此日悲團扇。何來陌上秦
羅敷。含嬌發艷美且都。高樓明月光徘徊。斗帳流
蘇阿娜開羅敷。今年纔三五。雅善新聲兼妙舞。哀
箏宛轉度清歌。空留可憐奈樂何。

空城雀

何來四黃口。一巢竊共守。勞利復鳴啾。相顧尋阿
母。阿母林間避。走毛羽摧頽亦何有。秔稻如雲

委壘肥倉中儲粟更紅朽。雀饑欲死不敢啄。還向空城求其耦。空城不閉夜烏啼。白骨滿路迷東西。昔年畫堂雙燕舞。今日女牆群馬嘶。空城雀逐蒿藜乳。穀相失終相保。却勝焚幕之燕無留棲。空城雀願汝四黃口。慎莫舉族輕乘危。

前溪歌七首

葵井不可汲。素縷下前溪。前溪水亂漫。手挈銀瓶歸。

聞歡住前溪。門垂烏相樹。遶樹盡流鶯。愁心向誰訴。

柳洲詩集

卷一

樂府

十一

訴

流水無故心。行雲無故容。卽今意遷易。飄蕩如春風。

傍

黃瓜雖小草。引蔓故自長。聞郎有兩意。棄捐大道傍。

葛

葛根何荏苒。葛葉何喧萋。嬌兒乳可斷。莫遣郎心違。行願永相依。

黃葛復黃葛。生長南山阿。花落隨風旋。無由附女蘿。附亦奈愁何。

蘿附亦奈愁何。

廣親非嬖昵。延佇獨桑頭。歡作斷腸草。儂爲別浦流。何用解離憂。

野田黃雀行

君不見少年挾彈南山隈。黃雀毛羽何摧頽。何摧頽。弘農楊公顧之心甚哀。開籠放雀行復回。口啣明月珠。來報楊公德。避人作短語。還虞見彈射。爲我謂少年。張羅一網盡。何益世人取快。徒目前。

枯魚過河泣

涸魴猶尚可。所悲乃枯魚。枯魚未脫水。厥尾何從。

柳洲詩集

卷一

樂府

十一

從吹沫江湖中。風濤隨之趨。海波甚蕩潏。彼狎爲。

都居。鯢鯨不足羨。何論鰕與鮒。一朝輕出入。哀哉。

沸鼎餘。枯魚過河泣。作書報鰕鮒。陷危良自致。顛。

躓在須臾。

輝六曰寓
慨深至

飛龍引

軒轅之臺何高高。上絕青冥下臨滄海。擁金枝翳翠旄。飛龍挽駕奏雲璈。丹砂鍊就群仙朝。太清紫府同逍遙。攀髯杳冥墮烏號。墮烏號。望橋山。嵎湖。

水未涸。取駐顏。

周宏藻 字丙仲

解實曰丙仲詩緣情綺靡紛披古藻最善
玉臺諸體若以義山飛卿擬之非其意也

孟珠行

龍產于淵。淵乃龍家。我欲見龍。淵乎無涯。探龍得
珠。圓不徑寸。光明上騰。迫不可瞬。懷珠以歸。龍隨
我出。索珠不還。求爲我匹。乘龍天飛。下于中壘。還
顧舊淵。水枯沙赭。龍乎龍乎。疇我從乎。

掌公曰似
古語謔

柳洲詩集

卷一

樂府

十三

計

善 字廉伯

交讓曰廉伯學宗閻洛文擬周秦其詩一
本性情自開生向如蒼松勁柏梢日干雲
不與春并朝
華同其浮艷
赤茂口廉伯抱憂憫之志擔荷斯道願力
弘鉅昔陽明先生少工詩文與空同大復
齊名後乃不屑意然立言與功德俱不朽
廉伯當不岐視之也詩品交讓論之已當
不復
贊

白紵歌

彌天薄海懷聖仁。光風麗日熙皇春。君子有酒樂
嘉賓。舞來越地歌出秦。吳姬白紵光紛紛。流目賞

意難具陳。迥如銀漢橫秋旻。燁若澄江迴碧淪。明
璫玉貌嬌疑神。鵲鵲鵲立體勢真。九宇寧謐風氣
新。舉觴萬壽娛至人。壺漿機杼多苦辛。願終惠德
康生民。

李

煒 字赤茂

亭彥曰赤茂少慕周公瑾陳元龍之爲人
慷慨抵掌蘊義風生鬱鬱不得志發憤伏
誦天姿敏健于書無所不覓古文經緯洋
洋落紙烟雲幾同宿構詩則經營憂憂務
去陳言如鯨魚掣浪碧海生
瀾非翡翠蘭若所能彷彿
交讓曰赤茂少有大志博覽群書手束髮
定交讀其著作嘆爲奇絕十年以來專精

柳洲詩集

卷一

樂府

古

風雅以作者自命其詩聲宏而力厚如鍾
呂元音不同字瑟調響又如登太華之巔
俯視衆山
皆成培塿
解賓曰吾黨詩如交讓之蒼深卜臣之精
練禹書之秀逸爲同人所推赤茂更以雄
渾勝所著古文辭沉博絕麗時人比
之李本寧屠赤水予以爲未盡也
掌公曰赤茂詩凡二變昔年豪氣未除有
神駒振鬣月天之意近則放梵思玄縱心
游濠之鄉肆志塵壺之表洋洋義
義乃在湖外三山金堂玉室中也

善哉行

來日大難引袖知寒飲酒陸博皆不喜歡解僊人
王喬邂逅契語授我靈藥游戲帝所解金鸞玉袞

迅風朱陵客雲際念我友生解三鳳凰于飛解以
九子黃鵠遂翔志在其侶解四嗟子弗樂日月去汝
子獨何為長以辛苦解五至道不煩理絕名言千秋
萬歲將子纏綿解六

有所思

有所思乃在南海涯何用問遺君合歡連理樹綠
以青桂枝道阻河無梁欲濟傷我驕傷我驕中懷
悵然馳出門異鄉遠望多悲妾有雙玉環宛轉自
媚君不來兮誰見之妃呼稀東方漸高河宿垂他
柳洲詩集 卷一 樂府 五
日與君還哺麋

戰城南

戰城南死郭陌野死不葬尸枕籍烏啼以南狐
狸嗥以北禽獸各自戀鬼客秋風颯颯秋雨冥冥
殺鬼魂飛揚驚者徘徊泣其影坐明堂登玉帛稽
首窮荒盡蠻貊四方國殤各安宅悲爾賢豪賢豪
誠可悲朝歌玉門暮死邊陲

獨漈篇

獨漈獨漈水深泥濁水深可航泥濁沒輻解一南山

有鳳北山有羅鳳不爾即羅當奈何解二鷓鴣食鶉居
士無常所群俗嗷嗷是以不與解三猛虎班班不避
豪賢我欲拔劍奈爾腥膻解四蜂目豺聲不可向邇
窟穴三遷庖厨在市解五駟馬可縻去日載駁遂當
以游呼我所欽解六

直如弦

直如弦委道邇四座且弗誼聽我詞可憐結交指
白璧不如黃金百尋盟誓山川不如黃金千來如
團飄風去如散浮烟年少能著書不如絕交好林
柳洲詩集 卷一 樂府 六
米足酒具不如閉戶早

艷歌何嘗行

何嘗快獨無憂但當通世事握勝籌解一黃金結交
名士傾動公與侯解二起家承明侍從一歲九秩獵
組影纓跨紫駟解三又當養門下賓客朝取雄田鹿
宅暮起高樓解四百年如寄為歡不足拘牽絕墨有
何良謀解五美門徒空言彭祖終墳丘努力重自愛
我慷慨與君共綢繆上有滄浪天下有東逝流意
氣不如錢刀徒費不如車舟妄一男子假蹇行夷

猶爾何求。

東飛伯勞歌

青田枝上伯勞飛。相思樹下鴛鴦啼。誰家窈窕當
鑪坐。翠羽雀釵向君墮。象牀玲瓏文錦炫。玉魚的
歷金盤薦。年幾二八嬌面紅。天桃婀娜臨輕風。落
花一片東西路。空持可憐誰與度。

白紵舞歌

州來曰赤茂樂府尚氣使才多蒼鬱之致
乃亦能作情語此歌于諸篇中尤自新艷

璇宮夜靜月舒光。美人如花嬌北堂。蘭缸沉沉漏

柳洲詩集

卷一

樂府

七

未央飄如白雲來。無方宛若飛鵲雙。迴翔停睥善
疎幽思長將迎。若遠意莫量。搖搖綴桂飛仙裳。風
迴雪轉凝清香。蒼桴應節度笙簧。宛轉梁塵客斷
腸。持情向君君莫忘。千金顧笑爭年芳。

沈汝雄

字季平

交讓曰秀平詩名亞于秀威可稱雙壁今
嗣聲垂函琢年未勝衣詩才清麗臨秋先
生純季清忠流光編冊
天之報施固應不爽

苦寒行

策馬馳修道垂纒登山坡。樹木夾廣路烈烈西風

吹冽霜淒蔓草白雪積長陴。孤猿獨悲嘯寒鳥群
哀啼四顧惟一身。茫茫何所棲洞房猶不暖何况
遠驅馳晨駕恒苦勞。夕息恒苦饑翹首望故鄉悵
焉思來歸風烟迷故術抑鬱忘來蹊艱哉遠行役
憂傷人不知。

李

鄂字偉生

卜臣曰偉生詩如春日流鶯睨曉深
樹非必盡諧律呂能使聽者移情

襄陽樂

襄陽大堤上桃花傍楊柳。寶馬珊瑚鞭春風凝纖

柳洲詩集

卷一

樂府

六

手。

城西解佩渚神女夜中來明珠莫置袖掌上暫徘徊。

徊。

毛

蕃字穉賓

子更曰穉賓天姿英發學問淹貫下筆數
千言立就其長卿之工麗兼枚舉之敏捷
其詩如黃河一曲自然千里
交讓曰穉賓制舉久為文壇推重其詩
梯山舉致珍異又如龍宮寶藏不可
測識即如穉賓制舉久為文壇推重其詩
掌公曰穉賓制舉久為文壇推重其詩
神氣駛邁意態縱橫復極風人之致始知

兼才無
所不可

擬漢鏡歌十八曲

朱鷺

朱鷺蔚其羽。伐靈鼓。微辭諫明王。在梁之鵠。不可
下。慎莫誅諫者。

思悲翁

思悲翁。梟子拉查飛空中。美人不至思悲翁。北有
狡兔。南有走狗。欲取梟子先食梟母。梟母食驚驚
來梧桐。百尺植高堂。

柳洲詩集

卷一

樂府

九

艾如張

艾而張。羅彌四野。黃雀不飛。鴻鵠不下。毛羽摧頽。
黃雀哀鴻鵠。雖有垂天之翼。顧之常徘徊。鳳凰啗
啗網羅。何爲。

上之回

上之回。自雲中還。置酒甘泉宮。西城君長來陪祀。
獻方物。遣質子。舞節徐歌聲起。羽林執戟侍殿陛。
殿前群臣呼萬歲。

翁離

擁離趾中築宮室。植以蘭蕙。剪荆棘。陛下居之。萬
年懽無極。

戰城南

戰城南。轉城北。身被數創。弗敢息。謂我車騎且行。
向前。蔓蔞諒可樂。安能牖下受人憐。水流湯湯。蒲
葉青青。死亦不須避。烏亦不須驚。江以上。烏母來。
烏子集。腐肉啄殘。何太急。願爲忠臣妻子泣。期子
良臣。良臣誠可期。受命軍中。安得言歸。

巫山高

柳洲詩集

卷一

樂府

十

巫山高。不言高。河水深。不言深。君不我思。安知別。
離。誓以皎日。指以青松。棄予不恤。烟雨濛濛。徘徊
四顧。心悲傷。陟山無階。陟水無梁。

上陵

上陵鬱以高。下津深以寒。問客從何來。言從員嶠。
山子晉。顧我吹雙成。向我彈玉卮。招我飲。王母手
奉藥。一丸屑。城之鬱。銀山鶴。鳳凰來集。上林乍上。
乍下。遨遊物外。抱其英。瑤池之桃。不周之粟。光澤
離離。香馥郁。霞可餐。露可吸。乘雲車。祥風集。作書

寄上元招致未央宮陛下千萬歲顏色常如童

將進酒

將進酒祝無疆露湛湛夜未央歌新曲協律郎栢
梁初成再拜賀有能七言賜上坐

君馬黃

君馬黃臣馬驪二馬並驅臣馬肥願陪天閑遊八
極不願局促轅下仰天嘶美人馳以上森雷激電
美人良可思佳人馳以下森雷激電佳人難與期

芳樹

柳洲詩集

卷一

樂府

王

芳樹蔚青青上有黃鵠飛且鳴十五十五各呼其
群芳樹摧殘黃鵠飛中夜失侶將安歸妬人之子
說言工君有他心不相容說言孔多四海皆網羅
奈若何

有所思

有所思乃在東海隅何用問遺君紫羅合懽襦同
心胃結之君今有雨意棄置委路衢委路衢秋霜
蝕其華昔時中寄今日塵沙恩情中道絕從今以
往弗復憶君家妃呼稀金雞喔喔星河稀東方漸

高兄嫂知

雉子班

雉子班頡頏翔紛榆雄鳴鷗已和朝暮飲啄遙相
呼黃鵠之飛以千里弋人顧而慕之雉子乃在茂
陵中增繳高張何能達堯舜立澤虞巢父飲犢穎
水濱天乙雖聖務光不爲臣山以南山以北駕車
乘馬遊四國

聖人出

聖人出開闢開印杖貢駒駉來駕六龍封禪回美

柳洲詩集

卷一

樂府

王

人侍紛佳哉聖人御天四時和郡國計吏賢才多
天子乃詔太史記景星書慶雲元封元年中緱氏
見神人

上邪

上邪我欲與君相從陸有虎豹水有蛟龍激雷電
飛雨雪泰華傾頽滄海竭願得乘槎依日月何敢
與君絕

臨高臺

臨高臺望八荒八荒寥廓雲蒼茫江有香草生中

央美人之居在一方採香草遺美人我主萬年得之以爲臣

遠如期

遠如期懷仁義泰山從祀門外設位日月所出入五帝不得服三王不得賓漢德巍巍稽首闕下願爲臣單于刻諸侯王上謁者令引之向殿陳賜以黃金百鎰錦繡千純漢天子真神人率土內外莫非民

石流

柳州詩集

卷一

樂府

三

石流湯湯木蘭爲舟丹桂爲梁中有黝冥之黃沙遠道之人中心傷津梁高以危但見黃鵠飛其旁安得從之還故鄉

子存曰濟南樂府自謂胡寬之營新豐解賓獨行心哉又能不失本調可謂前無古人

州末曰群賓鏡歌諸曲音中宮商宜與咸英並垂天壤

王之圻

王臣曰擊城少受業于先庶常其知名最蚤爲詩矯矯有氣如蒼隼奮翮橫厲無前通年以來尚精揣摩稍疎聲律故至還頗寡

西門行

出西門步還思逝今不行樂且當何時一夫行樂當及時何堪猥瑣局促尙復需來期二沽美酒羔羊從吾中所愛爲可滿煩憂三人生如駒隙每懷無盡愁少壯條衰醜何不日歌謳四自非仙人王子喬壽命金石難以言自非仙人王子喬壽命金石難以言五一朝不復還多財爲累愚貪夫愛惜費但爲達者嗤六

悲歌

柳州詩集

卷一

樂府

三

道遠不難刺心立談可期自首結交何多以彼富厚今日黃金盡明日猶相知斯人果安在出門欲見之

呂

寓字新水

卜臣曰新水如閨閣少女月下鳴箏閒適清幽娟然有態

子夜春歌

芳菲桃李樹含香隔岸聞東風如有情吹向羅幃來

夏歌

輕移木蘭柵。採蓮清江。花斷絲牽。連亦解別離苦。

秋歌

白露滴空堦。促織鳴不歇。憶惟衣裳單。亂杵沉明月。

冬歌

自權去漁陽。朔風連昏曙。願入蘭閨來。莫向邊庭吹。

李炳 字燭崑

柳州詩集

卷一

樂府

五

古唯曰燭崑。柳詞豪俠似。與午間謝仁祖。哀彥道之爲人。詩則故明多姿。內台玉門。外長瀾。清與赤。茂雁行。奮翅平原。才多士。龍清省人。以品二。產者曰其兄弟云。柳廣曰。燭崑長于綴詞。深得柳耆卿周邦彥風調。其詩秀潔如新柳。含烟青翠可絕。字公曰。燭崑詩風度流灑。姿制清麗。如文君春日。羅錦江波。

玉階怨

玉階秋未半。朱網欲生塵。涼風却團扇。同輦更何人。妾怨心自知。深宮君不見。誰言色傾城。零落恩中變。君恩如轉蓬。妾寵舊時隆。更衣青瑣下。明月入簾櫳。螢飛何熠熠。玉筋秋還泣。梧桐覆金井。露

冷瑤華。濕秋來。悲白露。春至怨青陽。羨殺雙棲燕。年年玳瑁梁。

越石曰。詞本青蓮。更覺溫厚。

子夜歌

始與歡相識。儂髮齊兩肩。照歡見姿髻。宛轉得歡憐。

三更未掩門。見歡門前度。挈袂持問歡。行還自何處。

歡未明儂心。但看五月草。感化作流螢。微光尙相照。

柳州詩集

卷一

樂府

五

桃葉歌

桃葉復桃葉。枝枝自相接。微風落紅雨。飛來上眉睫。

魏允樞

字交讓

子更曰。交讓詩體合雅。驗義兼正。變廣羅衆美。獨自成一家。邑近來風氣日上。交讓實開其先。如若木揚輝。燭龍銜照。一法陰翳其觀。雖明可謂不愧古人。有功時哲。赤茂曰。交讓源家學。高蹈風塵。爲當今之功。安根矩矱。其詩上自建安。下至大曆。匠心獨詣。無不包羅。余年長于交讓。而稱詩獨遲。每得其緒論。以自淑。天鵲始鳴。雅靈

啓途人倫之先覺

風雅之先驅也
禹書曰交讓取境甚廣下筆簡嚴自兩中
讀禮後篇什味寡近口同人登選約百餘
篇凡與集中字句聲調相同者輒自削去
其珍貴如此○交讓詩久爲海內所稱每
與同人唱和辭體切律必悉其義故
我黨揚雄風雅交讓實推指南焉

野田黃雀行

百草被路衢。春風揚其糝。本無歲寒姿。青蔥會及
時。翩翩田中雀。飛不出藩籬。尉羅布四方。投足多
危機。壯心而弱植。感之良可悲。鳳凰絕雲霓。斥鴳
亦笑之。遊遊快適意。大小安所知。

柳洲詩集

卷一

樂府

三

孤兒行

余生未一載。慈父忽棄捐。襁褓罹百凶。同氣復終
鮮。雖有負郭田。亦恃粥與餽。妻妻歲欲暮。誰念衣
裳單。三遷有慈教。惟賴母氏賢。零丁備荼苦。歷此
三十年。愧無古人德。不能報所天。潔身慎履蹈。庶
以慰九泉。三復蓼莪詩。涕泗如流泉。

子更曰質
實不浮

將進酒

置酒譙柏梁。群臣何濟濟。是時漢德隆。四夷爲宿

衛甲帳羅西清。魚龍陳百戲。妙舞奏陽阿。二八競
妍麗。白露朝已晡。光風轉庭蕙。方當禪梁父。稱功
建隆碣。仙人來從遊。美門與高誓。良時樂相樂。延
年千萬歲。

有所思

佳人邈難見。遠在天一方。夢想覲音輝。彷彿接容
光。文犀爲君門。紫貝爲君堂。珊瑚爲君枕。玳瑁爲
君床。駕言我所思。山川淼以茫。方舟雖利涉。道遠
不可航。所思在何許。騁望空愁予。篋中雙明璫。約

柳洲詩集

卷一

樂府

三

之以白苧。願托晨風翼。將以遺下女。

柳洲曰交讓樂府每
于離處能見其合

楊白花

楊花二月白於棉。朱甍綺戶相對妍。三春楊柳可
憐色。坐惜紅顏移白日。楊花飄蕩不經時。天南塞
北遙相思。一夕章臺散如雨。吹去楊花不知處。安
得靈和千萬絲。盡種深宮作楊樹。

桂之樹行

桂之樹。乃在招搖之山。修枝偃蹇。薄烟霧。根連絕

澗流潺湲下有仙人六博飲上有青鸞白鶴棲其
間淮南八公好道術餐霞服氣相追攀金銀宮闕
玉爲柱百尺高樓共黃土雲中雞犬竟杳然巖巖
啼風猿嘯雨仙蹤緬邈不可尋空山寂寂愁人心
銀床素綆知何處桂樹青青自古今

李 燈 字 閣 尚

李

赤茂曰閣尚弟開戶覃情如王藍田怡然
自足不交非類詩亦爽朗多奇骨氣洞達

江南曲

柳洲詩集

卷一

樂府

五

江南春夜月滿觴清歌緩舞墮鳴璫顏酡不語同
徜徉同徜徉憐將別臨長干望中絕

龍笛曲

朱甍網戶臨水開中有美人清吹哀游子離心對
落梅對落梅嗟何及不可見空相憶

鳳笙曲

梧桐秋半雲霧輕何來錦翼雙和鳴碧空縹緲吹
鳳笙吹鳳笙將離曲聲不斷意難續

遊女曲

朝霞初舉露未晞輕塵窈窕襲人衣濃香冶色闌
芳菲闌芳菲揚青娥步羅襪生微波

陽春曲

紫陌年年芳草新行人賸歌和陽春春風宛轉爲
君輦爲君輦得君喜腸堪斷桃與李

蕭陶曰可與
本詞並傳

顧理美

字輝六

交讓曰輝六詩雄奇跌宕如海外三山珠
宮貝闕風雲杳冥可望而不可即又如韓
淮陰岳武穆用兵不拘
古法而自能出奇制勝

柳洲詩集

卷一

樂府

五

章公曰輝六才品高卓詩文宏偉一時名
宿俱稱畏友予與之同學自未能涉其
涯浹也

有所思

有所思乃在弱水外何用問遺君金縷同心帶緘
以雙魚綰以明珠文犀紹續之君今有他意身涉
大海解棄之精衛已填海六鰲同徙神山移青鳥
紛飛於海上問君之居青鳥不知雙魚已枯珠已
碎天高地厚諒知之

艷歌何嘗行

何嘗快。且翱翔。但當策駿馬。飛羽觴。解一祖父官至
萬石。兄弟納貲俱爲郎。解二結交王侯中。貴呼盧縱
飲。不惜黃金聲勢。煙赫驚道旁。解三又當多置別館
飾以珠寶。挾使燕趙名姁。解四人取適意何用低昂
笑彼腐儒。髮短憂長。解五植禾須殺草。求賢莫聽譏
錢刀爲朋友。古人嘗汗顏。宛洛多甲第。出入俱達
官。昨日歌舞堂上。今日瓦礫草間。不如徒步采藥
於商山。樂盤桓。

行路難

柳洲詩集

卷一

樂府

三

大海紫瀾白。日出大海陰。風沉白日。日自海中生。
溟渤何不平。丈夫壯齒不用世。徒見海水爭飛鳴。
與君飲美酒。且復與君飲美酒。黑烏黃雀飛滿天。
顧我利劍不在手。行路難。行路難。君不見三冬無
日海凍水寒。

其二

金樽且停玉管歇。聽我陳詞向明月。新人明如月。
借君日光發三五。故人暗如月。逢君日光晦如土。
日光無私月自取。月色誰榮又誰苦。故人還着初

見禰新人佩上易明珠。願君聽我行路難。願君弗
復顧摧殘。後來盟誓難。反覆白頭一心共苦歡。

赤茂曰古質蒼
涼似勝明遠

長干行

妾住長千里。與郎隔一水。憶妾嬌小時。學畫雙蛾
眉。郎來就妾室。手執櫻桃枝。明鏡未及斂。相見缺
容儀。母言當嫁郎。含羞避深帷。十四別母去。結髮
爲郎婦。迴身拜姑嫜。未嫻教訓語。十五綺櫳前。郎
來整翠鈿。願作鸛鵲鳥。比翼戲雲間。十六君行賈。

柳洲詩集

卷一

樂府

三

雲帆出三楚。聞道大堤城。夢見瀟湘浦。相思秋夜
春。橫波淚如雨。風吹桃李花。花飛不向家。妾正愁
孤寢。君又上三巴。天涯無定跡。尺素空相憶。三月
紫燕歸。綠水映雙飛。玉顏私自惜。見此忽沾衣。江
水日浩浩。風霜君自保。年華不久留。莫使悲秋草。

其二

憶昔初嫁日。不言長別離。如何隔南浦。三載失歸
期。妾是長干人。郎作瞿塘客。雨落化爲水。郎去無
踪。春來明鏡中。飛蓬損顏色。秋至綺袖寒。明星

悲夜織思郎白帝城。哀猿不可聽。莫駐巫山上。空懷神女情。爲憶閨中婦。雙淚連朝暮。誰言金縷身。不念紅粧誤。綠水有鴛鴦。丹山有鳳凰。少年相結褵。燕婉樂璇房。那知嫁商賈。歡情棄路旁。歲晚多霜雪。慎弗滯他鄉。

曹鑑微 字微之

字公曰從兄微之魏忠節公外孫也幼年失怙能刻苦自勵與交讓卜臣稱詩最久思深緒密克紹宗風同人以謝茂秦相擬猶夷然不屑其自命如此交讓曰微之如釋氏初禪已證聖果

柳洲詩集

卷一

樂府

三

臨高臺

高臺望難窮。草色滿宮路。不聞長樂鐘。遙見昭陽樹。昭陽非舊春。花落鶯還度。歌舞人不回。苔生輦行處。

行路難

西北有佳人。十五好容光。貯以黃金碧玉之璫室。飾以珊瑚翠羽之明珠。千金迴一顧。六宮少顏色。感君托芝蘭。妾意結松柏。芝蘭會有衰。松柏誓不。易。開明鏡。暮成泣容華。一去難自持。那得使君。

長相憶

龍頭流水歌辭

龍頭流水天寒日沒。敲石取火。鑿水炊骨。北風凜冽。漫天飛雪。弓刀在手。墮指出血。短兵相接。矢石交飛。死者不返。生者被圍。

陸淮 字秀壑

交讓曰秀壑詩如奇石名花可供清玩

月重輪行

海水崩。洞魚腦。滅妖。暮食月光慘黯。解羅耶。耶。

柳洲詩集

卷一

樂府

三

居中央者帝耶。解浮雲。掃桂輪。開一夕清光。遍九

垓。天平穰穰。萬福來。解三萬福來。氛祲匿。角端生。白

鳳出。臣願陛下鴻名永無極。解四

周挺 字上衡

燭崑曰庚開府詩綺麗子美獨許其清新老成上衡之詩似之

前有尊酒行

前有一尊酒。後有三尺墳。路旁石馬滿蒼苔。故老及見墳中人。當年秘器給東園。珠襦玉匣成灰塵。子孫不來牧豎至。墳前松柏摧爲薪。墳中人還在。

無尊中有酒盤有肴勸君且醉黃公爐

魏允枚

字卜臣

子更曰卜臣詩才情富造詞彩高華衆體兼長無美不備如天衣五紵分其片縷足以翫

人間

亦茂曰卜臣學綜古今情兼雅怨自靜惠難十五餘年遊離世故頭有飄海之歎故其詩多楚聲然其旨歸於安和

歸蘊藉不以抗壯掩其安和

李公曰卜臣少與交讓力追正始其振頽靡風氣卒開定推高矢其詩如長離苞羽

馬奕三辰

輝映八極

交讓曰吾弟爲年爲詩即能及格甲申遭家難後更沉鬱之恩天分既高取義復

柳洲詩集

卷一

樂府

三五

廣諸體盡善合作甚多不惟吾家白眉故是群賢頌袖

君子行

君子嚴蹈履戒之在未然威寵不因熱披葛不避寒吹塵每視既出杼乃懷縑立身期不苟擇義貴所安墻高惡基下盛名居獨難隄傾由蟻漏小隙兆其端大德謹細行所以稱聖賢

塘上行

青青水中蒲本乏芳華姿惠邀陽春澤託根臨清池柔條自阿那弱葉自紛披濡恩既云泥發藻日

以滋一朝涼風至白露泣盈枝百卉未零落望秋

已先萎良時驟不處盛年難久居物理莫不然無

爲獨怨咨所幸黃而隕微質尚可治願爲履與席

長奉待光儀

孤兒行

孤兒乞食里中淚下如貫珠問汝父何之答言父爲文學侍從遨遊皇都前年寇入甘泉危及乘輿主辱臣死父捐其軀不能陷胸絕脰相從九京但糜食餼衣人間自娛父喪雖歸十年不塋殯在五

柳洲詩集

卷一

樂府

三五

父儒學劍不嫻擊刺學耕不辨菑畲出門惘惘持一長鋏荆緱無餘五月披羊裘冬月無復襦復問汝兄行賈何處孤兒再拜前致詞我乃無兄幸不作嫂慮辛苦伶仃常獨當戶莫可與共語馳驅雨雪蒙犯霜露十步徘徊五並回顧茹荼攬涕將欲誰訴

辨賓曰卜臣遭閔凶宜其叙致爾爾

野田黃雀行

種稻滿野田稻熟未云穫垂穎何離離翩翩下黃

雀黃雀常苦饑。今乃恣剝啄。飽食摩蒼天。鷹隼群
來搏。微軀雖幸免。毛羽皆摧落。飛飛不能前行。將
困溝壑。道逢弘農公。特見相存錄。貯我巾箱中。飼
我禾與粟。養令雙鬪成。一舉凌鴻鵠。感君情獨深。
報君四白玉。願君作三公。忠貞彌世篤。我亦善自
藏。不復遭驚覆。

解六口雖非本詞
意而蒼古特甚

艷歌何嘗行

何嘗快獨爲娛。但當扶繡轂。曳華裾。解一起家爲羽

柳州詩集

卷一

樂府

三

林郎三遷執金吾。解二兄弟位二千石。朱輪奕奕時

與王侯顯者俱。解三但當在堂上。命酒速我嘉客彈

棋。意錢博塞樗蒲。解四高會既張廣樂具。奏荆艷楚

舞。越吹吳歎。雜進以自愉。解五良辰不再來。願言各

努力。吾疇昔與君相和諧。出亦以徘徊。入亦以徘

徊。西眺河水淪漣。東望崇山崔嵬。信誓旦旦。莫疑

清延年萬歲樂不易哉。

白頭吟

青如澗底松。鬱如巖下風。君既有兩意。何用復從

客。念我平生歎。以膠投漆中。安知逢彼怒。中道棄
如土。新人織流黃。故人漚管亭。新人上高堂。故人
持門戶。新人玉爲顏。故人淚成雨。新人日以親。故
人日以疎。在昔結同心。白頭不相渝。一朝意氣失。
恩義難重孚。末光尚可回。猶及照桑榆。

地驅樂歌

烈烈淒淒。草木變衰。牲鹿無林。棲鳥無枝。

白桐不實。華何靡靡。隣女不嫁。三十七子。

顛倒郎前。枕郎左臂。微伺顏色。郎懷兩意。

柳州詩集

卷一

樂府

三

我有輕紉爲郎作。巾郎不自佩。以奉新人。

捉搦歌

澁布難縫。且停刺生馬。難調且緩轡。男兒失志爲

人棄。老女不嫁。空踟地。

誰家女兒工學步。羅裳小開。襦裙露童男。新婚得

窈窕。壯女聞之笑成怒。

襄陽城南大堤側。女兒一一嬌春色。可憐愛錢不

愛德。寄言百媚各努力。

紅羅斗帳翠羽葢。四角香囊連理帶。夫家爲內母。

家外生女作計太狡獪

赤茂曰似焦氏易林申語

烏棲曲

木蘭爲舟桂爲楫蓮葉蓮花自相照日暗風生香襲衣渡頭浣紗人始歸

其二

翠帶羅裙私自憐含羞斂恨爲君前銀河橫天珠斗落洛陽城頭鷄喔喔

其三

柳洲詩集

卷一

樂府

三

吳刀蜀錦鄭綿絡長掩寒閨夜被薄金鞍初自隴頭還落花啼鳥春未闌

其四

江南女兒名莫愁貫酒留賓不解羞月低參高天欲曙含啼送君從此去

古聖曰卜臣擬橫吹清商諸曲甚富不能盡錄僅登三題窺全豹者不妨先試一班也

淮南王篇

淮南王好神僊枕中鴻寶書百篇解黃金作鼎玉

作盤齒精搗藥成一丸二成一丸奉八公八公長

眉方綠瞳振衣揮手遊洪濛三解海上三山山築城

願招鸞鳥偕君行四解偕君行報君德朝夕隨君侍

君側五解犬吠深宮雞鳴樹相携白日升天去六解

空城雀

空城無人百雉參差離離禾黍施于中遠奮翅鼓翼群雀來依大雀啗穀穗小雀啗穀稊黃口未能

啗而母張其願田間一老翁舉網來伺之群雀見網羅相將向城棲老翁不得上群雀方嘻嘻何當

柳洲詩集

卷一

樂府

四

鸞鳥疾爪啄利如錐一擊舉數雀摩翮雲中飛大雀顧小雀吾儕作計良已非食禾但爲鵲飽悔不深藏叢薄常忍饑

蜀昆曰托諷隱約風人之遺

楊白花

春色到春閨春情蕩春月風暖草深日正長楊低柳合花如雪河邊曉地百丈絲無故年年送別離願君移植深宮去不向人間飛落絮

越石曰卜臣樂府雖不作却祀號歌其餘有韻可讀者無所不擬規摹既至音節俱

孫

諧而命意屬辭更能自出新致于歸
所謂當其無有擬之用殆庶幾焉
錄于古聖

朱鷺

子更曰範古視人才分苟非天姿高卓足
以度越前無便如王之學華似而愈遠古
聖用筆無字不規摹古人然有清峭之氣
以挾之鍾司徒書雖體兼衆家而有十二
種意外巧妙非從
門人者所能知也
交讓曰古聖如玉
勒金羈流連春陌
上臣曰古聖少即工詩十年以來與余輩
講求格律其持論最爲謹嚴每有經營未
嘗輕下一語如條侯屯兵細柳壁壘精
森步伍整飭雖天子亦爲按轡徐行

柳洲詩集

卷一

樂府

聖

霞下非無食刷羽向天池徘徊原四望拉查自相
隨色並丹山美名同漢鼓垂滄瀛如可至羅縠未
能施

上之回

雲罕揚絕漠玉輦出回中草徧榆闕白烽連秦時
紅清笳寒落日飛旌捲朔風擁仗千官肅開宴樂
無窮

巫山高

迢遞荆門道巫峽鬱參差列岫渺難辨飛雲無定

期彼美疑在望顧瞻已後時懸崖白日晚髣髴焚
見之

芳樹

興囑出郊甸春日衆芳舒枝枝自搖蕩葉葉自扶
疎落英紛無數拾翠意有餘容色詎相似嘆息難
獨居

關山月

清輝無遠近迥照玉門前當牕自燭燭惜別已年
年流影隨輪桂寒光動劍蓮一夜鳴刁斗萬騎入

柳洲詩集

卷一

樂府

聖

祁連

赤茂曰謝宣城賦
古題堪爲伯仲

度關山

上古之世民不夭扎浴無淫祀獄訟惟允皋陶作
士禮明樂幽佐其成以報天子商周代更其道如
矢秦氏失職楚人一炬炎漢之興百禮具舉經營
上都五條三市扶風三輔各得其理郡國而下咸
稱上旨左右賢王稽首受事於樂佳哉建牙設虞
侈大之萌實由五時夜度關山蕭蕭振旅羽林十

萬民亦勞止

釋賈曰神似孟德

燕歌行

秋風蕭瑟雁南翔。草木搖落激繁霜。蕩子何之路。彷徨出門四顧但他方。越陌度阡難自量。樂往悲來中心創。援琴慷慨登中堂。一曲未終淚霑裳。會日苦少別日長。安得日月常相望。衆星歷歷流清光。發來念子不能忘。月明露白夜未央。欲往從之河無梁。願爲雙飛還故鄉。

柳洲詩集

卷一

樂府

四

擬白頭吟

白紵自有情。綉扇自有心。四座且莫唱。唱我白頭吟。風昔事君子。誓言恐不深。君子重明德。歡愉及良辰。素節當蒙察。膠漆同苦辛。追惟既失所。故人敢具論。新人仰念舊。故人已沈淪。還將故人意。持此語新人。令顏終莫保。憂戚將誰陳。聊知弦望明。滅知星辰。天道已如此。微命何足嗔。

猛虎行

臨深不入大澤。登高不上九嶷。客行豈無樂。遠道

不可知。末光無留景。修林少寧枝。勢去難再回。時往遡前期。遇險夷情志。結懽振容儀。君子行仁義。茲理察如絲。杖策將從遠。母以苦辛移。曠哉懷耿介。安辭素與緇。

子存曰去士衡不遠

獨漉篇

獨漉獨漉。水淺泥滑。臨河而歌。茲理難察。解一海不厭濶。江不厭深。龍鰅雜處。各自爲心。二山有猛虎。樵採去斯。網羅匝地。履道如夷。三蓋厄以鏡。刈葵

柳洲詩集

卷一

樂府

四

以戟卑智。處高急何能擇。解四鸚鵡能言。玉籠羈之。安知鵲易。鳩弋不施。解五楚妃善舞。越女善謳。工則爲媚。詈之者愁。解六

朱適成 字求仲

交讓曰求仲詩清新流麗如楊柳迎風梧桐垂露李父介先生名德蚤世得此快恨弗及見也
解寶曰求仲如瑤臺玉女餐霞茹雪絕去人間烟火

君子有所思行

駕言適周道。雄堞蔽原陸。闐闐何殷殷。車馬紛溢

目連雲聳高間。鳴鐘接華屋。清流自潞洞。茂林翳
池曲。甲帳懸隋珠。蘭房綴璫玉。冶客有新故。愛弛
異涼燠。人生如遠客。盛年豈常復。睠彼貨殖士。擁
貲日徵逐。懷安行敗名。膏粱實腊毒。立德不期富。
哲人以爲勗。

字公曰藻思辨
永亞于士衡

周

字越石

卜臣曰越石才名與輝六北是及其兄謂
揚韓聲並重一時其爲詩清麗秀逸駿
欲度驛驛前豈直群賢避
舍雖諸兄亦憂其火攻矣

柳州詩集

卷一

樂府

五

禹書曰越石如渥注龍種初人
天開矯首雲衢時欲絕塵而上

行路難

勸君黃金竿之醴酒。鼓君白玉匣之水絃。坐君明
月九華之鴛帳。遺君流霞五采之鸞箋。春風秋月
不相待。紅顏衰老誰復憐。願君忘憂且擊筑。聽我
長歌行路難。章臺碣石有時毀。人生安得常少年。

蔣

字禹書原
名玉章

赤茂曰禹書少負環才有高世之志其詩
向爲陳大樽先生所賞上邇漢魏下迄三
唐無體不善而雅潔絕倫如瑤臺驪嬋遺
世獨立其雲儀玉耀不假妍于青沫也

燕歌行

交讓曰禹書詩如天孫之
錦非人間機杼所能彷彿
卜臣曰丁亥春予與禹書共爲詩社同盟
凡七人實稱同調嗣後升沉不一予復奔
走風塵而禹書精進無
方遂覺叔子去人彌遠
亭彦曰禹書弟才藻飛揚少有神駒之
目雖踰踰十年而抽毫綴辭不掩精彩

枯桑次寥天。風秋交河九月水。不流旅雁哀鳴求。
其倚君何它鄉。獨淹畱念君不歸。長客遊山川阻。
越道路修一往倏忽歲月道。賤妾鬱鬱心煩憂。援
琴挾瑟登高樓。調絃促柱消我愁。一彈再鼓吟白

柳州詩集

卷一

樂府

五

頭含情緘怨寄幽州。仰視歷歷明星浮。使我泪下
不能收。君復何時展綢繆。

白紵詞

惠風拂地迎青陽。嬌歌豔舞遲洞房。輕袿綺靡錦
袖長。矯若雲漢青鸞翔。七盤赴節雙雁行。極妍盡
態神無方。四座相樂傾瑤觴。秉燭繼日夜未央。美
人一笑迴流光。

西洲曲

送郎到西洲。別郎在高樓。春風入懷袖。不散妾心

愁西洲風日好。二月春還蚤。雙飛兩蛺蝶。傍儂門前草。草綠蒲橫塘。思君不可忘。別時鬱金被。三載空餘香。香塵逐風起。飄度西洲水。水遠復天長。烟波千萬里。萬里如轉蓬。人在石城東。客遊無近遠。歸夢落簾櫳。夢來下江南。夢去度江北。南北路阻修。去來情何極。含情向西洲。腸斷水東流。流水無時返。望郎不回頭。憶郎春已暮。折柳春江渡。西洲人未還。春心滿江樹。

子存曰。流音圓亮。不減本調。白覺遠出飛卿。

柳州詩集

卷一

樂府

四七

楊白花

楊白花。一去三千里。朝飛江北暮江南。飛逐春風落春水。春斷深宮音信稀。花飛茫茫去不歸。誰令楊花白。紅顏坐相惜。楊花飄蕩本無根。那憶金鋪舊日恩。

古聖曰。勁于子厚。逸于景文。

江南曲

東風驗岩罌。花早遊人競。出江南道。踏青懷芳折。瑤草折瑤草。空沉吟。望千里。傷春心。

朝雲曲

巫嶺荆臺遊楚妃。仙裙玉珮雲爲衣。君王婉戀夢未歸。夢未歸。惟無極。細腰官長相憶。

陽春曲

二月三月桃李開。瑤簫金管臨高臺。引商刻角弦中催。絃中催。聲半苦。歌未央。日當午。

遊女曲

漢皋洛浦生風光。採珠拾翠同翱翔。相逢一笑解明璫。解明璫。流芳澤。喻中懷。無所惜。

柳州詩集

卷一

樂府

四八

鳳簫曲

秦樓百尺凌青霄。仙侶欲昇天路遙。齊聲合氣吹鳳簫。吹鳳簫。朝復暮。乘彩鸞。向烟霧。

採蓮曲

朝爲慈溪女。暮作吳宮人。吳宮歌舞惟不足。弄舟採蓮香水曲。香水綠。荷花紅。水綠雙蛾映。花紅兩靨同。迴橈蕩。漿蓮花。叢遺簪墮珥。蓮葉東已看。澹花間。露復度。氤氲花上風。風飄露冷。沉光彩。蓮花顏色那能待。那能待。還及時。及時採蓮今已遲。

何處蓮塘無惜別。誰家蓮浦不相思。相思江南路。
採蓮朝復暮。蓮葉爲妾衣。蓮花爲妾步。持蓮還比
妾。妾顏蓮不如。流丹舒菖蒲。拂翠引芙蓉。驚飛錦
水雙棲鳥。戲躍蘭江比目魚。雙棲比目嬌堪羨。葉
密花繁看不見。只愁藕絲斷更牽。不道蓮心苦難
變。烟波搖蕩採蓮舟。風光幾度蓮江秋。吳歛越艷
斜陽外。一曲蓮歌更起愁。

薛寶臣婉約多姿
堪與王子安相匹

鳥棲曲

柳洲詩集

卷一

樂府

四九

妾家朱樓對楊柳。夜夜空床悲獨守。樓前柳樹群
棲鳥。雄飛從雌枝上呼。鳥啼啞啞爭枝宿。爭枝不
得還相逐。樓中思婦聽鳥啼。坐看月落風淒淒。風
月徘徊照羅綺。明河斜映西江水。一夜千年幾斷
腸。啼鳥未絕金烏起。

陳昌

字漢彬
交讓曰漢彬詩如承平宰相守祖
宗成法坐致清寧海內想其風采

子更曰禹書樂府擬漢魏者已有蕭蕭行
世今茲所錄大都調本六季間涉唐初加
以青蓮俊逸之致雖
格爲之無傷大雅

卜臣曰外從歷代亭先生理學爲一代名
儒外易子近先生博極群書負觀古之識
先處當所雅畏友也漢彬少傳家學不啻
以詩見長而詩更超卓如卅穴靈禽振儀

善哉行

秋風生涼白露爲霜。木葉微脫蟋蟀在堂。一憂來
感物不可弭忘。何以間之刻羽含商。二乃釀美酒
載炙肥羊請呼所歡。其爲樂方。三人生百年晝短
夜長。今我不樂日月其亾。四流水湯湯鴻雁來翔
隨波容與聚散靡常。五解並坐接席出門異鄉別促

柳洲詩集

卷一

樂府

五十

會遲願卒此觴。六解

赤茂曰古調能見渾脫往惟于鱗檀塲
近則卜臣有此境地此作差堪昂足

鉅鹿公主歌

當壚女兒年十五。黃鵠爲歌白鳩舞。
高華大馬幽州賈。坐傾醅醖色如乳。
可憐不嫁東家姥。夜夜空房淚成雨。

計敬字訪州

薛寶曰吾友廉伯操履端方人倫東國勗
冊才華秀佚如春堤芳草處處迎人能步
武哲兄親賢樂善
其造就未可量也

楊白花

楊白花。搖落章臺路。宛轉襲香裾。飄飄引芳步。春
江拂拂春風吹。楊花復逐春風飛。可憐楊花飛不
住。莫向樓前種楊樹。

曹鑑平 字掌公

赤茂曰。掌公詩氣象。各音節。高亮有正
雅。而無變風。得詩人溫柔敦厚之旨。如簡
韶九成。金聲玉振。可
以致風雲下。三鶴
子更曰。掌公年少。雋才克承家學。予與子
開撫塵宿好。每見小阮風流。蓋深山陽之
感。

柳洲詩集

卷一

樂府

五

釋賁曰。往往與亭彥掌公入燕。登高覽古
予兩人陳覽。悲涼掌公獨以深情雅致相
為倡和。其詩如李長源。朝披一品衣。夜抱
九仙骨。雖從容廟廊。平章軍國。而松風之
夢始終
不渝

君馬黃

君馬黃。臣馬驪。二馬相逐追輕飛。龍種本自出西
陲。美人歸以西。駕車馳馬頃刻瑤池湄。佳人歸以
東。駕車馳馬蹀躞林光宮。

空城雀

空城雀。子母恒相依。朝餐蓬蒿。暮飲清池。悲鳴睥

睥間。朝朝暮暮荒林棲。何來一肥雀。言向倉中居。
倉中積五穀。剝啄剩無餘。黃雀日肥。五穀日少。上
官來視倉計吏。書下。下。快彈出四野。張羅遍八埭。
肥雀已入青旻去。群雀方自空城來。空城寂寂恒
苦饑。出門反遇矰繳施。雀乎雀乎。悔不隱迹空城。
何為却從肥雀飛。

枯魚過河泣

鯨鯢善變化。鼓鬣游江湖。大者吞魴鱖。小者吞鰕
鮒。天帝怒驕侈。施畧命澤虞。剪君雙絲綸。勅令辦

柳洲詩集

卷一

樂府

五

中厨揚暑終。見縛魴鱖笑。其愚鰕。鰕非吾有。沮洳
亦無餘。吁嗟風波險。不若深淵居。

肅陶曰。寓
意遙深

車遥遥篇

車遥遥。馬蹏蹏。送君上計西入秦。道旁細草柔如
茵。車輪日轉黃塵裏。願為黃塵逐車起。得着君衣
衣化綈。

懊儂歌

問歡上水行。送歡至江溪。遙望千幅帆。懊惱不得

止。

西風吹五兩江陵一日還金犢六萌車遊戲白門前。

戈元穎

字長鳴

赤茂曰長鳴幼讀等身書視陸平原二十
作賦年又先之詩古文刻意鏤彩譚然春
工少年著述之富未有過之者其神姿高
朗如瑤林瓊樹徽音芳訊吐納風流想見
叔寶弘
治當年
交讓曰長鳴詩如鶴
唳霜空清響自足

步出東西門行

柳洲詩集

卷一

樂府

五

莽莽囂紆道回車遵長衢天氣肅寰宇萬象森來
趨前有戢哉山草樹自相扶虎豹蹲我側焉知非
騶虞直顧無匿心俯咎憐崎嶇我行陋矩步日月
寄馳驅丈夫負雄名寧與飲食俱靈彩照燭龍義
問揚笙竿抱情覽世軫殷勤表區區

前緩聲歌

東去之蟾必有西遊之鳥百年鼎鼎人生代徂有
酒聚親串欲飲不飲將奈何因復思南山之虎必
有北溟之魚沒羽張羅往來弋釣神仙居風高日

白安用埜躊躇請君身騎赤驥縱所如

掌公曰音
節極古

門有車馬客行

門有車馬客駕言來長安嚴霜凋林木道歲衣裳
單拂纓重入門默默殊寡懽斟酒無異辭勸君爲
加餐蒼黃在須臾刺促少盤桓寓目多所激中坐
發哀歎乘時務壯往識微良獨難持彼崎嶇意慨
焉增洿澗

白紵詞

柳洲詩集

卷一

樂府

五

九華照耀光滿堂博山烟轉春風香步搖寶髻懸
鳴璫美人斂步出齊房靡顏膩理成文章私憐顧
影良無方清歌宛約聲繞梁乍行復止空斷腸鸞
竦鵲時雲中翔纖阿欲落天蒼涼目成含睇慎莫
忘

孟門行

勸君金叵羅酌我葡萄酒恃德敢一言含意猶自
後世上報恩亦徒語那得相知成白首黃雲動地
橫丘山孟門險八尚可攀君心既去不復回宛轉

空遺雙玉環。黃雀高飛天漢迴。一彈再射何時還。

王辰 字天市

隴賓曰天市詩如豫章七年與凡材自別

朱鷺

振振有朱鷺。脩脩厲其羽。朝飛食茄下。日暮啄諸黃。雖無六翮施。高下任翔翥。淵鼓節和聲。刻鏤以爲樹。雅奏揚清塵。亮音廓天路。赤雁棲上林。越裳効馴雉。聖主御六合。庶物盡康豫。轄上金鳳凰。翻自來去。

柳洲詩集

卷一

樂府

五

懷儼歌

相送臨大江。江水繞江樹。願吹十日風。江上留郎住。

陳暉吉 字履旋

卜臣曰先外祖靖質先生鑑賦之才追踪屈宋先易氏懋功先生天人之學接武賈晁並以天授未竟其志履旋七歲而孤卽能自立紹其家學卓有時稱詩亦清雅如白雲自流丹霞獨照

白紵詞

三月鶯花入綺簾。玉輝繡戶羅管絃。醉臨美酒玳

瑁筵。芙蓉羽帳映寶鈿。那郢少女何嬋娟。年華如

錦私自憐。芳曆乍動珠玉宣。長袖一舉鸞鳳翩。送

笑曾波美目。傾身顧步態迴旋。博山獸炭生綠

烟。九微熒煌月不前。永夜深沉樂纏綿。勸君爲歡

及盛年。

錢士貢

字巖燭

隴賓曰巖燭丰姿凝重神氣和朗其詩如流水高山曠然清遠燭其詩如流水高山曠然清遠燭其詩如流水高山曠然清遠

柳洲詩集

卷一

樂府

五

懷問歌

儼愛春景妍。春風吹遊絲。蜘蛛結作網。相連無已時。

人云懽薄倖。儼自不解薄。不見芙蓉花。朝開暮還落。

襄陽樂

酒肆列名倡。馬馳千里道。未到鹿門山。不識襄陽好。

周振藻 字肅陶

群賓日肅陶泥深好古兼工書
法詩如寶劍拭土光麗芙蓉

卜臣日肅陶如王謝門中佳子弟
善老莊清言四圍雍雍無非玉屑

招商歌

商戰舉今日映池芙蓉激滌呈妍姿今我不樂日
景移激絃騰吹新聲近千秋萬歲相為嬉

東飛伯勞歌

東飛伯勞西飛鵲巫雲洛月紛相屬誰家妹子理
瑤琴商聲羽調愁人心紅顏綽約垂羅裙芳姿蘭
氣鬱不分女兒年幾十四五步搖能鑑掌能舞三

柳洲詩集

卷一

樂府

五

春柳絮隨風旋可憐獨處悲華年

魏允札

字州來

赤茂日州來年少慷慨品心正骨為氣誼
干城攻詩未幾橫錦散珠已極瓌麗足以

獻酬群彦

對揚兩兄

交讓日州來弟詩矯健清出
如俊鶴初生已具摩天之勢

前溪歌

含愁倚門望前溪散蕩舟莫作泛泛心日逐水東
流

輓轆前溪上擔瓶汲溪水雙絲百尺長願歡情如

此

歡來渡前溪萱草生溪北花如含笑迎此時應見
憶

前溪共折藕藕斷絲自連兩情中不絕儂爾歡亦
然

桃李為有實蘭芷為有香黃葛雖小草念之永弗
忘涕淚沾衣裳

摘得後花好前花委中路道是解憐新何如莫棄
故棄故新不附

柳洲詩集

卷一

樂府

五

逢歡獨桑頭別歡東武亭白日漸西沒夜色已冥
冥歡去應負星

輝六日極似木詞
更能自出新意

陳哲庸

字孔益

群賓日孔益詩如鳴鐘傳鼓護蹕
渭橋千載以還猶憶漢儀之盛

卜臣日劉季綽兄弟子姪當時有七十人
並能屬文梁史以為美談孔益與弟安上
及從兄弟漢彬心微再從兄弟廷益履
旋茲著時名吾邑群從之盛罕見其比

白紵詞

吳娥下機始成匹輕雲如質銀如色裁作舞衣耀

朝日佳人被之態。彌逸龍游鶴轉鸞。鳳出佐以齊。謳趙女瑟清歌一曲爲君畢。

錢 燦 字介子

燦見口介子詩。飄然俊逸。如三河少年。被服都雅。

君馬黃

君馬黃。臣馬蒼。二馬交馳驚大荒。白玉爲鞍錦絲裝。我將東至海外。日月繚繞海水阻。且邁我將西上。崑崙虎豹蹲踞崑丘勢。欲吞

桃葉歌

柳洲詩集

卷一

樂府

五九

桃葉映桃花。灼灼艷如火。人知桃花紅。誰識桃葉苦。

曹爾壇 字彥範

彥範詩如小棹。平川風日流麗。

折楊柳

去年折楊柳。還與君同陌。今年折楊柳。關山千里隔。思君不可見。攀條長歎息。遙遙玉笛吹。總是傷行役。

孫復煒 字載蕃

赤茂曰。載蕃詩。豐貴善和。如八菰三鬯。有芍藥之劑。

桂之樹行

桂之樹。桂之樹。上有縹緲之白雲。下有蒼茫之紫霧。桂生一何森榮。仙人結廬其間。自言百歲善養生。我欲後天不老。攀蘿捫葛。願得服食要道。教我餌紫芝。餐黃精。三年鍊形氣。十年葆神明。乃得驂鶴排空行。朝遊蓬島。暮宿層城。

曹鑑章 字達夫

釋賔曰。達夫詩。如出水芙蓉。鮮潔可愛。比諸掌公。猶法曹之于康樂。

柳洲詩集

卷一

樂府

六

古聖曰。達夫如桐柏金庭琳瑯。瓊精流輝四照。

楊白花

楊白花。何不飛來却飛去。江南三月春草芳。楊花飛去落何處。楊花去不歸。春風入絳幃。含情不語。日初斜。愁殺江邊楊白花。

東飛伯勞歌

東飛伯勞西飛雉。宓妃神女時相值。誰家女兒。芳華。舟濃黛。輕紅香氣流。蘭橈桂楫芙蓉艸。明珠翠羽青琅玕。女兒年幾十四五。宜笑宜歌。復宜舞。逆葉。

田田俄度春可憐玉顏爲誰新

越石曰
似簡文

子夜歌

常慮見疑猜歡今果相負鑄金作蓮花何由得成藕

約歡人斷後獨坐羅帷裏列炬不張燈淚落無時已

陳謀道 字心微

赤茂口往見心微小賦彷彿江鮑與淵伯賞擊者移日諸詩宛綢繆至具有章程

柳洲詩集

卷一

樂府

全

白紵歌

華燭熒熒玳瑁筵長安遊俠美少年手持珊瑚七寶鞭下馬持盃錦綺前金釵十二正流連秦笙趙瑟鳴鳴絃氤氳香霧蕪蘭荃願君長夜生芳妍

陳 乘 字復臣

子更曰夏臣功從予遊穎悟獨絕年未弱冠卽傳賢書奉事吾兄于方克盡色養不鬼制部公家風屬意詩文博涉于史尤爲吾宗之秀于近兄歿夏臣以哀毀寢瘠而天才踰輔嗣一歲耳昔子相公實與王李齊名而無年玉樹長埋古今同慨卜世曰夏臣高才蚤世一時名流莫不痛惜素與予輩解詩因簡遺藁錄之篇末感

念時昔不覺法然其詩如霞起赤城瀾瀾屬地若天假之年所造正未有艾也

巫山高

巫山高不可極河水深不可測山高水深何由奮翼山上有黃鵠水中有鯉魚欲通音信手不能書立馬徘徊仰天歎歎悲有餘浮雲千里駕言歸故廬

自君之出矣

自君之出矣掩袂泣刀環思君如高山可望不可攀

攀

柳洲詩集

卷一

樂府

全

自君之出矣微風中夜起思君如春蠶歷亂不能理

魏儒炎

後學陳 欽全校

周儀世

柳洲詩集卷之二

毛蕃 蔣璩

同學 陳增新 李炳 全選

李燁 魏允枚

魏允楠 曹鑑平

五言古詩一

沈湛 字淵伯

赤茂曰淵伯古文出入史漢八家能以天巧獨運卓然文苑宗工詩則包含弘富例映領河清然之清適兼嘉州之悲壯其于吾邑如荀子之在蔚陵

柳洲詩集

卷二

五言古

一

詠張子房

子房出世。人渺然不可仰。詎愛攀龍鱗。而冀封侯。出破產直爲韓。報仇心更急。當其東遊時。狙擊博浪側。一發中秦皇。志願良已畢。豈肯跪老人。復學太公術。此志既不遂。紛紛事傾仄。兵法干沛公。勞苦營策力。晚思從赤松。本是神僊匹。

擬杜少陵無家別

宿鳥朝出谷。日暮還歸飛。久役戀鄉土。安能忘故棲。故棲更安有。但見蒿萊肥。隣里幾家在。戚軀復

是誰欲尋舊時徑。徘徊誤東西。憶昔事耕作。晨鋤

暮歸。雖僅免饑腹。猶得安茅茨。今來已蕩盡。戶

倒桑柘。歎夜從草間宿。鬼咽聲淒淒。妻亾子陣沒。

飄揚故無依。痛此淚難忍。一慟心肝摧。隔垣老寡

婦。慰勞餉蒸藜。慰勞未及已。軍書復相隨。念已無

家。戀去任理。亦齊人生等一死。縱死猶舊蹊。羽檄

滿天地。此願安可期。獨赴河陽役。顧向何人啼。

解資曰雖規摹了美。極似明遠東武吟。

褚諱 字駿如

柳洲詩集

卷二

五言古

二

交讓曰駿如如南朝健將顧盼自雄

送孫鯨趾歸孟城

秋風薄林皋。逢君上黨路。結軫迴修坂。班荆且道。故人生重倚。侶豈不感遲暮。譬彼蕙蘭花。芳春承雨露。譬彼雙黃鵠。翔翔凌雲霧。贈君綠綺琴。報我瑤華賦。寒枝不改柯。秋霜不易素。願言結同心。永以金石固。

沈煌 字火文

于東曰火文沈思博學今之茂先吾黨推爲祭酒其擬古之作自漢魏以迄三唐作

往神合今集中所收俱自成一家者
諸體以典贖見長而五言排律尤勝

咏史

熒熒黃河源浩浩長江波所出異南北歸海同其
科孰云躡世胃然後名譽多人苟能自垂史冊良
不磨奚事長軀俛相將入網羅舜英雖自妍易旦
無芳鮮秋蘭雖無言千載被徽絃

秋林遠眺

聲收肅山澤火旻含清暉明發曠登眺歲寒日具
腴嶂桐蕭蕭下江械森森飛露重汀葭蒼颺懷宿

柳洲詩集

卷二

五言古

二

莽婁朝旭停丹葉金商勁素枝悲哉搖落色宋玉
中其谷我行日永久撫對興遐思離離園中實乘
時播華滋芊芊原田黍應候報耘耔茂業期遠大
君子宜及時弗以百卉衰忘此西成輝

顏黃字子坤

赤茂曰子坤與予衡宇相望稱詩數年鱗
鬣未舒近讀書也中與輝六求仲越石諸
君相切劇名章雋句煥然
改觀古人所以重三益也

雜感

佳人來何暮令余結中腸援琴發幽響含思吐清

芳觀此窈窕姿宿昔豈能忘焉得合歡帶携手招
由房

擬皎皎明月光

明月皎夜光燦燦照簾帷絲霜被長途寒鳥鳴正
悲青黃忽改色日月常西馳物性各異化何況浮
雲移嗟彼同心人千里結相思一朝嘆離別中情
當告誰嘿嘿不得語孤懷良自知

魏學渠二見

古聖曰謝玄暉發端工麗舉體風華一時
之傑李青蓮目無往古猶三四稱服之子

柳洲詩集

卷二

五言古

四

存摘詞採藻神似玄暉宜
其冠冕群倫無不心折也
由書曰子存五言古
風草掩映容止安閒

擬古贈駱叔夜

皎皎山上月暫暫樓中女十三學彈箏十五學織
紵彈箏工羽商織紵美機杼邂逅北山隅徘徊兩
客與皓齒揚清音周席忘徂暑贈予一雙錦永言
篋中貯文理互回環馨香無間阻佳人感盛年義
高謝儔侶最哉明秋霜守禮良獨處銀漢終相望
因風就君語

遊祁氏寓園

即忠愍先生
沉淵處也

北望首陽巔。黃雲愁欲暮。南汜汨羅水。清光渺難
晤。我行陟寓山。哲人想芳素。岡巒互起伏。蘭蕙紛
無數。亭榭鬱參差。夕霞橫古渡。的的淥池荷。飛飛
汀洲鶯。孤鳥西北來。哀鳴如有訴。風雨眺高原。慷慨登樓賦。之子赴澄潭。客徒悲薤露。山鬼披蘿立。湘娥倚竹顧。人生不百年。喟然怵先路。

李公曰
清婉

春日雜詩

柳洲詩集

卷二

五言古

五

和風吹衣帶。春鳥語綿蠻。芳香先蕙草。渌水汎漪
瀾。攬華樂遊邁。永日恣盤桓。處世何蹙蹙。俯仰亦
眇歎。我思榛與苓。夕陽在西山。佳人望不來。浮雲
自往還。願隨浮雲飛。道遠難可攀。

其二

青青柳初綠。灼灼桃始華。清波漾魴鯉。平疇蔭桑
麻。言念二三友。各在天一涯。河山綿以邈。感此春
園花。生人有離別。何用長咨嗟。仰看雙飛雉。俯見
孤鳴鴈。會心嘔幽賞。搔首醉流霞。

其三

駕言往東皋。芬薌滿懷抱。修塗浩縱橫。達士欣幽
討。桃李遍郊原。所思在香草。豈不樂芳菲。銷歇難
自保。采采携蘭芝。貽余平生好。

燭昆曰語
意雋遠

春遊

遲日好遊覽。杖策越近郊。晨光照晴陌。暄氣遍林
條。佳人行拾翠。使君弭鳴鑣。懷新道嶮仄。索異限
風霄。珍木列幽逕。紫翹被山椒。巢蜂採蕙華。乳燕
啄蒲苗。爲樂難得再。曜靈忽已韜。我思戲三島。蛟
螭鼓洪濤。遇乖情戚戚。路遠神忉忉。茲焉卜清曠。
乘興訪漁樵。

柳洲詩集

卷二

五言古

六

題王予安寒江圖手卷

夫子人倫宗。壯歲抱經畧。文采罕以儔。抗志大雅
作。時逢托緇綃。委懷寄丘壑。相逢燕市中。玄理互
酬酢。陵谷一嬰心。寤言何蕭索。視我寒江圖。卧遊
馳寥廓。著書宛委巔。理釣若耶郭。間昨登廬阜。烟
雲恣斟酌。君心誠匪石。堅貞時能度。

過洪縣

首春渡洪河。策蹇上荒磧。言是商舊都。顧盼悲行客。城郭何參差。鄆里非疇昔。殘雪隱高丘。寒風吹野麥。瑟瑟林木鳴。湛湛洪水碧。斷碑縱橫陳。廢祠丹青圻。殷社既傾移。周鼎亦淪溺。回互古今愁。慷慨興亡迹。含情寄長謠。前途日云夕。

竹亭作

結構倚山麓。密房雲氣侵。荒藤蔽白日。修竹亘青岑。開軒延遠岫。登閣俯繁林。一葉因風墜。痲然沾

柳洲詩集

卷二

五言古

七

客襟佳。人日已暮。顧望誰賞心。蘭蕙濕清露。葛屨躡秋陰。會合良有素。佇想瑤華音。

蔣玉立 二見

釋賔日亭彥擬古
不減君采元美

班婕妤 執扇

齊統裁作扇。明月發微風。上畫雙黃鵠。出入懷袖中。大火方西流。動搖映疎螢。何期商飈至。零落如飛蓬。炎涼雖通及。恩情難與同。

陶徵君田居

十畝閒棲遲。歌鳴歲良晚。荷鋤亦云樂。婦子聊勸勉。菑苗杳無愆。期蟋蟀風斯儉。種林兼樹桑。既醉復已煖。曳杖出南岑。歸路夕光闇。飛鳥與之還。白雲何冉冉。

盧中郎應交

猿角登廟器。粉米美袞容。時危須良才。俊傑希遭逢。書稱作舟楫。父辭重棟隆。葛蘿托已久。葑菲愧無從。綢繆非一朝。處厄寧辭同。忼懷先民烈。結念徒忡忡。毛生比叢穎。盟會樹偉庸。仲父脫堂阜。蔡

柳洲詩集

卷二

五言古

八

丘首伯功一言。感厚德。白首誓青松。駑馬乏善鳴。何以慰群空。努力行。自愛願爲知已榮。

怨詩

鴻雁西北來。嚶嚶自成匹。淚并金錯刀。機上鴛鴦織。懷中三歲字。磨滅不可識。賤妾一寸心。君子萬里日。何以慰繁憂。臨風三歎息。

古噲曰覺
蘇李不遠

沈懽之二見

雜詩

陰雲翳日光。景忽西馳。皎月猶未生。眾星徒參差。佇立起長嘆。慷慨有餘思。草木貴春榮。冶容賤

擬行行重行行

行人輕離別。歲月阻間關。憶昔登車日。寧知會面難。明鏡生塵網。玄髮驚霜繁。條風鳴故林。浮雲薄舊山。居人多苦顏。遊子終不還。道路良巖嶮。涕泗徒潺湲。思君夙昔心。棄捐何復言。

丁璜二見

柳州詩集

卷二

五言古

九

擬郭弘農遊仙

朝菌昧晦朔。蜉蝣豈知年。寒暑有代謝。綠髮誰能鮮。玉山多靈芝。蓬萊生紫烟。中有棲遁士。授我冊液編。素書傳要道。冥心探幽玄。丹黃剛崑阿。形氣練十年。仰控王喬雀。高舉入雲巔。

雜感

夙昔好交遊。躊躇良獨難。情誼隆膠漆。投分洽金蘭。乾餼本細故。平流生狂瀾。三物成虛誓。息壤亦可寒。誅鋤良不憚。况復任譏彈。相彼鷺鷥鳥。飛鳴

聯羽翰

陳增新二見

亭彥曰子更古詩其源出于公幹
逸而能道蒼而能雅或足絕倫
越石曰子更五言古游精于漢魏
選藻于顏謝蒼深雅陳無愧大家

錄別

念當臨遠道。携手重徘徊。出郭門紆囑。曠野多陰霾。仰視雙黃鵠。笑笑以摧白。雲殊天矯輪。困從東來征。夫望見之。撫心良獨哀。奄忽互相遭。飄轉如流埃。駕言首往路。且復酌金罍。返顧策我馬。我

柳州詩集

卷二

五言古

十

馬行應隕千里。從此始何以慰中懷。幸有清商曲。因之寄溯洄。

卜臣曰蘇李遺音斯稱殆庶

詠懷

皎皎當窗女。三五正華年。高樓生理瑟。綺疏映臨軒。中曲復起舞。珍珮聲珊珊。半闕梁塵飛。妙技凌七盤。紅粧遺一世。秀色良可餐。嫁爲宕子婦。遠行曠未旋。朱顏日夜衰。空房起悲嘆。

雜詩

甘○瓠○蔓○中○田○黃○葛○生○深○谷○纏○綿○會○有○時○根○株○終○不○
屬○昔○我○同○心○友○膠○漆○本○如○昨○一○日○據○要○津○中○分○厚○
與○薄○投○分○多○密○親○相○見○如○遺○跡○誰○肯○念○蕭○辰○朝○榮○
已○夕○落○翻○覆○携○手○時○金○石○非○有○託○棄○真○勿○復○陳○結○
交○良○苦○貧○

贈陸季冲朱西渠

陸○賈○往○上○書○曾○蒙○漢○主○識○新○語○題○其○篇○一○代○稱○著○
作○歸○鼓○豪○中○裝○置○酒○相○娛○樂○亦○粵○魯○朱○家○任○俠○多○
脫○畧○借○身○可○報○讐○結○交○重○然○諾○藏○匿○彼○髡○徒○高○名○

柳洲詩集

卷二

五言古

十一

滿○京○洛○里○中○陳○孺○子○席○門○翳○負○郭○燕○遊○賢○豪○間○長○
者○日○相○索○壯○士○恒○坎○軻○在○貧○常○如○客○斥○鷃○恒○相○笑○
焉○知○摩○天○鵠○

求仲日結習都除
自是子更創體

贈婁東王登善端士

行○行○重○行○行○首○路○臨○河○梁○雙○雁○暮○南○征○白○雲○相○隨○
翔○千○里○助○無○極○天○風○吹○枯○桑○冥○冥○塵○蔽○虧○奔○流○浩○
縱○橫○水○勢○一○何○怒○客○游○一○何○苦○方○舟○力○不○任○漂○薄○
無○處○所○夾○船○繞○兩○龍○蜿○蜿○登○河○許○勿○用○千○金○壺○利○

涉尋無阻

擬明月皎夜光

明○月○皎○夜○光○薄○帷○粲○可○鑒○仰○視○天○漢○流○秋○風○吹○
練○紛○何○白○露○滋○百○卉○具○彫○換○樹○渺○玄○蟬○鳴○海○曲○翔○
神○燕○昔○我○同○門○友○金○石○交○如○貫○貴○賤○一○朝○移○心○情○
中○道○變○棄○真○固○其○常○敢○望○終○親○申○三○復○谷○風○詩○誠○
哉○垂○至○論○

達夫曰漢
風甚古

贈吳錦雯

柳洲詩集

卷二

五言古

十二

誰○謂○形○迹○遠○相○隔○僅○方○舟○日○夕○隨○波○瀾○有○似○萍○蘋○
浮○漂○薄○無○常○所○星○回○而○月○周○天○漢○東○北○移○其○光○照○
高○樓○清○暉○一○以○睽○凱○風○暮○修○修○携○手○岐○路○側○曠○觀○
古○廢○丘○絺○衣○可○當○暑○苦○熱○思○淹○留○

王伊人自鄖陽使還

婉○婉○乘○駟○客○奉○使○入○襄○西○心○廩○不○宿○義○輪○蹄○日○夜○
馳○友○旆○旋○故○丘○漢○陽○已○草○萋○草○萋○大○堤○別○岸○上○柳○
堪○折○歸○懷○千○里○殷○遙○望○雲○間○月○月○缺○會○當○圓○征○軺○
不○顧○返○兼○程○達○汶○衛○去○家○日○趨○遠○遠○行○何○纍○纍○相○

見復相違。河梁臨往路。涕下沾雙扉。

七夕立秋

客心悲逝節。遊目惜馳光。灼灼朱明謝。萋萋改素商。繁星隱天末。纖月橫西方。盈盈河漢涓。靈匹互彷徨。綦綦瑤簪墮。飄飄翠龍翔。良會昔離邈。欸情今聚長。紋牀獨夜擣。寄遠託流黃。深閨萬里心。踟躕慨七襄。燕婉尚遐驚。欲渡愁無梁。對此佳夕侶。惆悵益難忘。

州來日神
似法曹

柳洲詩集

卷二

五言古

七

擬陶徵君田居

谷口久見招。言結中田廬。農書凡一束。日出巾柴車。行行屈畝首。桑柘常翳如。好風從空來。斜笠自忘劬。幸有春秋美。佐以東園蔬。隣叟時經過。把鋤話古餘。何必逢年祝。躬耕良足娛。

周宏藻
二見

長安有狹斜

長安狹邪道。九陌遙相企。塵起咸陽宮。日落新豐市。玉勒黃金鞭。遊冶誰家子。射雉逐東郊。聞雞喧

北里。劇孟喜同車。侯王欣倒屣。遊遊日既窮。歌鐘夕又起。倏忽驅雲霓。須臾困螻蟻。夷險常期遵。途無錯趾。

計善
二見

卜臣曰廉伯五言古出入陶杜間摹魏晉縱筆所之無不如意其氣厚其神全也

擬李都尉從軍

生爲漢世將。願一當單于。受詔建章宮。飛馬出國都。秋風自西來。白雲互相徂。鳴鏑向萬里。奄忽天一隅。深入浚稽山。兵少氣有餘。空營鼓聲起。寶劍

柳洲詩集

卷二

五言古

十四

擬潘黃門悼亡

光鹿盧。丈夫結髮心。不受大將符。受恩明天子。雖險敢自渝。山川莽寥落。縱目無匈奴。

四序互流易。中夜起憂思。之子翳重淵。何時攬餘輝。嚴霜凋朱顏。況與塵草萎。春房扇淒景。夕簾驚涼吹。獨鳥鳴空林。哀蟬擁殘枝。庭蘭鬱鬱老。畦菊蕭蕭垂。沉憂積爲傷。隱痛弗忍違。自無蒙莊達。安用東門規。朗月照羅裳。銀河抱鳴機。機中結蟲網。月下啼莎雞。爾非帝女靈。我乏文成師。精英永暎

隔夢寐徒追隨情密義以至別遠思彌推明知苦
無益所惜歡對誰

舞賓日哀
激如秋雨

寄友

春水滿震澤白雲停姑蘇之子結幽居破服雍且
都手塵白玉楸腰袂青珊瑚劍氣光芙蓉清颺鳴
鹿盧懷古抗詞翰儀世高文儒聲采盪四海敦盤
集三吳吾道方昌期大器固已殊曹劉失其藻班
馬爭相趨芳蘭約同心綠綺音不孤欲往從之遊
柳洲詩集 卷二 五言古 十五
山川路鬱紆胥臺長青草茂苑開平蕪明月遠相
鑒託以介區區

上衡日雖近唐
音而恭情矯健

送張庭詒歸玉峯

天高朔風厲客子還故鄉主人具尊酒悲歌激中
腸踟躕不能別携手登河梁遠樹寒蕭條落日當
路傍嗷嗷雲中雁哀鳴自南翔世路方陵夷令器
宜善藏抗志出塵表吾友慨以懷衆草日凋萎松
栢凌嚴霜展涕傷流波去去各一方哀絲不成歡

引袂泣數行良會詎可再沉思實難忘願言托金
石古道遙相望

李 鄂 二見

咏謝玄暉

青山竊姑孰佳氣溢森秀謝公昔豹隱築廬架嵒
竇少負竹箭美文采鄙鄙鏤良期謁承明鼓吹鈞
天奏出省蒞宣城一麾績亦懋疎散洽棲山高齋
閒清書海樹蔚凝雲江花麗複岫積禾散成霞餘
美紛如綉蒼蒼寒渚落離離綠烟覆風流江漢思
柳洲詩集 卷二 五言古 十六
澄波猶可觀

李 緯 二見

子存曰赤茂天姿高朗神骨雄奇其爲古
詩豪宕本于嗣宗清拔得之越石縱橫變
化推心所師才
固加人一等
舞賓曰亦茂五言古能自用意而妙合
古人隱疾所云彈丸脫手庶其近之

擬康樂遊山

碩人媚止樊仁智娛山水悟遠物無侵探奇意彌
企杖策凌嶢嶠披雲門圮陰崖既陵彌陽林亦
森倚屢蘿石燈潭翠島流雲從登頓窮術肝腸望

羅殊軌巖嶺盡金光。遠峰含黛紫。峭蒨非一狀。蟠紆極麗綺。頽巖蒼松映清漪。文石泚飛泉。響哀玉乳竇。滴芳髓。噉雲中。猿灼灼巖際。鴈傾耳飲。自陳萬目情。靡紀賞。好接來奇。邇迴惜去美。溟魚絕九萬。枋鳩飛尺咫。繕性非外求。達生良在已。願希陽阿髮。揮手謝鄉里。

雜興

我愛漢陰叟。棄機淮園蔬。我愛河上公。緯蕭鍛明珠。優悠可卒歲。取足不求餘。園闔泰山雲。觸石合

柳洲詩集

卷二

五言古

十七

卷舒倚倚蘭。蕙花因時成。榮枯養志百年內。身名同晏如。

又

豫子易姓名。漸離混儲保。奇志每不申。流光何浩浩。七尺報所天。百年付蒼昊。豈下長苦辛。所欲非壽考。人生憂患中。稱心亦爲好。無以松柏姿。零落同腐草。

又

子更口如詠。淵明刺。刺諸什使志士流涕。

迢迢天漢間。織女嘗獨居。靈匹限河梁。含意苦不舒。二妃順風翔。交甫獨愁予。倚靡接歡愛。解佩弄明珠。丹誠苟不渝。誰言密與疎。豈無青鳥翼。爰得王母書。

又

僊人在何許。倘在東海洲。黃金爲君門。白玉爲君樓。天馬駕芝車。飛龍夾雙轡。寧修通令辭。青鳥爲我求。風波不可涉。鯨齒如山丘。安得黃鵠征。欸然一往游。人生無羽翰。迕錯起煩憂。

柳洲詩集

卷二

五言古

十六

又

合如膠。膝固判如參。商離守如石。磐決如澗水。斷意氣與錢刀。白頭未可知。錢刀與意氣。令君中心危。握手矜然諾。解手生狐疑。誓言衢路間。中道背我馳。

又

交讓曰如此等詩。何減十九首。或謂尚須含蓄。不知古詩固有以痛快爲妙者。

一絕塵世網。登明遂飄飄。遙遙御閬風。泪若汎洪濤。白榆燦芒角。絳霞垂卷綃。靈妃擊雕鐘。姮娥鼓

雲。墩。置。酒。層。城。阿。高。會。王。子。喬。清。輝。溢。天。門。玉。女。
綵。相。邀。稽。首。辭。帝。關。微。臣。本。蓬。蒿。天。事。無。終。極。何。
能。長。煩。勞。

又

宿。昔。秉。還。尚。浩。蕩。懷。不。羈。雄。視。邁。九。州。百。尺。高。無。
枝。二。十。更。折。節。交。與。多。嶽。哥。學。劍。空。山。阿。睥。睨。生。
奇。姿。豈。無。篇。翟。好。榛。苓。不。可。思。豈。無。義。和。轡。陽。谷。
不。可。馳。上。懸。滄。浪。天。下。愧。黃。口。兒。高。張。彈。絕。調。淚。
下。如。懸。絲。

柳洲詩集

卷二

五言古

九

又

北。渚。何。渺。渺。秋。風。生。洞。庭。夫。君。來。夷。猶。芙。蓉。愁。殺。
人。寄。顏。雲。霄。間。揮。袂。當。層。城。曠。矣。恩。不。接。懷。哉。時。
載。陰。臨。川。望。河。鮪。緬。邈。若。飛。沉。登。高。遡。歸。鴻。反。聽。
豺。狼。吟。同。余。戀。膠。漆。遠。道。怨。商。參。側。身。隴。阪。長。離。
懷。誰。能。任。

又

幽。居。生。鄙。志。望。遠。發。奇。心。駕。言。我。所。思。東。游。奉。高。
城。遂。登。太。山。巔。懷。古。封。禪。君。草。木。藏。靈。源。風。雨。秘。

華。英。煌。煌。七。十。代。禮。記。有。章。程。自。來。三。千。年。元。會。
諒。有。徵。願。效。登。封。頌。流。藻。垂。云。亭。

又

榮。榮。桃。李。花。雜。生。丘。墓。間。丘。墓。多。陰。風。桃。李。自。言。
妍。幽。蘭。處。阿。谷。葛。纍。相。糾。纏。生。無。日。月。光。微。芳。不。
敢。宣。

又

義。和。正。中。天。晚。晚。傾。日。車。一。馳。濛。汜。間。誰。揮。魯。陽。
戈。輕。薄。游。閑。子。車。馬。紛。相。過。秉。燭。夜。行。游。及。時。酣。

柳洲詩集

卷二

五言古

二十

且。歌。樽。酒。自。言。溫。意。氣。自。言。多。仰。視。北。斗。關。明。發。
當。奈。何。

又

黃。鵠。寧。可。羅。天。馬。豈。戀。阜。不。見。翡。翠。禽。零。落。那。可。
道。勾。漏。覓。丹。砂。三。山。鍊。瑤。草。服。食。美。紅。顏。延。年。以。
爲。寶。

又

仲。冬。日。晷。短。玄。雲。四。面。垂。揮。琴。當。戶。坐。淒。風。繞。繞。
之。三。變。入。苦。節。冷。冷。聲。轉。悲。梁。塵。自。零。亂。積。雪。飛。

參差攬袂欲如涕。玉顏不可持。推琴還入房。淚下雙懸絲。世無鍾子期。含情當告誰。

渭陽口阮公車轍所窮痛哭而返世人那得知其故

半塘留別陳鶴客

虎丘一曲水。東爲南隱廬。康蕪羅君堂。薜荔結君扉。滋蘭滿百畝。非種穢必鋤。刈植豈不勞。良士常瞿瞿。我家東海上。海水明芙蓉。芳華正盈把。婢媛念彼姝。旣見接。瓊珮爲歡不須更徘徊。河橋上落日空躊躇。

柳洲詩集

卷二

五言古

三

雜感

春樹桃李花。秋乃落其實。所種或非宜。化爲荆與棘。邪徑敗良田。讒人亂四國。虛言信市虎。毒影含沙蜮。豈不防未然。謠詠成罔極。昔日斗酒會。婉變陳胸臆。翻手浮雲馳。相戕如弗克。曾是歲月殊。風波不可測。北山有嘉賜。飛寢無定息。饕餮逐臭腐。長呼鳳無德。鳳兮翔千仞。與子各異域。傳戒諸高明。無然比邪慝。

計能

字無能

赤茂曰計氏昆仲才名擬于涼州三明會
蕭三康無能承事賢兄溫溫吟吟詩則奮
揚蹈厲如天馬
蹀躞過日超虛

中夏歸田園

高榆下新陰。望望荆門掩。農人曳耒還。童子收釣返。雨後庭卉榮。好風自翩跹。主人旣言歸。臨流坐小檻。不辭秉燭勞。但見杯中淺。田園有深趣。及此慰繾綣。

贈修真者陸君

松柏秉貞性。絲霜失其威。崑崙渺天半。日月無全

柳洲詩集

卷二

五言古

三

輝秦皇方虎視。驪宮雨雪霏。漢武誇仙才。茂陵草正肥。神仙託虛慕。空令達者譏。陸生抗塵表。意慙理不違。同爲天地物。久視安足奇。要當識本始。心息還相依。洋洋五千言。誰能別是非。

周璣

字來宣

卜臣曰來宣如五陵年少
翩翩裘馬無不干金

曉發平望驛至吳門

肅肅星始微。發棹開澤雲。客心向曉月。清光漸虧輪。晨風鳴極浦。薄霧濛衣塵。餘花棲殘磔。輕波迴

曲薄朝春具區水。曦光霜遠岑。闌闌沉白日。錦帆
留虛津。翔翔緇陳跡。嘆息企古人。

毛 蕃 二見

子更日輝寶五言古上自漢魏下至六朝
各臻神境面運筆揮毫絕不見慘淡經營
之苦故是
天姿獨絕
輝六日輝寶五言古
摹擬之中更能變化

咏懷

四時更代謝天地。亦古今駒影逝不留。憂思安可
任。蟪蛄忘春秋。翔翔發清音。榮華苦糾纏。煩傷感

柳洲詩集 卷二 五言古 三

人心我聞古達者。悠然撫素琴。

又

江雲迷洲渚。木末微風起。二妃泛輕橈。寒裳採蘅
芷。解佩贈交甫。婉戀情無已。芳澤本動人。飄忽邈
難俟。不言自成蹊。春風茂桃李。命駕適川梁。躊躇
俟帝子。

又

白楊生空山。烈風何淒淒。上有鳴皋鳴。下有猿猱
啼。迴翔丘隴間。蔓草生荒蹊。貴賤同一壑。繁華已

成灰。我思美門子。乘風駕長螭。

又

獨坐鬱愁思。命駕歷八垓。西遊陟層城。東望登蓬
萊。中有一仙人。採藥坐山隈。長嘯振幽谷。輕舉乘
雲霓。授我以瓊藥。挹我以丹英。服食寡營慕。曠然
絕塵埃。

又

軒轅資六相。虞廷藉五臣。河洛呈圖書。川岳獻奇
珍。才畧既以殊。志願良獨伸。風雲會有時。孤踪甘

柳洲詩集 卷二 五言古 三

沉淪。采芝商山曲。洗耳潁水濱。筮易得肥遯。清歌
激蒼旻。

文讓口詠懷諸
作直追阮公

雜感

川原秀翳鬱。萬木耀晨輝。綠樹陰垂條。空山含芳
菲。黃雀凌天衢。翔翔得所依。林密以藏身。樹緻安
能施。誰知彈射至。翩然遂分飛。豈不惜儔侶。其如
志願違。倦羽刷江皋。烟波風景微。平疇荆棘生。野
田桑柘稀。新秋榮嘉實。故園秬稻肥。舊壘尚可息。

何爲久不歸

又

苦李亦有實。惡木亦有陰。妍媸有定質。安能滯人心。君子息嘉樹。芳華擷鄧林。美好忽更變。愛憎異常情。薌蘭竟可鋤。良遇不復尋。惜哉幽谷姿。憔悴至于今。

又

兔絲附青窠。結根故不離。枝枝自相繁。葉葉自相依。情好常無間。託身會有基。春風滋茂草。荊榛來

柳州詩集

卷二

五言古

三

間之恩誼。忽中斷。嘉會杳無期。恨無續絃膠。何以慰相思。

又

翡翠巢高枝。虞人思彈射。白鵬戲水中。與波相上下。不足非任拙。有餘非飾詐。權衡有時盡。華彩亦終謝。坦坦履幽貞。冥然觀大化。

田家

布穀候時鳴。把耒來東皋。良苗方懷新。艱勉刈蓬蒿。但知十畝間。安計力耕勞。饁婦向田中。穉子共

遊遊。高柳可息陰。一斗醉村醪。日暮負耒歸。仰視碧天高。

其二

衆人尚紛華。我獨甘淡薄。負郭足生平。早夜勤耕作。溪邊樹桃李。園中植葵藿。一枕夢華胥。貴賤分憂樂。婦子識予心。荆布不知作。官吏急追呼。俯仰任寥廓。卒歲可優游。陶然卧丘壑。

其三

秋氣薄林皋。白露生新涼。登高覽阡陌。離離禾黍

柳州詩集

卷二

五言古

五

黃九月築場圃。婦子慶倉箱。輸租既已畢。置酒登公堂。召我里中人。列坐共飛觴。歡笑清無限。舉杯戒太康。吁嗟宛洛間。車馬何匆忙。

燭龍口遺情霞
舉不減靖節

新婦別

兔絲附喬木。托根會有基。如何結褵後。忽焉成分離。昨日別父母。願結連理枝。相與未分明。軍帖府中移。姑嫜不及見。征夫已先辭。爲君整行裝。背人淚暗垂。愁緒盈千縷。欲語無所施。別君腸已斷。思

君羞言悲。河陽隔千里。君去勿羈遲。新婦經年少。
太義。早自知。龜勉事高堂。辛勤理蠶絲。霜降寄寒
衣。音書尚可期。豈不願相從。婦人非所宜。願彼鸞
鵲鳥。雙飛浴清池。

病鳥

庭前有古樹。老鳥棲其枝。本無搏擊力。賦性却不
齊。殘忍自天成。往往少仁慈。自謂鳳凰侶。常笑燕
雀卑。與我周旋久。我亦竟忘之。主人憎老鳥。欲令
遠。堦畔呼童持竹弓。一彈落青泥。主人大快心。瓦

柳洲詩集

卷二

五言古

三

礫旋相隨。終當令殺却。毋使非種遺。老鳥計無出。
哀鳴向我悲。我意翻憐憫。何忍計微疵。爲汝整折
翼。令汝得高飛。老鳥更歡喜。密網自今離。爾時亦
感恩。還存圖報思。頃之羽翮滿。其意便難窺。一旦
別我去。竟不令我知。高飛入深林。低飛飲清池。向
人誇智力。蒙羞絕不疑。勢易飛天半。金丸挾長隄。
殷勤語老鳥。但願汝弗疑。

越石曰諷刺

不嫌其諷刺
言讀者師悚

曉渡楊子

殘月沉江。杲旭日東升。肅肅天際風。冷冷沙洲
露。晴霞浮海嶠。遠望迷烟霧。水色竟連天。曠然遡
四顧。迴颺激怒流。短棹衝波渡。我行泛洪濤。撫時
感金素。憔悴託行吟。凄其北征賦。

入都

昔我至京華。桃李茂榮滋。今我息征車。雨雪滿堦
岸。烈風揚塵沙。凍雀鳴枯枝。冠蓋鬱天衢。虛聲相
追隨。范叔一何寒。親申但譏嗤。履仁不見信。抱璞

柳洲詩集

卷二

五言古

天

竟誰知。吁嗟。小年子楚。楚自稱奇。

送別浦雲曠

喬葉凌雲漢。芳蕤振幽谷。托根既以殊。邈然俯群
木。君子秉幽貞。賦姿允令淑。矯矯百尺松。清風方
謖謖。訂交濟河濱。獻紵汶水澳。攜手立須臾。惟好
情彌篤。沙清新荷香。長堤細柳綠。登眺一何哀。變
遷感心目。投契良獨殷。驪駒已相逐。細雨溼征衣。
狂風震山麓。解維重言別。征帆悵迅速。底衙登高
約。采尊鶴湖曲。

子更口氣
字肅穆

王之圻 二見

錄別

春秋忽代謝。日月寢已馳。憶昔奉清塵。中心兩不疑。譬若雙鸞。翥比翼。戲河湄。喈喈相和鳴。翩翩相追隨。一朝朔風厲。刷羽各差池。歷歷園中葵。綿綿谷中粟。托根既相得。糾結情不違。念我金石交。歲暮當別離。天路雖不遐。參商能無悲。

群賓日氣
味近漢

柳洲詩集

卷二

五言古

三九

遊南屏至半山而返

秋花吐燁燁。鳴泉瀉淙淙。山行未及杪。林巒互玲瓏。既踰法相寺。遙攀慧日峰。賈勇欣獨邁。渺慮追高風。但希躡謝遊。詎謂抱阮窮。石棧路窈窕。靈谷草蒙茸。秀髯披樵徑。步趨驚虎踪。帝座距咫尺。盤桓殊難從。逡巡急返轡。羈心爲忡忡。

呂 隅 二見

擬休上人怨別

千里碧雲暮。客心有所思。清風激叢木。時與佳人

期乖違。結遐想。中庭淡華滋。皎月通虛幌。玉臺影參差。清夜泛瑤瑟。新聲何凄其。客與矚巫渚。惆悵臨陽池。撫懷叙平生。因思愛樹枝。

徐之陵

字子京

詩以峭拔刻畫爲宗。子京原本家學。而翰以溫雅。如金銅仙人掌。中露噴之清芬。絕人。

效阮步兵詠懷

東南有蓬萊。乃在海中央。黃金結爲宇。白玉構爲堂。中有安期生。晞髮臨朝陽。應龍駕瑤車。逍遙彌

柳洲詩集

卷二

五言古

三十

八荒。朝遊不周山。日晏還扶桑。饑饉三芝英。渴飲沆瀣漿。感此發予思。願與俱高翔。環運相代謝。題鵲歛百芳。勞勞名利客。修夜不再暘。悠然念長生。攝衣登雲間。

李 炳

炳 二見

李公曰。燭昆五言古詩氣體在晉宋之間。擬古尤勝。

山齋讀書

兀然事山居。豈爲耽寂寞。繽紛非所歡。逍勝貴止托。抗志凌青冥。淡忘在丘壑。撼撼寒葉零。藹藹秋

雲薄飄哉天。地寬展我琴書樂。跨躒量古今。披圖
恣揮霍。靜存物理全。心志自寥廓。

安上曰
清永

擬鮑參軍戎行

羽書星以馳。詔下理戎行。奉命安敢稽。選銳赴邊
場。班馬蕭蕭鳴。陰雲黯無光。凜冽北風起。軍卒氣
不揚。鐵衣雨濺滑。重甲披嚴霜。角聲慘白晝。飛鳴
集崇崗。戰士俱執戈。幕府設貂房。司命在中軍。指
麾定勛。豈徒事翰墨。執筆守蠅藏。

柳洲詩集

卷二

五言古

三

擬張黃門苦雨

翳翳丹霞掩。萋萋玄雲劇。烈風何蕭條。水鵲鳴相
索。殷雷發南山。狂霖滯西陌。豁壑洪濤泛。原疇沮
洳積。行旅戒舟航。三農愁襁襖。苔草沒堦除。游魚
生釜鬲。頽垣傾復倚。編蓬歎未圻。佳人掩三徑。端
坐撫瑤席。沉淡慮無營。神氣自和適。雖無子桑琴。
庶同原憲宅。三復雞鳴詩。歌聲出金石。

賦得靈鳳振羽儀

蒿棘鸞鳩擅。長與燕雀叢。啁啾十步間。飲啄故不

充。鴻鵠絕四荒。扶搖巨蒼空。所嗟道里艱。鍛羽虞
羅中。猗與丹山鳳。威彩蔚以豐。徘徊不輕翔。棲棲
在梧桐。或集崑閬巔。或飲蓬壺宮。五雛共靈異。百
鳥依冲融。雲儀向寥廓。藻翰垂鴻濛。覽輝降紫庭。
感化於時雍。雍振采何翩翩。雅音何嗷嗷。杳渺返太
清。誰能睹遊踪。

魏允樞二見

辭賁曰。交讓古詩。流連沉摯。有三百篇遺
風。其屬辭命意。俱有深情。不現摹古人而
自能神合。

柳洲詩集

卷二

五言古

三

古詩曰。交讓古詩。力厚思沉。置之漢魏。不
復可辨。子更謂吾堂之有交讓。猶七子之
有滄溟海。非誣也。

七哀詩

炎運觀陽九。群盜肆陸梁。中原盡淪沒。烽火遙相
望。宮闕成荆榛。草木玄以黃。離獸東西馳。羈鳥不
成行。登高發長嘆。感慨心內傷。出門何所之。去去
適它鄉。它鄉路阻修。川途浩縱橫。孤兒啼草間。思
婦怨青陽。吳會爲丘墟。無復冠與裳。言念生平交。
睽隔天一方。遠望使我愁。佇立以傍徨。

亭彦曰此交讓乙酉年
作聲情悲壯絕類仲宣

招隱詩

塵俗厭囂滓稅駕西山陲山林絢且紆想見幽人
姿芳蘭曜浚谷清瀨激洪池丹崖懸石溜素雲零
桂枝晤言無昏旦涼颺徹重帷薄遊滌煩襟白雲
或間之夷齊非所慕隨光良我師遺榮有達蹤
勉惟前規

其二

良辰忍不怡駕言往水湄朝朝發青岑夕棹弭枉

柳洲詩集

卷二

五言古

三

渚濯纓玉泉中振衣獨霞舉芬芳佇最薄修竹列
清禦微風動幽籟哀音何滅楚薜蘿紉爲衣寧必
唐珪組結廬欣有托長嘯謝徒侶投足風塵外著
書以終古

刪崑日
淡遠

遊僊詩

冠纓戀京洛隱逸棲林泉赤縣不足遊爰托崑崙
嶺雲螭爲我駕鳴鳳導其前青谿何垧凡芝草自
翩翩從者四五人浮丘與偕仝相與探道奧契此

篇中玄丹竈揚朱光服食以延年沐浴扶桑東飄
飄乘紫烟

其二

至道無奇術相要在寒修僊蹤既遠邈孰能揆其
由蘭若競春華木葉悲素秋圓羅無頓縵傾義迹
不留遺思忽遠屆赤松招我遊晞髮息鳳林濯足
憩麟洲流目顧八瀛下視同蜉蝣振翰青冥外蓬
蒿非所謀

其三

柳洲詩集

卷二

五言古

三

朱明改初候卉木日以萎逝水無停瀾流光與我
睽自非冥寂士靈文誰見施澄源躍朱鱗幽崖摘
芳蕖方寃卅經秘試發石函奇安得盧敖杖以躡
青雲梯

其四

寒暑迭相更義和傾日車商飈起聞闔微霜隕鮮
葩瀛海有靈山姑射何谿衍神人棲其中煮石餐
瑤華靈鯨戴方丈燭龍招幽遐玉妃拂瓊遙青童
吟太霞世人猶鶴鶴吾道如龍蛇

其五

霜露摧蘭若。斧斤被松柏。榮落異貞脆。盛衰無殊迹。日月似奔箭。青驪逝安適。駕言希林宮。綰被玄洲客。神機授靈散。朱陽傳奇異。但隨任公釣。不羨王喬舄。長嘯觀古今。清歌對朝夕。

掌公曰景純奇麗交讓清華後先輝映

贈姚文初

靡靡偃風草。矯矯傾陽葵。草木隨時榮。風質各有宜。嚴霜何凜冽。貞脆同一歸。惟有松柏姿。隆冬而

柳州詩集

卷二

五言古

三

不摧所以明。哲士。鳬勉自保持。蘭茝雖芬芳。常門乃見鋤。藏身苟不密。反爲世所嗤。之子隱鳳德。居高覽其輝。勗爾百年身。歲寒以爲期。

贈蕭田林衡者

盛夏日南陸。流景耀城隅。美人遠方至。弭節野脚。跼黃鵠。東南飛浮雲西北徂。千里結同心。在遠志不渝。淫哇亂雅奏。時俗混賢愚。守貞衆所忌。高名故難居。願子品名義。善保金石軀。微吟不成章。何以致區區。

其二

之子事遠遊。伏劍辭所親。朝濟滄海波。夕宿越水濱。林莽號悲風。佇望勞心神。歲月逝不處。山川自相循。會合無常期。况乃萬里身。聊與二三子。尊酒展殷勤。天馬來西極。明珠出大秦。物情愛遷移。自遠乃見珍。何必反故鄉。故鄉多風塵。無爲日棲棲。跋涉增苦辛。

其三

舜英夕見零。若華望風落。鸚鵡先秋鳴。嚴霜萃蘭

柳州詩集

卷二

五言古

三

薄世榮不崇。朝烈士重然諾。居高堅自持。達者慎所托。曾連辭千金。莊生家負郭。嚴光旣鴻鸞。君平亦龍蠖。數子豈不偉。何爲在丘壑。君有古人風。慕義自宿昔。終焉謝塵鞅。畢志葵與藿。

其四

曰子昧時趨。感感多憂患。青蠅日夜飛。飄風逝無端。鳴鵠厲其翼。朱鳥且見彈。六翮鍛不施。誰能假羽翰。結交重新知。輒忘故所歡。舊恩豈不念。久要良獨難。君子辱良訊。意氣逾金蘭。愧無瑤華報。要

子以歲寒

赤茂曰林子多尋奇之概
諸作原本河梁仍見獨運

送方子智

良友駕遠征。出祖此河湄。方舟遡洪波。朔風暮來吹。冉冉浮雲馳。望子不能追。十酒一爲別。後會安可期。離居歲向除。何以慰吾思。引商多苦調。激楚有餘悲。佇望白雪音。不異瓊樹枝。

雜詩

靈蔡登天府。曳尾思塗泥。文繡衣大牢。不如觸藩

柳州詩集

卷二

五言古

三

抵。曠懷覽今昔。每與素志睽。疏屬慕華軒。蟬見薄幽棲。高門動朱輪。意氣干虹霓。榮枯亦何常。崦嵫忽已西。傾軔遵往路。覆轍尋故蹊。橫流無安瀾。孰云坦且夷。杜若生山中。重巖絕攀躋。願要青雲客。與之凌丹梯。

李

垓

古聖曰交謨嘉遜
之致於斯可見

擬招隱詩

束髮服玄訓。懷才俟明時。張余生不辰。河清未有

期。緬彼中林士。衡泌自棲遲。杖策西山岡。行吟大澤陂。夕餐采菊英。朝遊掇江離。鳴泉戛金玉。秀木發華滋。寵祿非我欲。所安良在茲。願言超塵埃。長與世事辭。

其二

振衣登首陽。榛棘參天起。夷齊邈難追。無人賁玉趾。惜哉未緱榮。勞人日飢飢。頻叩觀古今。載德彼姝子。抗志凌玄雲。貞心厲秋水。霜凝除砌下。風振空谷裏。石菌發英華。青岑流玉醴。陵藪良可樂。富

柳州詩集

卷二

五言古

三

貴寧足恃。敢告同志人。勿誤期永矢。

茂彬曰太冲莽
蒼有此真氣

咏蘭

蘭生何歲穉。結根山之麓。無人亦自芳。矧乃登庭幄。含蕊嬌初日。吐華潤微溼。夕暉花愈妍。朝露葉更綠。素葍入冬生。紫苞經夏摧。緝佩有餘馨。采之不盈掬。况復長青翠。不同蕭與麥。松柏枝蒼蒼。蒼蘭椒芳馥。馥何如此幽。蘭雨美哉贈。握

丁胤沅

字茲勉

謝靈運詩時有慷慨清拔之氣

雜興

軒后治萬國。訪道崆峒山。冥心守玄漠。坐息紛紜。
端廣成真神。師垂教弘至。言歸協無爲。化鑄鼎求。
昇仙遺弓名。易號百族攀龍髯。大理貴清靜。孰悟
經綸原。

顏特進侍宴

帝宇鬱參差。皇圖迥寥廓。製殿倚蒼巘。開宮面丹。
壑。界恩動涼影。題棟耀玄路。名葩接珍林。瑞靄凝。
柳洲詩集 卷二 五言古 无

珠箔嘉魚躍。春沼靈鳥下。秋閣華譙降。繁祉良辰。
燦雄略。馳驅極淮海。游情跨喬嶽。龍蟠王氣在。虎。
眈英謀作。中觴杳纓組。妙舞紛簾幕。隆恩徧優腆。
微質媿庸薄。側席悚聞覩。揚扈揚酬酢。承風遡亭。
茨翹景附蔡。霍。

陸樹駿

字聲子

放應璩百一詩

嶠函鬱天府。山河百二雄。宮闕凌星辰。高臺招涼。
風。五侯秉成權。賜第傍禁中。華國著鴻文。修詞纂。

組工。出入承明廬。矯矯雲中龍。騁從集紛華。意氣。
駕長虹。珠履盈堂前。有懷苦未通。謬承顧盼私。光。
寵耀無窮。緬彼負薪子。高舉美飛鴻。

徐時來

字來可

寧公曰來可詩筆少雄健
如開軍中鞞鐸令人氣壯

秋懷

繁慮積中懷。世故恒難測。以茲憂患情。况值秋風。
亟。白露凝園林。微霜蒙叢棘。巖桂炫新彩。玉禾穎。
嘉實。黃菊散幽香。碧荳雕艷色。賓鴻唳中宵。寒蛩。

柳洲詩集

卷二

五言古

早

吟庭側。朗月皎清輝。涼風莽蕭瑟。夷險理互循。倚。
伏勢相逼。博陸藉聲華。金鳳飛折翼。董君藉光寵。
紫綬嬰誅。生望舒。虧雲黯蒙汜。匪良璞遭殘。
毀。高臺驟傾仄。華年不終朝。霜鬢勤追憶。徘徊指。
江楓。香言我心惻。

神廣自得
惠連之神

曹鑑徵

二見

交謙曰徵之諸體盡善獨古
詩非其所長亦雋不傷雅

秋霽歸玄菟。來自鹿城枉過賦。贈。

掃徑愜幽情。秋光淨如拭。疎林帶晚照。返景明虛壁。草際烟初散。花間露猶滴。苔蒼滿庭院。簾幙涼颼入。亂鴉樓復鳴。啓戶遲來客。執手慰延佇。登堂敦風昔。開軒面叢桂。捲幔翠蘿薜。芝蘭信自芳。金石誓不易。寥廓放情志。出處從所適。久要未可忘。與子期朝夕。

晚眺

九日同廣州朱竹菴鹿城歸玄恭登瓶山閣

屈言值令節。緩步登茲岑。凭欄展四顧。髣髴雲霧

柳洲詩集

卷二

五言古

望

侵。輕霞黯未開。宿雨猶滯陰。涼颼襲危柯。淒激有餘音。遠色幾芊綿。平野何蕭森。時序感代謝。繁憂浩難禁。龍山良宴會。風流不可尋。丘壑蔽城郭。霜露薄衣襟。萬籟寂無喧。啾啾咽暮禽。懷古起長歎。悄焉傷我心。

郁

字子升

釋賓日子升如美
葉映日姿態嫵媚

詠史

長卿未辭蜀。文章善陸沉。何有凌雲賦。蕭然綠綺

琴。咄哉臨邛令。恭敬非其心。一朝煥文采。翔翔飛上林。當其乘傳速。羽騎何駸駸。置酒官道旁。白璧雙題金。酒壚聊一醉。覩彼白頭吟。

陸淮二見

送友人之雲間

秋氣忽已暮。白日落西隅。永夜澄素影。良會自不孤。明月照羅幃。樽酒欣有餘。凌晨俄東歸。執手長嗟吁。

周延二見

柳洲詩集

卷二

五言古

望

釋賓日上衡五言古
蒼涼之中時見縝密

詠懷

綠珠梓澤園。莫愁鬱金堂。燦燦彼姝子。顧盼昭容光。春華發幽籟。琴瑟和以康。相與悅客好。婉戀若不遑。明月鑒廣除。令歡殊未央。涼颼從西來。井葵凌嚴霜。如何比翼鳥。一旦各飛翔。

咏史

矯矯山上松。歷歷澗中石。清節祇自知。高風振川澤。伯也愛姓名。申屠崇明哲。豈無歲寒姿。持論懼

通。激。生。徒。聚。太。學。標。榜。良。不。惜。當。其。清。議。時。公。卿。
皆。屏。迹。黨。綱。忽。中。起。一。朝。鐵。羽。翻。君。子。識。先。幾。備。
奴。託。賤。役。百。世。仰。貞。操。保。身。著。良。策。

又

濟。濟。京。城。內。甲。第。鬱。相。望。衛。霍。立。殊。勲。許。史。託。椒。
房。威。權。伴。人。王。賓。客。滿。華。堂。喜。迴。黍。谷。春。怒。飛。六。
月。霜。無。何。天。子。怒。教。書。提。騎。將。誅。徒。及。親。郎。門。庭。
野。葛。荒。子。雲。草。玄。亭。千。載。不。能。忘。

飲酒擬陶

柳洲詩集

卷二

五言古

四十五

衆。人。皆。已。醉。何。必。吟。獨。醒。我。欲。營。糟。丘。兀。然。忘。古。
今。坐。我。北。窓。下。撫。我。無。弦。琴。榮。悴。本。殊。途。視。之。等。
浮。萍。朝。飲。忘。日。晏。夕。飲。忘。雞。鳴。客。至。但。舉。觴。與。子。
共。浮。沉。

又

淳。于。好。飲。酒。一。斗。亦。一。石。雜。坐。列。親。朋。相。與。永。今。
夕。禮。法。常。束。人。我。生。苦。拘。迫。田。父。知。我。情。載。酒。往。
郊。陌。觴。至。飲。無。餘。世。路。任。傾。又。

孔益曰淡馬之
古地之彌承

游潤城甘露寺

高。峯。臨。江。許。岩。巖。傍。日。遶。千。門。張。倒。景。古。樹。鬱。參。
天。江。帆。沒。冥。杳。沙。鳥。相。飛。旋。衆。壑。通。雲。根。細。流。激。
青。泉。瀉。瀉。蒼。松。黛。沉。沉。翠。微。烟。紅。樓。亘。百。尺。突。兀。
峙。山。巔。四。軒。何。豁。達。二。離。俯。几。筵。花。雨。時。霏。霏。送。
水。鳴。濺。濺。僧。定。群。鷗。息。涼。月。當。我。前。忽。念。平。生。交。
披。襟。御。微。絃。情。以。相。知。生。聲。爲。同。氣。傳。顧。已。尚。持。
操。運。會。流。離。年。俯。仰。恒。踟。躕。嗷。嗷。徒。自。憐。

柳洲詩集

卷二

五言古

四十四

沈

字木門

長安月夜

百。川。咽。不。流。金。波。耀。新。涼。藹。藹。散。晴。暉。皎。皎。流。清。
光。冷。露。寒。瑤。蟾。素。影。上。空。堂。桂。樹。亦。有。華。銀。河。渺。
無。梁。天。涯。同。此。月。惆。悵。各。一。方。

魏儒烈

後學曹鑑倫全校

蔣昌基

柳洲詩集卷之三

毛蕃 蔣象

同學 陳增新 李炳 全選

李煒 魏允枚

魏允楠 曹鑑平

五言古詩二

顧理美 二見

卜臣日輝六古詩含景陽之詭倣擅靈運之吟音雲柯扶疎霜崖差巖望其神致令人悚懷

柳洲詩集

卷三 五言古

蕭陶日輝六才氣絕人其古詩尤自超卓

詠懷

微風含惠澤。蘭蕙發芳馨。飛鳥美朝旭。歸鴻悽暮春。棲息茅茨間。自懷貴自珍。窮達各有時。何能累垢氛。曠志超神理。耿介夷等倫。長歌越澗谷。遠抱懸河津。樽酒從所好。微言能自申。

又

弱草覆晨光。厚器嗟薄德。驕侈盛冠蓋。雲合長安陌。富貴不可常。一旦遭譴責。薜華榮若電。蜉蝣飛

不夕玄鶴九皋音。寒松千歲質。巖壑可盤桓。素心期白石。

咏史

雄略豈不偉。寵榮會有時。樂安佩侯印。飛將苦數奇。大小七十戰。結髮從鼓聲。士卒咸佚樂。沙朔揚聲威。射虎沒羽鏃。猿臂墮胡兒。衛霍恃天幸。勲業光鼎彝。偏裨亦萬戶。賜券列邊陲。豈知南絕幕。愠怒失軍期。飛書責對簿。捐生良足悲。三軍垂涕泣。怨憤白日虧。中才綰絙組。英雄遭棄遺。天意誠難諒。千載空欷歔。

柳洲詩集

卷三 五言古

諒千載空欷歔

又

東漢爭標榜。天下仰三君。齒頰生榮辱。帝室無絲綸。僊舟既濟河。龍門列衆賓。清名還自許。舉世等埃塵。一朝捕鉤黨。蕭蘭同族焚。陳寶膏斧鑕。誅徒及千人。破家苦無辜。僞奴毀其形。當其高盼日。折節皆公卿。含威置三木。遶巡甌吏庭。知幾古所貴。濁世難獨清。不見申屠子。潛身垂令名。

又

川○涸○魚○族○散○林○密○衆○鳥○歸○向○背○非○異○見○衣○盛○常○相○
達○范○叔○譚○僚○友○韓○侯○輕○布○衣○王○父○骨○肉○尊○買○臣○仇○
僂○非○誰○意○宜○達○時○爭○先○苦○附○依○溝○中○有○濁○水○東○西○
日○轉○移○嗟○哉○魚○鳥○心○不○耻○械○與○機○古○來○賢○達○士○大○
度○忘○睚○眦○應○侯○期○必○報○無○乃○爲○等○夷○

又

秦○帝○逞○驕○侈○跨○海○陟○神○山○盧○生○杳○無○跡○瓊○臺○阻○雲○
端○漢○武○好○威○畧○帝○鄉○期○萬○年○燕○齊○迂○怪○士○五○石○殮○
大○丹○至○尊○不○可○得○誰○能○乘○紫○烟○淮○南○已○身○隕○雞○犬○

柳洲詩集

卷三

五言古

三

昇○重○玄○王○喬○越○弱○水○何○爲○道○玉○棺○欲○求○不○死○藥○百○
年○生○羽○翰○熊○經○與○鳥○仲○形○骸○孰○可○堅○

越石曰太冲氣極蒼茫
語不雕琢此深得之

別張文茂

離○靈○臨○西○隅○餘○光○難○久○留○離○別○在○千○里○念○子○重○綢○
繆○行○行○各○吳○楚○所○好○非○遠○遊○嘉○會○能○幾○時○奄○忽○如○
雲○浮○水○清○不○能○飲○蘭○芳○何○可○求○悵○悵○淚○沾○衣○江○涔○
徒○阻○修○

晚宿無錫不得登惠山

夕○聽○下○前○浦○蘆○葦○成○新○綠○息○帆○闔○閭○城○披○雲○臥○寒○
玉○重○烟○靄○若○雨○皎○月○光○如○旭○九○龍○多○芳○草○客○遊○難○
秉○燭○石○泉○徒○潺○湲○雲○峰○杳○相○屬○旅○夢○托○青○山○鐘○聲○
下○巖○曲○奇○石○阻○幽○宮○瑱○霞○飛○盤○谷○不○憶○揚○舲○時○孤○
枕○寄○水○濱○

天靈洲望儀真縣

晚○氣○集○水○上○吹○汰○若○飛○霰○西○景○迫○崦○嵫○參○差○眺○芳○
甸○雲○覆○城○郭○隱○烟○合○山○岑○見○散○漫○落○輕○塵○浩○杳○曳○
空○練○帆○遠○聚○成○林○江○動○光○如○電○昏○昧○棲○高○厓○中○心○
柳洲詩集

卷三

五言古

四

屢○驚○戰○前○期○已○紆○迴○水○宿○苦○依○戀○越○鳥○向○北○飛○徒○
悲○羽○翼○倦○

過瓜步石帆兩山同消揚賦

鼓○棹○正○侵○晨○迅○風○鳴○廣○谷○渚○下○方○空○濛○嶠○前○已○凝○
綠○帆○隔○峰○透○迤○舟○隱○水○屈○曲○結○念○眺○絕○景○清○暉○紛○
在○矚○瓜○步○覆○釜○形○蒲○葦○盤○其○麓○石○帆○如○曳○練○飄○飄○
鹿○初○旭○迢○遞○過○險○逕○迴○瞻○惟○怒○瀑○前○嶺○起○若○舞○後○
洞○杳○如○伏○扣○舷○隨○轉○移○弄○雲○吐○露○霽○奇○趣○足○欣○賞○
爾○我○同○寓○目○清○醕○酌○芳○塵○勝○情○接○隈○澳○

子更日康樂
乏此新榮

周振璜 字渭揚

釋廣日渭揚精于屬文吾黨推爲第一詩亦英爽如李廣才氣天下無雙

擬袁太尉從駕

元神從大報。黍稷潔芬芳。青壇藹雲流。翠幕燁星
光。晴巒耀鳳輦。周道肅鵷行。陪乘傳卿貳。前驅勅
蹕張。金根輝麗藻。玉勒迅廻翔。綵旂拂清渚。文組
炫高岡。六瑚薦穎栗。九奏叶宮商。黃髮謠馨澤。黔
首祝嘉祥。日際浥威德。月域想賓王。洛蒸牲器潔。

柳州詩集

卷三

五言古

五

鎬祀恪誠將。祝史傳神辭。歌工進樂章。泰尾陳休

頌深慚義未彰。

子更日洋洋大
章無妨前哲

詠竹

冉冉庭中竹。鬱鬱挺奇姿。青蔥蔭白石。積翠浸空
池。綠幹鋪新粉。幽篁發故枝。清響何浙歷。素影自
紛披。桃李先春落。蒲柳望秋萎。羨此孤生質。貞信
永不侈。

魏允枚 二見

未茂日五言古。合則易襲。無則易。雅。雖。清。

南。郊。那。未。盡。美。善。下。臣。諸。君。以。同。宗。康。

樂。乃。無。一。習。見。語。藝。得。

其。神。不。徒。貌。其。形。也。

直。抒。性。情。而。無。傷。詭。誕。疑。議。而。不。掩。才。思。

中。上。不。刺。漢。魏。之。陳。言。下。不。落。齊。梁。之。靡。

習。此。當。于。君。家。兄。弟。自。爲。頌。頌。非。他。人。所。

雜詩

仲也
子存曰卜臣廷古詩當嗣宗而不
足凌叔源而有餘居然晉宋傑構

時序迭更代。寒暑屢迴互。羲和無頓轡。循環準各
度。方幸春景暄。俄聞秋氣布。明月鑒虛幃。商飈起

柳州詩集

卷三

五言古

六

高樹攬衣下庭除。徘徊展微步。仰瞻天際星。俯視

階前露。銀河自西迴。織女正東顧。令節日以邁。流

光不恒處。志士一何愴。懷人軫其慮。不惜蕙草枯。

恒悲年歲暮。悵然遙夕間。寤歌遂達曙。

又

飄飄孤生蓬。託根良已淺。長飈振地來。驚砂颯漫
衍。微質難自持。高下隨風卷。故株一以離。零落不
復返。辟彼于役人。他鄉任偃蹇。十年不言久。萬里
不言遠。誰遣尺素書。勸我加餐飯。去去勿重陳。遠

道多苦辛

又

三五邯鄲女。窈窕揚春姿。紈綺何翩翩。紅顏自一
時。清音激玉齒。妙舞舒柔荑。盈盈作纖步。誰不欽
令儀。曲終發長歎。良人久未歸。空閨難獨處。攬涕
有餘悲。沉憂令人老。行同秋草萎。願因晨風翼。長
與君相依。

又

南望洞庭波。眇眇降帝子。朝遊臺漚蘭。夕遊采沅

柳洲詩集

卷三

五言古

七

芷嬋媛。顧我歎媒勞。孰爲理騰駕。驚江皋。因之日
千里。

又

龍門有奇樹。百尺高無枝。上擢千仞峯。下臨萬丈
谿。鳴鵲謚其音。鵬鷄不敢棲。翻何丹穴雛。自名爲
長離。九苞振威采。八隅覽德輝。翱翔時一顧。戢羽
來下之。以彼扶疎質。致此靈文姿。感召誠不爽。和
鳴有良期。願君爲移植。東園啓玄墀。阿閣參天起。
竹實鬱纍纍。歸昌叶雅奏。鳳凰復來儀。

又

涼颼中夜起。振我客子裳。伏枕未成寐。出入以彷徨。
星河耿南牖。蟋蟀鳴東廂。翹首睇浮雲。天路一
茫茫。人生志弧矢。所期在四方。何當塊然處。寂寂
守空房。既不窮海岳。復不歸故鄉。臨風長太息。顧
影心自傷。

解前日即未敢遽此之
子建然亦何減休矣

詠懷

冉冉歲方夏。玄雲鬱無陰。凱風自南來。習習吹我

柳洲詩集

卷三

五言古

八

襟。白曜奄已。賸棲鳥宿。喬林屏營。階除側佇。立發
長吟。

又

君子樂蹈義。烈士甘危身。軀命豈不懷。立志在成
仁。三復感分言。喟然發酸辛。所以達生者。高舉求
道真。冲虛葆淳樸。清潔超埃塵。相從王子晉。游戲
洛水濱。

又

青青園中葵。結根堂北阿。傾心向白日。灼灼舒其

葩綠葉蔭庭隅。臨風自旆旒。繁華不終朝。日月漸
蹉跎。嚴霜被嘉樹。連颺隕修柯。根株雖有託。義馭
詎復過。山空蕙草摧。歲晚將如何。

又

峩峩高山秀。洋洋流水深。拊絃時一彈。千載難知
音。自非鍾子期。孰與偕賞心。結契在須臾。言別竟
浮沉。方敦久要約。夙昔不可尋。存亡委變化。俯仰
異古今。重爲絕調悲。淚下沾衣襟。無成復無虧。昭
文不鼓琴。

柳洲詩集

卷三

五言古

九

又

駕言適商丘。大木垂廣蔭。枝葉藹森沉。迢迢芘千
乘。不邀匠石盼。寧勝棟梁任。猥以擁腫姿。扶輝有
餘映。嘉樹未百年。斧斤日相競。雕琢成犧尊。文采
一何盛。非不欽。陸離所悲在失性。

又

鴻鵠橫四海。燕雀依下枝。扶搖誠可樂。蓬艾足棲
遲。遐邇本殊勢。羽儀異其宜。倘彼天池翼。奮翮自
翻飛。力小而圖大。失路徒傷悲。

又

大化有常理。靡縮良自然。循環各因時。日月逝無
端。慨懷念疇昔。曠世難爲言。松喬在何許。修塗邈
以綿。白露道爲霜。誰能駐朱顏。乃悟蚩蚩者。徒勞
天地間。

又

曜靈倏西匿。獨坐起長歎。展轉不能寐。悲歌夜將
半。東方須臾高。晨雞振其翰。湛露浸以晞。明星沒
河漢。去茲漫漫辰。行行卽炳燠。

柳洲詩集

卷三

五言古

十

古聖曰。奔州謂阮公。詠懷正以
不着論宗爲佳。下四深得其旨。

抵大梁留別康小范。少時與予共輿而南。
少小志四方。弱冠遊京陌。太乏江都才。空對天
人。乘徒步躡風塵。緇素遂三易。懷寶怨迷邦。抱贖悲
抵璧。諒無干黃金。何爲滯礪石。緇彼少室雲。駕言
將遠適。有美歡同車。父事敦夙昔。方軌等函丈。晤
語陶昕夕。高期渺今茲。抗懷在典冊。繁榮晨宿稀。
淒淒春雨泄。驚鳥越飛岑。駭獸扶輶輶。黑貂敝已
屢。猶然致暴客。去定興十
里被劫。稅鞅大梁城。如雨槍一

別相去豈不邇。形影三舍隔。相思豈不殷。音徽千里寂。何時整歸裝。重結匡廬宅。欣深鴻雁南。翔翔彭蠡澤。願因西風高。修誠託迅翮。

遊客園

仲秋題鵲鳴。百卉靜如洗。渺渺浮雲徂。靄靄日色絢。相期候嘉辰。駕言出遊衍。蕩樂臨安流。舍舟陞南坂。曲徑既縈紆。幽岳屢迴轉。喬榦垂高蔭。低枝拂佩珣。故堂負連崖。新築面層巘。晶晶池水深。翼翼半疇遠。叢桂華始紛。芙蓉藥猶展。秋柯映日疎。春條隨風卷。芳洲零杜若。蘿逕積苔蘚。徘徊眺迥渚。逶迤歷陁峴。遙嘒每凌厲。崇臺獨登踐。瞻望未及關。義陽忽已晚。觸緒哀自疑。慨懷淚徒泫。沈浮豈殊途。盛衰誰能挽。安排古有訓。居常道所善。顧謝盍簪侶。物慮願攸遣。

候江潮不至停京口者三日

昧旦發雲陽。昏星憇北固。葭莢落寒流。舳艫蔽修路。擊楫此逶迤。鳴榔復回互。席挂西洲雲。帆出南徐樹。曜曜崇阿暎。霞明滄海曙。獵獵揚朔風。漫漫

鬱黃霧。哀鴻汀際宿。蕭揚沙中驚。集菱秋已邁。採若時逾暮。懷哉青翰舟。緬矣澄江路。利涉爽前期。羈程易恒度。素鮮干祿情。涼無纓網慕。奈何越故鄉。茲途勞汨汨。庶幾謝囂塵。永以協幽趣。

子更曰鍊氣珠
辭直拂康樂

蔣會貞

字鳴大

釋賡曰鳴大如名將部曲諸
習還事介于二難亦能競爽

過淇縣

鳴鑣涉淇澳。蕭軼入殷墟。殷墟何寥廓。極目徧榛

柳州詩集

卷三

五言古

上

蕪。緬惟先詰王。經始宅茲都。膺符綿永祚。奉籙擅神區。皇猷抗九服。聖期奠三塗。縣寓暢文物。海甸同軌書。德音遠猶識。流風久不渝。興亡自回互。變故在須臾。輕呂一以麾。頻仰悼淪胥。空城鳥雀喧。荒隧古木疎。亭皋含餘清。宮殿鞠新畬。野草方萬廩。臺麥始舒。悲涼飛廉傳。寂寞商容閭。起伏竟何庸。民邈同賢愚。含淩仰前路。援筆涕漣如。

達夫曰制撫整嚴似延年曲
河森山二作尚覺流佚過之

張

辰字北是

交讓曰北是才名與輝六謂揚雄驅雅貴
高致吾黨北之黃叔度詩亦稱其爲人

贈亭彥

椅梧陰百尺。麕鳳鳴高枝。下有綠蘿草。攀援同鬼
絲。結交常相因。金石貴不移。顧我蓬室士。同心貴
光儀。相與崇明德。皓首良可期。深情發壯采。嘉會
及芳時。願附雲中鳳。千里或差池。

倪晉

字廷伯

卜臣曰廷伯詩如勁
幹千尋迥出雲表

詠懷

柳洲詩集

卷三

五言古

三

秋氣日蕭索。湛湛江水深。蘭蕙綠廣澤。丹楓夾長
林。二妃何窈窕。芳風挹重襟。解珮渺何許。返顧不
可尋。日暮理瑟。悵然思德音。

周振瑗

字韓聲

釋賓曰韓聲詩如廟中玉璫注以
黃流非徒美觀要是三代法物

入都

高鳥凌朔風。毛羽盡摧頽。本懷高飛志。顧影自徘徊。
浮雲西北起。白日匿光輝。嗷嗷鳴雲中。悵然無
所歸。城郭繞荆榛。野田長蒿萊。嚴霜更相侵。凜凜

集寒威。燕雀巢枋榆。一枝故相依。俯視起長嘆。六
翩安在哉。

卜臣曰韓聲弱冠舉于鄉
四上公車故其憤激乃爾

贈肅陶弟

荆山生美玉。大海出明珠。奇姿媚幽獨。千載光不
舒。一朝出都市。華采曜天衢。二五連城壁。三四炤
乘車。以彼不自炫。什襲豈爲殊。吾弟儻才章。句
鄙世儒。商歌唱自永。羽卮泛無餘。蜚聲菰苑早。詎
日邀虛譽。至人貴藏輝。何用耀瓊琚。願因棣華誼。

柳洲詩集

卷三

五言古

十四

贈子以區區

陳學謙

字廷益

交讓曰靖質先生負班揚之才而天奪其
年敬與先生幼執經于先序烈卽以國士
許之而不竟其用廷益能讀祖父書
與從弟履旋才華相埒俱見重名流

擬詠懷

驅車循廣陌。流眺屬平皋。迴感生白楊。零落隨風
飄。蒿萊蔽極目。千里莽蕭蕭。原獸縱橫馳。鳴鳥長
依巢。玄雲晨夕徂。去去誰能招。俛俛歲已晏。勞心
日切切。儒者持大義。讒邪挾貴驕。子雲困執戟。董

石耳漢貂幽居甘寥寂永言著反

孫錄二見

達夫曰古嗶五言古半皆蕭麗氣
體超逸足使景陽失步休矣迎風
子更曰古嗶于古詩沉酣獨
至故措意摘詞無往不合

雜詩

羈旅思故鄉慷慨悲故歡出郭無人民白雲何盤
盤衣裘自言暖衣葛自言寒寒暄各有待失時非
所安古來賢達者所以慎未然

又

柳洲詩集

卷三

五言古

十五

浮雲能幾何白日爲之陰念我生平歡攜手稱同
心兩意苟不孚晨暮成古今出門卽異域况乃登
嶠嶠勞謙無肆志永言念所冀願持風昔意托子
以徽音

又

南國有名姝少小矜蛾眉十三學織素十四盛威
儀十五工彈箏十六解文詞十七事君子皓首以
爲期自君有兩意中道乃狐疑再拜下君堂不敢
顧恩私團團冰紈扇秋夜起涼颼美好難爲擬盼

睽分妍媸泛泛東流水悠悠白日馳誰能復愛惜
千載令人思

又

悟此塵埃勞忽焉起遊思萬代莽回互役役不可
追稅駕欲何從言與美門期入山聚金碧玄雲覆
神芝樓閣通晶瑩日月散光輝素女顧我笑青童
前致詞動息絕紛糾意氣將安施薪盡而火傳繼
情在杜機絕跡毋行地斯理誠難知飄飄去滯念
千齡常若斯

柳洲詩集

卷三

五言古

十六

掌公曰黃
門逸響

擬招隱詩

稅駕防荒途瞬目從寥廓修坂被朱蘭高崖冒紫
籜前際架石樓雲表接丹閣安得伊人俱踐此山
中約莫以鸞鳳姿取笑燕與雀世路無逸軌決莽
多叅錯大塊勞以形萬代今如昨彼美渺何許薛
蘿欣所托

述征詩

伊余事宵征命駕出鄉邑丹桂發華滋秋林蔭下

濕遊子愛景光。徘徊聊佇立。黃鵠四海飛。安能常
緝翼。羽短天路長。翱翔不可及。

其二

秣馬日余邁。雨雪四面垂。渡江一直視。山川復間
之。紛紜瞻北固。髣髴見南皮。念我同心友。其人已
後時。昭昭天宇濶。寧知日月私。

其三

晨發阿城驛。暮宿東昌道。我懷魯仲連。千載稱高
蹈。俯仰恣遐矚。白雲徒浩浩。聊爲遊子吟。悲風起

柳洲詩集

卷三

五言古

七

秋草稅駕欲何從。蘊真以爲寶。

其四

朱明驚節序。不歸將安之。希世而高爵。賤子非其
宜。磬折路傍者。雖工諒亦嗤。片言成嫉妬。紛紛各
自私。去去弗復道。長與塵埃辭。

交讓曰
蒼秀

阻風滄州道中感述用謝法曹西陵遇風獻

康樂韵

辭家遠行役。孟夏復南祭。含酸勿復思。離情猶未

歇。驚風激清森。屯雲蕩華月。滌決對洲渚。抑鬱瞻

京闕。京闕多冠蓋。越易懷舊林。漢翠出高塋。媚景

冒層陰。緇塵遊子意。園柳故鄉心。周覽欣嘉會。俯

視托徽音。音徽隔遠道。戚戚良自悲。興賜殊未已。

心賞將語誰。臨河知屬急。依岸覺迴遲。朝發南皮

路。夕宿漳河湄。漳河既深杳。湍急復乘流。陰霾蔽

白日。嵐氣滿荒丘。哀援響崇巘。飛鳥迷平疇。舉目

見沙礫。汀曲少行舟。舟行尚可畏。要津慎風波。屢

境思無咎。歷險貴處和。永懷天水訟。感念濯纓歌。

柳洲詩集

卷三

五言古

十八

擊楫猶如此。失路當奈何。

首夏下官。至濟寧山川映發流覽竟日聊

抒鄙志兼貽同好

首夏百卉滋。揚舲蕩清淺。澄湖被綠蘅。修堞封青

蘚。汶濟浩無涯。蒙羽紛可辨。瞬目興未闌。進帆望

已緬。圓景升東瀛。半規倚西嶺。高視旣彷徨。臨深

亦懷轉。毀譽理不嬰。津梁悟攸造。晨與美人期。顧

瞻日就晏。眷我二三子。亮節期無忝。小人玩網娛。

君子慎修衍。天路苟不遐。茲理行當勉。

曉發南陽

靜夜升華月。披衣念塵埃。羈心正鬱陶。辭難懷素
賞。遐矚見欽崎。俯視識沆瀣。文鱗湛深淵。修羽凌
高響。宿霧泝未收。輕颺浩無象。明發獨不寐。側席
起長想。

孔蓋曰似
謝宣城

朱適成二見

州來曰求仲五言古
創模矜貴不雜唐音

寓懷

柳洲詩集

卷三

五言古

十九

南國有佳人。容顏麗無方。羅襦綴琅玕。艷若敷蘭
芳。問女何所思。所思浩難忘。君子在萬里。道遠不
可望。良晤邈無因。援琴發清商。常恐年歲暮。蛾眉
不再揚。願言托青鳥。冀君垂末光。

又

麻氏園邯鄲。揮戈恣不噤。平原無借籌。信陵未投
袂。捧籜隨秋飈。危城且弛衛。鄙哉垣衍言。圖存委
秦制。矯矯魯仲連。奮詞若雷厲。寧當蹈東海。安能
事西帝。既沮弱趙謀。終折強秦勢。丈夫貴解紛。拂

衣却金幣。英風邈千載。夙心願齊契。

又

衛霍紆侯組。李廣修戎行。絳灌寵將相。賈生竄南
湘。賢愚更禍福。天道何茫茫。乃知殷窮達。義命固
其常。老氏戒守雌。處世貴和光。烏鳥嫉鸞翼。榮苑
憎蘭芳。去去謝塵網。采芝南陽。

蕭陶曰情致惟
惻惻小雅之義

贈交讓

魏子振大雅。懷瑾卧林壑。賦詩追建安。著述掩京

柳洲詩集

卷三

五言古

二十

洛忠孝欽先軌。一一任冊縵。每慕嗣宗嘯。恒哂子
雲閑。鸞鶴不棲枳。隋珠豈彈雀。伊余愜素心。結交
欣有托。

蔣璩

二見

子存曰禹書五言古體氣高妙
此擬精工無所常師意寓即合

于更曰五言不難于音節入古
難在神理無間禹書已得三昧

懷方子

戊子冬別龍舒方子。子留于今三年矣。人
絕路遠音問闕然。詩以懷之。

與子別三載。惠義永不渝。相聞阻且修。千里各一隅。不惜千里遠。但傷形影孤。引領望西北。冉冉雲阻。念子不可見。獨立空躊躇。黃鵠因之申區區。

又

代馬舂遠別。朔雁悲離群。何況同袍客。南北中路分。予若澤中水。子如天上雲。低昂勢各異。遠道誰相聞。晨風不可托。何以展殷勤。唯念別離苦。思情常在君。

柳洲詩集

卷三

五言古

三

交讓曰子留馬才早世二詩竟成永別殊足傷感

五君咏

楊季廉維斗

夫子金石操。夙昔勵風軌。歷事多感激。處暇敦素履。亮節被時論。榮名炳良史。臨難永不渝。遺形齊生死。

陳黃門卧子

給諫本軒舉。任尚懷性慤。越禮稱生才。好畫稽公舌。砥修類湘蘅。綬調儼郢雪。抱石授清流。置身恐

不潔

顧明府漢石

顧公古遺愛。行卓品亦正。微異中牟尹。道治單父令。沉識既內融。朗照復外映。蘭姿或可摧。桂質本愈勁。

趙記室子玉

記室曠達士。遺世甘沉伏。坐鎮推雅風。行吟標奇服。隋珠雖善藏。爛然別魚目。浩蕩歸江河。彭咸同所宿。

柳洲詩集

卷三

五言古

三

夏內史存古

夏子才軼倫。高步徵前矩。奮身廁緹幕。淪跡洞緇羽。摠藻振管文。吐論洽晉麈。矯矯玉樹姿。慷慨就黃土。

送種民兄入黃山

玄冬涉沍寒。驚焱流朔雪。鳴禽戢其羽。游子息行轍。顧此松柏姿。凌霜厲晚節。奈何同心侶。歲寒當遠別。攬袂一徘徊。憂思中腸結。

又

遠別亦何爲。登彼黃山岑。下有新安江。江水廣以深。修渚多停瀾。山樹無茂林。川原何蕭條。雨露日相尋。感物懷人懷。涕下誰能禁。行行歷吳會。悠悠獨傷心。

又

草木有同岑。河漢出天潢。况我宗周胤。同源洛水傍。二載結綢繆。一朝更離傷。願爲弦與望。莫爲參與商。弦望會有期。參商安可量。

又

柳洲詩集

卷三

五言古

三

素緇變青蠅。謠詠來蛾眉。樸忠守正則。屈氏爲良規。人生斯世間。險巇誠足悲。神龍困沮澤。惜哉非其時。思慕商山老。行歌繫紫芝。不如求列仙。真訣聊可追。

又

列仙逸何許。云駐天門端。天門何寥廓。洞府羅重巒。容成與浮丘。二公官鍊冊于黃山服食成靈冊。送子凌高飛。乘風展輕翰。願子珍玉體。努力慎加餐。赤松未可從。所志良獨難。擾擾百年內。喟然推心肝。

又

心摧弗重陳。去去勿重中。離別在千里。恩愛同一身。纔巧無所施。誼分日以親。會而問何時。期我日陽春。惠義切金石。丹青感神人。先民有遺訓。結交慎所因。

卜臣曰數竹原本蘇李出入陳思往往以離處見合

送婦翁仲芳先生北行

上策金馬門。行行辭故鄉。泛舟涉湖渚。驅馬過大江。江湖浩無方。南北路阻長。朔風莽蕭蕭。流水何湯湯。軒車激飛雪。鷄鳴凌晨霜。登彼萬里途。聊復進此觴。豈不戀家室。意氣常激昂。一爲黃鵠飛。奮翮起高翔。

又

黃鵠志四海。斥鷃非比翼。君子寶榮名。行路將焉識。出門當路岐。曜靈忽西匿。但見浮雲滋。中野多荆棘。執手一綢繆。攬轡長太息。顧念披褐人。悠悠棲南國。如彼絲與蘿。纏綿無絃極。

山中贈陸兩京兼示左城僕胡

澗水何泠泠。山木鬱蒼蒼。別若乃二載。况復道里長。良辰忽枉駕。嘉會安可量。朝發湖水湄。夕弭靈山陽。兄弟兩三人。翩翩登我堂。携我同行游。酌我以瓊漿。出我新詩文。索我素琴張。朱弦久寂寞。鍾期洵難忘。知音諒不渝。何必宮與商。

輓歌詩爲曹子閑作

寒雲蔽蒼莽。落日生悲風。丹旆啓靈輜。白馬肅殯宮。親串各相送。送子曠野中。曠野何寥泐。丘壠自蒙茸。玄廬永幽扁。大暮將安窮。朝發總幃側。夕閉

柳洲詩集

卷三

五言古

五

重泉裏昔爲璠瑜美。今與黃埃比存者。空餘哀歿者。長已矣。一往無重還。千載從茲始。薤露多悲吟。蒿里接行軌。賢愚本同歸。死生孰齊視。興懷倚戶歌。言魏子桑子。

徵之曰此詩在陶陸之間
清商受徵聞者無不泣下

周

珂二見

群賢曰越石五言古渾
秀含芳自足魏晉之音

雜詩

驚馬畏道險。駿馬畏道夷。道夷何足畏。無以別凡

奇目輕九折坂。足蹠千里堤。未嘗遇伯樂。追風安所施。鹽車困太行。嘒嘒盡如斯。願生鴻鵠翼。奮然一高飛。

二

燕雀巢梧桐。鳳凰棲枳棘。宵小列雙闕。高賢遺四術。世事多舛訛。天道不可測。圓月有時虧。白日有時蝕。日月猶如此。人生無終極。勿爲窮達移。亮節崇明德。

和瑞竹居詩

柳洲詩集

卷三

五言古

五

綠竹高百尺。乃在庭之垂。勁節摩蒼天。卑枝拂幽蹊。借問何爲爾。主人前致詞。昔年家仲子。斬竹架薔薇。上有霜雪彫。下有螻螳居。自謂終萎絕。何期忽華滋。二載發新篁。三載去故枝。十載始森茂。仲子遽長辭。竹枯有時斃。人逝不復歸。觀茲手植存。能不懷慄慄。余亦聞此言。泠泠有餘哀。起視明月下。竹影正參差。

舟次真州

昔年形勝地。大將揚緹幕。萬艦蔽淮泗。千屯連衡

郭瓜步時其後大江枕其郭橫石既嵒峨奔流自
別壕何圖大命移山崩川爲洞今我來其州城郭
猶如昨流行水上飄飛蓬天外落仰視潛波魚俯
眺高翔鵠樹色近青翠山光遠寂莫想見烈士風
義氣真磅礴日暮猿吟斯人不可作

李公白二作雖近
唐音自是入古

贈張子服

吳干哉盤匱薄柱無完軀剛者濟以柔百練爲繞
指豈不貴挺直藏鏑以有俟張子耿介節夙昔吾

柳洲詩集

卷三

五言古

二十七

所企門多好事車胸羅百代史常存皎日信不隨
秋風靡恍慨生激昂壯心何能已英雄多軼軻自
古皆如此歎息令人薄素絲化爲縑久要不在終
君子慎其始

贈履旋

平生尚亮節卓犖觀書史璫璣非吾寶所惜在寸
管世驚吾獨靜對之如飲醴著書常閉戶客至恒
倒屣汎酒杯行遲終宴無跛倚四坐盡歡呼唯君
能不摩恬曠以自適何其善知止古稱黃叔度今

復有陳子澄清揚不濁消人吝與鄙

送家兄之維揚

濁水無清波颼風無靜柯願欲託後塵屯膏戒其
多山川猶在眼宿昔曾履過烟浮彩虹外橋集白
雲阿離家易金素秋風起棹歌日短路途長悵別
當如何水中有匹鳥同聲自相和送君從此去邈

然隔山河

陳昌

二見

古哩日漢彬古詩
宗康樂已足境地

柳洲詩集

卷三

五言古

二十八

十三夜東園玩月

浮雲斂良夜涼颼自凄緊粲粲衆星列煌煌玉繩
耿皓月舒廣除揚彩何彪炳娟娟而瑣窓離離徧
華省流光被天涯萬里無殊境開軒眺雲衢幽輝
照人冷桂樹疎澄耀清池翻素影宛轉白露零金
壺漏將靜仰見衡漢闌翠岫含餘景喟焉念居諸
憂心獨惘惘盈虧有常轍慘舒鮮定軫御來理難
期感往情恒警徘徊聊自娛佇立忘宵永

之武林道中作

晨興飭征裝。駕言遠行邁。念予違茲路。迢遞踰三載。悠悠孤舟逝。幸與嘉辰會。秋岸靜。驚塵寒。流滌浮。盛假。假。假。曉霧沉。叩。棧。夕。景。晦。揚。帆。激。層。颿。理。棹。越。湍。瀨。高。岑。涉。望。竦。修。坂。當。前。蒼。疎。林。莽。蕭。蕭。輕。烟。紛。靄。靄。陰。風。振。長。薄。絲。雲。翳。曾。靄。肆。目。曠。無。涯。羈。情。鬱。何。謂。真。想。結。依。方。遠。度。寄。事。外。纏。綿。遊。子。心。辛。苦。良。足。慨。

郁自振 字玄度

賦得振衣千仞岡

柳洲詩集

卷三

五言古

无

鬱鬱高山雲。燁燁孤峯日。攬衣防其巔。曠然忘得失。王侯何濟濟。冠蓋羅京國。許史託椒房。衛霍震殊域。豈不盛繁華。離暉有時匿。巢許棲深山。放歌傲蓬華。涼風碧嶺來。明月清溪出。樽酒適陶情。松聲落澗側。車轍任紛紜。邈焉不相及。

擬賈曰得
詠史之神

計敬二見

寄懷四明馮子

林。翠。秋。氣。肅。虛。庭。露。華。白。人。生。重。交。遊。別。離。殊。可。

惜馮子賢豪間。弱冠雅相得。慷慨命柔翰。意氣發行墨。貽我年來詩。於今滿東壁。所嗟良晤艱。吳越遙相隔。烟波浩縱橫。悠悠不可即。滄海寧無涯。相思抑何極。

吳自求 字永言

卜臣曰易菴先生詩文妙天下永言與弟克臣躬季少奉過庭之訓時人比之三高易菴先生既不竟其用而克臣躬季復先後夭獨永言厚重不佻能世其業詩亦溫潤如秋林自靜春原盡花

感遇

柳洲詩集

卷三

五言古

三

靈羽振五采。來自丹山陽。和鳴叶九韶。高飛薄天關。顧彼燕與雀。夾起枋榆旁。未知鴻鵠志。安能識歸昌。一枝聊自娛。翩然相廻翔。弋者恒窺伺。將為增繳傷。何如入深林。斂翼善自藏。

曹鑑平 二見

交讓曰掌公五言古詩詞選調聲情俱合故絕無矜莊之色而獨見深永風人之遺也

古皇曰掌公五言古詩仲曹劉頗頗顏謝直欲起當時作者與之爭片語之間

擬古

秋氣集江湄。白露滋香草。芳馨遺所思。浮雲隔長道。采采不盈筐。攬衣一何早。山川萬餘里。榮名君自寶。會合良有時。白首以偕老。

又

良辰不可失。一去難復留。春風盪百卉。置酒共遨遊。挾瑟彈逸響。朱顏發清謳。放情青雲外。知音自相求。所嗟寄一世。臆塵不自由。冠蓋羅京洛。衣裳美蜉蝣。行樂及芳時。奄忽春復秋。何爲戀虛名。慷慨懷百憂。

柳州詩集

卷三

五言古

三

又

美人別我久。音問日已疎。有客遠方來。忽貽雙鯉魚。上言相思苦。淚下不成書。相見何能再。中夜徒躊躇。引領望天末。明月照庭除。瞻彼比翼鳥。結念增唏噓。

賦得振衣千仞岡

高岡何峨峨。振衣陟其巔。躡足青雲梯。揮手摩蒼天。上有烟霞吐。服食以延年。散髮睎朝陽。相與共周旋。饑餐五色芝。渴飲百道泉。游戲呼六龍。千歲

耕芝田。俯眎塵埃人。誰能釋真筌。所以孫登嘯後世。稱其賢。

寶帶橋望太湖諸峯

息帆憩澄江。垂虹障巨浸。長風鳴激水。遠烟紛空林。企望週千里。群峰浮且沉。滌決天宇逼。浩瀚地軸淪。羅置諸巖岫。灝氣何氤氲。洞庭踞震澤。縹緲稱最尊。林屋杳隔凡。仙家藏青旻。聞有靈威書。洪濤洶問津。其餘皆壁立。結構成嶙峋。下隱熊豹姿。上踞鸞鳳吟。綢疊樓素波。變幻弄喬雲。斂室澗壑冷。鶴巢松檜陰。日溢紫瀾湧。霞飛綠烟屯。我行日紆遠。方且快幽尋。既適滄浪趣。聊爲河海心。

柳州詩集

卷三

五言古

三

登虎丘作

佳興愜登賞。徘徊展四顧。鬱鬱連芳草。漠漠紛烟樹。稅駕登茲丘。言是吳王墓。銀鳧異代留。金虎何年踞。噴岬帶郊郭。阡眠眺樓雉。春至景物茂。衆芳翳深翠。縱橫置羽觴。雜沓喧歌吹。清颺滌煩襟。夕景澄初霽。車馬散塵囂。巖壑恣幽契。在昔全盛時。雄圖多壯麗。山川鬱糾紛。臺榭相虧蔽。翠蓋集瑤

錦帆掛香水。爲樂不再來。繁華詎能戀。變遷在須臾。古隧松楸閑。草發館娃宮。高臺麋鹿至。感慨難具陳。靜息托遐思。

子存曰
鮮潔

坐慈仁寺古松下

京華有名刹。暇日恣幽尋。庭中百尺松。古幹何森森。屈曲虬龍枝。婆娑蔽日陰。密葉懸翠葆。修枝振鳴琴。積雪凌鶴羽。白月留猿吟。清晝時晦冥。雲物來空林。山風吹瀑布。靜聽雜梵音。嶙峋帶巍殿。弘敞蔭高岑。盤桓不欲去。高咏滌塵心。願要赤松子。與之共披襟。

柳州詩集

卷三

五言古

三

擬陶徵君田居

種苗在東菑。結廬喜抱郭。孤松莽烟霧。秋菊遍籬落。日夕棲鳥亂。南山俯庭幕。斗酒且怡情。素心耽寂寞。田家慶有秋。雞黍良不薄。地遠心自幽。欣然事耕鑿。

擬袁太尉從駕

從祀展哀敬。南郊警蹕傳。金輦馳道出。仙樂響鈞

天河洛迫前后。枌榆僊漢年。龍旗分羽衛。鳳蓋駐行川。秋陰肅宮樹。高壇霽景懸。樓觀列象緯。翼軫斗牛躔。文教敷三五。謳詠被八千。上國陳詩遍。縮禮進瓊筵。幸侍鄒枚次。欣陪鸞輅前。星辰占宿位。典禮得周旋。深愧殊恩渥。無由贊翊宣。

讌集詩

嘉禾非一穎。孤漿非一腋。沉疴與汀蘭。投分寄夙昔。芳辰不易逢。何以永今夕。絲竹發華堂。餘音猶歷歷。嘉肴難具陳。飛觴紛接席。銀燭耀綺筵。艷舞娛良覲。歡樂正未央。鐘漏遙相迫。酒闌一以眺。星月當窓白。願言矢永好。交情堅金石。

柳州詩集

卷三

五言古

三

癸六日秀
於公幹

王辰
二見

有懷

君子獨行邁。乃在山之阿。傍有松柏林。纏綿葛女蘿。會合良不易。相好固所宜。春草萋萋綠。發花自遶遶。我遊忽三月。卉木增光輝。豈無凄風雨。不同秋木萎。是以明達士。努力在及時。

戈元題 二見

赤茂日長鳴五言古藹真
保素冷然物外似其為人

雜詩

東都制裳衣明瑞綬雨霽西邨承簾篲茶組耀中
衢爲乘桃李華於歸在須臾思寵雖未卜顏色衆
中殊樓有誰家姝窈窕遠時趨懷貞猶未字獨立
抱區區春曉不怨晚語訴難久持徬徨感良夜滅
燭斂蛾眉

心微日風
和音

柳洲詩集

卷三

五言古

五

春日曉發

我行謂已蚤田家悉耕作老翁提甕汲烟火出籬
落理機浮曲渚春江風浪惡叢樹激怒號回聲撼
林薄榜人數問程猶未遠山郭崎嶇一水間始悟
逸居樂

題桃源洞天仙圖

兀兀天地內川壑開煩襟軒楹芝草長白雲與之
深中有餐霞士獨撫丘中琴逸侶結遐契獲事心
所欽群族無近狀清泉多好音山候延晷夕晴景

變陽陰滄桑易眺聽道踪寄長林呼鸞理瑤策振

長山岑

陳暉古 見

擬招隱詩

朱曦未舒曜列宿正參差爾彼驚華子策轡連青
絲青絲何紛爚言集宛與洛翔翔許史側肩御日
相索榮耀等春華無乃歟淪涸何如凌丹梯拂雲
駕白鶴激楚薄芳林飛泉佇秀壑雖無覿貴丹
霞燦緇襟何事宅朱門辟蘿成翠幕天宇昭且曠

柳洲詩集

卷三

五言古

五

俯仰自寥廓長嘯謝時人重巖洵可托

初冬卽事

四時有承謝咎度無終極金風既已逝近寒凝野
色感時惻我心况復陰霾逼重雲結層阿積雨盈
溝洫嗷嗷旅雁哀肅肅晨風興永夜不能寐脫衣
長嘆息願偕同志友隨時崇明德

錢士貴 二見

春陵行

安史亂天紀鐵騎蹂兩京鸞輿幸西蜀所過無完

城○群○盜○滿○山○谷○。聚○起○如○沸○羹○。不○聞○猿○狄○啼○。但○聞○鉦○鼓○聲○。永○州○南○楚○偏○。烝○黎○盡○孤○惻○。大○府○來○督○租○。幕○府○還○徵○兵○。皮○骨○既○已○盡○。猩○賊○復○縱○橫○。卻○過○長○吏○堂○。官○賊○互○相○更○。昨○夜○羽○書○急○。徵○符○絡○繹○并○。立○國○亦○有○紀○。大○命○寄○編○氓○。寧○甘○貶○削○去○。不○忍○誅○求○盈○。為○望○春○陵○樹○。嗟○嘆○難○為○情○。

和陶飲酒

五○斗○不○適○意○。解○組○遂○言○歸○。歸○來○復○苦○貧○。四○壁○空○瓶○。疊○我○生○如○孤○雲○。八○口○常○無○依○。故○人○有○王○弘○。載○酒○欬○。

柳州詩集

卷三

五言古

三

荆○扉○怡○然○盼○庭○柯○。雙○復○忘○寒○飢○。高○義○不○可○再○。空○樽○

誰與揮

曹爾垣 字彥師

卜臣曰彥師如秋
夜征鴻聲高月露

送林武宣之楚

金○風○秋○氣○肅○。霜○林○翳○遠○道○。遊○子○辭○故○鄉○。登○途○展○遐○。眺○寒○烟○橫○蒼○莽○。積○翠○迷○深○宵○。揚○帆○千○里○去○。雲○山○一○何○杳○。江○聲○日○夜○聞○。清○猿○傷○客○抱○。抑○鬱○念○伊○人○。抗○情○寄○物○表○。俯○仰○今○昔○間○。爰○披○江○蘼○草○。相○思○秋○水○清○。相○

見○春○風○杪○。同○心○蕙○與○蘭○。兩○地○參○與○鼎○。側○身○雲○夢○澤○。離○懷○空○繚○繞○。申○章○托○繾○綣○。意○氣○良○自○寶○。

陸 凝 字楚眉

賦得靈鳳振羽儀

鳳○凰○飛○千○仞○。翺○翺○迅○羽○翻○。嘉○瑞○協○天○樞○。雲○儀○耀○光○。澤○五○彩○色○離○離○。九○苞○姿○奕○奕○。玉○池○飲○芳○津○。梧○桐○相○安○宅○。綢○彼○燕○雀○群○。枋○榆○娛○晨○夕○。玄○鶴○愛○縞○衣○。鸞○鳥○矜○博○擊○。世○故○恒○嶮○巖○。弋○者○思○彈○射○。德○輝○覽○不○下○。鸞○翥○絕○恒○迹○。海○濱○思○戢○影○。寥○廓○任○所○適○。高○舉○意○飄○飄○。

柳州詩集

卷三

五言古

三

網羅誰能迫

群賓曰蕭
然高寄

周振藻 二見

掌公曰蕭胸五言古才氣
英邁可以並駕張氏三陽

贈交諷輝六

涼○颼○吹○飛○蓬○。白○日○麗○城○陰○。我○懷○在○寥○廓○。願○言○思○所○欽○。所○欽○諒○非○異○。伊○人○抒○素○心○。高○軌○儼○金○石○。雅○志○曠○古○今○。每○申○縞○紵○情○。重○以○瑤○華○音○。何○期○隔○三○秋○。良○晤○誰○與○尋○。好○鳥○求○其○儔○。幽○蘭○馥○芳○林○。與○子○崇○明○德○。無○

使年華侵

古風

吾慕張子房。意氣何磊落。發憤報韓主。一椎奮雄
畧。事債匿下邳。風雲待龍躍。既習黃石書。致君事
惟幕。功成身不居。冥鴻在寥廓。天地無停波。斯人
不可作。

又

鳴鶚棲茂樹。祥鸞鐵其羽。美惡豈不殊。榮榮竟無
主。物理有險夷。是非昭前古。英彥蔽蓬蒿。餐餐紛

柳洲詩集

卷三

五言古

三

華組倚伏信自天。好修敢予侮。三復史公言。回距
安所取。

咏蘭

猗猗秋蘭花。植根南山陽。綠葉冒紫莖。含英吐芬
芳。華滋凝湛露。蕤蕤殊未央。美人有所思。駕言適
周行。荒蘭紛郁烈。采之不盈筐。願結君子佩。佩短
意自長。要契在永好。終古期勿忘。

州來日
從秀

李孫煌 字次彬

雜詩

群賢曰。次彬。衆士多材。技善握槊。
盤馬射能墮。飛禽詩亦有旋仗氣。

駕言陟終南。回首望帝畿。城闕何崔嵬。寓目忽忘
歸。甲館崇阿閣。朱門列高闕。英俊日馳騁。冠蓋相
追隨。縱飲恒長夜。歡娛露未晞。人生年幾何。盛衰
寔相依。莫以鼎食富。貽彼藜藿嗤。

錢

煥 字蔚宗

群賢曰。蔚宗。奕奕霞舉如
王母。乘軒漢庭。仙雲綽綽。

新安吏

柳洲詩集

卷三

五言古

四

妖氛滿中縣。鋒鏑千里驚。層陰蔽白日。殺氣滿空
城。客子道新安。荒時縱征橫。人家嚴岫宿。野老悲
哀鳴。借問哀鳴誰。吏人來點兵。府帖嚴且急。逼迫
難爲情。我昔有長男。勇決誠後生。朝攻左賢陣。夜
沒休屠營。惟餘瘦男子。薊弱難應名。謂可終侍養。
又復從軍行。臨岐各分手。涕泗滂沱盈。生死不相
知。滿壑一旦并。僕射保河陽。教令方休明。何當隸
士籍。撫養齊父兄。

魏允札 二見

燭昆曰州來五言古清新如
晨露流桐想見王大濯濯

感遇

風飄日西噴餘光已云逝
圓景尚未升衆星徒歷歷
壓仰視燦以繁慨然生感激
驚駭乃先驅騏驎自伏檻
誰言志千旦終復委沙礫
數奇徒悲傷撫膺增憂戚

又

鳴琴高堂上深情托朱絲
雅曲猶未終忽聞聽者嗤
輟彈再三歎疇爲鍾子期
山水無欣賞知希良

柳洲詩集

卷三

五言古

望

可悲龍伸與螭屈顯晦各有時
勗哉蓬蓽士懷珍堅自持

又

英英倚蘭花托根深山麓
經秋方敷榮清芬正馥郁
如何不採擇遺之在空谷
臭味雖寡投且勿悲幽獨
鼓氣

甘

從軍行

風從軍客荷戈事遠征
南隸樓船部北戍度遠

營長川廣無極峻嶺自呼噪
奮揚思絕漠捷伐威
鋒削朔風悲蕭條瘴氣鬱不清
炎夏苦蒸熱寒冬
雪飛寒幽燕未解圍
百粵正觀兵進退依嚴鼓步
伐隨鳴鉦夕息恒披甲
負羽朝啓行封侯貴及時
慷慨請長纓

石壕吏

薄暮宿田家有吏捧檄至
老翁出門望丁壯紛然
避問吏今此來奉是何公事
吏言急徵催縣令特
相委老翁前致辭未言先墮淚
前年稅已完新禾

柳洲詩集

卷三

五言古

望

未成穗妻孥久無食租稅從何出
吏一聞此言瞋目怒詆詈
府檄近日下嚴急殊非戲
茲勿相寬假莫以身嘗試
老翁聽未已意塞神魂悸
嗚咽語聲微揮淚還告吏
男爲隣家傭作苦病顛顛
利有膝下孫行年尙騷屑
明當叩富室賣之作驅使得價
卽與君今夜幸遲遲入門語
老婦老婦涕橫墜自
初撫此孫何忍遽棄置
母孫俱苦啼終夜不成寐
天明携孫去引領猶相企
咄嗟當途人奚勿勤撫
字

越石曰與木蘭孤兒等詩
日出之源非孝宗子美也

贈渭陽越石

廣廈非一木珍裘必千腋深林衆材茂崑山瓊玉
積蘊德日以隆乃生此連璧哲兄布令譽窮理探
幽顯令弟揚清輝縱橫觀群籍直諒復多聞古所
稱三益伊予托承好慎勿相間隔願爲雙飛鳥與
子同朝夕

古嗟曰似子
建酬贈諸詩

陳哲庸二見

御洲詩集

卷三

五言古

望

采菊篇

冉冉孤生菊托根南山陽上歷千峯秀下臨萬壑
長寒風颺鵲鳴百草爲不芳微質吐清芬獨能凌
秋霜豈終離下姿爰會君子室良辰對明月雅奏
促飛觴實心非外慕俯仰拂餘香采之佩羅帶曠
然含清光

錢
嫌二見

庭前竹

空庭有修竹落落多英姿托根何其遠來自渭水

渭色經寒不變聲與靜相期勁節不可奪冰雪恒
自持倚倚保貞翠以待悟鳳樓

曹爾延字彥博

卜世曰彥博詩如曲
潤清泉練林弦月

送林武宜之楚

悲哉秋爲氣寒蜩鳴枯楊念我同袍友驅車辭故
鄉丈夫懸弧日壯志懷四方不愁離別苦所嗟道
路長願言置旨酒握手上河梁河梁悲風至草木
何慘傷側身望洞庭回首眺湘江東日欲西下北
柳色詩集 卷三 五言古 四

與子共徜徉
陳詰倫字安上

卜臣曰安上詩如春幕入洛
陽名園觸目奇葩皆是姚魏

歲首集南谿

孟春微霰零寒風尚蕭瑟旅雁辭南州卉木揚新
色念古秉燭遊良辰不可失賓朋皆英髦醉飽渥
君德嘉肴既孔多旨酒何芬苾度曲發清音綠竹
淒以惻明月生東隅流輝耿華室參差列宿光皎

岐當隱出良會非易逢嘉節寧多得對此不盡歡
含情爲誰極

達夫曰擬之公讌
在偉長德璉之間

孫復燁二兄

讌集詩

風雅道未喪英絕領其群梁園冠鄒枚建安擅劉
陳夏葛與冬裘各因時所珍清商隨風發鳴葭流
好音卜夜繼蘭膏秉燭雜微吟女蘿託喬木蔓葛
施高岑而予媿作者亦復遙後塵良辰兼勝友懷

柳洲詩集

卷三

五言古

聖

抱展古今

山齋讀書

山川快遊覽閒牕列古今寂寂涼風至獨坐且披
襟蘭徑絕行迹虛館有鳴琴因之弄柔翰聊以怡
吾情不惜我生晚所嗟古道傾曠然心自遠懷抱
復沉吟碌碌豈云樂達人識淺深

曹鑑章二見

釋實曰達夫五言古
安和溫雅情情德音

詠懷

少壯負奇氣慷慨思立功勒石瀚海濱紀績凌烟
中曜靈慘無光安得乘長風智故不可恃利往在
童蒙里照託沉酣酒泉有故封冊史西出關仲尼
稱猶龍

又

岐路分東西素絲任黑白修名本早成中道常遷
革感慨良有因託身無陳迹德以時遇衰節以風
霜易一軍變蟲沙相顧增惋惜志士稟歲寒願無
忘風昔

柳洲詩集

卷三

五言古

聖

贈交讓

君有鸞鳳質超逸青雲中高蹈齊彭澤達識比林
宗閉戶益著書草玄追遺踪雄采振大雅高音存
古風况乃崇明德寥寥誰與同層巖松柏林幽谷
蘭蕙叢根幹同山川弱植難自豐我懷景仰意師
資良可通

李炯字盈川

赤茂曰盈川弟詩灑灑無塵滯抑
以薰染當爲吾家後起之白眉

擬張黃門苦雨

曜靈蔽朱光。丹霞散淥水。繁雲結層巒。悲風扇蘭
汜。八極雷聲殷。四溟雨足起。水鶴愴然鳴。龍吟
不止。密葉條蕭疎。青苔盈階砌。高尚有素心。周窮
守正軌。延佇翫淒清。逍遙娛圖史。商歌滿天地。寄
懷桑樞子。

擬謝康樂遊山

君子秉幽素。達人懷岳壑。坦步眺連岡。賞心越重
嶂。所欣解鬱陶。而復增寥廓。攀崖烟光遡。牽蘿嵐
氣薄。雲物杳深沉。青翠紛沃若。白鳥亂丹叢。紅霞

柳洲詩集

卷三

五言古

四七

覆紫萼。既聞哀禽呼。復見啼猿作。崢嶸非一狀。將
迎自酬酢。佇想瑤臺人。塵外慰棲託。蕩志名不矜。
撫化情彌樂。不惜謝鄉里。奚用辨龍獲。願與同懷
者。踐此遠遊諾。

魏允桓

字虎臣

子更日虎臣爲選密先生少子卜臣幼弟
赤茂之婿也善屬文工書法克紹家風爲
詩宗其諸兄亦能步武

擬張黃門苦雨

秋盡衆芳斂。氣肅百卉沉。漂雲屯幽藪。玄雲覆長

林。空房寂以茂。閒庭淒且陰。羈心正鬱陶。矧乃寒
雨侵。歛吸興庸寸。散漫成愁霖。金足交窓下。引睇
碧山岑。水鶴鳴遠垤。沙鶉浴遙潯。小人憫昏墊。君
子悲滯淫。竹素良可展。載懷離畢吟。

陳秉二見

擬古

送君萬里行。闕梁何浩浩。攬衣立傍徨。各言常相
保。會面未有期。誰能舒懷抱。朔雁向南州。代馬從
東道。天涯不爲近。三年不爲早。時節忽如流。焉得

柳洲詩集

卷三

五言古

四八

不速老君歸。攀春條。君去萎秋草。他鄉難久留。不
如故鄉好。

又

江上有芙蓉。華滋映顏色。願言遺所思。道遠不可
卽。浮雲蔽故鄉。江湖渺無極。空床長涼秋。遊子念
白日來。當誓同心去。當長相憶。歲月不再還。及時
慎努力。

子存日清悠閒宛
可以嗣述十九首

後學李光堯校

柳洲詩集卷之四

毛 蕃 蔣 璩

陳增新 李 炳

同學

李 焯 魏允枚

全選

魏允楠 曹鑑平

七言古詩一

沈 湛 二見

擬張司業古叙嘆

古叙墮井知幾年容華銷落色不鮮遙憶當年未

柳洲詩集

卷四

七言古

一

墮時纖手曾經插髮絲美人何爲輕棄擲井底却
出金雀枝寶光久向泥中沒擎出人前渾未識雙
翅花髻縈步搖別有新粧麗人儻雖然暫出井中
泥不願隨人耀顏色

蜀昆曰極
肖本詞

沈 焯 二見

老將行

武皇拓地五千里白虎幡開星斗徙都護年年遯
塞霜虎頭燕領封侯子憶昔年少初出關面如頰

玉映刀環寶劍如水蒼龍蟠猩袍點血晝光寒天

子召見親拱手麒麟殿賜蒲萄酒夔鼓新傳天策

軍豹符勅挂將軍尉啓行不復辭家室絕帝傳觴

揮不食驃騎翔翔從衛青馬服因昔收許歷羽林

十萬爭前驅乘傳行邊意氣殊隴西太守走負弩

漁陽老將來望靈鷲勢海上開牙帳鵬鵠泉邊試

象弧邊地無春百草短堅冰如刀紫髯斷健兒遙

避飛將軍燕然祁連盡納款采花重唱于闐歌白

題起舞瞻行憶斃面甘從鄧護羗抱足維隨班定

柳洲詩集

卷四

七言古

二

遠有詔將軍再鎮邊景風初下邊城暖珥貂使到
分歌鐘墮馬鬟來傳玉盤輝光照耀海西營紫泥
又復飛九重稚兒盡縮通侯印賜第遙聯五柞宮
復道彩虹迎白雀夾橋明月濯黃龍鈎簾分賜珊
瑚紫飾柙高懸琥珀紅長安道上功臣第平津武
安失華麗高車爭賀司馬門閨中少婦淚如雨閨
中纖月照流黃如遇蟾蜍戰上霜素箏不明潮銀
甲挑笙欲凍虛秋床博山爐淡紫霞淡水絹袖薄
玉臂涼安得賢妃進封事玉關遠窺屯田旨尺書

特召虎臣回千里郊迎徧都市猶及金閨未暮年
紫絲步障蜀國絃荷花池舞白紵送竹葉杯浮綠
蟻餅可憐開邊意未止可憐天壘光不已裴矩既
撰風俗圖戈船又習昆明水那知歲月迅如飛塞
上閨中鬢雪霏不堪歲歲秋風起共看天邊鴻雁
歸

子更日藻繪
是初唐傑作

魏學渠 三見

釋寶日子存七言古辭氣溫
雅意味深長得風人遺旨

柳洲詩集

卷四

七言古

三

輝六日子存七言古岩軼
本于太白輕矯勝于東川

寄懷無可上人

上人姓方名以智崇禎朝官翰林簡討文

章書畫冠絕當時鼎革後披緇學禪聞其

枯槁淡泊泊居然山僧大節有過人者

美人昔日顏如花樓閣連雲錦作霞少小深閨聞

窈窕陌頭五馬徒相誇一朝迎入璇宮裏長侍乘

輿親玉趾年年秋月照芙蓉歲歲春風競桃李桃

李芳菲接上陽清歌妙舞歡未央罌罌氣盡翡翠

暖羅縠飄颻蘭麝香香銷烟寂幾回換蒼梧宵冥
雲漫漫帝子靈旗不得攀宮姬團扇生愁嘆嘆息
長門綦履絕空山杜鵑曾流血感恩一顧難爲忘
雙淚潸潸抱貞潔自茲萬事付清冷忍草禪枝繞
中庭莫惜紅顏安薄命手剪青絲學誦經

微之曰朱絃疏
越一唱三嘆

別馬濟美

與君話別廣陵許桃花片片墜紅雨北闕獻賦不
見收拍手歸卧蒼山場傲睨風塵酒一杯長安車

柳洲詩集

卷四

七言古

四

馬何壯哉珍重自將白雪調翠律空上黃金臺此
日故園春已暮柳色鶯聲芳草路天目峯頭瀑布
懸疊嶂溪邊解舫渡吾家驚水釣魚磯征衣纔脫
着荷衣君亦休言未得意文章絕代知者稀

賦贈程穆倩兼索畫

君家樓頭百尺高滿漉烟霞揮彩毫福衡落拓稽
康嬾笑傲詩酒真其曹憶昔漢京全盛日結交賢
豪膠與漆漳浦清江一代人雅重程生世誰匹吁
嗟中原陸沉難具論金戈鐵甲如雲屯黃山故園

歸未得。隋苑繁華無復存。塵飛雨散昏白晝。厨顧
俊及多傾覆。招魂宋玉餘楚辭。慟哭全雲念恩舊。
以茲放浪江淮間。長歌短吟老朱顏。丹青篆籀隨
意是。千秋之名君。獨攀終年著書窮。第二酉。鹿冠蔡
杖自稱叟。春風笑看蕃釐花。秋來閒折臺城柳。我
將北去登君堂。俯仰往事悲滄桑。臨墨池。展筆床。
莫畫人物畫。山水卧遊五岳攬。八荒。漳浦清江謂
石齋機部兩

延津早發寄懷曹大興

柳洲詩集

卷四

七言古

五

去年同君浙水東。對酒浩歌坐生風。今年我行洛
陽陌。日暮投鞭霜欲白。三更還夢故園好。村雞喔
喔車行早。僕夫整裝催出門。寒飈颭沓吹埜草。埜
草平蕪朝雉鳴。荒城四面無人聲。雪厚冰堅馬蹄
滑。思君不見參斗橫。

掌公曰盛
唐合作

過梅市贈祁奕遠

君家買山梅市裏。對酒當歌暮雲紫。銅盤絳蠟四
空明。玉盃金盞三日止。憶昔西京全盛年。梅生上

書天子前。虎豹蹲隅不得達。撫掌還山稱神仙。君
之大阮。冰霜皁繡衣。驄馬長安道。寓山澄潭乘鯉
遊。湘湄澧渚滋秋草。兩賢生死不相同。清風明月
含笑中。知爾少年嗟失志。千秋意氣徒如虹。會稽
城。西水雲白典裘沽酒且結客。宛宛桂樹十里山
濛濛。松花五畝宅。樗蒲六博醉中眠。買茶日鑄煮
清泉。黃金用盡鸛鵒敝。憤鼻文君明鏡邊。君不見
冥鴻入霄鼓。雙翼神驥軼塵馳。八極丈夫何用長
偁側。胥濤拍天壯顏色。

柳洲詩集

卷四

七言古

六

過丁飛濤弋雲于虎丘卽事戲贈

憶昨別君正七夕。銀燭羽觴醉留客。夫差城北月
輪高。相逢握手坐山石。石邊車馬紛相過。夜夜香
風襲綺羅。千山萬山暮雲紫。樓船鼓吹秋始波。月
出松林噪鳥鵲。笛聲寥亮振丘壑。携展扶筇放崔
亭。墮珥遺簪倖娃閣。知君年少情復多。愛聽尊前
白苧歌。今我不樂意如何。千金一笑擁雙蛾。

古聖曰青蓮
得意之作

有鶴篇
哀秋符也

有鶴有鶴山之阿。暮倚孤松拂女蘿。徘徊雲路雙
翻短。鳴聲淒切哀怨多。客來謂雀何自苦。鴛鴦棲
梁。食澣。日夕嘶酸薄青雲。無人見。鱗音欲枯。雀
對君言。豈不知情深。誼厚。涼難移。生啄玉禾。異凡
鳥。帝子携我洛。咸池。咸池湯湯清且泚。文狸赤鯉
銜香芷。曾隨明月到緱山。亦逐群仙渡遠水。遠水
緱山去不還。杳杳帝子。胡朱顏。祇緣君思一剪拂。
使我清淚愁空山。滿地烽烟方角鹿。平陵碧血向
誰哭。翻舞吳市城郭非。中宵歎歎兩黃鵠。願依精

柳洲詩集

卷四

七言古

七

蔣玉立

三見

上衡山亭。彥七言古原本。
蜀州其跌宕處復以供奉。

寄贈李條侯兼送吳興公移家下相

嶧陽之側高百尺。河流浩浩沙草白。素書寂寞徒
爾爲。穀城千載老黃石。李生家在邳城闔。任俠風
流莫與倫。陽柳堤邊懷謝客。桃花洞口憶秦人。知

交半屬侯嬴。羣。廡下。更容伯鸞在。一飲時傾金叵
羅。賦詩銀燭常相對。吳郎意氣凌青雲。白眼看人
迥不群。憔悴行吟春未暮。河橋爭路日初曛。三年
縞帶通吳越。尤與李生深。自結移家此去定如何。
茲。昨。龍。畔。甘。薇。蘇。送君南浦傷秋草。荷葉田田白
蘋老。江上雙魚寄不。天邊旅雁來應蚤。惟余落
魄家五湖。汗漫之遊屬。徒。異時下相重携手。乃
識李生真丈夫。

柳洲詩集

卷四

七言古

八

亦。代。日。此。題。交。已。成。
絕唱。亭。彥。能。與。神。鏡。

杜工部南池

我來南池傷暮春。當軒雜樹深俯通津。杜曲先生去
不返。空餘此地車。麟。麟。當年主簿開華宴。城隅秋
月明如練。我今三月復追遊。幾樹衰桃飛乳燕。雕
欄曲砌隱文魚。碧樹紅泉盡不如。江南芳草春遊
晚。此夕堪停油壁車。何期故苑重尋勝。羈愁結侶
偏乘典。隔水黃鸝嬌綺羅。隨風柳絮迷芳徑。酌酒
歌呼弔古人。勝地猶來放復新。還過濟上逢秋半。
共向池中採白蘋。

李供奉酒樓

城頭落日易夜啼。晴川歷歷草凄凄。雕甍朱檻高
天半。酒旗直欲拂雲霓。黃河倒掛星斗落。鴻鵠焉
能知。燕雀眼光杯底見。穹蒼丈夫何事辭杯勺。提
壺沽酒一登樓。不願生封萬戶侯。主人醉後能騎
馬。嘉客傳呼不上舟。君不見南池曾識浣花翁。別
墅危樓兩地通。惟餘城下東流水。歲歲行人怨落
紅。

掌公曰無
限蒼涼

柳洲詩集

卷四

七言古

九

沈權之三見

贈渭陽越石

君家兄弟雙南金。結交肝脾稱知音。于今握手俱
壯齒。行踪寥落恒相似。短褐狂歌天地間。萬壑千
山望如咫。有時縱飲四座驚。傲睨不顧諸公卿。悠
悠世人徒咄嗟。胸中海岳俱縱橫。春風潤壑生香
草。秋水烟霞淨如綺。黃鵠齊飛凌九天。丈夫特達
貴身早。君不見迢迢河漢星。參差浮雲蔽天明月
光。爾我何為俱當之。吁嗟乎孤鴻夜叫猿啼雨。我

欲長歌君且舞

陳增新三見

子存曰子更七言古掩有諸
家之勝超然而前絕人岸遠
解眉曰子更七言古沈練既工
風秀不乏名華適句二往際適
卜臣曰子更七言古不宗一寒感時
之作原本少陵投贈之章神似太白
懷舊吟贈蘇崑生

汝陰蘇崑生故寧南侯左大將軍揖客也
以善謳豪于襄樊間未幾寧南物故子侯
身率熊羆識歸 龍鳳而崑生遂失依劉

柳洲詩集

卷四

七言古

十

之恃矣南飛無樹東武成吟慟切半雲情
深向秀懷舊之感彌篤繞梁之技益工祇
有何賦懷其欲絕贈之長句聊寫鬱紆云

爾

左將軍輕裘緩帶襄陽城。襄陽城中月正明。曳裾
幕府稱揖客。其人乃是蘇崑生。少長汝陰工協律。
繞梁逸韻奏青匹。清商半部和者稀。遂使伶人氣
蕭瑟。風塵瀕洞帝星移。青蓋踰關入洛師。朱袖銷
沉。鶴舞絳脣寂寞。鵲鳴詞因此年來見漂薄。東

走琴川西震澤。秋風雀唳仲宣樓。夜雨猿啼黃歇宅。舉目滄桑行路難。何堪嗚咽涕闌干。當年解奏漁陽。慘入破愁。翻突厥。鹽酒。酬重述。開元事。手撥琵琶。仍棄地。南內于今。供奉誰。霓裳散。作人間戲。嗚呼。往事生新愁。請君對月彈箏篴。將軍幕府今何在。惟有長江東北流。

禹書曰一往情深
備極低回之致

晴吳吟答徐眉甫

近來海內爲長句。惟有徐卿風格老。建安詞人開

柳洲詩集

卷四

七言古

十一

元客後先爭勝誇絕倒。昨曾示我愛日行。穆如清風風肆好。三冬一雨半冬泥。苦無計。緩憂心。擣把君詩句。四過讀。恰喜寒空日杲杲。霜黃朝旭促腰鎌。水落窪田催稼穡。老農負曝還祝雞。滌場取次登禾藁。徐卿徐卿休懊惱。千秋君已能精討。胸中塊壘巨羅澆。眼底芬糾不律掃。嗚呼結交期固不期。早世人交態真草草。百年懷抱向君輸。感君意氣同晴昊。

贈錢爾斐得雄

君家兄弟河東鳳。白眉尤見人推重。君家兄郎天上麟。渥洼未是乘黃真。富春纔羨伯符壯。仲謀虎氣欲騰上。江頭射潮還六日。明珠復進鮫宮出。明年秋月光滿庭。繞床戈印賀寧馨。

贈紫馭侄

當湖九派濤清湍。環以大海生紫瀾。弄珠之樓光縹緲。日月出沒經其間。君不問河流潤九里。楚材晉用君其似。秋鷹整翮摩宮旻。見君文章亦如此。君家大人吾阿兄。著書千卷嬾求名。蹉跎未奏膠

柳洲詩集

卷四

七言古

十一

西策傳經自有韋。玄成致身青雲須。及早驂騑好踏康莊道。

荆玉歌贈嗣盼

誰將名譽騰吳會。忠貞之後君其最。皂鵬整翮凡羽愁。丹鳳一鳴震天外。君莫笑投轄無孟公。君莫笑卧床無元龍。雕虫小技不足道。待君下筆開鴻濛。魚目由來易潤真。棲棲被褐老風塵。國工指點荆山璧。纔識當時獻玉人。

贈盛伯含

少年任俠五陵東。晚年避客菰蘆中。丹青足用菟裘老。鄭虔祁岳紛相從。今人交態何蕭索。羨君生平重然諾。何處論交不好新。羨君貴義輕黃金。卽看漂薄風塵裡。猶是當時一片心。

張文段出守皖城便道迎養

使君行年三十餘。朝辭郎署謁除書。明光起草未足羨。一麾出守專城居。吾聞江邊皖子國。襟吳控楚稱肥。寒漢家雅意尊太守。扶風秩中二千石。使君五馬五驂駟。故里高門畫錦遊。登堂拜展尚方

柳洲詩集

卷四

七言古

十三

賜尋迎阿母趨舒州。舒州近來多作者。使君風格尤大雅。菟苑蒐材群已空。龍眠握管和應寡。行春露冕出東方。岐麥騅謠樂未央。寄語皖城諸父老。使君何減舊漁陽。

名駒歌

天閑十二毛色齊。生駒朱汗大宛西。注渥一自星精降。天育長聞龍友嘶。夾鏡方瞳憐緒白。連錢促踠憶青驪。卽看鞦出橫門道。珠勒驂驪逐芳草。

送品上人同盛伯含遊金陵兼東皖城方輿

三敦四兄弟

品公吾禾秀。往往似惠休。詩才既清絕。欲上金陵游。金陵布衣盛伯含。其人名姓傾江南。一生好作五湖客。惟許品公稱莫逆。丹青妙擅天下奇。前身畫師人未識。今年携屐到僧寮。意氣昂藏千仞高。冬來重問桃葉渡。將挈品公湖瓜步。江雲黯慘凍不飛。江樹微茫引歸路。皖城公子于我厚。長醉燕山握我手。襟期雅與故人親。相思應憶青門柳。爲我且致袖中書。別離兩載今何如。

柳洲詩集

卷四

七言古

十四

燭昆曰。意境在太白嘉州之調。

計善

禹書曰。廉伯歌行比之初唐在。李昂胡浩之間。要以蒼古勝。

從軍行

金秋十郡良家子。受詔從戎發雍時。橫笛將吹行路難。建旄方擬開疆始。平羌萬騎出龍城。絕漠多張大將營。霜寒楚劍化千音。月照燕瓜影半明。烽烟萬里傳鼙鼓。帳下猶徵妙歌舞。車騎輕言突陣功。嫖姚耻計生擒數。軍書昨夜到回中。壯士迎風

孽角弓。深謀乍得樓蘭警。雄略於教突厥通。明堂
受獻承優澤。更議西南啓坤國。牂牁順發夜郎兵。
越雋憑宣使星德。風烟六詔斷人腸。十萬樓船廢
戟張。伏波銅柱標天外。粵海明珠進尚方。須臾六
合同文軌。輒向雲臺畫瓊瑰。白雉從令譯遠裔。玄
菟已得弛新墜。古來天子重邊功。賜第封侯勒鼎
鐺。豈識還家頭盡白。更憐滯塞血猶紅。生離死別
恩榮少。星滿關山箭聲悄。二月閨情寄落梅。十年
旅魄隨衰草。嘗聞吉甫受方征。方叔威名亦震荆。

柳洲詩集

卷四

七言古

十五

並是廟謨多筭在。不勞惡少重橫行。

老將行

嚴霜九月交河道。莽莽黃沙絕飛鳥。虎頭將軍暮
吹笛。坐對西風覽衰草。少年遊俠振京都。玉勒生
馳汗血駒。明光初拜中郎將。晉秩更莅執金吾。無
何塞外烽烟起。仗劍彎弧渡遼水。指揮七萃羽林
兵。統領六郡良家子。鳴笳雪裏過天山。掃盡邊塵
入漢關。平陽歌舞競歡晏。霍家奴騎相追攀。扶危
靖亂功難數。錫爵分茅昨繼上。東踰樂浪銘奇勲。

西迄昆吾受綬撫。登城常拔繡螭弧。突陣還攜金
僕姑。雁門李廣是猿臂。邯鄲馬服真熊軀。先皇驍
龍舊臣退。信陵邸第空沉醉。白髮遙看瀚海雲。傷
心輒下雍門淚。況逢國運當改移。淪落草莽無榮
期。廉頗尚思用趙卒。樂毅詎忍謀燕兒。涼秋蕭蕭
勁弓弩。漫向山中射石虎。夜歸敢抗醉尉呵。晝行
徒與樵者伍。錦袍舊賜村膠污。銅柱遙遙玉關阻。
角聲悲起望旄頭。一曲梁州淚如雨。

子存日腹
於摩詰

柳洲詩集

卷四

七言古

十六

八月九日大風雨

狂風晝冥障塵埃。濯枝之雨霹靂來。東海神女嫁
西海。灌壇阻道玄冥催。拔木浮山在片時。中庭運
舟等江隈。陰陰沉沉泉倒飛。人烟欲滅歸鳥稀。頃
刻萬狀莫能道。橫颶栗烈驚蒼昊。舉眸一望但遙
天。千村鬼哭擾風烟。

中秋爲武林陸氏題閨支閣

層樓百尺標蒼穹。千壺萬雉雙眼中。珠簾近接新
雨碧。雕闌遠抱斜陽紅。客居寥落強登此。竊逸宇

宙開心胸揮毫必令彩牋盡對酒易使金壘空主
人蕭灑出塵俗點染花木高垣牆結交慷慨滿吳
越滌器風采追臨叩春蘭秋菊漫窈窕征鴻歸雁
相從客我來適逢霜月淨凭高舒嘯迴清風手招
姪女下遙碧坐逼銀漢綵絲桐霓裳縹緲出寒府
玉遂宛轉遊虛櫬吁嗟今古幾更變月有盈闕人
初終白露自老虎林樹黃花已蔓臨安宮山胡不
語但長在雲霞任意行無窮願與主人酣此閣水
壺浩浩情融融何異當年住閬苑瓊漿麟脯酬仙

柳洲詩集 卷四 七言古 七

翁

達夫目有蒼茫恍惚之色

李鄂 三見

送友人遊金陵

棹歌初發江南路武陵桃花開萬樹黃鸝曉曉鳴
其顛日送行舟不得任帆挂微風白浪低金陵山
出海門西鳳凰臺下波如練白鷺洲前草正萋翠
袖胡姬方十五爐頭能爲白紵舞屠蘇一醉腸堪
斷明日落花江上雨

輝六日 輕俊

李煒 三見

交讓曰赤茂七言古磊落
縱橫有磅礴千古之氣
掌公曰赤茂七言古有愈聲
有氣有骨有快奔驟千里

遲暮行

男兒三十無成頭漸白恩怨不酬真可惜君不見
范睢折指蔡澤貧買臣負薪主父客天荒地老人
不知忍死須臾竟何益深山大壑輪菌姿匠石不
顧亦奚爲徑寸黍苗陰百尺誰言勢位非所宜東

柳洲詩集 卷四 七言古 六

鄰窈窕二八女三年不嫁色如土樓頭深坐斂雙
蛾嘆息陽春同逝波白頭紅顏相代盡千載傾城
奈若何

朝露行

君不見朝行露去日苦短誰能駐君不見桂樹花
黃雀巢嶺事可嗟由來權勢無常所用則爲龍棄
若鼠牛衣掩袂泣王章躍馬持梁笑唐舉乘時草
莽躡風雲振翼騰光海內聞咳唾虹霓垂閃爍恩
仇自日起氣血自矜才力闕如虎却笑單寒獨愁

苦不用劉殷授七經。佇看雀馬登三府。長安趙李
數經過。尊酒從容密約多。此日秋風榮玉樹。此時
春苑翫雲羅。春苑秋風項領駢。共憐甲第有光輝。
不分豪華磐石固。誰知禍孽轉蓬飛。嚴霜一旦悲
秋頽。敗枿枯槎隕如掃。蹀躞朝游禁禦花。飄零夕
萎陰山草。黃犬東門願已違。華亭崔嵬未忘歸。翻
蹇有燕穿朱棟。歌舞何姬憶絳幃。太行孟門原險
絕。奔車不戒如平輶。誰能長世擁銅山。誰能白首
誇金穴。纍纍征塗廣柳車。行人爲我少躊躇。試看

柳州詩集

卷四

七言古

九

博陸功名盛。何似東都兩二疏。

送蔣廬山游會稽

超超玄著杜陵生。欲挾雲將邀太清。念爾前身本
霄客。偶然幢節來瑤京。少年文采傾都國。一空那
尹無顏色。雕鏤萬葉扶菁英。巨靈蹠掌開神域。感
慨滄桑歲月更。妻子田廬一擲輕。著書何必承明
殿。徒步長依下邳城。杜陵生何杳渺。身與白雲期。
志蛻紅塵未練形。羸瘦如雀肋。往往三旬始一食。
有時獨拜天空雲。星冠羽佩錦霞裙。爲言騎氣游

崑崙御風潏漾排天閣。瑤草金芝長絕翕。朱陵絳
節相熊魂。世人耳食多疑笑。還嗤李子稱同調。神
仙定局我輩成。謠爾瑤臺中。先入妙福舟。十月渡江
東。霜白千山楓樹紅。此行倘遇伯陽子。招予天姥
論茶同。

辛彥日顧
時非常

寄答京口錢馭少

昔與君結交。乃在吳江縣。洞庭波浪黑。水翻揮手
蒼茫如掣電。東飛孔雀西飛鳥。劍析珠沉意氣孤。

柳州詩集

卷四

七言古

二十

渺渺迴風愁北渚。填填靈雨怨蒼梧。劍析珠沉有
時見。頭洞風塵聚會面。只擬桑田頃刻成。誰知漲
海終難變。賢兄奮翼瑤池雲。鳳羣五彩揚苞文。哲
弟歸來漢陰汜。常將耕釣供甘旨。出處雖殊志節
同。江東雨上真英雄。鴻書八月飛南國。惜往虞來
淚沾臆。爲問故人何所爲。青案風雨還貞直。

當爐曲

繡簾率地游絲繞。翠屏宛轉鸚鵡鳥。二八當爐嬌
上春。嫣然微笑傾陽城。脉脉情思未解。屬娟娟腰

支栽一束。石榴裙映花枝紅。葡萄酒似江波綠。何
來年少慣冶游。強索新歌白附鳩。新歌一曲渺然
醉。竟脫黃衫上酒樓。

安上日媽
然有致

計能二見

鳳簫曲

蕭史含情吹洞竹。飛入秦宮聲斷續。秦宮小女不
知愁。樓上春風聽新曲。一曲呈娥猶未了。更奏白
雲音。繚繞千載風流憶鳳臺。玉簫吹徹紅顏老。夜

柳洲詩集

卷四

七言古

三

迷簫聲。覓蕭史。秦川月白秦山紫。乍見榮華芳草
齊。俄聞搖落秋風起。君不見璇宮夜織思神童。清
歌倚瑟遙相從。又不見瑤池罷晏八駿迴。吹笙墮
涕期復來。容成揮杯姮娥譙。瓊樓十二彈雲璈。翩
翩羸女隨蕭史。參差玉瑄青鸞高。青鸞一去成縹緲。
碧玉海茫茫。洞天曉。西望秦臺空復情。渭城暮雨
蕭聲杳。

毛 蕃 見

亭彥曰。離宮七言古。情奇放。
氣象高爽。此于青蓮未知伯仲。

卜臣曰。離宮七言古。奇橫似李。構老
似杜。間擬中唐。亦不落長慶以後。

西洋石歌爲上谷金瑞枝賦

燕都主人絕好奇。手携怪石光離離。絳雲紅日
參差高樓四阿雜。綵施須臾變幻易容姿。古樹蒼
茫五色垂。天邊霞影何紛披。乍青乍紫無常儀。我
聞補天鍊石女。媧時此石母。乃當年遺山川奇氣
應在茲。覆以文錦什襲之。奇光弗令蛟龍窺。不然
神物難護持。吁嗟乎從來神物難護持。

刻水歌送姚天涉還嶧余時客
暨陽

柳洲詩集

卷四

七言古

三

劉溪之水疾如駛。嶧山日落烟巒紫。臨水登山送
故人。只今一別隔千里。酌君易程之美酒。送君河
梁之新詩。人生聚散安可必。百年之中常睽離。君
昔送我六月中。我今送君臘盡時。山川雨雪凍草
木。冰霜結迢迢行路闕。行人我來尋君君又別。君
歸故里晏高堂。春酒承歡歌太康。他時雪夜雲山
縞。我亦乘舟訪安道。

鏡聽詞

匣中古鏡青銅蝕。取向竈前重拂拭。斂衽再拜前

致辭夫婿一別無消息。古鏡千年會有神。重問歸期真未真。山川險阻虎豹聚。叮嚀細向鏡中訴。拜罷迴頭竊自傷。繡帶菱花什襲藏。他時夫婿重相見。更與摩娑祠竈王。

交讓口絕
勝仲初

中秋夜掌公達夫席上贈謳者蘇崑生蘇故
寧南侯客

八月十五夜月明。銀河耿耿秋氣清。荻花滿岸涼風急。寒雲繚繞露華傾。高堂開樽召嘉客。香浮竹

柳洲詩集

卷四

七言古

三三

葉貯銀罌。夜闌曲罷寒蛩寂。停杯不語奏新聲。歌喉乍起震林木。如抗如墜別有情。繁絃促節流雲駐。高聲下聲總合度。畫梁之上輕塵飛。冷冷浩唱驚棲羽。宛轉紆徐往復還。周郎不用頻迴顧。淒淒切切幽恨繁。前歌衰陽後督護。棲鳥吹徹淚潛潛。歌殘重把傷心訴。憶昔將軍幕府開。貔貅十萬蔽天來。銀燈射日霞光落。旌旗閃爍耀城隈。緩帶輕裘能下士。三千珠履皆奇才。兵書直究魚麗陣。犀蘇共進黃鵠杯。美人行酒還未畢。帳外爭呼戰勝

回。是時馮騶備食客。長歌慷慨滄江碧。蕭蕭易水髮衝冠。涼州入破動心魄。無何鐵鎖長江沉。金陵王氣暮烟侵。皖城一炬經三月。青燐十萬哭繁陰。百戰孤臣心力竭。黃雀磯頭堆白骨。陌上誰聞采芻歌。樂府新詞換突厥。武昌柳色不堪攀。暮雨蕭條大別山。王琳泉首懸街市。從征壯士幾人還。信陵第宅堆荒草。夷門客散秋風老。北走燕齊南走吳。榛蕪滿目荆門道。江湖飄泊感窮途。鵬鷃典酒黃公壚。依稀記得漁陽弄。市上何人識念奴。韓娥

柳洲詩集

卷四

七言古

三十四

一曲雍門泣。漸離擊筑增嗚咽。欲向東平問故侯。追思往事青衫濕。我聞斯語重傷悲。繁華感憶開元時。天子新歌玉樹曲。路人爭唱伊州詞。蒙羞忍耻歌窮劫。絃管淒涼凝碧池。海青死後河山改。細柳營空雲鬢變。梨園子弟已無餘。舊人只有何戡在。感我此言涕淚盈。重整箜篌曲不成。蒲坐聞之皆嘆息。爲君飲酒勸再行。試問坐中歌者誰。寧南之客蘇崑生。

渭陽曰江州司馬無此整麗

代魚溪老翁答

魚溪老翁年七十。手携藜杖門前立。雙眉深鎖不復開。見我南來向我泣。自言居此近百年。宅傍數畝皆良田。太平之歲農人樂。門外何曾聞剝啄。翁年三十不出城。鑿井耕田忘晦朔。如今官吏急追呼。場圃未滌徵秋租。舊租完罷新租急。郡中早夜下飛符。大男人城完夏稅。府吏又持鈞帖至。咆哮怒目索晨餐。沽酒殺雞供一醉。天公不肯恤農人。淫雨霏霏決九旬。倉中有穀成糠粃。縣官鞭朴何

柳洲詩集

卷四

七言古

三

時已近聞天子下明詔。捐租往往飽胥史。翁言及此良可悲。我亦催科困極時。

古嗔曰怨而不怒風人之遺

呂 寓三見

燒香曲

曲房蕙帳蟾蜍泣。銀鴨光沉龍腦泣。少婦含愁燕紫烟。細撥桃文秋霧濕。檢就秦篝送薄寒。半隔輕容逗芳脈。樹風恬寂淡無聲。縷篆春山破遙碧。蘭牕小暖澤初溫。斗帳芙蓉漏簾隙。影裏金猊細如

織。銅荷深夜長相憶。綠熊夢轉晨光開。一枝松火霜痕白。

越石口似義山

王之圻 三見

鳴大齋聽張濟甫搗筆

二月紅塵暗天起。元卿三徑花如綺。投轄朝朝聲策吹。飛觴夜夜琵琶理。何來抱筆虞山叟。江北江南莫與偶。滿眼胡笳不忍彈。爲我傷春奏楊柳。吳歛窮窈曲未零。越艷紛紜調復停。微微掩抑繁響

柳洲詩集

卷四

七言古

三

急離鸞別宿難爲聽。此時瓊樹生微涼。此時蘭陵百斛香。鵲絃宛轉清喉細。玉柱踟躕銀甲長。夜半卽杯呼高陽。引簫雜管更清商。崑丘彩鳳落行雲。遼海寒蘆飛滿霜。一燃一闕一絲絕。欲歌不歌聲嗚咽。彈盡平生擊筑心。華堂九微光欲滅。紅牙按節酒爲傾。狂風細雨來東城。烏棲啞啞猿啾啾。長城戍卒怨不平。至今瑟瑟秦箏裏。想見蒙恬刀截聲。

鸛鴒歌

涉溪買鵲鴒。群笑王生癡。萬里相携走。庾嶺千金。
不易連城姿。一眼五色光。璀璨。山人愛殺爭題詩。
君不見。陽翟買。揚鞭走馬南越遠。詔詔陸賈。案中
貲。明珠不售。翡翠死何如。端州採石兒。人生要在
有遠識。多伎多求徒爾爲。

李

柳翁曰蒼
老似少陵
三見

交讓曰。蜀見七言古
不輕下筆。故無凡境。

寶劍篇

柳洲詩集

卷四

七言古

三七

君不見。霜刃寶鐔由來傳。九華七彩珠玉鈿。良工
區冶制度全。含光宵練自年年。昆吾出自西海淵。
若耶溪畔鍔色堅。鑄成神器床頭懸。龍文燁燁金
穎鮮。紫函溢目彩霞丹。泥檢交陳彫飾妍。三尺雄
芒誰敢前。精光燦燦凌雲烟。曾聞吹飛蛟繞船。又
聞秦阿來龍泉。星文電掣各倚天。闔廬墓光騰樹
嶺上。將服之常備。遊紛紛斬艾白雪旋。君看豎儒
守一編。何如携此向幽燕。石文善武誰後先。功成
不朽銘燕然。

州來曰。極似王
龍標。壁篋引。

醉後放歌

左把扶風俠。右拍高陽徒。鸛鵲碧玉珮。脫付酒家
胡。酒酣耳熱。雙眼白。仰天長嘯歌。鳥鳥有時射獵
南山下。渴飲黃塵血。輓轡快意當。前無不作。惟不
能作。噉客客。膩顏裙。履低兩眉。把臂逢人論肝腸。
覆雨翻雲。俄頃間。奔走百年竟何益。古人白骨成
青苔。李。志。曹。蜎。安在哉。且爲買盡中山醉。浮名於
我如塵埃。

柳洲詩集

卷四

七言古

三八

魏允樞 三見

康伯曰。交讓七言古。少建獨
運轉折頓挫。處處見精力。

古。聖曰。歌行難於變化。開闔交讓。純以法
勝。而才足副之。故用少。川多用。實用虛皆
臻其妙。

寶綸篇

予內兄周子茂蘭。故吏部忠介公長子也。
忠介公既罹黨禍。崇禎改元。周子與同難
諸家子。伏闕鳴冤。俱得褒卹。故事。追贈不
及三代。周子引會典例。凡死忠諫者。贈先

世如其官疏上天子可其奏給三代誥命
予先人亦蒙特恩焉追贈之及三代自周
子始也乙酉之變避亂茗中封誥盡失周
子呼天自責以爲宗社旣淪先人錫命不
可復得矣居無何有武人縵纓雙轡從甲
騎至門請見周子周子度不可謝延之入
則禮甚恭曰僕某標將領也竊慕足下義
甚高部下卒從某處得先大夫封誥數通
欲歸足下久矣今幸得謁因出持授周子

柳洲詩集

卷四

七言古

三

周子大喜酬之以金不受而去人咸以爲
周子孱感云余因作寶綸篇以紀其事

泰階不平三光脊君門九重虎豹怒吾祖時爲耳
筆臣朝上彈章夕禁錮崇碑已列黨人名吏部周
旋若疇素金吾使者來吳趨少年投袂爭相赴公
也慷慨謝故人檻車北走長安路陰陰土室對南
冠碧血青燐向誰訴須臾帝座日月明兩觀誅食
鵠行清賜環初雪九原恨箕尾迢遙朝玉京孤兒
斥鴳指血天子動色群公驚郵典下頒尺一詔

詞臣彩筆抒生平餘聞文正公視草重淵一介草茅士耳
貂三葉俱列卿椒漿桂醕平殺魄萬人會塋看佳
城郵書舟鳳五雲下關西大鳥來悲鳴只今荏苒
二十載白髮朱顏不相待牛衣猶是泣王章駿骨
無人憐郭隗一朝吳會暗旄頭回首中原市朝改
且留薇蕨卧西山不將木石填東海處處潢池梓
鼓鳴蕭條空有青羶在草間俄驚簫簌吹雕弓白
馬鮮卑兒手持紫誥前致辭君家舊物還相贈揮
金出門去不顧道旁觀者皆稱奇我聞此事長嘆

柳洲詩集

卷四

七言古

三

息世代受恩良不替煌煌錫命不易得詔語後人
慎守之夜深彷彿群龍趨思廟神靈常在茲

予更曰雄奇瑰傑
非大手筆不能辦

禹書曰此詩
可垂天壤

立秋日示陳鶴客

白日灼地光何微涼風六月吹人衣狂歌縱酒意
不愜思得羽翮凌雲飛憐君慷慨亦奇士笑鬪吳
鉤爲君起五湖四海正愁人一夜秋聲千樹裏

奇樹歌

南村之南有奇樹。咫尺平泉起烟霧。故老相傳三百
年。閱歷風霜朝復暮。樵子斧斤迹不到。道上行人
時一顧。清陰蔽芾垂平川。根株屈曲相鈎連。蒼
黃剝落龍虎狀。不與百卉爭華妍。良材如此不易
得。衆人視之等荆棘。余來避地居茲鄉。拔劍徘徊
三嘆息。甘泉玉樹今已摧。秦宮漢殿俱蒿萊。先生
五柳搖落盡。將軍大樹安在哉。莫言此樹不遇時。
僻地幸全青雲枝。山河舉目一朝異。喬木空留故
國思。

柳州詩集

卷四

七言古

三

嶺南歌送王肇域之粵東

芳草萋萋春未半。遊子出門腸欲斷。故人走送班
馬鳴。落日河橋楊柳岸。嶺南二月春風多。送君聊
作嶺南歌。去去獨看天嶺月。行行直渡珠江波。聞
說嶺南饒雨霧。回首茫茫越溪路。旅夢長隨海上
雲。離情猶繞江南樹。如君才思總不群。肯學干謁
同紛紛。千古欲問趙佗墓。結客自尋倉海君。此時
相送紅塵陌。他日還思嶺南客。琵琶洲上艷陽天。
玉鏡臺前明月夕。應知此別復經時。芳草連天酒

一庀秋風桂水日千里。歸來早寄嶺南詩。

東川之神

贈淮上李條侯兼壽其尊人

長淮東走入海流。淮陽城北黃雲秋。中有奇士李
條侯。少年意氣凌滄洲。讀書喜學萬人敵。擊劍常
從俠少遊。下車但揖朱亥輩。入坐不乏陳遵儔。西
冷吳生與余善。自言曾識李生面。縱酒每登南昌
亭。走馬時過下邳縣。方今四海無風塵。吾輩豈能
久貧賤。明珠白璧難爲投。風雲未得蛟龍便。李生
有父壽且康。萊衣鳩杖同徜徉。李生有弟不可當。
精采奕奕神飛揚。安車蒲輪會有待。且調甘旨娛
高堂。三山宮闕在咫尺。坐看滄海鳴枯桑。麟余風
昔事章句。三十年來少知遇。生平願得肝膽交。路
傍援援安足數。浮雲不蔽長淮路。溯望淮南叢桂
樹。他年結客豐沛間。握手登堂拜生父。

李 燧 三見

送聖若入對

王郎夙昔意氣真。弱冠膺薦入成均。碣石宮前任

蕭灑黃金臺上長逡巡。交遊一旦滿京邑。才譽當時達帝闈。太學諸生餘三萬。林宗偉節莫與倫。見者人人推國士。自許承蜩投金紫。誰知淪落十載來。布襪芒鞋猶爾爾。欵段常隨馬少游。輕肥不逐張公子。敝貂已久厭風塵。憑刺將誰通姓氏。前年獻策不見收。壯心磊落凌公侯。新詩浩蕩盈千首。短褐蕭疎歷九秋。今年重作帝京客。二月辭家事行役。未見洲邊柳葉青。初逢嶺上梅花白。帝里春光正未闌。皇州淑景應頻到。吹律寒迴督亢陂。流光未闌皇州淑景應頻到。吹律寒迴督亢陂。

柳洲詩集

卷四

七言古

三

驚聲遶燕山。陌太平天子方朝元。親策異等爲臨軒。夾城日暖香欲沒。合殿春深氣自暄。偶儻之才承上眷。每奏一篇必稱善。驥子騰驤萬馬空。鴻猷卓犖千人見。看花此日遍長安。玉勒銀鞍馳赤電。

小臣曰似梁生偶儻一章

顧理美 三見

交讓曰七言古宗太白者不一家獨輝六形神俱肖冠絕時賢

禹書曰輝六七言古才氣奔軼凌蹕無前

夷門歌

趙魏公子爭好客。珠履三千少奇策。侯生七十仍抱關。朱亥鼓刀屠肆間。一朝引車大梁市。兩人立語夷門里。賓客心疑從者驚。侯生睨視魏公子。公子執轡色逾平。酒酣起請迎侯生。須臾秦人圍趙急。諸侯移檄無援兵。魏王不見趙使者。信陵往返夷門下。美人俠客共成功。千載奇謀出老翁。公子威名震七國。平原豪舉無顏色。

予春前卽擬遊展所向遷延三月不能出門

作此自嘲

柳洲詩集

卷四

七言古

三

憶君何處催行李。梅花白月初如綺。憶君何處行李遲。楊花入水啼子規。人人望君江上山。綠草萋萋數畝間。人人念君去北郭。湯飛旅舍空簾幙。笑君丈夫志四方。依依不忍去故鄉。亦曾提劍立門外。白日寒風萬里長。却羨飛來雙紫燕。明朝碧海今庭院。

金陵城上同渭楊望牛首山

兩峯如門何崢嶸。昔云東南此天關。龍虎盤旋王氣暎。中通宮殿神靈宅。絕險于今不足憑。龍門劍

閣俱峻嶒。春水蒲葦。五馬渡秋風。禾黍六朝陵。升
嗟一望皆高阜。雲開霧散。群山走洞壑。陰森猿嘯
哀。日落鳥飛白。門柳山前片月。如有情。流輝來往
石頭城。城頭玉笛三更動。一夜梅花落舊京。

采石磯懷李供奉

橫江水翻走石上。靈奇幻出成孤嶂。細草皆鋪錦
紋。高柯如龍綰長雲。昔有仙人渺烟駕。乘鸞迴
顧憇飛榭。手擎紅霞一長嘯。清風萬里白石下。晞
髮落星圖。濯足潯陽浦。殿前雲氣散。江頭賦鸚鵡。

柳洲詩集

卷四

七言古

三五

風流原是高陽徒。風饑不食嗟椅梧。木蘭江上載
簫管。美酒千斛陳屠蘇。帝宮錦袍佩瓊玉。風雲煒
燁生眉目。江中素浪驚白鷗。天上碧月飛黃鵠。帆
開瞬息秣陵城。玉漏微微夜氣清。弄月桂子落殘
霞。沈湮傾酒酣便欲凌滄海。躡足三山嶺上雲。明
日啼鶯滿綠樹。一去神仙空碧霧。四望峯巒出鏡
中。依稀記得揚帆路。橫江采石已千秋。百尺崔嵬
太白樓。上有卿相遺殘咏。下有王公聚古丘。只看
江月同今古。錦石芳洲浩無主。風昏雨暗浪如雷。

夜半仙人自去來

群賢曰有龍
翔鳳翥之勢

過烏江

陰陵山下烏江口。怒波雲興蛟夜走。當年大澤白
日昏。刈旗斬將陰陵後。四面諸侯曾膝行。北風一
夜動歌聲。鍾離已去亞父死。美人飲泣駿馬鳴。亭
長輕舟偶然事。英雄大業歸天地。至今廟貌列空
林。日高虎嘯夜龍吟。

客皖城與慈湖張雲扶道故乃弟袞望適自

柳洲詩集

卷四

七言古

三六

龍眠山至率爾成詠

別君去歲隴頭梅。雪凍吳天鴈不來。今歲逢君江
上絮。紛飛千里相思處。皖國空營落暮笳。越山迢
遞赤城霞。孤飛盡是江南客。春去舒州夢落花。且
醉平原十日酒。登樓醉看荆門柳。忽聽孤鴻嘹唳
聲。雲中縹緲下增城。浮山舊是仙靈宅。龍眠瀑布
飛千尺。我欲從之采紫芝。空山無行跡。子將
眠而想君仙骨自珊珊。騎雀殢霞佩。晚蘭停裝便
出浮山句。身立崇巔萬壑寒。

赤茂曰纏
綿曲草

同渭揚至廣陵甫入旅館即遇子存子更辟

賔大令卜臣韓聲子鮮北歸舟泊開口因

與盤桓數日附舟同發渭揚韓聲復留廣

陵作廣陵歌記之

廣陵城下邗溝水。畫艦群飛綠楊裡。越鳥徘徊不
得前。慄淡江南暮。山紫何來客子。大道旁。旌帆片
片凋風霜。自言上策不見納。拂拭龍文歸故鄉。天
涯那得期良晤。笑指斜陽芳草路。夢中歸雁別吳

柳洲詩集

卷四

七言古

三七

天笛裏梅花滿江樹。馬嘶惟悴方倦遊。七子翩翩
鄴下儔。春風猶擊漸離筇。孤角空悲王粲樓。君不
見京洛埃塵變素衣。日暗長安霜霰飛。黃金臺圯
生荒草。白雪調高君自寶。且須飲美酒。何用羨微
名。旅愁遮北固。俠興寄蕪城。醉看新月上邗關。九
衢燈火照紅顏。爭過曲巷調秦瑟。重泛清樽擁玉
鬟。不覺參辰沉綺閣。微微玉漏飛鳥鵲。曉歌一曲
鼓聲頻。我忽隨君楊子津。却恨雙飛不肯去。曲江
盡是消魂處。

子更曰運腕靈
動情致俱勝

曹鑑徵

卜臣曰徵之七言古
雜出三唐俱窺堂奧

冬青詞

會稽山頭暮雲紫。會稽山下空流水。寢殿虛無野
寺中。荒丘荆棘寒烟裏。金魚玉盃出泉宮。椒漿麥
飯悲無主。寒食蕭條生野烟。高低古塚半成田。數
聲牧笛牛羊下。夜夜冬青哭杜鵑。

登靈巖弔古歌

柳洲詩集

卷四

七言古

三八

靈巖之山何其高。竄窈千尺凌江皋。水光山色相
掩映。白日忽動生波濤。客舟向晚從茲泊。欲行不
行波浪作。兩峯突兀入杳冥。萬頃微茫縱寥廓。振
衣俯瞰心轉怖。出沒萬狀莽烟霧。七十二峯相對
開。琳宮貝闕驚徘徊。飄搖欲上叩天關。恍惚似與
神仙接。翠屏落日映朱霞。陰洞迴風飄白雪。寂寥
塵絕鶯聲澁。採香逕冷無人迹。千載繁華逐逝波。
一片湖光漾空碧。西子宮中花草秋。吳王城上暮
雲愁。唯有蘇臺舊時月。夜深還照百花洲。

禹書門府
仰盡致

聽徐青山彈琴歌時送友人入楚

有客童顏垂雀髮。抱琴向我弄明月。流水高山無限情。一聲彈出寒水裂。繁絃促柱變宮徵。別雀離鶯滿人耳。時時掩抑斷續彈。天風淅淅生瑯玕。須臾按軫繁響急。遷客羈人聽不得。荻花瑟瑟颿颿颿。子規叫月哀猿愁。誰遣數人梧桐尾。能使幽情泣山鬼。指下如聞鐵騎鳴。宮軒似瀉天河水。側耳聽之音轉切。萬派流泉俱赴節。紛紛落葉楚山秋。柳洲詩集 卷四 七言古 三九

瀟湘風雨人離別

春歸曲

樓臺細雨烟霏微。東風一夜花爭飛。海棠露井飄紅玉。斗帳香溫睡初足。粧成對鏡惜春暉。顰胎滿院人未歸。

採蓮曲

南風潑潑吹蓮浦。越女明粧至江汭。停撈欲摘不勝情。低頭暗識蓮心苦。莫謂蓮心勝妾心。花容不及妾容新。願郎勿渡江陵去。日暮風波愁殺人。

交讓口二作
俱似溫飛卿

傷心行

北風捲地吼海水。太白光芒射龍子。黃頭跳躍炎火滅。恨血沉埋暮山紫。鴨綠真人青兒襖。豪颿送入長安道。三十六宮桃李花。一一傷春墜烟草。狐狸走上長陵哭。西山烟樹凝愁綠。北斗闌干素月斜。夜深有鬼啼湘竹。

陸淮三見

乞巧歌

柳洲詩集

卷四

七言古

早

織女機絲秋皎皎。銀河碧浪從風繞。唐家宮女三千人。共向漸臺乞新巧。百子池頭繡帳陳。長生殿前瓜果新。同心結向蜘蛛裏。九曲珠隨綵線紉。爭看靈鵲能傳喜。私祝黃姑獨有神。可憐天孫巧無偶。可憐牽牛箱莫負。徒將良會憶年年。清淺銀河終自守。

丁胤塗

二見

州來曰是文
昌仲初佳境

送應山人還句章

大蓬山中有奇士。博學能文拔高志。圖蘭寫竹皆出群。更精屈曲蛟龍字。飄飄得意過侯門。滿堂綃綃如烟雲。便歷山川走都邑。西從天目東海濱。長江複嶺生掌上。龍虎崢嶸總相向。因識玄機作地師。雙眸一顧成卿相。去年交臂驚鵲湖。謂我意氣天下無。自買扁舟到蓬華。雪窓斗酒同歡。爲客送。巡已三月。雄辯驚筵見英發。柳色鶯聲接路岐。又將彈鋏歸於越。奚僮一琴詩一囊。馬頭碧草春風光。還家妻子應笑聚。少年游俠何輕狂。

柳洲詩集

卷四

七言古

聖

古聖曰
矯健

顏

黃二見

採菊篇

月精麗草色正鮮。洛陽女兒提筐前。菊珠漸盈益以穠。露華朝墜羅襦濺。道逢五馬相留連。致辭婉約衆稱妍。

周平世

後學李 璵全校

魏之璨

柳洲詩集卷之五

毛 蕃 蔣 瑒

同學

陳增新 李 炳

李 煒 魏允枚

全選

魏允枏 曹鑑平

七言古詩二

周振璜 二見

邢關值驛聲弟北歸因作歌以慰之

廣陵五月桐華飛。天涯遊子薊門歸。憶昔北征在

柳洲詩集

卷五

七言古

秋杪。各天夢斷音書杳。少遊歎段帶京華。春風吹徹上苑花。自向金門獻詞賦。羞從主第奏琵琶。上策縱橫不見收。窮途何處銷離愁。邢溝乍逢私獨喜。壯心慷慨不能已。行年三十未成名。爾我相看俱若此。握手踟躕莫重陳。一時遇合何足論。王父鼎烹悔已晚。華亭鶴唳聲復吞。朝爲卿相暮四虜。小者身夷大滅戶。人生富貴竟何庸。我欲狂歌爾且舞。

晚過天門

兩山相夾江流其
中如束號曰天門

博望山頭萬木平。西梁山下白沙鳴。蒼茫對峙連
雲霧。江翻石走相廻顧。中有盤渦百丈深。青鳧白
鷺俱愁心。驚帆直上如飛鳥。造次絕險方悄悄。兩
山樵子負薪歌。客子坐聽愁眉波。須臾但見兼葭
綠。千山萬山何連續。片片斜陽山影寒。江靜唧杯
倚棹看。

輝六曰才
思雄放

魏允枚

三見

亭彦曰。卜臣七言古不襲太白之聲調。而
有其遠神極得少陵之沉雄。而無其累句。

柳州詩集

卷五

七言古

二

馳騁盡變步伐殊
如真節制之師也

子更曰。亭彦謂卜臣能兼李杜之長。以其
氣體駿健耳。然卜臣雅意實不宗此兩家。

大約視常待較。綽視東川
較壯折衷其間。遂成獨造。

交讓曰。七言古。吾黨極推禹書。惟卜
臣可與競。與俊逸不及而沉鬱過之。

哥獻客城孫鍾元先生時方隱居授徒百泉

太乙之山何崔嵬。星分箕畢光昭回。篤生孫公實
人傑。卓犖群推命世才。壯心欲壓高陽壘。盛氣直
凌天風臺。少年奮翮試翔翔。歲隼朱鳳揚輝煌。睥
睨當代無足數。兄事宗衮謂高陽弟奉常順先生

也。大兒小兒那在眼。負劍膝席誰抗行。知名三輔

賢豪輩。結客五陵游俠場。文章豈羨金門彥。典冊

還窮石室藏。鬱鬱負奇三十歲。獻策浮沉不得意。

賈生五餌竟焉陳。大夫七術渾未試。青巾白馬俄

橫流。塗炭神州勢孔熾。甲申之春妖孽紀。始貽秦

晉復幽冀。先人深懷傳燮悲。相違每下憂時涕。多

君慷慨不辭難。與君結約期舉義。指顧便集勤王

師。旗幟皆書篆。心字那知義旅難。卒合賊鋒三日

排闥闢。乾坤晝折日月昏。天柱西頽地維拉。皇帝

柳州詩集

卷五

七言古

三

鑄陽荆山南。赤虬為服。螭為驂。誰其從者。駕格澤

底。常授命。攀龍髯。漁陽突騎趨風到。電掣妖氛一

時掃。雖然妖氛一時掃。風塵不辨燕山道。孫公移

家思避秦。五噫長詠成高蹈。百泉流水瀉清漣。蘇

門層嶂能窺窺。明膏寧天翼勝年。公已下詔曼

聲且作孫登嘯。著籍生徒常數百。擔簦爭就高賢

宅。河汾門下盡王佐。華陰市前皆上客。會向磻溪

蘊玉璜。何如圯上逢黃石。

韋公曰。慷慨
時涕流千古

漢彬曰序事是下臣所長此作追述還客
先生甲申寫難本末悲惋宏壯讀者動容

贈鄧陵鄭公靜

崇陽號甲族。安陵稱名邦。家聲本第一。國士總無雙。
雙燕山春色。搖翠羽。落英飛絮紛如雨。華堂速客
綺筵開。與君接席。龔公許。各通姓氏雅相聞。意氣
傾倒凌青雲。卽今樽俎可結納。豈獨杵臼能殷勤。
把臂定交從此始。金臺淪落同爾爾。去國將辭碣
石宮。渡河猶及桃花水。愧我重爲洛下遊。羨君高
卧元規里。晴雲縹緲蔭平川。臨岐不語心茫然。震

柳洲詩集

卷五

七言古

四

澤秋高風正緊。鴻書一葉下吳天。

寄送路叔夜之任三原

駱生卓犖天下才。結納知名郭隗臺。射策漢廷推
上第。橫經越地羅群材。年過三十不得志。便就選
人求作吏。三原幸借使君賢。號稱劇縣頗難治。正
逢宣室前席時。天子臨軒親引對。秦中自古爲帝
京。借客探丸滿渭城。發奸摘伏良在汝。當令桴鼓
夜不鳴。君承寵命拜稽首。尚方賜出青絲綬。飛鳥
遙憐杜曲花行春。且貰新豐酒。我聞三原有王公。

勳業先朝莫比隆。英謨颯爽長如在。梓里風光不
復同。憑將十載滄桑淚。灑向千年俎豆中。

席上聽蘇崑生度曲歌

寒飈撼撼鳴枯桑。有客夜飲君子堂。酒闌人靜席
半起。絲竹不奏聞清商。嚴霜欲白塵欲落。響遏行
雲聲繞梁。秦青韓娥那足擬。白雪陽春未易當。借
問誰人爲此曲。蘇生宛轉當筵屬。自言家世居汝
陰。小小入吳操。吳音學成一日空。儕輩天下往往
傾其心。是時寧南爲上將。擁麾秉鉞一何壯。鐵券

柳洲詩集

卷五

七言古

五

瑀戈出尚方。選伎徵歌窮楚望。幸舍三千不服多。
黃金百鎰輕相餉。以茲西作荆襄遊。戟門伏謁俄
見留。始逢置酒高會日。更容按節揚芳謳。華燈灼
燦耀。瑜紫四座不覺湘江流。寧南顧之顏色喜。坐
以上座與亢禮。一朝長揖大將軍。幾載追隨幕府
裏。草綠禰衡墓上。還月明庾亮樓中起。那知淪落
十年來。嘆息梁王安在哉。夜雨平蕪迷舞榭。秋風
啼鳩下吹臺。我聞斯言淚沾臆。寧南志本清君側。
晉陽之甲徒逡巡。行及九江竟折翼。九江波浪何

勾。勾。直。與。遼。海。爲。先。聲。應。憐。珠。履。當。時。客。猶。自。人。
前。說。姓。名。

輝六口嘉州蘆管無此高華東川胡
笳無此整栗香山琵琶不足道也

淮陰侯釣臺

假。截。山。陽。道。高。城。倚。水。開。淮。陰。昔。游。地。垂。綸。有。釣。
臺。釣。臺。岑。寂。臨。官。路。日。夕。行。人。自。來。去。依。舊。年。年。
草。色。青。王。孫。淪。落。知。何。處。

鄴都懷古

鄴。中。自。古。號。名。都。綺。麗。紛。華。天。下。無。迢。迢。翠。幃。當。

柳洲詩集

卷五

七言古

六

衢。迢。轟。轟。朱。輪。夾。道。驅。朱。輪。翠。幃。如。驚。電。縱。橫。晝。
入。文。昌。殿。西。園。公。子。夜。行。遊。南。皮。賓。客。朝。承。宴。銅。
爵。巖。曉。高。插。天。西。陵。歌。舞。自。年。年。宮。中。巧。作。靈。蛇。
髻。樂。府。爭。傳。白。馬。篇。須。臾。華。屋。埋。荒。草。總。帳。飄。零。
墓。田。杳。凍。水。無。聲。咽。不。流。悲。歌。一。曲。漳。河。曉。

七夕詞

少。昊。司。時。辰。火。流。朱。光。既。夕。涼。雲。浮。天。榆。歷。歷。河。
邊。冷。月。桂。蕭。蕭。漢。曲。秋。河。邊。漢。曲。明。星。轉。織。女。黃。
姑。夜。來。見。鳳。駕。初。停。北。渚。通。龍。梭。暫。輟。南。陽。宴。穿。

針。風。俗。特。相。宜。乞。巧。年。年。競。女。兒。華。燈。夜。照。三。芝。
室。綵。縷。宵。臨。百。子。池。層。城。迢。遞。天。如。水。繡。戶。璇。閨。
月。明。裏。分。菓。中。庭。設。几。筵。散。香。高。閣。紛。羅。綺。別。有。
仙。人。塵。外。蹤。人。間。游。戲。自。從。容。緱。氏。山。前。乘。白。鶴。
承。華。殿。上。駕。斑。龍。斑。龍。白。鶴。傳。伊。昔。縹。緲。雲。衢。杳。
難。迹。望。斷。三。更。鳥。鵲。橋。愁。深。一。夜。鴛。鴦。席。北。斗。闌。
干。影。已。斜。漸。看。離。恨。起。天。涯。臨。河。欲。問。支。機。石。難。
泛。張。騫。萬。里。槎。

釋賈曰工麗似宋延清明河篇
崔黃鶴本詞反嫌取境稍狹

柳洲詩集

卷五

七言古

七

銀瓶怨

憲。副。王。念。尼。年。伯。飭。兵。海。上。較。越。郡。士。詩。
題。有。銀。瓶。怨。衆。議。紛。然。不。解。其。旨。友。人。徐。
克。家。以。語。予。予。曰。此。中。晚。七。言。古。題。耳。如。
張。文。昌。之。古。釵。嘆。溫。飛。卿。之。舞。衣。曲。織。錦。
詞。諸。篇。可。例。也。因。擬。其。體。各。得。一。章。

效張文昌

梧。桐。樹。下。雙。金。井。百。尺。深。潭。浮。素。纓。轆。轤。宛。轉。繫。
長。絲。玉。指。冷。冷。不。自。持。閒。庭。薄。暮。碁。聲。發。知。是。圍。

中正擣衣月落霜清燭欲冥。猶將纖手挽銀瓶。井
深寒泉不可食。美人空用三秋力。

效溫飛卿

玉井銀床簇綺欄。西飛金烏爲盤桓。啞啞十丈紅
絲綆。汲上瓊漿瑤甕寒。秋闌向晚靚粧促。香夢初
回睡不足。翠袖嬌携雀扇團。雲鬟斜壓蘭釵綠。纖
纖細步下階除。微颺拂檻輕裾織成錦。素未着
水手。綳沉餅轉。輓銀河欲斜波。脉脉清砧小響
珠簾隔。斂黛含情夜漏移。梧月下空庭白。

柳洲詩集

卷五

七言古

八

寄遠曲

碧天澄靄秋如水。颯颯涼颼中夜起。交河戍客已
三年。香閣愁心恒萬里。嗟君遠道獨踟躕。裁就征
衣繡不如。素書緘向孤鴻翼。錦字憑將雙鯉魚。孤
鴻雙鯉成寥廓。願借明駝絕幕不見人。歸朱鳥
窓空教夢繞黃沙漠。漢兵昨夜度陰山。功成蚤入
玉門關。一笑臨粧鏡前立。相看雨雨猶朱顏。

蔣會貞 二見

夏日與徐蘭生月下酌書懷

金烏欲沒玉兔來。芙蓉墜粉崇蘭開。黃金追歡有
時盡。白髮何苦常相催。與君睽間六月息。一飲須
傾三百杯。舉杯嬌首望明月。月華忽墜劉伶臺。劉
伶已葬陶家側。玉缸花落生香埃。陳思斗酒聊快
意。當時七步非奇才。古人去盡明月在。廣寒隱隱
高崖嵬。參橫斗轉夜漸回。對酒不醉令心哀。

倪晉 二見

驄馬行

何來上駟八尺龍。云自渥洼池水中。照耀五花能

柳洲詩集

卷五

七言古

九

汗血聯翩九逸應。追風此馬神駿人未識。伏櫪徘徊
徊意悽惻。自奉孫陽一顧。思昔胡蹄頓生色。過
都歷塊不可當。青絲控勒黃金裝。朝趨幽冀霜猶
白。暮到河源日欲黃。吾聞良驥世所美。蹀躞紅塵
掣飛電。驍騰萬里不易逢。龍媒千載何由見。

卜臣曰風格道上
似少陵咏物之作

周振瑗 二見

漫興

駿馬不避太行險。大魚不畏龍門高。蓬蒿自蔽嗟

迢迢古來何代無賢豪。十年不售長楊賦。富貴浮雲安所慕。李斯牽犬上東門。陸機聞鶴華亭路。始知寵盛不可常。何如泉石樂徜徉。有酒如澆花撲面。醉飲壚頭聊自遣。胸藏五車蝌蚪書。腰懸七尺芙蓉劍。狂歌大笑出門去。悠悠世上誰足語。

孫 錄三見

赤茂曰古哩七言古措極道
鍊句有法其原出于李東川
釋賓曰古哩七言古與卜臣同原
卜臣高秀古哩雅各極其勝

壽衣篇

柳洲詩集 卷五 七言古 十

明星熒熒夜未央。商飈應律月如霜。流黃機上銀燈繁。紅粉樓中蘆簟涼。銀燈蘆簟同秋水。玉簫雁柱歡無已。寒向深閨落。日生愁隨少婦清。宵起少婦凝粧飾。翠鈿夫婿從軍近。十年步搖九鳳情。何限跳脫雙螭嬌。不前誰家芳指絲。桐急蘭薰未滅。當階立此時。瀚海雪初飛。此時橫塘露半濕。雪飛露濕。迢迢難尋。纖纖素手拂清砧。一聲一轉自迴合。斷續空憐萬里心。纖就迴紋淚似珠。夜闌猶刺合歡襦。密意裁縫幾量端。寬窄知君定不殊。好語殷

勤向邊使還。將辛苦報征夫。

子更曰余與古聖同提是道
而此作能超脫故應獨勝

古意

朔風畫角起。徵兵思猛士。手提七尺劍。擊筑聲變徵。常膏鵠鵠血。殺人不忤視。白草黃榆出。塞寒月明亭。障被銀鞍。壯士銜枚渡隴水。將軍躍馬成樓蘭。璇閨少婦冬愁嘆。一吹蘆管腸先斷。拂衣去之不復顧。歷歷明星橫天半。

越不曰東川
去人不遠

柳洲詩集 卷五 七言古 十一

採蓮曲

越王臺上烏夜飛。浣紗隱隱採蓮歸。紅粧日映沙棠棹。翠袖風飄楊柳磯。金塘乍聽招商曲。隔溪又唱越兒詞。牽花折藕遙相望。江上採蓮獨後時。轉機隨波意蕭瑟。却憶漁陽征戍客。駕車走馬誰家子。茫茫四顧江天白。

報國寺海棠歌

三月東風花覆地。鳳城春色紅如膩。就中艷冶誰最妍。章家亭子報國寺。珊珊初下絳仙姿。千葩萬

藥紛珠。麝霞綃。半捲瑤臺色。綺閣高。凝碧樹絲五。
戾七貴連金。敲下馬攀枝紅。錦簇絲繩玉。壺醉未
歸。盡日行遊看不足。語燕啼鶯幾度春。湘簾蕙帳
對香茵。芳華銷歇人安在。零落空隨陌上塵。惟有
繁英滿深院。珊瑚薄倚迎風。亂年年旖旎爲誰憐。
却並寒松老古殿。

報國寺松歌

我來燕山陌。縹緲問祇林。祇林何所有。偃蓋覆千
尋。千尋天矯蔽天日。滿庭皆是青松色。精舍千年

柳洲詩集

卷五

七言古

十二

相照耀。根株盤踞無與匹。結根舒枝何太奇。上有
飛虬下螭螭。轉葱幾度隨僧臘。賜爵不復數秦時。
青門道上今如昨。王孫芳草成蕭索。獨有青松閱
歲寒。諸天清楚朝朝落。

卜臣曰愛敬寺古
藤歌有此矯健

吁嗟篇與王徵宣

吁嗟立身苦不早。十年四上長安道。擊劍拂衣落
日寒。桂樹小山容嘯傲。還看世路鬱嵯峨。定交縞
帶今如何。人生窮達無不可。豈肯低眉向人下。羨

君肝膽明青銅。賦詩况復凌陽謝。建安而下西京
前文章。此日誰與傳。以茲感嘆徒踟躕。仰天咄咄
心茫然。

楚黃行贈曹尚白

楚黃之域南紀雄。大崎小崎鬱龍從。氣干牛斗何
巖薛。中天秀出雙芙蓉。由來此地本多竹。處士臨
皋森種玉。其間往往有異人。迹名慷慨羞微祿。君
追子建舊風流。意氣能排鸚鵡洲。十年學道空山
裏。一日還從海嶽遊。腰間惟吼雙龍鐔。白眼看人

柳洲詩集

卷五

七言古

三

重然諾。片語高呼碣石開。寸心自許青雲薄。結交
鄒下與南皮。拂衣笑殺五陵兒。古人四十稱強仕。
卓絕豈得愁鬚眉。我輩行藏不可測。那復便採商
山芝。况君磊落才無偶。著述不數皇朝後。書通三
蒼左右腕。新詩百篇酒一斗。滿眼悠悠安足論。蕭
朱行復賤雷陳。徘徊落日送君去。康莊直上帝
城春。

子存日筆力雄勁骨
節堅蒼可稱合作

憶昔行

憶昔長安道。結交五陵客。衆中一人年最少。文章
往往稱雄伯。是時獻賦入明光。銀管淋漓玉殿傍。
簇錦之袍尚方出。調鞍繡轂羅成行。從此至尊數
召見。夜深光祿親排。燕前席。曾傳抗疏名。舉朝動
色。皆稱善。趨陪十載老詞臣。簪筆從容莫與倫。
聽勞每近三宮樹。策馬常隨九陌塵。更聞退食聞車
轍。珠屏玉盃紛如雪。東方須臾河漸沒。鳳蠟熒熒
猶未滅。初停趙瑟復秦箏。協律延年譜曼聲。三千
賓客盡珠履。自言肝膽寸心明。一朝零落滿蒿萊。

柳洲詩集

卷五

七言古

十四

貴遊相傾不相愛。故人無復任安留。門下豈有淮
夫在。疇昔驕奢事已非。金谷淒涼對夕暉。試看碧
澗橫塘上。惟有徘徊翡翠飛。

肅陶曰開

圖有法

朱適成 三見

諸同人游北山草堂予不及赴賦以述懷

北山草堂隣水東。我聞結構疑天工。主人卜居自
元季至今坐嘯堂之中。看竹無人拒袁尹。開樽有
客依孔融。山巔有木下有澗。九松倚翠凌長空。崔

嵬雲氣生舞袖。直與惟石爭玲瓏。諸君好奇一來
此。携展覽勝誇謝公。只因貪看松色好。啣杯信宿
停飛蓬。僕也登臨興不淺。各天蕭瑟聞鶯鴻。安得
再攀小山桂。南樓高詠與君同。

交讓曰清勁似
摩詰桃源行

周 珂 三見

夷門歌

秦人益兵邯鄲急。平原使者十輩集。公子赴難別
侯生。侯生不言公子驚。迴車重詢破秦策。卧內兵

柳洲詩集

卷五

七言古

十五

符藉巾幘鼓刀朱亥隱屠中。椎殺晉鄙遂成功。邯
鄲圍解秦人懼。從此秦兵不復東。七十老翁真異
人。三千食客誰與倫。嗚呼三千食客無與倫。

孔益曰筆
力堅老

蔣 琰 三見

交讓曰禹書七言古初學四傳已能工麗
繼宗岑李更極雅練近復出入青蓮以輕
俊之姿運其排蕩或
離或合靡不入神
古聖曰七言古易于使才未免違法禹
書欽才就法而法不掩才無愧作手

匡廬山月歌送康小范入京

匡廬山高高萬仞山巔月出常相近紫霄五老平
如掌俯視不辨南康郡月光流影正裴裊逢君忽
自匡廬來十年離亂傷心客且看明月同卮杯匡
廬山邊月華歇只見匡廬不見月楚水燕臺兩地
分匡廬明月常隨君黃河層冰白皚皚薊丘木葉
落紛紛燕昭曾虛郭隗席勸君一展凌雲翮策馬
先過碣石宮看花還遍長安陌回首盡歌歸去來
匡廬山月年年白

弄珠樓

柳洲詩集

卷五

七言古

共

樓爲嘉靖時鬱林陳公所建也宅于東湖
之洲環樓皆水九川出入湖口波光競射
如龍之弄珠因以名焉蓋將軍已去猶傳
黃鶴之名才子云亾尙有白雲之跡流連
勝地慨念昔人率爾成詩以誌陳公好事
云爾

當湖湖東起高閣嘉靖年間鬱林作朱薨碧瓦照
東臯綠柳清潭映西郭我同漁父逐輕舸日晚停
橈樓下泊徘徊登眺一孤洲水入東湖九派收

如群龍翹大壑躍如明月蕩中流九川錦浪當窓
送陽侯射樓樓不動乍看暮色暎翠恩復見朝雲
紫嶺棟弄珠樓空湖水深蕭條山水發清音陳君
一去風流歇樓閣崔嵬自古今

大風過震澤

具區洪波高如山穹窿縹緲雄其間東望空濛雜
烟雨蒼茫不辨有吳關山中榜人不得渡但見漁
父鼓浪相追攀鼉鼉出沒魚龍舞使我對之彫朱
顏日暮天昏風轉急黑雲蔽天浪頭白唇樓蛟室

柳洲詩集

卷五

七言古

七

半浮沉萬里銀濤瀉空碧洞庭灣內水雲幽客子
移舟逐細流夜半蓬窓風雨吼魂驚魄悸無時休
明日風微波浪歇錦帆蘭槳山邊發還將絲纜繫
湖干去住彼此何超忽回首湖山路縹緲靈威石
室夢中看丹苞朱實乍隱見層巒積翠遙噴帆子
胥吹簫一何苦少伯乘舟強自寬安得上登七十
二之高峰下第三萬六千頃之狂瀾置身洞天與
福地矯掌人間行路難

輝六曰少陵漢賊行以沉鬱取勝太白蜀
道難以豪宕見奇此作能兼二篇之美

寄懷李三條侯

時吳大北行
因有此寄

淮陰有奇士。誰者李條侯。肝膽傾湖海。意氣凌滄洲。
雕鞍錦鞵五花馬。寶刀玉韜千金裘。酒酣一上
宴花樓。清霜明月生吳鉤。眼中未識李生面。側聞
吳子言。堪羨江南江北空相思。千里秋風阻歡宴。
吳郎此日何邛城。恨不因之見李生。不可見空復
情鬱洲。何蒼蒼。淮水何盈盈。夢隨明月渡淮水。手
挹二子游太清。驂鸞騎鶴朝帝京。素娥玉女紛相
迎。雲和之瑟吹鳳笙。噫噫有似鷓鴣鳴。隨風一夜

柳洲詩集

卷五

七言古

太

登蓬瀛下窺人間心不平。君不見原嘗春陵四公
子。三千食客誰爲死。又不見慶卿一去易水寒。匹
夫感激太子丹。人生結交會有因。何必長嗟行路
難。沽我酒一開顏。王孫城下水潺湲。寄君詩爲君
憶。漂母祠邊生叢棘。恩亦不可忘。人亦不可測。韓
王未遇隆準公。淮陰少年不相識。

送林衡者還閩

君本閩南人。愛看江南月。生年三十未得意。浪游
二載何超忽。江南花草亦可憐。因君更問閩南天。

閩南山水真奇絕。夢魂欲度難。邊武夷大姥薄
青真。丹崖翠磴相鉤連。憶昔三白龍虎宅。君家兄
弟金閨客。只今萬事如轉蓬。飄泊江南還落魄。游
覽時題謝客詩。登臨每躡嵇公屐。相逢岐路問
君識。君名相看但長嘯。把手聽春鶯。南園草綠媚
羅飛。北斗闌干空復情。秋風吹人白日暮。馬首南
登萬里路。遨遊四海知者希。拔劍拂衣且歸去。

贈徐武靜

南州豪士海內奇。千金一諾山可移。能驅六郡良

柳洲詩集

卷五

七言古

十九

家子不數五陵游。俠兒生逢天地風。塵色飛鵬暫
戢垂。天翼入市曾聞乞者簫。交衡欲進王孫食。龍
蛇變化會有期。丈夫立身人豈識。竭來常同黃公
壚。坐客高陽半酒徒。世上悠悠那堪道。誰云痛飲
非良圖。君家群少忌儔伍。大兒文舉小德祖。烏衣
不佩紫羅囊。青眼常憚白玉塵。五茸城頭春色深。
狂歌遙對九山岑。相期慷慨十年志。獨取殷勤一
片心。西日東流去不返。與君結交恨已晚。落花未
落春酒香。馬啼不惜離家遠。

廬山吟示致公

前年別我去廬山。蒼茫隔烟樹。今年逢君來廬山。
烟樹空徘徊。思得羽翼凌九垓。矯掌西望何崔嵬。
君爲廬山圖。我爲廬山吟。崇巖疊障起毫素。洞天
福地羅胸心。其中空翠深沉沉。白雲彷彿生衣襟。
青牛谷口楓樹林。白鶴觀前松花陰。香爐瀑布最
奇絕。下有康泉清且冽。山深歲久知者稀。一洗鴻
濛得碑碣。廬山康王泉陸羽品爲第三歲久澄我
沒致公洗石得碑乃劉禹錫所題也
欲因君度石梁上。思吳猛不可忘。下從老人乞環

柳州詩集

卷五

七言古

三十

樂玉房金闕。心茫茫。眼中滄海三栽桑。蓬萊水淺
星飛揚。對君吟。心莫逆。借問廬山幾千尺。山頭月
白山腰碧。手扶盧敖杖。脚踏謝公屐。期君重上漢
王峰。爲予拂拭廬山石。

卜臣曰青蓮夢遊天姥多神仙縹緲之詞禹書筆致俊逸自然相肖

靈巖懷古

吳王在時名館娃。翠屏玉洞人如花。吳王一去風
流歇。春草茫茫向人發。山色平連震澤雲。湖光射
映靈巖月。崑前西面洞庭山。湖水東流去不還。霸

業興亾千載。恨獨留遺跡在人間。

寄懷王子

別君兮三年。望君兮九天。行重行兮春水。怨復怨
兮秋烟。秋烟隔兮不見君。狂歌憶君君不聞。朔鴻
欲度匡山月。江樹遙連庾嶺雲。庾嶺匡山無限路。
君向此中自來去。去年寄我惠休詩。千里平生桂
水期。赤松黃石無消息。空向商山餐紫芝。

子史曰摩詰集中亦不多見

醉歌送周生游吳間

柳州詩集

卷五

七言古

三十

飲君蘭陵之美酒。贈君郢中之高歌。爲君一奏二
十五絃素女瑟。送君北去七十二峯山之阿。君但
慷慨學長嘯。莫與歲月爭蹉跎。丈夫拔劍志四海。
胸懷萬里走江河。巨區風高鳴白鼉。水面月出山
嵯峨。錦帆香水春始波。子真市門亦憔悴。伯鸞臯
廡空婆娑。知君白眼人所棄。與君共醉朱顏酡。須
臾離別憂干戈。人生樂少哀情多。送君南浦傷如
何。

早春鶴洲觀梅與朱子容花下酌

白日欲沒春風生。南湖水綠芳洲平。坐來瓊樹花
可折。疑汎山陰夜。深雪今年花開覺。春早明朝花
落春還老。花落花開自有期。春暉莫使負金卮。裴
公放鶴歸何處。野客相看對咏詩。

吳仲珪墓下作

至元年間胡塵飛。諸陵毀塌魂無依。玉匣珠襦啓
幽竅。古人白骨將安歸。橡林處士有遺墓。自署沙
門植梅樹。虛塚不羨祁連山。殘碑尚立青松路。蹂
躪曾無樵牧歌。斧斤自遠匠石顧。閱歷滄桑三百

柳洲詩集

卷五

七言古

三

年慕君高節愛。迹禪已能繪事冠。當代還將易數
推。先天君臣大義委。草莽子孫中落無墓田。但知
昔日一開士。誰識下里有名賢。胥塘東繞菖蒲浦。
丙舍荒涼屬誰主。杳李春飛寒食烟。梧桐秋落重
陽雨。君不見六陵鬼哭蔓草平。此地猶存一坏土。
爲侯生題白石翁山水卷歌

畫山山有骨。畫水水有聲。石翁繪事冠當代。走筆
能使風雲生。毫端變化莫與比。尺幅山川千萬里。
初日朝看海氣黃。寒烟暮見山嵐紫。群峯倏忽變

陰晴雨冥冥。今雷旬旬觀者那。識神靈意蒼茫一
顧心。現驚丹樓翠嶽乍。明滅懸崖絕磴相。崢嶸咫
尺。又見滄洲平。江波不測。天荒地曠。呼如
洗。萬象寥廓。蓬萊之西。多林麓。扶桑遙拂
蒼梧竹。修篁幽徐。陰雨深虛。堂彷彿瀟湘。哭中州
豪士。携此圖。重之不減雙明珠。功成他日拂衣去
袖取江山泛五湖。

陳

昌
釋寶日宵冥。楓杳華榮造化此。杜工
部佳境也。然不假氣象。要以神合。

柳洲詩集

卷五

七言古

三

贈錫山高敦甫忠憲公孫也

江南二月春尚遲。梅花未綻柳垂絲。多君放棹來
草閣。贈我春酒甘如飴。傾樽相對開懷抱。家學淵
源恣搜討。患難經今三十年。共看愁緒同新造。慚
余偃蹇卧蓬蒿。仰天咄咄徒蕭騷。與君論交已三
世紀。群之問求其曹。憶昔高公陳講席。魏里賢豪
皆著籍。淪落殊難問。舊遊執經已半從。黃石昨宵
雨雪寒。冰瓦無計留君送。君去帆掛穹窿山。外雲
舟移橋李城邊樹。若遇故人意氣生。鴛水汪汪

暫住。時買滿渠令秀水。
教甫將往謁之也。

于更日。謫秀似嘉州。
送費子歸武昌作。

計敬三見

秋風

金樓百尺臨玉墀。珠簾綉幙秋風吹。珊瑚鉤響鐵
馬嘶。博山烟裊香差池。美人獨坐拭雙眉。逡巡起
立生妻其。捲簾褰幙睇所思。秋江漠漠秋雲飛。美
人美人心傷悲。

李公曰
有韻致

柳洲詩集

卷五

七言古

三

遊仙

策龍驅鳳崑崙巔。手摩日月凌蒼烟。昂身拔劍揮
九天。機槍掃落明星懸。黃河滔滔澈見底。飛渡蓬
壺酌瓊醴。三年不見海波起。歸向彤庭奏天子。

戈元穎三見

贈徐白峰

鯨魚吹浪驪龍吼。滄溟倒注捭牛斗。一掃人間十
丈塵。天巧如君復何有。孫公座上曾相識。愛君爲
人不容口。齊心長却五侯鯖。寄傲寧辭千日酒。管

丘北苑安足多。義獻家傳亦敞帚。揮毫真氣干青
蛇。作者沉吟領其首。四壁蕭蕭似我貧。春菰秋薤
常盈碗。范張雞黍遊未同。米薛圖書興非偶。胸懷
冰雪不輕許。論心惟尚鍾期友。滿城屏障爭輝光。
君每前辭亟握手。能事不受和。促迫杜陵微旨人。
知否。潔園坐卧寄逃禪。寶泓黃聿拭清妍。我亦如
君自鄭重。新詩不復向人傳。

懷南山白僕

去年駐錫相遊逐。高談四座光肅肅。樓外雪花大

柳洲詩集

卷五

七言古

三

于掌。常呼李子供棋局。敲冰爲我寫便面。墨花凌
亂寒山綠。江邊積凍漸流澌。歲暮歸山興迫促。玄
冬分手春復深。時時清夢南山麓。草堂四面來春
颺。抱雲就枕峰頭宿。新花細草雜簷櫺。日出泉鳴
睡初熟。興到看山人圖畫。帶雨留題在新竹。自應
念我同盟人。混跡紅塵市廛俗。突兀千山坐卧間。
風落松花香滿屋。

曹鑑平三見

釋眉日掌公七言古詞必流麗
意必纏綿逸致新聲和釋奔會

西書日掌公七言古
極意規摹自見風格

上元踏歌詞

聞闔沉沉滿香霧香車寶馬春宵度千門鐙炬接
星橋萬戶烟花迎火樹火樹星橋照地來長安邸
第激明開花隨環佩臨歌榭月上瓊瑜映舞臺舞
臺歌榭紛羅綺珠簾炤耀明如玉玉笛聲寒徹九
街銀箏調急流三市美人遊冶競繁華炫服新粧
出內家相期三五年如夜相逢二八貌如花層城
阿閣天中起九重宮闕春雲裏複道笙歌落玉繩

柳洲詩集

卷五

七言古

三

夾衢鐘鼓傳蘭卮金吾初罷上元更銀箭銅壺漏
水鳴剪鳳穿雲誇戚里盤龍銜燭入華清挂火蘭
膏月當午九微光動蓮花吐檀板輕催協律歌錦
袍初賜平陽舞天衢洞達九門通連臂齊歌蹋踴
同四照花開珠箔掩合歡燈焰碧紗籠鐙輝漸滅
河漸沒西山半墮青樓月共道風光度五宵寧知
曉氣來雙闕風光曉氣暗相催永巷長門夢未回
君看古來踏歌地朱邸春深長碧苔

越石日昇之長安古意一篇遂
足壓倒王駘此詩直與頡頏

長干行

妾家舊住古長干蕩子風濤十八灘一逐江湖去
不返年年江上孤帆遠正是離人腸斷時湓城月
出潯陽晚

俠客行

男兒骯髒負奇策長揖戾門稱上客從來然諾重
千金是處報仇輕七尺相逢意氣人爭羨懷中拂
拭魚腸劍彎弓挾彈西山頭金鞍玉鐙如飛電君
不見督亢圖窮露匕首咸陽殿上秦王走荆卿一

柳洲詩集

卷五

七言古

三七

去漸離公白虹直上搖星斗

贈蘇崑生

蘇生善歌向客
左寧南幕下

汝寧蘇生遊俠客清謳宛轉無與匹醉歸長揖向
轅門四座見之皆辟易風塵澗洞運潛移甲帳兵
殘聲更悲夜月消沉朱雁曲春風憔悴白蘋詞從
此飄零十餘載東歷淮徐西至海錦席朱綬無復
存青衫白恰將誰待舞榭歌臺已盡傾空篴彈作
舊時聲信陵城上饑烏集黃歇堂前蔓艸生君不
見紛紛反覆多傾仄如此飄零君亦得

寄衣曲

長安月出光如練。金壺斷續催銀箭。寒衣寬窄苦難憑。重起挑燈理針線。裁成尺幅當寄誰。朱樓玉塞日相思。殷勤傳語向邊使。附君遠送交河去。若遇征鴻數寄書。明年好問移軍處。

輝六日情語朴摯
文昌所不能道

聽鶯歌

長安大道春風起。流鶯飛入垂楊裏。千重步障錦成霞。十二冊樓花似綺。曉院風前不忍聽。雁柱朱

柳州詩集

卷五

七言古

三

絲少女情須臾百轉聲。猶唱美人玉管愁。明月帶雨穿花春未闌。落紅萬點隨雲寒。遠西歸夢驚羅幃。南浦鄉心滯玉鞍。已是三春悲遠別。那堪枝上偏悽切。誰家廣陌冶行遊。百鳥聲中策紫驄。日暮五陵烟樹杳。宛轉餘音猶裊裊。無端忽聽子規啼。鵲花落盡春闌曉。

子更曰。濃麗婉秀
勝於左司本詞

三山歌

江上三山青黛色。勢欲爭先渡江北。一峯孤峻時

洪波飛帆兩指雲。中翼剋看斷續。秣陵西浪花吹暗嶺。雲低中有錦城藏。大道綠柳春風駿馬啼。

上衡席上聽妓度曲

青樓美人善歌曲。不數盈盈劉碧玉。一曲新歌聲繞雲。楊柳生春春水綠。坐中知音推周郎。高山流水心蒼茫。乍似郢中揚白雪。還疑天上奏霓裳。霓裳白雪音無誤。曲終不用周郎顧。但使紅牙按鳳凰。莫教檀板驚鴛鴦。周郎年少正風流。相逢且作五陵遊。雕鞍珠勒三千騎。艷舞嬌歌十二樓。美人

柳州詩集

卷五

七言古

三

自昔傾南國。可憐憔悴誰相憶。急管哀涼曲未闌。周郎一顧生顏色。

陳暉吉三見

七夕詞

今夕何夕月何早。洛陽女兒爭乞巧。但使穿針理故衣。莫將團扇捐秋草。鵲橋宛轉銀河流。織女黃姑相對愁。廣寒無限姮娥恨。美殺人間紅粉樓。

卜臣曰。擬崔黃
崔殊得其神

錢士賁三見

子更口嚴燭七
言古清美閒勝

帝京篇

帝京雙闕高刺天。帝京車馬何闐闐。烈士磊落不
稱意。敝衣蹶躅公卿前。秋霜霑衣那可度。解衣贖
酒朝復暮。南牙宰相悉帝姻。北門學士非儒素。隣
峭甲第五雲深。桐花委地成秋陰。寶瑟銀箏賤如
土。撫絃按拍誇知音。綉閣瓊樓充景促。飄絮飛花
情不屬。賀老初傳水調歌。莫愁善和清商曲。長安
大道揮金鞭。呼吸直通帝座前。阿兄已拜騎都尉。

柳洲詩集

卷五

七言古

三十

小弟新開蜀道錢。炎炎作景無終極。一朝失勢悲
何惻。珠簾依舊畫堂前。燕子啣泥飛不入。去覓高
陽舊酒徒。漸離擊筑荆卿歌。雒陽清聲誰最重。茂
陵長病著書多。人生百年如翻掌。樂極哀來不堪
想。貴勢終歸紫陌塵。才名未必珊瑚網。無須局促
天地中。長嘯委巷何從容。山齋向結終南麓。負郭
仍求鄂北封。伏臘烹羔更牧豕。坐擁琴書對妻子。
西市樵漁東寺鐘。太阿掛壁光秋水。

客有從遠方來者喜爲此贈

君去蒲柳青。君還菰葉爛。絃歌清唱光銀燭。把酒
臨風正堪玩。江南江北不相聞。暫將指上奏風薰。
青山處處行應好。白露蒼蒼留贈君。

心微曰令
人意遠

周振藻

見

子存曰肅陶七言古
清新婉麗顧盼多姿

荷衣篇

交河城邊木葉飛。紅粉樓前露未晞。此時美人意
悽惻。言念成客寒無衣。戍客無衣向誰訴。良宵及

柳洲詩集

卷五

七言古

三十一

時擣紵素已看哀杵。咽涼風更見繁砧。激清露涼
風清露夜如何。家家刀尺對金波。漏長不斷寒蛩
語。路迥偏驚旅雁過。寒蛩旅雁隨時變。惟有擣衣
淚如霰。素手纖纖量綺衣。愁心脉脉催銀箭。迢遞
五夜客衣成。誰識絨笥萬里情。可知塞北征人夢
已度閨中擣素聲。

文讓曰物色是六
朝聲調是四傑

荆卿歌

君不見荆卿悲歌滿燕市。漸離擊筑聲未已。知已

獨有田先生窮交惟聞燕太子拂衣一去不復還
慷慨英雄圖爾爾悲風四起易水寒白虹半掛長
城紫白金七首中銅柱倚笑咄嗟事已矣可憐宋
子堂上客擊筑秦庭爲君死

董偃歌

延清館裏春不死綠幘小兒鬪羅綺冷冷香風透
石床夜涼帳捲琉璃紫火齊屏外散蘭膏銀缸焰
上月欲落綠鄒沉醉不知曙笙歌徹旦金雞號鮫
室百萬半封埃玉砌瓊盤幾度摧飛車平樂春郊

柳洲詩集

卷五

七言古

三

曉走馬東交暮譙開嗟哉繁華寶主宅千金一擲
潭不惜館陶已死漢殿灰百代空傳賣珠客

輝六日已入
長吉之室

李孫煌 二見

老兵歌

并州老兵來江濱昔年云隸黃將軍將軍華夏著
名字高帥嫉能謀誘致軍中耳語機事泄將軍裂
背髯如鐵丈八蛇矛盤陣中一片寒光繞腥血是
時老兵氣亦張奮臂格鬪前莫當今日失身在南

土行中莫讓居前部人生寄托會有所強則虎兮
弱則鼠

錢

煥 二見

飛龍引

黃帝訪道崆峒山仙風拂拂同追琴乃下鑄鼎荆
門巔鼎成騎龍登天開侍臣宮女滿帝側服食火
棗皆童顏童顏妖好長飛鸞直上璇宇遊無垠劉
徹好道亦徒爾仙人之掌凌秋旻三山望之不可

柳洲詩集

卷五

七言古

三

見金輿海上空遼巡

子更曰飄
揚欲仙

魏允札 三見

掌公曰州來七言古俊
適似嘉州陡健似常侍

北山草堂古松歌

北山對草堂古松生其間屈曲潛虬姿扶疎蒼龍
顏老幹百尺參天起濤聲直上烟雲裏是日觀者
皆稱奇盡道深山亦無此北山主人前致辭此松
由來三百祀癸酉年間風雨疾九松之中折其一

在○幕○迄○今○二○十○載○山○上○惟○餘○八○松○在○我○聞○此○言○發○
長○嘆○桑○田○碧○海○幾○更○換○先○朝○玉○樹○已○摧○殘○八○松○年○
年○挺○霄○漢○願○公○百○世○善○守○之○鬱○鬱○葱○葱○常○不○移○即○
看○凜○冽○北○風○惡○殷○勤○好○護○向○南○枝○

赤茂日叙連蒼老轉
折流便洵稱名作

秋風

秋○風○飄○飄○斜○拂○衣○碧○天○四○顧○雲○氣○微○江○頭○蕭○蕭○波○
浪○湧○空○山○搖○落○木○葉○稀○兼○葭○能○蒼○露○能○白○可○憐○王○
孫○此○日○歸○繁○華○寂○寞○秋○風○裏○故○國○樓○臺○俱○已○非○

柳洲詩集

卷五

七言古

三五

漁父歌

秋○葭○江○上○聲○瑟瑟○月○明○小○艇○蘆○間○出○中○有○垂○釣○滄○
浪○叟○刺○船○恒○逐○江○聲○走○夜○深○天○入○滄○浪○清○仰○天○長○
嘯○涼○颼○生○投○綸○起○足○坐○江○汜○忽○得○江○心○一○雙○鯉○平○
明○擔○鯉○入○市○去○賣○向○旗○亭○買○酒○處○玉○缸○美○酒○瓊○蘇○
此○携○來○酣○飲○澄○江○側○引○滿○獨○對○萬○里○流○醉○歌○一○曲○
千○山○秋○歲○歲○還○持○一○竿○竹○年○年○常○傍○江○頭○宿○江○頭○
樂○事○無○時○無○汲○汲○名○利○何○爲○乎○于○今○舉○足○多○畏○途○
我○亦○扁○舟○思○五○湖○

陳哲庸 三見

秋風

高○秋○八○月○涼○風○起○西○來○颼○颼○幾○聞○裏○盛○年○思○歸○生○
長○嘆○悵○然○臨○風○憶○萬○里○機○上○流○黃○曉○罷○織○清○砧○薄○
暮○聲○聲○急○此○夜○風○吹○度○玉○關○應○知○用○盡○關○中○力○

錢 嫌 三見

寄衣曲

玄○霜○慘○慄○秋○風○飛○纖○手○裁○成○寄○遠○衣○與○君○一○別○曠○
三○載○未○卜○腰○圍○宜○不○宜○鴛○鴦○錦○織○迴○紋○字○一○絲○一○

柳洲詩集

卷五

七言古

三五

纓○千○行○淚○但○得○征○人○今○夜○歸○不○願○明○年○衣○再○寄○

再書曰極擬文
昌更得新意

上巳風雨

黃○鷄○濕○翅○低○不○飛○梅○花○落○盡○杏○花○肥○高○陽○市○中○酒○
正○美○山○陰○道○上○人○安○歸○可○憐○良○辰○莫○空○擲○屈○首○逢○
蒿○竟○何○益○三○月○江○南○春○草○長○風○雨○蕭○蕭○獨○愁○客○

掌公曰
清勁

陳詰倫 二見

有懷卜臣

前年上書不見收。吟鞭躍馬走中州。詞賦凌雲傾
郭下。醉歌白雲梁園秋。今年失意滯京華。僕僕風
塵木。抵家南來黃耳無消息。思君悵望空天涯。天
涯一望念離群。越水燕山兩處分。明月高懸光滿
地。此時悠然夢君至。

亦茂口情
致深遠

孫復燁 三見

寶劍篇

山川精氣鬱昆吾。昆吾寶劍曠世無。沐日浴月湛

柳州詩集

卷五

七言古

三六

秋水。渾脫瀏離剪天吳。淬以大金錦。江水挾以髭
髮。崑崙奴。神奇變化不可測。白虹赤電氣相扶。孤
桐有采吼有聲。中夜冷冷星漢傾。琉璃玉匣文犀
靶。白虹秋橫霜月明。古來神物非易有。紫氣鱗峴
掛牛斗。雷公鼓橐飛炎淵。龍女捧爐護七首。星文
上應列闕光。廉劍載拭黃金縷。華陰赤土礪新芒。
山魃鬼母群下走。噫嗟五陵游俠客。目光如星鬚
蝟磔。歷階能返汶陽田。頸血亦澱秦庭壁。錯鏤金
張。鸛鵲新匣吐蓮花。紛烏奕。酒酣燕市舞當筵。光

華摩蕩上燭。天丈夫不輕報。知已發鋒蓄彩已十
年。君不見功成圖畫麒麟閣。腰懸三尺芙蓉鏑。丹
青已就躍延津。津頭月色空蕭索。

曹鑑章 三見

辭寶曰達夫七言古筆
力輕矯不落大曆以後

老將行

少年任俠常輕敵。燕領自負封侯骨。仗劍早辭丹
鳳城。鳴鞭晚度黃沙磧。一從身赴漁陽戍。曾破鮮
卑十萬騎。陣雲深入歸林中。殺氣遙連蒲海路。那

柳州詩集

卷五

七言古

三七

知百戰功難立。皓首轅門老顏色。令下潛歸龍虎
營。數奇不作麒麟客。只今流落向幽并。虛巷窮秋
絡緯聲。平生馬革心猶在。匣裏龍泉不復鳴。聞道
沙場事。鼙鼓夜看太白長起舞。路人誰識故將軍。
獨向南山射猛虎。

江上吟

澄江如練橫素波。桂楫蘭橈發棹歌。乘流載妓擊
汰去。紅粧玉面彈雲和。雲和之瑟聲。繚繞輕舟泛
泛逐飛鳥。彌衡高風垂千載。銅臺鄴宮今安在。從

知富貴。難上露。動搖五岳。須詞賦。詩成。嘯傲滄海濱。投竿直釣珊瑚樹。

上原目青
蓮逸響

春洲曲

微波瀲灩澄空碧。紫陌輕風漾春色。誰家女兒出
綰沙。芳洲驚起雙飛翼。雙飛雙宿兩鴛鴦。戲啄桃
花錦浪香。忽傷宕子無消息。見此踟躕淚沾臆。

陳謀道 二見

曹師次典齋牡丹歌

柳洲詩集

卷五

七言古

三六

洛陽春到江南早。江南花似洛陽好。年年花發傍
雕闌。步障流蘇垂百寶。昨夜東風捲碧雲。冥冥花
霧晝氤氳。流霞飛入金樽裏。把酒看花日未曛。人
生歡會豈易得。過眼繁華成太息。倒却玉缸醉幾
迴。名花爲我生顏色。

文讓曰風調
極似初唐

陳秉 三見

閨怨

妾家居近新豐高樓。日落捲簾中。十四當爐善

鼓瑟。十五窈窕生春風。十六嫁爲蕩子婦。夫婿常
從徵。逐去游絲芳草爛。生光翠蓋金羈。不知處三
載。遐遙音信稀。秋高極目雁南歸。水晶簾外霜初
曉。白玉堂前露欲晞。露晞霜皎空延佇。織就迴紋
點無語。何事王孫好冶遊。可憐紅顏弄砧杵。深夜
起坐哀怨多。仰看牛女隔天河。秦箏彈出相思曲。
歲月蹉跎奈若何。

寄獻少司徒王玉銘先生

柳洲詩集

卷五

七言古

三九

先生當今之名世。出入承明掌會計。曳履秋雲薊
北開。鳴珂夜月燕山霽。列宿光芒燭九重。承恩遂
拜少司農。神州貢賦經綸裏。薄海軍儲指顧中。憶
昔京華登絳帳。通家孔李頻相訪。氣誼曾膺國士
知。殷勤更切雲霄望。翹首龍堯北極浮。從知梅鼎
副旁求。異日漢廷尊計相。勲名誰繼富民侯。

古聖曰典
碩名貴

周平世

後學子魏儒烈全校

蔣昌壽

柳洲詩集卷之六

毛蕃 蔣璩

同學 陳增新 李炳 全選

李煒 魏允枚

魏允枏 曹鑑平

五言律

沈湛 三見

掌公蔚宗達夫載蕃招集南溪同駿如赤茂

嫺崑

柳洲詩集

卷六

五言律

一

城南讀書地。細帙滿簾櫳。庭果含新紫。山榴照晚

紅。論交宜夜雨。聽曲盡春風。作賦梁園裏。銜杯意

不窮。

過秋艷閣

艷閣迴浮槎。沿河傍水涯。春風偏入柳。晴色似催

花。檻外千家近。窓中一水斜。擬裁王粲賦。到眼暮

天霞。

褚偉 二見

初冬偕掌公蔚宗園亭夜話

迢迢良夜永。渺論入玄虛。何處孤村月。相逢秋水
居。消愁元亮酒。感遇薛公魚。世事看流水。休辭下
澤車。

過陳留蔡中郎故里

炎季多名士。君真命世才。文章登玉殿。條奏入蘭

臺。亭竹依秋蔓。焦桐竄野萊。斷碑何處是。孤雁啄

莓苔。

交讓日

沈煌 三見

柳洲詩集

卷六

五言律

二

律 齊日 次文 五言
律 瑋 麗 似 初唐

都中懷顧虞雯翊南

物論推雙壁。名流重二難。珠槃新祭酒。象弭舊登

壇。雪夜西園弔。處安殘餘。春風易水鞍。胡南南還
於雪夜

依依良友意。時倚鳳樓看。

金陵懷古

鐘阜臨阿閣。秦淮翼建章。琉璃分鮮碧。玳瑁映霞

黃。輦道餘荒草。宮蒿牧野羊。蕭蕭日色暮。帝子白

雲鄉。

王 睿 字聖若

送羅篁菴少詹致政歸里

何事承明客。飄然謝帝京。賜金明主意。祖帳故人情。匡嶺聞琴曲。瀛臺憶履聲。幾時傳尺素。千里問王生。

卜臣曰結意似直而實韻

朱 輅 字子殷

島夜啼

不復依雕輦。歸飛乳九雛。深林蘇合彈。小院博山爐。

柳洲詩集

卷六

五言律

三

鑪玉漏聲相和。瑤琴響未孤。來棲秦氏樹。終夜伴

羅敷

夜泊葑門

薄暮寒颼急。維舟古渡間。荒原餘白日。積雪滿青山。飄泊生愁思。風塵減壯顏。明朝經茂苑。楊柳定堪攀。

掌公曰蒼深有氣

顏 黃 三見

子存曰子坤五言律清疎自喜

種竹

荒園纔半畝。種竹已成林。以我清疎質。憐君虛白心。垂綸堪寄賞。清嘯自披襟。風雨蕭蕭夜。千竿積翠深。

夜泛

蕭瑟前溪暮。蒼茫極望通。波濤千里月。蘆荻一江風。鼓枻悲歌切。携樽逸興同。夜深猶未返。天外起冥鴻。

同友人遊西冷歸途却寄

柳洲詩集

卷六

五言律

四

愁向西冷望。湖光十里明。六橋秋色斷。三竺暮雲平。清磬當林出。飛泉隔澗鳴。與君同蠟屐。分手重含情。

大堤曲

襄陽大堤畔。春日綠楊垂。池醉山公酒。苔侵叔子碑。玉腮晴色迥。繡戶晚風遲。薄暮青絲騎。揚鞭過水湄。

魏學渠 四見

亭彥曰子存五言律高華秀逸在右丞常侍之間

赤茂曰五言律吾黨素以高渾推子更
子存更以清麗淡蕩勝之可稱雙絕

松陵道中

清川欣再涉客路獨啣杯一鳥橫沙渡千帆擁樹
來微風拂岸艸細雨溼江梅愁見蕪田沒滄波未
擬回

輯賓曰高秀
是嘉州神境

過商氏園亭同彭燕又賦

山色青無際羈懷逐望開烟霞連石室風雨上高
臺路遶蘭叢入雲穿竹徑來酣歌忘主客六博且

柳洲詩集

卷六

五言律

五

行杯

輓潘方伯呈長公惺之

坐嘆周原改斯人履獨清飾巾友龔勝土室老袁
閔龍卧西山麓鴻冥東海城傳經有令子不愧魯
諸生

子更曰意
音深永

葉聖野見貽紅藥堂詩賦贈

吳市君能隱高吟念獨醒秋風採紅藥夜雨對青
萍慷慨蕪城賦菁英石闕銘美人怨搖落瀝氣入

滄溟

其二

厨顧幾人在相逢倍黯然西臺哭自慟東海蹈誰
憐靡騁悲天馬啣哀托杜鵑集中有杜鵑記異詩芙蓉照秋
水還上釣魚船

送郁光伯備兵漳南

新出合香署高軒不可攀旌旗弭越水橘柚接閩
關天遠遶鴻度風清戍騎閒思君如九曲長繞武
夷山

柳洲詩集

卷六

五言律

六

訪顧五玉園居不值

猶識梅花路長廊春色披美人遲不見芳艸慰相
思雨暗遶金谷風生消習池明朝期再訪拂石勒
新詩

掌公曰婉
雅恬適

酬方與三

世業論交舊班荆此日新客愁依北極佳句比南
金宮樹春將近燕臺雪未淡倡酬吾輩事鄭重愧
知音

送岳修上人遊白門

前行逢歲暮。惆悵爲離群。僧臘鐘山雪。禪心江外
雲。征帆依樹遠。疎磬帶潮聞。明日松陵道。吟詩向
夜分。

送盛伯含歸金陵

之子秦淮側。寸心諒不忘。殷勤對行李。欸曲賦河
梁。芳艸新年合。寒雲去日長。相將桃葉渡。歲晏綺
羅香。

其二

柳洲詩集

卷六

五言律

七

鄭重離歌夕。風聲雜暮鐘。月明揚子樹。雪擁孝陵
松。蘭葉隨征雁。柴門媿卧龍。莫辭江路遠。春日好
相從。

古聖曰松
似石松

送九同姪建端州訪沈使君

汝爲依劉去。江楓逐棹來。楚山宋玉宅。秋水趙佗
臺。白雁炎方盡。黃花故國開。沈郎應念舊。八詠自
能裁。

客子更病起見示作

與爾同爲客。三年復此遊。鄉心黃葉暮。卧病碧雲
秋。霜淡番釐樹。月高文選樓。莫言消渴慣。佳麗古
揚州。

子將北發。孫無言招飲。寓齋得觀王于一詩。
憐君能久客。詩卷滿繩床。此日淮南雪。驚心薊北
霜。孫登懷舊隱。王粲尚他鄉。濁酒懷無限。何須典
鵝鵝。

同吳興公錢山銘張詞臣諸同人小集河房

十月淮南路。飛鴻帶雪來。朱樓臨埤堦。白石亂莓

柳洲詩集

卷六

五言律

八

昔友誼今時重。羈懷落日開。燈前吳楚客。授簡盡
雄才。

題許力臣師六宿影亭

伊人愛幽寂。小築繞烟霞。壘石留紅葉。藏書隔絳
紗。深秋三徑雨。寒月一庭花。更約春風裏。來停柳
下車。

靳家口值顧偉南蔣文琢北歸

時文琢
夫偶

野戍孤舟夕。相逢二妙還。無人憐白雪。有夢到青
山。細雨迷淮甸。回風隔楚關。錦帆南向處。絃絕記

刀環

蔣玉立 四見

子更曰亭彥五言律神
氣高邁可以籠羣雄
尤工發端領句既高全勢自振

掛劍臺

延陵空贈劍解佩掛南枝一去留餘恨重過弔豈
知暮山遙對酒謔烏暗催詩余亦愁心者離離芳
草思

漂母祠

柳洲詩集

卷六

五言律

九

劉項興亡夾城邊一飯恩當年推國士此地進王
孫花艸迷江路脉蹄祝廟門相憐應有意詎肯惜
壺殮

赤茂日
矯健

重遊南池讀子美碑記

故里思尊夕南池續舊遊虹橋依曲沼雉堞隱危
樓日槿含朝露紅蓮落早秋古人遺跡在拂石到
荒丘

十五夜泊梁溪

春暮辭鄉縣中秋未到家欲看吳苑月空渡廣陵
花山色隨帆轉川光過鳥斜名泉如可汲歸路豈
全除

登北高峯

一徑來峯頂松濤萬壑坼披荆尋虎穴倚杖數鴻
飛紫氣隨南極青山掛落暉闌天愁騁望鳥道重
歎歎

越石曰披荆一
聯動人心目

旅中雜咏
時在
葵華

柳洲詩集

卷六

五言律

十

鄉國鐵書杏蕭條旅思紛落花憐暮雨啼鳥暗春
雲山色窓中見溪流枕上聞未逢揚得意誰誦子
虛文

二

萬堞臨高阜山城曲曲斜鸛嬌千嶂樹水繞一溪
花作客年經亂長征計已賒武陵客我到雞犬暮
雲遮

春宵飲陳階六明府席上限韻

春宵欣勝聚高閣彩霞飛共下銅駝淚愁聞玉軫

花光浮酒色。夜靜怯羅衣。謝傳東山興。林泉願
豈遲。

送子般由燕之晉

送子臨燕趙。垂條陌上青。若書縣闕下。得句滿郵
亭。古岸衝殘雪。春城帶落星。桑蓬原有意。不羨五
侯鯖。

輝六日五
六是真境

散步湖上偕朱子蓉

携笈來蕭寺。東溪一徑斜。暮烟江上樹。野水夕陽

柳洲詩集

卷六

五言律

十一

家不廢孫登嘯。徒思博望槎。開尊愁絕處。漁笛起
兼葭。

二

烟光樹杪出。落日晚波收。不見裴公島。空憐少伯
舟。魚龍來海上。鶴雀下沙洲。興盡歸山館。嗔鍾生
暮愁。

沈權之 四見

懷郁文韜

風雅推吾黨。文章冠五城。君真天下士。交是古人

情芳艸江南遍。丹楓嶺外明。端居寥落甚。况復動
秋聲。

禹書曰
樸老

同群從夜集大觀樓

數載俱飄梗。今宵忽聚星。何人眉最白。惟我眼能
青。書到憑鴻雁。詩成感鶴鴒。莫分南北阮。最是喜
同醒。

陳增新 四見

釋資日子更五言律。向宗少陵已臻神境。
近擬初唐及太白諸體。尤見敏妙。腕隨心

柳洲詩集

卷六

五言律

十一

運才與法俱。吾黨推
為獨步。良非虛譽也。
古聖日子更五言律。上自四傑。下訖王孟。
無不兼綜。仍見獨詣。長城之目。吾何間然。

關山月

漢家秋夜月。流影到桑乾。獨戍愁心斷。深閨清夢
殘。天低野燒接。海濶皁雕寒。好向長城落。因君寄
彩翰。

巫山高

巫山一騁望。迢遞見陽臺。月映瞿塘峽。江連滬瀕
堆。窈窕神女夢。髣髴帝妃哀。日夜清猿嘯。行人首

重同

劉生

任俠有劉生。鹿盧腰下鳴。三輔去驅馬。五陵行天子。爭賓客。將軍識姓名。從知家世舊。少長自東平。

漢彬曰。豪宕能稱其題。

折楊柳

春色歸芳草。春風動柳條。臨歧人惜別。携手上河橋。馬去章臺緩。鶯啼茂苑嬌。一聞吹玉笛。惆悵到

柳洲詩集

卷六

五言律

三

中宵

隴頭水

隴阪高難陟。隴雲千里馳。峴嶽當積雪。幽咽對流澌。秦塞東行急。羌江西下遲。東西各異派。相合竟何時。

越石日本之雲。卿而渾脫過之。

采蓮曲

綠水風初起。明粧倚画船。南湖蘋漸合。皓腕入紅蓮。羅袖嬌無力。玉顏晚更妍。隔花頻笑語。餘艷照

明妃怨

不分承恩寵。何勞省画圖。含嚔辭永巷。絨怨郎長途。簫葉遡霜苦。琵琶漢月孤。燕支山下過。曲奏小單于。

單于

上衡曰。擬古中此題最難。描意子更此作故自擅場。

大堤

爭道大堤好。大堤如掌平。風烟楚岫迥。花月漢江明。寶馬春相逐。香車晚自迎。習池賓從散。倒着接

柳洲詩集

卷六

五言律

十四

離行

愛妾換馬

上駟空群日。佳人傾國時。如何輕棄置。一旦遠分離。山下靡蕪綠。園中苜蓿移。合并良不望。珍重此金羈。

太白酒樓

高閣何迢遞。曾經李翰林。豪詞誰與並。詩卷直留今。俯瞰湖光射。遙探岳勢侵。重來此憑眺。懷古獨沉吟。

交談口高世以
氣蒸雲夢之作

蕭蕭觀閣遠眺

欲訪蕭蕭閣，來逢呂鍊師。
荒臺瑤草盡，高塚玉鉤垂。
鶯歌吹留遺址，烟花異昔時。
無從尋御路，憑眺不胜悲。

經露筋祠

何年貞女廟，留此米家碑。
斷岸經波浪，澄湖浴鸞鷖。
驚芳蘋人薦晚，畫舸客行遲。
楚水仍東逝，滔滔無盡時。

柳洲詩集

卷六

五言律

十五

送何生之池陽赴錢長孺幕

池陽新佐郡，書記盡高才。
暫托西園乘，遙探東閣梅。
江楓迎去鷁，楚火照行杯。
秋浦清霜曉，爭看何遜來。

送宛川徐次履走淮上謁龔芝麓先生

蕭寺同吟眺，欣逢徐羨之。
早潮楊子渡，夜月謝公祠。
彩鷁衝漁火，新詞補竹枝。
次履有秦淮竹枝詞之刻，動成千里別，握手益淒其。

田髯淵寓中送子殷之太原訪孫頴初

薊門纔作客，忽整晉陽輶。
水宿三春久，山行千里遙。
鶯聲嬌苑柳，草色暗河橋。
此去逢孫楚，何須嘆寂寥。

送夏清貽之文水覲省其尊人

畫室初爲客，趨庭三晉間。
寒花迎淑序，疋馬度重關。
雁落崑崙塞，雲開句注山。
琴堂春色滿，遙待舞衣班。

無塵上人還秣陵寄康小范

極目江皋雪，潮平放舶初。
客心三楚外，僧臘六朝餘。

柳洲詩集

卷六

五言律

十六

餘念爾尚僑寓，憐余更索居。
緘書托旅雁，離緒益紛如。

堂公口情
景切寔

閱邸抄喜救菴先生事白

獻歲聞師難，蒼皇呼魏生。
寄書單騎遠，馬稿一燈明。
營護慚無任，愛疑耿未平。
忽傳青瑣客，幘被出郢城。

柳開府携尊晚翠軒同園中李叔則暨程穆倩子存分韵

曉翠軒弘敞。霜空海鶴鳴。河東佳氣在。川北暮雲平。
在開府家登眺半開府。壺觴阮步兵。今君有徵尚。莫負竹林情。

賦得靈鳳振羽儀

川穴多靈羽。人間來見稀。偶然阿閣至。千載薄天飛。
竹實招難下。桐陰願亦違。清時倘復覲。應覽九重睚。

輝六日此係社題作者甚衆子更獨以蘊藉見長

雨後閒雁

柳洲詩集

卷六

五言律

十七

宿雨潤秋林。遙邨急暮砧。倚樓當丙夜。隔坐引哀音。
以訴孤征意。從知遠別心。關河遊倦客。那不愴寒禽。

吳園次內史出酒鎗屬讚

金門吳季重。簪筆侍承明。尺五蔽天席。無雙画省名。
初筵霏玉屑。遙夜覆銀罍。紅藥翻堦曙。當君視艸成。

都門立夏同髯淵

忽驚時序改。攬麥又看黃。魚薦更王鮪。蠶眠變女

桑。離樽南浦外。歸夢故園旁。愁絕京塵客。音書隔兩鄉。

和魏雪鴻年伯庭前白蓮

蘋末風初起。憐君獨後時。素河垂影淡。明月映堦遲。
願遂初衣樂。何當墜粉悲。采蓮慚古調。白社足吾師。

肅陶曰素河二語新警可誦

周宏藻

三見

交讓曰丙仲五言律清峭刻畫二作獨見渾雅

柳洲詩集

卷六

五言律

十八

渡江

送眼彌空際。烟波任轉萍。鐘聲來古剎。漁火泊寒汀。
潭落一天影。山分萬樹青。朝宗原不改。東去入滄溟。

塞下曲

草盡胡虜疾。平沙獵騎過。紇干山上。蒲類海雲多。
漢苑歸龍種。秦關息鳳戈。軍中方宴樂。處處起鐃歌。

計善四見

坐湛閣

涼影侵虛閣。倚闌長望時。漏深入臥盡。花密月來遲。玉笛清難聽。羅衣薄自持。錢塘秋正滿。孤興有誰知。

赤茂日景
色清遠

同沈仲方過蔣石林

海內識名士。里中逢結廬。因從劉峻屐。來讀鄭玄書。真氣應難得。清言自有餘。當年三徑客。所見定何如。

柳州詩集

卷六

五言律

十九

李 鄂 四見

出塞

羽檄出甘泉。長纓縛左賢。賜袍趨鑄印。束劍跨連錢。角散金城下。花飛玉鏡前。回頭瞻漢月。萬里照窮邊。

入塞

漢室已休兵。單于遁柳城。雪消大羽箭。日照五花纓。熊耳山前甲。燕然石上銘。到家春未暮。綠樹正啼鶯。

州來日結
語緝綿

李 煒 四見

群賢曰。赤茂五言律。古直悲涼。滔滔莽莽。能于四十字中。自極淋漓之致。由其氣勝也。

輝六曰。赤茂五言律。奇麗超逸。讀之躍然神王。

芳樹

芳樹奇姿遠。根從閭苑移。歲榮瓊艷發。旖旎玉條垂。霜雪靡淪素。春風敢後時。客華君不御。歲晚欲誰貽。

柳州詩集

卷六

五言律

二十

有所思

賤妾依吳地。夫君滯楚湘。荆蠻雲樹隔。彭蠡雁鴻長。別怨生瑤瑟。相思滿玉牀。當年阿母畔。空學繡鴛鴦。

紫驪馬

紫驪稱上駟。各種出三韓。碧玉翻蹄疾。桃花借色團。塞門烽火急。瀚海雪霜寒。但使沙場靖。何辭買骨看。

劉生

劉生家六郡游俠重西京結客傾千里高談肅五
兵上書思報國杖劍定專征海內推雄武人間舉
大名

卜臣曰神
氣軒舉

贈默菴

問君何感樂削跡竟奚摩舊事觀空盡餘情埋照
多長卿工慢世楊惲善悲歌突兀踈狂意誰憐日
月過

哭徐掌文

柳州詩集

卷六

五言律

三

笠澤徐公子張弓欲殪犯少年能許國亂後竟無
家荒艸平原館殘霜害曲花吳興埋恨地萬古一
長嗟

交讓曰

悲渾

禽長鳴見懷

懶性從來僻郊居興日多凝情看桂樹散髮寒芳
荷未許高軒過還容野服歌戈生本同調良會莫
蹉跎

贈黃介石

多君然諾重四海識高名緩急看交誼存亡見友
情閩東推郭伯市肆隱侯生我亦棲棲者新知意
已傾

達夫曰僕
與似月殺

沈汝雄
二見

送家貞廷省親還朝

獻歲椒花頌旌旗望帝鄉濟川金作揖視草玉
爲堂綵袖迎官柳安輿接御香江南春色好飛彩
入詞章

柳州詩集

卷六

五言律

三

馮運隆

字昌言

吳門夜泊次陳夏臣韻

萬里同爲客前途正未央放舟來水國挾策叩天
關雲漢三更月星河一夜霜相看意氣在不覺是
他鄉

周瓚
二見

南陽道中

憑眺逢春暮晴光霽翠微水浮孤嶂出鷗逐白雲
飛客路風前杳人烟望裏稀危橋聊獨倚鄉淚欲

沾衣

計能三見

西湖晚眺

何處歌聲起。臨風見採蓮。萬山當落日。一水接長天。野曠開圖畫。樓虛動管絃。扁舟歸未得。新月又娟娟。

釋資日

淡永

毛蕃四見

子更曰。群資五言律。取材極富。諸體咸備。茲僅吉光片羽。已足照耀一時。

柳洲詩集

卷六

五言律

三

交讓曰。群資博極群書。尤精史學。其宮中行樂詞三十餘首。俱堪上擬青蓮。茲集所載。未足盡其闕麗也。

漢宮中行樂詞

斑麟霞彩。騶雲內奏笙竿。酌醴迎王母。更衣進子夫。文螺來絕域。玉棗設天厨。試問潛英石。佳人得近無。

又

承明春色麗。宮柳乍舒黃。奇女藏鈞弋。神君供栢梁。雲璈彈子晉。玄曲奏安香。傾國初承寵。傳封協

律郎

又

月滿昭陽殿。春生百子池。香風來曲水。燭影耀堦墀。落葉翻新調。招商製樂詞。只因金餅賜。浴罷得潛窺。

魏宮中行樂詞

鄴城風日好。苗裔溢橫塘。翠羽堆鵝髻。明珠飾寶璫。犀塵飛猛燭。石葉燒名香。十乘文車麗。壺中淚數行。

柳洲詩集

卷六

五言律

三

又

不信洛川上。凌波別有神。鈴郵紫鳳艷。釵刻玉龍新。絳闕凌霄漢。高臺望孟津。役徒起十萬。詔遣致銅人。

晉宮中行樂詞

承巷遺風杳。羊車任意來。胡嬪偏恃愛。左女本多才。繁臂紗三尺。移星酒一杯。驚傳晝漏盡。殿上百官廻。

宋宮中行樂詞

尚方呈副御私藏掌黃門執管吹新調。寒帷識舊恩。乘驢來小市。射鬼入名園。莫使鴛人唱。屠蘇恰薄尊。

渭陽日典
麗不纖

齊宮中行樂詞

紫閣離新采。繁華一院明。潘妃主內市。趙鬼讀西京。錦幔高樓麗。金蓮步襪生。勅將荆子短。錄事正橫行。

又

柳州詩集

卷六

五言律

三五

楊柳環芳樂。珠簾映綬奇。寶釵成琥珀。碧瓦製琉璃。妃子乘離輦。宮人躡綠絲。飛仙裁錦帳。繡綺四圍垂。

陳宮中行樂詞

綠檻綠新翠。沉檀到處香。名花含曲澗。奇樹植芳塘。繡縠裁理帳。文珠飾寶床。麗華粧罷後。眈眈溢容光。

又

三閣凌空起。雕闌翡翠新。女官名學士。狎客本詞人。

臣旭日迎紅藥。微風漾綠塵。賦詩多艷曲。妃子唱臨春。

北齊宮中行樂詞

天后傳嘉瑞。黃花寵獨殊。將軍獻玉璽。使者市真珠。文翟催中貴。輕綰齋賈胡。提婆新賜姓。戚里列嫔孤。

隋宮中行樂詞

晴雪飛西苑。輕舟帶月還。鑿池分四海。疊石象三山。翠幹稱迎輦。新車號轉關。薔薇香刺密。笑語出花間。

柳州詩集

卷六

五言律

三五

花間

禹書曰三
四
驚人之句

又

輕烟迷翠柳。沈草水光寒。侍女名來夢。黃門捧合歡。宮中領綠黛。院裡市水盤。最是迷樓巧。工人特進官。

唐宮中行樂詞

馳使凌晨發。荔枝進海南。銀罍盛綠酒。鳳爪劈黃柑。寶雀飛高髻。金蟬卧玉簪。長生私語處。笑指月

橫參。

又

鳳輦臨長道。品花拂綠旂。汝陽催羯鼓。號國進纓。頭。鸚鵡能傳語。芙蓉亦解愁。沉香多勝事。少女擘筵篋。

越石口添

耀高翔

呂

四見

少年行

賜第連長樂。行人不敢過。登車聞佩玉。問里號鳴

柳洲詩集

卷六

五言律

三七

珂夜月低歌舞。春風上綺羅。朝回花底入。曉色在銅荷。

子存日結
語映麗

王之圻

四見

禹書曰肇域五言律
氣度高迥殊似蜀州

秋日湖上

秋荷花未落。蕩漾画舸輕。湖濶金牛隱。城孤宛馬鳴。浮雲兩岸斷。垂柳六橋平。漁唱烟波晚。愁心對月明。

胥江舟次

日暮江流急。孤帆帶雨收。人家春樹密。烟靄晚山幽。擊柝多鄉侶。行吟半楚謳。一尊胥驛酒。烽火淡人愁。

送亭彥北上

吾黨論心友。如君更幾人。驅馳縱異地。樽酒自情親。日落闕河暮。春深風雨新。經行有佳什。莫惜雁書頻。

交讓日結
樵蒼老

柳洲詩集

卷六

五言律

三八

徐之陵

二見

詠蘭

生向空帛畔。芳菲自古今。嘉名開玉殿。雅揆寄瑤琴。風度清芬散。簾低晚翠深。騷人思結佩。秋到楚江濤。

雨雪曲

大漠雪霏微。同雲凍不飛。玉城翻落月。珠樹帶斜暉。古戍烽烟斷。平原獵騎歸。最憐羣袖薄。猶是寄寒衣。

連夫日三
四明秀

魏允楠 四見

子更日五言律易入平衍
交讓結搆精嚴復能跌宕
掌公日交讓五言律
才法兼到無瑕可攻

古意

蕩子戍龍城。倡樓月自明。綺疏虫網合。碧瓦苔邪生。
萬里金微夢。三更玉杵聲。遙傳鏡吹入。含笑下機迎。

從軍行

柳洲詩集

卷六

五言律

三九

戛火甘泉急。徵兵合虎符。枕戈霜下卧。負弩日中趨。
漠北逢歸雁。城南聽曙烏。橫行萬里外。不羨筑金吾。

古聖日
工秀

塞上曲

都尉方乘障。天驕未請和。帳懸孤月冷。烽雜曙星多。
絕漠還榆塞。揚兵度柳河。軍中橫吹曲。新奏白狼歌。

送子殷遊燕

執手臨岐路。驪歌對落暉。梅花催驛騎。草色上征衣。
古道如君少。知音寧獨稀。舊游京洛滿。行矣莫遑歸。

懷輝六碗城

春暮孤舟客。江城訪故人。往還應兩月。離別忽三旬。
仲舉庭前艸。萊蕪甑底塵。病中常憶汝。西望一沾巾。

尚書日老
氣無敵

和余澹心林衡者南園雜感

柳洲詩集

卷六

五言律

三千

我愛南園好。池亭面面幽。相逢湖海客。共擬竹林遊。
玉樹含風冷。銀河接地流。此中有丘壑。何必問瀛洲。

其二

猶憶高陽會。風流盛昔時。子山曾作賦。謝混舊題詩。
澹心癸未歲曾寓南園。不改芳菲色。空餘鳥雀悲。還將一樽酒。憑弔習家池。

輝六日一氣渾
成章法絕妙

其三

落日傍高城。城頭角聲。王孫芳草恨。客子故園情。樓閣花間出。烟霞鏡裏明。鄒枚同授簡。詞賦自縱橫。

其四

樹色郊原合。參差望不齊。簾前翻紫燕。橋畔聽黃鸝。閣海浮雲斷。秦淮夕照迷。知君回首處。鄉思轉淒淒。

宿華山寒法師禪房

偶爾看山色。携筇到上方。雀從珠樹出。龍向鉢花

柳州詩集

卷六

五言律

三

裁夜壑。流清磬。春雲護石床。遠公棲隱處。日夕坐相忘。

拜文文肅公墓

一拜先賢墓。還生故國悲。棠楸依舊壠。土木廢空祠。鴻隙歌來日。平津客散時。石湖秋色。頃陰雨夜。離。

赤茂日鴻隙一語爲其詞君應符而作也意境悲涼不堪多讀

暨陽旅中作

作客方春暮。秋深猶未歸。他鄉驚物候。旅食念庭

闌木落千嶂迥。天空一雁飛。登高時極目。迢遞寸心違。

李

炳

四見

子更曰燭昆五言律有蟲服亂頭之致古聖曰燭昆五言律丰神瀟灑奕奕不羣

愛妾換馬

駿骨千金重。紅顏一擲輕。明珠樓上墜。玉勒帳前行。爲愛馳驅力。因忘兒女情。蕭蕭鳴塞北。聽作斷腸聲。

柳州詩集

卷六

五言律

三

又

本愛傾城色。將空冀北羣。風流難並得。佳麗惜中分。此日朱顏謝。他年汗血勲。珊瑚鞭欲試。淚滿石榴裙。

懷子升

千里悲風切。黃雲暗雪山。故人羈北關。鴻雁未南還。友誼時尋夢。君恩欲賜環。停杯河水曲。遲爾洗塵顏。

掌公曰情至語不堪多讀

寄懷趙巖築民部前司理括蒼

聞道蒼生。命經營賴度支。三年嘉石廢。兩載國泉垂。清挹燕山月。風高括嶺詩。南來幾行雁。翹首慰相思。

江上詠

錢塘風色好。迢遞縱登臨。潮怒蛟龍起。峯高鳥雀深。青山隨客路。碧水照人心。莫爲悲行役。詩懷自不禁。

又

柳洲詩集

卷六

五言律

三

崦嵫山欲暮。彌望色空濛。灘急聞奔汐。帆輕掛晚風。人烟兩岸黑。燈火一江紅。爲擊中流楫。雄心去不窮。

江舟遇雨

乍別吳山路。來尋越水行。重雲封遠岫。碧水遶江城。岸草淒迷色。篷牕斷續聲。欲窮千里目。轉使客心驚。

挽子明

秋風吹落葉。慘淡哭離群。蕙折曾悲昔。蘭摧竟屬

君。人間瓊瑰夢。天上玉樓文。子敬琴猶在。音徽不忍聞。

劉生

任俠當年重。相逢識姓劉。青絲柳色映。白雪劍花浮。意氣凌中貴。談言動列侯。出門不復顧。爲客報深雠。

羈賓口家
宿不羈

上山採薜蘿

遲日條風暖。空山草色新。可憐去婦意。不見故園春。

柳洲詩集

卷六

五言律

三

春細綠開芳。徑繁紅映水。濱藁砧空有望。採蘋倍傷神。

郁 褒 二見

戊戌正月二日渡江次維揚擬訪羅景有因

適行不果

片帆乘汛穩。學楫動長歌。地擁三江險。潮通八月波。關河官稅急。郵舍客星多。欲訪高賢履。輕舟已遠過。

古意

候雁遼天斷。銀蟾照影飛。有懷憑玉筋。無夢到金微。蒲柳驚時晚。關山阻信稀。愁看機上素。何處寄征衣。

亭彥日音
詞婉摯

顧瑛美 四見

禹書曰。輝六五言律高。
準秀逸。自是初盛大家。
掌公曰。輝六五言律。
雄麗絕人。機杼亦異。

關山月

獨夜空城月。徘徊河漢旁。欲過玄菟郡。先到鬱金

柳洲詩集

卷六

五言律

三五

堂。弓勁翻孤影。砧寒帶薄霜。故鄉看不見。含怨對參商。

龍頭水

四注流離水。年年出龍頭。亂飛銀磧雪。分作玉關秋。過客停邊馬。鄉心落戍樓。月明哀雁叫。淒切向南州。

愛妾換馬

不。惜。娥。眉。重。嬌。嘶。斷。妾。心。明。珠。曾。十。斛。駿。足。自。千。金。拭。淚。青。絲。影。含。情。玉。柱。音。揮。鞭。還。再。顧。錦。幄。舊。

恩淡。

蕭陶日綿
悲壯

雨雪曲

雨雪飛旌旆。將軍出隴西。陣雲寒不落。獵火照全低。白月孤鴻度。陰風萬馬嘶。戍樓聊一望。魂斷漢關迷。

劉生

家世東平俠。縱橫駿馬高。酒酣三輔客。兒視五陵豪。楊葉鳴金鏃。梅花簇戰袍。新豐時一過。爭看步

柳洲詩集

卷六

五言律

三五

光刀。

銅雀妓

高臺雲影出。斜對鄴城闌。碧月流璣戶。清華抱美人。松杉隨道合。羅綺御溝塵。悵望西陵夜。宮中降玉輪。

韓貞日
豐秀

出塞曲

虎旅分符出。爭傳飛將名。瀚橋攀柳別。雪嶺射鵬行。野燒環營幕。陰風捲旆旌。中朝原薄伐。先築受

降城。

入塞曲

鼓角歸榆塞。三軍獵騎收。關前踈勒酒。馬上月支頭。露布飛金闕。雲塵轉白溝。君恩憐百戰。中道勅封侯。

子存日詞
台警快

村居

頻來江上雨。寂寞有村家。色動吳宮草。香飄庾嶺花。輕風棲遠岫。春水帶微霞。昨夜孤鴻唳。遙聞過

淺沙。

卷六

五言律

三七

寒食

三徑逢寒食。淒淒芳草前。殘花催暮雨。暗月照啼鵲。馬度斜陽外。人歸落雁邊。不須傳禁火。塵甑久

無烟。

過蕪湖縣

水勢廻關口。江聲到市中。藏蛟知穴險。夢日見亭空。客有交南舶。城留晉代宮。萬家盤氣象。巖邑古稱雄。

古隍日寫
景真切

浦口

白下多啼鳥。鄉心不忍聞。千山戀別夢。片雨過離亭。急浪橫沙白。飛帆帶霧青。夕陽江浦上。孤客漫揚舲。

皖城雜詩

古郡臨江岨。門前萬里潮。入吳通百粵。到楚制三苗。雁度迷雲岫。龍吟過石橋。旅人憑弔意。落日自蕭蕭。

卷六

五言律

三八

其二

樅楊殘礫地。多半是平沙。六月新嘗穀。三春不見花。酒帘飄苜蓿。魚肆雜蒹葭。賴有江城暮。橫飛海上霞。

州來日似少
陵秦州諸作

宿烏沙夾

洲入蒹葭內。盤旋似曲阿。落花逢古驛。吹角度銀河。野店孤舟雨。清樽子夜歌。漫思尋客夢。南望正嵯峨。

冊陽道中

芳草江南路。殘春獨聽鶯。峰迴帆影隔。沙斷馬塵生。
綠樹含朝霽。孤烟帶晚晴。紅塵飛不盡。又到呂蒙城。

越石曰
秀明

送沈徒翎歸雲間

歲晏風霜疾。他鄉不可留。雲橫碧海岸。雀啖晚峯頭。
失路看雙鬢。含情擬四愁。五茸城外雪。片片落征裘。

柳州詩集

卷六

五言律

三九

曹鑑微

四見

燭見日微之五言律運筆
儻與設色清麗自是唐音

劉生

任俠走秦中。翩翩氣自雄。報讐三輔下。結客五陵東。
玉勒羈天馬。雕弧落塞鴻。相逢俱辟易。家住舊扶風。

少年行

白羽紫貂裘。明珠絡馬頭。揚鞭入上苑。挾瑟醉倡樓。
第宅連雲起。金張結伴遊。不愁身未貴。兄弟列

通侯

亭彥曰
與龍

紫駟馬

蹀躞過橫門。鋒稜駿骨存。蹄穿酬一顧。力盡答深恩。
飛鞚黃塵下。揮鞭赤電奔。不因逢汗血。誰識是龍孫。

老將吟

百戰孤身壯。相看有鬢華。寒沙驅病馬。荒磧引悲笳。
報國心猶切。封侯事竟賒。疆場烽火急。白首未還家。

柳州詩集

卷六

五言律

四十

還家

卜臣曰極似隨
州送李中丞作

雲間道中晚泊

野泊兵戈後。汀洲倍寂寥。雲浮初上月。風定晚來潮。
水館黃花落。山城畫角遙。故園如在目。悵望隔清宵。

送林衡者歸閩

兵戈愁阻絕。此去信音稀。故國何如昨。他鄉獨自歸。
歸雲迷海樹。瘴雨溼征衣。別後相思處。年年少

雁飛

送盛伯含還金陵

鄉關西去永執手。雙淹留。一水分桃葉。三山拱石頭。凍雲平野樹。朔雁背歸舟。極目蒼茫外。烟波亂旅愁。

早春廣州朱竹菴自苕溪以書見貽兼致留

別之作賦此却寄

忽得南歸信。孤踪那可攀。如何三月別。猶滯五湖間。嶺嶠梅花落。江天鴻雁還。春風不相待。先到石

柳州詩集

卷六

五言律

四

半闕

求仲曰是
盛唐合作

花朝日懷朱竹菴

驛路春將半。長亭柳乍絲。家貧爲客久。多難得歸遲。草色千山雨。鶯聲二月時。誰傳江上札。爲道相思。

三月三日掃先茔

風光兼上巳。寒食雨冥冥。曉霧梨花白。春烟楊柳青。新碑題處士。舊事感蘭亭。歲歲傷心切。迴舟一

涕零

張生來自淞江。值余有吳門之役。以詩見貽。

率爾賦會

遊吳還適越。去住總相違。念我方爲客。逢君猶未歸。那堪同旅食。又值換春衣。此際愁分。風花日夜飛。

寒食與子殷小飲山塘

客裏逢寒食。相携倒玉壺。鶯花連茂苑。草色上姑蘇。綠酒飛鸚鵡。紅牙唱鷓鴣。胡姬能醉客。不覺是

柳州詩集

卷六

五言律

四

窮途

丙仲將之湖上。貽書言別。率爾代東。

忽枉瑤華寄。悽然感別離。雨中孤棹遠。天外片帆移。夜火林公墅。青山伍相祠。今宵何處泊。惆悵隔江湄。

掌公曰情
景俱絕

五日喜微之弟至

果應池塘夢。孤帆冒雨來。弟兄今日會。懷抱隔年開。萱草臨階砌。榴花帶酒杯。謝庭能作賦。獨有惠

連才。

交讓曰此詩已爲子更
所刪予以朴至存之

鶯

弄羽依芳樹。迴翔曉日紅。江南三月暮。啼過百花中。
金谷濛濛雨。瑤臺處處風。空聞驚少婦。無夢到遼東。

詠竹

澌澌迷烟翠。空濛叶子規。楚人江北路。蜀客嶺南枝。
雪覆唐蒙碣。雲開帝女祠。誰知空谷裏。獨負歲

柳洲詩集

卷六

五言律

四三

寒姿

孔蓋曰可
被金石

陸

淮四見

七夕

桂樹香初散。桐陰露漸流。銀河星聚夕。玉杵月明秋。
欲辨支機石。空思博望侯。仙人千載去。笙鶴自悠悠。

送越石蕭陶之廣陵

烟花三月晚。遙向廣陵遊。並轡推諸謝。聯鑣羨二

劉海門。懸日迴天柱。落霞收歌吹。迷樓滿知君繫紫駟。

丁胤塗 三見

湖中夜泛

湖上逢新霽。秋風入夜涼。携樽尋勝地。鼓柁向橫塘。
叢桂山椒發。殘荷水面香。笙歌無處所。淡淡在中央。

秋日園居

不盡悲秋意。幽居賦遂初。烟低五柳徑。塵滿一床書。

柳洲詩集

卷六

五言律

四四

書河漢明星迴。梧桐夜雨疎。春芳迢遞落。池水浸芙蓉。

芙蓉

古聖曰二詩溫
栗讀之意親

李

燈四見

程貞曰開尚五言律爲
麗秀潔在劉文房之上

巫山高

巫山高十二天。半鬱崔嵬。山氣朝雲合。江聲暮雨催。
花明三峽迴。木落九疑開。一入君王夢。空留神女臺。

對酒曲

白紵當歌日。紅霞對酒時。樽開明月迥。筵散落花遲。
香入蒲萄樹。光浮鸚鵡卮。年年春色暮。醉飲習家池。

陽春怨

與君遠離別。長自憶遠西。粧閣晴雲麗。珠樓夜月低。
庭花舞幽砌。河柳覆春堤。愁聽枝頭鳥。朝朝向妾啼。

宮怨

柳洲詩集

卷六

五言律

望五

爲識蛾眉妬。新裁舞袖寬。粧成鸞閣曉。曲度鳳樓寒。
芳草紫金井。飛花映玉欄。不堪深苑閉。夜月五更殘。

交讓曰
輕倩

入塞曲

百戰圖麟閣。名成在朔邊。弓韜青海月。幙卷黑山烟。
虎能歸國金人不祭天。廟堂持勝算。都護且屯田。

至錢塘作

積陰連晦朔。江水壯增波。日暮行人少。秋深木葉多。
千峯雲際合。一雁客中過。欲采芙蓉秀。其如搖落何。

金華道中

驛舍殘碑在。荒郊古廟餘。天高寒渚濶。木落遠山疎。
宿霧迷征騎。流雲傍客車。汀洲頻悵望。秋水映芙蕖。

二

臨岐惆悵別。正馬婺州東。峰轉千村失。山窮一徑通。

柳洲詩集

卷六

五言律

四六

通水遶迴落。炤樹杪。見飛鴻。極望丹楓落。蕭蕭逐晚風。

子夏曰
清森

咏馬

見說來西極。曾聞出頗黎。騰光朱汗沫。噴玉紫駟嘶。
豈是驚香氣。還疑惜障泥。章臺遊戲日。春草路應迷。

赤茂曰莊
麗似李嶠

問

筵三見

詠竹

弱幹凌霄峻貞心北石堅湘江昨夜雨梁苑古時
烟習習涼生樹漪漪綠覆川自來秉勁節曾得子
猷憐

松江晚發

解纜乘江月扁舟問水程平沙聞雁度遠浦聽潮
生野樹春星密朝霞曙海明行行倍惆悵回首獨
含情

韋公曰清
輝襲人

柳洲詩集

卷六

五言律

四七

周振璜

三見

釋賔曰渭陽五言律
英英獨照並駕錢劉

遊廣陵瓊花觀

聞苑春歸後僊葩不再繵烟消玉葉白風掃石壇
寒蒼鼠綠荒殿青松俯曲闌應憐芳樹盡况復值
秋殘

重遊平山堂

亂峯不可極一望白雲深流水縈孤渚悲風薄遠
林烟霞古寺迴鐘磬夕陽沉爲問經遊地凄其感

客心

京口遇雪

雲暗朔風驕璚花六出飄城烏迷古堞江雁落寒
潮色映千巖白光連萬頃遙羈人渾不寐修竹夜
蕭蕭

卜臣曰景
調道逸

遊甘露寺

高峯連北固峻嶒障南徐野曠平蕪沒天寒落木
疎石壇留漢碣碧殿署梁書佇望滄江暮孤帆夕
照餘

柳洲詩集

卷六

五言律

四八

曉發姑蘇

城上曙烏啼星沉月欲低纔經楊子驛又過越來
谿翠落山光曉波平帆影齊松陵遙入望古樹白
雲迷

曉發構李

擊楫向中流明星逐浪浮雲迷蒼樹合風送綠蘋
稠宿鳥驚殘夢寒蟬咽曉秋孤帆從此去烟水正
悠悠

重經丹陽有懷輝六

練湖木葉落。此地又重過。岸澗飄蘆葦。林深帶薜蘿。
故巢新燕去。青嶂白雲多。同侶長相憶。迢遞奈爾何。

送從兄往泰州

共作邗江客。淹留纔兩人。如何車騎駕。更歷海陵津。
獨處知才拙。交疎覺誼親。彼鄉多蘭茝。採擷恐經旬。

交讓曰是長卿佳作

柳州詩集

卷六

五言律

四九

南歸阻兵兼值雨雪

欲問南還路。三軍夜渡河。旌旗繁楚粵。艤艦蔽江沱。
檣下狎犒郡。營傳勅勒歌。朝來風雪緊。歸計可如何。

友使南歸東家中諸弟

向讀蕪城賦。思從明遠遊。棲遲揚子驛。不斷阮公愁。
雨雪谿山冷。冰霜道里悠。歸期未可卜。心逐大江流。

蔣會貞 三見

錫山曉發

錫山一以眺。烟樹鬱蒼蒼。倚棹隨晨月。揚舲帶曉霜。
盈盈寒水斷。渺渺朔雲翔。鵲首衝波去。羈愁自此長。

渡河

僕僕無寧歲。臨流嘆逝波。幾時離越嶠。復此渡黃河。
水落濤聲小。風微帆影多。明朝馬首北。霜雪送鳴珂。

赤茂曰寄託通深

柳州詩集

卷六

五言律

辛

張辰 二見

遊虎跑寺

化域逢搖落。禪宮掩寂寥。泉流時斷續。塔迥自雲霄。
萬樹經秋麗。諸天入望遙。去來無住者。常對浙江潮。

徐時來 二見

關山月

紫塞微雲斷。清光冷玉關。朔風沉夜角。白草出寒山。
有夢龍堆去。無書雁足還。征夫應未卧。一望改

朱顏。

雨雪曲

萬里黃雲合。霏霏雜雨聲。河水連積石。海色暗長城。草變明妃塚。旌周漢使營。封侯猶未遂。皓首自從征。

李光堯

後學魏儒炎全校

周儀世

柳州詩集

卷六

五言律

至

柳州詩集卷

毛蕃蔣瑒

同學
陳增新李炳
全選

李煒魏允枚

魏允柟曹鑑平

五言律詩二

魏允枚 四見

釋寅曰卜臣五言律雜出盛唐諸家境象聲情無不神合

再書曰卜臣五言律獨長于敘題比事屬詞俱無虛設而姿致宕佚不嫌束薪此古

柳州詩集

卷七

五言律

人所難也

射陽湖送徐石弦先歸

同是南歸客。羨君獨蚤行。江湖無限意。尊酒不勝情。滄海浮雲斷。長淮曉色清。遙看帆落處。吹笛滿高城。

贈漢陽劉無方

公子青雲士。聲名起漢陽。盛才原產楚。上客復遊梁。屈宋餘風遠。湘沅落日涼。桂花隨處發。秋色正相望。

其二

大江流不盡。秋水浸芙蓉。九辨君能草。三閭世所宗。湘川寒翠竹。楚甸落青松。節義先公在。何如漢兩龔。無方尊人廣如先生死難金陵

五日桐江道中

舊是經行地。當舷縱遠看。江雲連岸白。山雨入舟寒。此日羈愁甚。頻年旅食難。晨昏諸弟在。蒲酒足承歡。

廉伯曰詞旨蒼涼不堪令作客者多讀

柳洲詩集

卷七

五言律

一一

過高文襄故居

一代推良宰。文襄實偉人。綴衣曾受命。絕幕盡稱臣。已自高先達。誰當託後塵。今來遇搖落。愁緒又經新。

其二

一逢宦者怒。歸老具茨陽。別墅寒烟白。荒祠古柏黃。春秋誰俎豆。碑碣已荒涼。辛苦調羹意。當年祇自傷。

過淇水

駐馬臨清澗。應開白雪樽。昔時襟大國。此日帶荒村。水澗秋濤迴。天寒暮雨翻。只今石梁下。猶自瀉潺湲。

題天琴亭和張達林韻

鄴郡公署有小亭。方廣丈許。鼓掌其中。則鏗然四應。如擊琴聲。以手敲壁。足擲地。皆然。竟莫知其自也。詩以紀之。

成連不可見。千載尚聞聲。約腕調蟬翼。流音叶鳳鳴。巖移氷柱亂。水激石鐘清。何必臨滄海。方能動

柳洲詩集

卷七

五言律

三

我情

滁州

關山不可防。天險是滁州。峻坂遲征騎。危途動旅愁。萬峯環縣出。一水抱城流。寂寂荒亭在。猶堪問昔遊。

曉發濟寧抵南陽

遠色正空濛。帆飛宿霧中。汀葭初出水。江蘺欲含風。曉樹千家合。晴原一徑通。躊躇望不極。歸夢五湖東。

郊城遇雪次香巖韻

朔風催去馬。微霰集征途。野燒光明滅。人烟望有無。雲隨鴻影斷。寒到客心孤。共賞旗亭酒。高歌擊唾壺。

越石日景色頗近中唐
然首尾明淨自是合作

將自鄂陵歸留別周子似張青珮

十載相思意。迢迢僅識名。因為梁苑客。始結紵衣盟。秋盡逢分袂。霜空拂去旌。臨岐倍惆悵。揮手不勝情。

柳洲詩集

卷七

五言律

四

其二

八月澄江路。涼風動白蘋。別離經歲事。去住異時人。南浦傷歸客。西園禮上賓。故鄉行不遠。秋色五

湖濱

其三

此去同張翰。尊鱸尚未荒。時予與香巖全歸風塵垂一載。節物近重陽。月落猿聲斷。天高雁影長。已知鄉望慰。別恨又蒼茫。

其四

難忘是二子。握別淚紛紛。命酒嘗宵盡。論詩每夜分。丹楓霜後見。白雁去時聞。遠道能相憶。回看日暮雲。

輝六曰纏綿悱惻如涉河梁

折楊柳

又見春風起。長堤碧草平。音書千里隔。楊柳萬條生。妾對倡園樹。君登上郡城。別離無限恨。橫吹作新聲。

塞下曲

柳洲詩集

卷七

五言律

五

塞北馬初肥。高秋一雁飛。朝乘青海障。夜解黑山圍。短劍沾殘雪。危旌傍落暉。閨中應擣素。何日寄寒衣。

銅雀伎

總帳飄重閣。高臺對濁漳。君王悲伏魄。伎妾憶分香。舞落銀屏月。歌清玉座霜。墓田長在望。樹色自蒼蒼。

愛妾換馬

自信清蛾麗。其如紫燕雄。解將連理帶。繫向五花

聽買地開金埒。含嬌別綺籠。王孫芳草路。蹀躞試春風。

子更曰擬古諸章
卜臣獨以法勝

周振瑗 三見

交讓曰韓聲五言律氣厚格高其擬
古之作藻麗風華直可上追沈宋

紫駟馬

玉輅黃金勒。雕弓白羽翰。飛塵騰柳碧。絕影度桑乾。蹀躞胡冰裂。悲嘶漢月寒。感君一顧重。千里不詳難。

初州詩集

卷七

五言律

六

釋賈曰初
唐合作

雨雪曲

萬里戍雲平。三河戰角鳴。凍沙連大漠。積霰暗危城。光澈層冰白。寒凝夜月清。曉來飛騎出。遙向玉山行。

上之回

單于秋入塞。天子遠臨邊。漠北三河迥。郊南五時連。黃旂迎太乙。白羽達甘泉。扈從乘輿久。長歌奏凱旋。

戰城南

塞北長楊遠。城南細柳青。前軍度馬邑。別校出龍庭。陣合中黃騎。旗高太白星。嫫姚行獻馘。勒石紀山靈。

又

三軍營涿鹿。五校出飛狐。絕塞胡塵合。高城漢月孤。黃雲連毳幕。白雪冷雕弧。夜夜邊書急。平原戰骨枯。

芳樹

初州詩集

卷七

五言律

七

獨有庭前樹年來發故枝春從金谷度影傍玉階移綠葉迎風舞柔條帶雨垂愁看雙燕子朝暮羽差池

入塞

四牡薇歌出。三年瓜戍還。王師臨翰海。代馬哭陰山。帳耀流星劍。刀懸明月環。傳聞飛將在不。敢渡榆關。

銅雀伎

寂寞宮車出。傷心遺令留。君恩陵樹斷。妾淚濁漳流。

流曲度銀箏怨香分玉鏡愁西陵朝暮望松楸不
禁秋

卜臣曰此作
是此題絕唱

明妃曲

掩淚行龍塞含情別鳳墀如何馬上曲半入漢宮
辭北地征笳怨天南歸雁遲獨留深苑月長向妾
身隨

閩山月

玉露流清漢銀河淡碧鈎同看今夜月偏起故鄉

柳洲詩集

卷七

五言律

八

愁影照千巖曉光寒萬戶秋開山迴望迴厭聽古

梁州

劉生

河南從劇孟燕市識荆卿不惜千金散寧辭斗酒
傾報仇時淬劍死難不畱名朝暮狹邪路雕弧白
馬行

鳳臺曲

千載乘鸞去當年弄玉名空餘鸞管在無復彩雲
迎響斷秦樓曲歌傳雍時聲吹簫人不見夜月鳳

臺明

古聖曰可與
湘靈並傳

綵書怨

寂寞蘭閨久長征萬里餘羅衣去日緩錦瑟別時
疎菊北三年成河西九月書思君不可見夜色碧
窗虛

開緘怨

愁看南來雁年年一度飛涼風垂翠幙夜月冷金
徽青鳥書頻寄白狼人未歸秋深芳草暮紅淚溼

柳洲詩集

卷七

五言律

九

羅衣

大堤曲

春日襄陽道晴光映大堤峴山綠樹合漢水碧天
低綉箔銀屏繞珠樓曲徑迷往來遊冶子醉唱白
銅鞮

達夫曰
雅渾

咏雪

文成梁苑賦曲和郢中辭素影浮銀闕寒光護玉
墀雲凝飛霞密風舞落花遲忽憶剡溪道輕舟訪

戴時

真州道中

遠道久爲客。秋風解送行。海雲連斷岸。江水薄層城。宿鳥林中出。孤舟天際橫。故鄉思更切。愁聽暮

蟬鳴。

倪晉三見

關山月

皎皎月光浮。離情異地愁。征人齊出塞。思婦獨登樓。碣石沙無際。交河凍不流。金笳聲四起。吹徹隴

柳洲詩集

卷七

五言律

十

山頭

塞下曲

飛騎出龍城。將軍號令明。離弧光欲射。戰馬靜無聲。舊隸嫖姚部。新開細柳營。功成報聖主。麟閣已

書名

釋廣日雅飭

曹鑑微字微之

寄朱竹菴

別緒縈懷抱。鶯花隔兩州。幾時重握手。何處獨登

樓岐路三年客。春江萬里舟。半城芳草暮。日落鷗

鵲愁。

孫錄四見

卜臣曰古哩五言律高華自命堅
秀無倫擬之盛唐可以伯仲高李
釋賓曰古哩五言律格高法老
其一往峭拔之致殊絕於人

九日

已惜砧聲急。何堪畫角哀。客中逢九日。愁裏獨登臺。月落千林迥。天高一雁來。追陪玄圃夜。蕭瑟共

郵杯。

柳洲詩集

卷七

五言律

十一

南旺道中

別有登臨意。非因落木愁。是山皆晉甸。一水截沂流。草暗須句國。雲封太白樓。百年懷古地。節物况

三秋。

子更曰三四語意極巧
因其氣渾故讀者不覺

金山寺

憑高聊縱目。天際削芙蓉。黛色含朝雨。濤聲雜晚鐘。石頭江樹合。瓜步海雲封。縹緲祇林迥。攀躋不厭重。

送楚中王懷人亦世自廣陵遊鹽官

看爾揚帆去。秋風江上來。斷雲楊子驛。落日伯牙臺。

郢曲傳高調。吳都識麗才。二子有金陵遊草不堪頻弔

古輦道已塵埃。

蘭谿道中夏至

一望蘭江上。翩翾白鷺飛。芳辰逢夏至。細雨亂朝暉。

水碧征人棹。山青客子衣。那堪當令節。偏與故鄉違。

鄉違。

呈宋直方

柳洲詩集

卷七

五言律

十一

深窺題詩意。猶煩長者車。臨岐三月柳。惜別數行書。

白雪推前輩。青山憶故廬。揚舲頻北望。渺渺更愁余。

愁余。

曹二社祝匡廬先我南旋詩以懷之

落日一登樓。風烟接御溝。應劉原記室。余時欲就館燕山

李郭本仙舟。驛路尋芳艸。天涯曳敝裘。如何今夜

月不共酒人遊。

交讓日意
態夷猶

懷何綈音

猶憶秋江上。相逢白下來。山川遙對酒。風雨共登臺。

首路常殘臘。思君見早梅。迢迢千里夢。尺素隔年裁。

年裁。

天津懷古

天路疑難問。津門獨自看。九州環北柱。一水抱長

安。海濶蜃光合。山高雪色寒。蕭疎憑遠眺。落日滿

河干。

夜走大梁道中

長作風塵子。驅車夜未休。虫聲平野合。星影大荒

柳洲詩集

卷七

五言律

十一

浮。慘淡征人意。蒼涼旅雁愁。登樓空有賦。王粲尚

依劉。

掌公口
似工部

聞砧

萬里事長征。刀環月正明。如何景州道。猶聽擣衣

聲。白雪他鄉夢。黃雲故園情。遙看南去雁。寥廓自

縱橫。

春興

薄暮登臨興。晴光處處同。高低山寺裏。遠近夕陽

中垂柳侵衣綠。飛花入澗紅。慙慙懷澤畔。彼美意何窮。

淮陰覽古

王孫芳草地。愁絕幾人知。月迴田橫島。風清漂母祠。小山仍楚甸。舊侶自南皮。曾與淮陰諸子有南皮之遊淮水年年綠。蒼苔何處碑。

禹書曰結有遠致

朱遁成四見

亭彥曰求仲五言律運思精鑒光彩映人

柳洲詩集

卷七

五言律

十四

輝六渭揚八客。皖城賦寄

柳色對離愁。春深尚遠遊。時携天柱屐。同上皖溪舟。幸舍歌長鍊。墟頭典敝裘。思君江上月。千里接舒州。

蜀昆曰結新警

劉生

東平游俠子。意氣自豪雄。身逐五陵道。聲聞六郡中。鳴鴻揮落日。飛兔走回風。去結期門客。從軍會立功。

昭君怨

自惜丹青誤。蛾眉恩寵希。如何人北去。不共雁南飛。夢斷紅顏改。愁繁白草腓。誰將馬上曲。流響入宮闈。

銅雀臺

銅雀鬱嵯峨。變興舊日過。城荒留魏寢。臺迥出漳河。月傍金甍冷。雲臨玉座多。西陵歌吹歇。回首恨如何。

心微曰北之雲卿工力悉敵

柳洲詩集

卷七

五言律

十五

愛妾換馬

照日雙蛾豔。追風千里姿。娉婷原舊寵。蹀躞自新羈。金屋辭嬌日。青絲控勒時。君恩同一顧。前路已分岐。

蔣瑒

四見

從軍行

漢家邊徼警。詔發羽林軍。壯士無生氣。將軍豈顧

交讓曰五言律明不如唐正以神情束縛耳禹書窺見其微故運思獨至

卜臣曰禹書五言律儉于七言而體氣較高似李杜處為多餘亦不落開寶以後

勳龍沙迷曉霧。製海暗秋雲。何日塵氛靖。還將答聖君。

二

但苦黃沙磧。誰憐紅粉樓。關山分漢月。笳管散邊愁。五壘神兵法。三吳任俠遊。欲隨班定遠。萬里取封侯。

三

邊地無春草。平原羽獵多。射鵬過雪嶺。飲馬渡冰河。月裡催金柝。雲中枕玉戈。功成應獻凱。先令學

邠洲詩集

卷七

五言律

十六

鏡歌

四

未識從軍苦。焉知行路難。君王親捧轂。大將獨登壇。七屬函犀重。千群浴鐵寒。請纓成壯志。一往繫呼韓。

五

久戍無歸日。長征未及瓜。五陵多俠少。六郡盡良家。磧路沙爲雨。邊庭雪作花。年年頻轉戰。相逐李轻車。

六

十年馳萬里。百戰有孤身。雁使來鄉。驛書識故人。關榆常帶雪。營柳不知春。忽聽邊聲發。方驚白髮新。

七

烽燧澈明開。徵書旁午催。秋風回雁塞。春色斷龍堆。公主思鄉館。單于望遠臺。一時征戍客。回首不勝哀。

八

邠洲詩集

卷七

五言律

十七

聞道河湟戰。天兵已解圍。梅花傳曉笛。柳葉試春衣。絕塞愁難盡。高樓望不歸。從今應息馬。無夢到金微。

釋賔曰。從軍行八首。原本初唐。要以不專。規摹初唐。取勝供奉。塞下有其。考右丞觀。魏有其健。工部。秦州有其蒼。

問雁

九月朔風涼。天邊雁幾行。繫書投故主。入塞是他鄉。怨別經年隔。哀鳴萬里長。秋深何處所。辛苦自隨陽。

于更日詠物能申
已意唯少陵得之

南園雜感

與余淡心林衡者同賦園爲
故武郭錢仲氣遠遊之地

故國芳園在垂楊落日邊。不知金谷變還聚竹林。
賢向秀間孤管嵇康廢五絃。傷心歌舞散花鳥若
爲憐。

二

余林皆閩
莆田人

我愛莆中士相看意氣真。十年戎馬地萬里客游。
人日月流清漢江山老逸民。壯懷何所托暫此學
投綸。

柳洲詩集

卷七

五言律

十八

三

潦倒雙蓬鬢高吟擁鵬冠。鳥聲花外盡樹色月中。
寒隱士歌叢桂騷人賦澤蘭。寄言行路者慎矣莫
嗟難。

四

桐城錢幼光吳
鑑在曾客南園

龍舒多上客一去半升沉。嶺海人南北林泉自古。
今寧歆終割席蘇李却同心。回首山陽路天涯怨
別淡。

交讓曰癸巳夏與禹書同賦南園雜感八
章一時屬和成帙高華蒼勁共推禹書今

止錄其半以見
我輩簡嚴如此

愛妾換馬

萬里來沙苑雙鬟出綺櫺。楚山離暮雨燕市逐晨。
風伏檻思方始調絲怨不窮。那知憐一顧不及五
花驄。

吳六益北行時予入光福山却寄

自子燕山去當予鄧尉游贈行空有作錄別竟何。
由京洛三千里烽烟十二州。蕭條憐壯志應不爲
封侯。

柳洲詩集

卷七

五言律

十九

赤茂曰以
朴處見老

登韜光餐霞閣示慧上人

白傳詩仍在青陽訣未通。閣下有香山詩碣萬曆
間真人許青陽曾得道
于栽桑從碧海受錄出珠宮。一水群峯斷諸天萬
籟空。神仙如可學應住此山中。

塞上曲

飲馬出蕭關防秋沙朔間。層波翻瀚海積雪暗天。
山。玉筋啼頻濕金微夢欲還。可憐秦塞月分得焰
朱顏。

經吳銓部池館

當年金谷地。石氏重新聲。今日傷心路。崇臺蔓草平。綺羅空飲恨。花柳欲含情。一片南湖水。清宵月自明。

蕭陶日前四句是青蓮逸調

周

珂四見

輝六口越石五言律甚秀篇什獨富與渭楊韓聲體裁各別俱稱長城

臨高臺

君行玄菟郡。妾在白鵲洲。獨倚層臺上。遙生萬里愁。

柳洲詩集

卷七

五言律

三

愁玉臨臨曲澗珠。箔映高樓三五垂。楊下揮鞭控紫騮。

紫騮

折楊柳

弱柳三眠日。流鶯百轉時。春風如有意。搖曳忽成絲。花下銀蟾繫。月中玉笛吹。爲愁君北去。不忍折南枝。

芳樹

遠戍三吳道。深閨二月天。忽看春滿樹。知是別經年。細草繁芳徑。高燈照綺筵。攀條頻北望。明月自誰嬌。

高懸

遠別離

昔日黃沙磧。南鴻背客車。今年青海戍。北雁寄來書。水冷菰蒲沒。天寒草木疎。故鄉千里隔。遙望獨愁余。

梅花落

大庾迎寒發。羅浮入夢來。遙看枝上萼。一半落蒼苔。素影飄珠箔。飛花入鏡臺。隴頭春色少。頻向笛中催。

柳洲詩集

卷七

五言律

三

揮宸曰秀而徒

妾薄命

妾貌隨花落。君情逐水流。卷衣秦女夜。團扇漢宮秋。不惜長門賦。還傳錦瑟愁。如何天上月。偏照苑西樓。

楚宮詞

賤妾舞長袖。君王好細腰。自從登鳳閣。無復繫鸞綃。湘水含愁澗。巫山入夢遙。至今思息嬀。不語爲誰嬌。

大堤曲

大堤有諸女。聯袂大堤行。舞袖驚鴻落。新粧墮馬成。香飄百和散。燈燎九華明。日暮紅樓過。猶聞簫管聲。

掌公曰
是初唐

江行雜咏

蘆花飛白雪。蕭瑟滿汀洲。一水分吳越。千帆落女牛。舟移遠樹動。月照大江流。憔悴行吟者。勞歌未解愁。

柳洲詩集

卷七

五言律

三

二

落葉秋應盡。歸雲暮欲迷。層巒圍橘嶺。三派入桐溪。水際青山出。天邊綠樹齊。鄉書無雁寄。目斷武林西。

三

晴雲含夕碧。積翠迥山陰。樹密千條合。江流九折深。泊舟隨夜火。宿鳥傍寒林。向晚思歸客。應同莊鳥吟。

日暮登翠微山

山城高不極。一半倚巔峴。萬壑懸流紫。千峯落日丹。天清雲影亂。秋盡月光寒。此夕羈愁切。長歌行路難。

留別家宿來

謝客寒帷地。層城閉夕曛。山高不辨樹。水急自成文。候雁雲中沒。啼鳥月下聞。故鄉回首望。千里惜離群。

二

薄暮催行色。征軺落照中。猿啼山吐月。虎嘯樹生風。

柳洲詩集

卷七

五言律

三

風飛瀑懸崖。白殘霞射水。紅臨岐從此別。惆悵與君同。

至蘭江別梁溪友人

月出城頭曉。城烏向月啼。一身長作客。五夜共聞雞。潮擁片帆急。雲來萬嶺低。明朝分袂去。馬首各東西。

子存曰。渾朴似高常侍。

遊西巖登觀音閣

林外迴青嶂。窗中接翠微。疎鐘向寺近。寒鳥背人飛。

飛日落溪流轉。霜催木葉稀。暮雲前路擁。馬首此
時歸。

揭衣

遠作三秋別。新爲萬里裳。髣髴愁裏短。羅帶別來
長。孤杵懸新月。雙題揭素霜。願因砧響發。夜夜到
遼陽。

蘭

綠藥嬌初日。天風散遠馨。曾通燕女夢。常傍謝家
庭。入室迎朝麗。臨池帶晚青。秋來誰紉佩。寂寞對

柳洲詩集

卷七

五言律

三

寒汀

陳學謙 四見

從軍行

仗劍過居延。嫖姚戰伐年。寒風生大漠。白日照燕
然。隴樹秦山斷。洮雲漢塞連。何爲遠行役。悵望玉
關前。

卜臣曰其
氣甚厚

正月十三夜對月

清輝尚未滿。甲夜倍堪憐。天上還明月。人間又一

年。露華寒竹樹。烟靄上林泉。簫鼓城頭動。頻將玉
笋傳。

陳昌

四見

掌公曰。漢彬五言律。
端雅清真。軒然自貴。

秋夜獨坐

斜月傍檐明。秋高氣自清。杵聲寒萬戶。雁影下孤
城。露濕松枝重。風飄柳葉輕。啼烏驚獨宿。坐對鐵
燈檠。

同曹次典宿靈隱寺

柳洲詩集

卷七

五言律

三

不覺雲封杳。相携入翠微。上方人語靜。下界漏聲
稀。鐘磬沉寒月。樓臺拂曙暉。遠公何日返。稽首欲
皈依。

隴頭水

隴水日東流。寒生隴上秋。崩沙趨積石。曠野望秦
州。玉杵三邊冷。金戈萬里愁。年年聽鳴咽。腸斷海
西頭。

關山月

洛水千門月。流光滿綺羅。瞳眈懸碧漢。潑灑濯金

波遠戍羈縻久。空閨悵望多。關山遞不斷。夜夜落交河。

子存日二作
是四傑詞音

郁自振二見

竹

晴雲開曉日。空翠上堦墀。郭杜風來後。淇園雨過時。聲寒偏淅瀝。影動故參差。顧我疎狂態。蕭蕭綠篠知。

雨雪曲

柳洲詩集

卷七

五言律

三六

木落萬山空。旌旗捲朔風。防秋來上郡。積雪照雲中。野曠霜蹄滑。天寒鳥道窮。還聞堠吏報。烽火徹關紅。

古聖日起結
有沉鬱之致

計敬四見

交讓曰勗丹五言律
清雋高潔似孟襄陽

謁丁清惠公墓

長別歸何處。春風此獨尋。六朝名世業。三問老臣心。入廟威儀在。瞻碑涕淚深。暮風號石甌。寒柏更

森森

晚過徐勝力南州別墅

春城一携手。信步到南州。醉倚前山樹。臥聞湖水流。飛香浮曲徑。疎雨下平疇。最得幽棲勝。蕭蕭竹正秋。

舟次吳門有感

烟柳暗重關。征雲獨自還。江流深客恨。落日照離顏。鴉亂雙橋樹。舟停兩岸山。不勝懷古處。誰復共追攀。

柳洲詩集

卷七

五言律

三七

達夫日
秀朗

答高子修

春城一以別。此地復驚秋。白雪投新句。黃花憶舊遊。蹉跎長作客。蕭瑟畏登樓。日暮疎林外。蒼茫江水流。

雨夜聞雁

風雨連吳越。江城落木初。愁逢今夕雁。不見故人書。嘹唳宵分後。悲涼獨聽餘。棲棲向何處。此地卽衡廬。

其二

嗟爾南來日。川原接網羅。那知心力苦。只爲稻粱多。烟消衝寒下。雲山向夕過。衡陽有遷客。秋思近如何。

早梅

已識春風意。寧忘冰雪心。自將空並色。不但玉爲林。腸斷樓中笛。聲寒月下琴。何須感榮落。空谷有知音。

吳自求 二見

柳洲詩集

卷七

五言律

三

題錢爾斐園林

亭榭延朝旭。參差古樹間。迴廊修竹蔭。石徑碧苔斑。老幹雕牆外。微花曲水灣。不須尋谷口。此地卽東山。

九日登靈巖山小飲

策杖登高去。琴臺攬勝遊。天邊浮黛色。木杪掛湖流。對酒黃雲暮。行吟錦樹秋。西施洞外月。清夜恰如鉤。

州來日余時同遊亦賦
是題永言獨得真境

曹鑑平 四見

上阮日掌公五言律華
美富溢直追初盛諸家
禹書日掌公五言律藻
秀翻翻自是嘉州風調

驄馬

兵符下漢宮。塵暗五花驄。少婦啼金勒。征人挽角弓。蹄翻葱嶺雪。嘶斷玉關風。絕漠橫行遍。投鞭策上功。

出塞曲

白馬幽燕子。橫戈下雁關。戰窮漠北地。追絕海西

柳洲詩集

卷七

五言律

三九

刀環

輝六日英采煥
發可饒子安

官中行樂詞

繡戶春光動。珠簾淑氣回。鳳釵簪寶髻。鸞鏡倚粧臺。仗引金鑾入。香隨翠輦來。君王正行樂。鐘漏莫相催。

二

蜀錦初裁扇。齊紈乍製衣。理鬟迎曉日。度曲送餘

暉御柳含烟。重宮梅帶雪。飛簫韶天外。發緩轡夜遊歸。

三

紫殿晴雲繞。香風太液迴。葡萄新入貢。芍藥正初開。玉笛天邊奏。虹橋月裏來。掖庭多樂事。羯鼓夜溪催。

四

柳驛長堤綠。花飛滿苑香。琉璃屏作障。翡翠筆爲床。金殿調鸚鵡。朱樓繞鳳凰。深宮明月下。競進萬

柳洲詩集

卷七

五言律

三十

年鵬

交讓曰諸作
俱是盛唐

歸雁

入塞隨陽鳥。乘春向北飛。江門聽欲盡。海國見應稀。陣繞黃龍戍。途經玄兔圖。尺書憐少婦。藉爾寄金微。

春日同蔚宗介子載蕃過客園

放棹孤城外。良朋愜勝遊。湖光搖錦幔。春色上朱樓。雨淨山橫翠。風生院似秋。園亭消暇日。對此每

忘憂

吳江晚泊

繫艇松陵道。天空候雁過。晚山雲影薄。秋水月明多。客路憑舟楫。人烟近薜蘿。蒼苔蘆荻外。鷗鷺滿晴莎。

懷駿如山右

憶爾辭鄉國。飄零若轉蓬。相思千里外。忽報一書通。白草連秦塞。青山繞晉宮。何時罷遊覽。驅馬出雲中。

柳洲詩集

卷七

五言律

三十

赤茂曰通
體高渾

登金山寺

鼓棹衝烟疾。探奇竟日留。長江南北限。疊嶂古今浮。浪急蛟龍怒。風高燕雀愁。憑闌遙送目。千里望中收。

舟次天津

春月辭家出。津門入夏過。從知燕市近。還見海雲多。萬堞臨高阜。千帆蕩濁河。幾迴哀雁度。鄉思更如何。

初夏飲燕市壚頭

曲徑連清沼。垂楊弄晚晴。新歌高白雪。舊夢恨銀
箏。芳草金堤滿。新鶯上苑鳴。興來吟欲就。漸覺暮
雲生。

子更日三
四精警

鸚鵡

龐山有靈鳥。辯慧總堪誇。每啄櫻桃顆。曾歌玉樹
花。紅襟翻渌渚。紺趾亂明霞。解迹開元事。逢人說
內家。

柳洲詩集

卷七

五言律

三

咏竹

夜雨湘江畔。蕭蕭聽未闌。不因淇水見。定向楚山
看。笛奏柯亭晚。風生嶓谷寒。誰憐翠袖薄。紅淚濕
琅玕。

雜賔曰咏物二
詩可謂工

卞
庚字

大堤曲

自唱銅鞮曲。堤邊芳草生。布帆春貫酒。寶髻暖聞
鶯。峴首登臨興。鹿門耆舊情。遨遊襄水側。一半踏

歌聲

江南曲

生公臺畔月。少伯宅前荷。荷動田田影。月移灩澦
波。雕梁棲乳燕。綺席醉嬌歌。銀箭浮看盡。游人奈
樂何。

亭彥曰創
詞新雋

戈元穎
四見

東蔣子

三徑開初徧。遙知勝事多。樽容文舉共。客許仲宣

柳洲詩集

卷七

五言律

三

過閒訪蘆中隱。常聞東下歌。晴窗當晚坐。嵐翠落
雲和。

東赤茂

春老狂歌外。相思未見君。小巫吾有憾。大雅爾能
文。舊約蹉跎隔。新詩遠近聞。扁舟常欲往。湖水日
氤氲。

早春閒居

春風不相負。重到艸堂前。地煖初紫柳。池寒未種
蓮。干戈看往事。雨雪入新年。野外容樵傲。江湖正

森然。

舞賓日蕭然自遠

王辰三見

訪菊

我愛東籬菊。今朝冒雨遊。黃花三徑早。翠葉一庭秋。未載陶家酒。偏增楚客愁。不知歸路晚。漁唱起寒洲。

晚眺

平臯時極目。客思自依依。沙雁衝人起。城烏繞樹飛。

柳洲詩集

卷七

五言律

三

飛林開秋色。遠山迥夕陽。微薄暮行吟。罷歸來獨掩扉。

錢士賁

五見

子存日歲燭五言律
刻意錢劉能絕常蹊

望月

久雨添愁思。纔看月半弓。荒亭斜照水。細草隱鳴蟲。竹石光無定。星河氣自通。蒼涼頻極目。緒論幾人同。

飲沈延年分景樓

今夕開華譙。諸賢畢集時。楚腰爭弱舞。吳客限吟詩。把盞忘更永。看花覺卧遲。多情頻顧曲。月影近簾移。

月夜懷掌公達夫吳門

秋高堪共賞。落葉冷吟虫。叢桂他鄉異。清輝萬里同。卽杯懷正切。良友思難通。新句應成帙。姑胥看落楓。

舞賓日清思樓
樓拂人襟帶

周振藻

四見

柳洲詩集

卷七

五言律

三

卜臣日肅陶五言律
清虛芋獸九長咏物

銅雀臺

漳水自東流。溪恩豈復酬。雲迷銀鴨冷。月照總帷秋。同輦君何在。高臺妾尚留。西陵松柏路。凝望不勝愁。

關山月

迢遞關山月。征人迥獨看。光浮龍塞滿。影入雁門殘。朔氣侵金甲。霜華照玉鞍。遄愁流不盡。隴水日思寒。

折楊柳

春色明朱幌。垂楊夾道稠。枝隨珠箔捲。花遶玉窗流。未下攀條淚。先催倚曲愁。征書空悵望。終日對粧樓。

柳花落

檻外梅花發。扶疎映日明。風低搖素影。雪盡見殘英。塵掩青鸞靜。香飄翠幙清。笛聲吹不斷。悵別若爲情。

赤茂日
韶令

柳洲詩集

卷七

五言律

三六

送輝六家渭揚之安慶

擊汰向江程。江流駛復清。片臨京口濶。樹接海門平。計日悲行役。看雲亂旅情。片帆何處落。華月石頭城。

群賓日清
分逼人

秋望

處處逢搖落。亭皋縱目初。蟬吟吳苑樹。雁度薊門書。遠渚寒楓外。青山夕照餘。謾言秋望好。古木已蕭疎。

觀海

浩渺看無際。洪流下百川。仙人游貝闕。神女說桑田。鮫室知何處。蜃樓別有天。石橋遺跡在。海若謾投鞭。

瀑布

空翠下層岑。秋聲萬壑深。光翻廬嶺白。影落赤城陰。曾托詞人賦。偏娛曠士心。瀟瀟山水寂。誰與問知音。

柳

柳洲詩集

卷七

五言律

三七

攀折人何處。年年發舊柯。絮隨紫燕度。葉映翠蛾過。張緒風猶在。陶潛興自多。忽聞吹玉笛。無那斷腸何。

子更日
似齊梁

雨夜聞雁

竟夕雨霏微。天邊雁却飛。孤燈五夜淡。清杵萬家稀。不寢聞哀響。遙知濕素衣。南中凋弊久。春至好言歸。

陳暉吉

四見

梅花落

纔見花如雪。春風一夜催。殘香浮綉幙。清影墜粧臺。片片迎霜落。飛飛帶月來。羌兒不解怨。故弄笛聲哀。

掌公日第
六句奇矯

關山月

金閨連玉塞。萬里影同寒。皓魄搖銀甲。清輝映素絛。蔥山光欲落。蒲海照初殘。待慰刀環約。紅樓相對看。

柳洲詩集

卷七

五言律

三

江南曲

繡陌晴烟碧。春陰二月開。游絲垂不斷。歌鳥轉相催。日煖芳堤曲。花明渌水隈。玉驄向何許。桃葉渡頭來。

又

曲巷倡樓啓。經過白鼻騮。畫闌初日滿。珠箔晚風斜。驚舞翻明月。嬌歌落彩霞。燈前出玉面。美殺貌如花。

燭鼠日
幽覺

曹爾垣 二見

舟中秋夕

落日平蕪外。孤舟倒濁醪。月流江樹迥。星出海營高。那有還鄉夢。能無作客勞。相逢誰意氣。爲贈呂虔刀。

古廟

蔓草高逾尺。蒼藤殿角垂。神鴉行享案。暮雨捲靈旗。伏臘山農社。龍蛇木魅祠。隔江明滅處。燐火夜深時。

柳洲詩集

卷七

五言律

三

交讓日境象著
茫絕極其題

李孫煌 三見

天寧僧舍對雨

景色逢搖落。空齋氣已悲。不堪終夕雨。况是倦遊時。雙樹鳥啼急。孤燈屋度遲。漫言高枕在。旅思益淒其。

塞下曲

飛將分符節。揚兵涉大荒。三年辭漢月。萬里淨胡霜。別隊趨雞鹿。前軍度橐楊。歸來麟閣裡。新見畫

圖張

秋閨

紅袖夜彈箏。秋風指上生。月臨鵲練白。霜對捲簾清。湘瑟弦中恨。秦簫夢裡聲。征人何日返。共作鳳凰鳴。

子更日起
語秀逸

秋日湖上作

如練澄湖水。波光照客衣。朱樓迎日曉。畫舫帶星歸。晚樹翻紅葉。秋山擁翠微。最憐憔悴者。吟眺獨依依。

柳洲詩集

卷之

五言律

四

依依

陸凝 二見

開山月

幾度看新月。愁心入夜闌。光搖虎帳冷。影動雁門寒。塞上黃金甲。天邊白玉盤。刀環殊未下。回首望長安。

錢煥 三見

宮中行樂詞

丹荔南州貢。朱櫻上苑叢。物華經歲易。遊樂入春

同按拍偏宜豆。當車不避熊。共來花月下。剪綵闌天工。

又

冉冉纖羅漾。盈盈翠袖垂。後庭時預宴。宮女總能詩。却輦傳班氏。司花憶寶兒。宸遊良可樂。競進萬年卮。

肅陶日
似青蓮

魏允札

四見

子存日州來任詩才英
秀五言律尤見警拔

柳洲詩集

卷七

五言律

四

禹書曰州來五言律措格必高選
聲必雅其境地在子與明卿之間

折楊柳

風柳萬條齊。垂枝入戶低。高樓吹玉笛。明月照金堤。送別腸堪斷。凝粧望欲迷。軍中春信晚。攀折寄遼西。

愛妾換馬

掣電青絲騎。行雲紅粉姿。離鞍迎駿足。綺閣別名姬。莫以驍騰日。遂忘嬌愛時。相逢山下路。蹀躞見金羈。

贈輝六

無限窮途恨。棲棲奈若何。浮沉一芥子。安樂五噫歌。雄辯驚人易。高懷慢世多。明珠莫輕擲。且卧北山阿。

躬李試輒不遇。連遭大戚傷心之次。渴疾復

增詩以慰之

已是傷懷久。何堪病又新。君爲失怙者。僕本幼孤人。風雅原同調。文章自有神。依依念疇昔。相對一沾巾。

柳洲詩集

卷七

五言律

四三

子更曰如讀孤兒生
行令人凄然欲絕

同家介臣卅石登大觀臺

在雲居絕頂

相携攬勝去。直上大觀臺。雉堞秋風落。人家霽色開。湖連郊樹潤。江接越山來。不盡登臨興。長歌未擬迴。

同永言過玄墓觀梅

鄧尉山南路。梅花十里平。珠林供晚眺。寶地散春晴。塔影連雲出。湖光隔樹明。飛觴纖月下。有客坐吹笙。

古隍日寫
景清麗

夜泊吳江道中有傷躬季

日落暮雲生。扁舟渡口橫。寒烟千嶂合。野火一江明。踴躍悲鍾子。周旋待巨卿。嗟其無限意。遙夜故人情。

曉行同廷益

吳山極望遠。迢遞此揚舲。月曉千家白。霞明萬堞青。孤村驚落葉。短棹帶寒星。天未離群雁。知君不忍聽。
廷益近有季弟之戚

柳洲詩集

卷七

五言律

四三

夜宿靈隱禪房

我來靈隱寺。夜宿法王宮。仙梵泉聲裏。天花暝色中。鳥啼深樹月。虎嘯亂山風。此地堪欣賞。高吟對遠公。

夏日晚坐偶成

獨夜草堂靜。烟蘿晚翠幽。蟲聲隨野滿。星影入溪流。芳醕悲歌動。孤燈下幔愁。明朝負薪去。愧我尚披裘。

陳哲庸 四見

卜居曰孔蓋五言律
聲采秀麗琅琅可誦

十五夜

天涯今夜月萬里散清輝
玉杵秋聲急水輪列宿
稀寒生叢桂落光動曙鳥飛
莫向銀河望霜華滿客衣

觀漲

一望溪流駛蒼茫萬里來
迴風飛匹練夾石闌鳴
雷歸鳥驚難度征帆斷不
開遙看滄海濶把酒且登臺

柳州詩集

卷七

五言律

四

靜林

林靜堪棲隱山深託遠踪
蟬鳴隨晚磬虎嘯雜疎
鐘烟冷千巖竹風高萬壑
松相看雲起處雷雨見飛龍

過孟東野井

孟公人已去遺井水偏清
古沼寒泉落新碑細草
生採銅悲帝子鍊石駐仙
旌極目前溪畔彌深弔古情

辛公川聯
聯佳麗

曹爾延 二見

招家魯元小集却贈

白社經年隔清尊此夜同
蟲聲萬家雨燭影五更
風醉後摹張聖往來憶阮公
莫輕分手別峽路意無窮

夜泊平望驛

停枕依古驛隔岸聽漁歌
極浦殘虹斷遙山落日
多鄉心懸鼓角客路畏干戈
咫尺松陵縣浮雲渺逝波

柳州詩集

卷七

五言律

五

靜賓曰三
四似石玉

錢

嫌 四見

贈歌者蘇崑生蘇曾爲寧南戾客

昔爲幕下客今作郢中人
往事悲黃雀新聲起白
蘋三湘餘落日一曲動陽春
吳越誰同調商歌不厭頻

雨夜聞雁

無限悲秋意淒其暮雨情
不堪風淅瀝况復雁長
征寒影天邊度秋聲樹杪清
空庭愁緒繞五夜一

燈明

輝六日
淡宕

孫復煒 四見

擣衣曲

一片秦川月。臨秋濯素輝。清砧和漏發。玉杵雜霜飛。井上螢初度。樓頭雁正歸。白狼消息斷。獨自擣寒衣。

從軍行

身跨紫驊騮。翩翩俠少遊。從軍過瀚海。牧馬到雲

柳洲詩集

卷七

五言律

聖六

洲舊習昆明戰。新隨定遠侯。壯心曾許國。西斬月氏頭。

亭彥曰其
氣甚壯

偕掌公達夫蔚宗登瓶山晚眺

極望渺無際。長天雁影過。夕陽寒照遠。芳草暮烟多。井邑分青嶺。樓臺出絳河。仙源清切地。鐘磬雜雲蘿。

哭子明

一去黃墟邈。風流竟杳然。返魂無異術。化雀定何

年窓竹鳴秋雨。床琴斷夜絃。淡悲茂陵宅。誰復問遺編。

陳喆倫 三見

赤茂曰安上五
言律格調秀穩

偕子明遊谿默

散步晴郊外。相携更問奇。野花開斷岸。深樹隱鳴鵲。綠蔭千林合。春風百里遲。寂寥同學侶。歸路漫題詩。

寄題徐來可詩境閣簡淵伯

柳洲詩集

卷七

五言律

聖七

萃川稱勝地。有客結高臺。野色當窗入。湖光隔岸來。天空低白雁。月落照蒼苔。遙憶休文興。頻將入詠裁。

歸舟漫興

豈不懷歸切。其如道路賒。揚帆秋萬里。解纜月千家。風雨吳山夢。烟波越水槎。故園回首處。迢遞隔殘霞。

卜臣曰音
節甚高

茗中九日

作客若溪上。蕭條思舊秋。如何逢九日。只自對孤舟。白雁橫殘照。丹楓起暮愁。華堂良讌會。郢曲爲誰酬。時堂公以是日奉詩社

遊慈感寺

不知慈感寺。一往見雲深。日照珠宮麗。香飄碧樹森。疎鐘開曉色。清梵帶秋陰。我本忘情者。悠然萬里心。

曹鑑章 四見

柳洲詩集

卷七

哭

劉生

遊俠滿長安。劉生獨探丸。睚眦已報風。雪酒方關七。彩裝龍劍。千金買玉鞍。酣歌還出塞。匹馬渡桑乾。

銅雀妓

百尺井幹樓。千年漳水流。花飛金鎖樹。風動玉簾鉤。妾怨空絲管。君思木葉秋。西陵原咫尺。誰聽輦聲留。

隴頭水

隴關通鳥道。九折水潺湲。南北征人淚。東西飲馬泉。因風吹朔地。積雪到冰天。腸斷他鄉子。含啼驟玉鞭。

出塞

殺氣高河朔。清秋大漠開。解圍玄菟郡。較獵白登臺。仰射胡鷹落。翻騎宛馬來。玉門今不開。齊唱凱歌回。

亭彥曰。擬古諸作。具見傑氣。

送友人之山陰

柳洲詩集

卷七

哭

五言律

客路斜陽外。征帆去不停。過江秋水白。隔岸暮山青。旅雁霜前落。哀猿月裏聽。扁舟探禹穴。幾日到蘭亭。

孤山表忠祠

魏祠占絕勝。遺像表前賢。海濶飛精衛。山春叫杜鵑。歲時猶漢臘。草木紀秦年。陵谷今朝異。豐碑入野烟。

十五夜對月

萬里愁雲盡。春星亦漸稀。一天寒鵲影。數點夜烏飛。

飛燈市紅霞落。鄉心絳蠟微。姮娥如可憶。迢遞恨支機。

同蔚宗載蕃暨大兄遊客園

攜手探奇處。登臨陜素心。繁花明野墅。獨鳥下芳林。樹隱烟霞積。山圍洞壑深。此間堪避俗。擁膝坐長吟。

題詩境閣

地勝同金谷。青山接遠天。流鶯春樹外。輕燕落花前。雲起平川雨。晴開渚烟一。樽誰共醉。月照夜。

柳洲詩集

卷七

五言律

五

歸船

懷穉賓

作客他鄉久。難爲羈旅情。關河千里濶。風雨一帆輕。別夢繁燕市。歸途向越城。何時重握手。樽酒聽啼鶯。

啼鶯

赤茂日通

體矯健

陳謀道

三見

予存日心微。言律氣。體春容有雅人深致。

送友人之楚

六月巴陵去。微雲天際生。舟浮湘水濶。帆掛楚峯晴。把袂談前路。開樽送遠行。風塵猶自壯。不盡古今情。

武林道中

獨鼓西陵棹。漁歌處處聞。波濤天際合。吳越望中分。遠岫迷朝雨。征鴻帶曉雲。晚來風日好。積翠滿江濱。

塞下曲

征人三十萬。一夕度龍沙。北望天山迥。南臨斗柄斜。

柳洲詩集

卷七

五言律

五

斜。朔弓含月影。寶劍拂霜華。會見烽烟靜。鏡歌入漢家。

交讓日

高華

歸舟漫興

小艇溪橋泊。江天一望中。秋濤十里白。夕照萬山紅。旅夢隨征雁。歸心逐短蓬。况逢明月夜。長嘯對清風。

雨夜聞雁

蕭瑟秋風裏。孤鴻唳遠天。書傳千里外。聲斷九霄。

還欲結金河陣。還飛玉塞烟。江南風景異。來往自年年。

曹爾壇 二見

宋河宗子壽招同林武宣杜九高李縉臣自

龍潭舟泛值雨

極目蒼茫裏。扁舟對夕暉。一尊風雨過。兩岸鷺鴒飛。遠樹烟將暝。遙山翠欲微。從今分手別。莫使尺書稀。

夜泊松陵

柳洲詩集

卷七

五言律

五

湖外初收雨。孤舟泊釣磯。高城戍鼓急。遠浦客帆稀。漁火穿林出。菱歌蕩槳歸。不堪遊子意。日落尚依依。

禹書曰景
近趣遙

李 炯 三見

昭君怨

豈意蛾眉艷。承恩漢殿難。一朝歸絕域。萬里去長安。出塞聲初奏。披圖望已闌。欲知無限恨。歲歲塚前看。

銅爵臺

鄴下有高臺。霸圖長壯哉。月明橫梁至。雪淨賦詩迴。飛閣連雲度。危樓向水開。何當歌舞歇。總帳自徘徊。

卜臣曰二作
俱自明淨

塞下曲

十月河冰合。胡原草漸衰。神兵焚毳帳。駿騎掃龍祠。古磧寒光迥。長城晚照移。樓蘭猶未滅。耻復問歸期。

柳洲詩集

卷七

五言律

五

錢 燁

字子明

懷上衡淮揚

邗溝風物麗。憑眺發微吟。久繫它鄉夢。還忘故國心。樹分瓜步濶。春入廣陵深。曲誤君應顧。紅樓惜解音。

禹書曰子明年少風流自命與余子真解
二難婦翁仲芳先生稱爲吾家玉樹使得
永年其所造

應不止此

陳 秉

四見

交讓曰夏臣五言律風格高華詞彩宏瞻
惟其沐浴于李杜諸大家者深故不作小

乘語

過殷故都

北走殷墟近太行。落日斜荒臺。鬱草木古殿。驟龍蛇劍佩。侵寒色。關山老歲華。何當戎馬後。憑吊不勝嗟。

張內兄徐二立

四月與君別。誰知永索居。空懸季子劍。難報秣陵書。樽酒平生宿。几筵卧病疎。余因偶恙不及撫哭離愁無限意。風雨復階除。

柳洲詩集

卷七

五言律

五

吳門夜泊同昌言賦

欲獻金門賦。揚舲正未央。孤帆來越水。片羽發吳閭。時有玉杆千家月。刀環萬里霜。與君從此去。處處是它鄉。

渡泗水

迢遞征途遠。登臨極望通。淮流遙接泗。沛邑近連豐。松栢青山外。紛綸白露中。翠華虛想像。伏禱向西風。

月

素魄雲中起。抽毫憶謝莊。寒生金掌露。影動玉鉤霜。半夜懸清漢。三更落故鄉。還將遊子意。機上照流黃。

子更日工部
通其構彩

銅雀臺

魏武經營處。高臺入望微。空餘千嶂合。無復五雲飛。總帳從風歇。珠簾映月稀。西陵衰草遍。惆悵舊時衣。

真定道中大風

柳洲詩集

卷七

五言律

五

千里朔風飛。揚沙日色微。天空雙旅雁。歲暮一征衣。曠野河水合。寒林木葉稀。京華應漸近。何日獻書歸。

夜泊白龍潭

極目驚濤迥。湖光落照深。樓臺含蜃氣。風雨雜龍吟。倚棹千巖色。憑軒萬里心。烽烟海上急。天末起重陰。

禹書曰
啓衆

秋感

玉律凌秋爽。金風動地寒。丹霞天半出。碧落夜分看。桂影灑雲漢。偷光冷露盤。覽永愁不寐。永夕起憑欄。

其二

獨坐高齋夜。相携濁酒杯。月高蓮粉落。雨過桂花開。枚叔觀濤去。張騫泛海迴。無端思浩蕩。拂袖向天台。

其三

楓樹涼颼發。山樓晚寂寥。蟲聲寒夜月。雁影落秋

柳洲詩集

卷七

五言律

五

潮染翰詞條。密占星劍氣。遙少年同學侶。倚望已雲霄。

其四

秋節玄蟬響。邊聲白雁飛。荒原悲戍角。絕塞拂征衣。寒入龍城笛。風生瀚海旂。只今天際月。夜夜照金微。

卜臣日下不
鐵神來之作

五言排律

沈煌 四見

暮春過黃河觀新舊堤

禊修上已後。世鼓下邳東。蘭橈迎祥日。桃花漲好風。沙颺濤聲黑。浪沸旭輪紅。迅箭驚奔駟。其魚感化熊。豬身高廢堞。墟莽類飛蓬。四境無山阻。重關盡水攻。蛟翻底柱險。鼉怯呂梁洪。如帶穿淮濟。寒陵撼岱嵩。策傳賈讓確。歌憶漢皇雄。竹乏淇園健。薪悲瓠子宮。長菱塞帝築。巨石補天工。素縞縹緲。備玄衣藉夢通。河宗歆祭幣。漬長巨壘。刻玉堯巡。通堤金甌駕。崇曲文儀北。斗秩聖選。郡公沉璧。柳洲詩集 卷七 五言排律 五

國學觀禮聞雅頌

群雍尊首善。逖邇刊觀光。胃敬夔初命。賓興旦再。饗威儀開萬域。耳目聳遐方。道式先儒重。文隨聖代昌。上丁期合吹。二酉聽翱翔。釋菜因周禮。歌芹撰魯章。一牢傳漢祖。亞獻憶唐皇。肆俎推前席。燔

柴降內香朱絃流挾瑟彤管佩循牆振步依庭鵲
聞音觀望半端家求戴聖釋句仰七莢天子虔蒿
柱名臣出柏梁篆分白玉署簾隱紫微郎振鷺西
離潔鳴鼉東序嚶桐三延翼相更五祝膠庠兄在
通侯侍師嚴高弟彰中原無棄植小草總承筐啓
絳欣聯鄭解願爭說性情深誨迪氣運變柔剛
虎觀忘同異龍門疇頡頏質疑勤負劍請益敢登
堂于邁從公飲陳常通爾疆侯應執御濯德詎
施麟闕里麟遊近尼山豹蔚長郭澄圓沼碧檜拂

柳洲詩集

卷七

五言排律

五

閨宮黃稽古恒榮座箋經類述床瓊花連散髻羽
扇映絲韁階祀紛千戚遑降靜谷斯聚奎驅野馬
倬漢埽貪狼惟有言靡憾誰云讓未遑蕩平知會
極作述佐垂裳玖珮偕鵲鸞簪詔集鳳凰金臺倘
擁筭石鼓勒星霜

解道日餘意
陳留頗雄麗

魏學渠

五見

寄懷嶺西兵使者沈季子

休文奉使日數載望前旌身控三江險才優百粵

平女桑春陌偏細柳戰場生闔外敦詩禮師中洗
甲兵絃歌聞象郡雅俗變羊城月照青萍冷風吹
綠綺鳴戟門資卧理戍鼓罷長征早晚黃金詔酬
勲荷聖情

了更日
秀切

送姜真源侍御還朝

天子思執法詞臣願納忠鳳凰鳴旭旦鷹隼擊晴
空一代文章伯千秋氣節隆秦川曾叱馭淮楚再
憑熊草木霜威裏交親雲誼中三年辭薊北六月

柳洲詩集

卷七

五言排律

五

渡江東瀟灑帆檣雨悠揚旌旆風魚龍爭避鵷山
水茲迎驄楊柳金堤綠芙蓉御苑紅朝登玄武關
晚對集靈宮薄海蒼生望安危事在公

陳增新

五見

上巳後一日飲摩城齋

野曠春暉遠風微宿霧消玄禽雙翼綺黃鳥數聲
嬌離索遙相望鰲黿局見招勝遊浪上巳良會永
今朝逸少名方籍元龍傲未銷倘客余嬾散隨意
泛蘭橈

享公日遠
趙嗣嗣

周宏藻
四見

西關

宮闕宸遊地。烟花御苑晴。千門垂弱柳。萬樹轉新鶯。日迫金鰲峙。天開玉螭平。九華結芝菌。三島
吟蓬瀛。複道芳威度。紫流淥水明。堆雲浮碧海。積翠溢雕甍。紅藥璇階密。青霞竹殿盈。緹城輝紫極。羽蓋曜長庚。畫舸黃龍戲。霓旌紫鳳迎。歡娛樹
睿藻。扈從有長卿。載筆甘泉頌。矢詩靈囿賡。百昌
柳洲詩集 卷七 五言排律 六

李焯
五兄

賀冀渭公郡司馬平盜五十韻

滴海鯨波蕩。叢祠孤夜鳴。途窮思一攫。嶠負勢難
櫻秋蟬籠雀廢。春鷗未起驚。連雲曉瘴合。帶月夕
烽明。七郡氛虹接。三時羽檄併。烏衣無燕雀。白社
偏旄旄。啓事煩中結。虛聲動玉京。誰云擇易卷。未
見蔓能平。天授神明宰。民侯子惠生。金章俊人後。
河洛舊家聲。識冠九流涉。氣儲五緯英。金天晶錯

落廣冀玉鉤鏗。逸辨開三象。雄姿耀兩楹。詞壇欽
鳳藻。苑苑主雞鳴。召父真遺愛。平公有大名。政成
神雀下。治奏小鮮烹。出宰花成縣。臨戎柳作營。笑
談清沴戾。慷慨掃欃槍。盾甲方從事。矛鈇自請行。
文昌兼上將。司牧寄師貞。陣總三門畧。威揚五郡
兵。嚴霜寒耀甲。赤日火驅旌。幕帳芙蓉啓。離鞍楊
葉橫。衡衝輕矢石。鼓勇厲金鉦。士女壺漿喜。郊垌
負勞迎。揮桴斬渠賊。解網赦餘氓。盜首奔秦蹙。游
魂入漢誠。維新馳萬井。敵愾振千甍。犄角糜狂兇。
柳洲詩集 卷七 五言排律 全

張羅繫駭駭。洞陬無宿莽。阡陌播春耕。山雉臨營
伏。江花帶雨榮。饒歌補羌笛。樂府度瑤笙。夾道看
俘獲。同官慶武成。三吳思保障。江左識忠楨。破斧
功誰繼。銘山望已傾。璽書飛北極。冠履侍西清。果
毅先諸將。驛旄屬上卿。豹韜詳簡至。麟閣畫嵒嶸。
自愧身輕羽。多慙未請纓。山居親杜若。溪隱狎鴒
鷺。忽忽才將暮。悠悠歲成屢。更驚花隨醉。遣篇什帶
愁。繁勤苦嘗千。蹄支離困六庚。誰能濟李廣。空自
惜。爾衡幸仰國。僑盼茶邀德。操評感恩知。已重酬

德一身輕。杜草心如結。隨珠報未成。劍鳴思出匣。
驥伏企遐征。行逐秦樓鳳。同飛漢苑鶯。時東閣
啓從邁。賦蒿莘。

卜臣以典重軒
與特爲高作

毛 蕃 五見

壽計斯美六表

玉露晴川媚。清香發桂枝。幔亭張樂後。嵩嶽降星
時。竹箭名材麗。芝蘭秀色垂。赤城傳錦字。青縷著
鴻詞。弔古丁溪勝。觀書孔壁奇。雷開天寶石。日照

柳洲詩集

卷七

五言排律

空

泰山碑。易水停車久。金臺攬轡遲。曠觀抒偉抱。縱
覽發幽思。談理驚三耳。高歌慕五噫。王孫懷薜荔。
公子蘊江離。莫問楊雄字。誰携謝眺詩。空傳留白
雪。已見吹玄絲。明月銀河淨。和風碧漢吹。仁人郊
外頌。祭酒里中推。大易微言晰。南華奧義窺。異同
融物態。冰炭滌襟期。萬萬和平暇。油油豈弟姿。人
求元禮御。益畏彥方知。樹有三槐古。門容駟馬馳。
石麟呈麗景。丹鳳振威儀。甲子今重始。庚寅降在
斯。望舒光尚滿。蟾兔影初移。淑氣迴金井。祥烟繞

玉輝鸞車飛海上。鶴駕下瑤池。火棗麻姑獻。交梨
王母遺。杖鄉非異數。再拜祝期頤。

禹書口敦
華清雅

呂 寓 五見

賦得劍留南斗近

夙具芙蓉鏢。光芒見獨遲。鯨文藏翡翠。犀表匣琉璃。
鴉非直。交游俠何勞。贈別離。能傳黃石津。曾事白
猿師。霞彩衝瑤井。霜華照玉池。願入懸郭解。結客
問袁絲。無愧風胡相。奚慙薛奕期。得充君子佩。絕

柳洲詩集

卷七

五言排律

空

勝世人知風雨常。驚夜龜龍未蛰時。豐城應不遠。
鄭重上君墀。

李 炳 五見

題詩境閣和淵伯韻

平原開別墅。高閣迴臨風。勝地萃川北。名流震澤
東。仲宣愁不盡。庾亮興無窮。翠篠連芳榭。玄芝貯
藥籠。溪橋明鏡裏。烟雨畫圖中。野曠松聲合。潭清
月影空。世情方暮燕。吾道自冥鴻。嘉會眷纓集。新
聲唱和同。濫竽深足耻。學步未能工。此日郊居賦。

還應屬沈公。

交讓曰神
情散朗

魏允樸 五見

壽江陰李忠毅公尊慈孫太淑人八十

令節逢家慶。高堂錦瑟張。惠風迎臘日。淑氣轉壽陽。昭代簪纓盛。東吳譜系詳。衣冠連顧陸。閥閱重姬姜。乃隸山川秀。斯成邦國良。少年能倜儻。早歲卽騰驤。射策居高第。摛文獨擅場。起家爲外吏。佐郡理南康。屢報循良績。旋生輦路光。殿中推執法。

柳洲詩集

卷七

五言排律 六首

柱後奮彈章。白簡惟稱傳。埋輪幸有綱。寧容譏伏馬。無不避神牟。阿母專中禁。涓人寵大璫。轡車徵李杜。北寺共桁楊。受教當年事。流徽此日芳。精誠迴地軸。浩氣動天閭。一旦弛鈎黨。千秋遂景行。恩褒何赫赫。鉅典復煌煌。程弗榮賢媛。龍章賚北堂。豈徒封石窹。應自匹延鄉。嶽胤天方啓。干門日以昌。神州今旅棘。滄海更栽桑。奕奕君山峻。滔滔江水長。棲遲忘歲月。閱歷見水霜。子姓俱鴻漸。諸孫茲鳳翔。香輶娛淡蕩。綠服樂徜徉。予也生當晚。兼

之各一方。追思同患難。舉目感興亡。六膳仙人鼎。

三漿玉女觴。尸養深自愧。錫類祝無疆。

輝六日雖未見警
飭而妙有體裁

計善

昭慶寺秋夜聽高子修彈琴

瑱色合蕭寺。閉門涵道心。卷書將對酒。秉燭坐鳴琴。玉軫當流水。商徽出暮林。悲從秋氣至。聲入亂山深。別鶴臨窓起。孤鴻遶渚吟。離愁方脈脈。舊怨自沉沉。一撥寥天靜。微吟澤國陰。亂蟲寒不雜。落

柳洲詩集

卷七

五言排律 五首

葉夜相侵海氣迎。餘韻秋殿接遠砧。長羈聽欲淚。懷舊意難任。月思遙留砌。霜情竊到衾。水盤傾碎玉。星漏響清金。桂樹誰偕隱。幽蘭我獨尋。錢塘烟漠漠。石磴雨森森。兄弟今宵在。湖山此際臨。阮潘間燕后。千載更知音。

顧瑛美

五見

贈張文茂

盛朝思借寇。年少出專城。獼虎才名舊。祥麟吏治清。襟期黃叔度。經術鄭康成。清廟蠲牲醴。容臺佩

玉瑛入司三禮重出攬八州英少室雲霞秀中天
日月明文章逢哲匠冰雪自持衡知己千秋感求
賢九陛旌祇因晚伯國自古上遊程西控江湖濶
東蟠龍虎平循良親握吏保障出名卿渤海潢池
靜淮陽卧閣迎九天飛赤節五馬度葱珩馴雉懷
新政還珠不遜名錫男稱召杜譽髦識韓荆吳楚
烽烟息江山杜若生璽書褒漢代露冕錫燕京碧
水鶯花暮春雲嶺樹晴予無王粲跡君有蔡邕情
故土相知少南皮憶舊盟

柳洲詩集

卷七

五言排律

空

魏允枚

五見

贈栢蒼守周宿來

望重雲間士名高日下人
騫騰起霄漢橫厲出風塵
南省先陳策西曹蚤曳紳
法冠隨日月綵筆動星辰
豫土乘輅莅司州捧節巡
明刑周下隱敬獄拈皇仁
宿來曾恤刑中州皂蓋旌黃霸朱轡寵冠恂
山城棠蔭徧垌野稻苗新
卧閣風彌肅褰帷政自神
遙看靈雨渥露冕正行春

子存曰卜臣佳雅不措意長律率多酬應之篇此作差覺穩淨故存之

孫錄

五見

擬孟春上幸南苑閱武命親王帥師入蜀

群臣應制

耀德皇談重觀兵聖武揚東風吹太簇北斗
炳春王鳳輦馳芳甸龍鑣出未央泰壇新殺實
時南苑閱戎行元朔誠難茲貞觀未可方射鴈原
疊異躍馬本騰驤帝曰思寧宇臣心念啓疆相如
曾論蜀諸葛亦平羌自古盤叢峻於今鳥道長陳
師開玉帳簡帥勅銀潢聚米爲山谷驅鼉駕海梁

柳洲詩集

卷七

五言排律

空

行厨分玳瑁太府錫珪璋鎧甲明於練
朔七盤通劍閣三峽下瞿塘豈爲求金馬非關問
白狼勸鵝應解胃魚麗盡除裝日暖將軍戟花明
帝子棠是天皆雨露何地不苞桑鏡吹來蠻服車
書達夜郎焚人輸蒟醬已使進枕椰嶺外烽烟息
階前干羽颺叨陪厠侍幸拜手誦平康

燭崑日事律俱合

曹鑑徵

五見

送輝六之安慶兼訊文茂

送子臨岐路。勞歌向水涯。蒲生春葉短。柳拂夏條垂。旅望吳天闊。鄉心越鳥悲。含情惜分手。把酒問歸期。日落滄波遠。風輕五兩遲。皖山平驛樹。楚月隔江眉。念別經千里。茲行到幾時。故人羈薄宦。藉爾道相思。

蔣璩 五見

呈許黃門霞城先生二十六韻時以七袞稱

壽

一代儒林望。千秋大雅傳。文章高柱下。經術定章

柳州詩集

卷七

五言排律

六

編獄獄初臨。越論兵即向。燕黃門推直節。青瑣讓才賢。南國衡文美。西江較士專。登門盡桃李。共載類神仙。折檻風猶壯。鋤璫氣自堅。九重櫻帝怒。三黜令人憐。自許清流貴。誰云鈞黨偏。龍飛重見日。鴻漸再逢年。廟算時參議。朝綱賴仔肩。安危原係主。剝復更由天。讜論違時宰。彈章入御前。暫時辭雨露。幾歲避烽烟。南渡恩非薄。東山興不遷。清尊對文史。白髮老林泉。誰料蓬萊水。終成桑柘田。黃池先飲馬。遼海未投鞭。無力填精衛。傷心聽杜鵑。

三朝遺諫草。十載學逃禪。景望山河表。光依日月邊。二難滋玉樹。百里動星躔。共展凌雲筆。還工流水絃。休文師表重。元禮楷模全。上壽人稀古。中流志着先。願因白雪調。一進紫霞篇。

赤茂曰許黃門東南碩果生平便架畧見于此

曹鑑平

寄陳雍期胡又弓兩太史

憶昔勞仙馭。離筵祖帝城。音書三歲隔。鸞鳳九霄鳴。視艸分班直。垂鞭扈蹕行。櫻桃開細雨。楊柳試

柳州詩集

卷七

五言排律

六

新鶯露掌金盤溢。天風玉珮清。圖書搜秘府。詞賦儷西京。雅望推公輔。清標識令名。停雲增別緒。望月動離情。在昔風塵暮。蹉跎節序更。何時重握手。尊酒叙平生。

交衆曰莊鹿

送錢長孺司理池陽

少年方佐郡。父老慶才賢。叱馭吳天外。驪歌越水邊。河橋初霽雪。江樹迥含烟。山勢銅陵出。濤聲秋浦連。金羈嘶去馬。玉管醉離筵。悵別雙旌遠。相思

一鴈旋下車。虛貫索約法。示蒲鞭。爲政風流地。

居仰俸錢

周振藻 五見

壽李子喬父執五袞

世運滄桑改。聲名山斗連。伯陽推吏隱。元禮重才賢。解綬當茲歲。彈冠自昔年。琴鳴呂水曲。花滿欽州邊。異績齊馴雉。清風比酌泉。人皆思魏闕。君已賦歸田。畏履王陽坂。欣乘少伯船。竹栽千畝綠。架倚百城偏。書法追光祿。詩篇嗣謫仙。義方顏訓肅。

柳洲詩集

卷七

五言排律 七

家學鯉庭傳。鍾律青陽啓。桑弧吉日懸。捧觴何秩秩。舞綵自翩翩。紫氣三霄降。榮光五老延。通家欽父執。少賤賴周旋。聊復申三祝。陳詞愧未妍。

魏允札 五見

題詩境閣和淵伯韻

巍峩啓高閣。憑眺拂春風。香發珠簾外。鶯啼畫檻東。閒雲看欲盡。芳草望何窮。夕照汀間落。輕烟柳際籠。逍遙三徑裏。鴈咏百花中。繡陌嬌羅綺。晴川森碧空。平沙落新燕。遠渚度歸鴻。帆影衝巖過。漁

歌唱月同。元規典不淺。崔顥句還工。八詠誰能嗣。

于今有沈公。

陳哲庸 五見

遊黃竹里山

久憶山川勝。今來思渺然。銀濤浮翠壁。石磴瀉紅泉。百里危巒迴。千尋疊嶂懸。峰高還起伏。岳斷自盤旋。虎豹潛空谷。雲霞障遠川。脉來天目下。勢接洞霄邊。古寺傳清磬。新篁拂紫烟。登臨無限興。遊子欲忘年。

柳洲詩集

卷七

五言排律 七

陳蒨倫 四見

秋日登峴山

聞道峴山勝。蒼茫峙碧空。千巖懸曉日。萬壑起秋風。津路南瞻近。樓臺北眺雄。湖光連縹緲。樹影倒空濛。竹樹年年密。帆檣處處通。金甍橫碧落。玉露冷丹楓。形勝秋逾壯。登臨賦自工。幽懷憑蠟屐。曠志逐征鴻。客夢青山外。鄉書夜雨中。憑高愁極目。長嘯意何窮。

計敬 五見

賦得靈鳳振羽儀

結族丹山裏。他年入帝京。三文開上瑞。五彩耀休明。賀世璿丘舞。歸昌石柱鳴。覽輝知德茂。巢閣見時亨。翻翻凌瓊樹。鏘鏘竝玉笙。乾坤容出沒。霄漢任縱橫。飲以玄霜潔。身隨紫霧輕。威翔雙翮健。雄視九州平。日月翎邊逝。風雲腋下生。濯纓臨弱水。求匹向蓬瀛。萍藻鳬鷖美。簪籬鸛雀驚。秦樓空復夢。漢苑杳無聲。邈矣堯圖授。懷哉舜樂成。畫宮移影在。倍憶濟陽城。

柳洲詩集

卷七

五言排律

七上

陳謀道

四見

柳洲詩社讌集詩

江左衣裳會。華堂獨肆筵。南皮追勝事。金谷想遙年。氣誼千秋重。文章一代先。杯能啣夏日。筆欲湧春泉。遙興凌雲起。清歌入座妍。梧桐含遠黛。楊柳拂輕烟。賦就今宵燭。水流六月天。騷壇詞客滿。相對更殷然。

魏九桓 二見

壽太翁子建先生六袞

柳洲詩集

卷七

五言排律

七上

九陽開淑景。三節度芳年。紫氣浮晴旭。薰風轉瑞烟。頤祥欣協應。歌祝競駢闐。閱閱吳中舊。聲名龍右先。誕靈占嶽降。毓秀識星躔。德望高元禮。文章邁仲宣。書從黃石受。劍自白公傳。管樂堪齊軌。原宵定執鞭。縱橫五千卷。揮霍十三篇。聚米知量地。周髀善測天。金樽酒泛泛。珠履客翩翩。昔歲稱交誼。先人實比肩。論心蘭社裏。把臂竹林前。經濟時商確。詩文互諦詮。友朋敦密契。姻婭締嘉緣。忽逢金精動。俄驚炎祚遷。蒲輪徵幣發。蓮幕辟書懸。鍾阜供吟眺。金陵自往還。雞鳴球上月。桃葉渡頭船。故國河山異。新亭涕泗漣。談兵虎帳肅。借箸豹韜研。慷慨隆中傑。風流洛下仙。那知沉赤縣。終復變桑田。避地聊携甕。觀濠不憶筌。門仍通德號。亭有太玄編。耳順從茲始。瞳方詎偶然。長庚應瑞合。迴甲攬揆全。絲桐翻琪樹。華堂肆綺筵。八龍爭天矯。雙鳳最飛鶩。鳩杖他年倚。麟芝此日鮮。延齡書碧字。益壽進丹泉。拜手欽前輩。稱觴旅後賢。葛蘿蒙覆露。思難荷周旋。酬德慚無賦。陳詞托短箋。

陳秉五見

渡錢塘江

浙江從此渡。欲向會稽遊。雪浪常驚岸。風帆好挂舟。潮平津路近。水落淺沙浮。柝響朝方歇。橈歌夜未收。吳山連越嶠。海氣接江流。泉瀑千巖布。人登百尺樓。青楓開曙色。白露動清秋。東望長天迥。狂歌散客愁。

贈呂修祉先生時以採藥至江南

玉帳談經暇。金門視草餘。行旌辭北闕。飛蓋渡南

柳洲詩集

卷七 五言排律 七

徐覽勝吳都。賦探奇趣絕。書杯傳張翰。酒山憶謝安。居丹竈。僊人藥。靈芝方士蔬。雲天屬氣誼。書札滿樵漁。何幸儒生里。曾停長者車。百年今把袂。萬里此褰裾。白雪高難和。青樽愧未濡。周廷推吉甫。漢室重相如。黃閣垂聲遠。金甌佇卜初。星辰占紫氣。日月照黃輿。朔塞來鴻雁。江天寄鯉魚。啣恩累世切。何以報瓊琚。

掌公曰蕭閒真客雨不相掩

柳洲詩集卷之八

毛蕃蔣璩

同學 陳增新 李炳全選

李煒 魏允枚

魏允枏 曹鑑平

七言律詩一

沈湛四見

釋賓曰淵伯七言律波瀾壯闊有屈注天潢之槩

全子更丙仲昌言釋賓卜臣古喤夜集城南

柳洲詩集

卷八 七言律 一

雨過城南荷芰涼。椅梧華月映飛觴。共憐京洛貂裘敝。還羨簾櫳艾納香。時丙仲維揚納姬。辯騁碧鷄浮玉。梳詩成朱鷺泛金塘。天涯悵望離羣久。北斗闌干興未央。

鹽官觀海同赤茂

到來便似欲飛騰。一氣蒼茫合混元。秦駐依然橫海面。靈胥祇自撼山根。三秋駭浪魚龍動。萬里愁雲日月昏。暮雨衝風吹不已。崩濤無盡向西奔。

赤茂曰雄渾能稱其題

咏竹

獨餘蒼翠照幽襟。離立森森已作林。曾共群賢來曲院。却標勁節向雲岑。琅玕裁就棲鸞影。律呂調成吐鳳吟。試到會稽亭上望。一椽猶自結清音。

褚偉三見

擬唐人興慶池侍宴應制

九重僊仗夾中流。葉嶼花潭勝十洲。映水芙蓉隨鳳輦。浴池鴛鴦繞龍舟。雲依絳幄秦川雨。柳拂虹橋漢苑秋。慙愧井泉獻詞賦。得因膚忝扈宸遊。

柳洲詩集

卷八

七言律

二

懷子弁

憐君疋馬向長安。迢遞關河行路難。遙望暮烟迷北寺。坐看秋雨泣南冠。青絲乍拂虛溝月。白恰長隨易水寒。此日有書須急上。金鷄應出五雲端。

子更日格
律清森

沈煌五見

子存曰火文七言律
典麗精碩自是作家

路逢征南兵

瘴霧蠻烟接海寒。親藩虎旅下長安。帳前歌舞從

軍樂。笛裡關山行路難。朱雀乘風開百粵。明駝嘶月出三韓。依依楊柳天南盡。銅柱應標舊據鞍。

泊夏鎮懷弘益堂諸子

夾岍樓臺徹夕暉。登臨四眺倍依依。天高嶧水魚龍濶。春滿徐州鴻雁稀。大野瀕前停客棹。長庚輝處辨王畿。故園此日思千里。桃李翩翩鶯亂飛。

上衡曰能
開畦町

燕臺社集余以冗不及赴

清簾分箋碧玉涼。麥秋風細繞輕裳。賦成鸚鵡傾

柳洲詩集

卷八

七言律

三

瑤席坐對芙蓉泛。羽觴忝谷肯因鄉。衍暖竹林應忽阮。生狂側聞太史靈臺奏。鬱鬱蔥蔥是帝鄉。

王睿二見

送吳岱觀赴德清學博

兩度相逢古北平。燕歌馬首動離情。金門吏隱辭千石。雪水傳經勝百城。君去尚稱秦博士。余閒仍作魯諸生。從知清興秋來劇。好釀烏程永夜傾。

送蔣爲章民部視餉邗關

東南財賦重持籌。寵命新膺駐上游。萬里艤艫飛

越水百年篴篴會皇州。潮隨壁月雷塘白。雨散瓊花隋苑秋。應念故人能作賦。薊門憔悴獨登樓。

禹書日聲
采華瞻
朱輅二見

南湖春泛

如練晴波漲淺沙。西連長水片帆斜。浮圖月曉諸天樹。睥睨烟開萬井家。縹緲碧雲疑入戶。微茫綠鷁似飛槎。相攜出郭同吟眺。踏遍三春醉李花。

交讓日駢
宕多姿

柳洲詩集

卷八

七言律

四

顏黃四見

秋懷

處處金風起白鷗。蕭森木葉洞庭秋。濤聲百里來蒼嶼。樹色千重入畫樓。明月夜間吹笛怨。黃花時對捲簾愁。平川斗酒堪移棹。何必滄洲汗漫遊。

卜臣日
清婉

魏學渠六見

子更曰子存七言律氣體高
華聲調瀏亮可方岑嘉州

經吳城

疎柳高梧傍客舟。闔閭城上角聲秋。風吹白紵清砧急。月上紅闌暮笛愁。草碧吳天迷北望。潮平越水向南流。行人無限滄浪思。幾處笙歌統驛樓。

三月十九日與敬輿陳子談及甲申舊事

北望長安淚已潛。愁雲莽莽滿燕關。虎賁遙憶千官入。龍馭虛傳七萃還。當日金鳬投野草。何時玉輦到人間。特臣竟阻南巡策。幾恨遺弓不可攀。

亭彥曰慷慨悲涼不堪多讀

燕臺感舊

柳洲詩集

卷八

七言律

五

宮闕岩峩夕照開。登臨是處重徘徊。一行雁影南天落。萬里龍媒北極來。芳艸萋迷埋石鼓。寒風蕭瑟上金臺。因逢燕市悲歌客。貰酒還聽画角哀。

過雄縣

滿目黃塵願已違。那堪碧草又芳菲。風高暮嶺雙鵬落。路入荒城一騎歸。官柳參差邀客渡。殘花片片上征衣。登車不斷江南夢。喜見澄潭有釣磯。

九日登淮陰城

它鄉九日亦登臺。楚甸清風拂樹來。漂母祠前秋

雁落淮陰城北海雲迴。闕河迢遞催刀尺。樓閣參差對酒杯。戎馬中原猶未息。每因憑弔念雄才。

送王伊人頒 詔鄖陽

使者乘輅出上都。雙旌南下亂平蕪。春經梁苑詩多少。雲到陽臺夢有無。鳳詔親頒廢子國。鴻書遙隔洞庭湖。仲宣樓在能張楚。此日雄風倘未孤。

掌公曰比之元美繁吹春調尤見勻適

贈郊城馬雲翔

憶昔聯鑣出帝城。相逢三歲又長征。金臺突兀無

柳洲詩集

卷八

七言律

六

九馬宮樹參差見。蚤鶯獻賦春風國。士遇班荆落日故人情。天涯兄弟如君少。慷慨中原舊識名。

淮上訪陳階六明府

百尺樓前淮水平。三秋客夢使君情。蕭蕭雨暗田橫島。漠漠雲遮韓信城。南伐六軍方駐馬。北來四月未聞鶯。不堪回首西州路。重向山陽聽笛聲。

求仲曰五六流麗

送孫無言歸黃山

十年湖海願多違。身歷干戈老布衣。日落清淮人

獨去家留白嶽雁。初飛歲寒意氣傳雙劍。故園山河寄一薇。余亦蕪城聊作客。那堪回首將歸。

酬姚山期

片帆衝暑到揚州。蕭寺逢君話舊遊。岐路未忘多難日。同心更憶故山秋。掀髯笑上要離家。短髮酣歌帝子樓。南望臺城楊柳色。孝陵風雨不勝愁。

獨崑曰山期康悅之士讀此如接其眉眉

訓錢爾斐

孤帆細雨到江城。珍重新詩一送行。木落淮南鴻

柳洲詩集

卷八

七言律

七

信斷霜飛薊北客。心驚縱橫油素千秋業。投贈琅玕萬里情。漫向東山占紫氣。君家伯仲久齊名。

其二

谿邊卜築近如何。曲水迴廊薛蘿自愛雲林淹歲月。幾看冠蓋狎風波。春生南國梅花夢。雪霽西山馬首過。朋好十年誰稱意。相從招隱莫蹉跎。

再遇杜于皇廣陵賦贈

蕪城楊柳又成行。杜老高歌仰屋梁。白下攜家今共隱。黃州歸夢正難忘。賦才歷落題鸚鵡。酒態縱

橫典鵬鷺回首瀟湘風雨暗九嶷雲路益蒼茫

古聖曰
高老

題廣陵洪亭玉烟波草堂冊子

書圖結構碧雲齊芳樹清泉近竹西檻外滄浪涼
夕照簾前荇藻亂春莢不須東閣懷何遜且向扁
舟學范蠡平地風濤忠信涉一輪秋月落江隄

蔣玉立 五見

廉伯曰亭在七言律與輝六俱宗
少陵輝六得其氣象彥得其骨
交讓曰亭彥七言律
氣骨蒼茫有似北地

柳洲詩集

卷九

七言律

八

京口別禹書弟

離亭尊酒唱騷歌斜倚蘭橈起夕波帆掛好風趨
北固客隨明月渡黃河江邊楊柳催人去秋盡芙
蓉奈晚何別後池塘應入夢寄頻寄莫蹉跎

東曹顧菴

東阿才調世應稀相繼蕭蕭望不違虎觀含香裁
玉案鳳池解珮拂金徽晴雲五色繁花麗瑤草三
春紫燕飛此日上林誰珥筆看君詞賦有光輝

釋賓曰光
華流溢

渡江

江流九派盡朝宗六代繁華悵舊蹤千里雲浮瓜
步樹片帆風送蒜山鐘鶯花半落愁邊過烽火頻
年客裏逢五岳尙賒它日願何時汗漫一相從

寄交讓

青郊結伴共相招白社風流尙未遙日暖鶯聲聞
柳陌春深花落轉蘭橈騷人自紀庚寅歲旅客重
遲可卯橋我念離群空對月懷君江上轉蕭蕭

旅懷

柳洲詩集

卷八

七言律

九

燕山迢遞故園心欲破愁顏酒漫斟古渡孤舟雙
燕語滄江細雨一龍吟看花憶弟清宵永見月懷
人旅夜深此去長安漸歲暮城邊秋急搗衣砧

韓聖秋方子貽雨中翰招同吳見末施尚白

方邵村三比部張康侯吳國次彭燕又許

天玉王懷人王奕世諸子集報國寺松下

限韵

偃仰蒼虬百尺松上方遙聽白雲鐘平原暮暗西
山雨飛閣晴開北極峯漫說高臺曾市駿空令雄

劍欲成龍相從蓮社歸來晚。羽騎長安醉裏逢。

出都門遊張灣廢園與術者談數頗有奇驗

遂賦

荒亭結構綠陰叢。水沒沙痕見蚤鴻。曲渚芙蓉含
暮雨。女牆薜荔動秋風。乍逢管輅人非遠。却愧張
衡賦未工。一別故交多悵望。帝城日落五雲中。

輝六日芳
吹襲人

夜泊

河頭昨夜水濺濺。黃龍廟口啼暮鵲。秀麥回風忽

柳洲詩集

卷八

七言律

十

作浪。綠楊帶雨空含烟。呼魚買酒襄陽估。打鼓鳴
榔聞闔船。誰是江南同客者。故園荷葉已田田。

古嗶曰獨
見蒼勁

虎丘晚泊

橫塘小艇弄潺湲。夾岸丹楓映白鷗。雲斷野田迷
古寺。烟生遠樹失青山。水犀寂寞空餘恨。金虎蒼
涼去不還。聞說五湖多隱士。爲尋梅福到吳關。

送陸季冲之任鬱林

使君五馬共徘徊。驛路先傳庾嶺梅。絕徼已知烽

火息。炎方蚤罷羽書催。行春緩轡旌旗煖。落日寒
帷瘴。鴈開陸賈文章通。百粵乘時應見趙佗來。

赤茂曰森遠
有高岑風骨

五日蘭陵道中同吳無念陸昭平宋玉書小

飲舟次分得櫓字

相逢客裡折葵榴。五日登君青翰舟。十載弟兄憐
異地。他鄉風物紀同遊。波翻燕急當蒲綠。水漲魚
肥及麥秋。無限旅懷消未得。盈尊桑落正堪酬。

發武陽道中

柳洲詩集

卷八

七言律

十一

久客孤城憶故廬。臨岐莫計旅懷疎。山盤碧嶺回
飛雁。池滿青蒲不產魚。數里朝暾開遠樹。千村夜
雨長春蕞。敝裘應笑歸來晚。寂寞虞卿只著書。

四月自發歸至湖上

江流乍轉見南屏。久客重登湖上亭。樹密烟深山
寺雨。水香花落草堂星。駢闐玉勒垂楊岸。蕩漾蘭
橈柱若汀。更喜清和風景好。曉鶯啼過數峰青。

越石曰一
起聲秀

沈權之
五見

卜臣日孝威七言律聲
情婉秀不失唐人架華

金山寺

岩峯水際湧孤峯。日麗禪扉翠靄重。江路西迴紫
白練海門東。拆掛蒼龍波澄色映千邨。柳天濶聲
傳十里鐘。欲到上方仇已度。遙看青嶂削芙蓉。

秋日泛泖

秋風江上雁離群。楓葉蘆花兩岸分。北望青山邨
落日南飛鳥。鵲暗浮雲荒邨古。戍寒烟斷津市高。
樓。四角。開此地干戈應不到。前年曾駐水犀軍。

柳洲詩集

卷八

七言律

十一

春暮偶成

幽居庭院漫啣卮。春色芳菲倒接離。溪水乍高青
岸沒。野薇新長綠陰移。愁經風雨空懷古。坐對鶯
花獨感時。何日山中醉司馬。相攜同過習家池。

同越石過智證蘭若

携手晴郊訪道林。蕭蕭精舍對城陰。石門暫啓經
聲息。竹迳初逢客興深。花發閒庭來淑氣。香飄廣
坐識禪心。浮生不盡滄桑恨。惟有蓮臺自古今。

掌公曰神似石
林精舍之作

丁璜三見

舟行卽事

玉壺春酒故園情。迢遞關河恨獨行。客裏看花愁
寂寞。夢中惜別雁分明。月移孤舫潮初上。風亂橫
塘笛一聲。阮藉于今疎懶甚。何須到處有逢迎。

感懷

峻嶒劍閣控華陽。嶺樹橫橫鳥道長。益部霜清馳
組練。昆明水滿試餘營。千巖曉日銅符麗。萬壑秋
風使節黃。不必相如能負蜀金牛。早已度瞿塘。

柳洲詩集

卷八

七言律

十三

交讓曰
壯麗

當壚

青螺爲黛粉爲妝。酒氣微聞珠翠香。白眼醉眠容
阮藉。黃墟逸隔恨稽康。佳人漫欲調冰雪。上客翻
從典鵬鵠。聞說盧家原少婦。那知身到鬱金堂。

陳增新六見

赤茂曰卿耶濟南物色邇來剝拆殆盡
子更務去塵言獨成機杼有廓清之力
禹書曰子更七言律風格高雋聲調流轉
間似雕鏤終歸渾脫領其神韻動合自然

次泰安望嶽

千盤積翠白雲層萬壑春寒未解冰東去群峯並
蒙羽南來結駟半鄒滕天門晝靜泰松落日觀朝
暉海氣澄坐倚監州高閣望蓮花名峯霄漢果峻嶒
子存曰沉雄不減老杜

懷越石時遊括蒼訪周宿來郡守

極浦遙山卸落照漁歌斷續送飛槎丹楓絕壁迎
昨面白雁空江背舸斜太守高吟窓裏岫遊人獨
眺嶺頭霞枯蒼處處堪乘興秋盡揚帆采石華

擬唐人興慶池侍宴應制

柳州詩集

卷八

七言律

十四

滄池遠接漢郊圻御輦緹城十里圍暖日繁香行
殿密輕風回舸浴鳬飛侍臣共沐金莖露中使新
呈火浣衣危蹕橫汾誇燕樂愧無麗藻答恩輝

釋賈曰擬唐諸作此尤不失毫銖

舟泊嵎梁橋有懷吳中諸子

歸舟蕩漾此河濱夾岸花飛悵暮春碧水潺湲常
遲客青山廻合自依人雲開魯甸鄉關近書到吳
天艸樹新最有嵎梁橋上月清輝入夜轉相親

望下邳

下邳殘驛楚山分愁上津橋對暮雲陰雨蕭條湖
上過勞歌往復客中間危梁水落難移棹連雁天
長易失群一望墟烟重回首路迷何處是淮濱

訓徵之見懷次韻

微山面面靜朝暉愁對牙檣去燕飛別後路岐清
夢遠春來游倦素書稀幾回關月懸征棹無那京
塵染客衣腸斷滄波君不見風烟兩地寸心違

舟次下邳曹蜚離取道先歸同彭駿孫限韵

琳宮薄暝扣疎鐘返照蒼崖紫萬重夜色漸看垂

柳州詩集

卷八

七言律

十五

碧漢涼颼先自到芙蓉村空楚火時明滅客老徐
方少過從獨有郭中曹子建片帆乘汝下南龍

卜臣曰起結妙有遠神

臺庄旅泊

津亭畱滯欲何依滿目戈船繫夕暉東望淮徐河
水駛北看鄒嶧嶺雲飛舟人失路愁相語客子離
群願更違已見二毛侵薄髮行歸急掩故林扉

經淮陰侯釣臺

人日衝寒淮上過今來曲渚長新荷艸青夾岬湖

光○迴○月○映○千○家○夜○色○多○地○接○秦○郵○思○縱○酒○舟○移○楚○
甸○動○聞○歌○釣○臺○不○少○登○臨○客○空○復○流○年○嘆○逝○波○

秋日雜感

南○雲○萬○里○接○中○華○此○日○滇○池○泛○漢○槎○成○滿○夜○郎○春○
舞○蠡○馬○騰○天○女○城○晚○吹○箏○渡○瀟○羽○扇○搖○三○伏○下○瀨○
兵○符○按○五○花○周○禮○職○方○傳○露○版○行○銷○金○甲○事○燒○畬○

又

蜀○徵○西○南○未○解○兵○羽○書○旁○午○夜○聞○鉦○方○愁○夔○子○沉○
魚○復○豈○意○蓬○婆○欵○錦○城○赤○甲○山○前○初○奏○凱○青○羗○帳○

柳洲詩集

卷八

七言律

十六

下○自○通○名○當○知○劍○閣○非○難○據○乘○傳○相○如○檄○草○成○

渭陽曰兩詩結語俱合
規風不徒雄而勝人

栢鄉魏石生先生遺書見訊奉答

中○朝○方○重○栢○鄉○名○共○說○霜○威○憲○府○清○領○袖○烏○臺○諸○
御○史○提○携○蓬○戶○一○書○生○潮○平○淮○海○孤○帆○影○楓○落○吳○
江○萬○里○情○天○末○音○徽○勞○夢○想○遙○期○問○字○到○春○明○

送廣陵王椒却令岐山

岐○陽○驛○路○草○芊○芊○叱○馭○王○尊○去○獨○先○濤○湧○淮○南○思○
楚○甸○花○明○渭○北○見○秦○川○琴○聲○漸○遠○褒○斜○谷○鳥○影○遙○

臨○柱○曲○天○西○望○岳○蓮○雲○樹○迴○度○關○朝○躍○鐵○連○錢○

送范祖生司李南康

佐○郡○山○城○攬○轡○遊○送○君○明○月○滿○盧○溝○風○吹○燕○麥○行○
人○遠○路○遙○鶯○花○旅○客○愁○此○日○蘭○亭○名○籍○甚○當○年○栗○
里○事○堪○求○械○書○來○往○應○相○憶○彭○蠡○清○翻○雁○影○秋○

送蔡蓮西戶部出守太原

初○辭○漢○署○度○支○章○出○守○名○高○古○晉○陽○句○注○青○山○遙○
入○画○徐○溝○綠○樹○鬱○成○行○一○麾○曉○度○羊○腸○坂○五○馬○春○
含○鷄○舌○香○蚤○晚○并○州○得○賢○必○何○人○不○羨○蔡○中○郎○

柳洲詩集

卷八

七言律

十七

鳴遷兄歸自河西為贈

桂○嶺○淹○留○復○向○秦○賦○歸○宰○負○舊○綸○巾○攜○樽○入○座○青○
山○在○幙○被○還○家○白○髮○新○三○徑○未○荒○元○亮○菊○九○秋○堪○
問○季○鷹○尊○剡○溪○一○曲○何○勞○賜○自○有○高○蹤○狎○隱○淪○

再集廣陵許力臣師六齋限韻

十○月○寒○花○澹○客○愁○相○逢○津○市○脫○征○裘○重○游○不○惜○青○
萍○贈○盡○醉○何○辭○綠○蟻○浮○感○遇○蓬○科○隋○苑○夕○定○交○杵○
日○廣○陵○秋○可○憐○明○日○河○橋○別○時香島卜臣
舟先渡淮李○郭○牙○
橋○又○楚○州○

九日觀妓川唐人五日韻

井梧風動拂窓紗。陌上湘裙裊露華。不分登高還
載酒。更因乘興遠看花。人如白下逢桃葉。曲榭長
安有狹斜。笑把萸房傳翫畢。一枝分插向誰家。

掌公曰。妾制姚
佚在離合之間。

徐黃嗣 字開始

花朝對雨

園林花發畏春寒。宿雨佳辰殊未闌。啼鳥無心棲
碧樹。遊絲何計傍雕欄。愁來聞寂憑誰遣。興盡芳

柳洲詩集 卷八 七言律 十八

非總倦看那得晴。光連紫陌條風拂。拂共盤桓。

越石曰。閒始久客。越中無從
得見近業。令人深吉光之嘆。

孫鑣 字長清

重九後三日谿默讌集得青字

短棹遲遲傍淺汀。黃花滿院落疎星。日斜檻外群
峰紫。雨過山頭萬樹青。公子開樽傾北海。故人載
酒到玄亭。只今又過茱萸節。一帶晴波動白萍。

釋廣曰。長清詩集甚富。適性雅揚
未及登選。偶窺半豹已見全材。

周宏藻 五見

贈蕭將軍

長淮千里舊干城。幾載中原望旆旌。舞伎盡驅霜
劍在。戰場猶昔野花明。雕弓曉落雲中雁。金彈春
拋柳外鶯。聞說邊庭方卧鼓。待君麟閣署威名。

交讓曰音
節清亮

梁皇城

離宮杳杳野雲浮。廢址淒涼暮雨秋。杜宇已知巫
峽恨。烏號寧獨鼎湖愁。金鋪綺井埋幽草。碧蘚殘
碑沒故丘。惆悵夕陽樵牧地。只今無復翠華遊。

柳洲詩集 卷八 七言律 十九

蜀崑曰憑
弔蜀孽

送宮人入道

纔服黃冠換舞裳。朦朧何處辨昭陽。朝迎神女聞
瑤珮。夕向元君受玉章。顏駐不緣雲母液。丹成無
藉鬱金香。林間鸚鵡曾相識。猶說當年侍上皇。

粉牡丹

倩女臨風出素幃。暗香時送影霏微。水晶簾捲迎
春月。雲母屏空倚夕暉。未許鶉啼輕染茜。堪容蝶
粉薄沾衣。洛陽亭榭原稀見。肯逐楊花到處飛。

李 鄂 五見

念昔

太白○出○高○北○斗○殘○臨○風○寄○慨○酒○初○闌○玉○樓○不○復○珠○
留○夜○金○屋○空○傳○犀○辟○寒○縱○有○烏○衣○尋○故○巷○豈○勝○翠○
袖○泣○雕○闌○昔○年○車○馬○歡○遊○處○何○日○忘○歌○行○路○難○

懷解賓都中

孤○鴻○千○里○薊○門○前○懽○悴○京○華○自○可○憐○吳○地○春○來○飛○
尺○鯉○燕○山○花○落○啼○鵲○四○愁○欲○擬○瓊○瑤○賦○九○辨○空○
傳○橘○袖○篇○莫○道○市○中○堪○擊○筑○故○鄉○舒○嘯○有○冰○絃○

柳洲詩集

卷八

七言律

二十

掌公曰
婉切

計 善 六見

獨崑曰廉伯七
言律情摯法老

贈項生

朱○門○十○世○漢○金○吾○意○氣○相○看○海○內○無○夜○月○笙○歌○連○
戚○晚○春○風○羅○綺○散○皇○都○歸○來○猶○佩○千○金○劍○到○處○能○
麾○八○陣○圖○諸○將○行○中○最○年○少○翩翩○醉○舞○錦○氍○毹○

岳王墓

棲霞嶺畔古祠壇○蕭颯英靈淚眼看○蘋蓼不追南

渡○恨○楸○梧○空○倚○北○風○寒○黃○龍○萬○里○壺○觴○寂○碧○血○千○
年○鼓○角○殘○惟○有○西○陵○橋○下○水○自○成○鳴○咽○向○臨○安○

亭彥曰可
方庭實

贈莫生

少○年○裘○馬○醉○筌○篲○劍○術○詩○名○動○列○侯○秋○草○平○原○遶○
短○夢○暮○雲○江○上○起○新○愁○黃○金○一○任○親○知○盡○白○眼○還○
將○意○氣○留○悵○望○故○園○歸○未○得○潮○陵○蹤○跡○隱○韓○休○

沈生喪偶因有感懷

已○是○飄○零○寄○一○枝○獻○書○無○路○髡○空○絲○誰○令○寒○士○長○

柳洲詩集

卷八

七言律

二十一

愁○日○又○值○秋○娘○永○訣○時○秦○閣○鳳○簫○悲○獨○往○楚○臺○神○
雨○夢○相○思○何○能○更○憶○朱○門○裡○絃○管○沉○沉○舞○袖○遲○

題菊

自○憐○霜○節○寄○蹉○跎○不○向○春○風○照○綺○羅○栗○里○醉○來○山○
氣○夕○洞○庭○愁○去○水○曾○波○清○芬○歷○歷○傳○高○士○寒○影○垂○
垂○對○素○娥○一○自○白○衣○成○遑○事○空○餘○山○徑○獨○悲○歌○

越石曰
潛雋

馮運隆 二見

燕山寒食

見鶯花媚遠天。燕臺春色總堪憐。千岳曙雪西山盡。萬雉晴雲北闕懸。野曠龍蛇傳禁火。堤垂楊柳散輕烟。東風二月昌平道。細草萋萋又一年。

卜臣曰情致凄切

馮明升字俊民

微山湖曉發

烟蕪不斷曙光寒。宿鳥凌晨起別難。千頃碧波通估舶。幾家烏榜掛漁竿。徵兵遠郡防邊急。作客經時避地難。賴得長年諳舊路。頻將風色浪頭看。

柳洲詩集

卷八

七言律

三

禹書曰清通

李煒六見

子更曰赤茂七言律奇氣自矜往往往軼塵獨上而體度安閑卽有橫溢無傷大雅
卜臣曰吾黨稱詩率宗婉秀當其流失便至柔靡赤茂獨以清剛之氣運富溢之才同人擬之賦言赤茂心亦自許固不謬也

送亭彥北上

意氣相憐迥不羣。十年高臥老河汾。何人不掃蓬蒿徑。有客先傳枯樹文。興發驪駒燕市月。愁飛黃鵠大江雲。金門自古堪依隱。莫使平津得御君。

交讓曰第六句詞高景逸

送友人遊越

江城春色重離群。折柳湖干別思懸。尚有黃金寫少伯。誰從車馬御張君。青烟渺渺依原樹。紫氣離離見海雲。迴首可憐薪膽地。猿聲偏向客中聞。

題沈淵伯畏築

陶潛卜宅居南村。龐德歸來隱漢濱。一雙白雀唳清晝。無數桃花落晚春。往往悲吟且泣下。時時汲行負薪畏築兩間大如斗。鄴臺梁館空嶙峋。

柳洲詩集

卷八

七言律

三

齊賓曰神似少陵

寄懷默菴兼詢聖嘆

海內傳經金若采。千秋狂士沈苓山。每傾玄辨心幾折。別有深情涕欲潸。虎豹閭昏風雨黑。蛟龍蟄起瘴雲殷。何當攜手濠梁上。贈以雙珠明月環。

寄上舅氏吳民部督餉漢中

咸東連棧棟天橫。特簡持籌護上京。轉餉鄒戾推第一。留屯蜀相本威名。蓮花晴雪明壺帙。玉女春雲轉旆旌。欲贈瓊瑰愁羽翮。渭陽今古一含情。

送燭昆弟游枯蒼

枯蒼山水冠東甌。客子翩翩賦遠遊。去日新羹抽別浦。到時春草徧芳洲。桃花洞裏雲爲幔。白馬山頭石作樓。羨爾探奇多絕勝。風塵還傍少微留。

讀沈上子維揚詩賦贈

休文懷古興悠哉。賦到蕪城正可哀。不信玉鉤虛錦瑟。空憐廢苑有瓊臺。烏啼夜雨烟花寂。燒接寒雲橘柚開。若到長弘埋血處。應知痛哭引車迴。

送人還江右

柳州詩集

卷八

七言律

十四

落葉河梁急暮笳。清尊明日又天涯。十年下伍尋黃石。千載雲臺得仲華。淺瀨菰蒲呼雁鷺。大江風雨護龍蛇。離筵莫更增惆悵。湘澧夫君未有家。

子存名警不夸

過孫山人舊居

少微芒掩客星愁。慶緒高風不可留。虛擬黃金成大藥。還隨玄雀到珠丘。草荒丹竈埋寒燄。花滿空庭落素秋。蕭瑟芙蓉堤畔月。憶君豪飲興難酬。

題錢爾斐洗耳堂

別開池館背城闌。何減巢由潁水濱。晝永琴樽閑自適。春深車馬僻難親。泠泠竹裏清歌度。謖謖松間野服新。倘許雲霞同結契。不妨元亮共南鄰。

過陳澹仙先生舊居

猶向春風此地過。九原不作竟如何。香銷玉砌苔茅長。雨積荒苔蛙黽多。無復梅花開碧嶂。空令野客嘆蒼波。當年絲管東山日。酒滿樽中幾度歌。

郊遊觀梅

淡雲疎雨逐輕舸。結侶春遊引濁醪。芳艸幾迴緣

柳州詩集

卷八

七言律

十五

曲逕寒香千樹隱。蓬蒿朱簾畫永東風細。黃鳥歌殘明月高。爲愛暝烟逢蠟屐。歸來飛雪滿青袍。

贈李笠翁笠翁善度曲載麗姬客遊吳越間

渡江桃葉麗人行。白舫青簾回鷁輕。幸舍本非彈鈇客。博場猶是抱關生。曲中春雪幽蘭儷。匣裏朱絲三峽鳴。他日期君五湖側。龍威林屋聽瑤笙。

周 瓚 三見

送姜真源侍御之維揚

繡衣霄漢躍花驄。此日南巡攬轡雄。執簡霜飛封

事。裏。觀。濤。雪。吹。壘。書。中。籌。邊。獨。振。西。臺。策。按。部。還。
清。列。郡。風。行。矣。帝。庭。推。伯。約。度。支。頻。紀。海。王。功。

題蔡中丞重修滕王閣圖後

滕王高閣俯江洲。爲憶中丞推節時。瀑水千重懸
戶牖。明霞萬丈閤罍罍。百花洲外漁歌遠。五老峯
前雁影移。攜屐總遲吟眺興。披圖長起臥遊思。

予更目。中丞雅慕叔子。來宜此作能。雖其勝。計能四見。

送呂新水省親永嘉

柳洲詩集

卷八

七言律

三六

永嘉山色近何如。春日寧親客路迂。花滿江城寒
食雨。燈明水驛好溪魚。碧帆迴渚仙巖近。綵袖趨
庭講席餘。可有新詩過謝客。錦囊千里憫離居。

漢。彭。曰。三。四。恬。雅。

沈汝雄 三見

秋日語溪道中志感

征鴻初下束輕裝。銀漢秋高降曉霜。岐路驅車皆
劍閣。新知携手印河梁。風吹鐵笛吳閨斷。雨度金
簾越水長。多少蛾眉爭自媚。夜深歌舞獨平陽。

亭彥日結
有遠旨

春興

南來禹跡會稽同。吳越烟花在眼中。地坼江湖盤
紫氣。天隨牛斗散薰風。芝房玉殿迷空碧。鳳笛龍
笙怨落紅。五馬自從來渡口。至今聞闔在江東。

呂 寓 六見

登東柄亭

孤亭高峙鹿城東。石壁嶙峋勢自雄。萬井烟生凌
縹緲。千岳翠合倚空濛。平臨粉堞清秋裡。俯挹澄

柳洲詩集

卷八

七言律

三七

江返照中。杖底西風未擺落。微微仙梵出花宮。

達夫曰語
特雄邁

毛 蕃 六見

子存曰。解賓七言律。舉體俊逸。秀出
天然。其原出于劉隨州。而筆力較健。
赤茂曰。解賓七言律。有
悲涼之致。高邁不羈。
古聖曰。解賓七言律。雖本中唐
而氣宇蒼秀。不失高岑風格。

古意

高閣憑空敞四阿。妝成少婦斂雙蛾。梧桐葉落金
風動。菡萏花殘玉露多。飲馬未移青海戍。搗衣空

寄白溝河夜深刀尺紫愁思明月徘徊照綺羅

子更日絕
似雲卿

北征雜感

十年作賦未成名。一曲驪歌動客情。無奈三秋當
遠別。更憐千里事長征。雲飛暮嶺孤鴻度。雨過寒
山片月明。試問異同誰稱旨。漢庭新重魯諸生。

其二

天風慄慄渡黃河。有客鳴榔發棹歌。古岸沙淺春
浪迥。遠邨日落暮烟多。千橋燈火連銀漢。萬頃晴

柳洲詩集

卷八

七言律

三

允映碧莎。設向梁園誇授簡。馬卿詞賦奈愁何。

濟寧道中懷里中諸子

昨歲上書終不報。那堪此去賦離群。菰蘆泝泆迎
秋雨。橋柳蒼黃靄暮雲。浙水燕山千里隔。濁河清
濟一帆分。南池舊是登臨地。悵望城隅日已曛。

越石日河濟一
語寫景真至

長安元日

旭日初開瑞氣明。椒花柏酒重含情。山河舊事傳
遺老。綿蕞新儀憶兩生。宮柳乍舒春露薄。寒梅欲

放曉風輕。天涯歲歲逢搖落。誰向臨邛問長卿。

舟次南旺觀征南兵

傳聞鐵騎盡南征。簞築聲寒塞草平。天子新開甲
仗庫。將軍分給羽林兵。貔貅七萃乘秋下。荼火三
軍耀日明。猶有鑿門典禮在。元戎此日正橫行。

支武侯文侯索惠侯雙輓詩忽忽一載未得
為哀誄之章今惠侯墓草宿矣感念生平

淒然託筆

十載寒瓊困草玄。一官纔得瘴江邊。行看五穗將

柳洲詩集

卷八

七言律

三九

成頌。豈料雙鳬竟不還。南浦愁雲凝舊徑。北邙清
露冷新阡。紅顏慟絕明珠碎。刺得孤兒更可憐。

輝六口慘
淡人情

清明感懷

芊芊芳草滿天涯。寒食平郊見落花。自笑終年同
燕雀。可憐萬古悼龍蛇。誰家曉控黃金勒。有女春
停油壁車。惆悵玄亭人寂寞。謾傳奇字與侯芭。

十方菴

朗公精舍枕林丘。古殿陰陰竹樹幽。一水潏洄寒

雨度千峯環抱碧烟浮松杉日暮迷青嶂禾黍秋
深蒲綠晴書靜鐘聲來上界郵花白鶴石壇遊

秋懷

暮雨蕭條鎖遠河材官十萬入牂牁南中丞相懷
諸葛闕下降王拜尉陀玉案山頭馳駿馬昆明池
上耀金戈漢庭使者通西域銅柱勲高奏凱歌

又

桑乾極望暮雲橫一夜嚴霜下鳳城防海飛符諸
將肅渡關角逐臣驚掖庭見說羈王甫中貴何

柳州詩集

卷八

七言律

三十

從薦馬卿莫道五侯鯖可羨故鄉風物憶尊羹

交讓口稱賓秋與八首俱堪
追跡少陵二作更爲蘊藉

離情

綺縠飄揚照落暉新將寶釧飾珠璣四阿西北浮
雲接十里東南孔雀飛神女只傳臺上會夫人竟
向帳中歸蹇修迢遞津梁絕帝子臨河玉淚揮

又

巧樣官粧彩陸離新傳指上七成絲鸛鵲刷羽美
蓉閣燕燕凌波太液池寶鏡自來憐瘦影玉人未

許妬冰肌誰知竹葉渾無用吟斷半車望幸遲

亭彥曰稱賓艷體用
事稍密而風致自佳

並蒂蓮

魚隨靈運彩毫舒艷比昌宗貌不如連藥分紅開
菡萏一莖孤綠引芙蓉飛來錦水雙棲鳥戲逐湘
江比目魚解識各歡無限恨神龍渠口莫躊躇

春草

翠色參差映草堂尙餘三徑未全荒咸陽原上條
風蚤銅雀臺邊暮雨涼一望平原成恨別九秋搖

柳州詩集

卷八

七言律

三十

落怨瀟湘江南處處烟蕪綠清夢還應到謝郎

丁似字太令

兗州境上卽事

奎婁星域古名區極目登臨物色殊赤日曉懸滄
海上黃雲時夾岱宗趨蘭亭雅集宜三月桂楫相
逢半五湖回首弦歌連鉅野子游文學本東吳

王之圻玉見

卜臣曰肇域七言律
筆力蒼勁不落中晚

登吳山望錢塘

吳越蒼蒼一萼開。霸圖千載氣佳哉。遙山縹緲連
天起。萬堞參差繞樹來。雲盡斗邊飛鳥斷。潮迴江
許蟄龍哀。携筇不厭登臨興。更有胥峯頂上臺。

感舊和韻

憶昔遺弓泪未闌。故宮依舊五雲端。風飄閭闔虹
霓斷。日落罍魚鷺鷥寒。籌暗銅壺遲玉漏。露虛仙
掌抗金盤。兩都自古誇神麗。佳氣從誰立馬看。

又

九關形勝本屏翰。白草茫茫萬雉殘。肅慎東來迷

柳洲詩集

卷八

七言律

三十一

石碣嶺煌西望斷。扁鵲金人野祭沙。長暗羌笛花
飛雪。不寒幾載秦王勞。版築空令紫氣抱長安。

送致言上人還雲門

飛錫暫尋三徑約。蕭蕭又計沃洲程。銅餅水滿胡
麻冷。葛屨雲生印竹輕。湖上錢塘千里白。秋來禹
穴萬峯晴。還山倘到亭邊日。休聽蓮歌渡剡城。

徐之陵 三見

送康小范上若兩世執歸江右

霜滿高城夜漏稀。那堪臨水送將歸。天涯短褐逢

初霽。江上孤帆帶落暉。路近匡廬秋欲暮。舟迴彭
蠡鴈同飛。放歌且盡尊中酒。明發西風振客衣。

子存日愛
其神駿

二月二日大雪

江左春來旅鴈還。猶餘雨雪映柴關。不聞萃澤歌
黃竹。且擬梁園賦白鵞。地接平川水萬頃。光寒絕
嶺月千山。章臺柳絮因風起。爲問行人幾度攀。

夏 鱗 字

聞鶯

柳洲詩集

卷八

七言律

三十三

黃鳥嬌啼碧樹林。映堦芳草自成陰。建章月曉千
聲度。茂苑花明百轉深。隔葉音來催淑氣。攜柑聽
處結遐心。還憐一入璇閨夢。路斷遠西不可尋。

燭昆日
輕倩

陸 淮 五見

贈陸季冲刺史鬱林

雲接蒼梧海氣和。寒帷刺史出關河。西浮潯野飛
鷺滿。北望衡陽旅雁多。勾漏官閑能作賦。伏波谿
靜且高歌。漢廷不久需公紀。渡水還應載石過。

九日登高

縹緲孤城埤堦斜。登臨極望是天涯。開樽未得逢
陶令。高會何人繼孟嘉。柳帶寒烟浮遠渚。雁連夕
照下平沙。蕭條楚客多悲思。莫向江邊聽暮笳。

李 炳 六見
致紛披

釋名曰。燭昆七言律
娟秀絕倫。特饒風致。

過誠意伯祠

風雨摧殘故伯祠。野人翹首獨淒其。一時籌策推

柳州詩集

卷八

七言律

三五

王佐百代衣冠賴帝師。猿梯徒聞叢鳥雀。經綸猶
是識龍螭。荒涼廟貌寒烟裡。憑弔蒼然起慕思。

沈行甫舅氏招同費孟起登峴山

荆南峴首悲竿帖。君上登臨亦此山。風景未因吳
楚異。興懷同在亂離間。光浮碧浪群峯遠。日暗黃
雲宿鳥還。賸有群公尋逸社。芒鞋藜杖一追攀。

州來日記
最突兀

寄懷沈繹堂朱儀聖

搖曳寒塘蘆荻洲。驢人憑眺一登樓。雲深木葉千

邨遠。露落蒹葭萬里秋。綵筆西吳推沈約。華簪北
闕重朱游。何時尊酒淹晨夕。重泛滄浪青翰舟。

嚴陽道中

何處登高望故鄉。客途千里思茫茫。天高遙嶺看
飛雁。日落荒郊數牧羊。利有香谿隨鷁遠。特留石
壁撼波長。天涯處處風烟迥。醉坐籃輿祇自傷。

客中暮春

芳堤柳色近依人。放浪江湖逐暮春。旅況那堪花
事盡。客途祇覺鳥聲頻。層巖片片流紅雨。曲渚涓

柳州詩集

卷八

七言律

三五

涓長綠蘋翹首故園消息遠。更看節物幾回新。

同淵伯西谿觀梅

共逐飛蓬賦遠遊。鳴榔此去狎輕鷗。平郊芳草先
春綠。隔浦寒香映月浮。因訪仙人來大庾。爲尋高
士隱滄洲。凌風臺畔年年碧。莫說窮途阮籍愁。

子更日記
地至境

和施又王平波萬頃樓

柳畔波光花外樓。幽人憑眺晚悠悠。千林夏木棲
歸鳥。萬頃平沙點宿鷗。此日亭臺雲作幔。當年帷

張玉爲鈎黃金歌舞俱銷歇。賴有崔題在上頭。

詠竹

瑯玕千畝碧雲封。翠色離離幾萬重。結實卅山常
飼鳳。垂枝葛水自爲龍。合風林下思中散。秦笛亭
皋憶蔡邕。貞性獨存誰作伴。歲寒謾謾五陵松。

飲江心寺

橫江孤嶼帶長虹。載酒來遊憶謝公。縹緲尊前千
嶂雨。蒼涼樹底萬山風。中流俯瞰鼉鼉窟。雙塔高
懸日月宮。醉裡渾忘歸棹遠。暮濤如雪海門東。

柳州詩集

卷八

七言律

三六

卜臣日格
調宏駿

送甫中林衡者

與君異地却同岑。塵尾初攜到竹林。瘴嶺北來千
里道。海天南望隔年心。嵇公命駕情偏切。謝客尋
山興自深。九鯉仙源休獨逞。相期他日解塵襟。

贈白漢上人

白公將遊海上。平楊季平因述
南山風景。予爲神往。賦此贈之。

南峯巖岬迥人寰。積翠層巒不可攀。因見曇摩來
泛海。遂令靈運欲尋山。黃墟有恨堪揮淚。白社逢
人且破顏。一自遠公携杖錫。九溪流水日潺湲。

禹書日超
脫絕塵

送交讓之姑蘇

征帆一片夕陽前。送別臨風倍黯然。縹緲峯邊秋
色斷。闔閭城外暮雲連。蕭蕭古渡悲荒草。寂寂平
皋蕩野烟。市上若逢梅福侶。同移玉趾問寒泉。

送亭彥之燕京

萬里京華此壯遊。燕臺佳氣望中收。董生經術傳
三策。第五高名比列侯。折柳朝辭鴛水岸。看花春
醉曲江頭。懸知宣室憐才甚。珍重明珠莫暗投。

柳州詩集

卷八

七言律

三七

詠燕

旅燕春歸故國中。烏衣回首夕陽空。啣泥乍拂桃
花水。弄羽長隨楊柳風。處處玉樓新越社。年年芳
草舊吳宮。絕憐青鳥無消息。目斷蓬瀛路未通。

越石日已
無凡境

魏允樞

六見

亭彥日交讓。七言律
其源出于高遠夫
辭賓日交讓。七言律。雄渾不如赤茂。警秀
不如禹書。而意到筆隨。情景俱洽。洵是能
手。

輝六日七言近體警句易求
錄兩難稱交讓獨有專詣

贈江陰李肅公

一自滄桑感廢興。寂寥三徑絕賓朋。深慚設榻迎徐穉。猶喜登舟共李膺。申浦千帆春雨暗。長江一帶暮烟凝。昔年折柳秦淮渡。芳草依然滿秣陵。

送吳興公之燕

才名季重本翩翩。萬里辭家到朔邊。馬首風烟連大漠。城頭烽火接遙天。愁中漫擬飛龍引。醉後長歌碣石篇。連幕如君真國士。看從車騎勒燕然。

柳洲詩集

卷八

七言律

三八

贈余澹心

佳麗江南異昔時。馬卿車騎暫棲遲。丈人安坐誇三艷。客子窮途賦五噫。到處池亭非舊主。何當編紵問新知。天涯行路難如此。故國春風且下帷。

亭彦曰澹心久客雲間。蒙索盡纏頭之費。嘗作乞米帖。此詩頗寫規諷婉而多風。

與亭彦子閑飲壚頭戲贈

挾彈東風趁曉鶯。紅妝玉袖坐相迎。春從短簿祠邊度。月向真娘墓畔明。自是黃姑逢織女。可知名士悅傾城。異時金屋葳蕤冷。回首橫塘空復情。

東戾研德

春風結客向吳關。把袂紅亭別淚殷。海嶠不傳青鳥信。寒城遙望白雲間。已將名姓畱南國。莫使移文到北山。五世相韓惟汝在。可能千載一追攀。

亭公曰真切得風人之義

五月廿八日讌集

宛轉清歌送夕暉。飛觴玄夜惜忘歸。銀虬聲斷月初上。蠟鳳光沉露未晞。池畔新荷迎白恰。階前芳樹映烏衣。蘭亭少長能詞賦。莫嘆朱絃和者希。

柳洲詩集

卷八

七言律

三九

寄懷肇城粵東

憐君留滯五羊城。何事炎方萬里行。負羽漫隨新刺史。曳裾猶是老諸生。經年作客逢秋半。此夜懷人共月明。尺素迢迢鴻不度。金笳玉笛重含情。

東赤茂

時余客暨陽

蕭颯西風短髻斜。吳山越水各天涯。高吟坐對千峯月。染翰文成五色霞。作客余慙閑仲叔。論交君是魯朱家。十年中夜聞雞舞。潦倒清尊閱歲華。

懷蒙鴻

昔年詩酒共晨昏。握手論交勝弟昆。風雅共推吾黨中。名流今見幾人存。更生閣上青藜曉。謝朓階前紅藥翻。計日便移江上棹。月明相對一開尊。

燭良曰。雖非盛唐風格。而意覺清切。殊合。

子孫不值留贈

乘興扁舟到水濱。幽居面面絕塵氛。通名未必驚皇甫。問字何由見子雲。苦竹蕭疎入獨遠。白蘋騁望我思君。柴車日晚無歸意。自有深山麋鹿群。

行經姑蘇

柳州詩集

卷八

七言律

四十

駐馬郊原賦黍離。荒臺蔓草不勝悲。菱荷香渚逢秋落。橘柚西風向晚吹。毳帳狼烟生古道。篝燈狐火聚叢祠。三千寶劍沉埋處。夜夜寒光動水湄。

送致言上人還雲門

振錫千山木葉輕。通衢驚嶺白雲平。三車妙果林中演。一路曇花杖底生。落月晚懸秦望樹。涼颼秋滿越王城。應知別後思玄度。好聽江頭鴻雁聲。

九日社集蔣沈二子至自禾中卽席賦贈

空樓一望雨霏微。九日清尊興不違。上客能裁鸚鵡

鵲賦。故人無恙薜蘿衣。雲生海嶠魚龍動。木落江皋鴻雁飛。流水高山如在眼。設將玉軫醉中揮。

贈友人納姬別業

十五盈盈倚曉風。碧桃淡處綺爲籠。銀屏日暖迷金鴨。甲帳春寒隱綠熊。小婦還如中嬈艷。新人可比故人工。行雲萬雨渾無定。只在巫山巫峽中。

禹書曰。交讓不喜作艷。體此詩工麗。可茲西崑。

郁 褒 三見

遙和同人讌集詩

柳州詩集

卷八

七言律

四十一

初筵晝敞度嬌歌。投分同傾金叵羅。隔坐青娥能雪藕。隣家紈扇數籠鵲。燭良善書法涼生水檻驚鷓鴣。夕擁冰輪映薜蘿。獨有倦遊江上客。鄴中高會每蹉跎。

釋寶日結更綿麗

李 燦 五見

交讓日間尚七言律淺深合律自是唐人風格

過嚴陵作

無邊秋色上青楓。返照亭亭一望同。紫蓋雲連寒

渚闊羅浮木落暮山空。溪林遠火明江上。隔岸輕帆出樹中。七里濤聲天半迴。鄉心遙寄富春東。

子更曰疎
寄稱情

十四夜社集景素堂

梁園詞賦重鄒枚。上客新从兔苑來。白苧聲傳三婦艷。紅粧舞就七盤開。詩歌月滿南樓興。絲竹風生北海杯。爲報流光今夜好。城頭曉柝莫相催。

古意

露白風高木葉催。故園叢菊傍誰開。金閨目斷流

柳洲詩集

卷八

七言律

四十一

雲去玉帳心。隨曉月來塞北。孤鴻傳信杳天南。雙杵搗衣哀遙聞。烽火甘泉接夜夜。思君夢未回。

送友之金華

依微山色暮霞侵。客子離家起越吟。霜重千林催晚葉。風高萬戶搗寒砧。雙溪驛口歸帆急。八詠樓前夕照深。且飲故人桑落酒。明朝輕舸下江津。

舟泊富陽

千里奔濤擁日迴。紅霞綠樹望中開。女牆背嶺參差出。野舶臨江曉暮來。題柱漫悲司馬遇。登樓應

借仲宣才。離亭濁酒渾難醉。画角風生動客哀。

將渡錢塘兵阻江口

秋水寒沙雁幾行。金風蕭瑟露爲霜。軍中勒騎陳魚麗。麾下橫戈建鳥章。石壁殘霞連樹迥。清溪落日帶潮黃。側身西望重回首。越嶠千峯隔岸長。

越石曰
開美

顧璘美
五見

碑寶曰輝六
七言律神氣卓犖
鍾鍊精工蒼勁之中更饒風韻

金陵懷古

柳洲詩集

卷八

七言律

四十二

孫郎部曲壽春還。此日君臣盡少年。江口空聞烏鵲賦。潯陽更進白衣船。千秋虎踞青山上。一夜龍驤錦水前。獨有城頭河漢影。尚依明月照吳天。

其二

秦淮原接大江流。箭閣還臨白鷺洲。五馬旌旗曾北渡。八公草木護南州。夜寒玉漏嚴城雨。月滿銅駝故國秋。江左繁華零落盡。幾時王謝更重遊。

其三

佳氣消殘赤帝宮。曙鴉聲動曉雲空。落梅紫禁嬌

春日曲。讌華林。倚晚風。幕府秋深。停戰馬。關山雪。
後見飛鴻。可憐青史。留哀榮。一望秋梧。斷碣中。

其四

松楸千巖舊冶城。六龍不向苑中行。空思銀漢針。
樓上無復金蓮。画屨生春。草烏衣。迷社燕。曉鐘玉。
殿憶流鶯。臨風欲詠玄暉句。如練澄江。宿霧平。

其五

濤聲日夜白門連。千里金甌夕照邊。鼓吹已殘青。
嶂月。鶯花不散。大江烟。萋萋石闕空。垂柳隱隱臺。

柳洲詩集

卷八

七言律

四首

城只暮蟬欲問。昭明歌詠處。萬峯蒼翠落寒泉。

其六

彷彿鐘聲出景陽。微風吹度滿橫塘。花飛三閣蓮。
萊近。曲奏千門星漢長。一自翠華沉碧草。遂令玉。
樹帶寒霜。秣陵城下春歸燕。猶上江湖過女牆。

徵之曰。弔古悲涼。不乏婉麗。劉許不得。其後塵。

江行雜詠同渭揚賦

春日揚舲碧浪浮。般般笙鼓散芳洲。美人不見長。
干暮。仙客誰來姑熟遊。亞父城頭吹觴栗。昭明臺。

下浴鳬鷗。故人欲問江湖信。漫憶當年李郭舟。

其二

西望澄江盡翠微。旅人晴日試春衣。紫雲朝擁扶。
桑樹。白浪遙飛采石磯。六代河山留錦纜。千秋關。
塞落斜暉。扁舟一繫江干上。醉看三春燕子歸。

皖城夜雨懷同社諸子

暫停征蓋馬頻嘶。皖口重聞烏夜啼。苦憶鶯花南。
國晚。可憐風雨大江西。笛中春盡催楊柳。城上烟。
寒散鼓鼙。猶記芳樽當此夕。沉沉玉漏曉雲低。

柳洲詩集

卷八

七言律

四首

卜臣曰。蒼深沉著。是其本色。

皖口旅次同渭揚懷其兩弟越石肅陶在廣

陵

浪遊同日去江東。康樂西來夢未通。皖國潮連秋。
浦白。廣陵花照錦帆紅。那堪擊楫荒城下。却憶吹。
簫夜月中。兄弟翩翩河海氣。莫將詩句擲春風。

望大龍山

風景依依崑岫間。江城襟帶對潺湲。流雲曉掛天。
中樹。飛瀑寒生雪滿山。似有烟霞藏大地。欲盤吳。

楚抱重闌空思絕壁多芳草翠色霏微不可攀

送越石之括蒼

浙江西指片帆通又上嚴陵倚碧空卧閣應知春
草綠仙都已近少微東晝迷虎跡雙峯雨夜送猿
啼萬壑風知爾登樓能作賦高吟白雪滿甌中

古意

萬里關河雁影斜盈盈樓上隔窓紗霜飛幕北雕
戈塞月滿城南織錦家少煩鴛鴦調玉柱征夫尺
素怨金笳三春猶記攀楊柳百草茫茫不見花

柳洲詩集

卷八

七言律

四六

李公曰不
涉靡曼

曹鑑徵六見

卜臣曰徵之七言律
聲情皆合景調流美

送卜臣之桐廬兼訊子存舅氏山陰

嚴陵雲樹鬱嵯峨此日扁舟載酒過七里濤迴秋
雁度千岩月落夜猿多攜筇應訪桐君錄鼓枻還
聽越女歌爲語山陰乘興客到門安道近如何

吳門舟次送禹書之江都

金闕亭畔送仙槎西去雲山望轉賒爲客幾攀吳

苑柳開樽應對廣陵花帆懸胥浦濤聲壯人到雷
塘雁影斜別後相思共明月春風回首各天涯

席上送吳子歸西陵

嚴城鼓角動星河高館張燈對酒歌旅夜漏聲催
欲盡故鄉春色夢偏多花殘石甌迷青靄潮湧錢
塘起白波此去西泠暫分手早開三徑待君過

蜀崑曰與李願送
魏萬作未分伯仲

贈別松陵夏子夏魯執經于先舅氏子一庶
常

柳洲詩集

卷八

七言律

四七

樽前借別漫淹留明日江風送客舟笠澤花飛歸
雁杳春城月落曉鶯流舊遊寂寞當年恨往事淒
涼異代愁君是謝公門下士還同醉後哭西州

旅次送掌公弟之毘陵余將歸里門

翩翩黃鳥度江湄江上春風送客悲二月烟花空
帳望孤舟寒雨益淒其看碑應拂延陵墓千古還
登泰伯祠越水吳關愁更遠鵲鴒兩地各相思

寄懷子更兼致穉賓鳴大

送君南浦露初晞回首河梁一葉飛借別那堪岐

路隔相思無奈信音稀。間闌客夢聞征雁。愁絕羈心正。搗衣今夜桑乾河上月。清光偏照兩鄉遊。

交讓口起
寂曠佚

登秦望山絕頂

千尋蘿徑盤空上。絕頂孤松倚翠屏。瀑水倒懸三面碧。亂峯高插四圍青。風雲晝起秦皇石。鷄犬宵連越望亭。憶昔六龍巡幸處。至今烟樹自冥冥。

丁胤沄

四見

越石曰茲勉七
言律情文綿麗

柳洲詩集

卷八

七言律

四八

送陸處士還山

桃花初盡柳陰濃。君去吳山第幾重。春社亦分隣父席。晨餐常聽寺僧鐘。苔臺芳草看遊鹿。震澤洪濤起卧龍。總為高懷厭塵世。故留青眼對雲峯。

送錢秋水赴瓊海令

萬里珠崖度玉珂。沉香林底素琴和。庭前鐵樹迎冠起。海上瓊枝拂綬過。椰子杯深尋醉少。桃郎葉正作書多。休言銅柱功名遠。北望龍門笑伏波。

子更曰物
色精確

西湖秋汎

蒼茫極目思無窮。畫舸迢迢漾碧空。故堞有笳當落日。斷橋無樹動秋風。一群沙鷺湖光裡。數點寒鴉夕照中。明月漸高烟市合。白蘋洲冷暮雲封。

寄呂廣文永嘉

蜃江花月正離離。載酒玄亭有問奇。仙吏但尋春草夢。名山惟寄白雲詩。常來趨鯉彈琴暇。無意銜鰈講學時。聞道永嘉柑最好。携溪樹聽黃鸝。

周珽

四見

柳洲詩集

卷八

七言律

四九

九日登郡城浮圖

烟蕪平野帶晴光。攜客登臨到上方。天目諸流如練白。山拳宿霧入秋蒼。高低菰稻棲田畔。少長茱萸插路旁。同學勝遊情不淺。片帆東下促飛觴。

子更曰三
四明曠

東張洮侯

五茸城外九峯連。三泖潮迴浪接天。驛信遠緘歸雁後。春愁不斷晚山前。未因鸚鵡瞻仁祖。早已鵲鵲識茂先。綰紵十年湖海濶。龍門悵望白雲邊。

周振璜 四見

京口阻風

蒼蒼遠色接天浮。極浦蒹葭伴客舟。萬樹殘陽橫北固。片雲含雨入西洲。欲傾竹葉消鄉夢。獨聽梅花倚酒樓。咫尺金焦誰問渡。孤踪日暮對輕鷗。

旅懷

江南千里暮雲凝。王粲樓中未忍登。兩漢衣冠餘劍閣。六朝歌舞散金陵。舊山松柏常呼雨。新水魚龍欲負冰。猶憶子山曾作賦。橫塘茂苑總難憑。

柳州詩集

卷八

七言律

五十

燭晷日壯
涼有氣

徐時來 三見

鸞鸞

橫塘春水散晴烟。翠羽雙飛綠柳邊。知是別離添舊恨。故教名字動人憐。花生蹙水乘風舉。影顧臨涯傍日還。戢翼和鳴還自得。休將玄雀羨青田。

蔣昌基

後學周平世全校

魏之璩

柳州詩集卷之九

毛蕃 蔣璩

同學 陳增新 李炳 全選

李煒 魏允枚

魏允枏 曹鑑平

七言律詩二

魏允枚 六見

子更曰卜臣七言律托體高秀屬對精切博雅整練吾黨所推然少宗于鱗間有習見之語及除未盡

柳州詩集

卷九

七言律

一

二

赤茂曰學濟南者易至癡重卜臣天姿俊邁故無錯綵鏤金之跡古聖曰卜臣七言律登選獨富集中不能悉收為禹書汰去過半余甚惜之使俟端書故當尤勝

送陸季冲年伯之任鬱林

極目炎方瘴已收。分符新控五驂騑。西迎庾嶺千林雪。南下湘江萬里流。白雉乍通周譯貢。飛鸞不動漢臣愁。共知鴻鴈衡陽少。音問遙憑桂樹秋。

解賓曰字
字工穩

戊戌長安元日

神京千里敵晴煙。綵綴青繒闕下傳。習戰昆池冰未解。時將發征受釐宣室席誰前。時方燕臺客短髮初逢騎省年。明日春風吹玉瑄。次日夢迴芳草接吳天。

鄧陵寄香巖

中原南望白雲長。苦憶臨岐一舉觴。去後寒山凋錦樹。別時旅服被玄霜。憐余虛擬蘇門嘯。予欲遊羨爾新歸洛下裝。倘遇故人相問訊。高吟孤館尚他鄉。

柳洲詩集

卷九

七言律

二

廣陵諸子大會曲江。予與香巖適至。遇李玉

潤便招同集分韻得東字

傾蓋初逢李德公。相携良會曲江東。一時詞賦高文苑。千載才名憶桂叢。玉管夜沉邗水月。銀濤秋敵廣陵風。齊盟此日容誰共。姓氏樽前次第通。

曉發商丘至寧陵

屈指中原幾度過。分茅疇昔想鳴珂。于今詞賦遊梁少。直北車書入宋多。萬里長風吹白雁。千櫓落日渡黃河。羈懷愁絕憑誰語。且對清樽一醉歌。

渡黃河時河工未竟

迢遙夾岸集帆檣。夜半驅車逐曉霜。浪湧流澌千里沒。風微古渡一舟杭。河隄使者推高第。少府金錢出尚方。修築十年今就否。漢家功業在宣房。

行經太山

岩堯泰岱百靈居。此日遨遊願尚虛。蒼翠獨標秦樹色。白雲猶識漢封餘。霜寒萬壑聞雞度。月落千崖策蹇徐。七十二儀垂故府。何人能述馬卿書。

泰安遇章素文却贈

柳洲詩集

卷九

七言律

三

岱色凌空霜正濃。停驂逆旅暫從容。將馳匹練歸吳會。好探金泥問漢封。賦就未逢楊得意。名高誰茲郭林宗。相思遠道頻回首。縹緲雲凝日觀峯。

河間道中遇雪

風高沙白雪初凝。匹騎垂鞭罷按鷹。野色宵浮珠樹月。寒流曉凍玉河水。剡溪興盡舟難泛。梁苑人歸賦未能。莫向長途怨蕭索。芳樽猶有酒如渥。

交讓曰三四聲景俱佳五六稍弱借無以易之

人日集張叔緒宅

京陌相逢識茂先。莫開人日一觴傳。五陵夜月燕
臺迴。雙闕晴雲漢。時連意氣共看桑落酒。風塵長
對薊門烟。却憐自昔南征客。解道離家已二年。

邯鄲道中過竟陵吳既閑有贈

季重文章一代雄。齊驅七子建安中。叢臺日落嘶
邊馬。夢澤天寒下塞鴻。行人傳神女賦。悲秋客
擬大王風。蕪城茂苑花如錦。應有纖腰學楚宮。
既閑將買妾于廣陵吳既閑也

經伏城驛次上海朱思皇韵思皇云伏城故

柳洲詩集

卷九

七言律

四

魏忠賢懸首地詩因及之卽其實非也當
是阜城縣耳

飄零禾黍遍荒丘。慚向風塵曳敝裘。誤國中涓終
古恨。傷心北寺至今愁。先人不愧陽司隸。舊德誰
夸滿武秋。十有七年宵旰在。何堪衰草白雲流。

子更曰妙

有章法

肅陶曰興懷家
國凄切悲涼

送劉無方還漢陽

南國文章舊識名。傳經原不愧更生。江皋水落魚

龍隱。漢浦霜寒橘柚輕。十載纏綿當日恨。三秋蕭
瑟與鄉情。遙憐鶚鵲洲邊草。醉酒憑君弔穉衡。

贈白會泗錦衣

三十登朝漢大夫。承恩官拜執金吾。籍通鳩鵲標
神策。貌入麒麟寵畫圖。清夢幾年違北闕。壯遊此
日渡西湖。相逢同是天涯客。傾倒如君興不孤。

詠白蓮花

紫藥朱蕤夏已殘。經秋素質獨珊珊。香含白露千
重潤。影接明河萬里寒。椒殿那須金作步。琳池原

柳洲詩集

卷九

七言律

五

以玉爲欄何如太華雙峯迥。時下仙人絕頂看

詠白燕

纔是高禪罷祀辰。東風拂拂羽毛新。誰將姑射山
頭雪。別作昭陽殿裏春。飛絮隔簾難辨影。落梅繁
樹故成茵。依然一片零陵石。旖旎蘭閨語未真。

其二

千家簾幙向春開。街得香泥次第來。弄影蹁跹
玉樹。乘風蕩漾出瑤臺。波明太液飛常綬。月滿瀛
洲舞未迴。自是雪衣衿上瑞。紅襟翠羽莫相猜。

詠紅梨花

榮南千樹擢風標。改作新粧別樣嬌。着雨乍逢瓊
玉潤。含霞常對碧山遙。不須上苑栽金葉。何必名
園散紫條。愁絕夢回庭院冷。月明如水浸紅綃。

詠春草

千里平蕪淑景浮。萋萋先自徧林丘。金羈宛轉王
孫路。玉輦從容帝子遊。色映青袍人外遠。風微紫
陌望中收。石頭城下芳湖繞。纔到春溪靜不流。

掌公曰。卜臣禹書。俱工詠物。卜臣
以典勝。禹書以致勝。洵稱勁敵。

柳州詩集

卷九

七言律

六

賀曹子閑父執茲納二姬

美玉羅纓好結恩。鴛鴦左顧粲盈門。綺窗對望銀
屏暖。金屋雙携翠袖溫。自是纖纖同織素。何如桃
葉復桃根。長裾分綰陳王佩。鄴下風流未足論。

張辰三見

送釋賓就試北雍

春風送客悵流鶯。無奈春江柳色清。對策譽高玄
武關。題詩花發鳳凰城。十年已就三都賦。二月初
爲萬里行。明到河梁分手處。滿尊桑落不勝情。

交讓曰錄別之
章婉麗獨至

吳熊佳 字非熊

重送典公兄之禾

露白天清秋氣涼。芙蓉碧水映芳塘。雷君不作驪
駒唱。爲我重傾竹葉觴。雲滿高臺虛綠檻。月臨曲
渚戒牙橋。明朝又發南湖棹。解珮還過錦瑟傍。

維揚旅次有懷鳴大廷益

兔葵燕麥摘應稀。想見君居白板扉。家近滄洲臨
去水。心隨皓月歷馳暉。孤蓬千里離愁劇。雙鯉經

柳州詩集

卷九

七言律

七

時尺素遠。何日澄灣共銷夏。開尊潦倒舊漁磯。

子更曰似隨州
送陸倉曹作

蔣會貞

見

釋賓曰。鳴大七言律
刻意高岑。特見融洽。

涿州阻雪

繞涿寒冰凍不開。停驂一顧一徘徊。平原木杪黃
雲合。大漠天邊白雁來。盡入北風聞舊誌。歌傳西
極有新裁。遙憐閨塞長征客。獨上金微萬里臺。
雪霽行良鄉道中

朔風吹雪滿征鞍。北闕雲開馬上看。夾道垂冰明
萬樹。連崖積素聳千盤。鳴笳互動燕山暮。擊筑徐
聞易水寒。獻賦未能工羽獵。蕭蕭裘褐又長安。

交談曰二作
俱極道練

宿白龍潭作

風雨春江夜泊船。辛夷花發滿堤前。海潮迥落龍
潭水。戍火遙生鶴渚煙。日黯荒城回獵騎。雲迷古
驛有啼鵲。迢迢夢繞朱樓月。依舊清光似去年。

無題

柳洲詩集

卷九

七言律

八

粧成十五勝胡姬。碧玉瓜期未有期。新蝶愛花常
護粉。春蠶獨繭漫抽絲。不看湘竹愁仍結。卽化巫
雲夢。豈知惆悵臨風無限恨。明璫何處解相思。

掌公曰
似玉溪

白燕

瑤光素影散星精。始得王威賦裏名。曾被烏衣更
白袷。乍飛齊郡復宣城。梁空玳瑁堂前冷。裙曳留
仙掌上輕。故國已非尋故壘。春來秋去若爲情。

周振瑗 四見

京口夜泊

嵯峨雉堞控三吳。嶺樹江花落照孤。四塞古來憂
戰伐。萬家今日幸樵蘇。山紫北固連京峴。江湧南
徐入練湖。六代繁華已消歇。空餘夜月照平蕪。

贈王勝時遊枯蒼

白蒿蕭蕭亂朔風。獨攜孤劍渡江東。隔林野火明
原上。夾道山泉入鏡中。絕壁連雲迴落雁。喬松倚
石挂長虹。翩翩懷祖風流士。月滿南樓對庾公。

聞官軍征廣

柳洲詩集

卷九

七言律

九

傳聞羽檄又徵兵。使者銅符海上行。別隊歌翻朱
鷺曲。前茅旗擁白羊城。戰深落日悲笳冷。陣合黃
雲班馬鳴。漢室樓船平百粵。書生何事請長纓。

輝六曰贊聲三
作菁莪可挹

倪晉 四見

冬日舟行

遙聞候雁客心驚。水落滄江悵獨行。山際孤雲凝
大野。天邊萬木下荒城。汀洲細雨寒花晚。驛路嚴
霜蔓草平。漫倚危舷自清嘯。銷愁端賴濁醪傾。

子更曰朗
麗可誦

孫 錄 六見

交讓曰古學七言律結構簡嚴打詞
典麗觀其下筆令人想良工苦心
燭島曰古學七言律高華
俊逸在王維李頎之間

送陳公朗先生轄閩中先生以官詹出領青

藩復除今職

天子方紆借箸憂重臣分陝向雍州五銖已解東
南困九賦應寬西北愁月照藍田千里暮晴開華
嶽萬山秋鳳池樂翰當年事回首京華獨倚樓

柳州詩集

卷九

七言律

十

送卜臣遊中州兼寄夏邑陳簡菴

總轡還吟入洛詩共憐岐路尚驅馳燕山花發聽
鶯早梁苑春深立馬遲夢裏故交頻惜別客中風
物易驚時夷門猶有侯嬴在虎左逢迎知是誰

穉賓曰詞致工
穩結更婉秀

送陸季冲之任鬱林

驂驅燥電本空羣嶺外梅花正俟君地近蒼梧常
帶雨天連勾漏半飛雲莫辭柳酒蠻中醉更有蘆
笙馬上聞此去不須愁薄宦故人還是沈休文

子備兵
嶺南

頴川劉公勇貽示新詩率爾奉答

憶別鶯花繞帝州春風獨下五湖舟尊前月滿
青山暮江上書來白雁秋康樂詩名先二謝孝儀
文筆駕諸劉和歌欲報瑤華贈一曲陽春未易酬

子更曰
秀整

送詹去矜

蒼蒼樹色望中收落日天涯擬四愁蔓草寒烟思
故國孤帆細雨下南州窮途阮籍終難合懷刺福

柳州詩集

卷九

七言律

十一

衡未可投歸去琴尊應有待辛夷花暖莫淹留

感懷

南苑歌鐘列綺筵遲遲風日草芊芊八蠶名繭微
荒服千緡奇文貢日邊春到上林誇羽獵夜來宣
室問神仙周王白鹿尋常事金馬方追漢武年

歸舟有懷田髯淵鄒許士暨子更交讓穉賓

孤帆渺渺暮雲垂又見朱明節候移寄遠自裁三
歲札懷人擬咏五君詩序成曲水當愁日賦就青
山入夢時十載江湖多舊侶好憑風雨問相思

送馬觀揚督糧七閩

詞賦翩翩重馬卿。星輶遙指七閩行。飛芻自壯軍儲色。治粟兼傳內史名。扶荔參差橫驛路。刺桐高下護江城。離筵斗酒真難別。月落天高雁幾聲。

贈莫生

少年詞賦益鄒枚。搖落清秋重可哀。老去扁舟浮震澤。夢餘疋馬到金臺。却隨公子軒車入。曾侍諸王禮酒來。醉裏不堪談遯事。仲宣流寓本多才。

擬義山體

柳洲詩集

卷九

七言律

十二

池塘新柳弱垂垂。小院春深聽子規。對酒愁分今夕夢。看花人負去年期。裁成吳紵原千縷。織就齊紈自一絲。憔悴蘼蕪山上色。秋江寒雨白蘋詞。

掌公曰香
登絕唱

聽鶯

上林日日報新晴。始識春風第一聲。卧起不禁幽夢斷。聽來無那客愁生。錦機欲罷天孫織。寶瑟空傳帝子情。斗酒雙柑成獨送。相逢莫賦麗人行。

窗外梨花和宋玉叔韻

翠幙風來體自輕。珊珊偏傍月中明。齊紈細剪迷春燕。吳紵勻裁妬曉鶯。高士閒居懷大谷。詞人亂後說西京。紫條青玉原多異。不向明光殿裏生。

無題

十年哀怨泣瀟湘。爲訴琵琶淚幾行。一自金閨離婉嬖。又從碧海說興亡。竹枝自唱樓頭月。桃葉重歸渡口霜。楊子悠悠千萬折。爭如妾恨九迴腸。

赤茂曰
悽婉

贈陳其旋納姬

柳洲詩集

卷九

七言律

十二

簪花鸞鏡夜何其。明月新籠五色絲。鳳蠟光搖銀蒜後。鵲橋人映玉山時。水晶簾迥迴紈扇。雲母屏深侍雪兒。春到海棠留夢穩。賈香今已屬陳思。

陳學謙 三見

遊廣陵陳氏園亭

高陵深谷幾回遷。猶有園林似昔年。石壁曉開千嶂色。衡門晴散一溪烟。斜通歌吹橋邊路。小隱樽罍郭外天。竟日能淹嘉客興。高吟應藉習池傳。

咏松

貞松百尺挺山隅。秦帝曾封五大夫。蒼鬱遙看佳
氣迴。青蔥高竝白雲孤。濤聲萬壑來空濶。翠色千
嶺望有無。獨自年年傲霜雪。豈同秋草蔓平蕪。

越石曰託旨傲
兀能自見意

朱邁成

五見

赤茂曰求仲七言律
規摹歷下獨得傳衣

懷岱宗

岱宗形勝信雄哉。萬里天門霽色開。秦帝遺碑生

柳洲詩集

卷九

七言律

十四

綠宇漢家斷簡護蒼苔。池臨玉女雲霞合。峯接蓮
花日月迴。七十二朝今寂寞。云亭封禪有誰來。

懷衡山

岩崑衡岳接遙天。日麗霞明玉洞前。七澤濤深連
暮雨。九嶷峯斷鎖寒烟。翠華尚憶巡南極。白晝曾
聞降列仙。我欲振衣千仞上。乘風清嘯祝融巔。

懷華山

太華真形在眼中。煙雲迴合杳無窮。捫蘿毛女三
峯迴。携屐幽人一徑通。絕壁自浮仙掌露。層巒不

斷石蓮風遙看萬仞芙蓉色。千載應知造化功。

懷廬山

廬山遠控斗牛區。想像崔嵬翠壁孤。雲斷蓮花橫
夕鴈。濤寒彭蠡浴春鳧。談經開士空今古。栽杏仙
人定有無。見說層巒飛瀑處。九天風雨下笙竽。

懷天台

會稽南去是台州。縹緲群山洞壑幽。瀑布晴翻天
姥雨。霞標曉映赤城秋。漫同太白尋仙隱。且學興
公賦勝遊。瑤草琪花如可問。石梁咫尺接瓊樓。

柳洲詩集

卷九

七言律

十五

群賢曰求仲有名山八懷詩今錄其五
卽境摘詞各出新色使人應接不暇

禱衣

城邊清漏霽沉沉。蕭瑟空幃對夜深。木落澄江催
朔雁。霜飛遠渚動寒砧。金微半度聞人夢。玉杵雙
懸戍客心。聞道從軍征戰苦。龍堆北望更沾襟。

子更曰五
六明秀

周

珂五見

子更曰越石七言律寫景入神錄
詞極雋可以兄事大復弟畜方城

秋懷

遙聞仙仗出金溝。滄海波澄靜不流。日映朱旗連鳳沼。風迴錦浪夾龍舟。銅盤露冷三更月。玉杵寒生萬戶秋。獨有離愁江上客。不堪重聽古京州。

卜臣日昆明池
水有此瓊麗

至錢塘值官軍渡江

水犀組甲耀寒沙。彩仗參差映落霞。帳裏梅花吹玉笛。軍中楊柳動金笳。越山隔岸千峯盡。吳樹臨江一帶斜。夜久潮生人語靜。月明枝上聽啼鴉。

舟行七里灘

柳洲詩集

卷九

七言律

十六

此日鳴榔下釣磯。蕭蕭落葉滿征衣。五峯黛色隨雲迥。七里濤聲傍艦飛。隔浦帆檣山際出。遠村烟火樹中微。朝朝暮暮滄江上。惟見群鷗逐浪歸。

蘭谿寓中同王勝時及成之鷹垂兩侄夜集
萬里帆檣挂日遄。大江夕照水連天。晴霞遠鎖千重樹。亂石斜飛百道泉。白苧歌翻秋欲暮。黃壚酒熟月初懸。明朝一曲驪駒唱。愁見征鴻向客前。

遊南明山

南明雨歇遠烟浮。客子登臨咏四愁。俯瞰龍湫通

百粵。遙臨雁蕩接東甌。亂山木落連雲動。半夜潮生帶月流。石壁已無精舍在。可能重問謝公樓。

同梁谿季程茂董志醇泊睦州

又見秋深木葉飛。暮雲青靄望中微。桐君山迥留丹竈。嚴子灘寒落釣磯。柝冷城頭群雁度。月明江上一人歸。相逢欲解吳鉤贈。永夜高譚玉漏稀。

兩宿錢塘

征帆一半夕陽收。烟水蒼茫古渡頭。向客黃花開晚徑。避人鷗鳥宿寒洲。樓臺影接層岳雨。蘆荻聲連大壑秋。最是江濤翻日夜。蕭條旅客不勝愁。

柳洲詩集

卷九

七言律

十七

稱賓日五六
聲景壯潤

婺州懷肅陶弟

婺城留滯又初冬。山下遙聞古寺鐘。碧澗中流翻翠壁。青松倒影挂蒼龍。天邊雨合千重樹。馬首雲開萬仞峯。春草近來常入夢。幾時携手一相從。

登枯州城

高峯突兀偃虹霓。草短平原獵馬嘶。麗水遙通甌海北。枯山斜控赤城西。大旗落日金笳動。圓角寒

雲玉帳低。開道飛符。催版築。城頭無復夜烏啼。

孔蓋曰通
體高華

蔣 璩 六見

辭賓曰禹書七言律不名
一家麗藻逸情俱臻至境

赤茂曰禹書七言律情致纏綿
度娟潔讀之如對靈和殿前柳

擬賈舍人早朝詩

金吾初罷曉氤氳。閭闔晴開謁聖君。日射景愚宮
漏盡香飄劍佩。御爐分。鶯聲煖。出龍池。柳雉尾。春
移鳳闕。雲朝退。恩暉何以報。願因歌吹奏南薰。

柳洲詩集

卷九

七言律

十八

席上送孟天友還武昌

驍駒一唱露華生。萬里江天盡此行。欲繫歸鴻傳
北信。更勞班馬向南征。福衡洲畔濤初落。庾亮樓
前月正明。封取清輝勸尊酒。瀟湘羈客不勝情。

二

洞庭雲夢遠連天。西上孤槎銀漢邊。野戍曉迷樊
口樹。江城秋散石門烟。一時詞賦空三楚。永夕交
情自百年。欲奏陽春怨。遲暮和歌還有郢人憐。

卜臣曰二作極佳張謂別韋郎中詩予與
禹書同賦是題景物相類而禹書饒有神

致遂置
已作

汎具區登西山作

萬頃蒼波接地浮。扁舟汗漫五湖遊。龍蛇東走滄
溟險。日月中分震澤流。因訪靈威探石穴。欲憑羽
翰跨丹丘。登臨回首長洲苑。目極鄉關動客愁。

寄王玠右名世兼詢韓友一閔山紆時四子

避地青邨

江城海嶠迥晴霞。採蕨餐芝老歲華。南國尚爲戎
馬地。西山原傍隱淪家。遙憐楚客江邊草。悵望秦

柳洲詩集

卷九

七言律

十九

人洞裏花折得。瓊枝愁遠道。赤烏碑上暮雲斜。

彭燕又南還奉訪不遇却寄

昨歲君從冀北回。相思空折嶺南梅。胡姬帶客新
豐酒。翔雁驚心故國哀。千里迴風吹碣石。三春明
月夢金臺。長門能買君王寵。狗監何知司馬才。

子更曰秀
雅多風

送曹方伯秋岳領藩東粵時以少司農左遷

去國浮江天地寬。間關鸞鶴百花關。山當五嶺烟
爲瘴。海近三洲水不寒。陸賈暫羈南越使。尉陀猶

識漢庭官空思好時歸田樂攬轡還歌行路難

王勝時從閩遊燕北歸書至奉答

乍從閩越向幽燕南北羈孤積歲年九曲夢回銀
海月三秋愁對玉河烟詩成蓮幕芙蓉色賦就芳
洲鸚鵡篇幾載依劉情不淺霸陵登眺使人憐

再遊神龕仙館

仙山洞府九天開兩度登臨一舉杯松拂古壇多
漢樹花明玉寶少秦灰丹霄雞犬迎神鼎碧落風
雲護石臺羽士吹笙消永日虛疑廣樂下蓬萊

柳洲詩集

卷九

七言律

二十

歲暮與吳弘人聞夏漢槎醉別松陵

鴛湖當日共春衣笠澤經年見已稀白眼一逢嵇
叔夜青山常憶謝玄暉江城月落人相對驛路霜
寒雁獨飛歲晚蕭條動歸思臨岐先恨兩鄉違

午日拜陳軼符夫子墓

富林白草暗蒙茸孤客傷心望九峯五日龍舟荆
俗事千秋馬鬣漢臣封誅文未擬工瀋岳碑頌何
須假蔡邕却憶會稽同難者夜臺吟眺獨相從

也
雲霄

再訪吳日干因憶遇吳于顧氏東園今五載

矣悵然志感

辟疆回首五年愁每見吳郎憶舊遊白石自參天
半嶺紅泉并作海西流劉琨清嘯偏宜夜宋玉悲
歌畏及秋故國河山終不改月明無那更登樓

李公曰
清麗

白燕

素翮翩躚舞袖長雙棲曾到莫愁堂楊花亂影飄
珠箔明月侵輝掩玉筐南北不隨鴻雁去東西還

柳洲詩集

卷九

七言律

二十

共伯勞翔年年故壘空梁怨一度春歸一斷腸

紅梨

別有鉛華著雨嬌柔陽曾得此陵苕種分玄圃含
丹霞花出青田護絳綉武帝園中香未落太真樓
上色初消春風莫更催花開花銅縮翠翹

春草

湖畔青青思遠道數莖先發在湘沅遙通謝客池
邊夢長守明君冢上魂南陌幾回愁少嬾西江當
日怨王孫可憐故國鶯花地誰向春風感舊恩

白蓮

綺衣當夕伴蘇昌。白玉連環素藥涼。人到峩眉花似雪。山連太華藕為霜。遠公蘭若千重影。漢主芳池十里香。木葉江波相對老。不堪墜粉怨瀟湘。

雙頭蓮

水芝映水曲池明。灼若淩波水面輕。楚客為衣憐共帶。齊宮步襪羨雙行。體湖舊著駢華瑞。玄圃重看並餘生。秋草秋江人獨遠。花花相對為誰情。

二

柳洲詩集

卷九

七言律

三

朱華綠水泛金塘。面面偏宜紅粉妝。並蒂微分初日影。兩花吹合晚風香。錦鴛愛托雙飛翼。越女愁牽幾斷腸。誰料同心不同結。秋來飄泊故衣涼。

交讓曰詠物詩。古人所難。興則意溢于辭。比則客勝于主。明初李迪海叟各以一物。擬名。未免新僻。雖有唐詩之守愚。頗見風騷。禹書故作足以下。按高袁上凌崔鄭。

戲贈友人七夕納姬

百子池平漢渚浮。九華燈暗火西流。青鸞解合雲車會。鳥鵲能消玉杵愁。漫托雙珠通兩意。翻憐一夕慰三秋。人間偷得成靈匹。笑指黃姑願白頭。

戲數迴文體贈妓并煙

妝成一笑解人誇。曲罷閒愁獨怨嗟。香繞玉山雲入夢。佩珠館月為家。梁空曉色春歸燕。閣鎖寒烟夜合花。腸斷祇憐誰命薄。牆東近望隔窓紗。

陳昌

五見

越石曰迴文詩難于聲調諧。令集中尚收此章。取其穩也。

卜臣曰漢彬七言律。偶與有致。

肇域至自西陵為贈

壯遊裘馬自翩翩。見說西陵異往年。夜靜鐘聲來萬壑。月高樹杪出諸天。拂衣欲下青山色。染翰還成白雪篇。宋玉悲秋正蕭瑟。登臨何處不堪憐。

柳洲詩集

卷九

七言律

三

送吳永言之姑蘇

水落天開極望空。輕裝此日問穹窿。錦帆路杳朝聞雁。香水舟迴暮起風。四時入吳惟角里。五噫辭洛有梁鴻。欲知別後無窮緒。送夜相思到夢中。

釋寶日神氣融散。

禹書抗歸作此問之

此日奇遊屬爾曹。吳山一上最蕭騷。金牛路斷祇

林迴木崔峯臨太白高夜雨乍迷蘇小墓秋風先
動伍胥濤愁予不獲追清興獨掩荆扉對濁醪

白蓮

誰誇紫葍與青房掩映階除雪作香豈爲觀濤逢
素女還因傳粉識何郎含葩似泛瑤池月振采疑
飛玉樹霜一望田田清影在臨風淡掃試新粧

計敬六見

上已送徐敬可勝力之白下

鴛鴦湖上水悠悠鴛鴦湖邊花滿洲二子輕舟出

柳洲詩集

卷九

七言律

三十四

花去一輪新月空高樓晴江萬里飄飄路雲展千

山汗漫遊爲憶金陵最豪勝只今誰似舊風流

安上日有凌
虛徑度之意

明聖湖

秋入西泠萬木凋幾回悵望旅魂消層烟慘淡迷
三竺疎雨依稀見六橋屢過荒臺思遶日獨披殘
碣問前朝鄂王墳上荆榛滿迢遞江城禁采樵

郁自振三見

舟次送別

青谿送別黍離離斗酒城闌日暮時月出遙天人
共醉風高古驛雁猶遲荷衣卧病歸蓬徑絲筆題
詩在玉池岐路何當更分手驪歌一曲思凄其

重渡鸞脰湖

歸棹蒼茫悵倦遊那堪重渡白鷗洲雲濤薄暝孤
帆遠草樹連天萬頃浮暮靄溪長應漸近靈威洞
杳竟難求刀環尚隔鄉心切徒有清吟緩獨愁

子更日景色甚
切寄託自遙

吳自求三見

柳洲詩集

卷九

七言律

三十五

送錢長孺理池陽

佐郡如君未易逢錦帆西指九芙蓉澄清已按行
車轡嘯咏常依卧閣窠山色秋高寒白象江濤春
濶抱黃龍原知不淺登臨興坐對簾前翠幾重

咏白燕

吳宮芳艸自芳菲學舞差池相對飛天墜未分原
白石霜毛初試在烏衣棲梁欲映銀屏色掠水能
涵玉沼輝不信封侯人萬里暮年真得一回歸

燭崑曰咏物詩
不落晚唐蹊逕

曹爾垣 三見

與客談岳陽樓因賦

烽烟阻絕岳陽樓。楚地鶯花羨勝遊。鐵笛吹殘五
夜雨。君山橫斷一江秋。雕欄下瞰波疑射。畫棟遙
臨黛欲浮。千古正平鸚鵡賦。萋萋芳草使人愁。

卜臣曰曠
致絕倫

陸樹駿 二見

賦得魚戲新荷動

微風搖曳亂芳塘。蓮葉田田倚晚涼。但有游鱗來

柳洲詩集

卷九

七言律

三六

蕩漾未容纖羽試。迴翔隨波自點青。錢少唼荇頻
牽翠帶長。南北東西渾不定。隔溪猶聽唱招商。

東郊夜集分韻得攜字

朱樓斜倚畫橋西。子夜歌殘月漸低。中婦沉吟臨
曲巷。小姑娘處本清溪。棲鳥已向瓊枝繞。班馬猶
啣珠勒嘶。共醉壚頭今夕酒。腰間寶玦好相攜。

越石曰溫
麗不侔

卞 庚 三見

潤洲秋晚

青雀澄江未擬迴。驚看白浪雪山來。蕭森落葉千

林淨。黯慘陰雲半嶺開。愁絕憑闌時送目。興深秉

燭且啣杯。旅懷最是清秋劇。莫遣登樓王粲哀。

卜臣曰起
得俊逸

沈氏園亭

城陰池館畫樓遲。鹿苑疎鐘度柳枝。澆滑綠荷魚
戲後。呢喃新壘燕巢時。圖留張鷹千竿竹。樓寫休
文八咏詩。暇日長歌兼縱酒。高懷能得幾人知。

曹鑑平 六見

柳洲詩集

卷九

七言律

三七

子更曰掌公七言律
清華雋逸不愧宗風

赤茂曰掌公七言律風神俊
爽情味流溢能使讀者意遠

釋賓客江陰詩以懷之

楊柳臨風兩岸斜。思君春暮尚天涯。幾人江上同
爲客。何處樽前不憶家。手札殘碑淪蔓草。春申濁
浪走平沙。旗亭早貰蘭陵酒。莫使歸程滯落花。

交讓曰三
四流麗

送亭彥入都就試

南風入律草方曠。把手江干一送君。會見金輿臨

壁水還陪玉輦祀河汾柴車坐屈公卿貴白恰從
知意氣殷風有盛名傾冀北秋高那得不空群

擬唐人興慶池侍讌應制

千官扈蹕出甘泉興慶池頭徹御筵花外旌旗分
羽衛柳邊鼓吹起樓船晴開雙闕香烟合雨歇千
門淑景懸膚藻紛披賡未得凌雲還待上林篇

送季冲之任鬱林

幡帷百粵擁鳴騶四十專城是壯遊驛路梅花初
破臘炎方木葉少逢秋山紫峻嶺千盤出水落滄

柳洲詩集

卷九

七言律

三

江萬里流此去日南天欲盡春風先到鬱林州

稱賓日情
詞綿遠

寄懷卜臣中州

朔風吹雁自南天錦字殷勤寄洛川千里論交如
接席三秋惜別忽經年故人濁酒繁臺讌上客高
吟桂苑篇詞賦知君能獨擅檀欒修竹暮雲連

同穉賓遊維揚福源寺

輕舸二月下揚州選勝同來古寺遊晴雪高樓開
嶂色春潮淺井接江流寺有井禪心自向花宮寂

容興還隨竹徑幽薄暮使君行視地祗林暫繫五
驂駟時蕭五雲以
相地適至

微之兄携笈雲間賦別

谷水遙連白苧城旗亭對酒聽新鶯鶴鴒兩地難
爲別舟楫三春復送行入夢雨中芳草徧相思江
上柳條生下帷舊有機雲宅握手臨風無限情

夜泊張秋

河干日暮片帆停垂柳含烟色更青月黑榜人尋
岸火波澄漁子逐春星梁山杳杳連青嶂汶水悠

柳洲詩集

卷九

七言律

三

悠隱白萍魚名北望長安愁驛使計程何日得趨庭

重九前一日天寧僧舍對雨

百雉荒烟鎖未開相携古寺一登臺當窓樹影參
差見隔院鐘聲斷續來叢菊乍逢今夜雨濁醪空
對故人杯秋風旅館偏蕭瑟鼓角高城暮轉哀

亭彥日隨
州佳境

郊外訪菊小酌

扁舟共問隱淪家夾岸秋光興不賒坐擁紅粧歌
白苧門臨碧水映朱霞開尊擬醉參軍酒移席同

看處士花向晚回。繞纖月落。漁燈明滅。亂平沙。

臨清觀女劇

結束翩翩點翠螺。鵲絃細譜雪兒歌。伊涼塞北愁無限。花月江南夢自多。三部梨園皆內史。兩行回鶻盡宮娥。飄零亦有題詩客。說到開元掩淚過。

輝六日
似義山

戈元穎
五見

子更日長鳴七
言律丰姿俊逸

讀無能新詩

柳洲詩集

卷九

七言律

三十

榴花開偏復紅藥。此日相過下澤車。散病尊前司馬賦。感時篋裡賈生書。中原意氣憐同調。京國篇章慰索居。欲報瑤華漸玉案。北窓風雨渺愁予。

送子般遊廣陵

蕪城風景近何如。聞說瓊花六代餘。暫引卧龍名士轍。爲傳驄馬故人書。平山堂下停游騎。甓社湖邊看捕魚。此去觀濤秋信早。未應携雀返山廬。

赤茂日共
音綿婉

沈 鱣
二見

西陵春望

湧筇湖上眺雙高。百道飛流掛樹梢。睥睨暮烟生列肆。呆愚春燕定新巢。松聲似逐寒潭轉。柳色長疑綵鷁交。却羨杜門高卧者。廻塘十里淨春茅。

子存日五
六箇練

王 辰
四見

送友人之江夏

城邊楊柳又經秋。鄂渚遙登青翰舟。共道褊衡方入楚。誰知王粲更依劉。天高翠落芙蓉嶺。日暮濤

柳洲詩集

卷九

七言律

三十

懷輝六渭揚安慶

翩翩帆影下揚州。才子乘春賦遠遊。天柱山頭明月迥。金雞洞口白雲流。懷人故國應馳夢。作客它鄉獨倚樓。聞道李膺思解綬。秋風尊鱸莫淹留。

聞笛

寒砧昨夜動嚴城。橫笛遙天響更清。怨入落梅隨月度。愁移折柳逐風生。淒涼江上桓伊弄。蕭瑟山陽向秀情。一曲龍吟吹不斷。幾回寥亮起秋聲。

子更日賦
物工秀

陳暉吉

小日履旋七言律
請令標鮮殊可樂詠

夜宿天竺同州來

西陵蘭若倚雲平。入望雙峯翠削成。秋淨松杉霜
樹麗。月高臺殿雨花明。澄湖不斷金牛影。古寺誰
誇白馬名。蓮漏宵分仙梵寂。好同玄度說無生。

逢冊封琉球使者

朝宗海外盡來同。玉節金章象譯通。周室版圖開

柳洲詩集

卷九

七言律

三

越微漢家聲教訖。閩中相如諭蜀因。承旨博望乘
槎本鑿空。斷髮離題皆受吏。楊波還令驗東風。

禹書曰
弘雅

送夏生入都

協律原推第一流。秋風重作帝京遊。輕調鳳吹繁
音切。細轉鵲弦逸響浮。何必文章逢狗監。自應供
奉入龍樓。遙知歸路寒梅發。倚曲還生笛裏愁。

咏海棠

濃淡齊開麗日中。滿園春色過牆東。飛來鳳羽含

清露。點就蛾眉對晚風。蓬島移花春水碧。蜀江濯
錦綵雲紅。夜深自顧殘粧影。明月依依夢未通。

錢士賁

五見

擬唐人興慶池侍宴應制

鸞旂鳳輦幸城隈。法酒仙音次第催。隊逐魚龍迎
曉仗。香分蘭茝入霞杯。天高翠嶂晴峯出。地繞黃
河瑞色開。羽獵長楊誰紀盛。侍臣深愧子雲才。

雜感

烟波一望滿吳關。岸柳青青漸可攀。暖入惠風新

柳洲詩集

卷九

七言律

三

草木愁隨清夢舊。河山小園鶯囀嬌。春色大庾花
深照。客顏遮莫喧歌連。曲港閒門流水自潺湲。

輝六日清
迥不群

周振藻

六見

交讓曰。爾陶七言律。氣體清華。都
會諸詠。乃其垂髫所作。已自矯矯。

都會雜詠

秣陵宮闕滿春蕪。六代繁華望有無。一自淮徐移
萬騎。遂令烽火照三吳。春歸燕子烏衣巷。風急魚
龍玄武湖。青草萋萋戎馬地。江城猶聽夜啼烏。

其二

迢遞黔江息鼓聲。山城斗絕夜郎西。惟餘雞驛屯
千旅。半屬龍家傍五溪。諸葛寨中寒月曉。馬援祠
上白雲低。春風不到炎荒地。歲歲銅崖碧草齊。

其三

襟帶三江水。郎開荒城落照半。蒿萊鳳凰積翠千
畝。繞彭蠡春濤萬里迴。祇有仙人留第宅。漫從宗
子問池臺。蕭條何處滕王閣。昔日歌梁風雨摧。

其四

柳州詩集

卷九

七言律

三五

蒼梧形勢鬱嵯峨。銅柱功名想伏波。萬里虎頭停
玉節。三年鳳水動金戈。丹砂何處尋仙令。錦石曾
聞使尉佗。瓊海瘴時風浪急。入春常怪鷓鴣多。

子存曰。四詩情致蒼涼
殊得吹懷古遺意

咏竹

拂翠凌霄起玉墀。秋風吹微茂。寒姿江邊二女啼。
痕在林下。諸賢嘯詠移。白鳳啄殘雲。母實青鸞飛。
上合歡枝。更憐密葉叢生處。窈窕偏宜太液池。
渡江風甚不及登金山因賦

倦遊牢落意如何。客路初從京口過。鼓枻漫同漁
父傲。渡江應聽榜人歌。傷心瓜步寒烟合。回首金
山暮靄多。欲事登臨一乘興。片帆風急奈蹉跎。

陳哲庸

六見

字公曰孔益七
言律聲采壯亮

擬興慶池侍宴應制

鑾輿春暖幸甘泉。夾岸笙歌繞畫船。東沼魚龍初
出水。南山草木盡含烟。天開瑞靄浮宸蓋。地擁晴
峯入御筵。愧乏鄒枚詞賦麗。欣逢睿藻慶遐年。

柳州詩集

卷九

七言律

三五

遊竹隱寺

石磴遙攀路不窮。逶迤鳥道鎖龍宮。堦前曲澗浮
珠宇。檻外危巒倚彩虹。竹徑雲深千頃碧。楓林日
落萬山紅。羅衣寶馬今安在。空使登臨弔朔風。

登烟霞塲觀瀑布

秋風蕭瑟到山阿。縹緲晴霞映薜蘿。百道飛泉穿
石磴。千重絕巘瀉銀波。霜寒古木鴻音斷。日落深
林虎嘯多。試問劉公棲遯處。茅齋寂寂自高歌。

懷斗錫舅氏病中

幾度天涯滯客車。誰傳七發慰離居。窮途阮籍常
揮淚。卧病相如只著書。東郭寒生遲白雁。南洲夜
靜落紅蕖。不堪伏枕多愁寂。又值秋風動短裾。

達夫曰五
六清新

陸凝

送家孝山典郡南雄

使君三十已專城。大吏迢迢五馬行。天桂花深迎
露冕。洪崖雲起拂華旌。廣南自昔推公紀。洛下由
來重士衡。莫道一麾愁遠宦。寒梅萬樹嶺頭明。

柳洲詩集

卷九

七言律

三

釋賓曰楚淵恂恂
雅士詩亦娟潔

李孫煌

四見

交諫曰次彬七
言律羅羅清疎

南湖感舊

縹緲危欄攬勝遊。鷓鴣鷓鴣滿汀洲。高秋匹練紫
明月。倒影千檣動兩樓。廢苑有基青草沒。殘碑無
字綠苔浮。芙蓉零落江楓冷。蘭若霜鐘起暮愁。

伍相祠懷古

相國祠前極望開。江流北去接胥臺。空堂風雨蛟

龍出。深夜神靈劍佩來。市上吹簫行國恨。蘆中鼓
枻和歌哀。卽今葭茨蒼蒼處。憑弔當年首重回。

咏白蓮

紅苞紫萼滿華池。何似堦除白雪姿。影入冰壺看
不見。香浮玉盃醉還知。輕風乍展齊宮步。初日頻
催謝客詩。我欲採之貽遠道。涉江千里寄相思。

越石曰詠物能
雅獨見此章

送廷益就試北雍

陳琳章表不群才。此日成均應詔來。五兩輕風移

柳洲詩集

卷九

七言律

三

雀舫千閑駿足試。龍媒談經自奪張。憑席挾策先
登郭。隄臺高第君家有故事。漢廷重拜賜金延。

錢煥

四見

登太行絕頂

中天削就玉芙蓉。絕壑懸崖斷碧空。鳥道崎嶇盤
日月。羊腸詰曲失西東。望來紫塞雲霄迥。身到黃
榆沆瀣通。向夕悲風白長嘯。關門蕭瑟度飛鴻。

過代州

蕭蕭征馬向邊州。百雉嶙峋據上游。回角數聲龍

寒月。鏡歌一闕。雁門秋。漢家已築祁連塞。大將何須定遠侯。父老至今思李牧。十年不治待邊樓。

穉賓曰取境沉鬱

曹爾挺 三見

九日社集

風雨無邊入夜來。秋深江上阻登臺。一年又是茱萸節。千古空憐鸚鵡才。庾亮樓前鴻乍至。陶潛籬下菊應開。寂寥喜有城南約。賦就新詩醉幾回。

古學曰風度冲夷

柳洲詩集

卷九

七言律

三

魏允札

六見

卜臣曰州來弟七言律已自流麗加以高渾便足成家

古意

交河一去路悠悠。夫婿長從定遠侯。鴈不傳三歲札。清磬空度隔年愁。月明楊柳朱樓晚。露濕梧桐金井秋。知是玉關猶未入。更將離思托空篴。

禹書曰比之虛家少婦情致自稱

贈故寧南侯 客蘓生

黃衫年少最風流。魯向朱門鼓瑟遊。自學吳儂歌。

子夜。那堪水調。按伊州。尋山到處題新句。對酒逢人說故侯。十載江南。搖落客夢。魂猶遶。庾公樓。

秋懷同子更穉賓

南征豹旅正橫戈。銅柱功高馬伏波。騎象土風同百粵。占雞荒服有諸羅。夷童輸賦金沙積。蠻長供軍餉。警多極目滇池佳氣盡。傷心離黍一悲歌。

又

夜闌獨坐理鳴琴。遙寄烟霞物外心。天畔鴻飛榆塞月。霜前風斷柳城砦。周官自昔多三黜。漢法由來重十金。叱馭莫過九折坂。王陽此日好抽簪。

柳洲詩集

卷九

七言律

三

又

蕭疎衰柳拂長堤。十里迎雷極望齊。獻賦未能逢狗監。幽居聊自學雞棲。玉繩影入清秋迥。銀漢光隨白露低。愧我吟成非絕唱。諸公黃絹有新題。

履旋坐上贈子京

陳君名士本風流。一榻長懸待爾留。何事無書來北郭。應知堅卧自南州。春溪對酒花盈座。夜久高堂。清樓。李邕文章推獨步。玉臺驍麗足千秋。

子更日宥
佚似嘉州

陳詰倫
五見

達夫曰安上七言律
弘微與孔益真稱二難

上已

纔過昨日清明節。又值今朝上巳時。修禊由來多勝事。尋芳何處駐遊絲。華林射馬春雲暗。曲水流觴落照遲。感慨年華重回首。蘭亭佳會好相期。

卜臣口
媽秀

聞吳子登泰山絕頂遇有此贈

柳州詩集

卷九

七言律

四十一

東望巖巖古岱宗。携筇獨上最高峰。石壇曉映千崖月。日觀晴飛萬壑鐘。天子何須尋漢策。大夫空自號秦松。凭欄四顧無窮興。有客中原恨未從。

秋懷

萬騎通傳下夜郎。伏波南去海雲黃。山開百粵標銅柱。地入諸羅控越裳。空外砧聲悲夜月。天邊雁影帶秋霜。那知旌旆昆明上。漢主雄心正未央。

又

西冷作客久蕭條。况值金風萬木凋。山色晚含秦

望月湖光秋映浙江湖。文章自許龍門近。遇合疑狗監。遙身世只今憂轉切。好將生計問漁樵。

曹爾壇
三見

錢爾玉爾斐招飲滌覽堂限韻

哀箏朗笛度新詞。綺席清談總舊知。秋色更從今夜好。西風應視昔年遲。二難奕奕雲間雋。七子翩翩鄴下詩。時同席促坐留賓還惜別。拍浮五白醉南皮。

亭彥曰西
山典氣

柳州詩集

卷九

七言律

望

錢
嫌五見

擬唐人立春日侍宴應制

金門光動歲華初。玉律傳頒太史書。舜琯新開九域暖。堯樽分賜百官餘。梅花欲傍龍旂發。柳色常隨鳳輦舒。萬樹寒烟生瑞雪。春風蕩漾葉華初。

擬唐人侍宴安樂公主山莊應制

沁水園開春草菲。乘麟帝子下彤闥。鰲池不識昆明水。瑤石還分織女機。堂上笙歌鸞雀舞。雲中簫管鳳凰歸。新承翠輦巡遊徧。鳬雁喁喁仰德輝。

群賓日介子天姿豪宕不
事見摹二律獨能神似

孫復煒

五見

輝六日載蕃七言律
標辭後麗珠見菁華

中秋南樓望月寄懷友人湖上

搖落江城草木凋。層樓悵望隔清宵。疎鐘白月來
三竺。綠水輕風蕩六橋。客到湖山青桂暮。槎臨牛
斗絳河遙。殿勒好寄南飛雁。莫遣音書嘆寂寥。

越石日溫
麗清麗

桃花

柳洲詩集

卷九

七言律

望三

近水依山掩映紅。遠村明滅盡芳叢。莫愁湖畔迷
春鵲。宋玉牆頭待曉風。遊騎折來香漠漠。林鶯啼
過雨濛濛。未央前殿今寥落。幾樹殘霞悵望中。

送婦翁顧菴先生入都留集舟中

輕橈斜轉画橋西。十里垂楊水面齊。麗日晴郊芳
草暗。碧天春樹夕陽低。玉壺泛酒人皆醉。紫陌飛
花鶯亂啼。明到長安應見憶。好憑驛使寄新題。

群賓日介子天姿豪宕不
事見摹二律獨能神似

送子更之睦州

富春紅樹正紛紛。迢遞千山對夕曛。宿霧迷離愁

裡度。秋風蕭瑟客中聞。布帆斜挂芙蓉峽。粉署遙
連薛荔雲。早晚經過七里瀨。好携筇杖問桐君。

送友人入都

驪歌緩唱動征鞍。貰酒旗亭且盡歡。傾蓋不嫌過
從數。攀條始信別離難。黃河水落輕舸過。青土秋
高疋馬看。倘遇燕臺舊相識。憑君傳語問加餐。

曹鑑章五見

交諫日達夫七言律一
往有馬氣自然令上

柳洲詩集

卷九

七言律

望三

元夕

銅壺漏下薄寒生。上客相過酒乍傾。已見金吾弛
夜禁。更聞玉笛動春城。燈開火樹千門曉。月照星
橋九劇明。却憶長安歌舞地。五陵裘馬自縱橫。

古意

金勒長綰紅粉樓。樓中遲日下簾鉤。寶家機上三
年淚。趙信城邊萬里愁。蘆管吹殘龍塞月。鐵衣寒
徹雁門秋。可憐少婦深閨夢。夜夜相隨到龍頭。

甲午季冬觀征南師發長安

薄伐無諸已十年。出車郊牧律森然。駒駝夜宿千崖月。熊虎晨炊萬壑烟。下瀨徒聞乘彩鷁。伏波空望噴飛虵。鼓鼙此日東南急。誰雅誰歌采芣篇。

其二

八閩烽火動寒宵。翠羽明珠久寂寥。組練三千玄甲麗。貔貅十萬絳旌遙。越裳海外重周澤。銅柱天南插漢標。多少征蠻諸將在。長纓誰繫獻層霄。

子更日軍旅之作華整不挑

江行

柳洲詩集

卷九

七言律

四

江草江花淚未闌。漫移輕舸向長干。秣陵王氣浮空遠。瓜步潮聲入夜寒。水抱石城五馬渡。山連鐘阜六龍盤。那知自昔繁華地。玉樹無端一曲殘。

咏柳

新鶯刷羽亂金塘。萬縷千絲映日黃。遠戍自憐關塞隔。深閨偏恨別離長。參差舞向章臺下。縹緲烟生汴水傍。回首天涯愁極口。不堪攀折寄遼陽。

咏竹

肩輿盡日爲誰留。長自青青對子猷。能使至尊臨

薛縣還迎刺史向。并州山中醞熟人。皆醉笛裏寒生客。易愁不見渭川千畝綠。遲君萬里覓封侯。

解實日特見工密

陳謀道

五見

西湖晚眺

西湖極望遠烟浮。薄暮鳴桡載酒遊。黛色千重平葛嶺。波光一片繞秦樓。風來彩鷁渾忘暑。露滴紅蕖欲報秋。更上南山一憑眺。雲濤無際海門流。

卜臣日媚秀如昌穀

柳洲詩集

卷九

七言律

四

登南屏

携屐南屏四望寬。凌空高閣俯清湍。風生古渡千帆急。雨濕秋林萬壑寒。碧海波濤當檻出。蒼江烟霧隔城看。百盤樹杪飛流掛。有客登臨興未闌。

掌公日琅琅可誦

李

三見

赤茂日盛川第七言律清芬逸人

宿回龍菴量公精舍

支遁幽居客到稀。暝鐘清梵每相依。天香裊裊來

空界祇樹陰陰鎖翠微。波靜魚龍還隱見。月明烏鵲自翻飛。生平漫有江湖興。此夕逢君欲息機。

卜臣曰蕭然有遠致

詠燕

故國烟花逐轉蓬。雙飛猶自滑吳宮。低迷柳徑三春雨。蕩漾蘭皋十里風。銜泥落屋金屋外。見來遺卵玉簫中。差池綺翼渾如昨。惆悵烏衣巷已空。

送友人之維揚

河干春望柳條青。五兩風吹不暫停。野濶高吟隨

柳州詩集

卷九

七言律

四六

驛路月明長嘯滿。江亭平山花發嬌。華薄楊子濤生湧翠屏。莫上金焦更西眺。鐘陵佳氣已冥冥。

錢焯二兄

懷子弁都門

君從臘月訪庭闈。落日河梁嘆路岐。惆悵只今千里外。風流憶昔十年時。江南春去歸鴻杳。蜀北雲深度馬遲。共識盛朝多雨露。相思何必重淒其。

釋賓曰子明詩才年甫弱冠卽賦玉樓朱樓堪婉惜

陳秉六兄

卜臣曰夏臣詩尤工近體詩平昔爲偶酬夏臣才富思敏率多生成工體難言測情形宛然心目入琴之悼何能已已

贈揚州守蕭五雲

聞道維揚古帝京。僊郎擁節領專城。天開吳會竟封過。地接淮流禹貢平。千里烟波通尺素。十年風雨見交情。投來白雪難爲和。文選樓中舊擅名。

舟次攜李飲外舅齋中

驪歌迭唱不勝悲。置酒相看且莫辭。千里寒雲逢

柳州詩集

卷九

七言律

四七

北雁一樽飛雪對。南枝平沙渺渺雙帆去。遠樹蒼蒼匹練遶。縱使燕山春望隔。加餐時有尺書遺。

州來日不減文房

留別吳巨手舅氏南湖隱居

檻外鶯湖靜不流。庭前草色自沉浮。曾聞交結賢豪客。已是風塵二十秋。握手寒雲行策蹇。揮明月更登樓。最憐今夜驪歌發。又向關河賦遠遊。

舟次吳江飲周長生康兩舅氏大雅堂

三秋吳澗思依依。此日經過意不違。遊子還能停

短棹飛蓬又欲逐征衣。聞樽共對秋江冷。把袂遙看列宿稀。回首十年霜雪淚。潯陽楊柳別草萋。

揚州遊福源寺

毘盧登眺倚岩崑。坐對高寒楓樹凋。石洞花開常寂寂。香臺葉落自蕭蕭。鐘傳天外青峯盡。梵響雲中碧殿遙。不是海門常在望。清泉那接大江潮。

半相傳云
結潭成

遊覺皇寺同長倩賦

柳洲詩集

卷九

七言律

吳

牢落風塵度歲華。與君携手問袈裟。禪房肅肅天花下。古殿陰陰霜樹斜。雲曉疎鐘開萬壑。月寒清磬隱千家。羈人踪跡原無定。碧水晴光道路賒。

宿會亭驛

相傳是齊桓公
合諸侯地也

相傳昔日霸圖雄。壇坫曾經此會同。地敵平原千騎列。天開孔道九關通。懸車來馬東海賜。履分圭表大風遺。烈只今碑碣在。側身懷古夕陽空。

經商丘

策馬南來豈壯遊。風塵此日過商丘。池臺蕭瑟留

明月劍佩蒼涼接素秋。晴樹遙含平野色。寒沙長抱濁河流。最憐晴昔經戎馬。翹首關山萬里愁。

渡河

機舂橫絕掛帆過。積雪層冰入望多。水合東西趨碣石。地分南北鎖黃河。堤邊盡下淇園竹。天上驚傳瓠子歌。聞道燕雲需餽急。司空輸輓莫蹉跎。

李公曰高
壯無匹

鄴都懷古

鄴下風流不可攀。荒城駐馬共遊閒。層陰繞郭青

柳洲詩集

卷九

七言律

吳

峯杏萬樹凌霜白。夜色旌飛漳水曲。夕陽馬度太行山。賦詩橫梁今安在。惟有風塵瘁客顏。

渡漳河

馬上關山雨雪多。茫茫北望見漳河。寒雲接地行人斷。衰草連天獵騎過。倚劍中原迴白日。開樽上國渺蒼波。何當鄴下繁華地。極目蕭條一醉歌。

蔣昌載

後學魏儒輝全校

毛景瑩

柳洲詩集卷之十

毛 蕃 蔣 象

同學 陳增新 李 炳 全選

李 燁 魏允枚

魏允栢 曹鑑平

五言絕句

沈 湛 五見

雨後同陸稼書過赤及東園看梅索飲

飲酒當及時。莫言明日始。請看地上花。春風吹不

起。

柳洲詩集

卷十 五言絕

一

沈 煌 六見

和穉賓初月曲

初月曲。穉賓里門同聲歌也。挾以入燕和

者。雲集人奏西崑之體。珠多南浦之貽。有

此麗情。何辭染翰。歌驚燕市。如逢蘇小之

車。願以吳趨更附子夜之調。

持廉對蛾眉。本在城南隅。那知茲與望。未得長相

俱。

其二

朝看燕山雲。暮看燕山雨。飛雲捲雨還。初月當窗

宇。 魏學渠 七見

題陳章侯東籬圖

孤松千尺高。盤桓日移容。誰是送酒人。黃花照秋

水。 掌公曰似摩詰輞川諸作

蔣玉立 七見

柳洲詩集

卷十

五言絕

二

橫塘曲

妾來橫塘路。郎出許堂閣。陌上垂楊柳。知郎手自

攀。

其二

明知郎意重。遠來與郎別。願郎愛玉體。弗復常念

妾。

卜臣曰是齊梁語

陳增新 七見

古意

郎擗白玉鞭。妾駕沙棠楫。鞭聲與楫聲。兩兩驚吹葉。

周宏藻 六見

古意

自作遼陽戍。三年尚未歸。忽傳音信到。收淚下鳴機。

玉樹後庭花

玉樹新聲斷。深宮青草生。可憐楊子月。猶照石頭城。

柳洲詩集

卷十

五言絕

三

計善 七見

夜坐

白露起庭鵲。明星照桂花。當年銀漢曲。何處待乘槎。

詠史

魯連定人國。笑却干黃金。壯士乘高義。誰與論此心。

李煒 七見

晉書曰。赤。後。五。古。地。以。六。朝。人。樂。府。下。雜。唐。音。

幽州馬客吟

隴水流無極。幽州馬客吟。匣中三尺鐵。風雨暗知心。

襄陽歌

白馬紫金絡。春風楊柳枝。馬鞭倚長笛。蹴踘襄陽兒。

羽林郎

出身羽林騎。作使邯鄲倡。男兒貴適意。安用尚書郎。

柳洲詩集

卷十

五言絕

四

丁督護

少小燉煌側。不知邊塞長。一歌丁督護。淚落鐵衣褶。

李公曰。骨力豪上。

邯鄲王

寶劍千金裝。青驄大道旁。摩娑鞍轡側。知是邯鄲王。

愛妾換馬

春堤愛飛兔。秋櫓怨驚鴻。駿骨人間有。娥眉不易逢。

工。

又

棄。擲。金。縷。衣。還。試。連。錢。鐵。柳。葉。淚。如。波。桃。花。汗。如。血。

毛

蕃七見

卜臣曰五言絕獨稱賓最富詠史之作可與摩詰息夫人于美八陣圖等篇雁行今存者不及五十分之一聊以見其大都耳非有意當收此數首也

秋日經要離塚

只因報知已。不復顧妻子。留得一孤墳。年年秋色

柳洲詩集

卷十

五言絕

五

裏

烏衣巷

昔日烏衣巷。年來事已非。只餘雙燕子。還傍舊巢

飛。

延陵掛劍臺

生前未可信。況乎當既死。千秋掛劍者。只是一季

子。

偶閱晉史

魯公有兩女。咄咄多怪事。小女憐少年。大女憐小

吏。

子更曰古調

讀琵琶行

偏是失意人。遭逢皆失意。琵琶一曲終。剩得青衫

淚。

王之圻六見

古意

郎是貧家子。不好着綺羅。為郎製絺綌。其奈秋風何。

柳洲詩集

卷十

五言絕

六

李

炳七見

子更曰燭崑五言絕調古情深可參樂府掌公曰燭崑五言絕寄情縹緲用筆高古在儲亮州王江寧之間

明妃怨

不是君恩薄。蛾眉出漢宮。黃雲疑碧草。淚落石榴

紅。

少年行

俠客遊大隄。寶馬黃金絡。擲去珊瑚鞭。紅樓恣歡

諱。

又

秋風獵騎雄。白羽插鵬弓。莫唱涼州曲。縱飲入新豐。

自君之出矣

山。自君之出矣。不復到花間。分明雙蛺蝶。一去隔巫

又

時。自君之出矣。不復理蠶絲。紛紛千萬緒。織錦在何

柳州詩集

卷十

五言絕

七

魏允梅

七見

蘭

九畹移芳植。來登君子堂。何如空谷裏。憔悴老秋霜。

又

國香堪作佩。况有歲寒心。試入瑤琴曲。能同白雪音。

丁胤淦

五見

隱者

有客自終南。相逢洛陽路。不作金門言。芒鞋踏雲去。

曹鑑徵

六見

予存曰。微之甥。五言絕語。語皆是初唐。

隴頭水

川。隴水流離下。隴山高接天。似憐征戍苦。嗚咽向秦

梅花落

絕塞愁無限。深閨獨自悲。不堪花落盡。轉入笛中

柳州詩集

卷十

五言絕

八

吹。

銅雀臺

處。客登銅雀臺。日落西陵樹。松柏莽蕭蕭。盡是愁人

懷掌公學禾城

過。咫尺禾城路。離情空復多。謝家春草色。昨夜夢中

稱賓曰情見乎詞

魏允枚

七見

曉發宿州大風寒甚

明星猶在戶。倉卒戒征鞍。遠道青衫薄。嚴霜刺骨寒。

其二

日出風逾急。天寒凍不開。亦知霜雪苦。何事又重來。

曹鑑微 二見

錦石擣流黃

清砧月下急。少婦獨含愁。一去三千里。何由寄隴頭。

柳洲詩集 卷十 五言絕 九

孫 錄 七見

咏蘭

握香誇大國。含意托幽人。憔悴江潭上。年年泣楚臣。

卜臣曰幽玄之致得之右丞

聞雁

何處砧聲急。征鴻帶雪飛。聞中愁少婦。十月未成衣。

衣

蔣 瑒 七見

燭昆曰馬書五言絕直是六朝歌曲每善作閨中語其實處尤古

情詩

潮水迎郎來。潮回送郎去。願作精衛鳥。填却潮回路。

初月曲

初月月如鉤。月光常不滿。坐待十五六。金波自宛轉。

初月復初月。月圓月更缺。郎來如轆轤。恩情那能絕。

柳洲詩集 卷十 五言絕 十

絕

代人惜別

妾知郎在前。郎行妾隨後。錯問襄陽估。船中是郎否。

小艇不論千大艘。不論百丈篙。苦莫放江南客。

妾如長江水。郎作江上舟。艇子不得住。送郎上揚州。

州

越石曰數作境淺意深有似晉宋間樂府

曹鑑平 七見

聞雁

嘹唳作邊聲。城頭片月明。秋風何處起。吹送玉關情。

邯鄲歌

翩翩遊俠兒。驅馬邯鄲道。直上古叢臺。天風吹白草。

赤茂口
合作

戈元穎 六見

柳州詩集

卷十 五言絕

土

古意

獨立難爲怨。龍沙夢未真。却憐一片月。同照別離人。

錢士賁 六見

葵花

五月葵初放。山深客到稀。花逢細雨足。葉向夕陽微。

魏允札 七見

陌上桑

鬱鬱陌上桑。萋萋路傍草。含意殊未申。送君東門道。

其二

鬱鬱陌上桑。灼灼庭前花。君自愛游俠。妾自惜年華。

其三

鬱鬱陌上桑。迢迢山下路。君行一何早。君歸一何暮。

燭崑日本是樂府題
出之流便遂成佳絕

柳州詩集

卷十 五言絕

土

曹鑑章 六見

春郊

憑高一縱目。草色帶流霞。日落孤城晚。風吹桃李花。

陳謀道 六見

歸舟

長湖三百里。一日掛帆歸。野寺疎鐘度。秋林葉葉飛。

陳秉 七見

馬上口號

芳草原中過。低迷送遠驂。枝頭如有意。盡是向江南。

七言絕句

沈 湛 六見

春閨

剪剪梁間燕子樓。簾櫳深啓小窓幽。低常教護惜門前草。留與郎歸襯馬蹄。

褚 偉 四見

柳洲詩集

卷十

七言絕

七

席上贈妓

鸚鵡杯寒玉漏分。蘭膏斜映石榴裙。詞殘白苧人何處。腸斷荆臺夢裏雲。

又

泥金雙帶索新詩。字字須推黃絹詞。不是才高何水部。梅花羞笛最相思。

沈 煌 七見

永樂邊詞

秋高縱馬獵焉支。塞草芊芊出兔兒。采得霜毫分

帳下李陵臺上賦邊辭

天啓宮詞

大內新開女放場。雲鬟壓隊擬名王。受俘皇帝親書敕。娘子將軍號破羌。

崇禎宮詞

每從皇后學親蠶。織罷休將錦匣函。願賜廷臣囊諫草。幾回御手得常探。

子更目似王建

寄懷季子于肇慶

柳洲詩集

卷十

七言絕 四

芳竹城邊試錦衣。爛柯山下草初肥。春風幾夜吹鄉夢。遙傍天南一雁飛。

王 睿 三見

哭凌日旦

老驥鹽車雙耳垂。英流天絕更堪悲。却將冀北窮途恨。併向山陽笛裏吹。

顏 黃 五見

公子行

桃花歷亂滿平蕪。高會群攜白玉壺。三唱竹枝人

盡醉。墟頭坐調酒家胡。

魏學渠 八見

釋賔曰子存絕句意多含
蓄語極香客可謂純詣

寄彭雲客山中

閨閣城外月輪高。有客懷人思鬱陶。十載銜杯重
問訊。雲山迢遞隔秋高。

江右康味澹先生令子邑去後而邑人祠之

湘泉菴志弗剪伐也小范以公車之北過

拜先祠作湘泉墓八章家國之痛備焉漫

柳洲詩集

卷十

七言絕

五

和二絕

處處丹楓繞樹枝。殷勤含淚讀殘碑。只今故舊幾
人在。惟有泉流似昔昔。

其二

攜手同車整客裝。燕山風雪正蒼茫。夕陽古道征
衫薄。愁絕湘靈水一方。

寶帶橋

吳閨秋色望中閒。雙槳孤蓬日暮來。碧月斜分橋
影動。銀河倒瀉練光回。

赤茂曰勝于君平
曉月暫飛之作

戲贈子更

紅粉朱樓出曉粧。前溪笑指野鴛鴦。朝雲自逐陽
臺去。吟殺垂鞭遊冶郎。

賦得茉莉頭上開和次典夏臣

小掠雲鬟帶笑開。曉風吹雪到粧臺。可憐一樣顏
如玉。爲有花香着意裁。

掌公曰
娟雅

蔣玉立 八見

柳洲詩集

卷十

七言絕

六

古聖曰亭彥絕句尤入體情至之
語而以高老之筆出之故無浮聲

經東昌馮氏廢園有感

漫說桃源能避秦。名花嘉樹偏推薪。翩翩紫燕雙
飛去。猶入空梁別主人。

初月曲爲釋賔賦

戲從阿母學箜篌。芳草春風不解愁。月色初三人
十五。郎來直得老溫柔。

其二

花滿春江酒復清。城頭落月恰三更。與郎油壁青

曉日纔得圓。圓分外明。

偶贈

芳草連天翠幕開。鶯花春半近城隈。一鈎貼地金蓮影。舞罷應呼掌上來。

其二

危名金屈泛蒲萄。楊柳河橋夜月高。小杜多情應有約。莫令春盡廣陵濤。

微之日四
作俱流佚

題洞庭李公甫山樓

柳洲詩集 卷十 七言絕 七

西風挂席五湖遊。一片丹楓萬里秋。自是王人能好客。繞溪桐柚未全收。

沈權之 六見

金陵懷古

天門徹夜暗三星。何處重聞唱後庭。芳樂已非花鳥地。宮鶯猶起聽金鈴。

卜臣曰樊
川風致

丁璜 四見

上元踏歌詩

金鳧銀燕影徘徊。火樹重輪徹夜開。玉勒驕嘶歌舞地。芳塵一道雜香來。

陳增新 八見

交讓曰子更絕句有沉鬱
之氣故是摩詰達夫一流

戊戌書事四首

頻年莊蹻王滇池。烽火烏蠻無盡時。一自侍臣乘傳至。點蒼山色照旌旗。

其二

越王左蠡未須誇。茅土驚看出漢家。銅柱迥臨嶺

柳洲詩集 卷十 七言絕 六

外月鐵橋新渡日。南華

其三

夜郎兵氣近應銷。萬里王師節制遙。旦暮埵屯來陞見。偏裨皆裨總戎貂。

其四

誰道明珠久寂寥。降旗一片蔽青霄。黔中舊部都承寵。朝罷揮鞭去射鵞。

亭彥曰四作極得
變雅詩人之義

別中都呂季芝明府

魯水城隅兩道分。榴花炤眼日將曛。感君意氣醉
君酒。明發中都是白雲。

寄懷周端臣

金州明月路三千。目斷榆關落雁天。一自短轅人
去後。曉鳥啼徹舊臺邊。

古堍日經
綿悽惻

無題

棠梨花暖紫綸巾。花底殘香散作塵。遲日明粧同
拾翠。鶯啼繡戶可憐春。

柳州詩集

卷十七言絕

九

其二

碧天如水露華凝。疎雨無端暗玉繩。不照紅粧歸
路杳。蘭膏空蕪九微燈。

其三

薔薇浴罷晚粧明。窺向東牕善睡迎。斜倚珠簾橫
黛立。斷紅雙臉不勝情。

其四

曲終人散月當天。羅襪春生步步蓮。一入深閨庭
院靜。始知神女隔湘川。

卜臣口機麗
不數香奩

周宏藻

燈市摸金鋪曲

二八人逢二八天。玉橋凍滑奈金蓮。白綾衫上月
光寒。人去月寒春可憐。

赤茂日竹
枝逆調

小遊仙詩

朝來桐柏夕浮丘。五色雲中汗漫遊。玉輦金輪時
厭坐。御風飛轡只青牛。

柳州詩集

卷十七言絕

十

其二

群僊昨夜下瑤京。天女如花擁幔城。前隊旌旛渾
莫辨。後車惟見董雙成。

計善八見

從軍行

羽書昨夜發諸營。匹馬交河踏雪行。收得思鄉未
乾淚。入雲孤角又三聲。

交讓曰
似中唐

上元蹋歌詞

火樹星橋度一時。露華低拂萬年枝。雞聲欲報長春殿。龍影遙歸太液池。

馮明升 二見

青樓曲

高樓西北接雲平。堤上翩翩白馬行。拋落金丸看不見。水晶簾外忽然聲。

李煒 八見

交讓曰赤茂七言絕辭生于情氣餘于彩義巖岸特不以粉澤爲工

春閨曲

柳洲詩集

卷十

七言絕

三

碧玉堂前柳絮飛。白狼河外信音稀。征夫不及營巢燕。歲歲春風一度歸。

少年行

俠客陽春試白駒。十千沽酒倚當爐。寶鞭欲換金條脫。玉筮還傾琥珀壺。

寄顧仲思

披裘五月意徜徉。幽谷無人爾獨芳。但使連城堪自抱。何須楚國信陵陽。

子存曰赤茂五稱仲思之才故寄旨如詩

贈雲間石香弟

連枝歡愛重難忘。不遠盈盈水一方。駿馬憑陵看意氣。朱絃踈越見文章。

贈張生

劇綏芒屨莫長嗟。徒步風塵閱歲華。此日交情君自見。東南誰是魯朱家。

贈蘇崑生

重唱淋鈴短髮髻。簪年曾侍晉征南。饒歌鼓吹今安在。霜露關山溼曉簪。

柳洲詩集

卷十

七言絕

三

徵之日余嘗作是題今亦列集中殊有兼葭倚玉樹之愧

贈歌者

嘈嘈義甲響鯤絃。杏子單衫度采蓮。最是五更風露重。雲和斜抱未成眠。

爲歌妓作和淵伯韻

試將神駿比紅粧。驗取春風金縷箱。一曲伊州聲婉轉。閒情撩亂杜韋娘。

柳洲縱目成句

碧堤沙柳更依然。裴樂風流自往年。此地酒壚今

已渺。不堪洛水再談玄。

有感

管鮑鍾牙自一時。浮雲蒼白未堪期。涉江采采秋風暮。縱有芙蓉欲寄誰。

偶題

何必凌雲賦子虛。俯然山澤送居諸。不緣意氣捐鄉相。那得虞生老著書。

七月十五斷橋聽戍婦哭墓

鬢髻鏤耳北山頭。啼斷山雲咽不流。猿雀蟲沙零

柳州詩集

卷十

七言絕

三

落盡南征八駿使人愁。

其二

浪說封侯萬里還。北芒紫綵叫孤鶻。可憐鴨綠江邊夢。那識柳桃翡翠天。

卜臣日二
作新雋

李 鄂 六見

天啓宮詞

元夕金吾放踏春。鳳靴鸞袖紫綸巾。羽林錯認官家到。執戟東廊不敢嗔。

卜臣曰此題人文首倡其及門之士屬和成快今集中分見一二皆堪與仲初比肩計能五兄

五日權歌

沈沈曉霧接蒼波。帝子還歸暮雨多。無限含情對湘水。更教遷客此經過。

其二

江頭風日暖青莎。人倚江樓聽踏歌。忽記王孫芳草路。薰風簾幙奈愁何。

毛 蕃 八見

柳州詩集

卷十

七言絕

三

州來日弭賁七言絕情
深文明兼擅三声之勝

楊州清明竹枝詞

楊枝拂地綠烟浮。夫婿年年好遠游。二十四橋風日麗。可憐江水自東流。

其二

江潮如雪拍天高。堤上東風送伯勞。那得郎心長似水。朝朝暮暮廣陵濤。

其三

妾家住在權開前。早夜登樓望客船。爲語郎君休

作客客船歸去竟何年

其四

平山塘上落英多。城裏遊人幾隊過。偏是小鬟能解事。對人不語注流波。

古堍日風
致艷逸

西宮春怨

御溝楊柳拂新黃。簾外花飛滿院香。五夜鳳簫翻樂府。可知天子在昭陽。

青樓怨

柳州詩集

卷十

七言絕

五

朱樓十二玉闌干。翡翠簾深夜月寒。惆悵交河人獨往。燈前空憶贈琅玕。

其二

腰肢無力倚風斜。愁駕春郊七寶車。陌上垂條攀折盡。從今飄泊任天涯。

連夫口占
情怡雅

暨陽作

烟霧蒼茫滿院陰。誰將投報憶南金。雙飛蛺蝶穿花過。想斷天涯旅客心。

哭子明

江東衛玠早知名。麗藻翩翩富兩京。此日風姿還可憶。賜餘堂外月華明。

王之圻
七見

將至端州代內作

於今江畔水潺湲。錦石仙花春色斑。君去乘船從此過。可曾知有望夫山。

呂禹
七見

擣衣曲

柳州詩集

卷十

七言絕

五

霜葉蕭蕭墮井梧。雙題染汗立庭蕪。不知遼海銅鑪月。曾照清砧妾影無。

徐之陵
四見

訪詹確菴年伯

搖落西風草閣寒。迢迢百尺俯清湍。寧堪蕭瑟江關客。一曲高歌蜀道難。

塞下曲

魚海雲橫塞路迷。龍城風急角聲低。從來此地無猿飲。多爲征人不遣啼。

求仲日結意
龍目出新

李 炳 八見

上元踏歌詞

龍輿宵御鳳凰臺。動地笙歌天半來。萬戶玉繩侵曉落。千門金鎖徹明開。

長信秋詞

珠簾半捲對銀河。彷彿遙聞玉輦過。明月自懸純扇薄。新愁還似去年多。

釋賔日情
深于江寧

柳洲詩集

卷十

七言絕

毛

塞下

遠戍辛勤汗血多。秋風原野唱離歌。封侯豈必皆飛將。鐵馬宵行獨荷戈。

其二

關山月照陣門開。萬里思歸畫角哀。玉筋莫啼離別久。平安寄語馬西來。

春日郊遊

平蕪芳艸自芊芊。錦纜綽舟綠水前。棹入橫塘垂柳下。伊家更在曲橋邊。

宮詞

新承恩寵到昭陽。翡翠屏開雞舌香。上苑漫教迎玉輦。君王親賜錦鴛鴦。

無題和淵伯

滿櫺鳴柳何處迴。芙蓉木末楚江來。同遊盡是悲秋侶。紅葉黃花莫並開。

其二

桂槳輕搖幾度迴。隔江低唱采蘋來。風高洛浦人多病。珍重湘簾未許開。

柳洲詩集

卷十

七言絕

天

夏 鮑 二見

春遊曲

春衫白苧最翩翩。蹀躞芳堤馬不前。頗落金鞭忘日暮。海棠花畔看鞦韆。

魏允梅 八見

子更日交談絕句。有姿制能于四句。中層折而出。風流惠澤。寫步一時。子存日交談。始近。中七言絕句。尤勝。惟共善于通筆。故。意。既。諧。意。態。橫。出。

寒下曲

傳烽不斷白龍堆。獵獵風沙暗地來。夜半將軍開

玉帳坐看泉騎捉生回

其二

千群浴鐵炤黃沙萬竈烟生落日斜
莫道燕支春色少寒梅吹出笛中花

禹書曰此作可與王之渙作相伯仲

其三

戰罷陰山易不飛
蟾蜍塞下月光微
一聲鼙鼓千營曉
惟見青霜滿鐵衣

寄衣曲

柳洲詩集

卷十

七言絕

三元

塞外西風首落秋寒衣
乍到隴山頭同時刀尺千
行淚并入交河共北流

少年行

胡騶蹀躞玉鞭垂
半醉新豐日暮時
生長河湟人不識
獨身曾得射鵰兒

赤茂曰有別致

從軍行

瀚海波翻白日沉
穹窿匝地盡陰陰
嫖姚已出居延北
未許秋風會蹕林

其二

轉戰頻年定朔方
降夷十部盡名王
胡姬二八能歌舞
玉手金鍾進酪漿

輝六曰此題不作哀賦語最為得體

其三

天山落月掛危旌
千里明駝雪後輕
漢主蒲萄開上苑
玉關重遣貳師行

其四

六飛親到白登臺
七萃貔貅扈謁來
從此王庭空漠北
號歌新奏上之回

柳洲詩集

卷十

七言絕

三元

采蓮曲

誰家女兒可憐
粧芙蓉爲面
葉爲裳
無端雨樂催人去
惱殺青驄白馬郎

其二

露下金塘散玉兒
歌聲隱隱莫愁湖
朝來朱鳥窓前看鏡裏
芙蓉似似無

送卜臣弟北上

胥江楓落布帆輕
送汝西風萬里行
一路寒山看

不盡浮雲遙接鳳凰城。

題法螺精舍

絕頂峯開祗樹林。翠微俯瞰碧沉沉。數聲清磬落
山下。門外日斜春草深。

韋公曰亦
是盛唐

和湘泉慕詩

湘泉慕者江右康子小范之所作也其尊

人儀部嘗宰吾邑既去而邑人思之建祠

于郭外之湘泉菴康子至吾邑作詩以述

柳州詩集

卷十

七言絕

三

先德屬予和焉

寂寂荒祠宿莽平。使君昔日此專城。只今墮泪碑

猶在不盡千秋萬歲名。

其二

十三園寢失烝嘗。回首燕山欲斷腸。日日湘泉祠
下水東流。猶得到扶桑。

肅陶曰感
慨情深

李燧六見

寓湖上值越石自栢蒼歸以詩見訊率爾奉

會

背日丹楓照眼新。漫移孤棹客湖濱。寒聲一夜秋
江急。潮落知君度富春。

其二

南屏秋盡朔風寒。衰草蕭蕭木葉乾。尺素侵晨勞
問訊。陽春一曲夢中看。

卜臣曰淡
致自勝

楊柳枝詞

臨岐執手兩悽悽。細柳春風送馬蹄。錦字雲中傳

柳州詩集

卷十

七言絕

三

不盡。遲君清夢到金閨。

其二

杏花飛盡柳花飛。白雪紛紛亂撲衣。不道郎心渾
似絮。天涯飄蕩未言歸。

孫鑣二見

旅次七夕

故衣憔悴落紅蓮。何處風光不可憐。萬里月明秋
似水。三更夢斷夜如年。

其二

七夕他鄉有所思。忽驚天上是佳期。銀河瀉影懸秋月。空照羈人怨別離。

顧瑛美 七見

辛彥曰輝六才大絕句似不屑意而玉骨巖巖有蒼渾之色

楊州竹枝詞

油壁輕車及暮春。香風十里出城闌。曲江正接雷塘路。一半笙歌一半塵。

其二

瓊花觀裡度銀鞍。九曲池邊試木蘭。遊冶少年裝

柳洲詩集

卷十

七言絕

三

束好。高靴窄袖打金丸。

其三

碧紗籠火映新粧。北語南音集畫廊。莫道路旁花色淺。宵來七十二鴛鴦。

卜臣曰繫于夢得

鄴宮詞

亂頭麤服玉顏殊。破賊今年正爲奴。遍示坐中誰獨視。且教左校暫論輸。

其二

玉鉞新携出魏宮。當時琛賁自西戎。已知不是尋常物。謾向人間說鬼工。

其三

空傳顏色燁如花。寢殿承恩事已賒。解道佳人難再得。更將哀怨託琵琶。

掌公曰物色甚異若止鋪叙塵宵辟寒故事便成庸筆

丁胤淦 六見

上元踏歌詞

長安士女踏華燈。月下笙歌滿鳳城。天子臨門看

柳洲詩集

卷十

七言絕

三

賜。繡自操檀板。按新聲。

曹鑑徵

見

釋賓曰徵之絕句調雋而意深格高而調逸同人共推可與交讓卜臣偶足

贈故寧南侯幕下歌者蘇崑生

十隊紅粧錦繡開。當筵競進夜光盃。那知白恰江南客。曾上襄王舊舞臺。

其二

年少蘇郎白雪歌。時將新曲按雲和。只今惟有關山怨。彈向江湖秋水多。

其三

襄陽城裏鷓鴣飛。回首當年事已非。憶得軍中橫玉笛。峽猿山月兩沾衣。

其四

與君相見重相悲。殘月簾櫳故起遲。身是征西門下客。羞將短笛譜龜茲。

其五

鸛鶴翩躚舞袖沉。紅牙催拍酒停斟。何須更唱丁都護。坐客相看已滿襟。

柳洲詩集

卷十

七言絕

三

子更曰此題徵之作十餘章予刪去過半今存者真堪與唐人並駕

送卜臣計偕北發

沉沉玉漏夜如何。遊子當筵對酒歌。此去金臺人萬里。帝城春色客中多。

金閨送別

金閨門外柳如絲。二月鶯花正滿枝。最是客中看不得。況教偏在別離時。

卜臣曰何必更唱陽關

塞上曲

交河水合雪初飛。獵獵寒風捲大旂。遠遠單于過漠北。健兒齊擁橐駝歸。

徐時來 三見

春閨

春閨芳樹曉鶯流。曲檻迴廊小院幽。倚遍闌干嬌不語。臨風手整玉搔頭。

陸淮 六見

送徵之往干溪

扁舟遙指木蘭村。無限離愁酒一樽。手折垂楊頻

柳洲詩集

卷十

七言絕

三

送遠東風何處不消魂。

周挺 五見

閨情

遠夢初回睡起遲。無端幽恨上蛾眉。粧成蛺蝶窺青鏡。妬殺鴛鴦戲碧池。

滄州道中

百花洲上試啼鶯。畫鷁晴飛中水城。天際雪消新黛出。春風回首故園情。

金陵懷古

江草江花似夢中。蒼烟漠漠冷秋風。最憐玉樹花。飛盡月滿瓊樓碧宇空。

川振璜 五見

胡姬曲

綺衣繡袷稱身裁。驄馬驕嘶去復回。壺內雙懸青羽箭。平原結伴射生來。

其二

低垂辮髮貼鵝黃。翠羽明珠七寶裝。聞說西征新賜券。金銀添設兩三行。

柳州詩集

卷十

七言絕

三

其三

略地秦州更蜀州。一身轉戰十經秋。生兒甬得能騎馬。共道形容似阿侯。

其四

家住溪山瀚海東。璽書符賜闕蠶叢。漢江日夜南流急。可有飛鴻到大雄。

交讓曰景
調俱新

吳熊佳 二見

明妃曲

黃沙千里幕雲飛。塞上秋高戰馬肥。燈火徹天橫吹合。單于親自射鴈歸。

魏允枚 八見

燭昆曰。下臣七言絕。設色甚新。而聲情合度。措意極渾。而流佚多姿。上摹太白下脫于麟。幾欲與之接茵。茲磨越石曰。下臣絕句。不言情而以聲調之宛轉。得情不寫景。而以神致之縹緲。得景曲折。頓挫俱出。自然而開闔照應。必開天矩。非猜思十年未易至也。

塞上曲

候月長驅出定襄。馬蹄踏遍夜來霜。短兵乍接皋

柳州詩集

卷十

七言絕

三

蘭下已見名王走白羊。

其二

少長三河家近邊。曾從車騎勒燕然。私渠海上烽烟息。夜半誰浮馬革船。

其三

占兵西出定車師。笛裏新聲雪裏吹。十角降王齊款塞。不教五月會龍祠。

其四

遼徼新將斥堠寬。鳴鐘傳鼓渭橋看。胡桃宮外親

臨視玉殿遙聞賜贍丸

其五

河雲南接涿邪山大帥軍中立號還乍領屬夷三百帳篋簞筴惡陞前頒

微之日如此使事直是化工

從軍行

幕南埃火達甘泉薄伐誰言漢過先新拜元戎霍票騎前軍昨夜度居延

其二

柳洲詩集

卷十

七言絕

无

轉戰長隨泥野戾胡原白草欲先秋十年不斷清礎響少婦嬌啼楊葉樓

其三

漢將爭高出塞勳函犀合弩總千群營開雁翼無留陣山入雞頭又駐軍

其四

白月黃沙夜色開吹笳遙上赫連臺自從收得金人後不見單于秋祭來

肅陶曰壯渾有色

少年行

白馬騁弓獸錦袍鹿盧初試鵬鵠膏相逢但向當壚飲已覺尊前意氣豪

其二

少小辭家事至尊奉車執戟未爲恩只緣身識張公子曾斷倉琅叩木門

釋賁曰三題有唐名作如林後之擬者亦復不少但景色易陳闕之意厭卜臣別抒異彩獨出新裁煥然奪人目精洵是超詣

宮詞

柳洲詩集

卷十

七言絕

早

十年烽火柏梁災長信昭陽次第開一夜秋風工乍畢侍臣爭捧賀章來

其二

寒鴉宮樹欲黃昏奉養西宮未是恩不爲文君前置酒可知盡日閉長門

其三

西域神僧謁帝京法官親遣貴臣迎由來厭勝知多術蠹蠹煤山塢影橫

其四

幾載深官監局間。綴衣淪落在人間。承恩新拜中
常侍。半是先朝供奉班。

其五

風急天高雁欲稀。按鷹調馬雪初飛。遙看列炬如
山起。知是回中夜獵歸。

其六

綵勝明朝散玉墀。春光欲度萬年枝。黃茅白蒿爭
新色。天子還居太液池。

達夫曰。謝本于少
伯氣高于仲初。

初洲詩集

卷十 七言絕

望

淮陰送陳賡斯李載亨歸睦州

扁舟同自薊門還。一曲離歌入楚關。明日孤帆天
際宿。白雲回首萬重山。

其二

野渡青青楊柳新。自憐爲客久風塵。送君遠向嚴
陵去。七里濤聲落富春。

交讓曰不
愧青蓮。

送張喬扶出塞兼寄遠林光伯秋佩彥卓

江天渺渺片帆輕。萬磧千山盡此行。爲報南冠君

子道。相思空有故人情。

其二

攜手河梁一葉分。垂垂白髮泣羅裙。時喬扶侍其
祖母母夫人

其三

行遠東。九月吹蘆管。多少翳人不忍聞。
自別長安又歲餘。憑君此去寄雙魚。相看無限傷
心事。那得含啼便作書。

其四

一隨輓輅去京華。龍首山前道里賒。不向薊門看

初洲詩集

卷十 七言絕

望

別恨將憐遷客。只長沙。

其五

黃昏吹角作吳歌。嗚咽無聲客思孤。三月漁陽凍
猶合。春風原不到關榆。

其六

匹馬衝寒向朔風。斷腸一曲思悲翁。可憐不及交
河水。猶得南流繞漢宮。

禹書曰。深情遠致堪與楊
花落盡一章並垂不朽。

蔣會貞 五見

永城道中

北斗闌干影欲橫。行行十里及雞鳴。夢中不識關山路。已道征車度永城。

張辰 四見

宮詞

夜半華清殿尚開。月明歌吹滿高臺。調成錦瑟還嫌穢。喚取花奴羯鼓來。

曹鑑微 三見

涼州詞

柳洲詩集

卷十

七言絕

三

幾載洮河戍未還。况逢重度玉門關。堅昆城上吹羌笛。一夜梅花徧雪山。

周振瑗 五見

宿州

宿州城外月如霜。昨夜停驂尚帝鄉。道入睢陽風景異。蒼然梨棗自成行。

孫 八見

子存曰古堽七言絕上駕昌齡下亦不失韓尉李益

烏夜啼

越王臺上曙烏啼。思婦樓前月正低。草色迷離歸信杳。春風不到夜郎西。

塞下曲

玄菟城邊秋草深。射鵬天外賭南金。羽林十萬渾無事。戲馬閒歌出塞吟。

其二

漠北蕭蕭畫角哀。月明直上李陵臺。黃榆白草連天末。擊得生猱夜半回。

其三

柳洲詩集

卷十

七言絕

四

貂裘裘甲不勝寒。二月居胥雪未乾。玉帳談兵飛騎出。青萍新淬斬樓蘭。

微之曰仲素無此堅蒼

送康小范之白門

當時諸子盛南皮。冉冉縑塵迥自疑。有客共饕三。月暮爲君轉作送君詩。

其二

把酒相看夕照中。送君花滿帝城東。離歌高唱。渾難聽無限鵲啼楊柳風。

其三

燕市行吟散酒人。春寒郢曲向誰陳。聞君擬著吳都賦。建業風流不可論。

其四

廿年湖海老君才。此去孤帆日暮開。若到白門重回首。鍾山秋色大江來。

卜臣曰
開雅

秋思

昨夜微霜覆井桐。蛾眉深鎖合歡宮。遙知無限悲

柳洲詩集

卷十

七言絕

四五

秋意不獨黃門兩鬢中。

偶贈

春風蕩漾木蘭舟。花滿晴川月滿樓。織得蛟綃來解贈。千針萬縷不勝愁。

送友人出塞

襖被驚看塞外行。燕山春盡亂啼鶯。自言薄謫君恩重。目斷榆關此日情。

其二

春深塞草白如霜。足馬驕嘶大道傍。一曲伊州身

萬里。夢回執戟侍長楊。

其三

黃沙獨上隴頭看。滄海星橋太白寒。立馬望鄉愁欲絕。一時相對總南冠。

其四

鐵嶺風高雁影稀。相思明月到金微。憑將羌笛梅花落。吹入天山帶雪飛。

馬書曰
怡
側動人

陳學謙

四見

柳洲詩集

卷十

七言絕

四六

過婦翁易菴先生故居

生平結客大梁門。客滿堂前酒滿樽。今日蕭條珠履散。幾人還念信陵恩。

朱通成

六見

漢宮詞

長信秋高落井梧。深宮月色滿庭蕪。承恩偏在昭陽殿。綺綵應懸不夜珠。

魏宮詞

何處承恩玉輦過。鄴宮深鎖恨偏多。傷心不作離

鸞操自寫蒲生塘上歌

晉宮詞

玉顏得見翠華稀，却喜行宮接紫微。
輦道斜臨交竹葉，爭車爭引未曾歸。

釋賔曰：余嘗作自漢以來宮中行樂詞，見此覺我形穢。

周珂

明妃曲

白龍堆上望南天，塞草迷離塞樹連。
最是無情青海月，照人雙淚自年年。

柳洲詩集

卷十

七言絕

哭

重宿金華

羅袂寒生欲授衣，去家千里未言歸。
不知秋思能多少，極望樓頭雁已飛。

蔣彖八見

韋公曰：禹書七言絕清越似供奉，明範似龍標奇思，擬調往往執塵。

肇城久客東粵，悵然志懷

片帆孤客不勝愁，百粵三江萬里遊。
爲憶故人勞遠道，夢魂時到海陵頭。

二

遊子他鄉行路難，百花開盡鳥啼闌。
同君兩地清宵月，獨向蓬蒿徑裡看。

三

錦石山邊掛錦囊，山頭回首鬱蒼蒼。
遙知清嘯啼猿處，定使分愁入故鄉。

四

瘴烟五月海南天，庾嶺梅花信杳然。
羌笛數聲人萬里，春光一夜到君前。

輝六日四作，聳秀不減青蓮。

柳洲詩集

卷十

七言絕

哭

調友人納姬

蕩子春心處處飛，今宵初綰越羅幃。
却教前度青樓夢，杜宇聲中喚得歸。

上衛曰：深情之語，自是新造。

細林野哭

爲大樽先生產地

細林山接富林村，此日招魂欲斷魂。
同作信陵珠履客，幾人慟哭大梁門。

二

滿虎雕龍白鳳凰，九閭畫鏤怨青陽。
玉樓天上空

題賦長使人間失錦囊

夜泊蓮溪故宅

蓮溪兩岸夾垂楊一片芙蓉十里香
白鷺黃鸝飛不盡斜暉西望落橫塘

懷顧偉南王勝時時二子客閩

花落春江子規啼扁舟遙夜客行時
漸河南去千餘里明月隨君到武夷

越布月神似太白寄昌齡作

上元踏歌詞

學張燕公體廣其意爲五絕句以唐三宗事實之

柳湖詩集

卷十

七言絕

望

火柱金枝逐夜開長寧邸第有樓臺
月華照徹千門裏天子傳呼駕鶴來

中宗

二

安福門前結彩輪輕粧炫服踏香塵
三千游女新歌舞總是西宮一夜春

睿宗

三

銮樓初試上陽宮七寶粧成動曉風
爲有君王諧新曲李暮偷入笛聲中

玄宗

四

虹橋接殿廣陵遊誰道邗溝近御溝
一曲霓裳雲五色不知仙樂下神州

玄宗

五

百枝鐙樹炬千圍四照烟花焰九微
莫道金吾弛漢禁楊家五宅夜游歸

玄宗

子更曰歎作高渾雅麗直逼王龍標覺燕公殊少蘊藉

當壚口號

山花如雨玉缸開谿水長流不顧回
只有鴛鴦貪比翼朝朝飛去復飛來

柳湖詩集

卷十

七言絕

手

題蘭花寄所知

湘江春暮百花稀竹葉叢生蕙草肥
折得一枝心萬里可憐不上楚臣衣

陳昌

六見

從軍行

旌旗獵獵下榆溪白馬風生碧玉蹄
百戰不曾看刮骨可知身衣七重犀

其二

安西遙指玉門斜首荷蒲梢入漢家
爲逐貳師征

宛去幾經束馬涉龍沙

其三

綠河五月柳毵毵。稽落山前破陣酣。馬上金銑翻別曲。萬人齊唱戰城南。

新矯 釋寅日

夜宿松陵

扁舟遙溯五湖流。遲日牙檣阻石尤。夜靜松陵城上月。依依清影落寒溝。

吳自求 四見

柳洲詩集

卷十

七言絕

五

送唐閔思先生之塞下

朔風吹雪上征裾。去國投荒萬里餘。候雁已南君更北。不知何處寄卿書。

郁自振

四見

春閨

細綠層層慘不開。空庭黯淡冷蒼苔。含情欲向東風訴。斜倚闌干對落梅。

送人出塞

東風難到塞垣春。雙鬢從沾萬里塵。猶勝陽關當

日路同行不少故鄉人

曹鑑平

八見

卜臣曰掌公絕句蘊藉安和饒有大家風度至其音節尤爲可歌

明妃怨

白草茫茫恨未央。琵琶一曲淚沾裳。隴山西北三千里。立馬龍堆望帝鄉。

擣衣曲

聞道沙場未解圍。玉關音信望來稀。空庭獨對梧桐月。坐聽寒螿夜擣衣。

柳洲詩集

卷十

七言絕

五

竹枝詞

長日朱樓夾道開。單衫小袖獨徘徊。枯花却打鴛鴦起。儂未成雙且莫來。

寒食舟中卽事

細雨微風古渡頭。萋萋綠芷遍芳洲。可憐寒食春江路。一任花飛送客舟。

州來曰韓舍人一路寒山差堪北旋

哭子明

總帳空懸不忍過。古槐深巷夕陽多。誰知作賦梁

園後腸斷徒聞蒿里歌

燭昆日子明為掌公妹倩掌公韓詞十章
可謂文生于情不能盡收故僅錄其一

懷子升

京洛三千客路長。去時風雪滿河梁。夢中夜夜同攜手。覺後依然是兩鄉。

戈元穎 七見

子規

五更花外轉。霏微聽罷。征人淚濕衣。兵革近來何地少。未應長喚不如歸。

柳州詩集

卷十

七言絕

五

卜臣日晚
唐佳作

宮詞

嚴飈拂曙曉淒淒。雪壓官花萬樹低。深殿不愁綿易折。內官擎出辟寒犀。

和沈默菴南湖曲

春曉鸚鵡宿雨晴。亂帆西接語兒亭。東風無限新栽柳。入暮樓臺幾處青。

王辰 五見

天啓宮詞

豹髓燈懸鵲鵲紅。鑾輿安罷帶雕弓。救教繡鏡三千隊。共赴西園看射熊。

沈鰓 二見

聞角

畫角黃昏咽戍樓。忽疑身在古涼州。長風吹落金波影。散作關山萬里愁。

贈妓

纖腰曾向掌中來。那使蓮花布地開。飛燕身輕飛不去。隔溪疑有避風臺。

柳州詩集

卷十

七言絕

五

陳暉吉
六見

塞下曲

胡雁哀鳴霜正清。秋風先到受降城。無端吹落關山月。一夜鄉心笛裏生。

采蓮曲

越女紅粧映落霞。蕩舟南浦採蓮花。莫愁日暮無歸伴。明月隨人到若耶。

達夫曰妙
合自然

陸凝 四見

從軍行

木落邊城秋氣深。故鄉渺渺絕鴻音。最憐萬里沙場月。還照閨中夜夜心。

錢士賁 七見

春閨

紫燕飛飛入畫樓。銜泥刷羽及春遊。絲華總是傷心事。那得消人千縷愁。

李孫煌 五見

秋泛

柳洲詩集

卷十 七言絕

五

洞庭木落水增波。蘆荻蒼茫隱棹歌。最是愁人聽不得。秋風吹徹雁聲多。

曹爾垣 四見

採蓮曲

菱歌初引日遲遲。菡萏迎風欲放時。競打鴛鴦拋約臂。生憎兩兩宿連枝。

赤茂曰頗近晚唐然有新致

周振藻 六見

四時閨曲

深下重幃夢不成。綠楊枝上鳥啼聲。妾家高閣臨芳苑。愛向東風度玉笙。

其二

銀床曲榭納涼時。宛轉新歌白苧詞。不見鴛鴦七十二。空憐菡萏發華池。

其三

霜凋錦樹映堦紅。處處清砧送晚風。無奈空閨聽不得。斷腸聲在月明中。

其四

柳洲詩集

卷十 七言絕

五

金雁銀鴛不耐寒。舊時舞袖着來寬。陽關千里愁無限。斜抱箜篌未忍彈。

交讓曰四詩妙有含蓄自是盛唐

魏允札 八見

掌公曰州來七言絕語意新奇韻格超逸

塞下曲

飛將軍庭出大荒。朱旗半閃陣雲黃。月明鏡吹前軍作。知是生擒日逐王。

又

玉笛橫吹出塞歌。健兒十萬下交河。單于不敢當。
騾騎夜半乘冰走六羸。

肅陶曰
新警

楊枝詞

二月東風拂地時。灞陵原上已如絲。可憐妾似春
楊柳。每向關山送別離。

又

堤上烟籠十里長。樓頭曉望鬱蒼蒼。攀條怨別人
何處。樹樹南枝斷妾腸。

柳洲詩集

卷十

七言絕

三七

小遊仙詩

香散氤氳紫葢中。雲房華敞倚高空。驅雞直上天
門去。好着青裙拜水公。

又

九光燈下聚群仙。九色斑龍集殿前。盤內玉桃頻
賜食。玄靈曲罷奏鈞天。

又

五色芙蓉海上浮。彩霞白鹿降仙洲。百花橋畔還
鄉日。已度人間十二秋。

又

春日風微駐壁車。唐昌玉蕊長奇葩。迴看鳳駕凌
霄滅。解道神人亦愛花。

達夫曰。州來有小遊仙十章。今
登其四。俱跌宕流美。詭而不浮。

陳哲庸

聞笛

花滿疎簾月滿卮。萬山秋色漏深時。數聲玉笛臨
風發。落盡梅花楊柳枝。

雨夜聞雁

柳洲詩集

卷十

七言絕

五

妻妾哀怨入寒雲。度雨迴風斷續聞。自是高樓愁
易劇。清宵况復念離群。

曹爾延

四見

竹枝詞

勞勞亭畔暫徘徊。郎欲辭儂潮欲回。只願郎如潮
有信。早潮纔去暮潮來。

交讓曰。介州亟賞此種詩。取其似俚而實
雅也。若竟以吳歌目之。便爲僞父之識。

錢嫌

六見

哭子明弟

玉樹行中第一枝。孫謀屬望重當時。韋家經術今何在。展卷徒存祖德詩。

陳哲倫 六見

旅夜聞笛

月明橫笛在誰家。秋入江城落彩霞。一曲關山吹未盡。那堪楊柳又天涯。

聞雁

霜落天空樹影疎。西風蕭瑟雁飛初。可憐南北常來去。只爲人間數寄書。

初洲詩集

卷十

七言絕

五

釋賡曰本是尋常物色語而意特清出

孫復煒 六見

再哭子明

絕憐玉樹瘞蒿萊。叔寶風姿輔嗣才。腸斷白楊秋色裏。幾人同駕素車來。

又

從容揮手謝平生。自祭曾傳靖節名。君到九原無別恨。一庭萱草月三更。

曹爾壇

四見

秋閨怨

月光斜上畫簾遲。冷露淒淒溼桂枝。獨聽悲笳人萬里。數聲吹徹五更時。

曹鑑章 七見

從軍行

征人萬里度黃沙。回首秦川道里賒。青海戍頭橫吹發。關山一夜落梅花。

過易菴舅氏故居

芳草空庭綠正稠。生存華屋竟山丘。嬌歌艷舞知何處。莫向樽前話舊遊。

初洲詩集

卷十

七言絕

六

何處莫向樽前話舊遊

獨崑曰半疊西州之淚余有同痛

吳宮詞

越女吳妝映水妍。紅蕖玉靨兩堪憐。浣紗不及江南樂。日日香溪學採蓮。

秦宮詞

捲衣初被進阿房。童女如花枉斷腸。三十六年空望幸。可憐一炬燬咸陽。

釋賡曰意特超脫

李 炯 四見

宮怨

桂殿蕭蕭落葉黃。玉階細草拂秋霜。月光斜照鴛
衾薄。夢斷宮車夜未央。

陳謀道 七見

送蕭五雲先生遊金陵

鴛湖此日駕扁舟。刺史襟懷不暫留。一路蟬聲聽
不盡。隨風散作萬山秋。

其二

柳洲詩集

卷十

七言絕

空

晴秋萬里越山青。送別長亭更短亭。樽酒莫辭今
日醉。明朝遠道正揚舲。

其三

蘭橈錦纜月初落。天高影自疎。君到石頭應
見憶。南來鴻雁好貽書。

赤茂曰清
雅有致

西湖雜詩

芳洲蘋葉綠萋萋。目極天涯雁影低。獨有風塵吳
市客。狂歌縱酒斷橋西。

魏允桓 二見

伯兄北上久不得耗。詩以懷之。

蕭颯西風木葉乾。十年裘褐向長安。可知白髮高
堂夢。夜夜征人馬首看。

陳 秉 八見
卜臣曰虎臣弟年少未嫻格
律此作粗能言情故錄之

虞美人

漢兵四面北風寒。馬上悲歌淚未乾。芳塚只今春
草綠。低迷猶作楚宮看。

柳洲詩集

卷十

七言絕

空

李 壘

後學周葉續全校

曹鑑倫

柳洲詩集十卷

浙江巡撫
採進本

國朝陳增新等編增新字子更嘉善人柳洲在嘉善
熙寧門外順治初增新與同里魏學渠等結詩社
相倡和稱柳洲八子其後攀附者日衆因遞次所
作錄爲一編共七十餘人其詩體格相似大抵五
言多宗選體七言悉學唐音猶明季幾社餘派也

江左十五子詩選十五卷

〔清〕宋華選

蘇州大學圖書館藏清康熙四十二年宛委

堂刻本

附《四庫全書總目·江左十五子詩選十五卷》提要

周官大師之職教六詩必以六德德之六者天子巡符則命大師陳詩以觀民德之六者其人可知也觀於詩不一人人不家藏舊本可知也予不敏建節撫吳且一紀休養以無事既久而民安樂之則日以多暇乃得振興風雅後先賞識名人才士於大江南北間凡十五子著於篇夫人三爲衆至五其三而衆大萃矣雖江左人文實繁然在吾左轄之內者其亦庶幾無畱良矣乎昔吳季札觀周樂工歌十五國風本無吳非自孔子刪之蓋其時僻在荒服風氣未開漢魏以來文人代興詩乃漸盛至於今而極豈非由今天子濬哲文明言成雅頌久道化成於上而大江南北不然從風遂甲天下也與夫上古之九歌用以勞民勸相而春秋君卿大夫燕饗答貺率歌詩以交鄰國往往尙禮而息兵如鄭七子及六卿賦詩見志之類以其有用故貴之也豈若後世月露風雲爲無益之藻繪也哉今十五子中有連茹而升巖廊者亦有翹羽於將來者予咸望其載賡明良矢音卷阿作爲雅歌而追虞周之作者詎不偉與予嘗舉是集與老友邵子湘氏共精選而存

之得三之一授之梓詩無甲乙以齒次第十五子
 者曰王式丹方若曰吳廷楨山楨曰宮鴻曆友鹿
 曰徐昂發大臨曰錢名世亮工曰張大受日容曰
 楊榆青村曰吳士玉荆山曰顧嗣立俠君曰李必
 恒百藥曰蔣廷錫揚孫曰繆沅湘芷曰王圖炳麟
 照曰徐永宣學人曰郭元釭于宮但著其地而不
 書其爵蓋所期者遠也憶人才之生日盛士本六
 德以陳詩於大師者又豈十五子所能限乎行勉
 而竣之則吾猶有望康熙癸未且月商丘宋犖序

江左十五子詩選總目

卷一

王式丹

古今體詩一百四十首

卷二

吳廷楨

古今體詩五十三首

卷三

宮鴻曆

古今體詩九十三首

卷四

徐昂發

古今體詩一百一首

卷五

錢名世

古今體詩四十首

卷六

張大受

古今體詩五十九首

卷七

楊 倫

古今體詩六十六首

卷八

吳士玉

古今體詩四十二首

卷九

顧嗣立

古今體詩一百三十一首

卷十

李必恒

古今體詩一百三十二首

卷十一

蔣廷錫

古今體詩八十四首

卷十二

繆 沅

古今體詩八十三首

卷十三

王圖炳

古今體詩六十六首

卷十四

徐永宣

古今體詩六十四首

卷十五

郭元鈞

古今體詩六十六首

江左十五子詩選卷一目次

商丘宋 犖牧仲選

毗陵邵長蘅子湘訂
商丘宋 至山言校

王式丹

擬謝康樂遊山

惜春詞五首酬喬楮堂表弟

疑菴目青復明詩以志喜兼道鄙意

次韻答姚曉嵐二首 選一

邨居志感呈喬侍讀表叔五首 選二

高郵道中 秋邨酌客

茆店

疑菴新開小齋書來索詩二首 選一

是歲十月劉雨峰駕部暨其長公鹿沙先

後初度鹿沙自爲覃宇韻長歌索和時

劉後齋都諫暨馮文子殷桐高皆有作

來促予詩因疊韻爲贈

讀家霜臯叔墓誌有感卽贈崑繩弟

十六夜劉雨峰駕部招飲次韻

鐵脚道人詩

喬侍讀表叔暨楮堂表弟葬有日矣撫今

追昔泣然有作卽寄無功介夫

呈新城王公 榆耳

蕭尺木凌歊臺圖 夜行

東昌弔鐵尚書 南池

射陽弔臧東郡長歌

白馬湖二首 選一 東軒歌爲韓醉白作

周中行貽秋花一籃並將以詩奉酬一首

雜感詩二十首 選九

與李蒼存話舊 天門引

蛟龍引 霹靂行

日食有雲遮之

暮春雨後宴集再東閣次雨峰韻二首 選二

燕壘謠

曉起乍寒感堦下晚花三首 選二

蓮池菴看菊贈天峰上人四首 選二

蓉江燈夕兀坐僧舍篋中偶攜歐蘇陸范

四君子集其中各有元夕詩閒吟獨酌

漫成一首 睢陽廟二首

大理石屏歌呈甘泉先生

跨虹橋曉望 韜光菴

于忠肅公墓 烟霞洞

次韻弄珠樓二首 選一

瓜步開口停舟

拯溺圖歌爲張令君作

晚過楓香舖 曉渡漢江

江夏城上懷古二首 選一

西爽亭冬杪漫興八首 選四

南中書事 石鐘山

小孤山 采石磯

黃石齋先生楷書孝經西銘一帙張明府

先世珍藏也摹勒上石見貽一編敬書

其後

無功招遊縱櫂園看荷花薄暮泛舟月下

四首 選一

次韻田公湖隄絕句十首 選五

次韻湖堤絕句後十首 選二

題龔敬立意止齋圖

雨後中丞公招同喬無功介夫朱恭亭讌

集因觀名畫卷軸次白田兩夜詩韻

玉帶生歌 題宋山言學詩圖

南唐宮詞十二首 前蜀宮詞十二首

南漢宮詞十二首 後蜀宮詞十二首

題徐昭法先生澗上草堂畫幅兼貽西照

頭陀 雙烈祠

前少司馬繩海張公字卷書後

江左十五子詩選卷一目次

江左十五子詩選卷一

王式丹

方若寶應人著有龍竿集畢蘇集

擬謝康樂遊山



端居感心跡寂寞方至今支離寓遠目牽綴託會吟暫辭微官縛肆覽名山岑淺茸冒幽石半規冠高林巫湖遙澹淡斤竹近荒沈天雞南山曙夜猿石門陰穿雲瞰蒙密攀蘿步嶇嶇嵐濕空翠影泉響清琴音巖花裏屐齒天風動衣襟形神倏超越俛仰猶蕭森靈境成獨往美人勞我心蘊真良有託緬邈方探尋

惜春詞五首酬喬楮堂表弟

正欲作詩與楮堂十日不見春茫茫長鬢忽持五絕至開緘四壁風花香
二月東風吹已破嬉春未賦東維詩雨師顛狂不肯住剛過淡紅香白時
畫川川上春陰寒今朝晴旭開林巒鶯簧燕剪更不歇蝶粉蜂鬚纔劇乾
主人注易停酒船昨投詩報殘春天酒伴急須招四五酒錢肯惜捐十千
被花惱徹花不知顛風狼藉餘幾枝欲挂長繩繫

春住催歸一聲春別離

疑菴目青復明詩以志喜兼道鄙意

疑菴所居名雷雲室

自號雷雲子

卓卓雷雲子造物啟清閼虛有玄覽酸醎非俗嗜凡其目所經意愜好迺摯插架前人編披覽飢待飼哦詩送日月歲鈔積奇字蘊真逢友生有作出相示翦燈傾舊醅笑視不逆意書閣對小山松桂左右侍時攜愛酒伴入林商裁時白白兼朱朱當堦呈嫋媚平生集古癖裝潢聚奇秘況有秦漢物兼之宣成器愛劇十五女几席冷光膩私記寶

小紅雕鐫出程邃韜之古時錦睨之喜不寐客來

沸珣玢兩腋生清吹火候窺蟹眼頭網便可試未妨動機心坐騁方罫地茶熟棊一終破除閒中事事各關性情一皆以目治玻璃貯秋水萬類隨所值如何翳膜生二年爲之崇天既雷斯人詎令長瞋睡所以卯金君倏自東海至一朝施金鑲如撒蒙頭被異哉雙瞳中運此鋒鏃利昔青目之劫今明天所賜便令諸嗜好一一還清肯譬彼離鄉人忽焉復其類親黨羣走訊喜躍乃不啻忻忭既以深寶嗇良不易戒怒而節勞斯言非無爲光以不

用生如取火於燧用以善藏全濟水乃弗匱請君
試聽之炯炯安其位願言當頌禱長生更久視

次韻答姚曉嵐二首 選一

打頭矮屋只三間簷隙斜明月破環涼吹一簾飄
夜露孤雲兩角墮秋山自能省事驅除病不廢栽
詩勾當閒莫怪逢人科跣慣比來禮數已全刪

邨居志感呈喬侍讀表叔五首 選二

一笑年來噩夢空相尋隴上荷鋤翁綠圍四野瀟
漫雨黃覆千塍掩冉風小犢斜陽眠舍北荒雞落
月詔牆東拊膺未是耽高蹈只有爲農術易工

辛辛詩集卷一

三

戢影已判百慮刪側身懷古涕潺湲崢嶸牛李玄
黃血踟躕膺滂虎豹關抱壤蝓蟻甘似蜜當門蘭
蕙賤如管請看較雨量晴地不怕風波到此間

高郵道中

艣枝鴉軋破潭烟野店西頭月已懸十里湖堤青
草合露筋祠畔水如天

秋邨酌客

西風捲雨日初斜秋老孤邨感物華栖畝稻孫能
放葉沿籬豆婢不成花鴈鴻叫野知尋侶豚犢綠
堤各識家且喜新晴農事了共君把酒翫明霞

茆店

又投茆店宿寒氣倍凌兢月墮催村柝風鳴慘壁
燈客囊隨臘盡鄉夢偏年增夜起何恩促惺忪百
不勝

疑菴新闢小齋書來索詩二首 選一

岫裏孤雲原不出天邊倦翼未知還何時白石清
泉地著我書籤茗椀間當砌雨澆花羃歷掠簷風
送鳥綿蠻淮南本是神仙宅飛夢時時到小山

是歲十月劉雨峰駕部暨其長公鹿沙先後
初度鹿沙自爲單字韻長歌索和時劉後齋

辛辛詩集卷一

四

都諫暨馮文子殷桐高皆有作來促予詩因
疊韻爲贈

公等勁敵韻疊三而我嘿然中心慙自顧老大髮
種種詎同年少青鬢鬢一舌漫笑張子在七事難
強嵇生堪狂來牛弩揮幾弓酒中鯨吸傾千僖東
城何人最好客路指海岱停羸驂樹霏夜雪正凝
白天開朝霽如拖藍君才有似出林木橫梧楸梓
杉松楠憐子癡客畱王湛愛君名士同劉惔閒齋
烏几塵不浣青氍四角垂毵毹新詩一帙快傾瀉
春空藹藹浮烟嵐豈但會昌窮處士苦吟短什栖

雲菴當年白田恣唱和韻拈單字相伍參

向有白田唱和集悉

用單字韻誰騁偏師破堅陣龍文百斛君能擔京華旅

食亦已久儒冠何日叨朝簪掃門溫卷不得意候

蟲時鳥同詆誦筑聲倚歌闌燕市決皆岸憤何航

航城南聯句筆齊落

余與雨峰父子有看狗聯句

有如食葉叢春蠶

割截上腴錯珍怪尋常不買羅餅餡三江五湖大

國楚曹鄴亦復收子男羨君父子詩酒樂虎頭噉

蔗方餘甘一月數逢初度日客中寧謂非美談座

繞梅花浮竹葉盤剝白笋分紅柑但使懽懽共一

醉小山且莫思淮南

讀家霜臯叔墓誌有感即贈崑繩弟

窆石初封雪窖新墓門應識宋遺民生前淚咽精

魂苦死後書傳舊事真此日長編無定論當年亡

國果何人所南鐵血傳荒井一樹冬青慘不春

叔有

崇禎遺錄是正傳訛其自序一篇計載墓誌

十六夜劉雨峰駕部招飲次韻

明燈粲若星圓月當檐大中筵發興新按曲方入

破輪囷鯨吸川歛忽鉗已臥玉虬促三更揮杯猶

堅坐衫袖滿酒痕顛狂冠幘墮遊人尚轟騰螳陣

門前過里謠及村謳金鼓聲相佐主人亦高歌爾

歌吾能和驪駛困鹽車脫轡真可賀飛揚跋扈姿

詎爲一官挫

雨峰困于鹽倉歲杪謝事是夕自歎其詩

鐵脚道人詩

雪沒山尖插雙脚一掬寒香沁齟齬閒披沆瀣誦

南華獨倚烟嵐招白鶴祝融之峰何崔巍盪胸雲

海紅輪開道人一笑凌空去惟有霜風吹老梅

喬侍讀表叔暨楮堂表弟葬有日矣撫今追

昔泫然有作即寄無功介夫

白日沈西山酸風咽廣陌步出斜街東東有寓公

宅去年一庭花嫣紅間香白今年及花時風景忽

已易翻蓬不繫蒂奔車無停輓變幻如須臾撫今

而悲昔誰者悲最深書堂舊賓客

猛虎負嵎怒誰前將其鬚當衢有巨蟒見者蹶而

趨丈夫厲風節鴻毛七尺軀對仗屹山岳敵詞關

枝梧至今江淮間謳頌聲載塗福物乃自禍人或

嗤狂愚嗟彼螻與蚋所見徒區區

古者重實學今者崇浮名儒林與文苑乃至分北

聲行鴻濛啟朕兆奇偶苞元精堂堂四聖人寶道

日月明後來箋注家軌轍紛縱橫先生哀羣言鑑

空衡以平斟酌洛閩理脗合周孔情平生富文藻

本重末則輕微言兼大義詎恨書未成少孫吾何敢念之涕如縷繫辭注未竣遺命見矣

世人一何愚作偽墮諸苦先生迺大智善為樂之府廣廈所庇覆惠風所溫煦名德彥方尊高義曾連取湯湯東城水畫橈戛柔櫓十畝芙蓉花的爍霞橫浦曉山翠娟娟雜英互媚嫵暇即攜朋好笙歌按一部午橋與輞川疇云今非古皇天斂斯人殄瘁悲吾土鸞翻一以鍛鴟梟叫其伍車子戕遊麟怪風走猓猓

儲得一斛淚迸落為楮堂楮堂今何之絕命詞哀

辛未年詩選卷一

傷殷勤念故人死生不相忘絕命三詩首章見及去年夏六月

聞計天一一方其父方觀疾其弟親藥湯侍讀公病疽京邸介夫侍疾

其兄撫含斂時無功家居飛書報倉皇其母腸斷絕哀哀

慘失明其子纔總角其婦稱嫠婦清詩收殘帙鈔

墨韜寶光精詣觸鬼忌元氣散莽蒼轉眼今年秋

響像空茫茫其葬將有日隨父歸北邙其友滯長

安聞之淚浪浪是父與是子相繼乃溘亡黃塵暗

西城落月思舊鄉樂樂兩棘人與我同摧藏遲歸

闕視空掬淚書五章

呈新城王公

泰山連梁父堯堯摩青天絕頂見海日俯眎九點

烟天下所宗師濟南王與田山疆敞門庭受經久

駢肩束髮誦漁洋曾未執一鞭初集逮續集端坐

時探研大雅一以邈偽種滋流沿百川各異派清

濁紛鳴濺夫子溯原本疏淪星澥泉渟泓而潏沅

莫窮其際邊古篇聽進退物象供鏤鐫獲領一語

妙便令塵情前九衢盛車馬蠅螬喧闐雲亭清

如水退食手一編涼颺動繁卉幽香展鳴絃蘚徑

屐齒絕積雨紫蜩次堯藩拔俗姿入室良有年猥

以小巫說呈之大匠前慚無水曹句謬荷尚書憐

彦來以豐臺拙詩十
二章呈公猥蒙賞譽

淮南桂華冷葦間自洄游寂寂長

遭嗟翹望雲中仙驂鸞駕白鳳霞衷飄翩翩粲然

顧我笑濁質思飛翺名豈隨俊及分欲依崇宣造

車無岐轍斤削通師傳青原及南嶽宗印一味禪

秋官與農部奉教皆大賢自謂遊其門匪結市道

緣願言窺籬林指授披玄詮歲寒有吟侶彦來有陽歲寒吟

坐同勉旃

榆耳新城公坐中分賦

我聞種白榆歷歷在天上何從摘耳來充盤雜吳

餉夫子琅霄姿沆瀣為供養駢羅厭羶腥金異標

遐尚致此自僻遠枯樗煙雨釀輪囷天花儔翦刻
雲葉樣托根列董蘆融液異舊醬蘇頌遺圖經嵇
含闕名狀桑蛾與槐雞品第應多讓茅薑下鹽豉
柔滑一盂漾直教放筋空飢腸太酥盜淮南有祕
術辟穀毋乃詎勿用神仙方且變肉食相嘉筵奉
良會賦物冀高唱

蕭尺木凌歊臺圖

新城公坐
中分賦

高堂素壁雲氣生莽蒼一愔秋山明蟲空截葉勢
千丈飛流樹頂如聞聲借問此景從何得凌歊臺
畔青崢嶸大江東來抱姑孰天門竦立牛渚橫崇
臺拔地接星絡湘雲巴雪相逢迎寄奴賣屨作天
子目營八極憑江城燕秦電掃自豪喜三千歌舞
隨霓旌至今英雄久灰滅漠然山高而水清鍾山
有客癖撫仿坐揮墨潘千升傾不爲永初繪巡幸
臥遊自欲酬生平橋頭策杖者誰子幅巾瀟灑攜
秋英母乃義熙老處士獨依松菊歌閒情謝宅已
荒桓井廢斷碑苔蝕畱空名何當埜立下幽聽慈
姥夜裏琅玕鳴我來讀畫三歎息萬年之計徒屏
營涼宵對此且痛飲西風颯颯燈熒熒

夜行

天邊缺月上微明客子孤舟方夜行十里五里見
村落三更四更聞鼓聲雞鳴犬吠破殘夢霜氣星
光浮太清多少閉門人睡熟路旁應笑太勞生

東昌弔鐵尚書

尚書烈烈舊專城戰苦惟憑兩日爭靖難只應同
老漚成功豈不似陽明誓心埤上高皇字飲恨門
邊鐵板聲厲鬼定從榆木去至今箕尾認精英

南池

大河帆艦酒樓邊重訪南池意惘然呼起謫僊偕
杜叟飄殘白露憶青氈枯荷欹澗無秋水老樹遮

江寧李詩選卷一

牆有暮烟任今不來許簿去斷碑零落舊詩篇

射陽弔臧東郡長歌

驅車射水陽陵阜亘亘峙歎息矚故墟邈哉漢烈
士東郡太守標英風卓犖冠絕淮海中柱頤自仗
三尺水摩挲顧盼惟張公漢室崩淪千里草建義
同心奮天討高壇迸血糾羣侯后土皇天泣酸棗
躊躇雁行事已虛北走幽燕通誓書關河阻絕失
故主邂逅何來袁本初四州專窟自狡兔勤王大
義空歎歎阿瞞憑陵咽吭扼南望雍丘困偏側一
請再請恨未伸鼠子敢爾義所斥孤城環甲鋒鏑

裏上報天子次知已冀州作賊急合圍血戰城頭
落日紫援絕糧空鼓無聲三軍飲泣爲君死帳前
瞋髮挫姦威殉難捐生笑談耳其時郡丞正氣俱
一日同歸義不孤却憐孔璋好才調聊城射矢徒
區區由來丈夫重奇節披瀝心肝勒冰鐵夕陽荒
隴畱遺蹤浩氣穹蒼耿英烈纏霜老木一千年夜
夜悲風嘯寒月

白馬湖二首 選一

襟帶成天險渾淪慮殫河波濤通汴泗風雨挾蛟
鼉水落津涯出天清烟靄多安瀾猶在眼疏鑿近

如何

東軒歌爲韓醉白作

去歲別君燕市雨今歲訪君蕪城秋不到東軒逾
四載相逢一笑成淹畱寒暄甫畢問近狀重君意
氣高雲浮君才何啻較十倍平生惆悵經百憂憶
昔呱呱纔墮地江關流血腥邪溝黑雲如盤覆晉
井儒冠節烈崇山丘幕府獻策事已去空傳韋牘
摹鍾繇史公殉城韓公繼雙騎箕尾晶芒收孤兒
離母吮母乳天昏鬼哭宵啾啾哉辛家一老婦
厥功直與程嬰倖殭屍夾臥蹠萬騎神之所護非

人謀卽今磊砢天下士乃從患難延冶裘醉白尊人
殉難及辛
嬀全孤事隻身營家自挺特噉音牖戶工綢繆手展
父書淚千斛聲華迭邊騰齊州古來才大難爲用
雲飛蛙黷潛螭蚪鳶肩火色有際會如君豈合終
此不讀君家乘吟君句萬古欲共江河流霜天蕭
城共俛仰茫茫四顧風颼颼故鄉田廬莽水國思
隣三徑偕羊求過旬且辦撥歸櫂白鷗浩蕩烟波
愁

周中行貽秋花一籃並將以詩奉酬一首

憂端如蠶衣糾紆不可理開門視高天秋色忽如

此周子有清癖生事萬花底一畦手栽蒔布置各
有以拭葉搜蜘蛛墜根剔蟲豸愛劇於好女婀娜
嬌未已惜哉風雨狂拉雜摧披靡苦遭茅屋破瓦
礫所橫被一時人與花掩泣泣相視風濤汨郡邑
餘虐乃及爾捲茅且勿歎芳菲悵已矣入秋幸久
晴披尋滌泥滓繞砌細扶持柯條弱相倚天意憐
餘生殘莖出新蕊譬如兵凶後瘡痍乃復起亦如
我久病漸瘳稍色喜我方書掩關虛過九秋裏登
然來長鬢手擎紅間紫花花何芬榮葉葉亦鮮美
既采秋一叢兼致詩一紙捧詩嗅秋香胸臆豁蒙

否急招周子至對花傾綠螳此皆摧折餘復得數
華嬌自非培護力曷由甦既死榮悴會有時人生
念終始有酒復有花聊共爲歡耳

雜感詩二十首 選九

捲波淮堰浩無邊釜底孤城一綫懸瀕死子遺依
野岸幾時墟落起炊烟沈沈未偃龍鼉穴敝砌方
支雪霰天傳語流移休遠去 皇恩畱命待桑田

吾鄉屋有賑濟

怪雨盲風去鷁迷高原水出與簷齊

余於七月廿四日舟過邵伯值大風雨是

日水長淮黃一夜沈江北歌吹三秋咽竹西奏入

辛辛詩選卷十

十一

殿廷勞喚咻憂分司牧圻雲霓青州富弼今非遠
側耳飢鳥徧野號

高和遺篇歸去來可能懷抱向人開此生自託鏡
爲命不好無勞鳩作媒蘆葉漫逢秋後雁蟲窠幾
聽雪中雷蒼茫不下王章淚莫傍牛衣更論才

跋馬當年向帝都鞭絲禿盡自胡盧功名剛道磨
菱刺世態真成剝栗秤萬里鳬鷗波浩蕩一宵蝴
蝶夢虛無朝來敝簾繡書卷惆悵東村放牧圖

夢到風烟覺後疑十年磨劍竟何爲生能富貴亦
偶爾時有英雄良可知長揖誰當推健者低眉爭

甯事纖兒酒酣雙耳猶應熱吹徹西風一領絲
貢媚有靈羣幻怪稱尊無佛亦荒唐豬婆狎浪迎
螺女木老投巖拜竹王水上冰將融煖律形邊影
易隨斜陽謀身自合求長策掠眼菁華爲底忙

閨闈何從問碧翁九衢風雪正迷濛彈箏擘脯客
懷刺躍鳳翔蛟文送窮那得是中真有鬼却教怪
事枉書空從今只學希夷睡一幅團蒲訪華嵩

塵埃蹤跡逐秋蓬香炮燈光此夕中對客敢論牀

上下移家只在灤西東雲邊容與初斜月霜後調

刁乍朔風歸去柴門掃花徑滿邨黃葉暮烟籠

辛辛詩選卷十

十四

三十年惟成噩夢五千卷不塞飢腸誰能堪此情
難免焉用文之隱亦將盡裏斗儲分鶴柵屋邊寒
潦上魚梁幽偏最喜無人識獨倚枯藤看夕陽

與李蒼存話舊

打槳渡湖去去去都梁山山上何所有白雲擁華
鬢山下何所有清淮流潺湲我有素心人結宇居
其間昔者遊京洛跋馬同追扳相逢大道揖荆高
關市闌造物忌才名一第爲君慳穎末雖少見睥
睨凌九關天池戛扶搖倦翼暫一還故園松蘿謾
小徑花斑斑重繙讀過書蕪穢隨手刪春寒二月

半我來自涇灣東陽萬頃雪乘興忘路艱入門笑
相眎喜君猶昔顏秋風邇往事袞袞又一班君才
必有遇我老成堅頑且當入座把君酒燭花一顆
開紅殷高林晚晴鵲新喜缺月西墮弓初彎披篋
讀君出都句快若以指循珮環詩能窮人窮益工
乃知此語非欺謾屋角參旗過夜半荒雞情話猶
能攀天涯依舊南州客髯濤一榻聊耽閒

下榻處顏
曰髯濤書

天門引

紫烟浮浮風舉舉九關哦哦何處所直須白日生

注李詩集卷一

五

羽翰欲換凡骨無金丹昨宵有夢到瑤京遊仙不
見董雙成白玉樓依金闕峙那復作歌人姓李飛
神馭氣到蓬萊海水崩騰海日開千尋鐵網沈波
底七尺珊瑚撈不起豎玉槃中凝冷光鮫人珠淚
傾浪浪雲裾霞帔儼成行望斷天門空綠章淮南
鴻寶憑浪語大山小山誰道許不隨雞犬尋仙侶
錯教人認拖腸鼠

蛟龍引

萬丈蜿蜒翔赤霧轟雷夾入星辰路倏忽變化雲
濤空不在池中在匣中匣中夜半作鳴吼血腥鬼

語風颼颼三尺寒光匹練飛寶璫不握庸夫手何
物細瑣乘昏蒙赤狐黑鳥紛吐虹樹底才逢塞鼻
雖路旁旋見叩頭狐十年磨厲必有為此輩何足
汗青鋒

霹靂行

黑雲壓城電光焱砰礚頽牆飛霹靂城東一間破
茅屋一聲震罷一家哭借問哭者是何家賣魚船
插魚標斜行人見之嗟不已尋常販傭忽遭此蛇
虎噬人竟何底天怒徒令殺螻螳

日食有雲遮之

注李詩集卷一

六

月食詩傳玉川子奮然欲以墓碣死今之食日復
何物陰魄橫截陽鳥趾漫天忽作潑墨雲安知九
分與十分公府救日不見日縱金伐鼓空紛紛古
來煬竈在左右蒙蔽不冒露脚手機械翕張蝨腹
心外施局鑰箱萬口太陽逢妖變不測觀者隔雲
如無有雲本山川氣所出敢為妖黨結霧雲安得
一劍抉萬重便驅黑青墮地走天光澄澄日晶晶
迅掃何啻操大帚可憐玉川蟣蝨臣側身仰望徒
斤斤手無利器獨危坐明日平章將表賀

暮春雨後宴集再東閣次雨峰韻二首

選一

踏閣穿林細霧沾霏微几席敞虛檐桃花開後鰕
魚美春水生時茭笋甜未怕酒痕傾白袷還思波
影盪青簾十年醉醒東臯路更唱江南昔昔鹽

燕壘謠

前溪啄晴沙晴沙裏落花別院掠微風微風接飛
蟲呢喃只傍觚稜東側翅珠簾第幾重穠穠野鳥
湖之涘朝鳴暮宿菰蘆裏不須苦羨雕梁壘自引
雙雛拍春水

曉起乍寒感堦下晚花三首 選二

曉枕忽若冰寒憚膚生栗楊子紙新糊澹白冷朝

李季詩選卷上

七

旭小砌一叢花朔風恣撼觸天心雖肅殺萬物有
結束當其天韶時紛紅與駭綠纖鉅各成就於此
得止足人生嗟幾何草草靡定局未華安得實春
秋漫相續徒有千尺柯霜封而雪沃

觀化苦不常乘時苦不早菁華本易竭功成退自
好不見枝頭實反璞以爲寶可憐殿秋花英英媚
晴昊蒂萼纔展舒風霜旋潦倒百年念生平緬邈
托懷抱未得早芳菲何不終枯槁曩哉商山人採
芝以佚老

蓮池菴看菊贈天峰上人四首 選二

入門頓灑然參差見秋花冶黃與嫣紅碎翦十丈
霞惚恍維摩室珠林雨華葩塵埃一以掃羣坐寂
不譁心清繞屋香微風落簷牙

寒露折野草墜葉紛委翳移菊方升堂一一護根
蒂始知萬象外別自得津逮請君定中參妙香入
冥契白日過牕櫺鐘聲到水裔

蓉江燈夕兀坐僧舍篋中偶攜歐蘇陸范四
君子集其中各有元夕詩閒吟獨酌漫成一
首

小院微覺春雨葉匝堦罅暮色一逕深梅花數枝

李季詩選卷上

六

亞歛然耿清光片月虛簷下借問此何時佳節試
燈夜萬方喧一檠江城亦怵麥百面疊鼓鳴雙響
浮雷炷天涯有客子掩耳坐僧舍古龕暗琉璃孤
檠對書架我本寂寞人閑闌久所卸頗有不速客
異代才可借歐蘇文場帥范陸吟壇霸各呈燈夕
詩晶芒互凌跨六一與世疎朱憶羞俗駕 用歐公元
夕登東樓
語 儋州亦戊寅十年悲代謝 用眉山戊寅上
元通儋守詩語 破帽髮鬚
髻山房殊自訝 用放翁上元
前一日詩語 作劇看兒童鬢絲足悲
吒却笑俳偕篇吳俗漫相詫 石湖有正月十四日小集詩又
有上元紀吳下節物俳偕體
所遇感其時一一璣璫瀉參差想神采談笑儼迎

迺何以酬嘉賓大酒呼邨醉卷江俗有
小大酒尚能具豆菹

亦復縷海蛇舉觴咀妙語安用行脯炙微酣起踏
歌風谷答吟砑雖非和節足庶免聒歌歌坐覺市
喧銷清興自閒暇徒倚夜如何寒蟾過西樹

睢陽廟二首

曾披唐史傳遺烈百戰孤城蹟不磨犄角力堪殲
寇盜殞身功已障山河名先李郭懸青簡血並南
雷染碧莎此日櫺前修一拜陣雲邊月想悲歌

繡幔烟沈鐵面寒衝冠餘怒尚桓桓戴天定不偕
阿洛斫地還應滅賀蘭鐵騎賀蘭進明號下
為觀者極擊止存半體萬古歲時

卷一

九

尊俎豆九幽靈爽託筵筵即今燈火傾城市彩繪

旌旗徹夜看唐前燄屏畫睢陽戰
事元夕傾城聚觀

大理石屏歌呈甘泉先生

井野雲光一千尺化作點蒼峰頂石宣和搜剔特
好奇十二屏風黛螺碧迷離片片米家山鏤玉紫
花瑩光澤物換星移幾百年天上人間慨遺跡先
生集古當臥遊一幅山青秋水白飄然波面三漁
舟摩摸窪隆細指畫一舟兩頭蹲兩人斜障箬篷
如屋幘一舟漁人立船頭勢疑撒網激湍濤其旁
一舟競欲前俯身貼水方騰擲輕撓鴉軋似有聲

撒漩跳波來絡繹滿陂瀾鬱接浮嵐翠色千層落

山脊異哉眼前得此景俛仰蒼涼閱今昔謝公雅
志耽山水水有澄清山岸客扁舟偶訪玄真子海
上還逢釣鰲客莫言小物作近玩決潏烟波生几
席何當咫尺起風雲恐有蛟龍移窟宅

跨虹橋曉望

愛此曉色好披衣登跨虹山嵐與水氣合併一鴻
濛須臾初日上隱映孤山東宿霧漸以斂波穀搖
微風羣峰了可數花林見殘紅西湖多好景喧闐
厭恩恩及此人跡靜萬象凝冲融手掬一泓水浣

卷一

十

滌塵眼蒙眊視忽絕叫妙筆營丘翁四面空翠來
獨立圖畫中纔有小舫過猶聞鳳林鐘

韜光菴

叢篁高蔽日曲笕細鳴泉乍可尋幽逕真成到洞
天佛燈明蘚壁僧磬冷炊烟歎息香山去無人愛
種蓮

于忠肅公墓

自擽熱血灑高穹隻手扶天日月中國安危操
上策外藩影響戮孤忠苔封石馬三春雨烟暝巢
烏萬木風相望鄂王精爽在霸旗蕭颯暮山空

烟霞洞

洞口十官塔刻
南渡諸臣姓名

山烟分翠古苔痕佛手巖前敞洞門細數千官名
姓在當年誰解憶中原

次韻弄珠樓二首

選一

矗雲欄檻憑清湖春風萬籟鳴笙竽山容遙繪螺
子黛海氣欲迸鮫人珠層層高挂塔鈴語幅幅細
翦米顛圖登臨饒有謝公興樓前烟景無時無

瓜步聞口停舟

落日汀洲客棹停聞門喧耳作濤聲淮流陡束臨
江下水勢狂奔與石爭遠岸山昏薄霧合平林月

上晚潮生艱難歷盡乘風去此是天涯第幾程

拯溺圖歌爲張令君作

去秋予嬰陽濟令君夜半駕小
舟冒雷雨往堤所塞決今春鳩

工堅築合邑感之繪圖作
頌號其限曰張公隄云

水宿其芒汎于東井嗟我墊溺誰實用拯

維丑

之秋田宅蛟鼉維隄之下尚有栖禾

支祁如虎

屏翳乃爲翼用潰于子嬰千村以顛覆

解三

電何煜

煜雷何憑憑野哭何哀兩夜冥冥舴艋何駛我公

宵征

四

隄流洶洶公心怵怵秋水濫兮微公孰營

之春水縮兮微公孰成之

解五

有葦在埽束之烝烝

有土在畚築之登登公力拯茲下民兮厥績用升

六
解
回泐其汙蜿蜒其峙來田爾田錯勝以如綺公

惠拯茲下民兮豐年有喜

解七

晚過楓香鋪

迢遞山程結隊齊初冬朔吹已淒淒寒鴉下壠排
牛背衰草連岡送馬蹄鄂渚直依平野北楚宮遙
在亂峰西行行小住楓香路紅葉飄零白日低

曉渡漢江

霧消纔見日風定恰移舟波影連三楚人烟劃二
州亂山臨岸斷灌木隔江稠回首陽邏堡蒼茫正
拍浮

江夏城上懷古二首

選一

西連荆益湘波遠東下光黃驛路長紫蓋飄殘吳
帝去碧雲飛盡楚宮荒前朝茅社原藩輔近日崔
符幾戰場只有霜風催木葉山山終古送斜陽

西爽亭冬杪漫興八首

選四

亭在黃州
署中城上

觚稜亭子冠山城日日登臨倦眼明天影南垂千

嶂合浪花東捲一江橫雷連平楚斜陽在寂歷虛

櫺朔吹生怪底白頭搔更短思鄉懷古劇關情

義山

詩懷古思
鄉共白頭

眇眇愁予望未窮遺蹤指點向寒空月波樓敞傳

宵柝王元之月波樓春草亭荒入梵宮韓魏公春草亭在安國寺旁今廢凍

合坡陀橫北郭凋殘楊柳待東風年時是處關心事只在悽迷杳靄中

赤壁臨江百戰餘憑欄北眺每踟躕三分功業何生亮兩賦風流舊姓蘇野暝烟沈絕懾漫天衰草暗長湖英雄不作詞人去叫徹荒城尾畢逋

楚尾吳頭天險長山川亂後只悲涼荒城舊址排危堞舊城為賊賊刻畫亂後飛礮遺痕洞短牆夏賊破城今者

在鬼火曾看埋戰骨人烟今喜近春陽蠻天箐嶺星羅地早晚兵銷日月光時茶陵小警

南中書事

禹甸墳塋殊廣大蠻方節鉞漫紛紜欲披角鯉池邊草旋攪都鵝洞裏雲孔僅算緡原始既盧循入海豈能軍詔書一紙烽烟靜重見侏儻拜聖君

石鐘山

石鐘山下玲瓏白石鐘山上槎枒碧我來欲叩噌吰音夜靜惟聞水瀟瀟曉烟萬樹鬱蒼蒼踏徧欽崎對混茫鄒元李渤何須問日夜江流悲未央

小孤山

江心突兀生拳石半染蒼苔半枯白烟中絕壁杳

難梯彷彿人行鳥道窄靈旗颯颯碧雲鋪何處彭郎待小姑霞裾瓊珮波光冷獨對西風夕照孤

采石磯

隋山層疊青蒼裏山色林光交隱起杉松落日冷千秋掩映紅牆抱山背騎鯨狂客幾時回故壘銷沈感霸才東西入郢亡吳地枉是江南庾信哀

黃石齋先生楷書孝經西銘一帙張明府先世珍藏也摹勒上石見貽一編敬書其後

上聖開羣蒙要道植根柢煌煌十八章神明通孝悌米稻須鼓鹽石齋先生題詞子孫繼祖禰西銘其嫡系天

石齋先生詩集卷十

親見一體世儒驚虛談局鑰曾莫啟覓哉黃先生潛然萬古涕石齋先生云每念曾子為之潛然東林倡微言金鉞刮塵眯三綱隻手扶正氣徹殿陛灑血舊河山荒江水

瀾瀾忠孝性所生遺編挾冑縈二千六十字箋疏陋盡洗天心照幽暗墨光出行徃蒼蒼白雲庫法書凌蘇米季直與曹娥沂原究其底片葉畱人間畫省珍縉緹傳家壽堅岷金錯鏤蟲蠹專城廣孝治胞與民所徯惠貺逾瑤華盟手方作禮熏之以古香味之如醇醴願言依羹牆常用警寢寐

無功招遊縱權園看荷花薄暮泛舟月下四

首選一

殘霞散欲無暝色下層巖木末纖月生官窈溪光
晚城隅更幽絕進艇信舒緩拂林檀欒深踏波蒲
葦短沿洄紅板橋吹花風滿滿茁茁綻復含蕊葉
舒還卷但知香淺深不辨花近遠晦明良有時回
頭重繾綣

次韻田公湖隄絕句十首

選五

湖上風濤無日無大隄東望羃春蕪朝來霧樹濃
於黛飛出一雙青鵲鵲

撇旋聲聲戛艣枝烟橫浦澈雨吹絲米家畫稿無

人見乞去聲與江南蹋浪兒

漁舟箇箇水之涯丫髻女兒擲魚叉不怕風波相

欺得銀釵笑插蕪菁花

杜詩恰似春風相欺得相字音斷入聲亦見香山詩中

湖邊遊人歸未歸湖心散綺夕照微燕子啄泥草

根立鷓鴣銜魚波上飛

可能歸泛木蘭船檀柘嬉春已隔年三月東風吹

不盡淮南芳草偏芊綿

次韻湖隄絕句後十首

選二

遠樹迷濛水面平拍隄風緊浪花生憑君唱徹公
無渡猶有鳴榔夜半行

銖衣雲際傍高樓望斷春山暮雨愁可似石城催
艇子只應長短入淮流

用義山語

題龔敬立意止齋圖

披圖一灑然為問此何處君言茜溪好家在溪上
住三間浣花宅兩岸桃源路環籬幾曲水遮屋百
章樹小閣敞虛清層巒鬱回互紅垂略約幽綠齊
方罨布可以足魚稻于焉侶鷗鷺添設正未妨止
此亦吾素

原名意設齋今改為意止

美哉曷不歸毋乃為名誤

雨後中丞公招同喬無功介夫朱恭亭譙集
因觀名畫卷軸次白田雨夜詩韻

雲拂簾旌香浮閣蕉塢秋霖溼枯蕩清閨便似寫

倪迂心與篆烟無繫著遶簷琴筑不聞聲

放翁夜雨詩遠簷點

滴如逗漏新晴日光薄從容談讌披清風讀畫却

許生徒同精能神逸有妙理無上證入禪機鋒剎

那塵眼豁天外琅霄宮闕僊山崇臥遊何處意恂

悅堦前落日餘半弓

玉帶生歌

文信公舊硯也銘云紫衣之帶兮綴

鐵崖七客家中號曰玉帶生門生張憲有詩紀之

鐵遂仙人披鶴氅吹落紫雲大於掌十二龍賓迎
冷光珊瑚裏定冰絲網錫以嘉名位上客肅穆風

標自俛仰老婦行謠伴歲寒異代蕭條寄遐想景
炎南下海天孤相國歌聲入莽蒼鄰鄰玉帶鎖相
隨鬼火鵲花寫哀響燕臺人去釣臺荒猶傍亭隅
奉歆饗白衣拜起靈禽飛四友重尋倍悽愴謝鼎初有兵後
訪文房四友詩丹書小篆故依然敦貞靈文走魍魎赤霧濛
濛黑浪翻掣出蛟螭一十丈天生神物竟何歸別
有蓬臺待幽賞昔時山海歷崎嶇今日襟懷照清
朗却笑客寮非比倫秋聲一輩同標榜翦得蘭根
心史香好與石君熟來往宋公取實鄭所蘭一幅余謂鐵崖客寮中物皆不足與玉帶生爲伍以鄭蘭配之乃宜耳

題宋山言學詩圖

涉彼灘水于灘之尾灘之洋洋灘流孔長解一千仞
之翔小鳳是將苞德惟肖緝曜于文明解竹風委
委桐露泥泥叶灑掃堦祀授詩于几植之有祗被
以英蕤三車奔于陸孰規厥輻言操之繩俾循其
墨授之在口指之在手惟耳若聽平惟目若營四
明明者月厥孕維珠光寫于池璣琲麗都貽我一
掬輝于其匱五濟濟天府瑋瑰其旅眎茲懿矩澤
于古處丁敦已簠金鑄石鼓以埒彼琮琥六吳山
齒齒三江瀾瀾戟門之下維桃與李旣得我師爰

須我友叶用協于中音南風載起七解

南唐宮詞十二首

駕鸞寺主惜華年貯得春光錦洞天一簇風香迎
鬢後主自稱駕鸞寺主周后所居榜曰錦洞天后善歌舞尤工琵琶爲鬢
簪盧山賜名蓬萊紫朵麝囊花底四條絃後主稱周后豐才富藝又云情瀾春媚
豐才富藝總情瀾夜半歌喉未肯閒演得來遲纔
唱遍君王還有念家山後主稱周后豐才富藝又云情瀾春媚
來遲後主破後主
利撥檀槽鳳擅名霓裳餘律譜分明怪他入破驚
風雨法曲當年無此聲後主稱周后利撥檀槽唐霓裳曲不傳后得金屑檀槽琵琶
徐鉉聞之于國工曹生問曰法曲終則緩此聲乃反急何也曹生曰舊譜
實緩宮中有人
易之非言微也
砥室窮歡徹漏壺鬢雲眼彩未模糊相看不用金
虹錠挂定當中大寶珠鬢雲眼彩後主稱周后詞宋後主寵姬夜見燈燭輒閉目云宮中每至夜
懸大寶珠光照
一室如日中也
司徒重進小嬌娥寨幔含嗔奈若何樂府已傳金
縷曲卻煩文繡被雙鵝周后小周后皆司徒周宗女周后寢疾小周后已入宮后偶寨幔見之甚甚
後主將納小周后以鵝代薦被以文繡使衛書小周后幼以戚里
入宮後主頗與伊昵製樂府有祝金縷之句至納后乃成禮而已
羅壁紅羅嵌綠鈿交襟密意酷相憐夜深酒醒羣
花裏猶自香縈把子蓮後主于羣花中作小亭僅容二人以紅羅幕蔽牙綠細欄極華飾常與小周

后酣飲其中 把子
蓮宮中禁者之語

高映桃鬟髻樣齊攀條歷亂絳雲迷江州去後風

流在曾倩花間驛耳梯後主母弟從謙初封宜春王後改封吉王出鎮江州幼時與諸妃嬪遊宮中後

圖時桃花爛開請妃欲折而修高小黃門取絳梯未至從謙方乘駿馬擊毬引至樹底折花顧謂諸妃曰吾驛耳梯何如

織裳原自愛嬌饒逗漏紅肌稱初腰近日斬新天

水碧齊收秋露染輕綃周后創為高髻纖裳後主後妻嘗染碧經夕未收會露下色愈鮮明後主愛

之自是宮中競收露水染碧製衣謂之天水碧遂為宋滅南唐之議

烟輕雪瑩一踟躕舊譜花牋記得無髣髴夜寒邀

醉舞可憐金屑付流珠後主稱周后烟輕雪瑩服雲修容嘗曰汝能創為新聲則可矣后即命殿綴諸所謂邀醉舞破也后亡後曲譜不傳宮人流珠獨能追憶

法華寺詩選卷一

職領鍾王禮遇殊曾無竹葉駐宮車朝來何事傳

宣急要侍君王卷帛書保儀黃氏容態冠絕一時最工書札後主購藏鍾王法帖令黃氏掌之二周后

相繼專房燕昵故黃氏雖見實誠終罕幸御後主作大字卷帛書之尤能如意世謂相繼書

喧春鶯燕繞柔儀秋水凝妝獨立時贏得空廊飛

蛺蝶肩隨雙鬢戀花枝小周后居柔儀殿宮人秋水喜簪黑花芳香拂鬢常有蝶繞其上撲之不去

凌波舞罷倩人扶纖小雙纏白玉跌從此人間愛

新月蓮中雲裏向來無宮人官娘纖麗善舞後主作金蓮高六尺飾以寶物綴絡命官娘以帛纏足令

纖足屈上作新月狀素襪舞蓮花中回旋有凌波之態由是人皆效之唐詩云蓮中花更好雲裏月常新為官娘作也

前蜀宮詞十二首

乾德新裁二百篇峨嵋花樹錦江烟內家誦習皆

宸藻不向中書學又玄前蜀後主改元乾德集體詩二百篇名曰烟花集章莊為前蜀中書令

常取唐人麗句勒成又玄集

山接青城擁翠微兩宮玉輦麗朝暉銖衣侍女分

行立惟見雲霞片片飛後主母順聖太后后妹嫺聖太妃與後主遊青城山侍女皆著雲霞之衣

高鬟坐擁四山圍脂盞香隨鏤管飛貪向金華宮

裏宿碧烟紅霧撲人衣太后太妃遊丹景山宿金華宮各題詩碧烟紅霧撲人衣后詩起句也

講筵幢蓋嶺雲涵雲裏題詩翠壁鏡蘭若軍持傳

好句親偕阿姊勒宮銜后與太妃詩成即命勒石太妃詩云內人皆在講筵中又云軍持無水注寒

花開晚紅

金甲珠冠望若神宮娥細馬動清塵阿誰偏得君

法華寺詩選卷一

王惜同上流星二十輪後主北巡披金甲戴珠冠執引矢而行望之若漢口厭神製流星輦為二十

輪以奇駿馬

同心鈿合手同攜瓜果筵前霧影迷却下金階望

河鼓丹霞樓畔月平西七夕後主與宮人乞巧于丹霞樓

簇定毬場百步開官家白打鬪身材但看錦障頻

移影早是成都市裏來後主好擊毬引錦步障以翼之漸至街市而不知

大內俄看列肆新風帘搖曳畫欄春青衫妃子都

看嫵不羨齊宮酤酒人大內造市肆令妃嫔者青衫懸帶貿易為樂

狎客陪筵侍女隨宣華春苑和歌時君王新曲篇
篇好更唱韓琮楊柳枝後主與狎客曲宴宣華苑履馬交錯自唱韓琮楊柳枝詞

池亭曲宴擁紅梔顏面花冠醉舞歌獨斂雙蛾看

垂釣石欄斜筆寫新詩紅梔花出青城山特為異種後主移植芳林園後宮戴金蓮花冠夾面連額渾

以丹粉號醉粧宮人李舜絃醉有詞藻獻釣魚不得詩為時傳誦

憶得神仙薄媚情柳眉桃臉足娉婷風塵為底傷

淪落一曲甘州不忍聽後主進青城山自製甘州曲曰畫羅裙足精神可惜許淪落在風塵其意本謂神仙在凡塵也國亡後宮伎多淪落民間始驗其識

宮殿千門鎖碧流舞裙歌板月華秋人生有酒真

須醉醉殺嘉王唱未休後主宮詞曰輝輝赤亦浮五雲宣華池真疑人當宴近臣于宣華苑命宮人李五蘭歌此詞情嘉王宗壽酒音節抑揚一座傾倒嘉王懼禍為之盡賜

南漢宮詞十二首

家本咸秦南服開新冠平頂視朝回香飄珠殿宮

臣賀越國夫人綵轡來南漢先主自云家本咸秦恥王蠻王自製平頂冠建玉堂珠殿初稱越

帝聘楚王馬殿女封越國夫人

秀華纔見啟金鋪文德旋看繡拱扶好是寒酸陳

著作一篇詞賦賺珍珠先主聚南海珍寶以飾宮室建秀華諸宮務極瑰麗文德殿成著作郎陳光

珠數斤又獻賦賜

風流天子麗宸居鏤柱焚香罍玉除笑然喚虛隋

煬帝論車沈水却麝疎先主晚年建南薰殿柱皆鏤空各置爐燃香其中謂左右曰隋煬帝論車燒沈水却成虛疎爭似我二十四具藏用仙人縱不及堯舜禹湯亦不失作風流天子

詔許長和逆國妃殿前稽顙虎綾衣只將一匹朱

繫馬博得增城愛主歸逆去聲長和國驛信鄭仁曼遣其弟鄭昭淳致朱紫白馬以求婚妻以增城公主昭淳自稱皇親母弟清容布燮賜金

錦袍虎紋紋封歸仁慶侯長和即南詔

素馨馥馥媚新粧更簇釵梁末麗香一自外廷嗤

北使撚枝喚作小南強宮女名素馨者喜插白花即名其花曰素馨花南漢中宗時周使至不識末

麗館伴給曰小南強其後降宋諸臣不識牡丹宋人約曰大北勝以報此語

記得先皇並寵時瓊仙真合勝瓊芝後宮莫漫稱

房老大寶元年笈百司中宗以宮人盧瓊仙黃瓊芝為女侍中朝服冠帶決事後主大寶元年委政

千盧瓊仙與宮官龔澄桐交通百司庶政皆所裁決

坐擁霞裾帳幄局閣門中使候娉婷曉妝纔畫青

螺了早戴朝冠出御屏內殿設帳幄陳珍寶女巫樊胡子冠遠遊冠衣紫霞裾坐帳中自稱玉皇下降

宣言稱福國事多叩馬瓊仙及澄桐等皆附之宮中婦人悉具冠帶以決外事

千金繡柱建崇基合殿晶芒銀葉衣一道不恩雲

氣白只疑重見玉虹飛後主習祖父之侈立萬政殿一柱用白金千鈹又以銀為殿衣間以雲母光

主時白虹見三清殿因改元白龍

六軍中尉進輝媚姊妹昭陽恰並肩若更蘇園題

扇子一天濃翠兩神仙內侍李託為甘泉宮使兼六軍觀軍容使行內中尉進二養女長為貴妃次充

美人並擅珠寵南海有蘇氏園雅稱幽勝漢主攜李嬪妃微行詣園蕉林中大書蕉葉曰扇子仙南漢亦有昭陽殿

門鑰樓羅曉院深尋花不惜露沾襟輸贏親與君

王看便促宮廚買宴金後主命宮人闔花內殿向晨時自啟後苑採摘今宮者置博羅厝以驗宮人出

入法禁甚嚴號曰花禁買者獻要金要銀買者

曾向甘泉作候應祇應獨夜守明缸羞他光艷波

斯女特被新名大體雙甘泉玩華諸離宮皆置宮人以候曉名曰侯應監宮婢波斯女黑龍而慧光

艷絕人後主愛之賜名媚猶又多選少年配以宮婢後主與波斯女俱覽為樂號曰大體雙陸

媚川日日剖珠胎論甕封藏不計枚九五龍鞍驚

底物海波五百尺中來置媚川郡于合浦定其課令入海五百尺採珠降宋後尚有美珠四十六甕嘗以珠結鞍勒為感龍之狀極其精妙名曰珠龍九五較見者駭異

後蜀宮詞十二首

畫屏七十作幘宮帳底仙山感淺紅不共瓊華舊

時夢奢雲艷雨錦城中後蜀高祖孟知祥初為太原指揮使晉王克用妻以姪女封瓊華公主知祥晚年奢後寢室設寶屏七十張關百紐而合之號曰幘宮又有皇明帳色淺紅類絨綉于綉紋中具十洲三鳥之狀夜則燭如金箔

黃龍白鵲霸王符寶冊宮中拜命俱長憶太原母

子日至今畱得麝香騎黃龍見健為白鵲集玉局羣臣上符瑞勸進遂即皇帝位于成都追冊瓊華公主為皇后冊夫人李氏為貴妃后與子景久畱太原及歸蜀旋卒卒後知祥始稱帝后有所愛雌雄二貓一曰御花朵一曰麝香騎

紅藥初殘夏景移凌波旋見舞龍螭殿頭聖母親

頒賜畫鼓聲中颺繡旗後主宴宣華苑賞牡丹重午日奉太后遊凌波殿觀競渡殿即在宣華苑中

進冊呼名簇珮環十三娘嬾壓烟鬟排來位號新

宣勅身是昭儀第一班廣政六年大選良家女子入宮年自十歲以上後宮位號自昭儀昭容而下

青城花蕊舊題詩環珮歸夜月疑證得隔生文

字業重磨螺墨寫宮詞前蜀小徐妃號花蕊夫人即昭聖太妃嘗遊青城山題詩後被害于秦川驛後

蜀後主夫人亦徐姓青城人有宮詞百首

舊榻羅綾已壓塵鏤成駕錦一梭新香消燭燵深

春夜妒殺芙蓉帳裏人後主初年節儉寢處惟紫羅帳碧絳帷無錦繡諸飾中年稍侈嘗命一梭織成錦被上鏤二穴名曰駕余文以芙蓉花綵繒為帳幔名曰芙蓉帳

百寶明燈不夜天露臺烟月舞衣鮮倡家第一纖

腰女破得君王十萬錢百寶燈見花蕊夫人宮詞後主觀燈露臺召舞倡李麗娘入宮賜其家錢十萬

萬

廣政年光錦里春桃符璣語笑詞臣銅龍曉闌香

烟裏遙見雙行御墨新每歲除夕學士為詞題桃符廣政十八年後主謂幸寅遜詞不工自操筆署云新年納餘慶

新納餘慶

浣花花樹徧春妍花外樓臺咽管絃昔日神魚今

不見未妨斜日結朱軒後主遊浣花溪是時百姓殷富吳溪皆創亭榭名花異卉觀都十里都人士女傾城遊玩王廷珪賦詩曰十字水中分鳥嶼數重花外見樓臺前蜀後主遊浣花溪正午暴風驟起雷電晦冥有白魚躍起鱗為蛟形騰空而去溺者數千人車駕倉皇還宮

早是春回楊柳邊雪消萱葉翠娟娟塔前競捧金

花樹別有梁家獨立仙臘日內臣各獻羅體圖金花樹梁守珍采當草縛金其上號曰獨立仙獻之眾

皆以為不及

種得仙葩一簇春香清紅萼自離塵生綃團扇黃

笏筆賜與冰肌玉骨人青城山申天師進紅梅三粒種之成樹其花六出清香如梅後主最愛之命

繪于團扇黃笏成都人善畫花卉後蜀時官檢校少府監金紫花蕊夫人寵冠後宮嘗以龍腦末塗白團扇時人效之冰肌玉骨後主美花

字業重磨螺墨寫宮詞

青城花蕊舊題詩環珮歸夜月疑證得隔生文

字業重磨螺墨寫宮詞

慈夫人
之詞

柱國丹青寫御容金丸斜拓竹枝弓攜將愛子清
如玉韉鞋兼看趙侍中

既知誨成都人工寫真界校檢校尚書兼御史大夫上柱國唐高祖後主御容稱

旨世所奉張仙乃後主像也旁為太子元詰武士乃侍中趙廷隱花蕊夫人歸宋後不忘故主嘗懸此像宋太祖見而問之說言張仙宜子之神遂流傳于世

題徐昭法先生澗上草堂畫幅兼貽西照頭

陀頭姓戴名勿字南枝寄跡於僧費字華昭法先生於珍珠場著虎丘表忠補一篇載文靖公及澗上遺跡甚悉又有釣臺詩

五百

鼎湖晝曉龍無所席藁孤臣淚如雨

席藁文靖公遺言也

菴前魂夜飛臣報其君子肖父一樹冬青半欲枯

李季詩選卷一

五

枝上靈禽自儔伍鐵函荒井抱遺編時有風流照

毫楮翛然落墨倣倪迂寂寂空巖帶平楚當年思

肖畫蘭花只畫根莖不畫土澗上襟情亦似之自

寫草堂心毒苦我今讀畫緬遺風江南鬼哭珍珠

塢埋骨憑將賣字人更與流傳表忠補好把嚴陵

五百篇畱伴此圖共千古

雙烈祠

後漢書載陳容廣陵射陽人射陽吾邑之東也祠建於前代新城王公為郡司李時曾經修葺歲久圯廢

張明府鳩工重修益擴其址今春落成同用新城公原韻遂成二章

竿摩債赤運義旗指東京列幕如鴈行

用曹公語

吁嗟終寢兵空畱升壇語熱血飛縱橫青部雖樹績雍

丘旋見傾丈夫感知已大義況同盟嬰城偏窮蹙

志不苟媮生一日得死所烈烈偕郡丞姦威望非

冀安能挫堅貞至今誦遺文聲淚一時并隕首踐

昔諾豈曰冒天刑

用太白語

兩公龍虎步視衰猶飽鼯

耿耿畱響像衣冠照兩楹夜半鬼神入劍戟恍沸

羹哭秦萬古哀何必論存荆固哉范蔚宗無傷烈

士名

雙騎箕尾去晶芒麗瑤京浩然不磨滅痛憤鳴五

兵當其蒞東郡指撫意氣橫脫令都將相可扶大

厦傾匡復事不就節烈心所盟彼哉倂矩人蜉蝣

祇朝生射水流不息傳此守與丞後賢官吾鄉懷

古欽忠貞葺宇踵前武結念相合并擴茲數弓地

畱為百世刑堦祀掃瓦礫牆壁驅鼯鼯杲杲日當

戶謾謾風滿楹盼蠻獰骨蕭蕭鬱鬱芬旅羹干城在

名教無俾委榛荆詎但修廢墜庶共不朽名

前少司馬繩海張公字卷書後

明史有傳黃岡杜濬亦為作傳

天狗西流地維裂羽書瀝盡孤臣血榆關古戍夜

呼庚攬轡籌邊走琬琰大槍尤來蜂蟻屯延水旌

旗盪巢穴捷奏魚河讒口張灌木莊前掃車轍聞

來翰墨時一親掩卷撫膺中惋結起家赴難少司

徒跋扈將軍方錯舌見杜笕樞志已擲頭顱皇路

崩淪驥終蹶烏號弓影去茫茫江介回頭心斷絕

天星亂落廣陵濤箕尾騎歸耿不滅上源奉表彼

何人大纛高牙舊同列神州陸沈責有歸一死不

欠臣職畢我披誌傳緬平生此幅還堪覩遺烈許

身豈有故巢心酒底花間祇幽咽二句用卷中詩語曾從燕

市弔文山惶恐零丁歌未歇冰天自去傍龍髯畱

取墨光吐虹霓夜深展卷一燈青颺颺悲風動濤

沈

江左十五子詩選卷一

三

江左十五子詩選卷一

三

江左十五子詩選卷二目次

商丘宋 犖牧仲選

毗陵邵長蘅子湘訂
商丘宋 致穉佳校

吳廷楨

次和劉隨州雜詩八首

幽琴
秦鏡

晚桃
古劍

疲馬
白鷺

舊井
寒缸

閒居雜感用壬申舊韻四首選二

疊前韻四首選二

奉酬汪東川先生見贈六首次原韻選三

江左十五子詩選卷二

十

金山次韻

焦山次韻

桐樹

次韻龍井二首選一

登南高峰絕頂下憩龍井晚歸紀游得三

十四韻

登六和塔

江行

觀潮

端午後一日雨中集綠蔭齋用坡公雨中

遊西湖韻

試兒行爲天標令子賦

淮陰曉發

天妃牓

蒙陰道中

謁東嶽祠

將之秦中示別家人

函谷關

曉望華嶽

涇原感事

金佛峽

大風

中秋後一日秀野草堂文讌用高青丘翫

月張校理宅韻

和露滑十寒詩 選二

寒煙
寒山

宿遷道中

奉和嶧縣道中

曉行

有感

江左十五子詩選卷二目次

次韻酬友人見慰之作

海客

冰腐次沈洗馬東田先生韻

次韻酬無已見贈六首 選三

讀青門集奉贈邵丈子湘

江左十五子詩選卷二目次

江左十五子詩選卷二

吳廷楨

山榆長洲人
著有南鄉詩

次和劉隨州雜詩八首

幽琴

山月照礪戶調琴清夜闌松風一以拂繞指流泉
寒精靈偶出聽窈眇成哀彈中散今已矣賞音良
獨難

晚桃

玄都燕麥秀幽澗桃華然託根偶失所受氣常苦
偏晚實自媚好過時誰爲傳無言同息媿榮落楚

江左十五子詩選卷二

王前

秦鏡

拂曙啟鏡臺滿窗貯秋水秦宮卷衣迴照豔空波
裏不辭竟體呈所願同心委流影入君懷光明可
得似

古劍

延津暫淪水豐城曾掘地千年蝕土華繡澀翻成
棄閉匣時一鳴願垂及鋒試無爲貴鉛刀徒詡斷
割利

疲馬

伏櫪候晨鐸低頭向路塵誰憐上坂滑鞭策由他人以茲豆棧戀因與鹽車親天閑看騷裏飲斂驕青春

舊井

古井塌秋雨森沈鑑猶徹銅鉗失水音隱隱聽未滅無波夕涵虛不食晨凝潔誰爲垂修綆勿使中道絕

白鷺

靜愛白鷺姿雪絲颺素頸江田煙草春漠漠飛孤影狎鷗不亂羣刷羽辭先騁卻下曬魚梁蕭閒得

食頃

寒缸

永夜凝蘭缸虛堂照寂寞霜風乍披帷澹澹孤花落明膏徒自煎冷燄竟安託牆角行葉置吁嗟舊恩薄

閒居雜感用壬申舊韻四首 選二

抱甕行吟遯跡初二毛潘岳賦閒居荷衣挂桁羞時製孤米堆瓶詫歲儲溪畔白鷗容我狎堦前紅樹向人疎物情也自成厓異何似相忘啣沫魚閱歷崎嶇蜀道難輿臺得路笑衣冠身名至竟同

雞肋口味何曾到馬肝誰遣不平收玉局劇憐無賴逐金丸隋珠謾抵槍榆雀只博尋常按劍看

疊前韻四首 選二

尊前無復鬪身強風撼牕扉面面涼粘壁凍蝸寒更縮窺缸黠鼠曉猶忙勞生舊逐春秋社習氣新除上下牀世事推枰今幾局從渠決賭紫羅囊雲霄誰念鄭虔貧衰衰相逢揖馬塵卿法自佳寧用我臣年雖壯不如人爬沙短褐捫饑螽振觸空囊飼鬪鶉花底拍浮時獨醉暗香吹酒步檐巡

奉酬汪東川先生見贈六首次原韻 選三

少賤儒冠誤長貧旅餓存艱難逃魏廁寥落立齊門國士矜殊遇王孫感故恩十年湖海客重把寸心論

兩雲交態幻翻覆異平時羸呂東西帝融修大小兒晚蘭裳見佩墓棘斧尋斯物理關欣厭寧嗟賞識遲

欵乃鳴柔櫓遲回別舊廬魚龍江漲冷鴻鴈渚煙虛縱飲陳驚坐狂歌楚接輿一春游賞地旅迹混樵漁

金山次韻

萬頃煙濤一轉蓬振衣絕頂御天風孤根冷浸驪
珠窟危宇幽櫺鬼斧工四面遠帆雲漢上六時清
磬海潮中長江浩浩分南北不隔鮫人幻化宮

焦山次韻

芙蓉片片落晴波山脚春帆拂檻過江走白沙街
日月天開青壁削岷峨雙峰縹緲飛仙掌一鑑空
明古佛螺枕石眠雲堪送老官因三詔出烟蘿

桐樹

庭中有桐樹柯幹何蕭森心孤易爲感風雨揚哀
音吐華春芳歇結實秋氣深惜不植高岡覆此空

上李辛詩選卷二

四

堦陰鳳鳥時不來丹山寄所欽

山中有桐樹託質何嶷嶷良工忽見采披拂辭舊
林匪寄耳目玩中含太古音被以朱絲絃裁爲綠
綺琴一鼓再三歎淵魚聳幽沈既諧丘中賞永謝
費下尋無爲在金井知希徒苦心

次韻龍井二首

選一

杖策尋幽逕禪扉杳靄間天風千壑暝佛火一龕
閒翹鶴苔堦啄驚猿翠壁攀冷冷上方磬清韻落
塵寰

登南高峰絕頂下憩龍井晚歸紀游得三十

四韻

愛茲山水鄉緬彼登臨趣濟勝非所便探奇亦云
屢丘壑或獻嘲烟霞已成痼嘗聞南峰好一覽衆
山具是時梅雨收初日煙嵐露杖策試招尋解衣
並馳驚雲林翳遙岑苔磴穿古墓巖根潛竇滴松
頂危巢護崖傾怯先登谷轉眩反顧屢憩禪關幽
重尋樵徑誤陽葩紛可摘陰藓滑難步愁依倚吟
屨驚鼯竄深錮躋險脚力煩陟巔心神寤豁達天
四垂欹危塔孤注大江凌噴薄列嶂莽迴互俯觀
培塿趨側聽波濤怒遙遙滄海日鬱鬱扶桑樹神

上李辛詩選卷三

五

藥行可采仙山渺何處回頭眺城闕老眼隨雲霧
汀舟片葉浮沙鳥微塵聚迺知造境高彌獲賞心
悟淹雷愜前期杳靄傍歸路峰陰亂石蹲峽口叢
篁布前臨就坦夷却立餘恐怖岡形屈曲迴澗道
潺湲渡鴈堂何年開龍井終古霏汲水漱雲華煎
茶啜石乳玲瓏一片雲寺傍有石孤
壁名一片雲髮髯三生遇老
僧豎機鋒下士雜縑素微言邈未酬餘景霽將暮
支筇倦登頓汎棹憑沿沂山田噪晚蛙湖渚拳宿
鷺坎坎城鼓動泠泠寺鐘度暝色何蒼然峰頭缺
月吐

登六和塔

孤塔凌青漢天風面而來江光秋練淨嵐色曉屏
開獨鳥衝煙沒連帆帶日迴雲濤何蕩潏東海隱
蓬萊

江行

向夕乘流發凌風一幅蒲潮頭奔陣馬日脚射檣
烏曲岸依山轉遙村背水孤蒼茫葭葦外何處息
行艫

觀潮

閭闔長風吹海立馮夷怒挾天吳入層層駕浪薄

注李季詩選卷一

六

秋旻涼波如沸魚龍泣海門匹練遙飛來龕山赭
山青崔嵬罔象橫衝兩崖束巨靈直擘中流開劃
然分奔吼餘怒霆擊雷轟碎天鼓日車傾曷羲和
愁疾掩陽烏避吞吐是日陰晦倏忽崩騰萬馬寧鳴夷
蹴踏來窈冥雪山摧翻鰲脊瘦冰柱迸裂蛟涎腥
俄聞春岸喧雲碓旋見跳波散珠佩驚濤蕩潏天
低昂亂石匉匉山破碎潮頭一落百尺強迎潮之
子凌蒼茫千桅乍隱鷗起沒一葉忽浮鳧拍張目
精眩轉毛灑浙我生江鄉懵未識吁嗟向若邱然
驚倒瀉長江盪胸臆水犀強弩千雕翎欲尋斷鏃

揚遺靈釣臺西峙灘漲急海天瀕洞孤煙青

端午後一日雨中集綠蔭齋用坡公雨中遊
西湖韻

長日只如睡昏昏散雨足頽簷壓雲影陰瞠瞠我
目淋浪決漏天官默墮幽谷忽聞有嘉招悅耳逾
絲竹衝泥徑就飲蒲尊湛餘綠興酣事詩戰摩壘
偏師逐健筆孤飛騫秋空下霜鵠清塗雜諧謔履
舄坐仍促夜闌雨更稠垂溜琤哀玉池漲官蛙謹
巢歆婦鳩哭松杉風磨颯老榦舞獨速疑有物蛻
蜥升騰階尺木淫潦幾時休漏痕交四屋麥死秧
尚穉民命何當續停盃心懍慌滴淚分宵燭翻成
愁霖唱願備采風錄

試兒行爲天標令子賦

璇源照夜凝冰壺老蚌就掌生明珠翠睂玉頰瞳
點漆人間又見徐卿雛去年湯餅會衆客鬱蔥佳
氣方充間走邀溫嶠辨英物耳畔髣髴聞啼呼今
來周晬露頭角矯矯自與羣兒殊豪鷹削方毛骨
異敢以凡鳥題門樞雲屏翠幙好遮護抱持保姆
顏敷腴圖史百物羅左右滿堂坐展紅氍毹排牕
穴壁競覘鸞親戚笑問兒何須徑前握管隨手抹

似尋字畫摹之無諸餘玩好不挂眼豈美取印提
戈父迺翁雅素耽詞翰吹毫舐墨勤咿唔兒生隨
地有同嗜端能讀父盈車書草牘方當等曼倩臨
書且爲留官奴幾人有兒得寧馨萬金之產良非
誣我歸責子坐歎息提孩便已趨殊塗朋來雖有
四男子森如立竹僵牆隅嬾惰總不好紙筆召令
吐記常含胡正應坐我老伏櫪顧後駒齒皆頑駑
韓子不免簡教示陶公終是憂賢愚詩成聊復使
之寫得不媿汗沾肌膚生兒當如李亞子爾曹碌
碌何爲乎

淮陰曉發

孤棹動霜曉夢回問水程入船殘月冷到枕遠鐘
清古樹翻棲鳥危樓咽曙更王孫何處所寂寞釣
臺傾

天妃牓

斷堰鎖崔嵬奔流下石隈勢吞淮甸盡聲撼海門
開水氣晴吹雨天風夕送雷扣舷驚絕險誰是濟
川才

蒙陰道中

立馬飲春池閑閑獨去遲野蠶登晚箔山茗展新

旗岱色紆秦望城陰臥魯碑憑臨多古意尋路入
荒陂

謁東嶽祠

穆穆神居倚岱峰入門瞻拜肅微躬登封秩比三
公貴望祀恩加五嶽崇古壁幡幢搖海日虛簷檜
柏落天風東華塵夢無時醒乞向蒼靈爲發蒙

將之秦中示別家人

一瞬還鄉夢寢瀛竹葉浮故園翻似客別路更逢
秋櫪馬風霜志邊鴻稻菽謀年年慣行役斟酌省
離憂

函谷關

九泥塞險峙崇墉表裏河山百二重城晚角聲通
管塞關寒樹色鎖秦封驚心逋客聽雞度矯首真
人跨犢逢西去嶽蓮迎面起雲開立馬許從容

曉望華嶽

曙爽西來嶽勢尊削成天外射初暎寒松翠滴仙
人掌晴雪光浮玉女盆氣肅金晶橫地軸路尋箭
筈倚雲根懸知絕頂通呼吸直欲排空謁帝閭

涇原感事

六師曾此破黃巾千里沙場不見人草木變衰餘

戰血風雲黯淡落愁憐關中轉餉元通蜀谷口封
丸遂定秦誰道河山能設險公孫躍馬漫逡巡

金佛峽

誰關叢叢險才堪鳥道通雙崖幽礙日一壑迴含
風石劍森相向丹梯杳若空平生無別淚那免泣
途窮

大風

驚沙亂石塞長川羊角團圓遠際天地奮千雷龍
起峽山號萬木虎奔泉車橫愁折奇肱軸帆側看
沈破塚船誰續齊諧應志怪南溟欲問化鵬年

李華詩集卷上

十

中秋後一日秀野草堂文譙用高青丘詠月

張校理宅韻

纖雲四卷天垂藍秋山點點收煙嵐海湧峰頭月
初滿茜蓑蠟屐爭來探顧兔浮空霜穎濕素娥倚
樹風鬟鬢千枝燈影亂木杪劍池冷逼星光涵孤
懸佛火耿絕壁生公妙諦誰同參廣場嘈嘈簇絲
管飲伴追逐何饒貪中宵皓魄更端正七寶月戶
工雕嵌清景不入俗子賞奈此衆客空呢誦飛蚊
一眴自云樂誰憐乾死書窠蟬吾徒卻愛文字飲
剝啄徑啟蒼苔龕馳書折簡徧招致處士蹶起離

雲菴會稽羅生菊竹箭豫章輦送森梗楠名流絡
繹互奔會吳船越舫浮江潭冠裳之會僑盼至敦

槃盛事傳東南蘭亭草序擘璽紙紛綸細字如眠
蠶顧余雖是延州後念欲贈縞私懷慙謬蒙簸揚
及糠粃先驅擁篲心常耽延揖三明偕七穆入座
磊落聆雄談鱗縷礎浮佐紫螭橙絲盤飣兼黃柑
偃師妙舞古無兩漁陽新摻今纔三黎園小隊合
奏樂吳歛嘽緩宮商含行杯度曲美清夜梁臺鄴
苑紛停驂磁能引鍼珀拾芥無德感召誠何堪舊
聞吳中盛文譙者宿風槩麤能諳旨令嗣宗歎豎

李華詩集卷上

十一

子當效文舉稱奇男往事津津挂齒頰猶有臭味
回芳甘欲將聲氣化同異玄黃水火須平戡況今
崇雅黜衛鄭文教遠覺東西覃酒闌致語各努力
傾漱六藝期沉酣千秋鴻筆付公等夢中花發行
甕甕

和露滑十寒詩 選二

寒煙

荒原莽無際千里斷煙橫獨鳥出還沒亂峰陰更
晴微烘寒燒色遠映夕陽明幾縷村炊接蒼蒼古
木平

寒山

千峰木葉脫石瘦露幽姿空翠橫眉淺高青擁髻
危煙戀晴色隱雪竇凍痕移日暮聞樵唱霜鏹何
處隨

宿遷道中

客意搖搖逐去旌東風鼓浪兼程竈鼉偃仰孤
帆疾鳥鵲翩翩五兩輕豈有神工爭地險分無長
算俟河清盈廷當日紆籌策倚舵中流百感生

奉和嶧縣道中

誰將杯水覆堂坳盡日停舟傍葦芽俗競魚鹽農
事廢岡連鳧繹地形磽確焚野火無遺燎桐野枯
枝有墮巢倚棹孤吟添悵望何人鞭馬尾蕭梢

曉行

巾車晨動服驂駢石徑荒涼轍跡稀大麓風高譙
鼓咽長庚星爛戍燈微深林客過鴉翻樹古屋人
眠犬護扉憑軾孤吟欹席帽不知零露潤征衣

有感

當饗優歌歎鳥鳥一枝棲集苑還枯楚弓亡去誰
懸壁和璞懷歸只向隅飼蠶正愁蠶欲嫁翳媒浪
信雉相呼史遷感憤裁書日貨賂交游仗得無

幽蘭鬱鬱合孤生誰遣當門近物情石亦能言馮

晉國人曾巧笑感陽城蛾眉自分逢謠詠馬磨何
辭變姓名顛顛青袍今又誤可憐冠蓋漫縱橫

奕基世事太悠悠覆罷殘圖玉局收急詔未除逐
客令高貲自署富民侯金鞍照路羞縫掖珠履迎

門笑蒯緱少孺詆嫖方朔譏空將詞賦託俳優

疎櫺浙浙透風稜枯寂渾如退院僧布被禁寒三
尺鐵瓦燈照影一枝藤感時我欲吟鴛鴦寓物人

誰說鷓鴣轉枕槐根方夢覺不教殘睡更瞢騰

次韻酬友人見慰之作

江年李詩選卷二

十三

升沈無復訪君平千佛經中暫註名訟速鼠牙愁
對吏戰酣蝸角望休兵滄桑小劫窮塵隔香火前
因噩夢驚莫爲湘靈重賦瑟哀絃繁急幾條更

海客

海客星槎八月通三山咫尺隔天風靈鳥待感頭
垂白神鯉剛騰額點紅碾盡勞薪歸甕下拋殘幻
戲出籠中聲名合得乘除算磨蠍從他占一宮

冰腐次沈洗馬東田先生韻

嗟爾出斗筭胡然厲顏色凝脂瓦釜底結塊冰山
側舌存唯善柔骨媚匪挺特中乘朔氣凌外變剛

稜削然其忌急煎煬竈利猛克膚剝蜂窠攢面勢
蛛網織冰炭煙幻化桂薑攻陰賊誰云染指宜而
使探湯得此物登鼎俎我心渺鄉國懲羹費呵噓
炙手伺消息斷斷堅白辯咄咄風霜力一笑方齒
冷推案謝不食

次韻酬無已見贈六首 選三

薄俗誰同調窮交似昔時銜悲石闕語貯恨錦囊
詩歸夢宵燈見流年曉鏡知吾衰君及壯牢落並
如斯

頻年俱失意枯菀幾曾殊抵擲崑山玉沈淪赤水

江左十五子詩選卷二

十四

珠署名仍浪士著論擬潛夫應歎亡羊者多岐是
畏途

旅榜乘風便歸攜一束書漂漂隨汎梗寂寂臥荒
廬交已疎公叔文誰薦子虛煩君重拂拭厚意報
何如

讀青門集奉贈邵文子湘

我讀青門集未識青門翁翁名昔震耳使我三日
聾乃於卷帙內忽覺形神通幽覲韓杜室高躡班
馬蹤詩文開突突萬象何春容清秋幕府靜淥水
依芙蓉綿津提詩律旗鼓中原逢郎君好整暇伺

間偏師攻先生真強對酒鬪爭英雄建安父子間
風骨相磨礱新編名井梧叩角來商風夔州老去
後刊落春華叢往聞陳檢討兩髯嘲詠工不須更
纏帛絕倒陸士龍惜哉陽羨生幻化隨鵝籠植也
生較晚垂胡亦當胸虎賁貌似耳敢比中郎邕低
頭鑽故紙掇拾唯魚蟲先生謂可教惠問勤郵筒
得非事皮相猥及吳下蒙作詩謝不敏猶以筵撞
鐘何時對尊酒一笑掀髯同

江左十五子詩選卷二

十五

江左十五子詩選卷二

江左十五子詩選卷三目次

商丘宋 犖牧仲選

昆陵邵長蘅子湘訂
商丘宋 筠蘭揮校

宮鴻曆

蒙陰道中

玄福宮雙松歌呈李木菴先生

陪木菴先生游西山過八里莊得詩十二

首選二

鎮國寺
臥佛寺

再疊韻答文饒枉和之什

次素菴先生韻再送子千五首選二

長歌贈姜西溟先生並索其行楷書

萬壽寺大鐘歌

李木菴先生壁上觀李松嵐畫松歌

題李松嵐黃山圖五首選二

墜馬圖爲洪丹霞賦

亥秋八月送素菴先生扈從之作六首選三

憫雨六首

晴雲書屋名畫六幅各題長句請正素菴

先生

黃子久
倪雲林
王叔明

米元章
吳仲圭畫墨竹
石田畫廬山高

讀東江集中門神詩戲成五首卽東東江

夏重諸同志一笑

枯木蘭竹圖 送王文在尹鄴都

送顧俠君歸吳門三首選二

消寒第一集分得煖炕限五言古

少司成寄亭張夫子席上同諸君賦石花

魚分韻得十一隊

涿州謁張桓侯廟

武昌懷古用將至筠先寄遲迺遠三子韻

歸自黃州內子以春盤見餉用自興國往

筠韻 黃鶴樓小游仙詩

湧月臺 鍾馗圖

漁父詞 牧牛詞

楚巫詞 彼鴛吟

弦齋望興國諸山

江州大雪寄懷韓慕廬先生

彈琴曲贈謝二安 水車二首選一

閩中紀事四十韻寄姜西溟楊崑木查荆

州聲山巖寶成吳元朗王赤抒宋堅齋

團雲蔚湯西厓史蕉飲汪文升安公

自大冶往金陵舟過池口望九華同馮漢

英作

村店女兒行

新茶行做樂天

徐侶蒼摹古印譜歌

湖口縣

石鐘山

河堤行上華亭公

商丘公送絲津詩集及近稿數種率成長

句賦謝

玉清仙子者亦號珠湖野士秦郵陳氏女

也精三式之學壬遁兵占尤得樞要便

弓馬習騎射信異人也近居廣陵僧行

西與陳中表余因行公往垂簾問答者

竟日數學該博詞鋒銛利三式疑義莫

不迎刃而解繼又自言得長生之術雅

慕冲舉因索余贈詩得絕句八首

淮浦夏日雜感六首

選三

王幼芬太史使黔回以佛指柑遺德州公

有詩酬謝因步原韻並東幼芬太史

洪澤湖大風雨歌次德州公原韻

檄四蟲詩

蛙蚊

蠹鼠

喻司寇招同諸子寓齋燕集庭前盆竹一

枝輪囷曲盤高不盈尺黃質而碧理因

取廬陵怪竹之意作怪竹行限用工部

入奏行韻

玉帶生歌

有序

庚辰冬日商丘公舟中喜晤山言同學兼

送山言隨中丞公按興邑

步韻商丘公秋日廣陵雜興八首

選四

江左十五子詩選卷三目次

四

江左十五子詩選卷三

宮鴻曆

友鹿泰州人著有恕堂甲已遊草淮壩集

蒙陰道中

傍水臨巖別啟扉山中風物見應稀
野蠶蛹結長腰繭囊癭人裁闊領衣獨我蕭條過此郡與誰風
詠浴乎沂田夫日暮牛羊下碌碌柴車荷鋤歸
岱畎蒙峰定厥居好從禽父問諸孤山猶泥檢初
封日地是靈光古殿餘杞柳作筐兒撲棗繒絲障
面婦騎驢靜看物理多真寄仗策垂橐任所如

玄福宮雙松歌呈李木菴先生

搖鞭晨出長安門長安城西山蟬螻中途突兀見
琳宇宮門不局殊靜便東西兩松夾馳道相距三
丈高柯聯不同喬梓各俯仰只如兄弟摩雙肩垂
纓偃蓋各有意分形猶得同枝駢秦松漢柏隨代
盡造物奇氣鍾幽燕西松公爽被袞冕東松召虎
揮戈鋌我誇此松不去口膝踣手捫行踰躓學士
顧我忽大笑此但小年非大年昌運宮中松十數
茯苓琥珀如擎拳柯交葉錯破烟霧靈根寂寞穿
重泉天昏日黑雷雨作蛟龍鬬急相糾纏鱗爪脫
落不可辨攫拏但聽聲鏗然或疑泠泠漱清澗而

又似撥箏篴弦客來解帶臥松下風枝亂落如釵
鈿我聞公言長太息世間尤物多天全牛山咫尺
交大國家家薪樵供炊烟此材過大斧斤鈍棄置
轉得人矜憐學士沈吟不我答謂我豎義何拘牽
物爲世用乃足貴一梓堪作棟與椽况此奇植歷
千載根節磊落霜皮堅方今匠石構大厦榦中梁
棟枝櫨枿遲遇要以晚節顯有材何得常連遭咄
哉此語破蒙鋼寧用猶豫咨筴聯轡談矇日未
夕前途努力吾勉旃

陪木菴先生遊西山過八里莊得詩十二首

選二

鎮國寺

來踐已公約涼風澹客裾未窮西嶺勝先憩上人
居蠟屐呼銀鹿傳餐趁木魚高僧途徑熟指點入
虛無

臥佛寺

古柏秋陰合羸驂放寺門碧泉通磴戶紅葉失山
村已與塵囂隔安知歲月奔追隨愜幽趣雲路許
扳援

再疊韻答文饒枉和之什

我昨蓬萊看榜嚴六時五起撚枯髯剗身換骨非
所願願放文筆無畱淹入損眠食出漂麥坐乏完
席行無憺稍稍會心入毫髮八牕洞揭玻璃簾此
意可會不可說拈花索笑巡前簷豁如堂阜脫械
粗快若季布辭髡鉗間用此法到章句四大不著
無膠粘名場蹭蹬不自意十年袒臂期神砭人云
大慚文大好何不糟粕求醉霑倚市幸得人顧盼
刺繡無乃勞春纖閑藏多時驥足蹇賞譽到處鉛
刀鋤竭來徒步入京洛龜長策短無恒占舊從帖
括讀公作瀾翻舌本韓蘇兼容臺邸中忽御李襟

法華寺詩選卷

三

期磊砢辭溫謙鏘金戛玉惠佳什塵霧罄掃低雲
查我詩真不一錢直報以瓊玖盈縹緲今年一冬
無積雪馬耳幸不埋雙尖時劃糞粥淡如水看人
滿口誇吳鹽敢因奔逐怨虎兇大抵飄泊同蓬萊
南山落盡一頃豆恨不早痔鴉背鎌先生顧我有
同病令我涕泗衣裳沾方今朝廷重才傑慎勿脫
畧甘幽潛要須大叫披闥闥迸作霖雨滋閭閻他
時爲公紀大業筆禿千管乾硯蟾

次素菴先生韻再送子千五首 選二

豐臺花放號將離此別何年是見期落月空梁吾

有夢是君疎雨滴篷時

羸驂短褐走緇塵話到涼暄懶是真鹽豉蓴羹殊
不惡京華何許未歸人

長歌贈姜西溟先生並索其行楷書

唐宋幾人能文章千秋只數韓歐陽眉山掉筆亦
健者要於史事猶蒼黃姜侯老筆精文律刁斗嚴
如程不識尺幅寸管百法生大可屠鯨細穿蝨才
名官職孰爲多園冠句屢追丘軻 天子召來集
賢院勝國史事資編摩集賢學士多如草長鞭短
轡爭馳道莫笑追從牛後行眼底紛紛海鷗鳥得
暇搦管摹鍾王腕力秀勁丰神蒼被穿領皂不自
惜素紉夜發星虹光愧我廿年死文字敝帚空筌
不忍棄一讀君文一服膺疑是廬陵落今世蘭亭
欲買囊無錢下筆右手愁拘攣極意撫搦畧不肖
一縱便似隨風葉願君迅掃剡溪紙我懸素壁生
雲烟心摹手追忽自得槌牀大叫呼姜髯

萬壽寺大鐘歌

鐘高三丈餘大稱之表裏鑄全部華嚴經
明成祖時造今廟頗荒圯鐘覆草棘中不

點矣

燕邸老蛟角觶觥彎弓仰射天庭欹龍孫瑟縮如
蛇醫忍驅長轂蹂江滑自矜勲伐煥軒義審音按

律洛后夔惟夔一足走且疲謂帝涼薄神所訾何
用篆刻龍文爲欲紀功德臣請辭帝亦怛怩心不
怡聊探珠藏興淫祠九牧貢金方軌馳鑄鐘直遣
銅山移陽爐陰炭周四圍千鈞萬石勞鉗錘蕤賓
無射輕毫釐鼓囊或有神扶持華嚴象教殊恢奇
三周四會張曼詞表裏刻畫同沙錐蒲牢一吼鯨
魚隨卽今蹲覆悲塗泥遙望猶似京與坻箕簎不
設誰懸之噌吰發響知何時噫嘻英主多癡疵昭
氏琴果無成齡金山疑塚猶纍纍京師有金山大師
塚相傳葬建文處天
壽寂寞陰風吹成祖以下諸帝
陵俱在天壽山翁仲仆地石馬嘶誰提

李詩選卷三

五

木菴先生壁上觀李松嵐畫松歌

松嵐畫松誰與匹畢宏以來推勁敵數尺根株一
百盤慣將拗筆摹尤物學士壁間畫五松高枝樛
結如蒼龍蒼龍夜挾雷雨至五松嶽立爭豪雄瘦
蛟蟠紙多稜節虎脊熊腰姿態絕老幹常捎三峽
雲新枝已屈千鈞鉞風條露葉故依然化工入手
天無權水墨經營極意匠晴烟不斷青螭蜷噫嘻
艷藻濃花世所尙吾徒冷落知誰向無用霜皮四
十圍有時白髮三千丈願君寶此後彫心桃李春

風莫惆悵

題李松嵐黃山圖五首

選二

我聞黃山石同岑而離立又聞黃山松偕盤或盈
尺懷此頗有年蠟屐定何日我友百幅畫一一神
理出硯漱春泉聲筆蘸古苔色營丘久不作斯人
固其匹相將果此游願言婚嫁畢
與齒缺其角極貴不神僊何當軒轅帝並駕能兩
全甲挂涿鹿野樂張洞庭邊神竈煉金液雲函開
玉編鳥號下鼎湖憑虛凌紫烟小臣載拜泣呼龍
垂其髯至今古山腳丹砂流紅泉

李詩選卷三

六

墜馬圖爲洪丹霞賦

洪生久作諸侯賓千鍾一吸同長鯨長安市上忽
大醉騎得健馬深宵行四蹄迸散眼花大城郭轉
側空中墮一時眞作黑甜游十日猶看白晝臥朋
知相勸勿太豪狂藥入口如鋸刀卽將金鍊鑄腸
胃日銷月蝕難形逃君不見周宣占夢說芻狗一
則墮車一飲酒又不見夜夢飲酒且哭泣哀痛適
以歡樂得洪生聞言色不怡愛我無乃姑息爲杯
中之物不相負世間何地無嶮巇塞翁得馬子傷
髀羊公不醉亦折臂獨清獨醒彼何人博得離騷

發長喙或更深文坐此馬欲罪驕駟教杯竿馬不
能言對以意君輩拘墟非達者坐客強半生江滸
不騎匹馬乘樓船浪擲風檣彼一時也輕軀命同
毛羽人生死所不一最好車中荷鍤行醉骨如
泥亦有用陶家之側皆佳城語盡呼童沽一石以
酒解醒真善策半酣已得蹢躅行門前弔客爲賀
客

亥秋八月送素菴先生扈從之作六首 選三

七萃輪班大合圍侵陵雪色冷征衣旱車絡繹馱
熊至緹騎參差射虎歸木葉山高人去少松花江

李季詩選卷三

七

遠雁來稀聖朝侯尉無中外幾處離宮帶翠微
上卿秋獵從和鸞玉帳宵聽畫角寒磴道揚旌龍
馭過軍門疊鼓獵場寬磧沙照水痕全白邊樹愁
霜葉早丹聞到西番猶按甲似君尺組繫樓蘭
牙槃賜與割熊肪珠勒銀鞍照地光箭響黑猿牽
葉避弓開青雁趁人忙屢看鷄塞天邊月又做龍
堆磧外裝我亦久思投筆去幾時陪獵到長楊

憫雨六首

黑雲墜地妖鶴鳴淫霖十日如盆傾只疑國門兩
龍鬬誰能鍊石補天漏人命微賤真如泥僕夫夜

起崩垣隨望日早出偏遲遲

青苔浣壁畫蛤蜊鯉魚尺半行人途天街已斷車
馬跡禿鶩啼來蹲屋脊貧家瘦兒腹苦飢濕雲壓
甌晨無炊典衣數錢呼餅師

宣武門前三尺浪怒似瞿塘不可上常時輪蹄街
尾來今愁馬倒車輪摧放水出城如放牯渚沱挾
雨欺三峽屋壞牆頽亂驚鴨

公卿誰不通五行便恐水旱煩 宸心歸來行酒
平津宅籍福衆中先避席沈媽施孺歌壇場結束
但到今夏涼天陰弦緩頻更張

李季詩選卷三

八

疑陰白日呼鵲鵲杞人真抱無窮憂潰堤決岍一
轉燭何論葦簷與葦屋更聞江南雨無極魚驚上
樹船入室雁子鳧雛安得食

孫園一椽地稍峻只愁屋墮不愁浸 時寓孫公園 一飯五
起坐屢遷中夜沾濕無好眠抱書四望百感集古
今人誰不相及袁安雪臥我兩立

晴雲書屋名畫六幅各題長句請正素菴先
生

黃子久 畫仿董源

晴雲主人有畫癖一生好畫如好色閨藏靈物不

示人人亦能看不能識大癡畫法宗董源暮年筆
力登師壇此畫流傳到今世欲挫造物歸毫端至
元以來誰伯仲墨光入紙烟嵐重巉峴怒削三神
峰浩蕩全吞九雲夢客中安得十日閒晴雲齋頭
晴閑關臨摹數本忽有得爲君歸寫富春山

米元章

襄陽渡口顛風作海水羣飛入城郭山將雨態換
晴容霧霍烟揮破寥廓襄陽老仙筆似椽淋漓潑
墨神理全落筆有意亦無意紙牕素壁生風漣如
此江山晴亦好卻遇陰蒙變昏曉譬如奇士值事

上平字詩選卷一

九

變始有英聲播四表噫嘻人事乃在物理中顧我
飄蕩如萍蓬風雲可托不可托局束只與常人同

倪雲林

有董思
白題句

青閤閣中塵浣壁雲林宿草深一尺只今翰墨在
人間一紙豈止千金直晴雲齋中洗眼看韻高氣
澹如幽蘭快劍無痕剗絕壁木葉半脫波聲寒華
亭宗伯老好事卷額橫題數行字手追心慕入微
茫謂是荆關落今世雲林蕭散誰與儔兵戈遁跡
歸山丘須知人潔畫亦潔下視濁世同蚍蜉

吳仲圭畫墨竹

寫竹之法通六書俗手易爲筆墨拘何人寫竹有
成竹作家首數橋李吳錢塘潮飛强弩射此畫閱
人如傳舍鬼物護藏得至今三百餘年神整暇我
昔家居綠玉村此君相對碧璚璘朝看暮倚不悶
惜繁陰借與東西鄰只今羸馬風塵地夢中未寄
平安字誰令仲圭爲此圖一憶龍孫一長愧

王叔明

細草毵毵如石髮連山十里苔紋滑凭得吳興黃
鶴翁筆底收來最清越西崦東堦山樸糊空林黛
色疑有無雲根忽結數椽屋疑是太古幽人居風
吹香雪青春老雨閣烟扉一時好若向王維認本
師此是輞川真畫稿倪王山水舊齊名干戈滿地
雲林貧蒙也暮年牽黨籍奇技從來不庇身

石田畫廬山高

有石田自題廬
山高古風一首

石田老人筆有神匡廬面目爲寫真犖确高峰駢
駝臥蜿蜒懸瀑蛟龍蹲更叱巨靈運神斧削出坡
陀似懸乳哀猿下飲難攀條寒鳥歸飛愁墮羽萬
古盤渦轉輪轂三疊水簾珠萬斛游人總向畫圖
看依稀認得康王谷何年來游支短筇笋與芒屨
相過從會當洗耳萬山頂高揖五老看爐峰

讀東江集中門神詩戲成五首卽東東江夏

重諸同志一笑

描成金紫未爲真也學將軍感故新無策門庭防
暴客有時簪笏比陳人齏糒祭日同中雷關節通
時卽要津陞楯諸郎憐雨立秦優畧似爾長身

骨幹靡靡一委形炎涼瞬息已週星畧憑脂粉裝
睂目遂有輝光照戶庭鳳字題門宜避客羊頭媚
竈可通靈鳴珂舊宅過時到脫落皮毛屋畫局

每到冬殘似賄遷西園列市易黃緣縱思趙勝誰
工繡且買司徒莫靳錢占籍何言門第好爲神終

辛辛辛辛辛辛

愧貨刀賢戶樞不朽君毋羨纓紱從來比嚇鳶

刺繡俄思倚市闌因依廡下事尤艱中庭引吭形

如鶴直夜慳眠目似鰥蟾鎖乍開人面轉獸鏤低

撼履聲聞上東門外聽長嘯尙有銅駝蝕薜斑

鬼瞰神猜事可憂疲兵終日戴兜鍪衰遲忍聽虞

虜曲美好難封戶牖侯陳平封戶牖侯列屋盤餐誰與共倚

門骯髒定何求用蕭望之書人間無限炎涼意送故迎新

卒未休

枯木蘭竹圖

雷公追青蛇破空若枉矢墮此石罅中尾角半枯

死劫火燒千年倔強具生理而豈不材木偷生待
獻嵒叢蘭亦幽人細篠比君子結交來空谷衆芳
望披靡嘉植雖異抱苑枯自齊軌譬之標季運卷
舒各有以滄海方橫流端居思彼美

送王文在尹鄴都

地絕中原俗自醇平都春望草如茵揚颿初上瞿
塘馬斫鱸先烹丙穴鱗兵甲銷時征戰少雁鴻歸
後版圖新時流人入蜀占籍者以數萬計還朝應上賢良頌宣室無勞

對鬼神

落日春山聞子規排船惟有鶴琴隨江分巴字劉

辛辛辛辛辛辛

焉國錦疊變箋杜甫詩木佛那堪燒舍利叢神應

怕毀淫祠邑有王方平廟俗云與冥司相通君名舊在靈仙錄且與方

平話見期

送顧俠君歸吳門三首選二

桃竹三尺弓青莖一囊矢君射南塘鴨我射東臯

雉相望雲水間相見長安市沽酒道心曲托身等

微技明日秋風高聯袂一水止雉翔寥廓中鴨沒

寒潭裏去矣勿復云拂拭衣上滓臨岐有贈言弋

獲古人恥

君手青萍劍我腰白玉斧斧劍固殊用用之同所

取鍛斧爲劍器切玉碎如土冶劍作斧斤自署脩
月戶二物雖同心市兒半龔替鄰女解自媒倚門
被繒組薔薇寒東籬桃李荒舊圃利器猶在手藏
以待良賈

消寒第一集分得煖炕限五言古

朔野號天風射我玉肌粟朝出狐謀裘夜臥驚拳
足脛縮被生稜半牀未嫌促譬以地賂秦尺寸不
可復巧者一何巧置槩定方幅東西依兩垣寬平
半橫屋北戶瑾嚴威南榮就朝旭最宜列高牕取
便寫文牘朝治夕以成稱名混土俗繚之青蘆灰

辛辛詩選卷三

十三

緣以白文木施簾有餘地兩端置箱簾不因徐孺
懸難容孟叟跼朝客躡履升文茵疊方褥尊食憐
淮陰長跼笑籍福瓦溝馳炎官花磚隱回祿文明
耀地中象取明夸畫挾續難比溫吹葭未云速壁
燈滴香穗頂棚燥葦束借煖活花卉收烟種菜蔬
凍竭跂欲行寒蠅癡不伏誰嘲竈下養此非厝薪
宿惡臥兒不啼吉夢婦頻卜紙牕捲風簾非烟散
遙矚市聲穿枕來開坊賣漿粥爬羅出餘燼透露
發新煖棄灰當塗高秦法不可督福過易生災寵
多乃延辱炙手詎足誇熱中亦宜沃坂或名頭痛

國如號身毒飲冰消煩心嚙水豁眇目抽薪冷翠
釜炙涼一反覆我作煖炕詩主文寄忠告

少司成寄亭張夫子席上同諸君賦石花魚
分韻得十一隊

定羌古巖邑渾河喧地肺魚出保德州波寒衆鱗淪濤奔

萬渦碎山骨剝蒼蘚險喁各成隊冬月魚食石鱗而肥故名石花舊聞

石花魚上方作珍饋排船狎高浪勢如宋鵲退河

奔迅取之甚難玉瓶舉網收盈尺若垂臂花瓢注清水醍醐

灌頂肯傾瀉不到地堅冰已成塊四照琉璃中紅

腮尚噴沫魚冬月取以水洗之成冰即以帛裹之鮮腴入天膳奇零落閑闌

辛辛詩選卷三

十四

一尾一金直爭買若珠琲吾師上日宴颯颯響驚
瀨朝來食指動下春得異味翠鬣試一割膩理衆
所愛撐腸罄晶盤洗耳聽珠玑撫今念在昔放筋
發長喟前年打鮓魚中使走十輩江魚尾半赤官
長心已癆分頭捉網戶吏牘連月廢吳趨到幽燕
置驛一何駭販夫或偷賣翔價已十倍天子却
異物煦濡加勞徠比歲桑麻陰不聞夜犬吠綠疇
事耕作黃雲催鉅刈時時水廟前漁師來報賽我
本江南人尊鱸雅意在逝將歸去來論頓飽鮭菜
誰與思秋風連車可同載

涿州謁張桓侯廟

泥深路滑客心疲立馬斜陽讀古碑州破猶全天下士軍行何負帳中兒靈壇松老森高肅古堞霞明捲大旗主上東征亦蕭索眼穿難得治吳時

武昌懷古用將至筠先寄遲適遠三子韻

鄂郡英雄之舊里背插千峰面流水我來不見紫髯翁那復夸張到餘子北望邾城西夏汭邾城在黃州陸遜所築磅礴山川爭臥起千年惟有浪淘沙萬事忽然風過耳漢江南流到建業自昔金湯稱表裏劉勳敗

匈奴祖破散花洲前同一喜

孫策破劉勳屯西塞山即今道士洪也又策破黃祖宴軍士沙

上各賜花一枝

臨平湖水有通塞

吳時

轉眼裔孫歌汝爾

君不見昔時安樂公蜀技盈庭都不恥籠禽几肉復何事大度相容莫相恃青蓋入洛彼何時

青蓋入洛之議

以為當北定中原及時被俘是其年月也

差勝劉禪真溢美

歸自黃州內子以春盤見餉用自興國往筠

韻

春幡搖搖繫蠻榼生蛆飢盤誇縷抹細君儲得江南醪笑我飲比姚羌渴香粳不羨粗粒軟蔓菁亦敵蓴絲滑兒停職課女放閒圍爐一醉戶早闌

黃鶴樓小游仙詩

神魚跋浪水浮天三日顛風斷渡船安穩不如黃鶴背鍊龍吹徹上晴川

蜀江中斷水漸濡黃鶴磯高大別孤宛似銀河衣帶隔不教織女近黃姑

黃鶴連朝飲玉泉清羸聊可著癯仙大星散亂浮萍似倒景還過水上天

正平詞賦謫仙詩屈子行吟賈誼悲江上老仙都不管梅花橫管但孤吹

雲濤孔翠搖青蓋浪蘂魚鱗覆紫綃芳草晴川飛得過又噓雌霓結長橋

上各賜花一枝

仙棗瑤林垂纂纂雲壇碧海起峨峨七十二峰行遍處漢江今夜月明多

湧月臺

黃鶴磯前一片石湧月荒臺畱墨跡承訛襲繆不復論想見英雄舊標格漢陵草色千里青銅狄破碎無完形征西將軍謫如鬼欲嚙走鹿當膺腥荆州俊君自虎視但有豚犬無兒子江東走死大耳兒肌肉時時消髀裏吳中會獵思高秋檄書草出頭風廖顧曲郎君一彈指吳回赫怒焚連舟東風不借周郎火銅雀春深二喬鎖此是西崑得意詩

付量老瞞心亦頗君不見冀州兩雛將就烹今年
殺賊正爲儂袁家新婦頭不舉姐已亦賜姬文公
用孔北海語

鍾馗圖

歲晏天陰雲潑墨黑風吹沙起平陸冬青樹底啼
妖鵲信有鬼瞰高明屋簷帚自飛車自覆血碧燐
青髑髏哭殺豬烹雞走廟祝木佛泥神都蓄縮老
尪來自終南麓戟髯張肩手拄腹帶緩靴寬著儒
服豐隆爲車電爲目怒折鬼臂嚙鬼肉一揮何異
空壁逐徐倚長劍手一牘報汝平安錫汝福茶壘
注年五子詩選卷三

漁父詞

西塞山高江水長漁人刺船沈大網磯頭白鷺翻
雪飛水底長魚裂波響兩岬漁罾多若織戢戢小
魚逃不得大魚入市三百錢小魚論斤聊取直網
師罾戶俱業魚亦分大小輸魚租水仙祠下賽神
罷呼羣換酒歌鳴鳴夜來打篷一尺雪江港蕭條
菰蔣折酒醒不聞人語聲楚天萬里鳥飛絕

牧牛詞

林豐草肥山複脊牛背臥兒如臥榻三三五五渡
前溪麥短不妨牛踐踏羣兒牧牛上南原山花壓
帽語笑喧探雛纔上籬邊樹吹笛還過花外村去
年雨少收不足八口一家全恃粥阿翁輪租莫賣
牛轉眼明春生小犢長安馬上多公卿白髮仍愁
世網嬰如雲車騎那長在安穩何如牛背行

楚巫詞

紙錢挂樹酒盈竿旋風陰森神下馬一村父老趨
如狂鬼燐神燈照平野楚巫跳踉舞且歌楚姬擊
鼓兒鳴鑼脯脩鱸羹自狼籍烏鴉銜得升高柯楚
俗從來畏淫鬼絳繚神衣盡純綺一朝堂宇野火
焚四壁猶存庭樹死香案周遭長榛棘盃玦筵算
一時失天陰日暮雨淋頭偶人猶作猙獰色

彼駕吟

輪困庭樹十圍大蠹之只用一寸蟲此蟲食心不
食葉枝幹雖好心已空支撐或更賴木石顛仆未
免愁北風何來彼駕鳥鎮日相擊攻雌雄上下作
禹步鉤鉅有術來發蒙長吻利爪似錐鑿卻今病
槩回春叢紅襠綠翅捷緣木臥聽神鼓敲丁東噫
嘻蒼鷹肉重飛不起人間狐兔盡是搜索羣蠹

縱勞苦尺寸自効非全功

弦齋望興國諸山

青山列南榮嫵媚似西子若無大圓鏡雲鬟不可
理快哉金湖流江濤此輪委每於春夏間一碧四
十里白雲冒山顛清流漱山趾有時風雨來變滅
隨寸晷我來坐高樾風定波不起良辰一凭檻長
日一隱几蕭散無俗慮嗒然忘愠喜何當汎洞庭
芥胸見鵬徙作賦弔古人氣摩屈宋壘

江州大雪寄懷韓慕廬先生

蓋本韻

潯陽仲冬客舟過風捲雪花席片大清冷不敢開

李詩選卷三

十九

篷牕布被蒙頭著船臥黃頭踏市買烏薪蒙束筠
籠冰雪浣煎茶不成且煎炭綠烟滿船起危坐須
臾臍膊飛繁星猝欲遮防更無奈過時吟膝高並
肩始聽銅餅蚯蚓和茗椀爐香何所營聊用清詩
洗寒餓鹽絮吟成不直錢畧似南冠歌楚些卻憶
前年京洛游副相府中忝賓佐荷公忘年亦忘分
赤幘招邀刷塵襟永光寺西南市頭霰雪封髭泥
沒踝我亦素解濁醪理百呼一不辭勞瘁有時漉
巾盡一石有時哢幘喧四座爐頭曉日扶桑烘缸
面青筠竹葉拖白雪當筵不敢豪朱顏得酒春先

播風情跌宕宕氣如雲縱有寒威先禁呵僕來廡下
沾殘膏馬放棧前飽新莖歸鞭不怕催更籌醉眼
只愁逢夜邏比時滕六故依然逡巡不向尊邊墮
我公文筆今昌黎萬象直欲毫端挫爬羅剔抉啓
來哲八代同時振衰憊殘賸一任學子乞襟度從
今朝野譚不因冲謙遠聲譽便恐高名塞天破鯁
生此腹何所有敢以頑礪求劇磋立雪縱愧游楊
徒側席頻承珠玉唾自知才命俱人後甘載名場
遭跌蹉飯顆吟成不自聊長門賦就凭誰貨青衫
席帽出都門掉頭三年悲轆轤柳車送窮本非策

李詩選卷三

二十

閩越荆吳一旋磨豚犬冲穉宰下邑基薄墉高愁
負荷縱有微祿供酒資未抵薄田收秫稌倦鳥無
因息羽翎疲驢豈得辭鞍馱恩恩復作榕城游藥
簞荒村寂寞無酒罇敗簾哆張理詩課迴望金臺
紫翠間懷人感事真無那賣文餬口東南州零落
酒人還幾箇別來江闊鯉魚沈世路艱難非懶惰
明年又擬踏槐花樂事歡場猶可作待公潞沐得
餘閒醉白堂中一相賀

彈琴曲贈謝二安

魚在淵鶴在天空桑六尺張吳絃琴聲希琴韻古
促軫調絲鳳凰語宮商一一臣與君牛鳴甕盎羊
離羣九疑塚荒二妃老水邊有客彈南薰勸君且
實無絃趣鍾期那有黃金鑄我亦齊門抱瑟來不
堪袒褐隨飛埃君不見二十年來一翻水雲門歇
絕新聲起繁哀滿地奏伊涼箏笛琵琶聒人耳

水車二首 選一

阿香推車轉山麓馮夸春雲響空谷蛻骨瘦蛟盤
古槎翻尾鷗鷗整復斜咿咿啞啞終日鳴不聞人
語聞水聲造物自忙人自逸似役鬼伯驅神兵水
車水車爾何利勺水寸波俱有稅君不見權關直
到閩海頭那得不算車與舟

注李幸請選卷

主

閩中紀事四十韻寄姜西溟楊端木查荊州
聲山嚴實成吳元朗王赤抒宋堅齋團雲蔚
湯西厓史蕉飲汪文升安公

百越雄南服三山近海陸不知天隔閭坐覺地支
離石氣千林黥波聲萬馬嘶迢遙過嶺日仙霞關之北門杉關
黯淡下灘時北自浙入閩西自豫章入閩變俗聊供
笑方言可拾遺地曾無朔雪人不解流漸草木誰
編譜禽蟲任缺疑聊因耳目暇一廣見聞資艷目

惟園果垂涎首荔枝麝臍香易落荔枝時遇石背溺

先菱荔枝生處如荔枝一十二粒遇開又多一粒名石背荔枝時即溺而全粒脫落絳實盈筐瀉晶

九帶葉垂水晶九帶還愁穠孕早或售互人欺荔枝園受

謂之穠荔有穠花穠實之別大抵以穠字分價之高低穠時情鄉老俗名曰四人樹主穠主爭路之亦可封泥

活無勞置驛馳荔枝小餘於對一二年先熟細枝防護密

夜熟所過則劫于一空甚於石背故防之甚勤龍眼唱歌遲傳人採龍眼恐其忘喚故采

佛手寧非柿會城外齊塔道者嚴有柿一枝結實如鰕頭儼似

西施漳州龍巖縣然龍頭也大品茶知太姥太姥峰茶昨舌羨

珠蚶佐羹臠小蛤石蛙長菱蕤一名龜脚蠢動憐沙嘔

無首無目使能蠢動之則縮小徐復腫海中大龜飛

翔龍八月十三至十五海濱龍束縛虎蟬蚊蟹之大者

鸞醬空盈甕土人重之蘭湯亦滿匙閩人以珍珠蘭點茶

珠娘擔石過閩中呼婦人為珠娘言其貴重也然地颺母踏波

嬉象譯唐朝壤日本入呼中錢刀宋代貨延建以上雕鏤

疑鬼物刻畫見鬚眉雕鏤器及自鳴鐘皆有秣厲千章樹

有高三三丈者荷蘭九畹安龍頭燈火龍蝦空其中作

魚花亦絕不同鮑絡藤絲鮑則細如絲力不勝花開時橫陳密葉中蛋戶

洄波出礮田帶火治閩地多山山麓盡搏沙珠傘孕汀

丘坑口礮土一寸許有珠大如粟光相輝相傳告廟土牛為取土於

王之廟午
始可成
魚訝連山大鰭堪一木支魚骨可作橋觀竹森如擲

火不常延畫家以竹用味榕蔭似披帷俗習干戈便兵後尚武家藏甲者

頗多人亦趨捷人操硯席隨人又以文事相尚至於一夫之敵蛭苗代錢

轉變水為田種蛭其中螺甲透襪襪螺甲作音即卷舌侏離語

文身漫浪兒開俗多稗官畱小說淫鬼踞高祠所祀鬼神都不

可解最可怪者洛陽橋祀夏得海會城祀齊天大聖述異資談藪催詩倩酒卮荒唐

來絕域懷抱向京師鐘鼎諸公業山林我輩期雖

憐趨舍異未覺性情岐大海難蠡測奇聞只管窺

采風誰氏職聊用播聲詩

自大治往金陵舟過池口望九華同馮漢英

王季詩選卷

王

作

人誇游山好游山祇一餉後山甫登涉前山已遺

忘縱令腰背健蠟屐費幾緡藉曰佳山佳住山似

屏障圖畫久相狎寂寞神已喪生平喜看山眼明

心曠放看山肩短輿不如乘白舫舟行山側飛舟

住山正向我從磁湖來輕舟狎波浪初裝宿湓浦

匡廬固無恙今晨池口泊九華爭獻狀朝日生紫

烟夕靄羅翠嶂雲端九仙人如坐几案上小峰插

釵鈿高岫排隊仗尖稜隱復見陂陀抑逾亢琉璃

一泓水澡洗出盆盎盡日相周旋一一窮變相贈

君看山詩不游寧舡望

村店女兒行

村店女兒年十六黑鴉羣中一白鵠野花隨時插

半鬢葛袖苧裙新結束倚門望見官人至轉過牆

頭不迴避官下肩輿入草廬問有午飯餉客無答

言阿耶往輸賦漉米旋炊誤行路壺中有茶吃茶

去

新茶行做樂天

六安山中種茶客來宿平塘主人宅我亦肩輿憩

此間土牀相近蓬牕隔客子誦誦語僕夫今年寒

土春不蘇六安山中雪一尺黃金如土茶如珠進

茶例限四月一三月寒猶刺人骨旗槍未向雪中

生檄符已自州城出何處南枝長栗芽持金轉買

向鄰家往年一樹一金直今年三倍輸官茶儂家

有茶十六樹里正來科種茶戶慳囊滿撲三百文

沽酒殺雞寬旦暮明朝賣女與商人七尺銀鐙始

脫身官火乾焙局秤大折耗錢增二十緡幕司齎

送到銀臺蠟裏筠籠當面開通進堂官凡幾輩樣

茶一一封呈來可憐進茶未十日春雷一聲萌葉

茁換鹽換米不直錢只今販向全椒驛我聞此語

重悽然靈旂如今合棄捐但知捫乳和酥煮誰解
分泉沃雪煎中朝又說武夸好陽羨棋盤賤如草
頭網入庫飽蟬蟲枉用僉名書進表

徐侶蒼摹古印譜歌

古時作書無墨楮以刀代筆殊醜縷標枝結繩非
所安要以文明振聾瞽庖羲龜龍象既陳頡皇魚
鳥篆可數蝌蚪章初傳宣聖經穗文亦辨神農譜周
官六書保氏職太史變文今共觀上蔡丞相作小
篆千禩師承如物祖秦火以來文字阨往往帝魯
呼魚虎嶧山高碑歷劫盡之杲舊揭六丁取銷鑠

李辛詩集卷三

五

不存三命鼎破碎誰收五熟釜荆山玉璽走沙漠
成臯印文埋厚土後來祭酒工說文陽冰披搜非
小補不虞鉉錯兄弟間祛妄書成譏莽鹵

徐楚金著
李辛詩集卷三

之誤今人縱復有微尚但可百千存十五齊昌徐髯
癖書畫酒闌逸興軒眉宇草門蓬戶一何有惟有
湯槃與周鼓撫榻登封詛楚文跨斯拉籀追皇古
餘事刻成一方石三寸精鋼巨靈斧格澤聲同錐
劃沙滴瀝形如屋漏雨巧來心手自相應鍊畫金
戈出靈府蝨錢蚕啣須臾間輕比飄蓬重飲羽案
上縱橫玉筍紋尊前拗折金釵股彙成方冊燦星

漢甲乙丹黃分兩部品題却笑楚才嗇天闕竹籐
良獨苦識奇無復有揚雄詠古誰堪追杜甫我來
開卷一研玩目瞪心忤手畫肚惟喜雲開星日懸
不虞鬼泣禽魚舞嗟嗟徐君磊落人生茲僻陋宜
孤寒楚山岌業楚水清風雅千年得誰主祇須斂
手待獨鑒無用低眉求衆煦凡物固以罕爲貴末
流蕩軼先民矩世上豐碑多若林金字刻成名已
腐何如延陵墓碣十字強照耀千秋日亭午

湖口縣

匡山一碧三百里青鞵蹴天波四起

俗呼大孤山曰鞋山直送

李辛詩集卷三

五

湖波作江小白魚墮網不直錢高艫大艫停水邊
山城曉角吹寒烟城堞跨山盤屈鬱南北兩鐘高
屹屹獄底龍泉不可刺蘆花拜風柳枝掉舟子攢
眉鼓雙櫂司空使者科船鈔

石鐘山

鯨魚晝鳴蒲牢吼鐘化兩龍踏波走鱗甲出火霹
靂驚賈勇爭雄看急關馮夸懼欲空壁馳天吳駭
將徒手救五丁心膽故豪縱神斧歛霍風雨驟揮
空劈險龍怒飛蛻骨千年露蒼秀至今對峙彭蠡
口石壁銀屏分左右雙峰岱華鬱壯觀一水齋淪

浮遠岫瞿塘萬馬蓄空來山脚泥沙煩洗漱秋高
夜發嘈呖聲似聽鈞天歌九奏我來山椒一登陟
颯爽天風吹廣袖波春不異無射鳴杖擊猶同清
磬扣洞天一穴仇池通蝙蝠如鴉翻雪竇坡公千
年不再出荒怪憑誰訂紕繆蘇臺老僧下鐘住躡
漢盤雲結飛構喬松偃蹇送天籟潑刺長魚聽梵
咒上鐘佛屋半傾圯俗呼上鐘巖下鐘巖碧瓦如鱗竄飢獸頗
無天花落丈室只有荒榛封古甃老僧本是吳趨
人吳趨山石誰先後噫嘻太湖一片青龍伯鮫人
不能守良嶽亭前車驟馳平泉莊上瓊裹覆物因

辛辛詩卷三

七

獻巧難天全往往奇淫遭遠購茲山之石殊突兀
猶幸屏居托荒陋夜深但伴猿猱吟天寒長作駝
羊瘦移山載石彼何時卻羨兩鐘得長壽

河堤行上華亭公

鉅野東傾泗水渾淮黃自古相屠吞元光元封廿
餘載宣房瓠子徒憂煩白馬下沈隨越祝綠箭捆
載空淇園楚州以南廣陵北至今釜底波云云常
年穠稔秋未熟波神一笑天瓢翻高城三版蛭浮
動低田萬竈蛙喧繁巢居水宿盡赤子蒲魚那足
充朝餐浮楂歲歲挂古木屋瓦處處畱沙痕監河

使者下符檄柳枝竹榿山丘屯載土不怕坤軸折
伐木直遣南山髡役夫淖淖偶失足投擲真似鴨
與豚潰者方築築者潰天跳地擲無崖垠五風十
雨自咸若不知河伯尋何冤乞漿得酒歲云樂淮
民不免寒無禪糠粃滿筐斬一飽衾稠換米來何
門老弱半菽未黔突官長五袴徒見存行糜分穀
力不過十有七八爲魚鼈去年天子舉玉趾六
飛載馳神駿奔翠華臨河三歎息指示脈縷探
巔跟高堰蜿蜒鍊石比近亦浪齧波濤掀全淮已
無刷黃力何怪濁浪排崑崙碣石夜徙歷陽陷清

辛辛詩卷三

七

口狹小如盎盆况聞雲梯沃焦處淤墊漸化桑麻
村水無所歸乃橫溢下隰何日成高原帝曰咨
爾肱肱佐斯民胥溺勞拯援臨軒受命飲冰出衆
中底柱公其元公來笑談慰飢渴隻手驅逐千鯨
鯢赤符下囚羽淵兔鍊索倒鎖支祁覓天吳撼隄
兀不動吏民瞪目看王尊有如蹶張射萬弩潮頭
打轉蛟螭喧濫觴率先堅版幹尾閭次第嚴周垣
萬夫齊力下杙椽金椎磬鼓連朝昏石隄初成兩
鵠告雪浪不聳三犀躡明年隴禾萬家滿壓擔折
軸何軒軒公亦睂間黃色起錫圭告成還帝聞

商丘公送縣津詩集及近稿數種率成長句

賦謝

亭午乾鵲噪客除馬軍剝啄聞傳呼百穀良玉千
明珠連城照乘世所無漫堂中丞列仙儒椽筆巧
琢青珊瑚力排丘岳句翻水玉虹倒瀉崑崙區有
如積風運鵬翼盪胸一芥看蓬壺又如巨鼎膾蛟
蜃貯水萬斛傾江湖手詩洛誦甫卒業頂背已灌
清醖酬一蠡豈能測大海寸指未易彎強孤漁洋
山蘊今大手與公鼎足爭前驅蔗甘藥苦別嗜好
恰令天膳調鮮腴綿津汪洋不可涉緯蕭騰越真

辛辛詩選卷三

元

名駒筠廊新篇足荒怪解頤折角雄千夫

筠廊偶筆公紀事之書也

吳風諸君圖珍錯熊魚兼味登牢厨正如昌黎起

衰儒籍湜郊徹隨奔趨

吳風一冊則試士拔識之作公所取皆一時知名士

曆也吟

聲似蜩蚓寒驢風雪呼詩逋譬彼行歌市中子渭

城一曲聲鳴鳴薄技止會已人調極意亦類吳兒

飲金鐘大鑪未寓目但擊秦缶吹齊竽而公獎許

出意外欲與搏拊賡咸虞滄浪亭子新枰櫪大篇

喚出湖州蘇句中神韻歐九如小儒那可輕操觚

國中屬和以百數竹籐天閣嗟何愚

公與復澹庵亭爲詩紀事和者甚多

不敢
攸鑒
鰕生瑟縮袖兩手免飾嫫母隨名姝絲津新

詩百遍讀浣手洗眼研鉛朱冰蠶火浣出光燄寸
錦百衲何爲乎低頭合掌欲下拜但愧削句仍繁
蕪千金一字不可易快謔百本懸天衢

玉清仙子者亦號珠湖野士秦郵陳氏女也
精三式之學壬遁兵占尤得樞要便弓馬習
騎射信異人也近居廣陵僧行西與陳中表
余因行公往垂簾問答者竟日數學該博詞
鋒銛利三式疑義莫不迎刃而解繼又自言
得長生之術雅慕冲舉因索余贈詩得絕句
八首

辛辛詩選卷三

三

足躡雄雷御迅風手麾丁女配壬公晉陽娘子軍

行處鼓角聲聲出地中

一丸飛劍一編書理髮薰衣畫不如寄語香衾夫

婿道不妨金奏養鷄鵒

桃花叱撥不畱行錦繡輕妝夜斫營莫訝小鞘弓

力軟射生飛箭似飛蟲

煬帝隄邊闔草歸謝公渚畔踏青回春風十里珠

簾捲何處空空妙手來

名爲俠客猶數粉喚作仙兄未離家學道從今三

洗髓御風騎氣到天涯

一斗紅珠綴繡旗孫家小妹比雄姿劉郎不免風
情在書到休輕帳下兒

短劍鏗然玉有痕中宵出入五侯門西園無忌千
金約賴有如姬解報恩

掌上孤虛日昃輪笥中箋數自通神憎騰小立真
如夢恐是畱侯似婦人

淮浦夏日雜感六首選三

濁浪南奔萬馬雄清淮如綫失春容天連碧海盤
霜鶻水拍金隄轉雪龍四載禹功今未遠一丸蟻
穴古難封杞憂卻怕天饒笑且與平治磊塊胸

汪季詩卷三

圭

岬沙減水出蘆芽鼙鼓頻催春鋤加鄭國不難穿
瓠口張湯豈易漕去聲褒斜但呼白墜開省纈莫攬

青銅照鬢華鴻隙陂成歸有日把鋤學種故園瓜

手著渾未辨行藏日飲無何又醉鄉豈便忝低慚
麥仰固應策短羨龜長朝時梅雨衣衫潤何處薰

風殿閣涼卻笑軒軒雙病鶴空隨雞鶩繞迴廊

王幼芬太史使黔回以佛指柑遺德州公有

詩酬謝因步原韻並柬幼芬太史

水陸果實駢東南閩嶠荔子羅浮柑蹲鴟包橘說

歐九荷隄梨埒傳陳三

歐陽公詩梨園廣德寺額名爲包橘此陳後山詩荷隄萬梨埒脫千戶

果未與食事便黃面金色如瞿曇強名曰柑字佛

指跟肘壅腫來青酣如來金粟有實相花鬘寶絡

垂耽耽雙林枝葉本無垢肯隨兒女誇宜男靈拳

結印洗白業天龍豎指開蒼嵐似掌局曲學鈎弋

如手控送停飛驂花窺釘砌十餘輩茅簷箇露猶

沾含古歡寓齋伴琴史衆香鼻觀時同叅繞床拂

拭轉千佛蓆荀驛汗優鉢慚暇豫因以指喻馬笑

揮犀柄同戈鏃誰其致者王太史蠻烟萬里提筐

籃梅檀妙品脫手奉食魚寧復畱餘泔夜郎天南

僻陋地珊瑚入網勞窮探此外長物復何有看囊

尚有朱砂龕慘慘手爪我無用躡跡陰馬吾猶堪

汪季詩卷三

圭

要須倒篋出數粒掃此白髮同夸戲

洪澤湖大風雨歌次德州公原韻

長江大海淮河湖五水環帶徐揚都七邑抔土渺

何似過涉不滅青頭顱底貢篠蕩兼蟻珠梯航百

貨窮怪迂邇來汨陳變沮洳厥田下下言非誣高

堰橫身若蚓蛭洪澤吐納徒區區一從彭城沒九

鼎涸取不得千人呼至今淮水宅怪物罔兩並駕

龍齊驅年年桐柏秋潦漲浮槎挂樹舟撐檣竭來

監河復陂竭指顧歲樂民吹竽而何黃能弄狡獪

欲傾鯨鱷雄牙鬚招搖西指律夷則進落暴雨如
繩纛顛風借力助其勢雷公電母行趨隅湖水躍
立元冥闕岬柳拔走根株殊通宵徹旦不停湏八
荒四野同一鋪天帝眼睛日與月忽鎖玉兔籠金
烏羲娥怕人肆嘲謔匿景便向雲端趨五行沴青
欲考驗黠慘不辨三階符巷南舍北地咫尺淖淖
便隔秦楚矣吾師露冕大隄去老屋信宿當甌史
陣雲導前連鼓後天豈有意私鴻儒聳肩搖膝出
妙句勢挾風雨凌虛無水性柔弱誠然乎眼中黿
擲鵬南圖鰕生客居僅容膝浣衣霑足聊長吁屋
壁雨壓床避漏紙窗跋扈風鳴鳴不憂四海憂一
室吾淺之乎爲丈夫

檄四蟲詩

蚊

炎帝擲火鈴白鳥厲其羽高能蔽天雲細欲暗汀
渚癭結理或然鷁啼怪如許要是腐化物乘氣育
徒侶長夏啟書冊心靜敵煩暑夫何么膺蟲繞鬢
來耳語倏至先商量頻造遂爾汝嚶嚶響雌雷灑
灑急猛雨初謂無甚害漸省蜚毒苦劈肌下鍼芒
嘔血引絲縷囊滿鶴尻高錐卓豹腳舉汲如轉輾

醺酣如奉尊俎批摑指掌勞擒十那得五爬搔汗
漬背膚若墳起土隔之朱裡幕薰以青艾炬驅斥
不多時鬼蜮復來處猝擊兒罷讀撲緣婦投杼力
穿牛馬革於人何足數引領涼颼發掃除不停午
羽孽席捲空快哉清涼宇

鼠

鼠輩何足道性黠持兩端白日甘伏匿昏夜乃肆
奸漏長燈火滅及時行盤桓墮梁聲啾啾闕穴氣
唧唧忽嚙衣褚破漸見書簾刊橫行莫誰何無有
完筐簞豈少麟與龍幽隱非所安甘心斂頭角讓
爾競餐餐百錢買狸奴毛骨同羶穢縱不善彈壓
亦望事擊搏捕蟬上高柳撲蝶蹲雕欄鄰媼有伏
雌五雛長柔翰牢防偶不固啖食何凶殘腥臊既
不厭宜亦嗜鼠肝用爾爪牙力碎磔良不難而何
茵上臥泄泄秦越看昨夜客不寐在戶星初闌羣
鼠盜果栗行地如走丸癡僕不省事夢聽傾髡槃
嚙語學猫叫起看食已殫

蛙

池草碧辭春沼萍青轉夏羣蛙得其時炎薰力資
借餽餽缺甃底泥淤土坎汙自謂天地間獨容我

叱咤圓腹爭膨脹突睛恣噬嗜青斑類文身腥臊
躍長脰一唱和者百聞聲頗疑訝衙衙送落日嘈
嘈聒深夜清非蜩吟比細豈蚓竅亞怒頤癭忽生
談吻較可炙難掩齒夫口未免辯士詐公私鬧華
林堅白談稷下淫靡鄭衛音勃谿婦姑罵村究求
蒙童醉客碎壺竿虞夔金石瘡周瞽鼗磬啞鼓吹
等俗物况乃鼓吹假周禮蠅氏職灰灑類禁架王
者篤好生獨此少寬貴乃知侈哆輩於法不容赦
南遷柳柳州盤菹吁可怕

蠍

江寧李詩選卷三

圭

我於四蟲中獨弛蠍之律偶遭詎常然踽行不朋
出噪豈鼃黽羣衆非鼠蚊匹跂跂縱能緣脉脉止
善匿微毒誠久蓄用爲自防術天地大能容人乃
橫見逼物謀脫已害延命在漏刻遺俘易擒生窮
寇難縱逸掉尾用其鋒痛楚便移日雖無脫腕害
亦比剝膚疾取譬宵小人懼貽衆口實寬假使自
悔豈竟作讒望我乃急持之不稍賜顏色遷改旣
無路畔越非所恤君子小不忍噬臍復何及自古
有道士坦衷示真率非智不能勝不欲沽悻直卽
小可喻大聞一已知十縱蠹使自去蚊蠕保微質

欲如昌黎公喜見亦不必

喻司寇招同諸子寓齋讌集庭前盆竹一枝
輪囷曲盤高不盈尺黃質而碧理因取廬陵
怪竹之意作怪竹行限用工部入奏行韻

古潭蟠伏蒼龍離鼻鼾歛息風雲俱翻腰一覺躡
空起欲傾碧海搖方壺雷遮電逐不得過脫落角
爪藏形軀尋丈幻作數寸勢如屈汪罔成侏儒柯
亭懈谷遠莫達匿此盆盎畱扶蘇孤生尙帶強狠
氣老根乳節生廉隅鬚髯蒙密鳬脚短跟肘蹙縮
貓頭麤風中時復一掉尾葛陂變化疑斯須檀槍

江寧李詩選卷三

圭

犀甲一當百底用千蠹爭傳呼先生節槩與竹並
墨君著處收新圖紫筠綠箭世恒有金相玉嵌眞
魁殊鰕生口腹累長者晨隨鈴吏來樞趨飽看此
君仍食肉腰纏跨鶴朝清都蘇詩若對此君復大
嚼世間那有揚州鶴酒酣卻
作杞人慮黃淮湏洞凌虛無蒲葦何罪遭剪刈民
不黔突村無酤此竹結實待飢鳳未許作捷隨莢

芻

玉帶生歌

楊缺崖有七客者之寮以貯所藏笛琴管胡琴
亡甕與硯並已爲七硯紫質玉紋所謂玉帶生

也舊寶於文丞相以贈謝臯羽後歸鍊崖鍊崖
作志命門生張憲作玉帶生歌商丘公幸觀之
亦贈以歌諸同人和之

胥江潮落白雁飛誰斲鼇足支坤維文山獨抱硯
田出奮筆屑涕揮雄詞蛟龍不合挂網罟虎口自
脫非人爲三宮銜壁水怒立正氣只欠天扶持梟
父得硯何所施用代鉛筑沙中椎魯連蹈海慶卿
死女貞花葉空萎蕤汐社痛哭客纔散起輦谷暗
陰風吹此硯閱人傳舍耳缺筵老仙欣得之紫袍
玉帶稱上客玉筍長句尤恢奇赤城霞起瀑水隔

汪季季詩選卷三

壬子

白虹影貫彤雲垂至寶縱復有晦顯神物要自無
成虧漫堂夫子方晏坐一方軟玉磨隄際時平幕
府罷草檄不須更替廬陵悲蟲鰕草木待箋註門
生問字來褰帷相與聯韻效鏤體踏歌更和嬉春
詩

庚辰冬日商丘公舟中喜晤山言同學兼送
山言隨中丞公按興邑

緯蕭詩句妍且奇散帙一讀一解頤神交氣合聚
以類詩中照見君鬢蒼而况仙舟靚君面不徒卷
軸摹神思長安詩社共燈火敦槃玉帛光陸離天

下英雄樓指數屈強未易虛聲縻君來一麾肅壇
坵受降高堅騶虞旗譬彼箇雲躍龍種凡馬一一
羞疲羸顧我曹鄣狎盟耳晉楚尾驥勞攀追比來
八口仰衣食賣文聊作逢場嬉白日飄墮不繫脚
顛下欲雪鬢髮髭大科顯秩偶然事不自意讓他
人爲履穿足抵不易及息肩屏氣坐視之看同華
巔欲脫髮滿梳不復能收持君心玉節貫霜立君
詩鏤騎空壁馳勁氣夜撼亞夫壘好辭新揭曹娥
碑讀書十載任窮達才名萬口爭延推今年南宮
誰按劍衆狙喜怒無乃私中州門閥稱第一博崔

汪季季詩選卷三

壬子

趙李非等夷在後訓虛元明天下盛門惟我與爾博崔趙李何爲哉謂博陵崔氏承郡李氏也鳳雛驥
子比毛骨捉鼻不免猶須時竭來解近遂別去昭
陽森渺天一涯夫子按部拯災溺左饘右粥看行
糜吹螺擁節侵曉發鯉趨亦辦羸膝隨蒲稗遍野
咬驚鴨魚蝦晚市登梓遲楚將山荒野水白湘纍
廟破西風吹感時弔古發新唱濯纓更和滄浪詩
明年看君到何許丹山萬里行相期

步韻商丘公秋日廣陵雜興八首

選四

簾捲春風憶昔年青樓薄倖杜樊川揚州鏡子盤
龍樣欲闢銀濤壁月圓

連牆野竹滿庭苔六幘門前逐曉開不用材官陳
導騎東鄰探看此君來

鴈聲鴉軋並溪聞灣口新河燕尾分打轉船頭望
歸路淮流脉脉雨紛紛

南臺九日且乘閒謝客新篇未許刪宋武登戲馬臺賦詩
百餘人以靈運詩爲
第一江上青螺何處所寄奴村落戴顓山

江左十五子詩選卷三

江左十五子詩選卷三

卷三

江左十五子詩選卷四目次

商丘宋 犖牧仲選

毗陵邵長蘅子湘訂
商丘宋韋金經一校

徐昂發

寓襄十一首選八

江邊曉望

渡江三首

揚州四首選三

過高郵作

阻風

風不止

淮陰侯釣臺

漂母墓二首選一

奉題中允公耘圃四首次錢飲光先生韻

述學校五十八韻

湖鄉雜興

黃梅二首次俞旅農韻選一

秋日邨居

王烈婦有序

雜題舍弟穉均山水畫卷六首選三

城南三首次宋五嘉升韻

題吳超士春渚獨坐圖歌

觀陽山雲泉菴大石追次吳原博史明古

聯句四十一韻 過大慈寺

偕大慈補公遊岳園

自岳園過西白龍寺遇雨

龍母祠 晉柏

過平望追次范石湖韻

村社 觀打魚戲為鷓鴣歌

偶興 早

租牛行 向夕

夢中作

過白坊村居訪奚大蒙先生

梨花下偶題 題支硎法螺菴

次韻答日容秋夕醉歌

櫻桃三首 選一 虞美人花三首 選一

黔中詠 有序

莊蒙 竹王

唐蒙 尹珍

清火 關索

聖婆 黑神

春香 張猷

葛鏡 韋翁

泊舟虞山下曉起 興福寺

頂山廟 遊仙曲題仇英畫卷

競渡詞十首 有序 選六 赤鷹

颶母謠 題蘆雁畫幀二首 選

讀陳仲天啟宮詞四首

首冬同戴大田有汪大武曹汪二右衡顧

四有常張三日容顧大虞珮吳二荆山

集顧十一俠君秀楚草堂醉後有作六

首 選四 泛塊壘湖作

題秋湖放櫂圖贈田有別

江左十五子詩選卷四目次

汪季詩選卷四目次

三

江左十五子詩選卷四

徐昂發 大臨長洲人著
有乙未亭詩

寓襄十一首 選八

鬱林產香草花葉耀莫春采采將遺誰后王嚴郊
禪守臣負筐篚拜手天階陳梧杵勤春榆黑柅調
芳辛虎晏藉玉舟報魄在所珍豈非草木華可以
交明神遇合苟無媒桑七何由親裴徊蕭蕭間用
敢告咍人

水澤散魚子么膺不足治變作介蟲孽築翅羣遊
嬉秋露既以降秋苗何離披農家甌羶香轉盼玉

注李李詩選卷四

粒炊食心螟潛引食葉騰復孽葉壞尚堪護心螽
誰能持宿夕頓枯萎束縈供牛齕悲哉么膺物萬
夫受其飢

青蘋產土中白蘋產水面產水願水深柔莖布如
綫產土戀土膏碧葉光欲眩類同根瓊珠相望莫
相羨一懷翦伐憂一抱漂汨患漂汨會作泥翦伐
那免憂憂患雖自防位置終難變付與風已定達
節奚歎援

山麝愛其香山獐愛其尾奈何惡少年憑高縱毒
矢尾以錯錦繡香以和蘭芷貪夫方走利獐麝焉

逃死剔香香臍裂鬻尾尾血紫無用乃福先多才
固始鄉有白額牛家有亢鼻豕巫祝棄不收茲
焉辨天咫

豪鷹方搏擊神王氣雄武碧眼橫清秋鋒稜插勁
羽查查羣鴉噪飲啄正翔舞赤絳解錦鞬脫若箭
離弩慘壑迴颼吹悲臺斜日吐震威憑攫綱雨血
灑林莽天鳥呼叢祠鴉死終無補

孤松生中庭鬱鬱三丈強但守礪柯節碧葉冬不
黃人言此瑞應梧桐來鳳凰鳳凰渺何處歲莫摧
嚴霜迴風掣霹歷根拔碎仆僵雖含雲門曲作屋

注李李詩選卷四

非棟梁

京雒多豪家甲第排空起結構曾幾時梁柱產白
螳白螳無君臣營營長孫子藻井懸綠房雲塗刻
丹綺外完中已朽穿螽作姦穴一朝忽颺去大厦
拉然圯何不買竹鷄盛置雕籠裏一鳴羣螳伏再
鳴羣螳死

艾蘭設檻穿柵杙張網羅中央置由鹿卽鹿山之
阿銜蒿求其曹虞鹿羣相過轉瞬禍機發死鹿連
車馱鹿死死由鹿積算丘陵多眼覩烹醢慘悲鳴
淚滂沱悲鳴復奚益能救死鹿耶明日卽鹿處由

鹿還尋戈

江邊曉望

白露粘天水勢驕荒洲蘆荻自蕭蕭五更酒醒百
憂集孤艇夢回千里遙蟲響斷時秋過雨月明多
處夜吹簫江城鐵甕看如許滿眼寒蕪打怒潮

渡江三首

大江流不息蒼莽日夜東噓吸轉潮汐光怪騰蜺
虹浮玉拔靈島石牌琢神工當其壚輔時一氣迴
鴻濛龜鼈閼窟宅蛟蜃排虛空盤渦立似象弱浪
高於蓬顛倒出日月敲磕聞雷風若疑地軸斷森
若天池通舟航忽不戒咫尺埋幽宮我何數此行
擊楫洪濤中

清朝靜無風熒浪片颿直日脚千里黃海氣半天
黑金山如巢車蛟螭控輪軾長江轟渴來萬馬忽
迴勒旋波怒騰蹕水腹中圻副龍驤十丈篷幪若
驚蹄踣願借祖龍鞭驅置江岸北不惜石流血務
欲平嶮仄榜人畫攤錢揚舲過溝洫結念雖區區
移山豈吾力

曉乘長潮來江面展圖畫纖羅靜不翻文瀾疊方
罍曠息片雲黑旋風忽流喝颿駭涌雪山坡拉鼓

冶排掉舌舞陰罍跨馬走水怪長年換舵號捲沫
打衣袂掀簸出波心下免鼉驚噉却愛滕元發萬
事胸不掛顛風江斷渡扁舟破澎湃負負胡可言
高呼浪婆拜

揚州四首 選三

木鵝沈處錦駟斜隋氏離宮接暮霞辱井有魂翻
玉樹仙都無夢餉金蛇裙縵禹穴千年繭鏡湧迷
樓萬朶花莫向吳公臺上望江南江北總無家
四鎮功名歎忽淪延和高閣醺仙真思驂鶴轡收
風實細舞霓裳蹋月輪院裏吹簫秦駙馬堦前說
劍聶夫人可憐鷄子翻城後玄女兵符不救身
欄檻層層俯薜蘿文章太守昔經過花爭幕下紅
妝豔山借江南翠黛多酒拍玉船添畫燭香籠繡
毯試蠻韉春風楊柳垂垂綠腸斷蘇公一曲歌

過高郵作

濤聲翻擊撞水勢怒奔躍蕩潏日光暗慘黯天色
惡長橋何蜿蜒旋渦屢迴卻靡靡蒹葭披站站烏
鳶落往者狂流潰駭若强弩彊婦子魚頭生畜牧
鱸尾掠桑麻冒龜衣沙礫爛蠶箔萬頃鄴豹田千
秋白丹壑哀彼七縣人罹此一朝虐茫茫慟哭悲

隱隱波濤作嘗聞治河策久厯明堂略詎糜太府
錢翻成塞齒博賈讓疏誰獻張戎論宜拓何時鳩
鵠形重返絲穀樂九關吾欲呼民言古所酌

阻風

風起江色惡孤篷卸汀瀨浪花飛電雨草樹舞旌
旆乖龍怒躩躍妖蜩喜奔會日掛羣山坳天清積
水外荒戍斷人煙寒谿瘦蒿蘊赤鱗邨可又白酒
從誰丐入夜霾霧昏當空星斗大風搜石罅鳴波
掀沙角壤檣烏宿更起江月明復盞吾行固已定
安問山節蔡

風不止

烈風何時休礫雲晚更作黑浪拜江豚雄雷拔山
脚挽竿蟲影瘦崩纜憂力弱舟師互傳呼客子但
貽嘲醇酎不可致醢酢亦虛酌愁腸轉輪轂燥吻
裂齟齬隣舟叩何有淹魚類枯穉雜投乏萍韭薊
芼癢勺藥草草誑空腹沈沈聽昏析斷碑蹲似鬼
折篠鳴如箭孤犬時信信驚鳥頻霍霍不眠遂達
曙造物真嘲噱

淮陰侯釣臺

木落荒原水氣昏英雄漁釣跡猶存蒯通不售三

分策漂母長留一飯恩人歎老臣知國士天哀女
子殺王孫弓藏兔死由來事只合終身淮上村

漂母墓二首 選一

英雄不得志飄泊此江邨流涕王孫飯傷心老母
言識高寧望報身賤欲醉恩千古窮人淚爭澆衰
草原

奉題中允公耘圃四首次錢飲光先生韻 選二

遺榮遊物外清景栗園偏選樹安茶臼修筒引石
泉人生行樂耳公意更蕭然盡日相隨住蒲茸鷗
鷺邊

懶響頻衝岸鶯飛不出林石窪量酒貯非帖倚牕
臨簾蕩花陰捲池喧荷氣深濠梁渾在眼遙識古
人心

述學校五十八韻

先王制禮樂學校惟宏綱左右各有次南北不一
方四代學固殊教亦冬春更擇賢爲士師柔養使
自臧匏簫敝雅頌盤辟執篋筐業精文而明器備
溫且剛磨揉速躁心優游埃其成周衰王道缺塗
澤事采章易象六代樂誇示於客卿學官與弟子
器習義則亡有識隱山澤六經自攜將足不出庭

戶聖道鼓雷礪諸生就習禮絃歌滿廡廊當時稱
極盛鄒嶧西河鄉永平置辟雍番尼爭受經太平
飾榮觀庠序卒未宏文皇崇先聖闕里專祭祔皇
族及郡國橫舍增千廂七營飛騎衛生徒列成行
開元毀先典道舉歎雜麗宋世學具設燭然文治
昌師嚴道邁尊立法蘇湖良廣內賜九經睢獄廬
嵩陽耆儒隱不仕若揚孫穎常舉命教本州薰德
多才英養賢體既肅喻學術益詳士負不學恥顏
厚穎有祿沿流逮有元餘韻猶錚錚書院山長設
壹以德行揚斯風漸漸滅聖道誰翼匡師既弗暇

法李詩選卷四

七

擇幽室嗟俚俚博士空倚席弟子徒面牆矧乃資
格破敝筍縣魚梁臯比設講座三揖升貲郎用頑
以治哲用闇以訓明譬如飾瓦斲而欲凌球璋其
號稱職者帖括爲士程亂似鼃蛤吠細若蝸蚓鳴
豈知咸莖奏拊翼交鸞皇在昔立學初制義何深
長上以事鬼神習射嚴禘嘗下以治眚庶養老先
農桑內以正表著賢能簞冠裳外以肅軍旅撻伐
威氏羌師也君弗臣聽語施之邦下暨甸侯服州
豫鄉有堂大夫士既老歸教職所當德藝爲種耨
棘寄爲堤坊殺人亦有禮臨喪不復翔閭閻何秋

秋叔世那可望小言最破道枝葉紛披猖厥始作
蝨蝸末乃尋斧斨狂飈一以擣制度胥淪喪後世
所沿襲太倉餘粟芒何異測海蠡不啻告朔羊謹
守懼失墜尚或譏愆忘明堂高峨峨辟雍水泚泚
誰定太常議三古追頡頏

湖鄉雜興

閒身已分老幽栖漁子頭銜好自題花巷穿風隨
蝶舞柳陰調管會鶯啼

茸茸葭菼綠沿汀收網歸來晚市腥濃淡樹頭初
過雨東亭煙起接西亭

法李詩選卷四

八

殘月艙中曉霧沾野航入市尾相柑紛紛陌上青
裙女瓦罐提油箸裹鹽

處處笙歌賽社忙醉餘著屨向橫塘鐙臺草秀釵
茸碧玉莢花翻蜨翅香

瓜蔓波生浸碧雲綠車搖雪夜相聞吳蠶若有風
流分抽出新絲織舞裙

長條拂帽柳依依行到溪橋望落暉水面老魚迎
棹立簷頭雌燕領雛飛

顆顆櫻桃赤似脣青梅如豆已生仁晚來閒向谿
頭立只見楊花不見人

黃梅二首次俞旅農韻 選一

蕭蕭梅雨落角角野雞鳴酒暈添羅裏絃絲脫畫
箏水吞通市路溪亂擲鼠聲濕霧連朝暗堂陰毒
菌生

秋日村居

春霖麥種壞秋旱稻花傷人合逢饑饉天非悖雨
暘倚牆秧馬倒激浪水車忙辛苦灣頭叟竿簪活
計荒

戎戎濕霧起袞袞薄雲收蟹蝦青燈晚魚梁白鷺
秋短衣裁楚製長笛應吳謳養拙荒村上頭銜是

醉候

王烈婦

休寧王烈婦姓程氏十九而嫠事姑以孝聞甲
申乙酉間盜賊大起婦奉姑避亂山中間行遇
賊賊拔刀劫姑以逼婦婦抱持其姑罵賊甚厲
賊怒支解之鄉人立廟祀焉

黑山初鼓亂白嶽漫纏妖林暗鵲語天荒豺虎
驕死心甘碎骨生氣薄曾霄吾作迎神曲幽魂或
可招

逐鹿遭陽厄揭竿開禍樞老姑猶飲血新婦願捐

軀青史久相待蒼天不可呼死貞終廟食盜賊爾
何愚

日月還依舊孤芳自典刑血旌崖石紫廟配嶺楓
青撰轡蘭旄殿傳芭孔蓋停幽魂誰共語湘瑟雨
冥冥

雜題舍弟穉均山水畫卷六首 選三

毵毵細雨落巖花來訪幽人一徑斜石氣翠生宗
炳榻樹陰濃覆謝敷家

到處浮家作遠遊梧鐺隨分占風流青山一角湖
三面著我魚鱗細篋舟

橋橫獨木人呼渡樹臥空亭葉作堆水鴨向船鳴
不住斜風捲雨透艚來

城南三首次宋五嘉升韻

滄波日夕變新畬往事茫茫劫火餘寶劍乘雷歸
碧落金鳧照夜出幽墟水村燒紙迎梅福漁艇吹
簫賽伍胥楊柳黃眠蒲紫立祇應隨地著吾廬
漢室曹瞞是鏡泉猗兒年少欲橫挑刀圍玉帳觴
公瑾花簇珠屏舞大喬水上神書繞息飲牀頭明
鏡旋生妖蟠龍門外牛羊暮蒿麥粘天似雪飄
東風倚棹木蘭舫舊事淮張刺野萬人弔夕陽花

作雨烏曉初月水平箇江陵故老憐蕭銑隴首荒
宮記隗囂亡國有魂歸不得駭狼衡海漫呼號

題吳超士春渚獨坐圖歌

編舟昔載鶯脰湖扣舷絕叫驚鷺鷥雞鳴狗吠應
浦漱老漁校利攢層巖斷橋朽柱篙眼亂檣頭單
槳聞招呼弱柳低眠老松立彷彿下有幽人廬先
生寄跡湖近遠蚶田蟹舍辦薄租任裏通脫比漫
叟著論蘊憤摹潛夫槿駢紅蕊花作壁橋驚碧醞
香衡壺有時獨坐沙背白雲散盡蒼山孤驚魚
趁水擘面起釣竿擊斷青珊瑚袖中間展冰雪卷

壬午年詩選卷四

十一

率歷似走馮尼珠江湖無人空歎息粘天翠浪搖
風蒲舊遊不理已十載畫肚暗背營丘圖秋來欲
借放鴨艇就君酤酒烹鮮鱸

觀陽山雲泉菴大石追次吳原博史明古聯

句四十一韻

吾州卑猶山大石萬口誦芒屨獨來遊赤藤還復
共風吹輕翼肘意行捷飛鞚山骨吼撐立霧脚鬱
蒸滃何年鼓鑪韜造物開鴻洞乘階拱兒孫岑嶠
班伯仲關狀突相攖落勢奔可恐其陽芝菌殖其
陰窳竇凍石理紛鱗皺龜兆等錯綜女媧施手時

巨靈擁幢送驚驚河鼓槌臂臂土伯從玄雲疊千
堵妖罔鑠百種銛銛坤軸陷鼎屬鼉冠重顏如龍
割耳蹕若馬脫控仰似靈鼈浮聚似羣狙訟騰虹
轟石梁劈壤若幽街奔雷鬼斧鳴凝魚慶切血神鞭
用帝觴爲落成山秣亦効貢壞形簇簪髻側睨欹
瓊甕前飛雉霸秦後卻鴟過宋授書偃蹇來支機
姪姪奉日炙焦流金沙伏燦生永深坳芥舟漾淺
罅戟牙中裏噴東海窄陣駭常山縱目眈欵改眈
肩聳但孤諷循翫日屢移刻畫語未痛上古聞夸
蛾負山厝朔雍誰向勾吳偏壘此怪石供礪角來

壬午年詩選卷四

十二

野牛折膝臥鐵鳳堅瘦霜雪饕餮踰踰股衆掃苔
據兩弓枯僧結雙棟犖犖伴天頑零豁倚厓縫仙
蛻鳥翻披泥深鯨鬣墜米拜端可受李射儼欲動
棋枰剗凹凸佛龕鑿嵌空青飢足餽糧殘碑供吟
弄詩服匏翁募詠倣洛生躡輕傳比竹諧狂作投
命碁勞勞塵網間擾擾蠻觸閔微尚寄巖壑盪胸
展雲夢卻笑牛李癡黃金擲高俸

過大慈寺

紫袿霑微露斜穿石徑中谿迴花不盡峰斷澗遙
通茶竈家家火山鵲葉葉風陽山特多山鵲俗名石鵲花支公畱舊

隱撥路款茆蓬

偕大慈補公遊岳園

朝從遠公出著屨恣幽尋一徑向花霧衆溪藏竹
陰茶香甌潑乳笋細玉抽簪風勒奔泉響寥然汎
雅琴

自岳園過西白龍寺遇雨

山午鬧鳴鳩敲門下竹兜谿迴還入寺雲出便沈
樓楮老生黃菌松高結翠毬回看樵徑滅疎雨暝
如秋

龍母祠

汪莘詩選卷四

十三

髣髴明神降鱗鱗小殿中湘娥裁玉佩月姊織香
蔥壁吼青鼉雨旗翻赤鯉風山農喧鼓笛載酒酹
幽宮

祠後即
龍母塚

晉柏

幹拔相挈攫枝迴自屈盤乖龍鱗甲蛻老鳳羽毛
殘皮蝕銅花暈筋纏蜺影寒它閒草木曾識晉
衣冠

過平望追次范石湖韻

波面捲疎雨篷脚振斜陽溪沈水葉紫蝶嗅畦花
黃墩樓鴉奪巢野渡兒鳴榔石罅銀鱗亂瓦甌烏

菱香數家鰕菜市一鏡菰蒲鄉窺籬鬢姪姪垂慕
天滄浪風弱減帆腹月黑攪客腸沙衍迴雙篙打
起雌鴛鴦

村社

東風駘宕搖香陌楊柳深青杏微白社翁昨日神
雨飛整整斜斜灑溪碧農家燒紙古樹下烹鯉魚
羔獻醪炙赤脚槁項互拜起蠻絃漁鼓交撐攔村
巫降語神壇前社翁賜爾多禾麥來楚早晚穗兩
岐黍稷高下畝十石原蠶作親盡如甕老特生兒
能駕軛鵝鴨將雛雞養孫翻飛隨母聯千翮翁前

汪莘詩選卷四

十四

媼後領神語送神入廟張筵席遮邀隣里雜嬰穉
填溢不憂茹舍窄長瓶瀉酒連百觥大肉堆梓橫
半尺畱賓掣袖氣羶豪拒罰覆杯聲嗑嗑夕陽射
地潑眼明蹣跚人影相扶掖村巫得胙亦歸去神
語吉祥歡滿室敕兒當戶貼蠶符斫竹連宵樹鷄
柵旁修豕筮築牛宮圓囿方鹿皆增闢整待今朝
神語驗明年社日重呼客

觀打魚戲爲鷓鴣歌

鷓鴣鷓鴣巢高木張口吐雛連五六睜睜碧眼玻
黎明稜稜長喙鉤鉞曲野人桵網橫覆車觶沙兩

翻不得舒鹿角腥涎養馴熟朱繩繫頸來捕魚湖
波吞天一葉舞野人指撝若部伍鷓鴣穿浪疾如
風水面迴篙掉飛艣戲鯉游魴驚失次擘髻磔尾
萬魚逝翻身入水追亡遁搥鼓船頭助聲勢大魚
鱗脫紅肌摧小魚半死盈艙堆鷓鴣鼓翼潛龍吼
貪殘嗜殺神所猜野人捩柁斜陽墜論斗賣魚謀
一醉鮮鱸遙看蘢葉香輕刀細剝春蔥脆鷓鴣鷓
鷓垂頭斂翅上茅屋一寸鱗髻不入腹

偶興

涼氣生高原簌簌響疎雨雨過林麓淨東風蕩飛
絮遠水沒青天綠霧漲深樹斜陽入孤村小橋引
微路偶來把釣竿獨坐澹孤慮賢者染溪碧衣袖
滴花乳野鳥不驚人銜魚自來去

早

廣澤沸斗水驚菰魚尾賴草木半焦卷枝脆葉不
榮不惜草木死但憂蝗旱并借問荷鋤叟可能傲
秋成父老仰天歎赤日輝銅鉦土堅錢鏹斫地
如攻城城堅尚可穿土堅絕難畊日行舍東井農
事尚未萌豈敢騁情竅雨澤慳珠瓊血流殷觶蹠
耳攢桔槔聲剡剡田中秧化為枯蒼莖

勿播糖耜種勿畊蠓螺田高原堆塵壩下隰渴水
泉火雲煽地赤日鏡飛上天鳴鳴溝車響口鼻焦
生烟昏暮不得息蚊蠟劇飢鳶足腫破流血腸直
鳴燥絃村媪筋力朽候水水埕邊濁漿不入土土
塊瓴甌堅列畝玄兆圻新秧黃髮拳盜覆無贏粒
衣破賴兩肩鬻女豪家門涕下如蛟涎何時淚痕
斷挽取天河湔

租牛行

今年旱何甚赤地艱插時西隣舊豪家牛園新修
治小姑脫銀櫛大婦典羅襦平旦駢牛歸濕濕悍
與犁東隣活計少麥種無畱遺老妻共力作骨出
如枯龜子本勉稱貸租牛鑿牛池牛肥四蹠健牛
瘦兩角騎隨牛上車盤車壞牛行遲揮鞭向日暮
人牛同時飢歸來困倦極解衣看牛齧半夜還屏
水哀歌摧心脾亦有無牛家中田生嘆雅淚滴深
眶眸膚灼攢癢胠踏車鼓聲歇呼兒咒蛇醫

向夕

葭莢荒荒白汀沙漠黃草聲飛蚱蜢巷氣下牛
羊風入書翻几瓶香酒過牆檐牙西月掛囧囧抱
晴光

夢中作

木脫清秋夜湖頭捲釣綸鳥驚風起樹天遠月低
人舟小真如葉波輕碎似鱗箋詩還註易宿世是
玄真

過白坊村居訪奚大蒙先生

放棹前溪去閒尋隱士村水枯魚汕出門破鹿籬
存麴部狂堪吏中書老欲髡愛君吟好句詩酒有
乾坤先生補其近詩有鬼神充
胸福詩酒有乾坤之句

耆舊今凋謝如君復幾人破家團死士屈首老頑
民腸斷西臺哭心甘北阮貧鳧鷖煙水裏長寄肆

閒身先生自
號肆閒

梨花下偶題

小閣香殘有所思珠簾犀押向風吹梨花路繞青
山遠正是馬嘶郎去時

題支硎法螺菴

山翠墮幽澗林花洗微雨衆鳥忽已寂明月在高
樹幽人尋鐘聲羅徑獨來去

虛堂冠孤岑星漢瀉如掌寒花入幽夢白雲寄餘
想暗覺風雨來杉梧厲清響

次韻答日容秋夕醉歌

江城千雉秋雲鏤匠門一角斜陽墮張也灑掃蝸

牛廬壺尊爲右圖書左未能跋浪淪滄溟自要深

杯澆坎壈醉頭酒熟奔渴蜂壁竅蟲鳴咒土羸殘

推蓮子鬪分曹釣傳黃菊拈殘朶解整斫雪白紛

綸橘柚搖霜綠髮髯郭生年少誇翩翩顧子頽唐

亦頗頗詆諧弄筆責奴髯游戲斯文誚奚跛顧我

常戒賀若錐當筵敢學禰衡裸匿影恒比尺蠖屈

外語還防箕舌簸貧家本住千花村秫米行收萬

珠顆雞豚作社舊曾偕羊酒講婚無不可辭君卻

棹漁舸還解幘橫當波面坐青山盤髻冷看人白

鷺刷衣閒候我好攜簑笠採蓴鱸長與憂煎脫纏

裹

櫻桃三首其一

華林三百樹樹樹醉東風碧葉攆濃陰繁花映綺

櫳梢簷旋結實接徑不分叢火齊凌空出珠丸逐

彈通日烘憐照灼拌捧瀉玲瓏千子香屏上雙株

寶楯中珊瑚沈網碎鸚鵡啄枝紅設筍陪嘉會黏

蟬感化功忍將烹杏酪好與伴卽筒味愛酸甜足

圓看朱紫同蒲萄餘寵濫唐人呼蒲萄
爲紫葡萄橘柚故恩空

破夏宜嘗麥驅禽欲約僮覓腸愁內熱鰲面覺朝

融不信長安客銀絲絡馬駿

虞美人花三首 選一

重瞳霸業已成塵何事繁香獨愴神
兩戒江山餘百戰一叢花草泣千春
湘絃調咽紅粧斂楚衷風搖碧葉
新聞道漢宮九寂寞影娥池涸出青燐

黔中詠 有序

吳江赤霞吳子歸自黔中出黔中詠示予讀之
慨然而歎感尹珍之篤學莊躋唐蒙之已事與
夫凡俗之荒怪因和而補之凡十二首俯仰千
載覽者或亦有感焉

莊豪

莊躋滅夜郎因畱王滇池一綫能繹後猶足君蠻
尼豈知秦鹿失乃爲囂佗師

竹王

豚水三節竹荒怪不可詳南尼君長百竹姓獨得
王攸佬吹蘆笙年年賽三郎

唐蒙

奇兵下牂歌法當如鬼疾伏波已破越夜郎兵不
出犍符徒騷然唐蒙策竟失

尹珍

吾愛尹道真自新生炎荒北從應許學卒用經業
昌蛾子尚時術不學悲面牆

濟火

朱褒反牂牁高定叛越雋扶義得濟火前駟駕鞭
箠至今羅甸王廟額照江水

關索

關索壯繆子名與嶺不磨豈伊史官闕無乃蠻語
訛嶺邊山呼響昆瓠上坡陀 嶺南林備錄關嶺
巖多能鳥多山呼

聖婆

南登岑樓山卻訪聖婆井井水深不測竹林風日
冷傳聞九股苗尚怖裙幟影 郭青螺點記聖婆至岑樓山渴
甚以杖卓地得水植竹成林土
人皆拾得聖婆裙與苗
藏揭以爲幟苗輒敗去

黑神

黑神 點記忠烈廟祀南
霄雲即今黑神廟
粵巫祀黑神云是南開府禦火猶殺賊火作神靈
雨南明河水邊迎神開銅鼓 土人傳南明河
水鳴輒有大災

奢香

烏蒙赤水道置驛由奢香羅鬼固可化好殺終不
祥咄嗟兩女子遂坑馬關王

張猷

神仙果有無斗蓬跡荒怪空山作影堂瓢笠竟長

邁絕笑驪山母殘碁不放敗

平越山石壁有張三丰影

葛鏡

杠梁本王制後世不復修麻哈江水惡欲渡行客

愁葛鏡彼何人名與橋俱留

平越有葛鏡橋路麻哈江上

韋番

七蕃有韋氏實祖韓淮陰匿孤寄尉佗蕭相謀最深參夷終已矣完卵尚傷心

泊舟虞山下曉起

篋舫輕如葉鷗邊一枕寬滿湖芳草綠清夢曉鐘殘暮暮烟籠日鱗鱗水漱灘百錢租軟轎花徑露

微乾

江平李詩選卷四

主

興福寺

連峰忽斷處一徑入禪關樹老長巢鶴泉清不出山石幢文字碎經閣鼓鐘閒日暮雲封谷空看飛鳥還

頂山廟

古碣文訛缺荒祠氣窅冥雨工扶繡幃螺女倚銀屏馬蹏靈雲白人歸社櫟青風雷初解後潭底宿龍腥

遊仙曲題仇英畫卷

來牧石深山中

江平李詩選卷四

主

競渡詞

并序

五月三日顧漢魚于克俠君兄弟置酒舟中邀同金子亦陶黃子憲尹俞子旅農尹子又黃鮑子孝一張子日容由胥門歷閭門至聖唐灣縱觀競渡作十絕句記之

選六

團扇單羅五月天鴨城南北柳垂煙衝波小艇輕如燕載得登侯上畫船
小海歌翻動碧虛龍鱗畫舸關清渠吳兒自要誇身手爭向潮頭逆伍胥

羣羣翠鬢鬪春鴉畫漿相銜壓浪斜莫道分明看
未得相簾如霧不藏花

見客在生得句云隔船可許分明見
長珠簾煙雨對子戲作此轉語

顧家第弟總超羣閒製新詞教舞裙攜客水牕吟
眺處棋枰酒壘各成軍

疊板頻催碧玉箏畫船卻載米嘉榮水雲乍起半
江綠疎雨斜侵落拍聲

新蒲交翠翦羅衣燕子窺人撲面飛樓上碧簫愁
欲暮滿江風雨畫船歸

赤鷹

盲風攪野日過暉頑雲結塊天無威叢祠幽黑狐

江年五言詩選卷四

五

狸語鬼車接翼盤天飛引怪徵妖聲格磔嘻嘻出
出收人魄寡妻夜哭連舍空莽楷茫茫燐火碧簪
然捕逐來赤鷹金眸眩轉如流星六合清泚靈霧
掃蒼鸞神雀賓王庭誰知覆手生袖胎翦翎囚送
空山哀赤鷹銜淚鸞鳳弔訓狐地下遊魂笑

鷗母詠

南海南海東海東鯨鬣刺天魚眼紅東海東南海南
馬銜掉尾龍伯貪海賈椎牛開巨編驅橋十道凌
空展怒水高春霹靂壓勁風倒掣長潮轉帝儼鑿
島呀雙門旋渦撒施投蠻村礮雲怪雨頃刻變寶

氣紫赤搖山根洋中技巧勝吳蜀器雕花朶裝珠
玉曲房蠻女十五餘微露塗肌初出浴翠髮雲披
頸粉搓柅傾三勒顏微醺屏山入夢春不曉錦綾
萬段酬蠻歌尼言駟會工欺侮裝橐勾稽十失五
鮫宮鼉窟悔往來發憤銜羞作羈虜鼠變虎蝨化
牛天道荒忽非人謀君不見嘉靖時並海村厖禁
不吠暈光如血鷗母起射潮強弩屯千里

題蘆雁畫幀二首

選一

江雲黯如墨雪花大於掌嗷嗷羣鴈鳴徹樹枯葉
響聚啜占遙汀孤飛掠平莽我欲投江湖老作鴈

江年五言詩選卷四

五

驚長漁村斫雪出寒光冰卑病切鳥榜手敲銅斗歌
雲水倒下上竹弓辦麻蒯射鴈向茭蔣撫此蒼雪
圖風塵厭羈鞅

讀陳仲天啟宮詞四首

小殿花開覆玉除御前刀削嵌璫璣考工曾是周
家法誤作興王半部書

金鳥過翅向西流符瑞翻傳出豫州角亢三更收
寶氣秦時玉璽進彤樓

幾座銅缸鑄海鰲設機激水噴銀濤閒雕鶴卵圓
毬子拋擲波心五尺高

講幄生塵玉座空君王運斧捷于風誰知鈎黨中原禍大厦將傾慟國工

首冬同戴大田有汪大武曹汪二右衡顧四

有常張三日容顧大虞珮吳二荆山集顧十

一俠君秀埜草堂醉後有作六首

選四

翠竹紅橋五畝間盍簪佳會啟松關釀蕩小圃駢
頭橋簾透西城半角山心許澹交廉慶上文追良
史固遷還夜深寒月侵池畔水底沙如篆籀斑
飛揚意氣未磨礪五岳峻嶒方寸中草木尚生無
患子男兒郎作可憐蟲逢花茗苦爲愁飲結柳邊

辛辛詩選卷四

主

巡歎學窮至竟文章成底事莫臨遼海哭秋風

畝無厄苗陸無羊醉裏時時強激昂憂國願增除

爵法讀書先檢作金方凌雲才調開印笥結韞聲

名重廟堂何事范家賢子弟妒人輸貨買齋郎

擬依招隱製新詞寒黑低頭只自思綵綬千條裝

趙勝黃金五尺鑄鍾期馬看如狗鳴珂早劍定成

龍出獄遲不相蘭筋占斗氣可憐得失竟誰知

泛塊壘湖作

東風宕遊絲殘雨洗紅藥天罅漏晴光欄牙噪春

鵲隣曲走招邀村梓相斂釀迴篙舫輕劈岸鱸

鷗躍野花翠于脣水葉圓如杓桑巖出斜梯竹頭

編短釣蚌田放鵝鴨蟬蝦遮蒲葦折權入蒼茫澄

湖蕩寥廓晴烟泥楊柳碧淪搖熾嶸牽檝藻凌亂

唼影魚噉嚼洗瀼中流深清激隨淹泊濕銀注晶

奩皎鏡磨菱萼璫瑤忽崩嵌荒怪互搗霍水仙蓮

瓣長鮫女綃銖薄閃閃舞桂旂冷泠漾風鐸粘天

遠樹垂擁柁春雲弱掀浪日鱗鱗漱石沙焯焯濱

湖土阜高生墻阿瑛鑿老鐵許文章迂倪伏標格

映浦抗烟榭空曳翠箔石牀倚題詩紅頰脣疎

酌風流渺不還名勝空如昨澹沲夕陽斜紛騰野

辛辛詩選卷四

主

炊作碧岫稍鋒沈紅霞魚尾落捎月樹蒼蒼緣陂

蛙閣閣幾牕穠露泣酒面輕颺掠吾生貴適志茲

出殊不惡慘袂謝同遊雞豚固前諾

題秋湖放櫂圖贈田有別

秋山倒影翠生香人立湖頭黯自傷紅蓼岸枯花

吐白綠楊村老葉飛黃輕雲擁柁隨天遠小雨敲

篷入夢涼欲採芙蓉將遠意西風朝夕下寒霜

江左十五子詩選卷四

江左十五子詩選卷五目次

商丘宋 犖牧仲選

毗陵邵長蘅子湘訂
商丘宋 至山言校

錢名世

春霽山行

題延陵季子廟碑後

唐貢山試茶

送楊龜今北游太學和許在衡韻四首

溪店

觀潮

賦得江春入舊年

楊青村移居六首

贈宋射陵

題顧俠君小秀楚

題查梅餘蘆塘放鴨圖

東陳道柔四首

題蘭卷尾絕句四十首

竹壚

詠析分韻得三更二字

題狄向濤庶常秋影草堂

題王赤抒竹深荷淨圖六首

四月二日同諸子集學人寓齋用昌黎短

燈檠歌韻

疊用昌黎韻東學人

聞雁

江左十五子詩選卷五目次

江左十五子詩選卷五

錢名世

亮功武進人著
有古香亭詩集

春霽山行

孟春值陰雨經旬閉柴荆晨興理短策試向前山
行始霽羣卉拆稍暄百鳥鳴攀躋紆石磴迢遞延
蔥菁谷幽嵐正合路轉湖偏明松風有時歇悠然
聞水聲卽此愜吾慮綿邈生遙情

題延陵季子廟碑後

江臯遺廟鬱嵯峨詞客吟詩枉道過故國臺荒唯
見鹿殘碑字古盡成蚪當年華袞垂青簡此地佳

江左十五子詩選卷五

城掩綠莎捫石細看重展拜夕陽西畔冷風多

逃位曾傳泰伯風那言高義子臧同江山未改仍
公子人物無憑只上中地僻似村烟月白廟閒如
社野花紅傷心窟室鉞交後斷送亡王泣甬東

唐貢山試茶

蝦虎城東水東瀉兩岸藤花如罨畫烟岫輕雷大
茗舒綠溪占地成茶舍使君五馬夾紅旌松澗穿
來洞府平嫩綠鮮芳香雨裏嘉禾瑞草別徵名驅
使丁夫入叢去抽金裁壁都收貯境會亭前整玉
筐拜章二牧銜雙署天教泉脈噴金沙敢學山僧

怨白蛇亦印多催蒸紫笋就中供御揀冰芽至尊

笑舉清明宴頒賜月圓三百片也復江湖到散人

指揮能事旗槍戰抽添活火汰膏薪雲脚霏霏沫

餽勻翠袖低擎光瑩乳花甕滿貯色傾銀誰辨蠻

韉與簾從漸兒狡獪能爲爾山林職志酪蒼頭游

俠功名茶博士斃石封苔故井通書旗誇酒小樓

空千年唐貢傳靈秀莫恨春風草大蟲物換星移

時代易異製殊形廢先出宋家北苑龍鳳模蟄後

網頭開勝雪畢竟閩中道路難馬愁日晚舟畏寒

君謨士品徒決裂陽羨今仍壓建安獨惜茶山蹟

江左十五子詩選卷五

已古焙室不存提領所泉花空好汲於潛雪水但

言烹顧渚挈鐙擔甌謁山靈飲汁重修陸羽經紗

帽棋盤皆第一紫英狼籍亂峰青

送楊鳧令北游太學和許在衡韻四首

選一

通看長爪可憐生妓席狂歌喚紫雲點鬼流傳當

日體覆甌安置太玄文瞭鷹臺畔呼桐酒詐馬筵

前簇錦裙麗句巧翻新樂府中朝名士許誰羣

溪店

溪店灘風惡松門夜雨寒有雲緣仄磴無路入層

巒石壁龜文細竹籬虎眼寬明朝應記取桐帽挂

驢鞍

觀潮

早潮灩灩明星沒晚潮浩浩初月出潮去潮來自
古今秋毫不見江波溢渡江者屐升顛崖江流端
正白道斜吞海亭前放兩眼潏然耳畔喧雷車汀
鳧渚雁知潮信拍翅驚飛排水陣半江崩浪大于
山突過中流冒平進白馬羸毛十萬匹怒蹄蹴踏
寒風颺如茶素甲鼓聲高睨陽霜刀橫擊律雪龍
天矯空中飛飛魚怪物相追隨鱗爪變現領珠落
毒涎霧噴光淋漓關霆擊電海門碎巨壑蕩滴藏

王季車詩選卷五

王

舟移汨沒沙洲不勝計但憑遠峰露螺髻雲根直
欲信流去虹洞蒼茫極風勢江豚掀簸豈自由天
吳叫嘯水仙愁弄潮吳兒好身手驚波燕躍伸黃
頭欹岸水痕添一丈漁舟箇箇浮天上絕港空陂
盡灌輸枯荷敗蘂皆神王濤偃端平鏡面圓千溪
小艇乘江漲君不見錢塘羅刹凌浙西歲歲噉壞
江邊堤英雄豪氣奪天險犀弩立射潮頭低此地
憑闌却回首青門文采今何有閑看七發廣陵潮
急買六朝京口酒

賦得江春入舊年

律應光風轉春隨弱線添霜華旋解冰雪絮欲消
鹽穀浪拖藍皺螺峰蹙黛尖雁臣還塞淚魚妾上

冰驗緹縞晴沙覆菖蒲淺水淹波生潮信減井鹿
石泉濺漾漾投綸穩溶溶掛席恬一渠烟縹繞兩
岸草靄靄驛騎輕塵滾漁舟宿火燭澄江渾暴練
新月乍磨鎌綺閣紅樓並黃蜂紫蝶兼銀塘牽錦
纜金屋捲珠簾文杏爭題館官梅簇臥檐紙鳶圍
稗戲畫鴨鬪香匳細雨飛茶幟輕寒盪酒帘蠶娘
供白粥鳳女掛紅餞豈菹香苞圻薔薇露帳遲迴
廊行窄窄輕袍弄慘慘柳帶遊絲挽花鬢淡靄黏

王季車詩選卷五

四

粧臺愁暖暈美笔喜酸酤木筆如椽利榆錢阿堵
嫌曉枝啼百舌故壘認胡髯繡轂羣芳合朱旛膾
馥沾苑中裙幄滿陌上籠鈎鈐公子拋金彈村夫
荷鐵鉗獻鳩深刻杖射雉密安簾槐火移新免桐
葩映老蟾棗糕蒸麵熟粳酪和錫甜被襖蘭亭集
迷藏藥塢潛遨頭遊覽闊藍尾罰哇嚴芍藥詩中
贈池塘夢裏拈毬場誇踴躍躑躅展韜鈴歲叶百
年兆竿符六尺占音分竿影六尺歲則大稔屋鳩呼滑滑壠麥秀
漸漸冬日烘編戶背臺露彩蟾生三遊浩蕩吹萬
及毫纖有脚陽春遍如膏化雨厭水程流渥澤朝

夕報郵籤

楊青村移居六首 選三

圖書一榻養閒身仙有端倪佛有因讀易東牕參
妙道曬衣南巷詡清貧筆頭漸退兼揮帚車腳權
支當獲薪終覺麗情拋不得落花啼鳥撲香塵
湫隘紅塵選奧區衡門兩版帶清渠開筵覓友蹲
牀上勸學呼兒立座隅上口詎須三萬卷扶頭可
要十千沽酒箴玄草還須刻也得中分少作無
休擬山村與水村雪中鴻爪故無痕烏衣境癖諸
王巷馬策風高萬石門花發遠樓三月霽夢回長

汪莘詩集卷五

五

枕五更溫安貞大有含章在地勢何妨自轉坤

贈宋射陵

冬青蕭索遺民少海濱寬閒存一老曖曖晨星氣
象高華峰削翠金天杳百年以來人事變射陵先
生眼所見銅駝荆棘蒼鵝飛露掌仙人辭漢殿南
都斫盡靈和柳二月不知春甸線後庭花唱商女
口毳帳筆簞成高宴臺城應教秋衾客掃跡荒村
守迤賤叢殘蠹帙過五車石田茅屋蒼苔居長編
一卷必在手百家諸子時畋漁野蔬新翦濁醪熟
簷花墜雨寒牕虛兩京舊事飽其腹閑談湧出泉

百斛蘭臺掌故多放失江天少微有實錄薦書急
奏楊鐵雅白衣宣至參史局見聞覲縷談靡靡八
表十志成必速不然土室作詩史空想蕉園在鹽
濱君不見永寧寺側藏書樓寶光夜夜騰斗牛鹿
門偕隱夫何求長君健筆思廉儔難椽官館來日
事那羨區區史通子

題顧俠君小秀埜

綠浪紅闌百舍違三間參佐且相依後門無限金
溝水也有青楊絮撲衣

叢書板閣如韓宅妨帽檐低似庾園恣買豐臺千

汪莘詩集卷五

六

芍藥洧川風物滿階翻

門外車音日殷雷門無客到不輕開紅塵若道能
侵物牆角青山底處來

方牀曲几自蕭疎小啜香茶檢異書便是阿瑛觴
詠地不須頻憶玉山居

題查梅餘蘆塘放鴨圖

鶴媒立寒臯雉媒立春壠借面友朋伏禍機白晝
啾啾毛骨悚昨日驅車走平地爲防江海風波易
黃塵忽然飛滿天輶摧軸折須臾問道傍觀者皆
歎息歎息去之如等閒進不能前退不可拔劍高

歌黑雲墮淺水蘆花放鴨船滄洲一夢推蓬坐

東陳道柔四首 選三

縑就文章闕色絲忘年小友學同師何當蜀客媒
琴日却是湘妃葬瑟時聲亂洪鐘虬蛭寂香蒸散
木桂林枝潛夫有論吾真隱曉爾飛鳴集鳳池
詞場人擬豎降幡五嶽猶言各自尊小弟先容無
狗監老兄獨坐有龍門彈冠直欲憑王吉喪足那
堪溷伯昏雄劍已迴牛斗氣鉛刀埋獄向誰論
爵躍鴻蒙正掉頭雲將爾日亦東遊黃昏雨漲啼
蕭寺白下魚沈怨石尤窮鬼至今延上坐離騷原

江平李詩選卷五

七

自法前修枯腸冷落梅花夢一部蛙聲誤隱侯

題閨卷尾絕句四十首 選十

鈿翠微偏寶髻傍掃眉時節欠周詳舅姑嗟賞夫
君愛卽夕新人哭下堂

黃金絡腦錦障泥朝刷燕南暮浙西可惜通靈韓

幹馬墨痕微損蹶霜蹄

江上青峰綰暮烟曲中餘韻尚悠然一絃輕撥干

天譴雨打湘靈五十絃

鼇背烟雲鶴背程玉清淪謫省前生憑君莫話遊

仙夢十日蓬萊頂上行

食葉蟬聲下筆時誰能點竄不容絲歐梅若用吹

毛法有爲東坡恕小疵 都官以瘦之三問東坡坡曰想當然耳

詩卷孟郊高格調文章曹植闊波瀾莫將鼇擲鯨
味意等作裁紅暈碧看

白日堂堂著鬼神強顏文過豈無因解嘲不用多
言語要與荆川作替人 荆川孔子聖之時者也墨數用仕止久遠又天生丞民一節文中辭讓二字又

呂未爲改正

上下千年晷刻中略提綱領已才窮無心却也露
人禍敢學知幾作史通 家舅老四先生賞第三策以爲賈史學徒滋愧耳

任沈溫邢異地居南華北葉竟何如丈夫大有千

江平李詩選卷五

八

秋葉莫減風懷莫廢書 東勵今式

唐朝三百年天下甫白文章德裕才若道當時是
麟鳳因何不到網中來

竹壚

皇天分四時滄熱環轉屬夏扇俄棄捐冬爐旋甄
錄羈人尤苦寒支體動輒瘕溫房不入夢煖館無
處築密密施簾幃重重傳茵褥已遭氣排授長覺
身踈踞那無商陸火薰轅嫌太酷亦有博山香指
掌敢頻觸適宜推范金承乏取斫竹緬彼烟雨姿
盛夏却暑溽採作御冬具反用引炎燭橫從數百

片左右兩三掬竭舍形凹中虹橋勢繚曲鐘縣底
空洞箕斂口蹙縮擁腫宿瘡頸滑稽鴟夷腹輕如
揭巾箱竦若翹帽屋柔疑執懿筐圓可轉炙較馮
高輒鼎立就俯乃螭伏攜持良甚便功用亦較速
天地開洪爐鼓鞀及萬族眇然一微物煦理具
足用舍睽陰陽炎涼變融項寧甘手不炙略等背
曾曝正當寒栗烈似與春攢簇附離昆吾瓦惟取
質古樸羔袖非狐裘素衣豈朱襪辛勤三冬用苟
簡百錢鬻參承几烏皮側近牀曲盤排嚴出戶牖
送暖到衣絮外清無纖塵內熱非冷局碧鮮瘦巖
巖紅焰潛煜煜偶然投膏棄無意滴蟻涿袖籠拂
氤氲筋夾帶馥郁昔汝偕朋儔渭濱與淇澳鈎牽
入閨闈作使類僮僕薰籠熱因人予立甚慙忍夾
膝寒到骨晚節宜屏逐惟女有兼長可以贊亭毒
要當勤拂拭詎忍但跼蹐朝提暫巡檐暮擁或經
宿天風振鳥窠郊霰打牛目長街躑躅歸擁盤若
凍粥寶賴蘇手龜詎惟坦膚粟寒臆獵諸家隱帙
堆百軸燈檠落殘燼扉榻下晴旭即時在雪窖無
地覓炭谷匪女相鬱蒸踵息脫雙足以茲極寶貴
恩愛視骨肉每挈依縹緲問今侍余襍冰肌賞蕭

疎丹懇荷含蓄案頭碧蟾蜍水膠去聲鳴角角攜之
一相就忽聽瀉崖瀑硯池積霜稜堅白等切玉銷
鑠指顧間染翰倏盈幅酒盃傾已畢茶鼎烹未熟
得句方豪吟展卷甫疾讀藉其吐朱華激我聲振
木磁罍及鐵鑪歲寒可共勗但恐灰不然突受田
甲辱紅輪恰東昇六宇耀龍燭

詠析分韻得三更二字

虎校巡初急人家寢未酣禁中屯衛八天外築城
三街雪銜袍袖邊霜折劍鐔曾聞亞夫法不警壁
東南

今嚴千里帳響咎萬重城俠客無生氣閨人自遠
情漏消沈箭滴丸應打牆聲宿火寒冰裏蒼茫報
六更

題秋向濤庶常秋影草堂

小山瑟瑟霜風秋古香夜撲山之幽老根化作法
雲檜細蕊簇成寒食毬五百年來封殖久暗折偷
攀亦俱有雖然不免盡一器到底能添陰十畝天
邊何限却詵枝未審姮娥付與誰八萬二千脩月
斧西河仙人默無語

題王赤抒竹添荷淨圖六首 選三

月曉風清千萬朵烟啼露壓雨三叢憑君領取朝
來景總在無情有恨中

籀龍日日遺新蛻玉蛹年年認故窠十里西湖千
畝渭風流節物水邊多

風翻竹影雨翻荷金碎珠跳一任他天際真人霞
外想斷無塵點近烟蘿

四月二日同諸子集學人寓齋用昌黎短燈

繫歌韻

七裏雲錦線絲長百金寶劍淬水光少年得意正
如此又如快馬騰秋涼兩生同日掇高第並指行

卷百軸猶堆牀招邀朋好忘主客元稹劉蕡俱有

策玉輪在座揀飛雲路好紆朱寂寞草亭甘尚白合尊

促坐繁花前玉瓶酒盡同醉眠老饕大嚼殊放恣

陸盤駝峰水珠翠越王之膾良可嗟當筵半食還

半棄

疊用昌黎韻東學人

扶牀小姑如我長屋壁每分宵燭光花車出嫁我

被斥一門姻黨生炎涼小姑雖嫁不稱意羅幃繡

被嗟空牀我爲汝歌歌主客將身許人本無策東

西食宿倘自由直要烏頭變成白勸汝不如椎髻

前操作井臼無安眠我因斥遣却驕恣摒擋裳衣
折鈿翠請看滿眼如花人保無團扇秋風棄

聞雁

前除置酒談竟日秋色滿眼何清佳一聲初雁忽
相感霜信直逼長安街羈孤客子正無賴百事卒
卒煎情懷三春刷羽到秋半棲息未定行藏乖萬
重雲裏接哀響此境倍覺歸吾儕金風紫塞浩呼
洶雪花早被千山崖雨城池邊冷透骨挈羣南徙
依江淮寒河蘆葉頓銜盡橫絕蒼靄如檣排毛衣
皎潔性高介叫空嘹唳非淫哇慈恩塔級衆翔集

江左十五子詩選卷五

上

亦或颺去天之涯山頭落翮不成字猶剩半折黃
金釵雖謀稻梁有氣骨肯向沮洳尋蝦蟇江南八
月烟水闊迴汀枉渚流喈喈雕胡接呷易充腹勿
慕爽塏嫌卑窪朔方健兒好彈汝肉登鼎俎翎盛
軟冥飛尚恐增繳及斜戛莫與鷹鷂偕生平飲啄
乃定分何地獨少雲霄階衡陽奇峰暫却轉永嘉
有宕堪藏埋來賓終假上林宿駕行鳳侶鳴和諧
撫絃目送碧天遠牕外素月窺蕭齋

江左十五子詩選卷五

江左十五子詩選卷六目次

商丘宋 犖牧仲選

昆陵邵長蘅子湘訂

商丘宋 致穉佳校

張大受

題徐大臨湖鄉小景三首 選二

答元龍

聽顧君言度曲四首 選二

慕廬先生奉 召賦呈四章 選二

題顧俠君秀塾草堂圖六首 選四

乙亥春暮再送孫范邨入都

過堯峰山房感鈍翁先生

擬凱歌四章 選三

冬夜寓齋寄詩社諸君子五首 選四

文點與也
文揆賓日

金侃亦陶
顧嗣立俠君

寄顧三四首 選二

保定謁楊椒山先生祠

慶都縣城南一望民居無烟愴然作

漳河詠古六首 選三

呈田簣山先生 清流關詠古

清流道中梅花二首 選一

贈曹荔軒司農二首 選一

蝙蝠

別王誨存學使

晴川閣

魯肅廟

謝澤州先生惠葛 答劉介于六首 選三

畱宿秋堂贈李牟山四首 選二

秋夜雜書六首 選二

宋中謠

贈宋楷菴典籍

奉訪查客菰村草堂卽事

呈竹垞先生四十韻

答介于

與嗣宗文表夜話

支硎雜詠十首 選七

江左十五子詩選卷六目次

江左十五子詩選卷六

張大受 日谷嘉定人
著有清溪集

題徐大臨湖鄉小景三首 選二

鳥背嵐光過夕汀
碎萍魚唼水花腥
青山一角湖三面
記是塘西乙未亭

數家籬棘帶斜暉
七十翁攜長鏡歸
牽引吳牛亭子下
刺人花腳野蚊飛

答元龍

竹裏清風樂有餘
故人日下訊幽居
不堪近似嵇中散
但喜彈琴懶答書

聽顧君言度曲四首 選二

昨詔吳歆奉內廷
笛周鼓沈總知名
暢春按曲傳蘇四
畱汝江南唱一聲

魏生弟子幾人存
時曲崑腔次第論
聞說蘇崑生第一
眼中人數顧君言

慕廬先生奉 召賦呈四章 選二

千載斯文仰退之
起衰家法耳孫知
齊梁格律鐘鏞振
謨詰光芒日月垂
誰作籍郊爲女和
深知屈宋是吾師
論經復到蘭臺署
大筆還開玉檢基
交無洛蜀本和衷
雅量分明司馬同
常以文章推

後輩久將政事付羣公
委蛇晏退裘應徹
狼籍荒畱酸莫空
出處古來雲變化
芳馨誰播史書中

題顧俠君秀楚草堂圖六首 選四

玉山秀楚雅相師
好客開園各一時
酒壘人都驚大敵
詩壇我亦樹降旗

鸚鵡街西柳帶雅
妙嚴墳畔葉如花
四圍木石三間屋
盡寫風流屬顧家

丹鉛更點遺山筆
甲乙重編拂水文
元選不隨唐宋例
近來詩律總輸君

君言歌曲震生簫
送酒張鐙每徹宵
坐上舊人畱若個
渭城一句已寬消

乙亥春暮再送孫范邨入都

花開將離柳飛絮
孫郎馬蹄向征路
庚年爲客甲年歸
歸時秋暮行春暮
蘇秦縱喜腰懸黃
潘岳曾嫌鬢垂素
半年暫與故人親
酒席歌場不論數
明朝更對別離筵
惱君不唱陽關句
籃輦曉接西山塘
畫船晚塞胥江渡
梅青筍白堆滿盤
糖雀冰鮓供下筵
梨園雖老愛談陳
供奉未還思老顧
客醉狂歌我起舞
奪將猜花爭大呼
蘇州快活賽天堂
長安卿相多思慕
坐中遊子淚橫流
手折珊瑚馬

蹄駐憶女舊遊同宋五憐渠六載都門住思家夢
繞吳山雲歸颿定趁桃花雨

過堯峯山房感鈍翁先生

灑涕堯峯麓書堂閉綠苔丰標元禮峻經業鄭玄
該宦拙生多忌名高沒不灰春風披舊澤秋日感
重來屋缺蛛牽綴林枯鳥訴哀山幽高閣在虹燭
御書開清節懸千仞遺文徧八垓嵇康琴寄託潘
岳賦徘徊漫許成佳士空悲棄不才吟詩紅葉徑
招鶴白雲隈後死誰傳述前賢獨挽推荒涼過別
墅腹痛酌椒杯

擬凱歌四章 選三

樹暎旌幢色花隨羽蓋飛當關鳴晚柝殘雪點征
衣危蹕饒餘勇籌邊早決機幕南馳尺紙萬里震
皇威

大帥停鑿鼓諸蕃畏簡書共謀擒頡利深喜服夫
餘衆正師中吉橫行漠北虛簪笏吹一曲早繫小
單于

司馬功俱錄春官禮必嚴燔柴天地肅執瓚廟壇
兼 文母徽音嗣黎民雨露沾獨崇謙讓德澹漠
媿黃炎

冬夜寓齋寄詩社諸君子五首 選四

文點與也

待詔風流長相君名節峻養真竹塢中朱顏映霜
鬢不見柴桑人著書年繫晉龍沈水萬丈鶴立岡
千仞神清一段冰挹之玉溫潤詩翰畫三絕技道
竝精進每展清溪圖鄉夢碧粼粼仍歸結社游豈
以心亂損

金侃亦陶

霜林有小隱所食薇與蕨仰觀君子心澹若寒空
月疊疊貫羣書吐屬競秀發餘事山水花豪素凜
風骨出門遠杖屨一載塵汨汨比來念家鄉文字
飲都歇七十二峯間錦楓散林樾卻杖身獨游頂
露腳不襪

文揆賓日

外兄吾所仰鴻鵠冥冥翔不游亦不宦閉戶停雲
傍故紙筐篋物勝似黃金藏清詩得道隨澹墨梅
花香瘠田數十畝課耕祈雨暘長鬢與赤腳差免
凍餒傷長安滯小弟落葉天蒼茫風雨鳴不已詩
外札一行

顧嗣立俠君

秀楚作詩人乾坤吐清氣驕驕苦伏櫪家產結客
費雕鐫古人集芒采逼象緯尙聞夢我篇卒讀每
歔歔孝友心所欽澹交有餘味子出我未從我游
子歸既兩載別如雨筆研塵網爵便約畏壘還及
春梅開未

寄韻三四首 遊二

四十明朝過浮生一半多買書金欲盡投筆禦能
摩不媚虞翻骨謹呼夏統歌把杯澆魂礪遮莫歎
蹉跎

飲酒皆名士輸家漸列卿笑人常寂寂行已獨硜
硜擊劍心寧死澤基恨不平布衣豪氣在那美百

城榮

保定謁楊椒山先生祠

忠愍祠畱後代看殺身容易格君難城邊馬蹏層
冰裂戟上烏號落日寒殄瘁莫延明社稷清高空
肅漢衣冠茫茫車跡過塵土怕踏萇弘舊染丹

慶都縣城南一望民居無煙愴然作

秋來雨電徧畿南鴻散荒村望不堪縣吏莫矜征
斂巧總多鞭撻少丁男

漳河詠古六首 遊三

駐馬閑尋漳水濱當年銅雀漫深春英雄恨不吞
吳蜀詭作分香賣履人

倡女曾塗寢殿椒夜遊哀怨入笙簫佳人燕趙知
多少莫羨江南大小喬

才人從獵賦詩還文采風流父子間雲散舊遊悲
季重古臺埋石繞潺湲

呈田簣山先生

十日住睢州載謁田夫子傍郭築版屋雪積紆行
履向晚臥藤牀近身橫素几客拜亟起迎貌古翩
進止發言如彈琴松風洗人耳上論先聖經旁通

六

歷代史伏毛義不磨章句挾精髓鏡炯珠貫穿興
衰識至理排盪滄海關挾柁到涯涘後生指迷惑
從此自鞭箠此鄉司空亡海內失柱砥風流見老
成如魯靈光歸守待同一綫今昔雜悲喜夫子七
十餘皤髮氣吞兕胡不駕蒲車徵賢振頽靡執爵
拜師傳教由胃子始有造分四科皞皞尊德齒才
難詎不然虞周景遺軌此別千里江悠悠思無已
勿惜遺藥言疊疊月數紙恍從几杖游惠和春風
裏明朝出西門下馬重徙倚

清流關詠古

樹障重雲鳥跼山中原旗幟望空還風流後主魴
歌舞不閉南朝第一關

半疊霓裳舞未休宋師不覺到清流可憐百戰南
唐將莫爲宮中大小周

玉笙吹徹小樓寒誰念東南戰血乾夢斷故宮凋
夜合西風飛角過磨盤

一鼓關前暉鳳擒降王片紙出澄心東流只有春
江水每念家山淚不禁

清流道中梅花二首 選一

駐馬清流香氣吹東風漸近落花時可憐躑躅關

山客才見江南第一枝

贈曹荔軒司農二首 選一

多才魏公子援筆詩立成有時自傳粉拍袒舞縱
橫跳丸擊劍訖何如邯鄲生風流豈已矣繼擅黃
初名百家肉貫串大雅心所傾餘事都妙絕叱咤
千夫驚當時應劉輩孰敢靡壘旌區區江東客迺
恥城下盟

蝙蝠

老屋百尺空百蟲據作舍墨黑怪蝙蝠倒挂首欲
下白日潛影伏昏暮飛不暇偪處臥榻間瑣瑣引

姻婭能飛鳥殊族栩栩異蝶化雕梁匪女巢與燕
爭晝夜腹飢訴鳳皇鳳睡厭蟲詐卻向陰廊飛颺
鼠冀躡藉物性互強弱爲女引彈射乾坤廣生育
充塞無孔罅蟻蝨生我牀花脚蚊鬧夏蒼蠅晝競
食蜈蚣蜚可怕此物最良善貼壁蟪子亞兒童誤
黏取欲殺亟令赦仰天絕纖翳清光萬里瀉憐女
無處所斃覆青羅帕

別王誨存學使

日月迴照川迴瀾雲龍上下孟與韓人生會合良
不偶文章邈若翔神鸞烏衣公子才百斛繩武再

蒞章江于此邦風氣奮六一曾黃執弭同登壇道
園曼碩擅臺閣後來文格齊噴噴辦香流傳忽急
絕近望四子塵漫漫使君懷古致蕭爽赤手直鼓
鵬風搏掃除荆榛剖玉石潛蛟下釣珊瑚竿倚竹
佳人問空谷惠風盈袖吹芳蘭山川潤色百怪伏
騰譽士口驚朝端賤子讀書嗜頗癖騎驢落葉愁
長安感君攜我作賓客報答那惜傾心肝士安風
痺長卿渴中年傷極悲與歡山妻寄書稚子怒生
徒星散經荒殘江南鱸肥蓴菜滑倚船吹蓬東湖
湍一壺炯覺萬緣息天地容我放眼看尙稽軒義

訖百代別裁羣籍勤鉛丹吳中儒雅先後繼此志
倘遂甘瓢簞使君政成行拔擢前羅榮戟後綺紈
招我狂歌劍斫地高論世事還三歎

晴川閣

一上晴川望乾坤翠碧間江流懸蜀道漢水汭秦
關舟小魚龍狎城荒鳥雀閒秋風吹逆旅未老悴
朱顏

魯肅廟

闊達謀吳策幾微保漢心才爭公瑾拙道契武侯
深夏口帆初上龜山廟至今靈風吹赤壁城北雨

沈沈

李季詩選卷六

九

謝澤州先生惠葛

都門四月炎揮雨汗霑泚單著木綿衣垢膩積難
洗西山一束葛雙絨長跪戔萬縷密於絲鮫人織
海底觸手冰稜稜泣眼露泥泥裁縫合端正被服
稱骨體涼颺沁肺肝內熱斷根柢勿云草服賤厚
意感可涕采葛自中谷當暑聖有禮直需此萬疋
儒衣表濟濟還憐赤日中役夫炙其腴焉得絢絺
蒙臣朔效呼陞

答劉介子六首

選三

詩人漫許數劉張吳雨燕塵雁失行轉愛畫欄花
月夜烏絲紅袖占千場

詞伯斷推韓吏部劇憐張籍與劉叉長安躑躅琴
空碎把卷長吟到海涯

此別優游老匠門桃花夾路杏成村耦耕合待谿
南老泥飲將詩與細論

畱宿秋堂贈李半山四首

選二

重趼尋吾友開顏見古人自呼兒女拜直比弟兄
親今夜阿綿語憐耶多病身秋堂定畱飲情話翦
燈頻

李季詩選卷六

十

今是園何曠西征記最雄清芬廉吏後盛事布衣
中二頃無儲麥三年類轉蓬君才須繼述未合遂
奇窮

秋夜雜書六首

選二

滿眼滔滔待濟誰此心多半濯涼颺六經餘子空
成劫八代前賢獨起衰大有蚊蠅趨熱徑可無鸞
鳳嘯高枝歸來荷蓀秋原外任運忘形且已而
銜恩回憶夜何長吹拂虛名動遠方蚤有荀袁推
叔度寧惟沈范賞何郎堯峯許領東南僞吏部容
先弟子行更感白頭朱檢討苦將塵劍拭光芒

宋中諾

虎如吏粘如童誰其將虎牙如鋒豹救爾粘以皮蒙

贈宋楷菴典籍

菴村草堂無俗客西鄰宋丈工著書一官頭白本
樗散五字心清渾玉如終日憂民耽諷諭何人厚
祿負居諸志成闕里流傳遠郁郁秦灰魯壁餘

預修唐
開里志

奉訪查客菴村草堂卽事

相思要剪吳淞水移爾圖書置榻几興來鼓柁涼

李孝廉集卷一

十一

秋天安我林亭具嘉旨清卿之後神僊才別久愁
深見翻喜池中鳬鷗不避人芙蓉作花柳枝委尚
論軒義下百家浩歎時世評人士當今 天子訪
遺佚肯放麒麟羣鹿豕石渠講論柏梁歌餘事南
山石沒矢小隱衡臯樂更多瓦盆銅鑪信幽詭門
外常停百濟舟庫中寫盡山陰紙世人管鮑交已
矣我輩肝腸照清泚休彈寶劍舞鳴鷄且續紅燈
傾酒區相交異姓若同室自顧綿郎輸犢子焉得
卜築東西鄰並嘯秋原話耘耔嫁娶自昔畫朱陳
鬢髮他時皓園綺明朝抱琴游海厓再過朱弦仍

拂指玉山蓬臺今見誰來往煙波傲金紫

呈竹垞先生四十韻

日月懸鴻筆江湖伴釣翁斯文如一髮此老不三
公世溯玄成相生稱江夏童異書都默識疑義若
昭矇瑚璉珍初待金刀數正終蘭成深窺谷王粲
早飄蓬寄興滄溟外悲譔燕趙中揮篴迴雪白拍
板落花紅劍拔看天小觴浮覺海空但隨遊野豕
未卜漸遠鴻當代旁求說盈朝並薦雄對揚欽學
遂拔擢荷恩隆太白官供奉龍門史折衷掄才弘
鐵網校藝拭青銅書卷裝歸橐神仙近法宮騎將

李孝廉集卷一

十二

天廐駿捧出 御書虹自此期調鼎無端怨失弓
歸來操翰墨吟嘯脫樊籠醞舫波還汎書亭日久
烘聖經羅象緯物理析魚蟲注地鄴元似論詩蕭
統同采飛神每助斤運帝無功鳳小能翔漢蘭摧
莫叫穹蒼年餘慟哭篤志益明聰鹿引晨穿屐龍
聽夕倚篷門生與請昇朝士刺求通斯畫珊瑚缺
邕文金帛充共知占蔚豹仍望載非熊小子勞鑽
仰先生發覆蒙逢人憐抱璞知已撫炊桐再謁駕
湖曲高譚桂樹叢森森開武庫藹藹挹春風世路
誰輕薄耆儒只固窮養心欣事簡餬口幸年豐角

里芝徒采春卿爵可崇人情畱樸拙天氣值和融
三歲依門下千秋歎道東經營慚小技雕斲冀良
工廣樂陳鼓羽凡民警贖聾升堂私有願陶冶及
織洪

答介子

靈芝出空谷黯黯摧風霜鳳鳥失竹實栖栖求稻
梁讀子百韻詩使我心悲傷從子十年遊比來忽
分張昔與顧徐輩百戰翰墨場宿老執牛耳結交
通車航飲酒過三爵授簡情飛揚湖山奪靈秀花
草蹇厥芳劍客怒起舞按拍啼紅粧行樂曾幾時

李季詩集卷六

三

飢驅行路旁策馬飛孤峻渡船河流黃載謁韓夫
子三歎風雅章推子今獨步獄劍衝星光鸞輅
幸南國網羅到菰蔣不才空棄置子賦深自藏每
與公卿論薦辟舊所嘗布衣有此器亟當貢明堂
如何困旅食揭帷塵堆牀苦吟寄南雁義感朋舊
長纍纍若珠貫悠然松吹簫遂令和者寡眼望流
浪浪賤子歸匠門清溪臨其陽灑掃先人廬檢視
經滿箱兀兀勤點勘遺訓心恐忘矧感二三子時
時鍼膏肓何敢嬾不學不殖先疇荒新年竹垞至
負簪先戎行千里來高李靡旌各相當儒林樹隄

障迴彼波瀾狂念子彌慘慘何術叩帝閭有田
學長統安神於閨房圖書適吾素焉用鳴鸞鶯吳
髯瑚璉質賜書欽垂裳所獻仍被刑待詔如東
方煩子致相憶無翼堪頡頏立身冀努力報德惟
此將知我者鮑子磊落羞空囊薇蕨亦可采曷不
還故鄉當今清晏世濟濟居巖廊野人但擊壤所
樂殊未央孟夏薰風吹水閣何清涼願與子偕處
效彼雙鴛鴦

與嗣宗文表夜話

琴彈千載調聽者四座滿惜惜識此心何人似中

李季詩集卷六

十四

散孟夏薰風來高梧月如澣喜與顧徐語若然導
厥竅讀書綱領得節目細排纂落筆瀉原泉足潤
千畝膜吾師往者儒清廟秉圭瓚時俗苦繆悠俯
闕墻屋短有言窮不信使我心如瘡落落得其朋
飲酒樂且衍夜涼各搜衣言歸步仍嬾會合命自
天一綫使司管

支硎雜詠十首

選七

春染裙腰似翦齊畫船銜尾出城西紅桃勾引臨
波笑黃鳥逢迎帶露啼

塘角樓船駐不開石橋低處竹兜來官搖紅旆奴

騎馬并作春游開似雷

眼望南塘又北塘叢叢紅紫豔朝陽報恩莫問支

公法求福齊燒大士香

斜度松棚曲繞樓隔花重整玉搔頭與丁橫索錢

沽酒要上華山絕頂游

黃蜂紫燕簇如雲徑轉寒山過趙墳欄畔池飛千

尺雪煖融春已合前裙

山水音兼絲竹論杯杆行處卽林園鼓金笛沈知

名久踞石臨池打十番

紅氍毹擁鬢如鴉賞徧桃花接菜花縞袂最憐村

婦好焙籠要試雨前茶

江左十五子詩選卷六

江左十五子詩選卷七目次

商丘宋 犖牧仲選

毗陵邵長蘅子湘訂
商丘宋 筠蘭揮校

楊 榆

章江感懷

哀南州行 有序

雨中短歌

遊廬山三首 選一

匡廬歌

阻風珠磯

舟行感事四首 選一

猛虎行

將至松陽落日銜山寒烟沒野漫成絕句

旅舍雜記十首 選四

邢江龍舟詞六首 選四

渡江作

己巳五日載酒東山雲風堂故址成二十

韻 章門送友二首 選一

初春書事六首 選一

五日泛舟琵琶湖同子湘先生作六首 選四

重九日過北蘭寺恭和宋大中丞原韻六

首兼呈澹公 選一

夾山泉曉發

和東坡山谷先生種菜

孔雀

辛未二月奉使致祀康山忠臣廟入湖

三十里波恬風靜南至岸狂風大作檣櫓不寧詩以紀事

題憚南田長幅山水

甲戌立春日將之普安發淮陰舟中作

荆江途中口占四首

五日舟行洞庭湖歌

上灘行

青琅灘

溪上

白龍岩放歌

辰溪縣對江碧水丹山

自辰溪南行峭壁夾峙怪詭屢出卽事有

紀

鷓鴣灘紀事

江行四首

選三

觀象歌

發相見坡

華嚴洞

飛雲巖

黎峨道中和田綸霞司寇壁間韻

點夫行

夜觀燒山

四十八灣簪二百字

索夫謠

普安燈詞六首

選二

余自入蠻荒以來茹蔬斷酒幾同枯禪乙

亥十月有事赴新城飲於寮友寓廬沈

酣大醉歸時獨倚僧樓千山翠黛萬壑

笙簫倚欄孤坐回想昔時舊遊何地香

山夜聽琵琶始知有遷謫意余今日乃

知身在蠻方也醉中成十二截句詞無

倫次見者當不於章法求工也十月望

後一日識

選一

荒齋三首

黔陽雜詠八首

選一

舟泊富家基

五月二十五日洞庭湖看夕照歌

放魚行

出洞庭湖舟泊揚鈴磯

江夏贈沔陽牧晉次公二首

選一

江左十五子詩選卷七目次

江左十五子詩選卷七

楊倫青邱武進人著有吹萬集天外集

章江感懷

朝過彭蠡澤暮泊章江濱章江風雨惡煙水遙冥
冥忽憶西遊輕跋涉三湘七澤時窮極炎風毒瘴
過夜郎蛟龍潛盤水深黑巖雲百結浪盤渦日光
磷磷少顏色飛鳶跼跼墮水中瘴雨朝來暗如墨
其時行人慘不歡酒闌常歌蜀道難五年踪跡多
聊落撫膺往事增悲酸夢我廢讀傷懷抱飢來驅
人涉遠道蓬牕無夢苦思鄉那堪夜雨聲琳琅十
日九日陰雲噴惡風吼浪兼天狂恐是蛟龍逆鱗
怒張涎奮鬣相撐拒又恐鯨鯢夜徙淵雷雨震蕩
互吞吐獨客他鄉忽此時杯殘燭跋光熹微牀頭
古劍深夜吼倚舷大叫稱絕奇

哀南州行有序

憶戊申秋先府君自詞館謫宦洪都曾卜宅於
東湖之濱蒼涯一曲衡門兩版榜其廬曰楊子
居采文石于西山疏清流于南浦堂前百頃澄
波門外五株楊柳編枳爲籬修藤成架素馨盈
幄都蔗爲鄉且致酒蘭陵探書禹穴一時名彥

雲集高會置酒拈管襞牋吟諷纍纍傳爲盛事
閱數年滇南變起會城兵馬蹂躪舊宅荒蕪而
先府君亦以一官萍梗十年之間馳驅萬里蠻
烟瘴雨艱險備嘗甲子春履任山左臬憲甫及
半年遽捐賓客痛哉今年秋榆服闋重過南州
一二故老猶能言之有至歎歎泣下者榆感事
撫時一慟幾絕長歌當哭名曰哀南州行

章江風雨連滄溟空堂颯颯悲蕭晨擁燈兀坐不
成寐撫今感昔涕沾巾孤兒淒愴話疇昔先帝
待臣稱逐客十月霜天吼朔風扁舟破浪來彭澤

彭澤由來古盛名濁醪清句弔淵明積雪夜過樵
舍驛衝寒早上灌嬰城徐孺空亭聊寄宅蘇翁荒
園結茅衡衡門清絕稱楊子牽船補屋隨流水共
道仙人白石樓誰知處士青門里西偏隙地敞虛
堂披襟對客歌大荒自古詩人羈異域由來遷客
遍江鄉長江雪浪奔如雷季父乘風千里來吾家
孝友敦同氣入門握手無塵埃經旬風雨聯牀宿
開書夜半擎燈讀三年一見抵瓊瑤弟勸兄酬須
百斛春風詩酒真人豪拚將蹤跡混漁樵江州度
曲白司馬東閣裁詩何水曹那知人事多興廢

眼風光如作戲洗馬池邊枹鼓鳴投書洛畔悲笳
起全家相對盡倉皇鱸膾蓴羹憶故鄉登閣最愁
烽火近艤舟却恐道途長嚴霜鐵騎來千匹征西
將軍推第一河上逍遙白馬軍草間潛伏黃巾賊
鄂渚烽埃鬼火燐青苔白骨久成塵萬里北來鴻
不到一官南去冷如冰蠻鄉犵嶺長途惡瘴霧荒
烟雲外薄鵲華峰前詔甫除馬嘶夜半驚星落黃
河夜度泣孤舟馬鬣初封土一抔饑來驅人辭故
里衝風逆浪來南州傍徨念昔增三歎亂莎野鳥
傷空館籬籬藥圃半無門垂藤僵柳還依岸舊時
題詠已封塵當日松杉手澤存鄒枚客館傷奔兔
庾信荒居叫斷猿白頭野叟猶能說回思往事沾
胸臆空齋夜雨聲淒淒燭花暗結無顏色嗟乎荒
城芳草空菲菲曲榭迴堂事已非惟有舊時巢燕
子銜泥還傍主人飛

雨中短歌

章江夜雨連天沒寒雲漠漠行人絕城門達旦常
不開城上頽垣已再缺牀頭積潦青苔浮人家避
水多危樓休燈電影半明滅昏鴉挾子聲啾啾

遊廬山三首 選一

碁聲深院掩柴扉澗瀨霏霏人語稀野衲聞鐘衝
雨去溪橋送客踏雲歸巖花暗落桐花帽敗葉時
侵樹葉衣拾得墮巢供茗戰閒從石上看蛟飛

匡廬歌

平明迎日上廬嶽春山滌翠清如濯攀蘿直上三
萬級側身蟠走如飛鶴雲粼粼花冥冥劃然巨靈
劈千丈瀉出萬派洪濤聲耳目蕩漾不能主恍如
坐我於滄瀛滄瀛風雨不可測中有一人不相識
回頭笑指遊空濛導余絳節雙玉童呼吸帝座隨
清風俯視一一金芙蓉白雲如綿滿空谷乘此欲
與天庭通拍肩笑問洪先生口吹玉笛銀河傾山
中木葉蕭蕭響下界疑爲鸞鳳鳴變戾授蕭史共
飲白玉醴長觥傾倒慎莫辭醉眠石上呼不起白
猿蒼鳥莫相猜前五百年曾住此

阻風珠磯

羣山如螺髻過雨弄修帔綠水如玻璃淪漪積深
翠舟行隨浩蕩浮漚乾坤內倒景吞雲霞寒光互
顯晦六月暑氣清魚龍貪晝睡長嘯擊棹歌臥待
清風至雅志輕滄溟曠觀渺湖海前行不可測惡
浪排空翅巨波含洞庭霧氣連蒼昧柁師失徑途

顧視心欲悸謂須此艤舟莫與蛟鼉試豈知天壤
間萬事倏如戲須臾風澹蕩舟子喜無似打鼓爭
歌呼張帆渺無際

舟行感事四首 選一

絕嶂橫空一鳥回江聲不斷暮雲哀黃州木落冷
歸夢赤壁秋清寒酒杯出水魚肥論網買入雲山
遠帶晴開自傷踪跡遊僧似破衲飄然任往來

猛虎行

山南白晝猛虎來柴門竟日常不開村東少婦血
漬草村西老翁骨成堆官府明文下獵徒村舍奔

金華寺詩卷七

五

走相號呼入門不顧索雞酒由來苛政猛於菟亦
毋張爾弓亦毋亡爾鏃明朝羣起頌相公虎畏相
公渡河北

將至鰲陽落日銜山寒烟沒野漫成絕句

夕陽衰草沒荒蕪月起前却澹欲無濕雪冷烟誰
畫得右丞詩寫輞川圖

旅舍雜記十首 選四

青油小幕錦紋鞍合縫花靴髮兩盤燕九咬春西
便路來朝浴佛過梅檀

絲帷鈿轂走輕雲窄袖宮衣窄地裙寒食燕泥晴

上冢日斜聞哭故將軍

僧齋行藥日遲遲柏子閒燒篆影移濁酒濕煤寒
夜雨挑燈新譜竹枝詞

輕明珠箔玉堦墀急拍迴腔細若絲曾憶藥欄東
畔見江南五度落花時

邗江龍舟詞六首 選四

珠簾畫舫碧波紋杏子花衫薄似雲艾髻巧成蘭
葉髻榴風颺起藕絲裙

御柳迎風細似絲錦帆銜尾鷺波時傷心斜日雷
塘路猶把當年水調吹

金華寺詩卷七

六

日落征帆沒遠坡暖風如醉撲香莎玉簫齊唱江
南曲碎雨零烟葬阿麼

心情老去不堪持長日歸帆譜竹枝紅板橋頭明
月夜一杯還酹杜分司

渡江作

曉景半明滅春流澹欲傾櫓浮連夜雨帆落半江
晴風急疎鐘杳波平放棹輕柁樓長嘯去漠漠水
烟橫

已巳五日載酒東山雲風堂故址成二十韻
積雨洗街泥浮雲澹天碧薰風一夜來南湖菱帶

滑我生苦勞形夜臥夢壓魄對此良辰歡每苦簿
領迫有暇輒登樓潭水深百尺故人輕帆過開齋
得佳客早衙放吏散彈琴就花席快靚青芙蓉一
一捲螺額因偕竹林賢同著阮公屐初行喜路幽
漸入忽山蒼夏木千章清溪雲萬重白遠眺極平
疇繡錯連阡陌人家半臨水亦或倚危石松灣漁
艇過沙禽鳴格格吾徒文字飲江山清獻節酒甕
黃封開茶經南董繹觴政亦清嚴古竈頗奇突晚
霞弄晴景水氣江村隔佳會繼南皮新詩追謝客
歸來坐蕉陰展葉大書擘

章門送友二首 選一

霜信初寒斷水痕天空黃葉滿江村西風歸雁征
帆穩夜送輕帆過白門

初春書事六首 選一

買樹頻分俸看花欲典衣嫩醅冬底熟殘夢雨中
稀晚岫依江出疎簾看鳥歸更驚春事早新柳如
羅幃

五日泛舟琵琶湖同子湘先生作六首 選四

簿領初閒早放衙樓頭臥看雨絲斜津亭小吏當
關報昨夜連江水漲沙

湖堤眠柳拂船低過雨螺峰綰髻齊載酒臥看山
色好榜舟移向白雲西

一縷殘虹挾雨回平堤十里響輕雷麥黃秧碧西
溪路荷鰣爭看長令來

春漲新添接岸平隔江好聽踏歌聲歸橈柔櫓中
流急白鷺驚飛釣艇橫

重九日過北蘭寺恭和宋大中丞原韻六首
兼呈澹公 選一

秋堂桂冷露華滋曉起看雲半在池一縷茶烟人
定後芭蕉綠暗雨來時

夾山泉曉發

空山無行人夾路見修竹溪寒石磴微炊烟出茅
屋晨霜滑馬蹄巢鳥飛復宿扣舷語篙師初日照
林麓

和東坡山谷先生種菜

北菜肥甘如切玉江南食笋連山竹於越地苦兩
俱無惟食鹽梅雜齏粥官衙隙地作畦圃種蔬之
外兼杭槀菰名折項莧子亦黃芽種異間蔭服霜
刀削莖訝同色芼以薑橙翻手熟煮荳泣釜燃枯
其菌子驚雷色如瑤長腰粒白軟火炊絕勝飽啖

花豬肉長鬚蒼奴遶籬行慣執鴉嘴手數啄吾徒
一飯已快意百錢屬饜猶爲辱晴牕曝背一欣然
行厨香飽盃中粟

孔雀

在昔名家禽於詩比秦客常誇品類奇紀實載誌
冊颺風來炎州指車款南譯貴因從雕籠遠多乘
市舶舞並荳蔻圖名列珍鳥籍月扇隋宮圓飛旂
漢殿惜綠粧長垂冠碧光炯閃覲引頸首漫翹竦
翅肩難拍旣以艷羽毛亦復見骨格團如垂車輪
翠似點粧額行或如鴝停聲應笑鼠嚇喜卽作舞

旋怒因畏逼責啄食惟稻梁搜尋到牙齧絢采疑
霞蒸氤氳快霧圻空欲振風翎閒思奮健翮嶺南
佳麗地洲島非逼迫榕樹鳴鷓鴣古堠呼格磔杜
鵲聲多哀翡翠色偏赫山雞吐紅霞海鷗噉避席
石燕雙飛輕文雀五色奕雲白堪辟蛇鷄鷄常引
戟秦吉異產佳鸚鵡隴頭隔朝入庾嶺空暮歸瘴
海夕似此金翠禽豈非鳥中伯翻棲宜高枝照水
矜麗澤啄食香粒餘防牛飲泉擇臨軒喜張舞綠
徑苦隘窄衣維雜赭黃色或間蒼赤屏常曉開雲
林暮深藏碧傍風時作聲當堦勢如擲羽織黼黻

章圖畫王孫宅聞與花蕊榮常於元圃適故巢渺
雲海寄身笑肥瘠獻尾滇池來拾翠瘴烟獲雷行
感生氣青霄喜托迹遠作紅樓望應受丹梯役拈
筆對屏風摘句愧擔撫

辛未二月奉 使致祀康山忠臣廟入湖三
十里波恬風靜甫至岸狂風大作檣櫓不寧
詩以紀事

鄱湖綿衍三百里涵虛萬象勢無似水天一色欲
辨難但有元氣相推抵往日乘帆振航行排空黑
浪沒江豕篙師相誠勿戲言匡廬秀色莫敢指今

年二月戊午日日當上戊越上已維彼康山大忠
烈歲命有司肅將祀榆也備員屬下風敢勿恪虔
克是使黎明戒僕急就道輕帆掉向烟波裏雪消
新漲春水船如登天上駕飛駛鳧鷖拍拍水光淨
羣峰修螺披綠綺靴紋浪小碧激灩卵色天空雲
披靡須臾畫角停春帆回顧碧海光瀾瀾繼而風
猛撼古樹疑有靈物相訶詆乃知頃刻變化間益
信神力方如此憶昔明祖平陳時時維建國纔八
祀鯨鯢負勢最崛強妖芒黑青彭湖恃長江木梯
蔽空來樓船十萬江頭艤舳艫銜尾開黃屋旗整

踵蓋飛赤鯉怒濤翻日日光薄幢幪觸山山勢起
鮫人河伯爭效命齊執纛鞭隨鞭弭中有勇將獨
英傑晨曦殺賊至日晷或如紀信不顧身或如萬
春中六矢或奮呼敵突重圍或執短刃剗野兇或
因牛車用火攻或如龍戰相角舐斯時日月爲之
昏雄劍羣鳴血花紫遂使前徒已倒戈三百箕裘
定于是汀洲寂寂悲青燐霜月娟娟照殘鎧曾師
夜半拾古鏃估客艤舟看廢壘嗚呼丈夫生死貴
合義馬革裹尸真足喜假使平陳無此人百萬從
龍盡堪恥我今拜公淚嗚咽千年白骨空江委我
今拜公肅敬恭百世遺芳垂柱史公靈當在康湖
間鼉鼉夜去蛟龍徙公靈直與天地存山河不改
華嶽峙靈旗翩翩雲滿湖陰風颭颭陳酒醴烏羊
白豕歲嘗薦何處招魂一翦紙

題惲南田長幅山水

南田先生老經儒胸中百萬江山圖偶然振筆一
揮寫氣象已與人間殊清溪百尺水渺渺沙回雲
滿征帆孤近村小橋接溪路春堤草色靡平蕪忽
然巨靈神斧劈瀉出萬派跳江珠高嵐夜嘯碧峰
墮烟樹雨密聲疎疎凝眸熟視獨良久疑有神鬼

與之俱因知此中大變化戲幻筆墨於須臾一草
一石有真意純是神肖非形模當其展紙時意象
何徐徐筆所未到氣已到蠻君鬼伯如驅奴及其
山勢稍窮處畫雖已盡神有餘譬如鮮卑策快馬
能得抑縱供馳驅須知先生實詩老落筆真可繼
王盧間作書法乃大妙折釵屋漏言非誣行年五
十不得志長視富貴如有無能事散出作筆墨聊
寫大塊爲區區吾吳昔推石田子品格彷彿追倪
迂今觀此畫實神駿高堂素壁烟生裾奔濤百丈
石崖古如有水勢常相呼晴牕臥對意殊快攬身
欲入神先祖何時辦却幾緲屐爲登絕頂攀高梧
中山忽作鸞鳳響喚起蘇門長嘯徒

甲戌立春日將之普安發淮陰舟中作

無端挽馬過兩年走京甸積淫泥沒蹀旋風沙撲
面僦居苦偈仄徒步甘辱賤六謁銓司尊摩肩盡
冠弁才羅萬選錢徑捷三語掾經年住長安季子
黑貂變得官何足多還鄉實堪戀除書前月下遠
徼過瀕灤萬里予曾遊一裝詎易繕况茲編小邑
艱難經百戰昔去當亂離今來幸清晏 君王一
有命敢以寒苦念緬思先澤存棠陰足繾綣翩然

出國門祖帳渭橋餞山程及水驛排日流清盼溪
魚晚市得驚麀空林見只愁北風豪雪花大如片
誰知蔚藍天皎出明霞練短莎踏平苔岸柳搖微
綫矮壁題新詩野寺搜破硯浹旬過燕齊逾歲轉
淮汴長淮春雨渾帆輕駛如箭一發三百里速若
置郵傳信知非天厄任運戒嗔羨今朝翻日曆首
春月初建宜晴反值雨占候信有驗吳越昨歲儉
水旱民力倦小民望豐穰日夜切壇墀誰將監門
圖竟達承明殿欲言且闕語憂國讓羣彥

荆江途中口占四首 選一

赤壁居然起壯圖石頭渡口草蘼蕪智如魏武猶
難料語及周郎尚可呼地下有靈應識我當年無
亮不成吳書生亦解興亡事說與樵人併釣徒

魚赤
壁下

五日舟行洞庭湖歌

我生大言好迂怪常思起蟄鞭蛟龍北遊青齊過
溟渤東觀海勢畱吳淞揭來南遷更遠險要我直
覽江源窮漢陽渡頭跨黃鶴彭蠡湖口聞山鐘天
公假我三日便馬當怪夢飄神風岳州城頭坐樓
望混茫一氣有無中東湖西湖勢相繞君山扁山

何龍蔥波痕欲撼城角缺水勢直與天源通凌晨
張帆向空際鳬鷺拍拍雲濛濛平鋪泛碧萬千頃
特立添黛三兩峰四天不見湘草軟一色惟見湖
光空有時波紋融日影倒垂簾箔磨青銅近來浮
家苦偏窄推牕一寄開心胸狂歌長嘯忽大叫吾
輩何日離牢籠下牀濯足萬里遠譬策駿馬追飛
鴻措身無地寄湖海隨天有願依艤艤君試開樽
泛大白秦皇當日真姦雄涉湖風雷偶然作赭山
伐木搜蛟蛟宮暴君聊逞一時快詎念砥柱千年功
東風更醉汝杯酒爲我弔屈幽蘭叢綠絲解糗今
日事汨羅之水流淙淙丈夫際此忽慨歎舉杯不
覺憂來攻停帆瞬目三百里船頭日落青山紅

上灘行

舸船銜尾接結幫同上灘灘深既苦湍灘淺常苦
乾前灘勢高逾十尺後灘鄰鄰全積石天風鼓動
馮夷宮怒濤捲起蛟鼉宅牽船百丈山之巔樹木
蒙密相連蜷篙工舵師齊用命竹木叩聲喧闐
篙深行一尺槳蕩行一寸石灘行既遠沙灘行漸
近吾觀牂牁之水從天來千流萬派如奔雷豈其
中有不平事萬古與石相喧呬蠻鄉屹嶺不可住

滔滔日夜東流去昔年多事馬相如傳車遠關西
南路君不見黯淡灘兼惶恐灘瞿塘滟滪欲過難
迴瀾急湍休停棹淺渚微波好把竿

青琅灘

桃源掛帆三日行峰峰回互如有情前山鬱鬱插
天際霧氣展合俄陰晴沅江之水百千曲萬古與
石相抵觸波移疊嶂千樹青雨散平篙一池綠尤
其險者惟青琅四十里峽如平羌三千水犀射潮
退十萬勁弩剗蛟僵聲排雷電掣天吼氣飽烟霧
埋雲黃篙工色沮舵師駭間容一艇猶絲量牽繩

全宋李詩選卷十

五

百丈臨石窟壁色怪立如積鐵崖浮月宅不露根
樹倒峰坳全見骨翻栖已逞芒履便捫樹最恐陰
崖滑萬軒紺宇何王宮英靈千載真雄風伏波將
軍遺跡在五溪荒徼開蠶叢飛鳶仰視使心惻蕙
苡招謗畱疑踪人生萬事幾更易年華一去真無
迹憶侍先公南去時泊舟此地羈遊客屈指驚過
十二春投荒依舊泣孤臣鶯花識我非生客山水
逢渠是故人

溪上

溪上人家烟似沐柴門正傍清江曲溪樹從遮十

畝陰泉聲直下千尋瀑老翁午臥聽鳴雞稚子暮
歸驅宿鶯悠然野意無人知一縷炊烟燃楚竹前
村又有醉漁來搖碎清江萬寒玉

白龍岩放歌

岩在浦市
下三十里

山行六七日乃到白龍岩白龍岩高八百三十有
七丈屹然特立青霄碧漢虛無間傍岩怪石百千
箇眠立欹正仰伏乎其間雜以僵藤并禿樹有若
猛虎背痒揩枯杉其陽絕壁直下視神工鬼斧何
年劈削相雕剗中有石罅三五點苔破銀屏千尺
恍視一一珍珠嵌想當日月東生西沒陰崖陽壑

全宋李詩選卷十

六

終古相吞銜飲猿欲下畏徑滑野鶴乍起憂峰巉
矧是人生血肉苦凡體安能牽蘿躡石行追扳我
今南行當五月溽暑伏喘舴艋無容顏乍行忽覺
涼滿體泊舟正值山之灣舟人相告昔年茲山白
龍出其時風雨大作崩崖踏谷雲殷殷至今山巔
削空際隱有鱗爪相迴環君來適值日當午早晚
每苦烟霧偏箱關龍乎龍乎胡不在洞庭震澤之
淵嵩高太華之山爲霖潤物遍九有垂鱗下土羣
躋攀胡爲踪跡落荒徼千古遺事傳溪蠻毋迺失
職違其用長雜樗櫟埋荆菅我來題詠最快事濡

髮潑墨汗衣衫溪流峻急不可住相與策策騎風帆

辰溪縣對江碧水丹山

沿江六百里奇景歷可數幽段莫畱題怪險豈堪撫所以五溪雄滅沒蠻夸伍茲山突兀觀倒影插天宇旋峰每若置層巔忽如俯藤蘿千尺幹合抱疑臥虎大者通橋梁小者垂絲縷中間石罅裂迸出千牛乳陰涼清高原清冽下峒戶遊崖稍平處奮筆掀神斧丹山碧水字刻畫如勁弩逼削倒成龕下宜息篙櫓明霞杳天際恍若疑風雨會當劇

黃精旦夕生毛羽

注李詩集卷十

七

自辰溪南行峭壁夾峙怪詭屢出卽事有紀勞生無百年幾見好山水眼光混市朝紛紛厭紅紫兩年走京師比屋堆馬矢夏初開溝渠積穢路傍委垂鞭偶然出霾風排土壘鼻口既屏息耳目復塵眯嚶嚶勃谿聲日夜鬪唇齒棄之歸故鄉水明差足喜地行盡平疇絕少山秀峙別時當春和歲月忽彈指蠻天聊薄仕僻陋實可鄙武陵前買舟窄小不容几晨興但趺坐夜臥亦偏倚獨喜山川奇綿亘千餘里或連如蛇蜨或特如鳥起或廓

鷓鴣灘紀事

開晴霞或密垂文綺或看雲溶溶或同烟瀰瀰或飛疑瘦蛟或伏同猛兇積翠猶縮鬚紫青亦垂珥高巒插千丈微徑僅一指巖幽石髮長根露松鱗死山薑雨浥花怪柏風落子倒懸黃絲桃飄入清溪裏清溪水如黛一篙綠見底譬如琉璃瓶映帶繪圖美最好春鳥鳴睨睨宮徵間以柔櫓聲泯泯亦入耳方壺蓬海觀卽此爲止矣吾方策芒鞋壯遊從此始歸當告畊烟長圖須十紙

畊烟散人虞山石谷子也

注李詩集卷十

八

頽垣秃樹茅屋破有一老翁獨趺坐問翁年紀今幾何頭白齒童何所作答言蹉跎七十強屢遭喪亂形神傷避兵直上猿栖穴運餉常過矧子鄉十二年來兵革少結茅此地還草草山田地瘠常苦畊十有九旱一卽潦兩兒四孫食指繁一歲勤種多無存官租徵罷尚不足促夫僱馬還來村前年又下丈量示索雞呼酒盈差吏叢嚴密箐皆不遺競以報多爲上計我家薄地三五區頻年水旱都荒蕪今歲計畝又盈倍萃械不敢畱錙銖大兒勤耕無力作小兒差夫赴官約幼孫門東方叫號瓶中無米將誰索老翁七十還何求夜夢不免追呼

憂吏來又要報荒產長令欲訴門無由我聞此言
心甚惻青山向我愁何結老翁老翁慎勿言保爾
童穉兼丘園前年秦隴大饑饉詔書日下行蠲賑
此地曾經戰伐餘何人早上鄭監圖朝廷雅重汲
內史君等勿爲桑大夫

江行四首 其三

春山綠透萬株松碧水澄虛動遠空忽訝前行迷
去路青峰迴抱一溪通

水滿平篙鶯亂啼翩翩風帽夕陽西山花結子千
枝好野草如花一色齊

草屋江流五月寒家家伐木委江干前山何處來
風雨送上高高夾板灘

觀象歌

山郡譁言去觀象排頭競進如列仗西關西頭六
象來千人萬人齊劃開一疋屹立一疋嚙一團青
花旋風色三疋俯領如翻鴻全身滅沒清波中最
後一疋更矯健其勢欲動馮夷宮烟蹄霧鬣最超
絕鼻長捲波波似雪江豚舞浪常祈風吳牛伏喘
因愁熱黃鬚奚官爾何人綠鞵錦鞞穩稱身論車
載米兼載酒象食米少許
時飲以酒計船輸料還輸薪須臾率

向縣庭去詬爾橫將公事誤鞭撻吏卒其誰何掉
頭壓項一何怒嗚呼聖朝儉德柔遠人不寶方物
惟仁親竊聞騶虞麟趾在靈囿象兮象兮爾獨何
爲萬里朝闕飛京塵

發相見坡

兩兩層崖相見生前峰纔過後峰迎石全露骨山
無樹正是蠻鄉第一程

華巖洞

相見既崢嶸華巖亦深厚遠觀擬古剎近視乃林
藪何人臥石龕開闢此戶牖黔山頑可憎誰爲一

一剖高者皆嶙峋下者非老醜初疑蛟龍潛偶然
脫械扭手搖勢欲翔語激聲恐吼洞中佛生成宰
地窪而黝舉火欲燭視奇險竟何有蟻攢空洞腹
免缺砢砢口巖前石最橫環顧跳而走我生非猿
孫安能攀絕陡俯視巖下碑何須問誰某今人不
逮古擊破供揮帚人生祈作達奚必金印肘意欲
脫鞋轆商量覓村酒先汲千滴泉洗我塵十斗

飛雲巖

白雲本在天有時亦在地茲山獨鍾靈——滴空
翠何時雲蓬蓬隨風作位置方知天公幻真以此

爲戲上有層巖高依巖下爲寺軒軒蹲虎豹昂昂
舞犀兕蛟龍欲鼓鬣鸞鳳半垂翅或如跛立人或
似渴奔驥天吳倒欲懸仙人晝方睡要皆逼肖形
幻意隨所寄輪班詎斧鑿雷火假爐錘佛力坐靜
鎮光中發大智可惜景象奇落此蠻土異此亦雲
無心失足偶然墜旁立十數碑乍閱莫能識海昌
中丞公開疆列旌幟其時甫開定安民不苦吏後
來安邊者罕能曉此意今觀飛雲碣言外有餘思
遍覓文成碑鮮蝕十三四僕夫告日暮姑且停征
騎攀蘿仄不嫌捫石險寧避他年得東歸愛此真

癡嗜再撫髯龍碑重讀月潭記

黎峨道中和田綸霞司寇壁間韻

悵望因微祿非緣山水奇嶺雲昏似夢瘴雨細如
絲石阻麻哈水楓青羅鬼祠搖鞭指前路一任馬
行遲

點夫行

夜投龍里縣喧呼問點夫三戶成一鋪五鋪當一
隅遠者來百里近者沿山居排催保仍押弟去兄
相扶奔疲面目黑負背形神枯水深泥沒踝衣破
肩無膚苦情不敢說欲語先嗚嗚自從寅卯後寇

賊盈村閭毀廬委榛莽殺人棄土苴十室九死竄
一日千征輸官軍從東來逐賊如驅雛畋漁本民
命幸者殍爲奴承平十四年稍稍聚子孤哀鴻始
來集僵軀行將數前歲忽時變蠢爾倏負隅山邑
大騷動鞭撻紛街衢自此供億苦從朝抵日晡或
歌采菽什或征皇華車或宣揚明詔或拜爵遷除
動輒計千百要不有錙銖今年更太數十日久長
途山田正插時不能把耒鋤夜半打門叫驚走號
妻孥雞犬飛上屋牽走寧須更黃塵赤日道烈火
燒洪爐山高更磽确路遠還崎嶇又聞昨前站死

者非形癯大都舉家竄何苦傷微軀縣官聞亦苦
終日相奔趨國賦既不足典質無釵楮沿家苦哀
諭閉戶如視膜出財用民力民困其無如龜勉存
喘息恐亦淪溝渠我聞斯言苦太息長歎吁用一
緩其二昔人言非誣子來不終日此獨非民歟觀
風知大槩所係非區區何人鄭監門上書復繪圖
報汝慎勿嗟聖澤常涵濡九重念民瘼今歲還蠲
租

夜觀燒山

冬十二月朔風狂南山北山秋草荒黃蘆苦竹啼

頽牆行人白晝迷無光千霄蔽日多修篁誰何秉
令司南方火雲百丈驚飛揚始焉一二星成行乍
隱乍見光微茫忽焉彗孛躔天長弧矢夜落奔天
狼旗蝥十丈光焰芒誤疑占者稱妖祥丞相火城
晨夜張牛車噶噶紫步障天風吹蕩隨低昂驚走
虎豹眠牛羊山精木魅潛逃亡怪狀聞如失林麀
烏鵲驚起還棲藏繞枝三匝長相望昔日寅卯干
戈攘殺人流血千戰場舉烽不至諸侯疆可憐一
炬焚咸陽征南將軍誰爲良火牛列陣窺堂堂一
夫荷戟千莫當如何博塞旋相償聖朝柔遠燭輸

李季詩選卷七

五

糧隆冬時值燒山荒十日晝夜傳輝煌火龍燭天
朝天閭榛莽灌櫟咸天殤其中恐有千年樟扶疎
枝幹凌雪霜待時藏器需棟梁一朝烈火炎崑岡
玉石不辨聞摧傷重爲告曰火師火師南山蒼翠
枝龍蔥火勢猛兮風爲從古來燬下畱枯桐志士
汲引將毋同

四十八灣箐二百字

出箐山嶙峋入箐雨蕭屑出箐復入箐氣象倏明
滅初行踏石磴漸下見洞穴徑微轉幽邃巖秀每
曲折層巒靜如拱宰木環若列卑枝最蚴蟺接葉

復締結蒼龍根伏蟠年深化老鐵上有千年柯奇
峰與頑頤天風力排蕩日闕竟僵折根依南山空
枝壓北山缺金鰲負成橋恍若虹螭嶠下臨百丈
谿行者定駭絕澗泉聲琮琤石上響鳴咽蘚苔春
沮如水渚淺清冽石髮雲浸長樹腹水吞啣淵藏
千年冰岸積六月雪仄徑伏石險惡木禿幹拙不
辭人力疲翻慮我馬劣行行復何盡去去擬何輟
入山恐不深惜哉聽蠻鳩

索夫謠

蠻天怪事無不有官票呼夫類呼狗蠻天郵政何

李季詩選卷七

五

可常官符驅馬如驅羊黔山蒼翠高滇嶺崢嶸起
中畱一絲路相距二千里猓苗叛服由前朝置軍
設衛烟氛消我朝威德奠八極改立郡邑紛官
寮租庸輕末地甌脫歲輸金帑連車鑣強臥山城
獨無事常脫冠服隨畊樵誰知一事更瑣細頭銜
夫長兼廐吏前差猶未行後使復相繼短衣匹馬
何其雄手持旗布三尺紅傳聞一片使差至奔走
婦女號兒童翻身下岡三十里疾若過鳥追颺風
入門大吼震山谷呼雞盈盤酒盈斛從奴十人韎
韞裝列坐彈箏并吹竹明朝清曉將出門輿騎雜

沓闌城闔餘威鞭馬復鞭空背似土牛著鞭裂泣
言去歲當農忙肩挑背運走且僵石田磽确不得
種日日採蕨充餬糧君今輜重計盈百十步九頓
還踉蹌送君前行免鞭撻後來又有軍門差

普安燈詞六首 選二

馬戶三家萬疊山十年正曆自朝頒新年又少催
夫檄便覺昇平氣象閒
蠻娘曳袖採春雲窄袖長衫窄地裙唱遍秧歌余
自解蠻方應不媿參軍

余自入蠻荒以來茹蔬斷酒幾同枯禪乙亥

李季詩集卷七

主

十月有事赴新城飲於寮友寓廬沈酣大醉
歸時獨倚僧樓千山翠黛萬壑笙簫倚欄孤
坐回想昔時舊遊何地香山夜聽琵琶始知
有遷謫意余今日乃知身在蠻方也醉中成
十二截句詞無倫次見者當不於章法求工
也十月望後一日識 選一

破驛悲風雨暗春草堂無恙得吾真從來聖世要
荒外僇耳龍場自有人

荒齋三首

荒齋十笏地獨踞萬峰首重簾畱烟雲一榻在郊

數日長九勝年城小直似斗官舍接田家相熟到
雞狗高枕看閒雲結夏作禪友殷勤來青山窈窕
當戶牖嵌空鋪翠鈿著色雜粉黝崇朝倏然化慘
澹繪妍醜雨晴風露間變幻隨所有誰施屏障工
此真白描手

山中多夜雨滴瀝鳴空庭曉來矯首看四山暈螺
青愛我菜甲長小摘餘芳馨蔬食快得飽陶然坐
雲屏溪聲到枕上颺颺松風聽大小兩龍窟足底
千雷霆一瀉萬頃空快哉如建瓴

牆東有隙地荆管瓦礫積俯首荷耰鋤得此五弓

李季詩集卷七

主

閩南隣有麗春紛紛間朱白乞分五色種翦縷比
紈帛初日照殷紅殘霞映浮碧閒時列酒茗坐臥
兼枕席遂可忘窮年豈止破蕭瑟三更持燭遊早
起獨吟惜今年姑小試紛然滿籬格來春擴西偏
爛熳補牆缺回想今春花吟詩又成迹

黔陽雜詠八首 選二

四合山光翠欲浮晚來嵐氣倏如秋高坡插漢從
無樹細水名江不載舟

排日雞豚趁集墟蜀鹽似雪芼青蔬市區米價如

珠貴閒費先生乞米書

舟泊富家基

朝發龍陽洲暮宿富家基富家基上神廟在和風
颯颯吹靈旗萬年砥柱賴麻力千里一氣吞坤維
入門畏敬起肅穆終古廟食陳牲犧神鴉盤空攫
肉去紙錢撒雨中飛舟子祈風前致語私願安
可邀神許東西南北本分定譬若窮通亦天主我
生任運天所憐萬里北來到南楚且呼舟子整檣
篷會見天末雲蓬蓬咫尺風雲隨所變曩曩萬里
來南風帆索已整篷腹飽回看船尾紅霞紅

五月二十五日洞庭湖看夕照歌

李詩選卷七

七

我官于黔如秋蟲啼吟只在空山中五年誅茅附
山麓日月出沒迷西東羊腸一綫置郵傳崇嶺夾
峙真蠶叢揭來東還泛雲水快攜琴鶴依檣篷五
溪雷霆走蛟兇洞庭烟雨迷空濛晚來棹謳間柔
櫓搖碎碧色千玲瓏長風驅雲雲冒水飄浮亂絮
旋消融須臾日影落空際欲落不落天垂容驪珠
吞吐碧濤上光照貝闕懸珠宮歸雲萬點雜濃淡
通體盡被晴霞烘此時波紋若鱗密千里碧浪磨
青銅烟橫天際偏冉冉草積洲畔何茸茸明霞一
點光四映恍若絳蠟燒簾櫳倚舷狂叫大奇絕長

吟或恐驚蛟龍陶然一斗吾竟醉夢御列子飄然
風

放魚行

雨洗朝爽湖氣清漁艇掀舞如葉輕魚蠻載魚來
易米倉底潑潑羣堆銀小魚垂頭皆戢戢大者崛
強如有神就中騰飛惟赤鯉持魚轉向清波裏翻
身一動千金鱗日照烟波浩瀾瀾君不見萬頃澄
湖暮景闌蒼然一抹碧波寒掉頭咫尺風雷異好
去相忘湖海寬

出洞庭湖舟泊揚鈴磯

李詩選卷七

七

武陵岳陽湖面隔掛帆一瞬萬頃碧湘草濃添螺
影青雪山高捲雲衣白長風頃刻倏西東笑指行
程祇晨夕我生百險滯空山行歌蜀路空長歎風
來北頭雲色惡飛櫓力敵千雲盤出湖七日荷神
力石尤又阻聊暫息當頭羨殺上行船官舫峨峨
影接連魚苗薪舶亦趁意似欲乘流竟上天一朝
風便蒲帆起長嘯雲山幾千里逆來莫怨順莫驕
世事乘除盡如此

江夏贈沔陽牧晉次公二首

選一

黃鶴磯頭泛楚雲戟門清晝忽逢君五年離緒關

山隔六月江聲草閣聞吏治本從經術出詩名不
爲職官分香山詩官職
聲名俱入手元龍意氣還如昨容易持杯
又夕曛

江左十五子詩選卷七

江左十五子詩選卷七

先

江左十五子詩選卷八目次

商丘宋 犖牧仲選

毗陵邵長蘅子湘訂
商丘宋韋金經一校

吳士玉

含清亭賞芍藥用梅聖俞楊樂道畱飲置

芍藥韻奉和宋中丞漫堂先生邵子湘

馮山公同賦 延熹華嶽廟碑歌

初夏偶成 過永城

渡江 歸家一絕

春日遊滄浪亭觀牡丹聽無絃上人琴

山言招同山公含清亭夜酌依韻奉和

復同諸公含清亭夜酌仍用前韻簡山言

題王石谷還山圖

楊子鶴自圖小影衣白冠赤戲爲短歌

暑熱喜雨

奉和漫堂先生舟次仙女廟原韻

玉帶生歌奉和漫堂先生有序

松花江綠石研歌

石屏歌爲商丘先生賦

奉和中丞公東坡先生生日詩同馮山公

汪武曹右衡韓祖語張日容天申顧俠

君暨令子山言作

上韓宗伯慕廬先生廿四韻

雨中遊西湖

飛來峰

冷泉亭夜坐

上弢光望錢唐江

使院二鳥行

孔雀

贈邵丈子湘

鶴浴

擬寶劍篇

留睢州李年山讀書查山同日容作

書所見

二月朔日查山探梅集六浮閣余以事阻

追賦限灰韻

詠史同日容年山俠君分賦得宋書四首

納涼

鳳尾蕉

余作鳳尾蕉詩既而見山公山言兩作標

新闢異爽然自失復拈近體二百字質

諸兩賢敢曰濟師真成續尾

夢青門有作

西陵行

夢覺

冬日遊澄江鵝鼻嘴

江左十五子詩選卷八目次

江左十五子詩選卷八

吳士玉 荆山吳縣人
著有吹劍集

含清亭賞芍藥用梅聖俞楊樂道畱飲置芍

藥韻奉和宋中丞漫堂先生邵子湘馮山公

同賦

使院饒名花奇種來東洛牡丹最超羣驂驪乃芍
藥入夏畱餘春窈窕殿羣萼明公步履來賓從攜
蓮幕風迎香冉冉日照光灼灼公言故園中此花
如繡錯大者盈一尺瓊彘玉槃托其餘復善幻五
色紛綽約高下滋百畝本本垂瓔珞折來插作屏

注李詩選卷八

步障季倫若花時相經過朋好襍歌嘏侯生

朝不

羈人賈子靜亦落拓徑造花下醉灌漏填巨壑

雪苑風流盛俛仰猶如昨公劇談梁園花事
之盛友朋之樂四座聽公

語興酣添杯酌把火繞露叢妍姿倍冉嫋憐此焚

尾春感彼都官作公詩發高倡邵馮闢奇博逡巡

怯大敵坐令小巫卻一鼓偶試手擊音還自作

延熹華嶽廟碑歌

華碑漢隸推第一芒奪少昊金天晶東追嶧碑南
岫嶠光價鼎立齊崢嶸商丘先生雅好古得此善
本識鑒精紙新字完少缺畫僅缺十
六字嗟余一見心魂

驚此碑刻自弘農守袁達孫接迹勞經營延熹

八年斗建巳月廿九日告厥成郭香察書紛聚訟

古碑謂不署姓名或云中郎亦罕據筆蹤驚絕要

莫京虎螭攫拏鳳飄舉長翎修鬣摩鵬鯨規連珠

樹矩洩玉方流圓折隨縱橫按以隸法兼衆妙欲

名一體誠難評祖禰上邈籀斯派苗裔下傳潮陽

冰熹平石經尚晚出堪與追逐稱弟兄桓靈敗德

不足數摩挲墨妙聊娛情吾聞太華削成五千仞

河神手劈垠崖崩雲泉天磴閎金液乘龍戲博多

仙靈此碑歷千五百載呵護應煩敕六丁有明嘉

注李詩選卷八

靖遭培棄可惜神物歸杳冥成毀相因固其理世

事反覆誰能憑不見嶧山之碑焚野火岫嶠迹祕

涕泗零公得此本真希有一字便足輕連城

初夏偶成

宋玉悲秋恨搖落退之三賦感春作騷人慘戚寧

非癡咄哉韓公亦浪悲皇天成四時平分本不頗

有時流金鑠石蒸肌骨頊冥逃威懼謹何俄而雪

飛層冰凍膠折炎融不得相噓呵六子變化交摩

盪義和鞭日如飛梭小人縱多寒暑怨冬夏曾不

少差訛況乃佳日春秋多冰炭結腸理則那春日

固云佳春去亦不惡孟夏扶疎繞屋深好風隨雨
飄簾幕我生遼遼千載外悠然想見羲皇樂

過永城

鬱蒸炎風盛吹我北遊梁行行苦觸熱荒野赤日
長欲渴無深樾揮汗徒翻襟蕭條千餘里但見塵
沙黃朝入永城路樹木何蒼蒼槐陰四合匝森如
翠幕張行人雜坐臥夾岸多垂楊棗花半飄零野
風送清香驅車長堤上溽暑疑秋涼平生足幽興
況喜熱惱忘公子山秀句清泠洗肝腸時與梁山言同
一路清香過永城晚就茅檐歇月林延幽光濁醪相對

五子詩集卷八

三

飲談笑傾壺觴謂達商丘城不過兩日強嘉樹蔭
隋堤幸免道喝傷悠悠半月程庶得休行裝

渡江

大江寂無風千里平如鏡早發自瓜洲時當冬之
孟萬師歡理楫一葉中流榜浮玉湧我前崕嶺樓
觀盛白日絢朱甍金碧晨妝艷焦山峙其東縹緲
煙鬟淨澹濃各有態妍媸敢輕評譬彼肥瘦殊玉
環飛燕並兩峰余所慕夙昔寄孤興惜爲物累迫
探歷期未定恬波漾華文棹謳清可聽須臾抵京
口及此風浪靜回首澄練空朝霞閃餘映

歸家一絕

役役謀身拙入門生事微慰情何處是弱女笑牽
衣

春日遊滄浪亭觀牡丹聽無絃上人琴

曉風吹宿霧晴光搖蔚藍煙草萋正碧呢喃燕舞
檐花事逢穀雨幽興追城南散步向滄浪同遊客
二三水邊映紅妝竹外颺青帘略約度曲折一徑
登巉巖高亭俯空闊淥淨遙相涵悠然西南望秀
色挹層嵐逶迤循步磻堂宇肅觀瞻石枰入精舍
奇葩媚幽岳綺霞深有態皚雪脂粉嫌絕豔如玉

五子詩集卷八

四

奴卯酒倚半酣傳從洛下來花譜昔未諳斯遊頗
快意復陪青門額子況聞穎師琴能使俗韻砭古
音發奇弄詩老閒清談冷然忘身世欲去還少淹

山言招同山公含清亭夜酌依韻奉和

新篁嘯晚風亭空暑氣薄豔豔月舒波清光漾杯
酌小坡邀大馮對我展談謔草間蛙吹沸林際螢
火掠蘿衣恣鯨吸那復愁豹腳嶽碑辨香寮宿疑
頓解縛快劍決重雲青天劃開廓山公辦郭有
繁書極精核共賞王
生詩漢陽王孟毅
華微碑歌移步換丘壑文人騁能事孰肯俯藩
落臨淮入軍壘彩變汾陽郭清新故無窮更促斜

川作語樂苦夜短餘歡寄後約正憶青門翁蓉湖
風月泊

復同諸公含清亭夜酌仍用前韻簡山言

入暑久不雨永日困熏灼晚來忽翻盆疾風卷簾
幕虛亭喜夜涼復此傾尊酌緯蕭詩酒豪雄陣莫
敢逆我欣值強伴膽勇變怯弱痛飲掉談舌濟河
舟焚却真味契三昧精言陋糟粕細律究雙聲不
數冠軍郭坐中烏目翁飲酣正盤礴古來無聲詩
妙理同所託夜闌喧語笑雨聲時間作閣閣仍亂
鳴輝輝亦閃爍風物猶前夕酒罷看雨脚

題王石谷還山圖

十年厭蹢輟紅塵去作山中舊隱淪到處風光堪
入畫夕陽牛背一歸人

拂水煙嵐千萬重耕煙人住最高峰花蹄六尺馳
歸疾閒放山頭呼作龍

楊子鶴自圖小影衣白冠赤戲為短歌

山人聳鶴骨自寫青田真縞衣翩跹丹頂古攬鏡
起舞覺有神當今繪事誰絕倫烏目老手耕煙人
君早入室下筆親黃鶴山樵不可作嗟爾白鶴宜
爲羣昔日楊大年天生鶴翎何繽紛

大年生而
筆毛偏體

君茲

畫圖無乃是畫師應省識前身

暑熱喜雨

陵天赤日當中央炎光下徹蒸八荒書屋煩懣不
可當如坐深甕探沸湯平頭搖扇熱不涼流膏爍
體毒我腸對案何能下箸嘗矯首西望愁日長忽
然頽雲閣北方飛廉疾驅豐隆忙霹靂轟車推阿
香天瓢傾倒馬上郎旛底金蛇掣紫光白雨瀉檐
風走廊瑟瑟涼氣侵空堂抽帙正喜得蒙莊逍遙
徑入無何鄉斯須雨止雲飛揚明月照地疑清霜
奉和漫堂先生舟次仙女廟原韻

時張饒
淮揚

聞道中丞節荒祠遇雨畱水光沈遠岫雲氣擁孤
舟一望悲鴻雁何能辨馬牛安流仍樂土浩蕩倚
公憂

玉帶生歌奉和漫堂先生

先生原序云楊鐵崖有七客者之寮以貯所藏
笛琴管胡琴古甕與研並已爲七六客各錫以
嘉名而研舊寶於文丞相紫質玉紋所謂玉帶
生也丞相殉國研歸謝臯羽轉歸鐵崖鐵崖作
志命門生張憲作玉帶生歌余幸觀奇寶亦贈
以歌

中丞好古摠幽情示我寶研光晶瑩紫衣通身腰
橫白云是景炎故物玉帶生曾遊鐵門翻白雪向
陪臯羽號冬青結契最是文山早揮灑神筆凌霄
崢銘錫貫珠四十四至今的礫炳日星斐八摩挲
追往事感繫鬱律何能平或言信國當年初射策
生也卽隨顧盼趨承明萬言一掃盡龜鑑鐵肝石
膽生風稜轉瞬煙塵昏洞生同顛隕哀零丁丹
心磨礪句不減正氣磅礴歌吞聲天崩地塌壯士
死但聞西臺擊竹風悲鳴可憐宋社淪海水片石
迺有神靈憑鼎遷者三載五百貞質不毀堪嗟矜

李季詩選卷一

英英紫玉暈痕透有如白虹貫日昭精誠仰止孔

石孔子遺跡陋桑鐵笛管之族豈其朋焦氏秋況出姦相

琴爲賈似道故物蘇冀那混申椒馨彼哉客寮並數七嘈雜

非偶徒虛名豈如我公位置肅左圖右史箋遺經

濡翰端可幹元化作歌雅欲親典親典即公語型公歌

突過玉筍作爲生寫真垂千齡

松花江綠石研歌

松花江水鴨頭綠寶氣熊能孕綠玉翠蛟飛涎噴
浸足誰探珠宮斷鱗屋片壁截來光眩目元公長
嘯詩興新寶物落手如有神漪漪含風洮州珉玉

堂洗出巒溪春拂拭試近青玉案青青圓荷跳珠
亂研作卷亂研作卷易水松肪剡溪蔓擘破碧煙初染翰波濤
驚翻埽電光欸穿溟滓接混茫

石屏歌爲商丘先生賦

羣峰奔雲湧座隅下有煙艇浮江湖是何淋漓足
元氣得非米家海岳圖細看乃是渾成一片石天
然妙迹非人摹昔聞巧匠斲山骨未聞山水粉繪
生石膚若云造物作狡獪卻愁混沌鑿死將何如
萬里煙雲藏咫尺壁開天地超寰區漁舟箇箇齊
盪漿煙波雲岫聊相娛我思米顛工畫兼嗜石整

李季詩選卷一

冠再拜以丈呼石之嶙峋足以壯筆勢畫之奔峭

與石爭盤紆石癖畫巧兩不減畫畱石上永永成

形模君不見歐公當年石月屏子美放歌窮虛無

又不見孤松溟濛石屏上子瞻長句搜根株今公

茲屏亦奇絕媿無大手如兩蘇

奉和中丞公東坡先生生日詩同馮山公汪

武曹石衡韓祖語張日容天申顧俠君暨令

子山言作

冬十二月日十九商丘公爲眉山壽異代稱觴神
所契風流韻事昔未有飄然畫像垂中堂紛紛墨

迹陳左右詩卷新雕並在御笈注完好無瑕
器斑斕銀燭光花稀亦薦明
詩筦鼓不用煩矇眊恍若先生掀顙笑懸河馳騁
談天口憶昔置酒赤壁磯笛聲寥亮穿林藪連珠
更和王郎句片片雲腴報瓊玖勝蹟於今七百年
何異朝昏換卯酉先生身命等韓公三星什伍嗟
牛斗南箕簸揚不有停屈指生平多謫咎孤忠排
蕩激頑波百折不回堅有守嗚呼世事盡浮雲頃
刻白衣變蒼狗黨錮頻仍何太勞論論羣小今在
否先生風烈儼生存亮節雄文壽永久嗟余小子

辛未年清遠集

生苦晚玉局一編時在手拜公遺貌思執鞭幸陪
羣彥駿奔走男兒墮地七尺軀立名會須期不朽
不見小滄浪中笠屐圖茲辰競獻東坡酒

上韓宗伯慕廬先生廿四韻

文乃道之器聖籍慎挈餅曠古起衰手佐佑在六
經先生今昌黎經心抉杳冥篤志自天獎風流播
儀刑末學久榛塞古義嗟飄零游談恣剽盜披猖
蔑先型先生奮袂起倒瀾迴滄溟鼓吹振絕響聳
俗聒驚霆毛鄭賈孔間一一通精靈畱畬既饒沃
峻茂孫蘭馨鯨鏗發春麗詭蔚翔鳳翥射策經世

務飛步揆天庭獻獻平生業新語奏漢廷每奏必
稱善天笑空中聆蓮炬分熒煌梅花映曉吟大鏞
鎮清廟玉衡懸冰廳殊渥日有眷沖抱時靡寧羣
才屬覆燾萬形竚毒亭小子媿薄劣微光眇秋螢
前經早茫昧陋不辨豹隱何意折楊曲后夔傾所
聽纖芥遇靈珀霜鐘感無形願求飛霞珮變化生
鶴翎韓門追籍湜走僵不敢停

雨中遊西湖

湖光白糝糊雲水氣交眩蕭蕭灑雨足森森滿湖
面孤艇浮空濛環山疑隱見不復辨修隄況乃尋

辛未年清遠集

曲院西子秀終古天姿澹逾綢

飛來峰

夸蛾移兩山技養賈餘勇戲擲天西峰此地忽孤
聳嵌空立巒岈絕駭騰踴怪石怒欲落古藤纏
若拳青林走長根蒼壁絕纖壅天葩素雪霏瑤草
翠毛氈周覽窺靈穴幽尋響潛楚竇宵光微明足
滑意彌恐金仙閼精魂石脈滴寒漣初耽射旭暉
俄見歸雲擁爲我語山靈好護真棲輦夜來愁驚
飛風雨正洶湧

冷泉亭夜坐

白蘇去我久潺湲無時歇
褰衣弄清泉映手得好
月幽光翳雲林秀色明
石髮初地心緬邈危峰
夜突兀寂靜非人間形
神坐超越泠泠聽未已
松際鐘聲發

上弦光望錢唐江

拔雲緣危磴邈若陵風飛
回首失紺宇聳身但翠
微連天起古烟萬竹相
因依碧色望不盡步步
娛清暉絕境天可捫訇
然開巖扉遂登縹緲樓
浩歌縱遐睎江光搖空
闊潮勢吹裳衣精神忽
飛揚八極從指揮

使院二鳥行

鶴

芝田仙子餐瑤華飄飄素
羽凌紫霞偶然遊戲落
吳苑空階顧影如含嗟
夜寒霜苦煙月白清唳
淒其響寥闕安得乘風
振長翮赤霄靈鳳同所
適

孔雀

燕天高酸離重明南客獨
稟離火精光彩照耀衆
眼驚翠弁金尾翹春英
矜奇鬬麗無足取莫逐
新聲如金縷丹梯安穩
陵高步吾爲子起歌都
護

贈邵丈子湘

青門先生吾所師詩筆兩絕真環奇盛名震耳三

十載魯靈光殿神扶持布衣之雄文場帥侯

宗魏子叔不作誰肩隨先生弱齡負壯思鸞鳳墮地非凡

姿長益沈酣討墳典得其精粹遺糟醢追古作者

惟所向撞金擊石相娛嬉中歲騎驢上京輦公卿

折節如等夸文纔脫口已傳衆詞伯避席常嗟咨

掉頭忽去尋海市蓬萊東望騰蛟螭絳闕羣仙渺

何處蒼茫萬里天風吹南抵炎荒度大庾弔古日

落千崖危雪披滕閣寒光廓六月匡頂迎涼颺梅

花好伴孤山隱釣竿欲拂嚴陵磯以上並山水文章紀實

兩勃鬱震奇發秀何鞋鞋竭來使院俄十春元公

宿昔同襟期我亦荷公致幕下小才自媿國士知

先生一見謂可教忘年託契勤箴規曠懷豁達埽

形迹微言珍重抽肝脾喟息俗學寡根柢花葉妝

點奚以爲耳傭目僛日凋耗八家秦漢同毛皮詩

家坐病亦爾爾滔滔浮濫將安歸但辦讀書萬卷

破萬丈光燄無時衰我聆其語銘佩牢敬奉瓣香

成歌詩

鶴浴

行飯後園去綠陰滿清池雙鶴浴其間意態何威

遲一鶴初蹋水拍拍以自嬉一鶴浴將罷翻身戲
連漪撒振齊展翮飛瀑濺珠璣頗愁皚皚羽雪消
隨流漸吾聞鵲之白初不待浴爲鶴今出清水皎
潔增光儀請君勤灑澡視此皓麗姿

擬寶劍篇

寒銚澈水光溶溶琉璃浸金芙蓉電飛出匣風
襲骨利吹秋豪健刺鐘惟昔采鍛山谿精巨橐洪
爐役百靈陰陽變合駭五色價彈玉河量金城何
爲繡澀塵埋久挂壁空聞龍虎吼羞學靈寶巧隨
人揉絃作鈎不自守又恐秦客難邂逅誤辱纖兒
割炙手一麾儵忽銷三軍斷犀截蛟安足云願騰
青霄決浮雲不然躍去歸延津

留睢州李年山讀書查山同日客作

李君逸氣何軒軒孤翮怒起不可樊我初識君自
匠門傾蓋便欲通筮壚匠門歎君得淵源厥派疏
鑿出大賢謂湯潛庵先生泓涵演迤浩無垠試探其有嗟誠
然恨不晨夕親磨研解手與我期梁園時當秋賦
黃槐繇簿遊聊從壁上觀鄉曲之英藹雲屯睢陽
公子盡雛鷄謂諸君論交慷慨今不諼萍蓬聚散須
史間君蹶霜蹄返故山余亦辭君理南轅匠門文

壇豎赤旂邀朋選勝凌蒼煙查山臨湖湖水翻六
浮飛閣山之巔下視萬本梅花環茫茫香雪鋪平
原諸公倡酬駢琅玕思子不見心愴煩翩然來遊
仲別顏獨憐春去難追攀要賦楚些招梅魂君勿
惆悵聽我言山光水色日相鮮檻前不盡寒濤噴
朱炎燒夏得洗滌疏涼空宇窺遺編有時高枕聞
風湍無爲赤日趨黃塵請君於此窮朝昏

書所見

天東雌霓橫天起連蜷滅沒黃雲裏黃雲沈沈
蔽天黑暴雨從風齊萬矢西邊殘陽已穿漏雲外
碧天碧於水雨脚乍歇雲氣亂金光瀕洞間赤紫
萬態瞬息無停姿人世變幻盡如此

二月朔日查山探梅集六浮閣余以事阻追

賦限灰韻

查山春風動雪統無邊梅四望迷遠近璀璨以皚
皚湖光接浩淼倒射花光回我雖身未到搜覽迹
頗該況披諸公作宛在山水隈山中佳主人延客
娛清杯小閣踞要領名自檀園來檀園昔詩老杖
策屢徘徊於此詫絕勝謂可臥蒼苔瞰臨三萬頃
奔濤吼風雷有時浴落日帆影懸孤桅西偏六芙

蕖朵波面開嘉名錫六浮結構初胚胎固宜天
乞去與詩本供穿裁奈何抱虛願煙雨埋荒萊但
乏十千錢廿載成摧頽繪圖託浩想憑弔令人哀
所以長蘆翁三命窮根說見朱竹垞先
生六浮閣記安知畫中景
到今卜築纔彥會當美日夾鐘始吹灰幽香渾必
第險韻頻敲推鄙夫媿羈束不得相追陪達言附
過喜免爲山靈哈清心詣妙境躡屐何煩哉說見朱
曹六浮

詠史同日容牟山俠君分賦得宋書四首

永嘉昔喪亂區宇遂豆分過江更十葉李星掩頽

李詩選卷下

五

曛末武龍虎姿徒步清妖氛絕岸奮長刀旂折氣
益振入峴運神算威敵駭參軍長驅向河洛電埽
收咸秦百年親衣冠父老涕霑巾宮殿公家宅十
陵公家墳謂公好鎮撫坐今四海賓惜哉志九錫
棄去不復論天未混南北茫茫逮梁陳

盤龍既夸滅諸葛付丁昨菹醢悲太頻韓彭亦自
取回首草昧初功名竟何許獨有何司空握節效
蘇武

桓桓檀江州猛銳無當對倡籌夜量沙智略復誰
逮強敵心膽裂圖形卻鬼怪投憤憐浮鳩哀歌足

感喟志小本易馴顧命言猶在孰云仲達儔枉罹
彭城害韓盧烹何急狡兔滿郊外惡鳥飛擇肉破
弓乃自快蒼皇石頭城始悟長城壞

文帝縱驕貴寵偏殺車子泣誓初寧陵卒負會稽
姊隙端啟後人骨月競芟薶泰始益猜忍誅鉏日
不已建安濟艱危勲誠夙所倚一朝被冤濫應作
蘇兄恥明帝幽囚時與蘇侯神結爲兄弟以祈補助
及事平與建安王書曰此段時得蘇兄神力葛藟庇本根
磐石固基趾洪支崩落盡那不就傾圯吁嗟炎劉
祚蕭公迺了此

納涼

李詩選卷下

六

夜深遲月上坐見火西流遙風來天末庭樹鳴飈
颺晝日何鬱燠俯仰驚涼秋急疾兩跳丸晷景無
停雷殘魄涌林樾煙光濕不收百蟲影響絕客心
逾清幽誰家洞簫聲嫋嫋牆東頭

鳳尾蕉

鳳尾蕉奇幹孤挺鬚綠髮葉攢頂葉長縷細巧
翦裁如簾倒披毛緯整鳳尾蕉葉
象緯幹纔三尺圍倍拱蒼皮
剝落苔生癭來從炎窟帶蠻霧歲久色菸質更瘠
火燒赤鐵飛霹靂奮椎一流脂凝上頓若甘霖
沃燠焦翠氣氤氲生意醒抽條檐檐形張王並擢

本亭亭勢騰猛萬木麗土欣水灌飲金茹火理未
省吐酸吞刀聞戲劇草樹詎解此幻景猶獸餐鐵
甕食火物性不齊固所秉君不見火木鐵樹俱怪
珍甘蔗參天那許並

余作鳳尾蕉詩既而見山公山言兩作標新
闢異爽然自失復拈近體二百字質諸兩賢
敢曰濟師真成績尾

何處碧鸞鳳臨風翠尾颺卻驚蕉葉碎幻出鳳毛
長肅肅雞翹插團團孔雀蓋張豪珠欲鬬彩毳緯
舒芒一縷應含燠千金未易償用青鳳
毛事已從青雪染

李辛辛詩選卷一

十一

還向綠天翔甘結同迎露鮮披並傲霜孤根離瘴
土瑰性尚炎荒商鞅鑽誠詭阿奴策竟良鐵成竹
實脆啖作醴泉涼刺灼餘星點敷榮大澤滂葳蕤
發翰藻蕙萼奪顙蒼軟豈仙壇桂高殊羽葆桑雉
頭矜竹化燕尾恹蘭芳曳武脩脩整羅文薄薄香
離徒平黏雨片掀舞鑑池光誇夥銘無謂搜奇興
欲狂埋金刮月窟山公微埋
鐵事殊奧飽火吐雲章山言有物
火句特奇接
軫爭妍麗先驅畏簸揚技窮蛇畫足醪醖可容嘗

夢青門有作

昨夜秋風起吹夢入蓉湖蓉湖未相識明滅秋光

殊寒波澹煙樹素氣橫幽廬幽人笑握手與我講
玄虛相別春方華相思今乍憶覺來倍怊悵涼月
明前除

西陵行

西陵古樹煙冥冥爵臺哀吹誰其聆總帳飄空脯
酒馨一時腸斷千娉婷呢呢香組勞丁寧裘絨散
盡目不暝蓋世明略竟何有纏緜齷齪空涕零君
不聞永安蒼黃宮車停玉几末命皆箴銘手握嗣
子付丞相琅琅大計光日星西陵有知賴應泚使
君英雄曷敢比

李辛辛詩選卷一

十二

夢覺

夢覺聞殘漏幽懷正耿耿暗戶一螢流光拂羅幃
冷

冬日遊澄江鵝鼻嘴

懸崖崢兀臨江東亂石騰擲江水中我來正值寒
日落欲落不落江波紅初從城北覓細路板橋危
度攀枯松君山荒淺少意思笑指絕境吾能窮迢
迢江濱邇雲嶠遂踞虎豹登蚪龍前躡孤根最嶮
絕繞脚三面洪濤春江豚出沒戲左右長空浩浩
驅天風仰天長嘯俯吸水溟渤萬頃吞於胃是時

金光閃江面輪囷怪影搖沖融遠帆幾點帶暝色
去鳥滅盡餘空濛江月促我踢歸徑滿山霜氣迷
行蹤

江左十五子詩選卷八

江左十五子詩選卷八

七



一一一

江左十五子詩選卷九目次

商丘宋 犖牧仲選

毘陵邵長蘅子湘訂
商丘宋 至山言校

顧嗣立

言襄十首 選四

夏日閒居限跋腳北窗下爲韻五首 選二

雨中游西湖用東坡韻

湖心亭二絕 選一 十番行

串月歌 祭書行 并序

冬春行

首夏十兄復作都門之游病中用己巳留

別元韻送之五首 選一

聽度曲贈顧君言四絕 選三

秋日遣人至西充作家書後附寄四兄四

首選二 哭大兄

哭俞犀月八首 有序 選二

題元百家詩集後二十首

宋中丞署中新構一軒顏曰深淨卽以二

字爲韻賦詩命余和韻二首

文與也先生過訪畱宿草堂卽事奉贈

竹林寺

焦山

渡江

渡黃河後復至清江浦訪周岷公

宿紅花埠二首

選一

新泰道中

琉璃河

送錢唐王文在之任鄆都

遊鶴林寺

十四日抵莫步至避風禪院坐釣魚臺望

江復沿江所取徑經昭關踏月歸寓

平山堂懷古

登北固山

秀水訪朱竹垞先生賦此奉贈

過西興

望蕭山

峽山行

并序

謁禹陵

南鎮

鑑湖

題文南雲先生雙松圖

曉自上沙山莊遊白雲泉過龍門大小石

屋登天平山絕頂望湖臺至蓮花洞小

憩寬路遠澗歸次介子韻

晚度小嶺由龍池遊華山松徑次介子韻

題宋二山言學詩圖四絕

選二

題曹希文同年我與我周旋圖三首

登香爐峰

發嚴州聞晝者

江郎山

四月三日度仙霞關

夜宿漁梁嶺下畱題店壁

清流船歌

彌陀灘

黯澹灘

延平津

五月九日初食荔枝

自題嗽荔圖十絕

選四

自雙溪口出建陽道中得四絕句

選三

六月四日晚泊武吟山下步遊沖佑萬年

宮

六日舟入武吟自一曲至六曲六首

望接筍峰

小九曲夜坐二首

望郎回

紅花埠店壁次湯翰林西厓韻

新泰道中

雄縣懷古

題座主慈谿姜先生遺跡

司寇新城王先生從都門寓書見存云將

有精華錄之刻喜而賦四絕句

選二

十九日商丘公以東坡先生生日懸像小

滄浪率馮山公汪武曹右衡張日容天

申韓祖語吳荆山令子山言及余拜祝

因成長歌一章余亦繼作

二月朔日查山探梅集六浮閣分得佳字

靈隱寺

韜光菴

冷泉亭

飛來峰

天竺寺

葛嶺

紫雲洞

玉泉寺

過天章寺

遊宛委山尋陽明洞遇土人指示飛來石

江左十五子詩選卷九

四

詩以紀之

雲門山

登臥龍山

三月十三夜邀竹垞先生同馮文子吳寶

崖周層巖泛舟西湖看月得六言四絕

選二

讀元史八首

選四

讀洞庭吳烈婦施氏遺詩

并序

擬白香山樂府四首

城西廬

關中民

賣柴翁

江左十五子詩選卷九目次

江左十五子詩選卷九

顧嗣立

侯君長洲人著有秀楚草堂集金焦集山陰集嘯菴集大小雅堂詩

言裏十首

選四

靜女恥无媒金閨寧失偶君子動以禮瓮牖甘獨守當其進身初實爲萬事首无端喪名節羣論笑芻狗古人先品行取士必某某自從文字興璵璠溷塵垢素衣化爲緇瘦馬沿門走昏夜乞人憐朝來輒自負世路盡斯人吾將與誰友

古人重讀書功名不足驚今人重功名讀書存其名一登要路津棄置鴻毛輕燈檠有長短炎涼從此生不學羞无術何以蒞編氓南華非僻書請君試一評

江左十五子詩選卷九

一

農夫不用力雖畊不如止士人不用心雖生不如死夏簟畫室清冬缸夜檠紫輟食便甘寢百年風過耳何異景升牛一轡享軍士不思先聖言博奕猶賢已晨興理髮坐驅蠹啟文史孜孜復汲汲中宵弗遑此非貪身後名聊盡身前爾

詩中集大成萬古一少陵昌黎韓吏部光怪方驚騰香山白太傅蕭散神仙稱嬰皆從杜出奇正各擅能後代有眉山落筆如雲蒸方圓成珪璧妍醜



肖其形四賢豈不偉泰華同峻嶒下視郊島輩不
翅蒼蠅聲再拜往從之天高不可登

夏日閒居限跂腳北牕下爲韻五首 選三

六月畏出門閑寂嘆離索俄聞剝啄聲披衣忘赤
脚禮豈我輩設任眞固所樂矧余腰腹寬性尤苦
炎虐起揖進盤餐醇酎非狂藥銜杯望密林隱隱
結樓閣日落夜涼生輕風啟簾幕

夜短不可眠日長不得食蚊蟲飛殷雷更僕供搔
抑草堂頗弘敞新篁漏埜色清連繞一灣菡萏香
風逼結構本无多聊以消晝刻傳聞四方信盜賊

辛辛書通卷九

驚南北此生免荷戈高臥方太息 時禁中有警

任性厭塵囂放情屬山塾不喜近俗人寧堪自云
雅圖書綴牙籤南面眞何假光焰盛杜韓清源導
屈賈棟梁資斧斤鎔范賴陶冶寸陰古人惜而况
此長夏蚱蜢撲草根驟雨翻簷瓦一鈎新月斜覓
句空階下

雨中游西湖用東坡韻

四山同一雲朝來失山足水天青濛濛何處寄雙
目孤塔影崔嵬如龍起厓谷峯坳噴飛瀑鏡紋寫
松竹挈舟劈浪來平分湖面漾微風著布帆岍草

隨堤逐閑狎沙際鷗高羨天邊鵠人生何爲者鬱
鬱苦局促剖腹藏明珠則足抱璞玉莫怪士龍笑
何疑步兵哭錢唐佳麗地英雄逝何速簫鼓蕩中
流綺羅被山木今看塚累累王氣埋白屋風吹戰
骨腥陰雲時斷續興劇急回船不待夜秉燭裁成
風雨篇補入西湖錄

湖心亭二絕 選一

湖面雨痕收亭添半篙水斜陽欲沈山明滅波光
裏

十番行

辛辛書通卷九

冬冬羯鼓財三搗鐵篴一聲紅日斜木魚閣閣檀
板按琮琤拈拈隔衆樂譁靜如細泉溜空谷諧如雌
鳳鳴孤竹彩鸞雙成齊進酒天公爛醉濛濛目須
臾金石習鑿鐸刀鎗甲馬爭騰驤颯然響絕四筵
靜華鐙耿焰搖中堂驚管龍笙重按節聲婆稱手
彈離別絃索嘈嘈急雨飄雲鑼佞栗胡琴切楓香
古調漸低迷耳根頃刻堪愁絕昔日岐王宅裏聽
池頭凝碧花冥冥海青血濺龜年散梧桐夜泣雨
淋鈴涼州一曲仙韶少月照思陵徧荒草白髮青
蛾鞞部頭殘山剩水江南老

串月歌

治平山寺何峇堯湖光吐納山動搖煙中明滅寶
帶橋金波萬疊風騷騷年年八月十八夜飛廉驅
雲落邨舍金盆出水耀光芒琉璃迸破銀瓶瀉散
作明珠千萬顆老兔寒蟾景相嚇魚婢蟹奴爭獻
奇手寒桂旂吹參差水花雲葉橋心布移來海市
秋風時吳儂好事邀新客舳艫銜尾排南陌紅豆
新詞出絳脣粉胸繡臆迴歌席綠蛾淋漓旆樓倒
醒來月在松杉杪

祭書行

并序

注李季詩選卷九

四

賈長江嘗於歲除取一歲中所作詩以酒脯祭
之曰勞吾精神以此補之余仿其意因取架上
手自勘校諸書羅列秀埜草堂清香樺燭酒脯
具陳再拜而祝之并邀亦陶犀月大臨日容同
作祭書行

己巳十二月時序逼小除顧子草堂坐爆竹驚座
隅回頭語童子此爲何聲與童子起且應家家歲
云徂燭忽割驚鴨列鼎獻生芻上以報皇天年豐
少負逋下以薦祖禰兒稚爭提壺農工各有求貧
富各有需主人日矻矻身不出戶閭老大空拓落

年年守故吾所抱果何願所讀果何書曷不訴蒼

穹椒糝而要諸余聞賑然笑童子一何愚六經

日月百家列珎珠龍門長叙事紙上露眉鬢離騷

多愁苦痛飲高天呼莊生善寓言蛟夢自蘆蘧文

選字詰屈熟讀常嘖嘖風雅云誰師浣花有狂夫

韓公狀南山白傅繪西湖崑體情綺靡香奩語

都但求性所愛不徇俗毀譽宋元亦涉獵出類惟

髯蘇陶治奪天工黃陳堪作奴時或繙新曲鏤錯

天花數臨川游戲筆字字等圓珠凡茲架上卷百

城南面如柳風酒捲白荷露硯研朱拍案讀數過

注李季詩選卷九

五

豁然憤懣舒我今值歲盡免俗又何須散帙聊爾
爾繖細堂几鋪隻雞藝爐香三拜進屠蘇我欲謝
貧賤彼蒼不吾諛我欲乞富貴斯人非吾徒金多
亦何益官高亦何居但願身姦黠與書日日俱憂
患不能卻歡樂不能驅揮手謝童子甘作老蠹魚

冬春行

家家午飯霜風香黃雞作團雙翅張紅蓮玉粒積
成山峯巒咫尺生中堂我家連年遭苦旱田畝歉
收不及半官私逋負如蝟毛時詘舉羸空自歎行
官張望下鄉看雞犬荒邨聲帶酸傾甕翻瓶償得

穀一斛六百青銅錢薄田本只供饘粥尊酒盤餐
招客宿疎狂性不解謀生點金乏術徒頻覺東鄰
西舍困庖糲春聲雜道風瀏瀏檢點空倉元長物
忍飢涸鼠還垂頭窮冬閉戶攤書讀來春生計知
何屬歟聞縣吏夜催租官倉算缺三升穀

首夏十兄復作都門之游病中用己巳畱別
元韻送之五首 選一

塞外提師鐵騎紛將軍揖客舊知聞 兄就館王將
軍兼揚軍中 青油

幕下韓司馬綠水橋邊鄭廣文部響弓刀搖白羽
營飄旂旆裏黃雲蝦蟆更促平沙靜把酸敲詩到

夜分

聽度曲贈顧君言四絕 選三

天上秦青本謫仙六么水調譜新編女墳湖北紅

闌下獨占春風三十年

笙調笛亮稱湛浮舌底牙根字字收惆悵一生元

限事盡隨歌曲上心頭

一派簫聲過暮煙小園愁殺李龜年落花寂寂人

閒望恰是江南三月天

秋日遣人至西充作家書後附寄四兄四首

選二

麥黃豆綠峽農多酒釀郛筒臉易酡癯婦蓼花行
米市焚童側枕踏巴歌鄉心常動鵲唳樹政績新
聞虎渡河八十四盤嶺上月相思兩地奈明何
落木蕭蕭宋玉宅巴山夜雨近何如三秋半破重
逢閨一歲中分兩致書江勢直衝巫峽口山形遙
接劍門居脊令不到瞿唐過手疊紅箋望碧虛

哭大兄

半世耽山水如兄裹抱難病來還喚弟死去不求

官霜冷雁聲澀月孤松影寒五年三慟哭淚點幾

曾乾 己巳秋仲兄先歿壬申秋復丁
先母之艱今冬又來哭兄故云

哭俞犀月八首 選二

犀月先生與余交垂十五年戊辰春始就館余

家服其學問淵博元元本本凡經史百家以至

天文地理諸書无不淹貫胸中自是或春上梅

花風來荷葉芭蕉滴雨莓苔裏雪逞逞把酸聯

吟笑語於秀塹草堂中忽忽不自知其樂者六

年矣今春二月二十有三日余有西湖之役與

先生執手言別越九日歸而先生已辭世二日

間變震驚寸腸俱裂趨赴靈前哭奠追念曩昔

讌遊之好邈若山河因滴淚和墨得詩八章冀

良友冥冥中鑒我也

元代文章付杳冥殘編斷簡聚英靈刪詩同恨江
西派紀事爭看塞北形五夜推敲孤館雨三春談
論草堂星知心勝有谿南老落月茫茫埜史亭

韓元詩與亦陶厚月晨夕商榷
惜厚月未見成書而歿故云

西河一慟淚沾巾家難紛紛氣莫申三世半年同

作鬼去歲九月令子先
歿未幾幼孫又殤一家八口仗何人訓狐黑夜林梢

喚魑魅青天屋角蹲造物昏昏渾不辨舉頭無處

訴蒼旻

題元百家詩集後二十首

元百家詩集卷九

雄深出入少陵間金宋巍豪一筆刪恢復中原板

蕩後黃金端合鑄遺山

劉許高賢出處分雷溪豪邁氣超羣北人自有元

才子秋澗陵川各張軍

大德元貞老逸民剡源石屋句清新論詩笑殺方

虛谷還向江西拜後塵

長庚朗朗照戈矛窮海孤臣望雁愁何似萬松傳

訣後雄篇秀句逞風流

岳王墳上賦招魂狂李顓蘇伯仲論禾黍原陵遭

客訕國香零落怨王孫

會稽蜀郡各誇能星散天連得未曾從此東南詩

派盛狂瀾獨障是吳興

白獸黃羊扈從宜玉堂連直唱新詞上京雜詠流

傳遍館閣才華冠一時

彷彿唐人面目同虞楊范揭出羣雄縱然不作涪

翁社難脫風沙氣習中

溫醇峻潔散天葩黃柳齊名一郡誇排異更生吳

老子天教文運屬金華

雄文大冊奏鏗鏘碑版穹窿翰墨場若問當年大

手筆瓣香未散是歐陽

元百家詩集卷九

樂府無題關綺羅宮詞濃豔奈愁何香生春動元

歸著翻出新聲西北多

天竺雨淋看點筆上林花滿聽鳴珂一官落拓詩

千首愛煞燕山薩照磨

宋室今無我亦無翠寒齋裏自歌嘯秋千庭院昏

黃月恰似高人胸次孤

病鶴揚州偏竦肩朱簾齊下笑喧闐誰知雨霽雲

開後依舊橫行萬里天

雕鐫更出唐人巧刻畫全非宋代麤才子一時工

詠物蟲魚花草費規撫

至正詩人喪亂頻崎嶇避難走跋跋青易白墊捐
軀日右榜緣知彼有人

樂府歌謠古意存蛇神龍鬼語銷魂竹枝唱到西
湖曲南北傾心拜鐵門

高士海巢辟地日老人湖上故宮思相憐只有梧
谿老不奈蛇橫天黑時

玉山佳處客停車侍宴紅裙韻致誇楊鐵倪迂尤
好事風流收拾到吾家

抱病聊馮著述傳同心三載集遺編元瑜不合先
長逝淚灑西風空問天

宋中丞署中新構一軒顏曰深靜卽以二字

爲韻賦詩命余和韻二首

風動碧篠響荷香襲衣襟衙罷吏人散幽禽聲滿
林高軒初落成陂唐蹕柳陰游魚躍綠波秋水三
篙深中丞開宴至手折碧筒斟最愛新雨來颺颺
風中琴

東坡守膠西治法本清淨築堂名蓋公創事特新
穎我公實繼之深意伊誰省賦詩獄訟平揮麈烽
煙靖長空落斜易水浸蒹葭冷攜客坐清風屋角
橫秋景

文與也先生過訪畱宿草堂卽事奉贈

高人住深山偶然入城市譬如幽谷蘭移置玉堂
裏蕭疎迴絕塵百卉失紅紫竟日散芳馨三春誰
奪此先生隱竹塢閒情寄山水詩畫兩清絕游戲
聊爾爾步履隨秋光欣然肯至止貌古識心古胸
次無渣滓酌酒問前朝自言能屈指東林黨錮興
忠義吳中士琅璫貫三木慘毒囹圄死吾家雖免
禍炭如肉在机瞥眼海生桑白髮今老矣楚老話
開元楊柳年年是何人撫遺文一一補詩史移席
坐花陰更鼓逢逢始甲馬響空檐金風自南起埽

榻勸安眠桂魄浸牕紙一夜市廛聲空汙幽人耳

竹林寺

策蹇人影亂澹日動山腹江雲落深林龍蔥接厓
谷馬上頸脰勞木末顧童僕到門碧蘚淨瑣碎金
滿目無風衣袂涼參天萬竿竹嫩綠染須眉入手
不盈掬山僧重款畱折鐺茶正熟惜余別息息征
塗車歷碌何年參玉版禪牀容信宿好待月影長
新詩賦茅屋

焦山

山風撼樹涵波光一堆螺髻青微茫頭陀山高欲

關巧孤峯對峙江中央初從象山窺石洞槎枒古
幹遮僧房浪平沙煥瑩如鏡山影倒落十丈長同
遊好奇急解纜推蓬直溯山根旁振衣瞻拜焦公
像三詔洞口神飛揚沿江曲徑斷復連樹罅點點
飄飄檣攀援石磴上絕頂海門紅日搖搏桑江南
山色落檻外隋宮花柳烟中藏馮高遮嘯吸天風
一杯酒盡歌慨慷吳頭楚尾接京口豈無好事泛
野航相過率誇浮玉好雕闌畫棟黃金裝茲山隱
見幽絕處俗眼誰復如余狂瘞鶴穹碑字軒翥燒
藥寶鼎光輝煌煥雲採月得同侶相憐泉石疑膏
盲陰霞興沒看不定回頭但惜金雅翔搜索枯腸
出險語江山收拾詩人囊

渡江

雙槳衝波去船頭映夕曛客途隨日遠鄉夢與江
分鐘響煙中寺帆移樹裏雲餘霞浮水上噪影鳥
紛紛

渡黃河後復至清江浦訪周岷公

旋裹行裝雇橐駝又攜雙槳浪頭過暮年握手情
偏切客舍談心語更多隔岸馬聲嘶落照掠堤颿
影入回波飛鴻蹋雪真相似一日三番喚渡河

宿紅花埠二首 選一

烏鵲驚枝漏月光紅花埠裏白於霜十年照我江
南住今夜圓時在異鄉

新泰道中

野店孤邨難記名朝朝摩詰畫中行日高馬蹏峰
巒影市近風喧雞犬聲嫠婦騎驢投午集禿翁驅
犢趁春耕田家况味真閑適我我勞勞事北征

琉璃河

日欲沈如赤玉盤燕脂迸破莫天寬愛他六里河
中浪卻少鴛鴦對對看 琉璃河謂之六里河極清
汎尤多鴛鴦見范石湖集

送錢唐王文在之任鄆都

帝城斜日照香轡遠宦忠州路幾千人渡巴江秋
雨裏帆移巫峽暮雲邊官閒按月評花譜俸薄終
年抵酒錢想得啼鵲催月出吟成好費薛濤牋

遊鶴林寺

小橋流水漾江天古墓荒涼松樹邊 寺對黃鶴山
下有木南宮基剔
薛重尋米老字 寺壁石刻率多剽落雖南
宮書城市山林四字尚存擔瓶仍試寄奴

泉 寺中秋風竹院人聲細 鶴林一名竹院唐大詩所謂因過
竹院逢僧話又得浮生半日閒也燈火禪房僧影懸 方丈懸馬
祖遺像夜半潮聲驚鶴夢月中

彷彿下芝田

十四日抵莫步至避風禪院坐釣魚臺望江

復沿江畔取徑經昭關踏月歸寓

江風吹日落餘光在山上水面結陰霞沈沈夜氣
王入寺俯峭壁縱目盡輒坎金焦兩冥濛歸鳥影
相向潮聲落空巖勢若翻甕盎此身渺一粟臨風
恐飄颻釣魚者誰子欣然忘得喪紆餘取歸路孤
光滋瀟瀟長嘯出昭關天風助悲壯江心起蕤紋
金波涌疊嶂蠟屐破松杉舉頭月正望

平山堂懷古

歐陽公手題
額三字句存

霜銷雲氣收日腳正亭午江光動碧瓦隔岸青可

注李詩集卷九

十四

數吳山隱密林淮岫蟲極浦積陰挾寒濤勢欲到
堂廡緬懷六一翁流風邁千古傍厓置棟梁于焉
運斤斧堂成集羣僚清詩日吟苦渡水采芙蓉皓
腕牽纖縷翠蛾趁月歌紅裙踟躕舞遂使狐兔場
翻作圖書府茫茫五百年勝事今誰覩空餘三字
顏斗大映屋宇想當下筆時肘腋勞撐拄著紙墨
淋漓力挽千鈞弩形如鸞鳳翔結構各綴補歲久
墨花妍疎宕更媚嫵摩挲不忍去但以指畫壯夕
陽亂平蕪黃葉響山陽蜀岡鳥上下迷樓送鐘鼓
何當春明來松翠潤細雨殷齒印庭綠挑泉嘯石

乳醉翁許爲徒千載作賓主

登北固山

城失徑仄天地秋長空一覽江山浮風煙慘無
定態茫茫堆積萬古愁甘露寺邊初下馬多景樓
上重探幽白蘋紅蓼鋪鏡面鷺鷥飛起蘆花洲亂
山朶朶列檻外長江匹練遙相兜金焦矗起如怒
浪青蓮對擁不肯收當年獵騎喧江口左蠻右觸
嘲孫劉紫髯桑蓋竟何在但見很石眠荒丘愁來
棄去不復顧隔林纖月垂玉鉤栖鶻磔磔起山谷
松杉人立森戈矛噉童好辦京口酒一澆魂魄千

注李詩集卷九

十五

鍾休

秀水訪朱竹垞先生賦此奉贈

風雅道日微俗儒見逾小百川誰障之秀水一詩
老結想廿年餘奉教苦不早昨挂吳江飄駕湖風
嫋嫋入門書堂清圖史左右遶脫略容疎狂言旨
歎深窅武庫兵縱橫戰舌漫自掉遺文墮劫灰有
元敢搜討先生顧之笑局然欲絕倒出其家藏書
龍宮炫海寶姓氏手編纂斜行雜真草云此續百
家一代事可了
先生許以家藏
元人遺集借刊
小鳥啁檐牙桃花映翠
篠越甌泛犀液坐久日杲杲臨別意殷勤真率豁

懷抱後會約重三吳城花更好探奇辨金石吟苦
追郊島先生儻來過草堂話清醪

過西興

青山當我前大江動我後春風吹客衣白雲落我
手板輿才尺許端坐疑掣肘三里一茶亭石闌分
左右肩輿置其上安若在科臼遙望炊煙青甃甃
燕拂柳僕夫如健犢兩腳笑狂走隔樹颺酒帘請
君沽一斗

望蕭山

牛車涉畏途板輿疾如矢入舟更三番游興殊未

注李詩集卷

十六

已樟楓皆合抱瘦影落野水雲開見青山白鳥下
清此一望真蕭然氣象乃有此緬懷無餘孫敗屐
集營壘仰瞻已廿年吳亡始誅詒江淮空橫行霸
業今已矣山川固變遷林木尙芟斃舉酒酌風前
船頭暮煙紫

峽山行
并序

先考功令山陰時鼎革初定山賊竊發民不聊
生而峽山一村尤盜藪也上官方議勦滅先考
功馳詣武林請於巡撫蕭公以招撫自任遂從
二小吏乘扁舟至峽山直入賊營諭以禍福衆

皆感泣羅拜誓爲良民先考功書其名於籍給
以免死牌而縱之復榜窮鄉諭令自新餘黨悉
皆嚮化浹旬復命蕭公全活數萬計迄今五十
年矣峽山父老爲嗣立追述往事莫不歎歔泣
下嗣立因賦峽山行一篇凡五百有十八字歸
示子姪庶以補家乘所未逮云爾其詞曰

白波如鏡光新摩兩山雨洗青巉峨綺紛阡陌接
衡宇峽山一村同姓何我行訪友榜村口市聲風
攪炊煙斜閭閻老幼步踰濟太平雞犬無諠譁二
三老人向余語銜淚叙舊雙滂沱維昔順治歲在

注李詩集卷

十七

子四海渾一收天戈妖氛餘孽聚山谷孤鳴兼噪
張爪牙槍竿纏布白帕首勦掠倉困喧官衙十家
被害九家哭僵尸積路如亂麻撞金擊柝號團練
兵民與盜誰分科茲地環山更險惡遁逃屯聚爲
巢窠羽書如電上州府官兵調發疊鼓搥昆岡火
炎焚玉石吾族噍類窮奔波賢哉吾侯來何暮莅
事三日驚傳訛侯曰此皆吾赤子縣令不救理則
那日行三百謁開府爲言若屬良民多或誣其兇
或誘餌赦之詎卽非農家一弦一矢請勿用掉三
寸舌聽凱歌親書供狀百口保甲兵手洗翻銀河

因乘扁舟從小吏波風吹帶紋如韉旌扛刀槩森
牆堵林戀兵氣騰豁從吏見之正股栗吾侯氣
壯朱顏和爰召賊酋告之曰汝曹獨非人情邪紡
績耕耘各有業婦依夫壻兒隨爺奈何違性陷非
僻矜凶挾狡聞呀呀撐骸刈脯就屠戮鬼村啾唧
堪咨嗟曷不從我悉歸順各安田畝閒漁叢侯言
未終盡感泣抱頭拜舞髮鬢參丐女死命賜之酒
投戈棄甲爭紛罕千村萬落夜聲靜水田但聽官
蝦蟇迄今相距五十年生男生女攢髻丫君看家
家大作社鑄金禱祀陳華奢宗支蕃衍誰之力君

法華寺遺集卷九

十一

家汪濺恩靡涯嗟余懷繆早失怙靈運述德慚么
膚偶尋山水到茲地先君厚澤真難磨合之家乘
與邑志目見奚啻百倍加援筆聊作峽山曲傳諸
子姓千秋誇

謁禹陵

神珠入夢星飛流躬乘櫟橈畫九州茲山玉帛捧
萬國雲車風蕭驅驛驛官德賞功錫茅土歌聲蹈
舞旬林丘專車一骨獨後至精血化碧埋千秋君
王會計猶未畢胡顏鬢鬢千丈湫苗山山頭騎龍
去回首大叫孤雲愁桐棺葦棹橫七尺相送入此

深穴幽至今松檜影森立山魃怪鳥白日游萬山
起伏勢回抱左江右海煙中兜鳥田方方纔踰笏
起伏勢回抱左江右海煙中兜鳥田方方纔踰笏
禹廟後天使自鳥還為民田至今名曰鳥田在禹廟下 菲泉活活清於油山下有禹井曰菲泉廟
門乍啓樞衣入日照繡栢迷彤彤髹宮碑篆文豈岫
嶠好古恨不逢陳畱禹碑文嘉靖中從長沙張麓院揭歸刻石字尚古難辨成都楊慎誤讀之 千
官雁行象生動龍袞鋪藻縣珠旒聖心勤苦尙節
儉加以雕飾毋乃羞乖龍躍水鐵索斷風牽符帶
梁間浮廟中後櫺木為梁張僧繇畫龍其上忽夜風雨飛入鑑湖後人見梁上水草淋漓乃以鐵索鎖於後柱今已不存 空
石疑從胚渾結古隸難以形聲求空石狀如拜鐘上有古隸不可讀 此
皆神聖設光怪流傳奇蹟供羅蒐腐儒小生窮培

法華寺遺集卷九

九

掘耳瞋塞耳空煩憂金簡玉宇墮灰劫陽明洞口
尋前修神功明德誰其似俎豆百世夫何尤魚鼈
幸免食禹力敢以蚓竅鳴相酬馮高決肯眼底闊
獨立覆鬴聊夷猶會稽山狀如覆鬴亦謂之覆鬴山 試問馬遷與東野
游興亦似今番不

南鎮

揚州之鎮誰為雄永興封自開元中會稽宮堯接
雲漢羣峯如浪爭朝宗我行遶礪蹋松影萬株合
抱穿青穹蚪龍無風自鳴嘯厓谷響應投碣磬蒼
顛落水翠凌亂山溜激玉聲玲瓏遙望朱甍下光

炯粉牆丹柱藏蒙籠入門陰風嘯四壁神官鬼物
雕鏤工執笏張蓋見奇相生氣奕奕舒雙瞳廡下
何曹曰掌夢勾致竟鬼精誠通廟前石碑云有武弁於此
祈夢神校二方印後官
至絕其通備他鎮符
二方印與夢中無異振衣升堂默拜禱自慚潦倒方途
窮三十頭顱已如此矻矻守死書中蟲馮神乘雲
排闥闔吉凶修短惟天工儵忽擲颺攪空谷紫赤
怪氣重重烘香爐噴煙縮菌蠢石傘障日含腫臃
香爐石傘
俱手名長嘯一聲出廟去碧海明滅波心紅騎龍
跨鳳環珮合僊官朝罷回靈宮

鑑湖

鑑湖三百映澄鮮吸盡羣峯落野田賀監宅邊波
豔豔柳姑廟外草芊芊魚穿菰葉吞山影雀啁楊
花撲水天安得越溪如雪女新妝齊唱採紅蓮

題文南雲先生雙松圖

何人點染雙松樹乖龍舞爪驅雲霧山風謾謾翻
怒濤欲上青天雷不住前朝畫手推沈文待詔之
後今南雲能以性情寄筆墨游戲尺幅成氤氲千
丈生枝黛新埽樹底攜琴望晴昊一彈忽訝眾山
鳴迸破流泉三峽倒山南峭石看峻嶒嵌空翠篠
懸枯藤影落灣環墮飛鳥蒼顏散亂疑崩奔前秋

竺塢曾棲宿夾路龍蛇天半蠹紙上馮君乞一枝
夜聽蒼波碎茅屋

曉自上沙山莊遊白雲泉過龍門大小石屋
登天平山絕頂望湖臺至蓮花洞小憩覓路
遶澗歸次介于韻

山風破曉來葉葉響珠露初日暈薄雲峯尖故吞
吐天平蠹檐端岵嶺引余步小徑踏茶棵沙路晴
散霧松聲亂澗泉鳥族喧古墓人行宛轉橋笑指
范家園落葉摧琅玕秋山覺寒素涓涓白雲泉一
綫溜石乳雲水兩無心何煩事鎔鑄洗眼嚙清甘

斷碑哦舊句斗起雙龍門突兀勢交互徑窄風怒
號頂削虹奔度鑿翠石屋開誰貽魏王瓠靈根託
虛無投足雲礙路可憐剩殘僧有似窟中兔捫蘿
最高頂呼吸仙翁遇湖闊青天低臺空怪石聚乍
疑寄笮橋嫋娜桔柏渡厓谷齊哈呀黠黠如欲暮
下尋蓮花洞幽香著芒屨秋風搖夫蓉木末粉新
傅相與插花歸何殊佩寶璐緩步聽細泉莫使溪
行誤

晚度小嶺由龍池遊華山松徑次介于韻
山行爽遊目窮日孤懷騁佳處雖涉獵終勝夜燭

秉杖藜陟陂陀瘦日澹幽境磴蘚當路滑亂石斜
復整鋪白映蕎麥接藍綴桔梗倦脚倚顛厓彭亨
漲蛙龜林聲敲淙琤雲勢頓勇猛風緊鳥轉疾人
喧山愈靜龍池水增波老樹浸盤瘦意行仰看山
不覺溪路夾道列長松散亂蒼顚影褰衣踏日
光流水涵藻荇小亭畫陰沈綠色變清景鬢蒼寒
森森坐久衣裳冷蓮華擁絕巘倚天立頑礪影落
玉女盆搖蕩深淵靚臨流戲濯足奇句寧可省如
船藕十丈敢向太華請夜月吐豔豔于焉托幽屏
雉尾搖赤杉鴨脚踏銀杏殘秋更淒涼孤影抱虛
警天池沒落日澹漾碧千頃安得上上頭決皆望
諸嶺

題宋二山言學詩圖四絕

選二

攤書覓句坐匡牀杜老欣看宗武長堪笑謝家佳
子弟臨岐才賸紫羅囊

射鴨西陂用竹枝驪珠獨得緯蕭詞倩他更寫匡
廬景落月孤舟待說詩

漫堂先生新刻說詩一卷內云庚申歲舟泊鄱湖月夜望匡廬與山言共作詩話

題曹希文同年我與我周旋圖三首

禹鴻慶尚書寫照

影責陶淵明頭憎秦子羽何如圖畫中兩兩自相
許

達士思遺蛻茫茫患有身卻怪鴻臚筆添他一个
人
點染爭疑似鬢蒼各有神家人笑相問畢竟是誰
真

登香爐峯

去年遊山陰薄暮過石屋香爐峯未登悵惘惟此
獨今來值春晴僧房借筇竹飛步凌巔巖絕頂勢
一蹴古洞開豁豁翠屏交起伏剝落石髓乾颼颼
景颼肅欲前若猱升乍退等蜩縮身小如一粟顧
影叫僮僕猶懷蘇門嘯恥作華山哭發興上石梁

李辛詩選卷九

五

萬丈見林麓雙厓劈鬼斧一罅通地軸騰身入其
中云是南天竺豆登視羣山甕盜失衆瀆雲門青
數點鑑湖白一曲頓忘登陟勞第恨賦歸速越中
吾舊遊佳處行已熟此來補未曾後遊期再續手
招白雲前且投巖際宿

發嚴州聞畫舫

綠葉沈沈春滿枝四山風靜落花遲沿溪日午行
人絕一帶松陰叫畫舫

江郎山

晴雲擘絮拖煙嵐一峯筆卓通蔚藍行行漸見畫

霧卷雙峯倒挂碧玉簪須臾中間復迸破石縫斧
劈青光涵蒼翠隱隱變紫赤仰視天半峯成三肩
輿回脰叫奇絕神物幻影人工慙江郎兄弟此學
仙仙成化石非虛談巨靈鼎所不到千年鼎峙
齊彭聃往聞行人過此者陰氣晦昧垂鬚髮鳥道
峻嶒通虎穴青壁無路難窮探我今沒遊出其下
快覩曉鏡開塵函分如螺黛插畫障合如金碧圍
僧龕浙東山色已看盡閩嶠遊興方沈酣多謝山
靈知客意清暉半日寧嫌貪忽見山坳雲潑墨怪
鳥掠影投澄潭霹靂一聲山鬼泣四山風雨鳴樟

李詩選卷

李

楠

四月三日度仙霞關

閩海地脈多峰巒萬山爛熳奔中原若然截斷羅
刹水四崩突兀開雄關琉球日本使絡繹東甌南
粵人蹣跚荔支末利爭赴市江珧牡礪來輸官一
夫當關按劍立百萬鐵騎心膽寒唯天設險表萬
國正器豈許庸夫干我從審嶺上帶嶠時節正屈
春光殘樟松合抱挺百尺白石徧插青琅玕幽叢
蔭鬱百鳥聚啁啾似懼彈金丸山花無名開絕壁
一枝露冷零溥溥紅如丹砂白如雪黃紫照耀成

斑斕竹雞大喚走木客野猿上樹千回盤行來絕
頂踞關口此日恍在蓬萊看金銀宮闕散異彩鞭
驚咎鳳聲珊珊俯視原疇平若掌江海一氣雲天
寬衆峯起伏如怒浪前後左右皆兒孫坳中陡起
一片白黑風颯颯煙瀾漫阿香推車響腳底跳珠
亂迸黃河翻飛流千丈分百道下注龍井增波瀾
渾渾沌沌震玄宮水石拮隔何時乾僕夫下嶺如
健犢小竿羊牯同嘖嘖小竿羊牯皆嶺名吳山越水足迹徧
未若此境誇雄觀盪胸決眚渺何許襟懷始笑吾
儒酸筆底光芒射六合南遊好愜平生歡

李詩選卷

李

夜宿漁梁嶺下雷題店壁

三日崎嶇嶺身如行脚僧山風鳴急雨野店暗孤
燈病退榮華澹窮來道路增新詩破岑寂沈壁我
何曾

清流船歌

清流小船如矮屋簷篷三間兩間禿一立船頭一
船尾四人執槳速於鬼小灘纔過大灘橫欲欲駭
浪攢劍鏑金梭撒烈走石縫性命瞬息鴻毛輕夜
泊焚香具酒肉梢工喃喃向空祝水怪龍神在左
右寂寂無聲但搖手明朝又是惡灘來請君慎莫

多開口

彌陀灘

船頭水怪奔船後潯蛟吼巨石森我左白波噴我
右輕舟如飛梭中容一線溜榜人劃水開勢與雷
霆鬪換舵急就之巖嶺仰頸脰愆然一聲中生死
判清畫相傳此驚灘估客屢傾覆禪家指迷途蓮
花工刻鏤雙柱立中央呼吸金石奏回思下灘時
雙瞳矚前後相距一髮間避險如避臭三老猶色
變而况僮僕陋南來山水鄉到處堪宿留垂堂尚
有幾何事建溪走平地波瀾興禍福巧相湊足迹
皆宿緣平生藉天佑日午惡風恬城近驚覓收且
看石上烏浴浪正塞囁

點淡灘

瘦日搖晶光陰風吹沆瀣舟行黯澹灘頓覺宇宙
隘軒然大波來魏峨擁山砦橫從互舂撞白浪喧
百派初如戰鋒交萬馬脫營寨歟若刀槍陳奔竄
格鬪敗恨無據水飛那得裂皆噲仰恐天柱折俯
愁地軸壞伊余偶過此杯中一芥驚雷震耳根
飛沫溼衣袂踉蹌寄蓬牕吁嗟甚矣憊半生歷險
艱心緒恬不怪富貴實浮雲惟欠詩酒債畏途漸

坦兮手足去蜂蠆飽吸荔支鮮南行聊一快

延平津

神兵百鍊霜華起殷紅血染爐中鬼一唯一雄夜
吐光怪氣騰空萬山紫茂先死去劍埋塵恨不飛
斬趙王倫胡爲見水歟變化風酸月黑延平津雙
雙玉匣空相守壯士腰間待爾久世上如今多不
平灘聲莫作蛟龍吼

五月九日初食荔支

平生未識生荔支披圖按譜長相思有如傾城乍
覩面心怡目蕩神難持我來三山已一月賞新恒

苦歸期遲忽見將軍遣騎來二十七顆光離離

李時

總戎以荔支二
十七顆見餉
火寶累累香霧溼折枝點染新臙脂手

擎奇苞紅映肉水精光透冰雪肌津津牙頰滿靈

液肝膽疑浴清涼池吾觀夏炎百果盛供人口腹

嘗不貲上林桃李八達杏迎祥池芡哀家梨楊梅

微酸青梅苦枇杷核裏黃金皮豈如此種海隅獨

論色香味皆相宜或言興化品第一飽噉可惜非

其時綠衣勝畫名字好山丹早熟姑試之

綠衣勝畫
山丹並荔

名又言福州西禪寺千枝照耀方離披行將襍被

宿樹下銀礫閃閃搖晨曦帶露摘來甜勝蜜飭人

任笑吳儂癡

自題嗽荔圖十絕 選四

君謨譜上聞名久白傳圖中覓本裁攢劍山光沸
鼎水此行只爲荔支來

櫻桃難諱流鶯破橄欖終須回味甜何似將軍大
樹下玻瓈碧枕蘸紅鹽

野岬江蒲側處同色香味變杜園空少陵但飽饕
涪種漫說酸甜論未公

吾鄉百果正紅酣比到楊梅尙不堪一樹貌將圖
畫去好傳風韻在江南

李季詩選卷九

夫

自雙溪口出建陽道中得四絕句 選三

篙遲纜緩路逶迤雲出雲歸日日奇觸熱不嫌飛
雨數近山翻愛上難遲

清淺溪頭亂石危孤舟拍岸任風吹鷓鴣滿樹無
人到苦竹蕭蕭日落時

建陽山色映斜曛古木千章拂夏雲夜夢不曾離
九曲憑誰先報武夸君

六月四日晚泊武夸山下步遊沖佑萬年宮

峰峰半斜陽歸雲認邨鳩樵人茶課語寒煙破宿
莽小徑陰森森松梢法殘雨石橋跨碧溪清淺露

尺土振衣入洞天山靜喬柯古神像肅清高穹牌
立兩廡緬懷武夸君仙成蛻毛羽崔巍大王峯撐
空作天柱下臨九曲溪羣巒爭佐輔鸞鳳翔靈宮
環珮作官府山蟬噪深樾樵歌喧隔浦恍疑遇洪
厓拍肩共摩拊莫言人世隔歸路只數武三十六
點青支筇半可數

六日舟入武夸自一曲至六曲六首

宿聞武夸好來遊恨不早突見大王峯崔嵬倚晴
昊拏舟逆浪花宛轉恣搜討水清石磊磊松根罅
瑤草側徑通靈宮樟楓半合抱碧瓦朱甍間雲氣

李季詩選卷九

夫

漲城堡幔亭曲已終曾孫今又老猶餘虹橋版嚴
隙插焚燎佳境初噉蔗奇異便驚倒遙指玉女峯
撥櫂入仙島

玉女何亭亭隔水招我前新妝臨鏡臺三鬟增嬋
娟久斷陽臺夢來尋十三仙取徑止止菴琅玕動
碧鮮小犬穿花吠引入藥臼邊猛虎嘯暗谷哀猿
啼遠天鐵色積疊嶂水光照晴川一步換一景舉
目堪流連回觀萬年宮漠漠凝生煙灘聲咽危石

峯影落釣船

峻嶒小藏峯石色倚天紫上有兩仙船隱隱斬巖

裏相傳自堯年浮來爲洪水風雨積斷紋冰雪淨
洗髓有力不能負千載棄置此水樂秦鏗鏘金石
震雙耳來舟疾如梭去舟薄如紙三杯水石間欲
止不得止仙機正軋軋空壁豔花蕊安得借浮槎
天半乘風起

雲拖山腰長浪搖壁面窄舉頭望青天不知幾千
尺上有金雞鳴呢嚨響空隙下有毒龍臥腥羶起
窟宅扁舟到峯下始見一水白中有小九曲嵌竇
藏幽僻烹茶坐樹根題詩拂苔石隔水御茶園炊
煙亂阡陌喊山臺已荒仙井想陳迹嗟嗟茶與丁

作法竟何益

辛辛詩選卷九

辛

羣峰自北來風日散佳麗溪光夾山色翠碧兩交
替中道平林渡地脈蓄精銳突兀起一峰凌轡衆
山勢玉華蒼松蟠接筍孤雲細中爲大隱屏紫陽
結深契精舍數十間書齋徹天際晚山相對愁作
者誰其繼更衣自飄飄天柱空迢遞不聞鐵笛聲
唯餘蟬嘒嘒

窮厓萬仞餘光瑩霜斧劈誰展擎天手空中撐半
壁摻摻指爪痕露珠光的皜上聳天遊峰羣仙展
長靚我行六曲中身如脫羈勒長嘯落空谷松風

和寥闌天壺與鼓子兩峰青歷歷星邨數百家晚
煙正羃羃倦遊宿層巔驚馬還戀櫪且畱不盡溪
明晨恣搜剔

望接筍峯

朝遊萬年宮莫宿天遊觀羣峰繞曲溪一日千萬
變縱目神飛揚有口那能贊不須秉燭遊佳處已
得半惟有接筍峰青壁蹊徑斷紫翠立磔卓通透
光三段昨晚進石門深塢斜陽慢望厓不能前頸
脰屢顧盼今晨扶筇來露草珠璀璨古洞翠毛零
葛藤恣蔓延聽鼫上樹窺猿狖隔林喚忽見道士

辛辛詩選卷九

辛

來笑口指山畔云此通隱屏絕頂有道院簫管雲
中聞環珮月下見梯級八十一才跨兩鼯梯窮
面峭壁窳窳凌朽棧蹉跎一足行鐵索雙手換雞
胸行蟻伏龍脊妖鼠顫頻臨萬丈潭鏗訇走匹練
雖有賁育儔下覩雜花眩師徒住此峰往來百千
徧雨過躡屐登不翅平地便君身長吳鄉丘壑類
平行亮無凌風翼對此空眷眷余聞道士言驚汗
淫衣襟羊腸九折坂王陽尚與歎韓子最姦黠遺
書華陰縣髮膚敢毀傷淵冰早兢戰茲遊雖好奇
何自取驚惋舉手謝道士我行亦已倦寄語峯頭

人白雲好娛玩乞我辟穀方金丹煉九轉服食待
身輕還來振羽翰

小九曲夜坐二首

屋小翠竹藏溪灣碧水住四山影蒼蒼明月挂高
樹邨釀成孤斟空階泣微露孤舟夜無人清光滿
野渡

驚風從北來刁刁震林木悠然微雨過石竇滴寒
玉虛閣生妙香可以慰幽獨枕簟涼如秋身抱白
雲宿

望郎回

在大安驛有石形如婦人攜一襁子立山上名望郎回

望郎回

望郎回

望郎回望郎回朝朝望郎郎不回孤兒三尺形單
影隻冬愁風酸夏愁日赤南山雲連北山雨一樣
人間兩樣土望郎回幾時來東海會有西歸水妾
作石人甘爛死

紅花埠店壁次湯翰林西厓韻

驅車行古道南北望中收山色開齊地河光沒楚
州斷雲橫野徑小雨入溪流柿葉聲蕭瑟高吟待
好秋

新泰道中

滿眼青山緩緩行涼颼吹鬢馬蹄輕素花香裏濃

陰合愛聽黃鵠第一聲

雄縣懷古

趙北燕南戰鬪迷嚴城如鐵斷雲梯只今衰草荒
原外野鳥啼殘牧馬嘶

題座主慈谿姜先生遺跡

蕭蕭白髮拜明君館閣爭推王右軍公論僅存
朝野合交情每恨死生分空餘殘墨光如漆想見
揮毫勢若雲只有門生知此意兩行清淚滴遺文
司寇新城王先生從都門寓書見存云將有
精華錄之刻喜而賦四絕句

精華錄之刻喜而賦四絕句

精華錄之刻喜而賦四絕句

疎雨微雲佳句難詩家本色耐人看爾來一變韓
蘇派誰得洪爐九轉丹

商丘好事新篇滿秀水刪詩老眼明近日吳中盛
風雅還教虛席待新城

十二月十九日商丘公以東坡先生生日懸

像小滄浪率馮山公汪武曹右衡張日容天
申韓祖語吳荆山令子山言及余拜祝因成
長歌一章余亦繼作

東坡先生丙子生追數景祐百過七後來知已得
商丘雪裏衙齋作生日堂上高懸笠屐圖竹石行

書皆第一花豬切片隨風飛羔兒雪酒甜如蜜玉
梳磁甌任意陳青子累累映綠橘笑謂諸生興頗
饒吳人好事應傳述當年殘臘在元豐赤壁磯邊
載酒出孤鶴南飛新曲工穿雲裂石聲蕭瑟祇道
生前能好奇誰知異代波橫溢雪堂漫堂爭鬪巧
東坡西陂兩相匹吳興舊本廢重樵小生名得垂
鴻筆筵前授簡聳吟肩凍語不嫌詞樸質精英仿
彿落滄浪紙上須看動斗室若還解得遙稱壽甘
片雲腴報可必

東坡生日王郎以詩見
慶各詩寄茶二十一片

二月朔日查山探梅集六浮閣分得佳字

注五子書卷元

王

湖風吹樹杪香雪漫天街行盡山水窟乃知此地
佳六浮本檀園查山開庭階美名喧一時棟宇誰
安排餘韻得張子於焉置山齋寒濤日洶湧金石
聲和諧波心蠹亂峰倒影雲根埋最愛一角秀小
鳥鳴啾啾萬枝斜復整山巔映水涯而況來詩翁
謂竹坡先生典則供樵櫟餘子亦郊島險韻爭詩牌彭觥
扣拄杖蹣跚蹋青鞋肩輿轉籬落步步花前偕天
公特放晴吉日不用差坐久嫩寒入山坳卷風霾
落英點春秋細雨霑陳芳列炬返石樓拳跼攀蒼
厓禪房獨秉筆紀勝聊開懷

靈隱寺

萬峰勢插天北有青蓮舍石橋俯碧溪澗草青可
藉入門寒飈颺陰鬱類長夏江聲走雲根湖光流
樹罅倚歎梵王宮仙居誰與亞靈隱山一
名仙居魚鱗排屋
檐薛磴任凌跨佛殿敞以宏講堂清且暇徐行入
佳境悠然如噉蔗穿厨繞曲房石上寒溜瀉山春
草木香嵐氣爭變化巖半一聲鐘飛墮石梁下

韜光菴

竹風吹遊人山行正幽絕叢深不見天但覺雲氣
結新梢影森森絕澗聲泱泱連筒各灌注引泉來

注五子書卷元

王

曲折倦腳倚石闌徑仄頗疲茶僧寮八九間攀緣
上帶嶮羅刹浪拍天呼吸見凹凸龕赭鎮海門對
峙如雙碣獨有西子湖一勺自澄澈清光互掩映
好景恣羅列卓錫者何人遇天漫饒舌唐詩韜光禪師
從蜀出遊至師
嚙曰遇天可前達果即止後至靈隱集滿
鳴佩曰樂天字郡因悟師語遂卓錫焉紅薑與青芥非復舊
時設我來已四番陳迹慨前詰愛此金蓮池涓涓
流不竭坐久山禽喧修篁韻更迭寒篠滿林飛斜
陽半明滅

冷泉亭

龍泓裏細雲玉乳滴寒井泠泠石上聲韻入松風

永灣濃見鳥飛倒沒青天影孤亭倚空明橫側浸
諸嶺我來面山坐清暉變俄頃娟娟桃李叢乃復
得此境石門噴亂沫杉篁散清景日下清繞橋堦
影挂炯炯

飛來峰

胡爲靈鷲峰夜半生羽翼劈開青芙蓉落向北山
北廣袤透玲瓏下上聳削方怪石驟馬形老樹奇
鬼色禿尖兔筆卓攢芒龍劍植泡漫玉乳甘黠黠
野雲黑陟顛覺天低入洞駭路塞回觀冷泉亭深
淨深莫測銀濤漲嵌竇坤軸任欹側苦恨青壁間
佛像漫剝刻翠毛點師象風雨半剝蝕何年鏟削
平穢迹埽髡賊石上佛像爲元僧
楊神真如所鐫落日挂松頂峰巒變
奇特取徑入蒼煙好尋天竺國

天竺寺

天竺氣鴻濛香篆盤太空宛轉疑徑斷忽聞花裏
鐘沿崖過華闌回溪撼松風斷霞擘薄絮落日懸
青銅朱甍隱山坳金碧新磨礪白衣高堂坐寶幢
颺簾櫳農夫攜邛媪蹣跚進鞠躬緬懷辨才師結
廬此高峰山容悅春鳥神光映穹窿麥黃蠶老句
風韻傳坡翁披尋蒲儀亭但見荆棘叢白雲封梵

字茫茫失遺蹤

宋僧辨才此遺像亭於寺門
外今廢惟寺中白雲堂尚存

葛嶺

岩岩初陽臺長風振寥廓溪聲灑飛雨白練天半
落梅石蒼藤纏赤壁巨斧削嶺半有梅石
赤壁二卷枯竹號幽
禽野花媚靈藥相傳抱朴子修真此焉託至今畱
丹井空洞試一勺仙成跨鶴遊洞口雲漠漠湖上
有平章山林塗粉牘一曲占西湖天書表秋壑峰
坳亂燈火瑠樓掩珠箔乾坤難擔擔空打七州錯
吳山王氣沈遺恨滿城郭空令弔古者到此每羞
咋誰似葛翁墓今古寄林薄陳迹想廢興莫煙生
竹閣下嶺繞湖歸此興殊不惡

紫雲洞

明月香風宵一刻丞相畱春畱不得昆刀夜半劈
棲霞移來洞裏青山色掬雲翦月開豁豁立如巨
象蹲如蛙珊瑚敲碎流脂赤細末觸石生琪花暢
鑰雙亭絆荆杞三丈陰森寂於水木棉花下遊龜
歸鶴鵲石縫呼山鬼

玉泉寺

玉泉何泓澄微風動嫋嫋噉魚千頭撥刺破昏
曉須臾浮紅黃倏忽變青縹搖扇口亂吹投餌尾

爭掉嗟影雲去疾吞波月出皎浮沈寄深淨游泳
雜大小勿謂魚無知此樂良不少我來坐泉亭放
目正眇眇宛在濠梁間逍遙萬象表胡爲百年身
塵事日憧擾憑闌試靜觀中心獨悄悄

過天章寺

春風曾識舊蘭亭玉雁珠鳧鬼火熒澗水可能尋
禊帖山禽還是哭冬青龍蛇健筆消灰劫鐘鼓殘
聲答地靈白髮老僧年八十興亡滿眼不堪聽

遊宛委山尋陽明洞遇土人指示飛來石詩

以紀之

辛辛詩集卷九

壬

嘗聞會稽山有峰曰石簣洞天第十一陽明特神
異云此卽禹穴金簡表天瑞憶昔太史遷探奇造
幽邃或言禹陵非或疑禹井僞紀載多荒唐流傳
失所自越人鮮好古韓公發深喟我來泛若邪山
風壯游戲一徑入蒙茸厓深疊寒翠斷澗滴瓏玲
絕壁縈紅膩瘦日懸孤光閃閃向空墜撒烈騰麝
麝啁啾嘯魑魅雲開但見山獨行心惴惴回步問
樵夫腰鎌笑相議此是宛委山猛虎所窺伺荒邨
八九家家受驚悸前宵檜突入一逞爪牙利哀
哀寡婦聲隔屋泣雙淚今君雖好奇何事蹈險地

山間飛來石一拳好位置相傳安息來枯藤絆芒
刺鉞炮漲腹蛙連蹀塞尾雖鳴蕭馬絡頭呼年牛
穿鼻模糊鐵索痕錯落星多侈洗眼重摩挲略辨
慶曆字旁通小有天髣髴與甄垌泓古窪尊何
代列竅識元公昔投簡高唱誰其享小儒仰風流
搜腸罕佳思回思迷路時噤瘁出吁戲嶄巖真畏
途性命輕一試樵夫從何來毋乃神物使蒼茫龍
瑞宮千年見成毀福地得淹畱勝遊偶然遂決肯
望香爐抽身啓玉笥吟成雜驚喜歸用詫同志

雲門山

辛辛詩集卷九

壬

少時因讀老杜詩若邪溪畔思一至今今年因作越
中遊青鞵親躡雲門寺初從放櫂出郭門鴨頭綠
水春容媚魚邨野店宛轉通一條石路穿幽邃千
山萬水插天出近者紫赤遠者翠嵐氣空濛撲袂
寒絕壁松濤喧鼓吹七曲八曲環溪流銜花鳥墮
浮紅膩路窮澗斷渡竹橋漠漠溼煙輕雨灑無數
幽篁遮曙光浙瀝一聲金滿地風葉翻翻逐亂雲
露梢點點含新淚叢邊取徑入招提茅齋八九多
佳致方丈僧閒雀亦馴衣衿爭投解人意五雲山
一培塿耳智永筆冢何累累此中本是一山門更

名廣孝稱靈異顯聖壽聖與雍熙當年為四今為

二神筆猶存南宋朝宋高宗書傳忠廣孝之寺六字碑放翁文詞道園

記陸游有書聖院記我來差勝秉燭遊去如避臭心滋

魄日落未落峰影合回頭暝色迷雙背出門一笑

宿願酬竹筏乘流信風駛

登臥龍山

何年驅祖龍夜半聲窸窣天矯壓空城江海兩蕩

滴緬維元使君重鎮羅斧鉞四山對翠屏煙雲助

落筆繼者蔣程吳宋將吏部堂程給事公關吳給事某先後來守此土方軌猶未失

閔山詩蒼涼草木記真率蔣有閔山詩吳有草木記紫茶森旗槍

辛辛詩選卷九

碧條蔭蒙密樵蘇往有禁索筆間門單佳名數百

年東州誰與匹我來訪郡侯探奇上嶠萃溝塍如

錯綺氤氲萬家溢時當春之殘行徑草芽茁濃陰

鳥關關松花撲裾袂孤亭倚岡脊下到寒凜慄千

巖萬壑間紫翠來繞鄰颼風何處來海氣黑如漆

迸破赤玉盤閃閃浴紅日怪石何嵌空云是古幽

室潮頭鬣鬣傳疑未可必題名漢唐人約畧辨

什一摩挲坐其下自未將及戌因思守土者章服

講法律夜則擁牘眠日則清道出鑲鑰偏重門泥

香語風鳥何嘗載酒般于焉散書帙徒傳長慶詩

好事作口實我今憇蓬萊好景得盡悉山靈愜夙

緣佳致自超軼收拾鏡湖春遊興可以畢

三月十三夜邀竹垞先生同馮文子吳寶崖

周層巖泛舟西湖看月得六言四絕選二

篙撐入湖心

白傳詩看草綠米家畫想煙橫失卻南屏山腳白

雲堆裏鐘聲

讀元史八首選四

中原皇綱失宗社如山崩詩書遭兵燹滅沒無一

存偉哉姚公茂絕學能相承軍中來江漢實許號

得朋讀書鳴琴下賢聖接寐興寶劍抉浮雲手扶

日月升經學唱西北文物得未曾茫茫六合內獨

讓斯人能

黃帝哀鼎湖漢文迎代邸沙漠有大兄固讓誠得

體車駕次和寧青宮拜玉陛須臾行帳中僕御聞

出涕燭影斧聲疑當時被訶詆挾璽上馬馳物議

恐難洗史氏多忌諱紀事只大氏獨有薩經歷諷

刺中肯綮游鳧灑淚詩千載笑兄弟

周室憫黍離蜀臣悲杜宇吁嗟彼王孫甘心事仇

鹵死媿文丞相生慚謝皋羽書畫雖絕倫大節吾
不取賢哉彝齋翁高風掃千古遇弟輒生嗔到門
必見侮吾愛水仙圖寶爲翰墨祖

文章開魯姚元氣尙團結天曆置奎章作者首虞
揭金華接踵興儒林推四傑爲學務根柢行文淨
冰雪古藻揚清光煌煌照碑碣一代制作手小儒
盡咋舌同時惟歐陽辨香乃祖烈後來宋太史猶
承黃柳訣斯文如江河源遠流不竭猗歟百年間
生才竟殊絕

讀洞庭吳烈婦施氏遺詩 并序

汪莘詩選卷九

望一

施氏吳之洞庭山人歸於吳年二十四而夫逝
姑屢命改適不從越四載立族子爲嗣爰作絕
命詞一首以綿繚自縊死

絕命詞終山鬼呼可憐薄命遇嚴姑四年血淚知
多少盡逐西風入太湖

擬白香山樂府四首

城西姬

城西路上風蕭蕭欄街痛哭聲號咷就中一姬聲
更哀上前問哭緣何來官司誤傳點繡女家婚
嫁不擇主爆竹終宵響過天與馬喧闐無空土我

女閨中十五年者如柳葉顏如蓮恩忙錯信東家
女細馬馱歸紅錦纏入門結髮堂上坐鄰下兩兒
年已大側目追隨婢妾班夜抱衾裯和月臥可憐
嬌養蕙蘭質忍淚吞聲從此畢聽姬言且勿哭君
不見趙家女年十六昨宵花燭照顏色夫婿今朝
作八十

關中民

關中三年旱風起大麥焦黃小麥死兒哭耶孃妻
覓夫雜沓饑民如集市官家蠲租詔發棠煮糜調
粥療飢腸長吏公私多扣刻一斗止合三升糧攜

汪莘詩選卷九

望一

囊挈餅爭領牒口飢打手踵相接縣官三日不開
倉十八八九僵路傍

煮鹽商

煮鹽商銀鞍鑿蹏出紫韁前驅呼喝行人立黃羅
繖影隨風揚本是西門大賈客輸粟官高二千石
父授皇封子部曹門楣不數金張宅可憐南國有
詩翁蠹魚老死破篋中敗壁酸風衣百結半生莫
送一身窮乃知讀書縱使五車熟不敵黃金滿一
斛

賣柴翁

賣柴老翁六十六旁行僂僂頭髮禿閣閣柳聲孤
 燭搖帶絮披瓊蹲矮屋自言今年田稻歉秋成遂
 使陸梁小醜黃昏行大官嚴令申保甲柵門添置
 魚鱗接西山日落斷行人當街不敢收鵝鴨前夜
 街西火焱流昨宵羣嘯城南樓倒騎屋山入閨閣
 珍珠玳瑁落臂韝長街寂靜月如水十五五公
 然遊金吾兒牟舞駿馬劈面驚回伏鞍下須臾賊
 退始張威攔街呼喝平民打打平民莫敢陳嚴夜
 禁立法新老翁無嫗又無孫里正驅來守柵門三
 十青銅博一夜更長頭眩目昏昏近聞官兵號令
 肅翼得下鄉殲鼠族安排布被折鎗邊一覺簪騰
 眠破屋

江左十五子詩選卷九

江左十五子詩選卷十目次

商丘宋 犖牧仲選

毘陵邵長蘅子湘訂
 商丘宋 致穉佳校

李必恒

詠史二十首 選四

月上

謁浮山禹廟次昌黎石鼓韻作歌

書樊南詩集後五首 選一

江泊

方正學先生祠

前明宮詞三十首 選十一

詠懷古蹟八首 選六

三阿

文游臺

下河溪

珠湖

英烈夫人墓

民夫篇

雪獅歌

天王寺吳道子觀音畫像歌

光孝院禮唐佛述老僧語作歌

次日雪再次陳檢討六月韻戲東同席諸

公

乙丑紀災詩八首 有片

羅大玉行移居時堡若有不釋然者作詩

以道其行二首 選一

月下別羅大

讀陋軒詩

冬暖行效劉誠意 悼亡詩十首 有序 選三

涼夕 文姬歸漢圖

效荆公烘蠶 有序 清明郊行

溪邊四截句 選三 洗竹

短歌送賈九儀入都

讀臨川集跋其後

宿湖上聞漁歌其聲妮妮可聽而詞特鄙

俚爲櫟括其意作六絕亦古竹枝之遺

也 選四

詠雪用歐公聚星堂體

卷五 詩集

二

除夕雜感疊前韻柬樊桐仍索和章

題樊桐近詩後卽效其體二首 選一

同學諸子招入文社不赴長歌述懷并謝

諸子

水後春食不繼家人采野菜雜之粟米中

作供余亦欣然一飽作詩示兒簡三首

蘇詩 枸杞苗 馬蘭

讀劍南集感賦六首 選二

讀史十首 選二

大愷鏡歌鼓吹曲十二章 并序

聖武 從軍樂

神泉出 歸化城

征馬肥 永清碑

釋桑俘 破陣樂

大愷 回鑾曲

廣陵旅次喜晤顧十一俠君長歌奉贈卽

送之歸吳門

上宋中丞漫堂先生五言古詩一百六十

韻 虎丘次清遠道士韻

古風一首賦謝漫堂先生

漫堂先生打魚滄浪歸以饗客恒叨陪座

末卽席賦呈一首

卷五 詩集

西洋繡毬花二十韻應漫堂先生命

勵志詩四首 選二 苦雨詩呈漫堂先生

長夏漫堂先生出所藏古繪事法書見示

因呈長句明日將渡江之吳陵

吳門徐昭法先生畫芝

謁露筋祠

送漫堂先生奉 命會勘下河漕海口故

道 秋懷詩 有序

題宋山言學詩圖

題正石谷騎牛歸田圖

贈毘陵邵子湘先生 有序

石谷爲子畫魚川書屋圖口占二絕報之

感春五首效昌黎卽用其韻

補吳趨吟二首 引

幼伶
監刻

石頭城

真州資福寺秋日雜詩八首 選二

詠物六首 有序
選五

腐羹
醃菹
炒豆

醉蟹
火米

明皇按樂圖

徒步歸行

四

江左十五子詩選卷十目次

江左十五子詩選卷十

李必恒 百藥一字北岳高郵人著
有三十六湖草堂詩集

詠史二十首 選四

漢兵敗睢水阿翁遭楚畱口舌仗侯公始免俎上
憂天子必有父薄祿詎足酬蕭曹微功耳雍齒亦
且侯當時漢廷上但賞鄂千秋

武帝好儒術朱嚴晚見誅達哉惟馬卿引身恒家
居作賦驚天子彈琴來名姝仕宦若噉炙適口良
已腴從容進退間一病安可無

方朔仕漢廷事道非玩世時時一諷諫彼自敬其
事叩頭誅董偃凜凜直臣義豈得以詼諧目之曰
遊戲

文成甫伏誅五利復親屬爵祿尚可捐何至棄骨
肉天子而神仙人苦不知足汲黯言誠戇陛下內
多欲

月上

月上微風起飄飄吹素林草蟲浮夕響木葉識秋
心涼氣湖中水砧聲空外音不知孤館客此際感
何深

謁浮山禹廟次昌黎石鼓韻作歌

粵若稽古帝堯世光華復旦卿雲歌滔天獨恣河
伯怒帝曰四岳咨如何九載陳績羽山殛黃熊碧
血膏霜戈惟鯀有子子曰禹負罪飲泣爭濯磨行
山表木敷五土大地基置如星羅首疏濟漂定冀
域導南條水先岷峨舟車繹絡紛水陸橈櫓雜沓
周陵阿支祁夜鎖縛奇相百靈炯炯誰敢呵九河
既道九原滌枝分派析無舛訛濁水綠字著神怪
穴中金簡書蚪蚪鼎塗百物禦魍魎驅使蛟鰐馴
龜鼈蟻珠璆琳貢銀鏤鉛松篠蕩浮青柯土功荒
度錯昏晝跋烏八載同擲梭東漸西被朔南暨手

注李季詩選卷

二

胼足胝難委蛇呱呱門內弗暇子塗山灑泣同湘
娥元圭載錫幹厥蠱黃龍呈瑞江之沱烝民乃粒
玉帛會萬國輻輳車書和厥田維上中下錯總鉉
桔槔開輸科淮海維揚古澤國昏墊實維東南多
舊傳浮山此作鎮削方鼎鼐神龍駝或云一拳實
中繫其下滾滾洪濤過或云燭皇煉餘石巨靈斧
擘同切磋又云蛟龍性險怪制以鑛鐵沈諸波頂
露一丈其色墨平砥如掌無偏頗由來神物歷年
久溯源那復知其他楚俗紛紛競淫祀蛇神牛鬼
爭嬾姪數樣冷落傍闌闌空餘盛蹟誰摩挲我來

再拜瞻黻冕俯仰四矚生悲哦壞廊風吹舞鴨腳
麗牲有石誰刑鵞山根斑駁苔蘚蝕清泉朝汲唯
禪那吁嗟下士抱微尚利濟無術心丘軻負薪沈
璧戴君相會見注海行江河緬思禹功績明德分
陰用惜毋蹉跎

書樊南詩集後五首

選一

隸事爭嘲獺祭魚琢磨須自有工夫時人縱效西
崑體解道韓碑一字無

江泊

箬葉篷鳴雨枯椿纜繫船淡黃初夜月深黑一江

注李季詩選卷

三

烟樹近微生影村荒不市鮮行厨供具絕風味轉
蕭然

方正學先生祠

烽烟一夕逼南畿痛絕孤臣淚血揮十族可堪同
蔓草

時幾建文諸臣
謂之瓜蔓抄

九重亦自愧麻衣金川燕子飛還

出玉壘龍孫去不歸祠宇高皇幸鄰近一坏鍾阜
共斜暉

前明宮詞三十首

選十一

西僧迎到法王封白鶴金仙現滿空昨夜御前頒
佛曲朝來唱遍六宮中

玉戶金鋪次第開大家侵早視朝回
珠一例齊
頌賜太監西洋進寶來

瓊華島畔颺微風金露亭開對玉虹
月下洞簫聲
起處君王真在廣寒宮

畫漏深沈睡起遲帳中吃吃語
昭儀黃金小合菱
花樣秘術新呈萬少師

宣府由來是帝家掖庭長日靜
羊車君王豈是無
情識不愛宮花愛野花

威武營開七校連玉簪盟重亦前緣
縱然身得長
門入黑殿淒涼也可憐

二八鴉鬟玉不如高元
侍直傍宸居醺壇日永
無宣喚間按瑤笙學步虛

郊風亭子未央傍蠶室新開典
禮詳詔出內庭先
演習中宮不日幸條桑

寵固君心自不移坤寧
日夕奉恩私同心別有
山河誓不比驪山夜語時

內旨朝朝出聖嬈御舟嬉戲自持
篙月華門畔車
如水枉使中宮讀趙高

排當盡撤御前供披閱親勞
午夜中一自河南淪
沒後翠華不到玉熙宮

詠懷古蹟八首

郵中舊傳八景率俚語耳暇日偶緇色乘摘事

之載在史冊卓卓可稱道者各以五字誌之學
者將欲遍覽嶽瀆搜抉其名勝筆之於書矧父
母之邦詩云惟桑與梓必恭敬止

三阿通鑑晉孝武太元四年秦將俱難彭越陷胎進圍三阿去廣陵百里朝廷大震臨軍謝玄連戰卻走之一統志云三阿即北阿鎮在高郵州城外九十里今鎮名尚存

東海大魚化阿法真雄姿晚棄景略言氣吞司馬
兒盱眙既已陷廣陵復告危桓桓謝將軍受命如

風馳奮勇卻俱彭三敗敵已靡壯猶婉方召先聲

兆淮肥緬思古人意成算百不虧舉親豈弗衆履
履任亦宜兒輩能辦賊大言亮非欺戰場今何在

蔓草畱荒基名埭近在望名埭乃謝傳鎮廣陵時築十載同謳思

下阿溪即三阿地今溪名仍舊按唐書李敬業取潤州會子孝通統眾至使其弟敬猷回軍拒之屯其下阿溪孝通用魏思溫火攻策敬猷兵大敗敬業走海上其下所執送神都誅死初駱賓王為敬業作討武氏檄兵敗後不知終所

金輪奸天位龍種肆食羅織大殺傷普天怨氣

積英公起揚州軍容頗烜赫聲罪而致討狐媚亦

動色豪傑爭響應師直戰必克如何取潤州繼棧
出下策遂令堂堂陣軍氣頓蕭索倉卒邁孝逸一

敗遠狼籍匪復徒虛名屠戮復誰惜我來弔遺踪
惆悵想所歷不見葭葦紅但見溪水碧智哉駱丞
超神龍竟無跡

文游臺

上有祠名四賢祀者山蘇公軾富公華鄉賢
泰公觀孫公覺後燬於兵焚濟南既亡土公司李

揚州時
重修

梧桐生朝陽翾翾鳳鳥至惟賢斯名賢莫之致而
致淮海天下才磊落負奇氣命駕來蘇公崇丘此
焉憩孫王亦可人談笑幸相值酒酣望終古青天
照殘醉想見掀髯時崢嶸吐高議勝事近千載風
流未墜地誰云培塿卑而作喬嶽視臨川亦居停

李季詩集

六

判公詩昔
來高郵居遺蹟無人識懷古發長謠霜風颯清吹

珠湖

即覺社湖五湖之一也孫華老覺嘗讀書於湖濱珠光
徹天後爲龍圖閣學士直諫忤王安石不使以科名顯

好風從東來楊柳大堤綠菰蒲芽短短鳬鷺晴出
浴扁舟郭外去波光淡和旭倪仰懷幽人結廬傍
隈隩潛姿媚孤影奇光亘天燭地靈斯人傑崛起
振芳躅豈徒科名顯直節著諫牘五湖波浩蕩望
古引遐矚漁烟青葦叢飛起雙屬玉

嵇莊

今名四義村四義者莊官嵇與其子德潤暨各林
希顯一里林孔時顯學按綱目云遺工部侍郎即嵇如

元乞封高郵民殺之即嵇也指南錄云子自高沙至嵇家庄
官嵇嘗設醴甚至復遺子德潤客林顯學送至泰州因得航海

去明學士程公敏
政有弔嵇詩附

皇宋隕天步國勢若贅疣哀哉南朝臣衣冠而馬
牛全軀悵無策稱臣於寇讐侍郎自何來烈士爲
綢繆草堂燈燭光沽酒炙肥牛夜半呼二子若忍
見之不霍霍手磨刀起斷侍郎頭亡何丞相奔倉
皇遠相投殷勤具舟楫慷慨送他州其事雖不成
大義乃千秋嗚呼縉紳士身死名足羞豈知草澤
中姓字天壤畱一是芝與蘭一是鞠與蕘

英烈夫人墓

夫人南宋時受勅封墓在今南門子城內
舊有異福廟今廢諸黃冠踞其地建上真

觀墓道遠沒表之
棹樓是在賢祠司

客從西泠來侈談蘇小墳蘇小但歌舞吟詠徒紛

李季詩集

七

紛毛也本微賤失身犬羊羣紅裙金巨羅日日侍
將軍將軍乃宋臣聊與致縶縶何期詔書下將軍
意中變昨日是宋臣今日是宋賊妄奉將軍歡不
受盜賊逼將軍真盜賊聞言勃然怒白刃礫紅顏
頸血濺如雨榮名身後褒道路咸嘖嘖試問蘇小
小何如毛惜惜

民夫篇

郵俗重耕稼務本羣力田歲每至秋成菽粟如流
泉上納官家租私室亦苟完一自周橋開淮黃執
滔天沃壤蕩爲湖沮洳淪爲淵恒產既失業難免

飢與寒秭稻來遠方粒粒如珠璣北風况怒號腹
餒衣裳單殣死道相望遺齒飽烏鵲昨日八口家
同縊今尚懸近聞販人賈云向黔與滇少女易斗
米中婦價半千亦有所矯兒棄去無慘顏嗚呼我
聖皇田賦歷歲蠲更遣大臣來開賑粥饘用此
保朝夕稍稍殘喘延十月湖水平司空符檄傳鳩
工趣築堤夫從里甲編一甲派十夫兩夫派一船
流亡已過半見存自遭患里長夜捉人如火相迫
煎租稅幸荷免敢復憚胝胼但悲凍餒軀春杵力
不堅恐遭官長怒不足勞扑鞭道逢統袴子手足

注李季詩選卷

八

遭拘繫此曹累九重昔富陌與阡羅綺被纖體玉
指撥鷗絃生不慣舂鉏願早溝壑填更或恣欺瞞
左右相牽扳吏胥肆追呼鷄犬不得安嗟哉九閭
上誰知此煩冤一旦 詔旨下惻然拯民艱金錢
自召募不在民而官老弱得休息丁壯集如雲會
見宣房塞喜氣兆豐年我聞古三征力役自應殫
用一苟緩二在昔已稱賢盡除戴 聖主隆恩曠
無前所以堯湯時水旱不爲愆史冊宜大書磬石
深琚鐫長謠效輿誦采風錄此篇

雪獅歌

元日飛霜二日霧三日大雨傾如注四日霏霏積
雪深五日六日雪不住七日八日雪更大九衢萬
井稀慶賀屣履誰同東郭行閉關祇效袁安臥兒
童跳擲何雄哉衝風疾走能千迴爬羅瓢杓倒盆
盎亂堆圭壁傾瓊瑰大兒解事九狡獪設想經營
出儔輩隻手能司造化權迨巡貌出狡獪態首尾
尻雕恣搏弄牙爪之而歛生動疑是滄州城外蹲
恍自西洋國中貢兩目睽睽開巨口仰天直作河
東吼掙擗跋扈難久常太陽一照夫何有羣兒腰
鼓聲填填齊祝瑞雪兆豐年我聞此語重嘆息八
載沈灾指堪屈前年雪多凍餒死去年雪少又如
此即使雪兆今年豐年豐蚤已死雪中安得天公
爲雨粟萬斛千箱遍山谷九州四海民鼓腹年年
無雪願亦足嗚呼年年無雪願亦足

注李季詩選卷

九

天王寺吳道子觀音畫像歌

晉代人物推虎頭有唐道子亦罕儔下筆能令神
鬼愁刻畫毛髮窮雕鏤尤工帝釋天人流衣冠秀
發森冕旒善哉大士厥像優珠璣瓔珞百寶修異
代一幅千金酬天王古寺雄一州妙蹟不知何年
畱橫披巨軸張高秋觀者雜沓填華駟而我諦視

燈兩眸斷縑漠漠古香浮細尋筆墨如絲抽五采
間以金錯鈎意匠慘淡腕力道臨摹質本同贅疣
我識此定非朱繇唐朱繇臨吳道子筆僧言逞者遭劫
偷覬篋背負藏之舟歛忽四合陰雲稠震電閃爍
龍蚺蟠擺播惡浪高於丘纖兒惶駭角崩求願復
其所少乃休通神墨妙信有由詎無物焉司諸幽
我囑寺僧謹藏收人謀倖免行可憂即恐丁甲恣
冥搜

光孝院禮唐佛述老僧語作歌

院為唐舉直禪師建中有五佛師所

置也按師乃懿宗子咸通間游方抵揚以太平倉基請於朝詔以爲鎮國禪院居之後葬於院隅立浮圖五級宋元豐末發藏及隧得函極全骨不解斷若鈎鎖發異光現舍利人驚異之

光孝院中銅佛五有唐咸通年中作形模渾朴色
相古奇質晶瑩露斑駁我來銷夏獲瞻拜摩挲未
敢手捫摸老僧頭白頗解事娓娓從容溯顛末
此寺肇基實帝胄帝錫嘉名曰舉直叶師也龍子
自不凡敝屣軒冕作行脚一瓶一鉢恣游歷卓錫
乃在廣陵郭旋來茲地豎刹竿像設莊嚴侈丹雘
厥後坐化鎮國院唐宰堵波高聳巖峯曾聞元豐
啓函骨鎖子鈎連類纏縛復有疊累舍利子異采
陸離光煜燭乃知師真佛化身不爾胡然著靈蹟

叶我知僧言定不妄爾時祗政吁可愕同昌已死

尙溺愛設齋飯僧動千百叶翠華臨幸安國寺佛

骨迎歸效南膜膜拜上有好者下必甚況於家庭易

感格叶嗚呼大中以後王室衰國勢傾危累卵若

普王上殿作天子阿父唯阿僅畫諾興元成都再

播遷離披直比風中稗乾符既終太弟立統千山

頭凍殺雀可憐椒殿一杯酒血肉模糊齒鋒鏑德昭

二帝皆懿宗子更傷諸王一網盡披髮呼冤十六宅叶詎若

阿師早見幾高蹈遠舉天外鶴蕭然彌勒與同龕

梵唄鐘魚此間樂千年瞿曇面不壞回首唐陵一

丘貉由來繁華同逝水清淨何妨甘寂寞老僧聞

言增感歎乞我作歌著崖畧會與諸佛共永久此

言非夸吾不忤茶瓜又破一日間歸聽鳴蟬日西

落

次日雪再次陳檢討六月韻戲東同席諸公

封姨玉戲笑不歇膝六驂龍夜出沒湘娥行雨授

素袂洛妃凌波濕羅襪拋灑恍似撒珠玉颺播真

如屑蕤蔕地底絕無遺種蝗壁角頗多凍死蠹千

株江梅發古嶺一樹瓊花挺石闕此時裘馬年少

子作達衡寒擁豪平激艷白傾涼州釀崑崙紅嵌

洞庭核紫整黃雞入口鮮韭甲芹芽溜匙滑共慶
天公增好景預占豐年不憂亭休輕若輩劇無賴
手板早向承明謁醉倒還憑翠袖扶夜歸那怕金
吾罰獨憐寂寞邦江客凍帆膠阻不得發落落長
疑主人慢踽踽每遭市兒計竭來世事多變更過
去年華總漂忽諸公裁詩筆似弩何異作史字如
鉞苦吟且學呂米桶肯效袁郎凍縮窟狂來迅掃
宇鴉羸破費玄都墨半笏

乙丑紀災詩

郵自鼎革後水患之大淮爲最考淮水發源於

卷之三

三

桐柏釋名曰淮韋也韋繞揚州北界東至於海
水經注曰淮水逕義陽東過鍾離縣北夏丘縣
南又東至徐縣又東盱眙縣東至廣陵淮浦縣
會黃河而入海此其故道也前明廢海運復會
通河以漕東南之粟乃修歸仁堤大葺高堰障
全淮使出清口與河流會藉淮刷黃從雲梯關
入海以故運道不梗而淮水亦不至爲害鼎革
以來隄防廢壞不修順治十六年己亥歸仁堤
決康熙元年壬寅又決泊自周橋開而淮水盡
東注矣淮水既東清口之力遂弱不足汰黃流

之淤久之雲梯關故道爲積沙壅阻於是黃水
逆入清口奔注洪澤湖淮復挾黃爲害合二水
悉停蓄滙萃於高寶諸湖而下流范公堤諸閘
久廢其入海諸港口又皆湮塞其受無涯其歸
無所二十年來七邑乃爲之壑矣乙丑夏淮黃
交漲郵城不沒者三版予宅在城外水深丈餘
坐臥小樓者匝月洫洫乎抱爲魚之恐愁苦中
輒賦一詩得八首非祇紀事實以告哀夫治其
源宜修歸仁固高堰殺其流宜開支河濬海口
今河臣於沿堤一帶設立減水諸壩又令每歲
增堤土三尺噫於保堤則得矣如水患何畱心
民瘼者宜思所變計焉

卷之三

三

何年湮息壤千里發胎簪洪澤陂難障淮南害獨
深尾閭原地勢降割豈天心十萬生人命經旬突
不黔

報道歸仁決須臾涌浪高羊頭何滾滾釜底自滔
滔草木先秋萎魚龍竟日號不堪容膝地霖雨又
蕭騷

卽以城爲岬驚濤直撼城長湖無鳥過六月己涼
生野哭何人急訛言半夜驚全家風浪裏秉燭坐

深更

泛宅知無計危樓且共存半間連榻竈入口雜雞
豚嘔洩情懷惡燔燒淚眼昏皇天吾不怨幸免作
魚龍

藻荇牽高樹荒村八九墟人情爭網罟劫運到詩
書大厦何當庇他鄉好卜居可憐空際鴈無處覓

沮洳

眼見汚邪盡高原捲亦空療飢思聖米唐宣宗大中年高郵大旱民於官河中漚得異米號聖米禦濕覓山芎不沒城三版難租地一弓

奇災經幾見駭絕白頭翁

李辛詩選卷十

十四

司空奉

帝命曷以拯災黎上策惟通漕奇勳

在護堤歸墟述海口沙路塞雲梯財賦維揚地何
堪竟作谿

五行多錯迕誰與問京房穀洛將無闕淮黃久失
常禹功真不再天變故難詳激蕩悲風起哀音徹
大荒

羅大玉行移居時堡若有不釋然者作詩以

道其行二首

市井厭囂甚古人愛村居非徒俗淳朴亦欲藏吾
虛我友斯決策歸彼中田廬地僻寡見聞能令世

事疎茅茨八九間中羅琴與書弟兄互師友此豈

不足歟田園在屋後雜植杭稻蔬屢豐戴皇天卒

歲幸有儲比鄰新釀熟臨流亦多魚招呼集親串

未厭斟酌孤吾徒方養晦何必高門閭懷土古所

鄙勿爲重跼蹐

月下別羅大

殘陽靜晚蟬月白荳花田之子又今夕追歡如小
年趁墟沽酒易出水剝菱鮮忽聽秋蛩語離思共
黯然

讀陋軒詩

李辛詩選卷十

十五

東淘吳野人墜苦效郊島崛起魚鹽中海濱知者

少我行讀其集奉持若環珎鈔謄失寒燠吟諷錯
昏曉長者或嗤予所見毋乃矯性情貴和平此亦

太枯槁長跪謝長者茲理本微渺同嗜有殷生名王

李辛與桐同里人有能詩聲可爲知者道

大雅久不作俗調何靡靡蚓唱與蛙鳴一倡而百

隨折楊悅里耳白雪和者希嗟予沈溺久既乃悟
其非譬彼失路子中道始得歸僞體應見裁風雅

良在茲清詩近道要少陵豈吾欺

冬暖行效劉誠意

戊辰建子月陽愆雨澤絕義和縱轡翻日車玄冥之權祝融竊百蟲蟄伏猶蠢動羣鳥非時鼓其舌春臺舉國何熙熙踞爐熾炭真大癡紫貂狐白著不得惱殺揚州輕薄兒

戊辰建子月桃李齊著花遊蜂浪蝶且一喜蚊蠅扇翅聲呀呀隕霜不殺史所怪冬行春令吁可嗟東鄰阿翁老更事呼兒瑾戶大早計旦晚卽恐霰雪零自古冬暄那可恃

悼亡詩十首 選三

妻姓宋氏諱貞歸子未四載而歿性婉淑善承

李季詩集卷

十一

順二人志里閑閒頗著賢聲先是子讀海陵吳賓賢哭妻十詩言極悽惋爲妻誦之妻曰他日亦願如此足矣噫孰謂今果然耶技淚亦得詩十首如陋軒之數傷哉

芳蘭萎空谷彩雲化朝烟嗷嗷孤鴈鳴悽惻和哀絃嗚呼宋氏婦秉性淑且純乙丑始來歸蹉跎失芳年窮困易歡娛兩心交相憐爲儒昧生計坐缺饔與飧拔劍思作客雨雪風滿天母曰嗟子季茲事勿復言黃金雖千簾不如兒在前兒况新娶婦詎不相周旋新婦聽致詞母見抑何偏負米實子

職由也矧大賢趣起戒行李孤帆在門前送行出門外河水聲濺濺掩面歸空房淚落如流泉

一室何啾啾人語雜鬼哭卽得少踟躕黃泉路迫促飛來白項烏啞啞上我屋心知不吉祥其時六月六 婦以是日死 病婦晨起坐清水自膏沐再拜辭舅姑雙足不得縮灑泣眼無淚酸苦只在腹迴頭語小姑語咽氣復甦可憐我生兒艱苦賴鞠育勿以生死異飢飽時在目聞我嫁時箱布衣未堪鬻指日秋風來改作我兒服

李季詩集卷

十二

徽音久如何日月倏已積枯坐慘不歡出門昧所歷空房起晝陰冷氣出枕席牕多蛛結網案盡鼠行跡亦有筐中麻燈火手自績亦有所對鏡花鈿恣狼籍徘徊思言笑彷彿面如覿回頭遽欲語撫心一慄擗前夜夢見之色慘體更瘠恍惚絮語中問兒何所食暫時覓鬼聚覺後泉壤隔忘情魂太上莊在詎忍擊

涼夕

草際一蟲響夜高聲滿堂微風吹四壁朗月鑒孤房笛起引遐思坐深增永傷迢迢牛女宿猶得兩相望

文姬歸漢圖

中郎遭卓胥文姬仗操取此詩切異哉此父子兩落漢賊手悲憤定何益請死亦孔醜捲圖不欲觀豈必定誰某

效荆公烘蠹序

王荆公有和王樂道烘蠹詩司馬溫公亦和之或者用以爲譏要之意各有托未可非也冬日卽事戲效一首中段聊爾示幻所謂言之無罪聞之足戒者非耶

屋山吹裂終風號曉胞瑟縮裏緼袍忽驚芒刺在

注李詩選卷

六

腰背爬沙那得仙爪搔嵇康性懶固多蠹老鰥衣垢彌穴巢中單亟解付兩婢十指大索同搜牢屍積便思觀宜築血流豈必杵可漂策勳牙爪已足賀盡穢未若洪爐燎平須臾赴焰類蛾滅頃刻裂體同龜焦偪膊直似武安震拉雜不異臯蘭鑒旁及蚤氏下逮蟣一網而盡誰能逃小婢失聲忽大噓獵得巨擘魁其曹婪酣肚腹脹麥穎亦有股腳連睢尻諦視掌上聊玩弄厲聲呵責如雄虡曰汝賦形極委瑣曰汝秉性專貪饕噬膚飲血恣口腹微軀豈足充女庖蔓延孫子營窠宅爲肘腋患非

一朝投畀炎火且快意幺膺焉用污歐刀熏心焚

身爾曷悔昂首彷彿聲嘈嘈阿房宮賦舊能讀於

傳則有非爲妖見唐陸勣志怪錄姑妄聽之譯以意其辭大

概多警警似云族類實天產遙遙華胄名曾標藏

老僧衲具佛性遊宰相鬢經宸褒置諸壁間每見

愛捫來坐上偏稱高鮮衣美服我不顧敝褐破絮

君則招且聞人身厥蟲窟爲虬爲蛭爲蛔蟻是皆

害在爾心腹若我所饜纔皮毛不見州衙播大鼓

堂皇日坐煩榜敲擇人而食欲無厭吮脂吸髓竭

其膏取彼所得以例我詎異太山於秋毫而乃獨

注李詩選卷

十九

於我乎懲茹柔吐剛非人豪何況相與有瓜葛屬

毛離裏如黏膠同根相煎何太急忍便赤族爭燔

燒須臾聲寂去不顧掉頭一霎如風飄聽其辭直

義亦正誅之不武寧相拋於物罕容實吾福不虞

反脣來譏嘲處禪且效阮籍戲放生亦受坡老教

翻思火攻真下策披衣一笑倒濁醪

清明郊行

淮南寒食柳絲絲一片傷心落照時何處紙錢燒

不盡東風蹴上野棠枝

溪邊四截句

選三

天與閒身鎮日狂每來行飯送斜陽長堤葉暗侵
衣絲小圃花明潑眼黃

瞻衰堂下春水深跳波唼啣喧溪禽鳧雛鴨子莫
相避微子無人知我心

幾家村舍落照裏籬外野桃紅欲然老僧歸後寺
門掩暮鴉一聲衝暝煙

洗竹

卽刪竹也
見山谷集

藝麻麻欲密種竹竹欲疎新篠日以繁舊幹猶翳
如晨起礪我斧檢校手自除一洗耳目廓再洗胸
懷攄譬彼首飛蓬而得櫛與梳美材固足惜滋蔓

良難圖不聞古之人芝蘭當門鋤

短歌送費九儀入都

春城輶軋曉曙鴉東家西家飛柳花柳花飛飛落
何處直隨遊子行天涯君經多難別鄉縣三載吳
閩不得見乍歸旋束金臺裝出門西笑長安長爭
名於朝利於市况乃鬱鬱懷利器雲霄之上多故
人富貴應須早身致如余蠹死螢亦乾凌風羨爾
生羽翰獻書莫效長沙哭聖代蒼生已治安

讀臨川集跋其後

裕陵天子神聖姿任賢求治同渴飢臨川崛起受

宸眷遇合天也非人爲草成十事頓首上朝野拭

目觀設施新法驟更民弗便羣攻交詆爭訾訾當

其擇術鮮不謂致君堯舜身臯夔志大氣傲識彌

闇誤比宵小恣奸欺范蘇諸賢亦矯激章呂數子

尤猖披凡百易成難慮始况復禍患先嘗之如公
正坐讀古誤軻言潤澤宜深思公才實出輩流上

苦心精詣誰能窺而以法弊致積毀謗傷反受羣
兒嗤脫令備職祇文苑大業詎不天壤垂我讀公
集爲下拜反復太息頻嗟咨

宿湖上聞漁歌其聲妮妮可聽而詞特鄙俚

選四

爲槩括其意作六絕亦古竹枝之遺也

經年拋網立船頭娶婦生兒在一舟眼見水荒三
十載我儂衣食幾曾愁

小魚換米來城市大魚爭上販鮮船清晨擔入揚
州市中酒官人麤使錢

甓社湖邊荇葉長露筋祠外藕花香數錢旋買
新真乙卽酒之
至賤者曬網家家醉夕陽

湖上官船撾鼓過看儂蕩槳聽儂歌爭道渠儂生
計好菰蒲深處少風波

詠雪用歐公聚星堂體

霧幕白晝晦雲屯衆陰翬玄冥赫煽權滕六歛愆
通聲挾廣莫號勢倒漢江洶排拶填空委合沓匪
地涌聯翩乍沾袂拉雜旋沒踵沙沙蟻盤磨翳翳
蠶出蛹橫鋪苔堦勻側積竹柵擁包荒混垢穢平
險失坡隴綺錯蔬町迷策裂冰壑壅亦有粗比鴉
亦有細若翫髮髣女擲砂掀簸農降種撇換姬墮
樓招邀客登壑揮霍疑逞財迴旋類矜寵光眩睛
絢暈凍合肩鵲竦簾研橫排闥屋漏暗襲棋墜柯
飛羽駭陟橋逝蹇恐揣封松輪困散綴棘關冗枯
楊紛毳毳瘦梅翕擁腫體方迺植珪返圓遠列珙

辛辛詩集卷

三

午停示小怯暮合賈餘勇厨空竈婦怒鄰謹酒人
詢母僵擁絮唬兒頑據地踊爬掃盈筐承搏埴合
掌捧牢丸圓欲啖拒枚潔思奉獅蹲儼擗爭峰轟
兀峭聳爾嬉同吠龙吾哀比吟蜚銀鎔古稱幻車
載誰作俑所喜陽潛迴詎令陰久重抹肯見睨消
轉踴跳波溶溝渚決奔溜簷雷滴懸湮入地蝗不
灾破土麥方茸於皇受厥明康年贊垂拱

除夕雜感疊前韻東樊桐仍索和章

初陽兆微暹積陰解深羣年光蛇赴壑去不待憇
通蹀次紀告終榆臘餘洵送窮鬼抑掄索逋客

填涌門庭叢詬誶後蹈躡前踵千孔等攢蜂百緒
肖抽蛹無臺容趾避周報有避債臺有絮荷肩擁婦喚坼釵
鈿僕歆鬻田隴二語皆紀是日實事譬則百川潰而豈一九壑
追歡緬疇曩餽歲劇紛翫樽窰宜春釀核釘洞庭
種椒盤坐列炬蠻榼行登壘鄉人每於除夕掘酒食上家謂之斷年鼓鉦鄉
人儺炫服哀師寵鱗端雙丞耀睽賜老馘竦紅箋
粘柱楣金花插簷拱方孩值節忻將衰撫時恐轉
憾節序促彌增惡趣冗緊予迺櫟櫟不材木擁腫
凌寒厲孤響壘和驟雙珙歐詩有榮榮得雙珙殷侯才尤鈔突
過孟賁勇橫空盤硬句萬夫不敢詢樂伯摩旌奔

辛辛詩集卷

三

魏犇距躍踴敏踰八又成珍同什襲捧詞場久疎
闊大雅罕推奉心折獨在君排慕句道聳直可諧
韻韶豈止答潛菴粵稽古倡和元白聲作俑韓蘇
鬪險怪詩律嚴逾重君才前不讓學海洪波溶膏
腴發炙穀甘酥落垂湮更冀出清新爲我薙荒茸
傳柑倘多暇報瓊竈延拱

題樊桐近詩後卽效其體二首 選一

侵晨宿酒渾如失入手新詩讀正纔好是陳言同
賊去后山云陳言如賊莫縱心故應佳句有神來廢語論詩有神來之語重湖駭
浪吟情苦荒縣饑墟生面開把玩周環堪永日新

年樂事正佳哉

同學諸子招入文社不赴長歌述懷并謝諸子

春蠶作繭角鬪蝸蠱食紙聲沙沙天公憐我落
苦海欲使擺脫超津涯粵予總角愛蒐獵百家經
史窮羅爬屠龍技就世罕用刻楮無益吁可嗟日
王崇儒好詞賦班楊東馬裝連車學臣連翩下禁
籞入絃廣設張羅置吉水李宛平高東海許暨避
席授簡開官衙淮海維揚曰才敦森如束筍紛如
麻而我當仁志不讓掉臂徑入抽鯨牙干言賦就

洋辛辛詩選卷

五

不加點從容飲噉斟官茶詰朝名字上頭挂壓倒
元白誰敢譁使者召謁面獎我曰女今代文章家
小子頓首謝不敏朱提鑿賜禮有加爾時意氣極
騰上要窺蓬島乘星槎三科鍛羽羞羶毳煩冤內
火燔龍華肝神靈臺炎熾歟全湧千鐘萬鼓相撞
搗間或細響類合樂瑟笙竿笛筆琵琶耳官驚匿
走失職聽答輒爾多遺差親朋走訊競咤惜亦有
調笑聲呀呀諸君何為不我棄招邀見嗜如瘡痂
有兄聊可附騏驎如余只合儕麀屨每思投牒老
牖下巾箱棄置猶浮苴祇緣升斗竊廩食不爾有

覲胡為耶二月楊柳青氎筆村桃遠近蒸紅霞曹
家綏介亭子頗不惡垂絲木筆攢春葩倘能置酒別
召我定泚渴墨蟠飢鴉維予唱女和亦可詎必攢
眉俯首乞靈故紙羣嘔啞

水後春食不繼家人采野菜雜之粟米中作
供余亦欣然一飽作詩示兒簡三首

夷齊恥周粟陟山采其薇我非敢效之飢來無所
依蕪菁生野地種自諸葛遺一名諸葛菜見劉禹錫嘉話錄漫漫開紫

花碧葉紛葳蕤幸不隸園官採擷任所施晨起持
刀往亭午盈筐歸芣湘佐七箸式食聊庶幾固窮

洋辛辛詩選卷

五

吾道在義勝戰自肥寄聲鼎食子膏梁安足希

右蕪菁

馬蘭是小草羅生遍石罅形與靡蕪雜香即揭車
亞厥味亦微辛薑鹽最宜下爽脆響牙頰甘馨謝
燔炙作羹或未可說餅允堪藉含笑問郎君何事
乃遭罵盧全馬蘭諸詩開闢是小事不怕郎君罵

右馬蘭

在昔天隨生籬落富杞菊杞也維上藥品列桐君
錄靈根名瑞杖佳實肖丹菽服之可輕身玄髮兼
明目二者匪思存祇用果吾腹新萋繁仲春本草枸杞春采

苗一雨遍山綠小摘入筠籃泥滓淨淘漉方法比
芋羹色香類茗粥五味令口爽羶腥卽鳩毒何如
甘澹泊卽此養生足作詩示兒曹未必不爲福

右枸杞苗

讀劍南集感賦六首

杜陵稷契思同調陸叟臯夔欲比倫誰使陰成詩

萬首後人也喚作詩人放翁詩云六十年間萬首詩又題少陵集云後人但作詩人看使我撫几

生客

北伐何由見誓師眼明只望中興時可憐輸與東

屯叟少卻收京一首詩放翁示予詩云王師北定中原日家祭無忘告乃翁

讀史十首

選二

辛未

犁庭尅日勒燕然大閱期門發控弦塞上烽烟增

列障湟中方畧奏屯田區分北府材官餉斥費西

園邸第錢仰屋司農無過計由來卜式愛輸邊

驪黃雲錦事何如毛仲功名近代無誘牝當年誇

暴利絕塵何日貢余吾搜駒盡入飛龍廐買骨空

懸索駿圖爭羨五花三萬匹東南庚癸已頻呼

大愷鏡歌鼓吹曲十二章

並序

皇帝御宇之三十有六年仁風扇乎海表德澤肥

乎土域賢雋登進政治休明訟獄不繁稼穡滋

殖兆民樂業風俗完美維時恩流九垓威暢八

埏邇安遠至來王來享長胸貫股之壤雕題鑿

齒之國莫不搏心揖志樹領稽顙符拔辟邪駟

駟後猊梯航通道絡繹獻貢蓋幅員之廣臣服

之衆溯自開闢越至近晚夔乎崇哉莫之與兩

迺有西陲小醜恃其烏合不聽於我先是

皇上廓如天之度寬假羈縻永作外臣歷有歲年

乃敢包藏禍心撓我邊邑宸衷震怒議張

天討歷問於朝而盈廷之言咸以爲沙漠之地

不足以勞乘輿么廢之孽不足以膏斧鉞唱

口和附並爲一談

辛未

壬

皇帝則謂敵不可縱蔓將難圖毅然獨斷不憚勞

勩躬歷險遠整率六師分道進勦蚩尤並轡招

搖前驅驅蹕蹕焞焞搏搏總總星陳天行雷動電

標軍聲沸騰乎瀚海礮火撼搖乎天山旌旛蔽

空戈鋌耀日賊黨望風狐奔鼠竄一戰而挫其

鋒再至而搗其穴三驅而殲其魁妻子繫囚面

縛就撫遂乃禽獮逋匿蕩滌滌垢氛雲物開明神

靈歡喜是役也雖唐帝之戰丹水軒皇之克阪

泉何以侈茲蓋由我

皇上大智大勇神武天縱往者命將遣師遙授方
畧不動聲色芟除三孽矧茲親蒞行間運籌
帷幄審敵情之向背察地勢之平阻策餉則軍
無乏食設伏則敵無遁形出奇用間開誠布公
動靜協乎天淵照臨並乎日月大勲是集俾無
後艱安妥生靈禔福中外夫惟幾也爲能周天
下之慮惟斷也爲能成天下之功

皇上卽謙己不伐讓大美而不居其可得乎在昔
周宣淮徐是平吉甫作誦逮唐憲宗削平淮蔡
韓碑柳雅炳麟焜燿之二主者考其地近在侯

李季詩選卷

宋

甸之中計其時或至數年之久然猶震而矜之
鋪張揚厲使後世讀者望猶神人若

皇上神謀勝算師無淹久蕩五千里之雄邊除數
十年之逋寇貽億萬世之治安豐功偉績固當
邁義軒而躋唐虞區區二主之事豈堪彷彿由
此觀之則上鴻號以章至尊作雅歌以揚大
烈此古今不朽之鉅業臣子愛君之至情曷可
少也是以內而左右密勿之輔石渠天祿之彥
外而封疆牧伯之臣罔不極慮遠思導揚嘉美
鏗鏘映燭盈絙溢縹竊思臣一介草莽於時事

罕所通達此卽鏤心鉢腎禿穎焦墨豈能仰測
高深揚扆萬一繼復自念臣生於

皇帝卽祚之五年游泳光化嚶嘷汪濊者三十有
二載況臣稍具識知業職鉛槧戴高履厚宜如
何報而又生享太平躬逢盛事則安得如塊然
木石自棄於堯舜之世臣聞詩以言志歌以永
言之作亦得獻之王人用於朝廟未嘗以出自微
賤棄而不錄又聞古之帝王功成樂作考黃帝
之破蚩尤軍中鼓吹有震雷驚靈鼉吼諸曲湯
之大濩武之大武卽作於伐夏戡殷之後下至
唐太宗有入陣之歌破敵之樂皆所以發揚蹈
厲紀功德而鳴得意夫以

李季詩選卷

宋

皇上之盛德大業赫聲濯靈如此而雅歌不作臣
甚惜之謹按周禮大司樂曰王師大獻則奏愷
樂大獻獻捷於祖也愷樂獻功之樂也大司馬
曰師有功愷樂獻於社愷樂兵樂也獻於社獻
功於社也司馬法曰得意則愷樂愷歌示喜也
城濮之戰春秋傳曰振旅愷以入於晉愷凱也
東漢明帝分樂爲四品其四曰短簫簫歌之樂

軍中用之崔豹古今注曰短簫鑊歌軍樂也鑊如鈴而無舌有柄執而鳴之昔人用以節鼓其曲凡二十二篇魏繆襲晉傅玄各如其篇數而易其名唐元和中柳宗元作唐鑊歌鼓吹曲十二篇進呈而未見施用臣不揣鄙陋詳考 欽頒北征方畧 恩詔赦書以及邸鈔 睿畧永清疏稿卽事命題古體新聲不蹈故常竊倣漢代鑊歌鼓吹曲之遺意自聖武至獻賀觴撰成十有二章凡一千四百餘言雖詞語謏陋音律乖舛遠慚吉甫近愧韓柳知不足貢聲 宗廟備當代之樂府然鼓吹休隆颺頌謨烈實出一念忠愛之誠不能自己用敢忘其微賤錄獻牧伯進呈 御覽倘可採擇伏乞宣付史館附於方畧之末列之臣工之次使燭火之明依餘光於日月堦堂之波納細流於滄海且令天下後世知

注李幸請進奉

手

聖武伏讀方畧云傳集三品以上會議皆云小寇不足介意朕深爲憤怒決計親征使天下從此永靖聖武第一維皇建極天錫厥武跨義邁軒踵堯肩禹翦刈僭慝和會區宇海不揚波山無伏莽日所出入人土土惟是西陲在昔卽叙潢池跳梁震驚邊圉僉謂么麼不足膏斧 帝曰咈哉曷予敢侮 親御六飛嘽嘽其旅黃鉞白旄珣戈彤羽三辰萬靈罔不協助 皇帝聖智不可測觀靜合符契動中規矩若卜著蔡若燭肺腑奮之以斷決之於豫羣策羣力十不得五用集大勲以對天下貽謀燕翼篤祐錫嘏 聖謨洋洋載在冊府石室金匱於鑠萬古

注李幸請進奉

手

右聖武四十二句 句四字

從軍樂

伏讀方畧云一路大兵並無勞苦兵強馬壯精勇奮備作從軍樂第二

牽馬出里門危蹕邊城去西陲有遺孽狡脫甚投免誓滅此朝食家室非所顧附書與六親不必念苦辛 天子是主帥拊循如家人 天子是主帥士氣爲之揚 天子是主帥甲冑生輝光晝夜五十里在道無兼程軍中米粟多到處泉流清昔怨從軍苦今歌從軍樂功成受上賞圖形在麟閣

右從軍樂二十二句 句五字

役者謳伏讀方畧云兩路未糧未有窮乏復將中路之米接濟西路作役者第三

輦栗陟岵山石齟齬豈不憚行念我聖主念我聖主在軍中親躡跼乃食晝夜不得休息小人戢戢敢告勞苦驅駝千匹牛萬頭峙乃糗糧負乃餼餘粟纍纍棄道周野鳥爭啄聲啾啾

右役者謳十九句其七句三字其十一句四字其一句六字

歸化城據鄧鈔云遠方向風日衆者於歸化城安插作歸化城第四

歸化城徠遠人日入之部就我日出主聞風者施施來來施施帝念之作室家相厥居俾爾父母兄弟妻子無寒饑出作入息以遨嬉駐者歌行

李季詩選卷十

五

者思歸化城樂不可支

右歸化城十八句其十三句三字其三句四字其一句五字其一句八字

神泉出伏讀方畧云各處未報得水正憂慮間適觀軍侍衛飛馳過一山岡見一泉下流六七里足供大軍

馬匹之用
神泉出第五

皇帝北征度沙磧有萬其祇護厥蹕大軍道渴未及食后皇愛寶弗敢匿有冽者泉感沸跳擲蹢突素波涉軍十萬衆可用汲地靈效禎重申錫會涌神膏帝之側其淡如醴甘如蜜皇帝酌斯壽萬億

右神泉出二十二句其十句四字其十二句三字

永清碑據鄧鈔云上親征沙漠至西域山掘得古碑有永清沙漠語作永清碑第六

禽敵山峙西域上有古碑高崒崒不知其歲年但爲草木蒙翳風雨剝蝕獨有永清字不泐聖人來古碑出兆熙朝曆萬億先後聖其揆一從臣雖多才燕然不更勒

右永清碑十七句其十句三字其三句四字其三句五字其一句六字

征馬肥伏讀方畧云克魯倫地方自正月亢旱不雨其地原無寸草連日天作陰雲立營畢即降雨澤草木萌生馬匹騰壯

作征馬肥第七

自正月不雨至五月邊地不毛雨澤竭一夜勾萌蹶厥生聖人所過皆陽春雲氤氲覆四野神哉

李季詩選卷十

五

需自天下草青青牧我馬我馬肥騰絕足來向東追極北月支臣闕氏服我馬肥天之育辛苦漢武帝上林漫漫種苜蓿

右征馬肥二十五句其十九句三字其四句四字其二句五字

破陣樂伏讀恩詔云賊寇克魯倫河倉皇遁去親追至土喇河西路大兵遮截其後敗之於昭木多賊勢大挫今年春西巡邊境功開旦暮窮迫已極仰樂自盡作破陣樂第八

礮車轟天白日燒闕如虓虎軍聲震天威所到心膽墮霜刃未交敵壘破塵漫漫大風起鼓不絕馬逸不能止窮寇解甲降巨憇抱鞍死皇帝曰嘻武不可究罪人斯得矧敢多又旦日將軍來幕府

上功簿峨戟甲仗高於山葦畜谷量不知數 天子受賀軍門開山呼萬歲聲如雷

右破陣樂二十六句

其九句句三字其十句句四字其五句句五字其二句句七字

釋繫俘

伏讀唐書永清疏云哈密國人生擒噶爾且之子色不騰巴爾未爾俘送行在又丹濟喇攝噶爾且遺骸及其女子並人口三百戶來歸又歸巴喇喇兒台吉濟農等亦奏請朝貢及阿喇布濟丹津汪布等俱遣人輸誠效順作釋

繫俘第九

臨高原漠北墟其無人但見風馳霆擊沙石的礫爭飛奔殲渠魁喪厥元自餘跂行喙息百一存寡妻弱子俘軍門 皇帝德大蓋載遠邇曰予不孥戮爾多賜繒帛美酒甘食與之更始傳告種人赦

李季詩選卷

古

女脅從貸女死盍歸來乎 聖天子

右釋繫俘二十一

其八句句三字其八句句四字其四句句六字其一句句八字

回鑾曲

據邸鈔云上於五月十三日凱還作回鑾曲第十

昔往歲云暮今來日正長送行未半載夫歸見妻兒喚爺與孃歸告爺孃妻子此行歡樂不可當隸籍羽林尉身近日月光鑾輿肆天討萬里震雷霆元兇束手斃餘孽走且僵大軍十萬騎人馬無寸傷五月奏凱還歌舞向京城都人望 翠華夾道羅壺漿 皇帝顧之樂命下趣銷兵放牛於桃林歸馬華山陽卒伍事耕鑿從茲罷遠征罷遠征無

戰爭沙漠清天下平

右回鑾曲二十九句

其四句句三字其二十二句句五字其一句句四字其一句句

六字其一句句七字

大愷

據邸鈔云上至京論功進爵升內侍賞賜古為一等公其餘加級班賞有差作大愷第十一

奏愷樂歌彤弓擬鼙鼓鏗鯨鐘酒再行樂三終羣臣拜手上 帝功 帝不自功謂女庸爾諸臣來大者公小者侯釐爾圭瓚拒鬯一自維茲山川田土弗敢愛分土三列爵五及苗裔永終譽

右大愷二十一

其十五句句三字其五句句四字其一句句六字

獻賀觴

伏讀唐書武成之會正太和殿鼎建功竣臨御伊始原敷慶澤中外有差作獻賀觴第十二

李季詩選卷

古

將進酒開明堂通九域朝八荒武功偃文德昌 皇帝御太和殿 太子諸王以下內臣外臣列兩行謁者以次引見踴躍歡忭稽首頓首上前獻賀觴汎仙醴斟天漿和氣致祥豐年穰穰卿雲紉縵景星煒煌賓連蓬脯生齋房麟遊於野鳳鳥翔 皇帝坐殿上乃大歡喜曰予一人曷克臻此亟令掌故肇稱殷禮類 上帝禋 列祖簡刑獄蠲租賦廣封卹宥罪罟禮樂興孝廉舉賜大小臣爵一級與天下大酺三日小臣醉飽沐浴膏澤是用作歌紀功德願 皇帝陛下百千萬億歲歡樂永無

極

右獻賀觴四十二句

其十六句三字其十三句四字其三句五字其三句句

六字其六句句七字其一句句十字

廣陵旅次喜晤顧十一俠君長歌奉贈即送

之歸吳門

榜前失意我不憾牀頭金盡我不哀眼中一見顧
十一世間萬事如飛埃寺門日落飛蝙蝠何誰車
騎紛喧厖須臾四壁走光怪詩字隱隱生風雷秀
埜佳句久在口側身把臂嗟無媒祇園寓居得鄰
並打門徑造寧嫌猜底用三升劇談論直思十日

李辛辛詩選卷

三

相追陪而君呼我曰奇士我定識君非凡材考功
家學有傳授雄文拔起彌崔嵬即看駿足騁皇路
一蹶暫爾隨驚駘天遣斯文作主宰網羅載籍兼
而該天曆至正盡收拾曷不料理歐蘇梅來江都
游值秋老隋堤霜柳紛毵毵此間僞荒乏風雅但
可爛熳傾尊壘便當捆束下揚子玉山已熟驚黃
醅不爾宿畱胡爲哉我亦掉頭歸去來商丘中丞
雅愛士振衣會上姑蘇臺鴨背艇子順流放草堂
遲我南枝開

上宋中丞漫堂先生五言古詩一百六十韻

嵩山天下中莫位尊四嶽駿極勢截業去天止一

握二室六十峯連蜷亘綿邈元氣涵渾淪厚質欲

旁龜地靈神異鍾曠代偉人作翰周生甫申降祥

蓋不數恭惟文康公熙朝調鼎鑊廟堂籌大計海

宇悉安厝皇哉輔相業炳麟照殿閣惟公其胃子

繼起家聲赫叶丰標獨峻整才氣彌震爆束髮侍

先皇執事日有恪緘口溫室樹小心期門鑰羽獵

陪長楊巡遊周五柞飛鞚每騰上射生必連著時

蒙天一笑手自賜酒酪公以大臣子人備宿衛時賜酒食珍菓鼎湖俄上升

歸來枕圖籍叶帖括應制科文苑肆蹠踣傾蓋多

李辛辛詩選卷

三

肸僑同舟盡李郭雪園六子社公輒相倚捫公與侯朝宗賈

效淮陽薄前身真髯蘇冥想契寥廓墨池跡未湮

雪堂構猶昨公嘗作蘇子瞻像觀已其側及第得黃州注編修韓翁先生說鈴載此事蓋雪堂自公所修復

往聞道路語軼事記疇昔叶江城饒於菟白晝負

嵎攫使君彎霹靂發矢脫兩膊一朝而獲五除患

同去鰲此直小技耳我公付一嘆黃多虎患公一日敷歷

步秋曹夙夜奉三尺叶故事兩司官紙尾但畫諾

公曰是不可據案獨諤諤慮囚多平反不憚一再

駁律法爲更定冤抑免呼暑如彼啁啾中百鳥得

一鶚直聲振朝班璽書筦虔權處脂膏不潤遇涅

滓偏嚼載石壓歸裴觀察俄外擢叶通永號馮翊

孤鼠恣陵轢公御之以簡推誠去文貌揚清舉疆

項公馬彭黃門無山先生 鋤姦除毒蠱熙熙畿甸民三世沐膏澤

叶借川公從曾祖莊敏公起家承平司李歷總督倉場侍郎文康公掌臬

轄山左政聲溢濟樂旋 命藩東南三遷 宸眷

渥西江被兵後民氣大蕭索 帝曰疇予撫欽哉

往女犖使持御史節開府建閫幕時值風鶴驚迅

烈楚氛惡兼程亟就道指麾運帷幄二暨倏逞兇

乘間伺剽掠裂紙潛書符揭竿陽會釀遙為西寇

援洵洵氣燿燿勢將連荆襄即恐動叩作公偵知

此變密計夜生縛元兇夕以逮首領朝以斲機間

不容髮若震霆飛電餘黨鳥獸散汗流駭且愕朝

不驚七邑野自安里宅叶微公事幾殆談笑靖鋒

鏑戊辰四月值湖廣叛卒之變江右震鄰公南抵任發使李美玉袁大相

鏑不軌來夜計禽且即縣首豪街餘黨賊散亂遂平見公誅叛禦學二

治行日超卓巡撫不要錢 天語何焯焯辛未閏七

上在場春死問大臣云江西巡撫宋學所以轉南服重任昇盤

錯相傳移節時傾城走矍矍老幼競攀號公淚亦

為落一自公來吳閭井樂耕鑿貪吏禁苞苴蠹胥

嚴合俞精彩變壁壘號令謹鈴析獄訟化虞芮奸

宄絕跼蹐淫祠毀五通市肆罷六簿百務靡不理

造士功尤倬衡品別真偽較藝判清濁丙子歌鹿

鳴解額正新擴公時董厥事軼才悉籠絡粲粲珊

瑚網中不遺砂礫叶淮揚古澤國衆水之所壑厥

田多沮洳積歲鮮稔穰有時龜兆圻一望盡境埆

何能辨畛畛而不任錢鑄司空告績成陞科議征

涸鄉氓半流亡里長捋頭捉傷哉凋瘵民眼見死

鞭扑公乃抗疏爭通賦蠲七邑叶特免自 聖恩

天聽因誰格借川 高寶七邑積水偶涸支祁忽失守陽侯

又逞虐淮黃交汜溢波浪互澆潏周遭沒城版直

下蕩植穉生民胥及溺魚鼈縱啗嚼一甚乃至再

兩載失耕獲掘地啖草根探巢哺鵲鷄時艱公蒿

目瘡瘼日求莫復請減額課振廩發米穀叶寧甘

絀吏議要欲軫民瘼終焉得 俞旨正供悉除卻

活人百萬餘感頌徹齟齬公豈望報耶至德假冥

漠丙子丁丑淮揚疊罹水災公力朝端望逾崇元老為揚摧

清廉天下最 至尊俞曰諾行將聽麻宣不必待

龜灼丁丑十二月 上問滿漢大學士天下巡撫賢否大學士伊公奏

道見 云江南巡撫宋學清廉為天下第一 上云宋學清廉朕久已知

任揮擢淳意發高文森秀鬱磅礴新詩追韓蘇近

體鄙盧駱靡音黜淫哇正聲配韶濩興來關險句

肝腎苦瑯琊漁洋共綿津價重連城珏公詩格宗韓蘇為海內宗匠有

綿津集行世世陵邵子湘合王侍郎阮亭集刻名二家詩鈔蒐羅既精核紀載又該博有

諸君間亦復為之小詞唱捉搦有楓香詞年來德彌邵

綺語盡刊削躬行期實踐章句謝糟粕重申鹿洞

規大闡驚湖約粹然儒者宗講義共披剝西江崇

俎豆東林清祠禴吾師乎誰歟緊關閩濂洛公在西江建理

學心第二祠修濂溪書院刊胡文敬先生續白鹿洞規親為諸生講說范吳修東林書院釐正祀典素心厭煩囂

雅志敦儉樸所居闢小軒厥制只確斲深也故寧

注若士亭詩選卷

靜淨矣斯澹泊公署內小軒顏曰淨長物羅書史旁增種蓮芍

清漣波瀾瀾婀娜柳嫋嫋泳游白頭魚踰躍一個

鶴微微風動琴了了月上箔杯清蟻乍浮爐紅茗

初淪山僧許來往公與嶽山掛卷北蘭齋雪廬山心壁諸道人為方外友野客間酬

酢揮塵縱談笑命觴繼諧謔洗心展圖畫入夜猶

捫摸公精賞鑒有論畫詩畫云黑夜摩挲而嘆之可別真贋風流王文度放曠謝康

樂偶值風日佳發興在巖亭爐峰瀑噴雪元基梅

破萼獨賞屏車騎孤尋度畧約勝處即小停會心

付杯杓荒墳剪荆榛唐八如解元墓在桃花塢公修復之建亭其旁曰才子亭古亭重

丹雘又修復蘇子美滄浪亭自為文刻石用歐陽公韻作詩紀事屬和凡數卷試問今大吏高風

孰能若竊嘗覽載籍人品相量較或文如燕許或

武如褒鄂或清如楊盧或智如管樂政事曰韓富

勲名曰衛霍是皆得一端擅長彼此各惟公萃其

成萬象包一橐道德兼事功文章雜馬稍文章馬稍任縱橫尤

檢討傳卷先智勇一世推心胸萬古拓豪傑而聖賢當

之兩不忤嗟恒生下邑戢影傍菰蕩散才類樗櫟

鈍質慚千鎔細響蚓發唱微光螢吐燭為儒百不

遂窮年事尹喔省門凡五踏棄比風中蓬矧乃嗟

贖贖難免笑妮妮人情喜刺譏從古嘆謠詠何期

渤澥寬不肯遺一勺錄我在門牆食我以脾臄賜

注若士亭詩選卷

予及書籍料理到醫藥疇昔匪無遇泛愛終隔膜

知己與感恩舍公將安託傾誠矢圖報酬知祇述

德叶惟欽斗山重尚愧筆墨弱妮妮豈云多曰此

其大畧蒼蠅附騏驎薦羅施松柏叶雲霄方喜近

樊籠未苦鋌但願畱衰衣莫遽懷笠箸永言事掃

除為公把鉏鋤

虎丘次清遠道士韻

我居如桃源世不知有漢自憐麋鹿性見客鼯鼯

竄竭來吳會遊海湧得奇玩是丘名天下陟歷戒

汗漫循磴遠修廊汲綆頻高岬崖裂苔文斑石曠

雲影亂視晷漸可中選勝未閱半遺踪緬霸圖精
靈未應散銅棺成底用萬古一昏旦轉羨飛仙遊
謫詭騁辭翰撫景愜見聞卽事動嗟嘆飢驅亦良
圖茲遊信天贊

古風一首賦謝漫堂先生

元公好士古罕儔吐哺握髮日不休誰歟繼者今
商丘相門世德清望優朝之柱石天廟球持節來
領東諸侯接引巖穴勤攬搜騷人賤子趨紛投譬
則滄海納細流賤子者誰家秦郵東髮聖籍恣討
蒐尹唔繼晷焚膏油十年上書不見收羶羶踴躍

注李詩集

聖

心繁憂鬱鬱苦被青衫囚兩耳蟻動同鬪牛迫蹙
直似魚中鈞但願一識韓荆州擔簦負笈來長洲
千五百字窮雕鏤大呼持獻驚前騶牙門旗翻風
悠悠欲進不進心踟躕公乍讀之聲噢咻開門
促召延枚鄒弊衣入座貌不修問事不省瞪兩眸
左右掾史齊回頭頗見有如此客不公獨我愛不
我尤曰偶然耳行當瘳欲與之共商千秋左馬班
范韓柳歐將子能來從吾遊與奴白飯馬青芻
旋飭中廚具殷羞金尊灑灑旨酒柔醉飽拜賜
重疊稠琅函秘笈緇以綢朱提白粲連尊自爾羊

來思負其候旁觀驚羨莫測繇抑有天焉非人謀
時中丞有書籍
羊酒之賜云
緊公之德誰與侔如地持載天覆憐藥
籠願備渤與溲日侍塗案供校讐有時公倡我則
酬未必不若伶人謳廟堂燮理需運籌公名旦晚
糊金甌更起祝公弘遠猶寧人數政無競綵洪鈞
手轉萬邦揉太和元氣蒸蒸浮不使世不爲成周
吾道行矣夫何求千年史冊垂炳彪文康接踵光
前猷

漫堂先生打魚滄浪歸以饗客恒叨陪座末

卽席賦呈一首

注李詩集

聖

初陽暎暎光入簾鵲姑格磔鳴高簷夜來雷雨一
尺足滄浪漲淥平橋添商丘夫子烟水癖打魚放
鴨心所收朝衙放罷興躍躍亟呼小隊蹇彤幃到
時便作濠濮想一篙卵色浮晴奩紫荇翠藻宛可
數游魚澱澱頭排籤老饕臨淵忽起羨苦師爰命
加之罾也須臾千頃浪花亂素鱗出水光磨鎌
跳波帶怒尙潑刺鼓腮似語相喁噉何以貫之曰
楊柳維魴及鯉鰈鰭鮎毛詩鰈鰭鮎也擔歸累屬車
下兒童拍手父老覘叱付春庖佐午膳于以湘之
漑釜鬻吳兒斫膾最解事作羹不煩女手撻輕紅

肌擘敲響動薑蔥細糝和椒鹽銅盤會食並見召
攝衣入座予何謙我家三十六湖濱舊耽水族情
無厭大嚼不顧侍史笑盡食那怕厨娘嫌撐腸一
飽且快意咄嗟仲子烏能廉每嗤國僑市小惠生
魚命畜無加殲仁民愛物有差等底事得所誇沾
沾何如乘興一舉網恩波上下均得霑時漁人皆
有賞賜韻
事屏風又堪畫風流為政公所兼吟成急遞廣平
老屬和好待青門髯御文

西洋繡毬花二十韻應漫堂先生命

綺檻薰風敞瓊葩異域傳移從古俚國購自蠻人

注李詩選李

聖

船海露蒸猶濕蠻烟拂倍鮮蕊攢紛壓疊瓣簇細
雕鐫覺繡鴛針密團窠蝶翅圓同心綵勝結五出
素絲纏絡豈流蘇墜拋寧鞠域穿憑誰調幻藥直
似染丹鉛淺紫應名王微青合字蓮揉藍南浦水
散綺晚霞天花色
如此素質從嗤陋朱顏或比妍閨中有
大紅者

叢生根擺矮幹亞影連駢翠盎培栽穩雕闌位置
便評香雖闕爾比艷最嫣然郭璞疏遺載嵇含狀
失編搜奇公好事寓目我何緣更憶誇殊植相將
襲短箋尹邢欣接踵瑜亮許差肩春日同
漢日本山茶
生有尹邢相如之句
珍賞看宜數嘉招句重聯不愁風輓墜長對畫簾

前

勵志詩四首 選二

性癖耽書傳譬若蟲蝕木異本購不能就觀憾迫
趣比來百不憂動輒副所欲綿津富書庫插架三
萬軸昌黎借我不作難鱗次卷帙續且漁且畋獵
析疑快老宿謂青興至廢食眠坐深怨僮僕脫贈
亦復佳得隴敢望蜀樂此詎為疲倦勤用自勗
粵子稟羸質目短視不遘近又患耳鳴一身若贅
疣獨抱方寸心耿耿萬古憂憂之夫如何尚慕孔
與周邈焉二千載斯道今維昭叶立言竊所願經
史窮雕搜健筆誅奸諛孤光闢潛幽師承矧在近
二老漫堂
青門今韓歐古人擅一藝精專尚可求樂理
通師曠國語成左丘非敢曰能之坐食戒惰偷天
乎假餘齡勉旃紹前修

苦雨詩呈漫堂先生

戊寅月建辰亥真驕不退黯黹陰沴凝鬱勃澤氣
會穿亂積氛旋霖狂肆霑霑豐隆勇轉磨列缺戲
揚旆少女尤妖邪欠伸時一噫鼓鬣龍騰竿滴鬚
馬沛艾衝簷霑垂瀑喧屋瓦鳴瀨密密銀竹排桓
桓白練絙細或如繭絲圓亦若珠琲跳蹙勢激越

賤沫響旬磕紛射斜侵檻橫潦瀉瀉瀉霰霰夕逮
 朝霏霏翔至晦踉蹌太皞奔溢縮鬱儀避漂池溢
 賴萃擢壤茂梧檜頽架老紅浥陰牖稚翠菱欄藥
 璫微芬逕蕙掩孤鵠抱房蝶翅黏鑽棄乙羽鍛鳩
 婦號勃蟻蟻子走狼狽垵謹厲喙啄沼沸長股吠
 盆賜鮮懼悰觸聽總悲慨放霽乍示廷成陣旋作
 擒遂止斯已可益甚毋乃太駭勢鎮載吮餘飛間
 逞態牆蔓繁蕨蕨道弗雜蕪穢木菌蒸綴疣瓦松
 森擁蒼苔綠砌重敷蝸涎壁增繪泥浣濺榻几徽
 醜黝結裨舉步阻淖淖撼寤怵澎湃贅耳虛關蟻
 痒肌濕搔疥望雌霓睫穿眇帝青心癢臨餐輒興
 歎際飲動停嘔燒草問筵算檢曆卜著蔡耽耽昨
 只瞪咄咄腕自搯鄉園疲夢想老屋缺苫蓋淋漓
 怕書籍傾側任倉廩薪濕竈絮媪粒昂市喧僧倚
 閤子季嗟傾室思婦喟此第家事耳吾更慮其大
 三吳租賦重麥秋衆式賴田秧甫針卓野蕤未鉅
 又雷收誠懼損蛾化最憂敗所關在閤間於患豈
 纖芥又如淮與揚七邑劇凋瘵陸沈十之九橫流
 一而再積潦漲未落新湍溢逾潰空邨戲游儻危
 堤眠衆牯無可急耘寧不患顛沛大吏議救援

平年幸詩集

果

小巫請禳禱雜然羣獻疑率爾等詬誅或云析木
 翻屈注連九派或者曰天泣啜其涕泗灑不則上
 帝醉漏卮羣嘔噓洵洵近嘲詼夢夢總茫昧誰闕
 京房占莫置仲舒對聞之上古世其雨不破塊十
 日以為期津莖但濯漑應候斯名靈久靈遂凝害
 寒暑錯代禪丁壬失妬配害桑宋則弔志閔曾所
 載方今陛下聖功德茂華岱和氣翔氤氲惠澤
 恣汪濊三三公勤變理百職謹玩惕於何致愆尤而
 勞示鑒戒作霖時固咎咎狂理更詩既非戎萬區
 四川戎州宜賓縣二山四時不霖俗
 謂小漏天大漏天又萬州亦有漏天
 抑豈柯柯枝界
 柯枝國自二三月
 下陣頭雨至八月
 平年幸詩集
 半方 絮災比蝗喃較毒甚戈銳凡民罔不誨爾罪
 胡可貸我欲排闥叩頭訴梗槩大聲霜簡糾血
 面露章劾屏翳遠驅置畢宿暫桔槔九州安耕鑿
 萬象啓蒙閔昀昀禹甸平赫赫堯日曬指鑑露景
 光扶幕破氛靄庶幾天漏補積憤始一快榆莢期
 已過梅子時又屆微微颼尚飄昏昏勢未殺失睡
 輟書課嗽藥兀官解妄言舌宜捫苦語力已憊效
 潘振蛙唱音潘尼有
苦雨賦 踵陸厲蟬喝陸聖有
愁霖賦 采風告仁人
 茲篇可無廢

長夏漫堂先生出所藏古繪事法書見示因

呈長句明日將渡江之吳陵

火雲行天赤日酷白汗翻漿作三伏中丞衙散襪
襪無解帶科頭對修竹朱華翠蓋敷清池召客列
坐相娛嬉高齋空虛鮮長物那覓周鼎兼商彝洗
心祇覺圖書適逸品神品分甲乙平頭奴子親捧
將玉軸錦囊包裹密老子意氣真堂堂兩旁參佐
如堵牆手披口說坐復起健如海鶴森開張馬遠
春晚景趙昌寫生花九老鬢蒼劇生動洛靈環珮
交紛拏是日所見數種而我獲見所未見但聞左右嘖嘖聲
咨嗟就中坡蹟尤所愛七百年餘露光怪婀娜剛

注李詩選卷

果

吳門徐昭法先生畫芝

墨垞輪困態最工披圖設設起清風定知崖畔叢
三秀不在祥符萬本中
四皓當年彊是非商山芝魄首山微祇應乞與徐
夫子閉戶丹青爲療飢

謁露筋祠

野風獵獵捲靈旗爲駐征帆拂薜碑不比清溪蔣

侯妹渡頭爭唱小姑詞

滑笏平鋪十里光珠衣玉珮儼明粧貞魂欲醉無
椒醕迎面風來荇菜香

送漫堂先生奉命會勘下河濬海口故道

頻年浚洞切宸憂簡命新承視海陬天怒漸

夸應有身民勞已甚可無鳩漫言賈讓工三策好

爲司空借一籌聞道歸墟多舊蹟聞諸土人范公堤海口舊蹟甚多不止石碣天

妃草堰下溪白駒數歲今皆湮沒輶軒試與重咨諏

秋懷詩序

瑟居興盡搖落驚心日月其除愴焉寤歎觸境

注李詩選卷

兗

引緒情見乎辭

衙齋本清曠况乃秋深時風葉走虛廊霜荷倒枯
池昭昭天宇淨擾擾節物移縱心入寥廓冥懷付
希夷足音稀亦佳褊性聊自怡

孤桐生井上歲蕤屋西偏團團碧葉大藹藹清陰

圓憔悴蔭夏日主人樂高眠歛忽奏金商隕黃質

獨先空階一雨後散落如飛烟物理固若此勿爲

慨唐捐

拒霜沼之濱掩冉媚巖篠微颺一披拂翩翩戲小

鳥開時及秋殘顏色幸自保終然憾遲暮未及桃

李早娟娟風露涼膏沐爲誰好

遙夜難爲晨披衣坐昧旦轉眄晷景馳疾比馬失
絆逝者遽如斯時哉詎堪玩何以永今朝但了食
與盟拊髀志士驚惜陰曩哲歎沈疴纏壯齡憂若
衣匪浣

霜風淨場圃晴日急穠樞萬寶告厥成役車此焉
暇我田久不治曷以望我稼親缺三釜養兒衣不
掩骼俛仰增永懷顧影動悲咤

宣房沈璧後黃流日奔渾勢挾清淮俱驚濤浩無
垠哀哉七邑子半作魚與鼃 九重下明詔相視

李李詩集

李

疏海門就下理則然未若殺其源注江維禹績芻
蕘有公言何當輶軒采一爲陳天闔時奉旨會勘海口而民間有不如之謀

題宋山言學詩圖

詞場源流溯國風詩三百篇其正宗三唐兩宋互
嘲評去何異墨守而輸攻綿津山人補天手大治
陶鑄金在鎔投之所向無不可百家萬態歸牢籠
次公同時最超絕千言下筆攀軻雄緯蕭一編在
人口妥帖排真盤空異才天授豈人力亦緣家
學傳乃公披圖忽爾得此境肅然而起爲正容賞

管萬個雙梧桐左右几杖圖史充老子婆娑坐短

榻壁立清峙千丈松仲也渥丹昌且丰奉書側身
禮則恭非關脫誤辨亥豕豈屑瑣細詮魚蟲我知
會意別有屬偶拈妙句心賞同不見畫師劇解事
傳神盡在阿堵中莞爾注視默相向意匠指授神
明通杜陵宗武解口誦昌黎阿昶尤凡庸君家三
世世有集丞相之後聲淪淪風流文采相映發今
代顏頡王山東弟子侯芭衰且醜日侍絳帳煩磨
礱格律偷取終鈍賊不學面牆胡由工辦香會且
索圖去乞靈不鑄賈島銅異時效顰更寫似茅簷

李李詩集

李

曝背追吾翁

題王石谷騎牛歸田圖

燕京雪片大易水悲風寒笑問牛背上先生奚不

冠

蕩蕩萬斛舟未若此間樂老無用世心漢書不挂

角

畫師能畫神和風蕩趾趾江南芳草多丁櫟爾亦

喜

舊隱懷鳥目長謠望海東茅茨山下路合與製牛

宮

贈毘陵邵子湘先生 有序

往讀宜興陳檢討集中兩髯行知海內有子湘
先生心識其人丁丑冬予奉檄作大愷歌詞時
先生客商丘公許見鄙作大驚異之亟言之公
招致院署先生一見折輩行與交相得驩甚一
日酒間先生掀髯大言曰李百藥爾以五七言
古歌詩有聲淮海間盍以爲長者壽余聞命避
席慙赧瑟縮謝不敏已乃擁鼻鳴嗚作聲燭盡
一寸放筆得數百言燭光墨瀋翻翻閃爍紙上
脫稿亟呈正商丘公公曰是可以壽青門矣趣
江季李詩選卷
小史舉解連醵先生先生大笑樂飲徑醉乃擊
節全予曼聲歌之

千古史筆推龍門班范繼起體制仍後來八家漸
紛紜或取其貌追其神逮明二川震川亦斌斌廊
廡唐肆各有臻青門髯公才絕羣九龍毓秀珠孕
淵十齡思壯賦采芹舞勺卽充觀國賓擺脫擲卻
頭上巾鑽經研史穿典墳變化陳腐生鮮新大放
厥詞浩無垠雄深簡潔理則醇誅姦發潛功不泯
金華崑山維弟弟近今作者無比倫詩溯大曆追
開元調高法老韓杜均誰其賞者風雅親宣城漁

洋共綿津好奇遠涉濟與洄要觀滄海扶桑瞰絳
宮明滅幻金銀幡幢羽葆排羣仙三神山近如可
捫掉頭忽往招匡君一枝笑折羅浮春歲在己未
關賢閣金臺千尺高嶙峋挾其所有謁 帝閭

宸居森嚴虎豹蹲百僚袞袞魚貫屯目視心嫉噤
不言坐令此老歸丘樊拂衣長嘯行跋躐身則否
矣名益震震四方贊幣填門闥乞其隻字寶璫璠碑
版蟲鼠蛟螭蟠商丘中丞今大賢以禮招致佐雄
藩聯袂道古古處敦上牀不怕嚴武喚先生其家
故不貧章惶舊業蓉湖濱洞庭遙指馬蹟山名鄰湖

江季李詩選卷
光激灑波生鱗鳧鷖滅沒鵠鴨喧原田每每秔稻
翻瓜壺菰韭芥服繁前堂後寢疏以軒中置几杖
書琴尊擺徑簞笠雜釣輪受經有子子有孫興來
行藥或灌園笑看世事如浮雲先生自謂羲皇人
世味澹泊天趣真長身豐頤鬢且髮先生著述高
等身名山大業斯焉存豈與芝菌爭朝昏百千萬
襪貽後昆

石谷爲予畫魚川書屋圖口占二絕報之
前身知是老王維遊戲金門皓首歸莫怪比來珍
筆墨頭銜管領是清暉
石谷爲 東宮書翁稱旨 廣
書山水清靜四大字賜之

魚簾蝦簾抱淺沙茱萸灣口水三叉依稀燈火疎
林出山抹微雲是我家

感春五首效昌黎卽用其韻

一春無日無風埃濕雲霏塞不開落英滿地盡
狼藉紛何暇辨桃李梅流星驛騎大堤過縣官卽
日南巡來清塵灑道職所切封姨屏翳寧聞哉太
和蒸蒸佈元氣會煦朽壤翔春臺

蟲砢巨觚橫江來萬夫牽挽相搪挨以粟一鍾致
一石天庾浥爛成飛灰兩河南北盡曠土健兒坐
食胡爲哉昨者府帖傳 詔旨截漕平糶拯兩淮

法華寺詩選卷十

五

幹旋元化豈無力耆老鼓腹嬉提孩

黃河濁浪連清淮七邑沈溺吁可哀千村萬落戲

魚鼈東作無地耰犁推 至尊宵旰亟清問市兒

搯腕連翩來陳言紙上盡芻狗此曹駟僧非周材

嗚呼神禹世不作築室道謀誠難哉

煥乎雲漢何昭回光被草木榮江淮破格用賢

陛下聖連車倒載鄒與枚日王振旅奏大愷我亦

饒唱驚風雷斯文崔蔡或見許懷瑾欲獻羞無媒

菰蘆昂首會一躍仰看詆蕩天門開

今辰霽色何佳哉宿雲解駁青天開薦紅菱盡森

翠葆漸逼景物趨恢台經旬不火子桑扈有眼幾
見樽與壺咄嗟人事合齟齬側望天意仍周迴商
丘中丞知我者曷不垂手援 蒿萊

補吳趨吟二首

讀邵青門吳趨吟八首砭世勵俗深中吳儂之
病予當再至吳所見有槩於中者暇日補成二
首并寄青門先生俾附原詩之後雖辭意不逮
庸備輶軒之採擇或有取爾

幼伶

鬢髻束髮兒白皙乃無比疎疎看眼好粲粲脣齒

法華寺詩選卷十

五

美五歲教識字從師按宮徵手口兼授受辛苦肆

鞭箠技成鄰里賀父母爲色喜挾之走四方飄然

離桑梓登場傳粉墨當筵矜爪背參軍與老鸛覲

顏不知恥本心漸放失垂老悔莫徒先王分四民

農工商賈士各各有常業服習自幼始所以風俗

完淳悶臻上理梨園肇李唐近代益波靡吳儂賈

成習比閭莫訾毀生兒教義方畧獲陷童穉隸籍

儕教坊編戶弗與齒若爲急謀生所獲寧有幾輪

輿與梓匠執一亦足恃或云此有由豪門及王邸

千金裝傀儡樂部購聲伎豈忍捐骨肉乃爲重賁

餌上好下必甚此論誠近理愚氓固難喻陋俗會
應洗何當設厲禁是用勗君子

濫刻

結繩既已遠書契日以煩竹素事鈔謄厥力亦孔
艱刊本始石晉九經方流傳踵事製彌精累朝蓋
相沿濫觴遂橫流未若今代然白頭老講師橫身
踞坵壇餘唾拾朱程口舌如瀾翻移時變黑白其
言浩無端亦有狡獪子操觚肆譏彈假此立名譽
捷徑躋清班翩翩寡學徒聲韻粗能諳行卷如束
筍贈送多厚顏紛紜逮百家媒聚至稗官奸賈競

李季詩選卷五

五

牟利各各爭雕鐫此事江南盛此風吳會繁薰蕕
誰能判梨棗抑何冤真堪剡谿弔翻思蕪秦燭我
欲血面請拔本塞其源六經暨子史日月懸不刊
其餘悉禁止一切從焚芟息邪而放淫庶爲聖道
開衆喙一朝靜正始徐自還惜權不我有伊誰砥
狂瀾

石頭城

清溪屈曲水滌洄落日孤城景倩
袁榮字哀道是石
頭偏易壞齊臺纔建又梁臺

真州資福寺秋日雜詩八首 選二

五嶽起方寸崑崙中不寬一笑姑置之掉臂尋古
歡發篋得騷經其言多煩冤荃不諒予誠虎豹守
九關惓惓睇宗國隕身向清瀾文人妨九命今古
同一觀而我抱寸心無因獻王前太息復太息掩
卷增長歎

銅鉦落西崦玉盤吐東嶺踴躍得佳觀是最愈我
病滿盈期之常金行獨也正中天彌皎潔一碧萬
里淨素心固如此孤懷皓相映鄰鐘寂不譁迢爾
發高詠

詠物六首 有序
選五

李季詩選卷五

五

卯之役戰北歸里杜門卻掃同巷二三親昵憐
而食我遞爲暖寒之會每集必是數者偕以賤
而易辦也飲啖之暇各系以言頌其功德焉詩
不云乎蓋優哉游哉聊以卒歲

腐羹

方法淮南得黎祁煮白盤諸君須及熟
向史王敬則曰畢須及熟
物最驅寒佐喜蓴絲滑調宜茵醅酸腐儒名字好
品壓巨源單
袁巨源有食單

醉蟹

入甕應知苦鋪糟亦太狂似卿真大醉
用晉武帝語惟爾

信無腸支解琉璃脆膏凝琥珀光微生耐咀嚼爲

試長公方

坡公老饕賦蟹微糟而帶生

醃菹

月令因時蓄冬菹戒早醃朋來堪立辦食盡得頻添極嫩無妨淡微酸也自甜從教三百甕吾道在藿鹽

火米

俗曰炒米

豈異羣兒嗜盤堆焦穀芽乾饌吾不憾火米浪爭誇火米見后山叢談簡便刪七箸鏗鏘奏齒牙談深飢可療拾封去每煎茶

炒豆

一頃南山下離離不外求種甘分虎爪豆名實小媿雞頭賭酒枚爭數上聽歌粒暗投髯蘇空憶女良約幾曾酬坡公與卿人書有瓜子炒豆之約

明皇按樂圖

仙期方響野狐笙羯鼓聲低衆樂鳴畫裏阿瞞橫醉眼爾時原不識真卿明皇開元與卿起兵入援嘆曰朕不識真卿爲何如人

徒步歸行

吳陵十日大雨雪船道不通步道絕古樂府話歲晏有客思當歸縮地無術輪蹄稀城中黃生交我舊識

吻裂脣乾濟不得出門長謠行路難那辭泥淖爭

蹣跚短後雙纏皮作袴手挽馬撾首前路吁嗟乎

少陵徒步且可憐我曹子休問天

我兄在前我僕後雙蛇相憐驅蛭負河廣冰薄光玻璃橋危徑仄愁顛擠小兒解事誇捷足疾走衝風比健犢道逢誰何垂車帷狐白被體冠如箕冠如箕者向我笑我謂雲泥事難料吁嗟乎丈夫失意方道塗區區未足分賢愚

江左十五子詩選卷十

江左十五子詩選卷十

先

江左十五子詩選卷十一目次

商丘宋 犖牧仲選

毗陵邵長蘅子湘訂
商丘宋 筠蘭揮校

蔣廷錫

題小顛墨竹

表忠觀

讀漢書八首

送陶子師任昌化

華山紀遊一百韻

蝨斯

甲戌除夕

續古詩十首

同孫子逸王彤文星來兄遊金山寺十首

選一

家釀葡萄酒熟邀諸兄弟共嘗卽座成絕

句四首寄懷大兄

選一

南朝四首

選二

自三月至五月連雨不絕因用皮日休吳

中苦雨一百韻簡星來兄

六荒詩六首

選四

蒼荒
荳荒

麥荒
柴荒

長至日嚴寶成病有起色恐其復以飢寒
亂心故作此以相戒且歸之參同悟真
之旨庶除其妄而返乎真也

題許陽谷秋樹軒 暖簾

北酒和孫太史松坪

炙研和張同學漢瞻

龍燈四首

選二

寄亭司業席上分賦三物三首

選一

石花魚

家園消夏八首 鬪茶

天未明

得邵甘來中州信感賦四律

選三

和子逸夜坐韻 題汪慎爲山水冊子

題席次韓閱耕小像二首

選一

讀甘來中州詩感賦

看梅十絕句

有序
選一

用東坡韻記庭中花木四首

選一

和海棠

雪後集湯西涯先生寓以林疎露山雪爲

韻五首

選二

題楊晚研先生所藏陳仲美筍竹孔雀圖
題許不棄霹靂岩 涿州

琉璃河 白溝河

曉發張夏

西城晚步用姪洞韻寄懷雨亭

題畫馬賀甘來浴兒

正月廿七日舟泊虎丘示溧陽費文友毗

陵趙侯亦兩同年四首 選三

留李牟山查山讀書

汲惠泉烹茶用東坡焦千之求惠山泉韻

金山訪桐臯上人用東坡金山妙高臺韻

遊金山用東坡韻

射圃詩和劉海觀明府

露筋廟

庚辰南歸值河水泛濫淮泗居民漂溺奔

波濁浪與雉堞等今年再過河流已復

故道兩岸桑麻鬱然屋廬相望慶河復

之有時幸生民之得食爲賦長句三首

宿三岔口

宿白洋河風浪忽起舟震蕩不得寢夜半

風息早帆至宿遷

題畫竹

二蟲詩

蒼蠅

立秋日作二首 選一

中秋三更見月用子由寄東坡韻奉懷雨

亭時雨亭在徐州

綿津先生以東坡生日懸其圖像陳其詩

文率吳之士拜而祭之廷錫以冰合不

得隨羣賢之末敬賦短章紀事

江左十五子詩選卷十一目次

江左十五子詩選卷十一

蔣廷錫

揚孫常熟人著有青桐秋風片雲諸集

題小顛墨竹

畫竹不如真竹真枝葉易似難得神風晴雨露皆有意子瞻與可無其人去歲闢地栽新竹枝葉離披覆茅屋竹梢枯勁竿清瘦久久可以醫吾俗昨夜雨過月上時壁上掩映青青枝張子對之無一語淋漓潑墨發昇思淡煙輕霧筆底生枝枝盡帶風雨聲移向乾明寺中挂壁石好撰張顛名

表忠觀

江左十五子詩選卷十一

流離五季偏干戈草竊英雄幸遇多一角國分唐土地百年廟共宋山河凌煙閣上功臣像衣錦營中駟馬歌爲問販鹽爲盜日仲謀曾許較如何

讀漢書八首

選二

秦坡宮闕鬱相望六國亡時秦也亡却賴項王三
月火漢家始得守咸陽
當年楚漢決雌雄俎上杯羹幸爾翁置酒未央稱
壽日如何獨少一侯公

送陶子師任昌化

厓州圖畫便悽然況復窮荒在日邊道險不知山

水趣法寬猶用宋元錢高廉瓊三處皆用古錢丁卯歲制督吳公請行錢法而古錢盡廢然瓊州海外至今未格也月明黃木灣頭驛人語紅蕉花畔船只有一
端廉吏計木棉花發省裝綿

華山紀遊一百韻

立秋後七日六月月下弦好奇興不淺冒暑遊華
山去山三四里已無人世喧古木動微風泉聲和
潺湲蒼翠轟然起疑謂不可攀路人笑相指路在
山之彎手攜短竹杖步隨西溪灣遙過青松道暫
憩白石灘山徑一線出屈曲蛟螭蟠譬如壁腹開
人行於其間山根列大石石面千人寬上鑿雲梯
字云是第一巖路傍有古廟歲久無局關薜荔滿
階生苔絲若垂鬟荒涼空後殿頽壞虛前軒庭中
兩大樹枝幹交相延自茲捨籃輿再休綠陰邊舉
首看鳥道盤折通山顛山身無撮土松柏瘦以堅
雜樹亂無行鬱鬱何芊芊不憚山險阻但覺興勃
焉匍匐四十級高下皆折旋泉勢陟漸橫橫流白
雪翻澗中堆亂石大小如峰巒偏側入幽谷路窮
疑仙源須臾忽平坦天地明豁然行行四五里漸
覺升雲煙回首來時路微茫猶能辨綠野樹如薺
耳目空秦原涇渭細不見華陰小於拳山坳架臺

殿風鈴鳴四端借石起基趾隨澗縈欄杆鑾櫺與
梁棟粲爛莊嚴觀石柱盤虬龍鱗甲金碧繁云昔
宋希夷此地蛻骨仙神仙畱遺跡雷電擊石穿希夷
峽壁立萬仞其石中虛土人云希夷
仙去日爲雷所擊即希夷處也殿坐希夷像敷座坐聳
肩身被破布袍雙髻挽華髮挺然得道容既和而
且嚴我來抖塵衣再拜冰雪顏次至二上方有大上方小上方
方東西聞旃檀牽索踏層雲躡足登瑤筵瞻仰自
在相蓮座黃金鈿日月不到處一燈晝夜燃龍女
舞婆娑僧伽執幢幡白象獅子吼口舌張血殷或
挽作螺髻或帶七寶冠無定現色空如入施祇園

江子季詩選卷一

三

舍利子展轉神光明金丹僧言佛家寶可証功德
圓簷牕對瀑布倒掛深潭寒聲與清磬并琅琅亦
珊珊是時日正中嚶嚶鳴秋蟬涼風起戶內山氣
當牕前日光與樹色相射增鮮妍怡然心志樂一
坐懶欲眠牕北叢竹林低昂輝媚野花開石罅
蛺蝶時翾翾仙草不識名茸茸夾道蕃山果可療
飢味同棠梨酸下卽靈官殿殿前掛紙錢此邦有
水旱邑宰修蘋蘩上有三元宮宮在西北偏芬馥
燒衆香清淨絕葷膾路險無人跡蒼苔點花牋大
石疊六七危立欹且剝已過高峰頭又臨不測淵

水深冷欲冰汲飲不敢看雲從石下生風向天上
搏侵膚欲潤體薄人疑飛鳶雙雙南北峰峰峰若
劍攢仰首白雲裏驚看尺五天黃河何滔滔白日
何團團衆山幾魂蟲如地置彈丸終南佳氣勝唯
見青漫漫倏忽日已斜落下黃金盤雙澗白如練
東西聞潺潺轉折山上下周迴流玉環平鋪爲慢
流激石作奔湍尋源青柯屏滴瀝蛟龍涎捫蘿緣
絕壁如歎登高難上如刺天鳥下如飲澗猿遙望
中峰頂拄天高竹竿跛羊不可上我豈能攀援上
有百尺峽水勢瀉清瀾聞名而已矣險絕非人寰

江子季詩選卷一

四

又有千尺牀狹如方寸輒仄立半壁上下虛萬仞
懸東南一峰立峰形可坐禪謂云號蓮花史冊古
所傳韓愈痛哭處至今草綿綿不知羽化士幾許
登仙玄松下茯苓藥山中芝木田往往明月夜時
聞黃鶴言傍有玉女峰窈窕顏色鮮藜樹凝綠雲
異花驚紅蓮玉女峰有花紅色極大詢之土人亦不知名也華山多名境周覽力
已殫行賦歸去來耳目仍畱連問跡不能到探索
益自慚願假我閒身此中住十年

蝨斯

窮冬無大雪三月無陰雨旱氣產蝨斯戢戢遍禾

忝一日父生子三日子如父四日子復生五日孫
見祖蠶食田中苗啜喋壟上稔藉此民命本充彼
空虛肚葉盡本亦枯本枯窮民苦窮民苦聲騰上
干天之怒降下千萬鳥一鳥啄無數蠡斯蠡斯爾
食農之力食盡農力猶謂謂孰知天道有反覆老
鴉小雀羣食汝

甲戌除夕

閒過流光實可憐半生狼籍舊山川灞橋風雨畱
殘跡瓜步雲煙憶渡船庾信聲名枯樹賦賈生經
濟治安篇此情已作今宵夢細數更籌待隔年

續古詩十首

怒焉心如擣悲哉遠行役辭家別妻子去去黃沙
磧九州百萬家豈無行路客而此何酸辛路長日
又迫一宵魂夢通千里音容隔南北分兩地素心
終不易寧爲連理枝莫作山頭石

思婦何悲歎言念洛與京京洛多芳樹蕩子難爲
情憶昔別君日秋爽江水清素心誓有日不願要
君盟妾心似江水君意如浮萍浮萍雖汎汎猶逐
江水生微風動羅綺好鳥鳴數聲君當歡宴會賤
妾含酸辛

松蘿良有托葛蔓亦有依丘中一貧士四海無所
歸日飲澗中水朝採山上薇天寒水結冰年深薇
漸稀浩吟悲哉行君子其庶幾遊魚躍池樂苑馬
騰壚肥豈知鴻鵠志不逐燕雀飛

冰薄玉壺清絃急朱絲直可憐毫髮瑕丘山無由
識團扇感君恩涼風情愛息狐腋重千金夏日不
可飾春風桃李貌秋霽芙蓉色萬物成者退天道
惡盈極

娉婷空村女窈窕顏如玉十年不得字熒熒抱幽
獨秋風吹羅幃庭草黃以綠蟋蟀鳴階除飛蛾拂

暗燭良日豈無媒恩情恐反覆顧彼邯鄲女能唱
新翻曲一唱感君心再唱迴君目三唱君愛深後

宮先斥逐
明月何皎潔涼風何霏微照我杯中酒拂我身上

衣我衣亦已敝我酒猶滿卮停杯不能語中心有
所思太行路險阻驚馬安得馳大海足波濤舟楫
無從維西方有美人三年與我期願爲楊柳花到
處隨風吹

騎射并州兒輕肥相馳逐草淺獸正肥弓和手還
熟羽毛落風雨驚駭罾網觸狐兔走無遺鳥雀死

相續人樂歡已愜馬怒驕未伏一朝羽檄飛邊城
寇反覆軍行點有名帶劍據鞍哭

青青園中葵傾吐向日心下有沒徑草上有喬松
林悠然思我友託彼以斷金離別異今昔有懷不
得陳懷哉復懷哉撫我高山琴

家寒憐范叔陰謀異陳平十五誦詩書三十無所
成廣川容細流聲氣溢羣英半生已淪落一歲住
咸京咸京興亡地懷古多悲情信美非我土還望
闔閭城歸來面目黑見者頻相驚不如枝上鳥常
作故鄉聲

上平聲詩選卷上

七

纖雲西北起須臾天地黑狂風與之俱雲厚風性
直人行急欲仆白日倏西匿吹折壠上麻落盡園
中色雲散風之功雲來風有力嗟哉爾風意不爲
羣動息

同孫子逸王彤文星來兄遊金山寺十首

振衣直上雷雲處上有雷雲景盡江天一覽中匝山

形迴北固瀟騰潮勢卷南風斜陽鳥背飛天外雙
塔鈴聲語半空聞說江干饒月色煙波輪卻釣魚
翁

家釀葡萄酒熟邀諸兄弟共嘗卽座成絕句

四首寄懷大兄

選一

近有新詩寄子由十年風雨意悠悠京師麴蘖無
佳味聊比青州是易州京師惟易州可飲

南朝四首

選二

秦淮流水去無情含露妖姬出後庭百幅錦帆楊
柳月陳宮未悟曉鶯聲

望仙閣上捲瓊鈎鐵鎖橫江那用愁回首降幡颺
一片又教阿麼送揚州

自三月至五月連雨不絕因用皮日休吳中
苦雨一百韻簡星來兄

上平聲詩選卷上

八

澤國多水田區畝界滄瀆三江足灌溉不慮陂池
漉年來瞻四方所騁靡蹙蹙糠粃戒膏粱頽塌悲
夏屋去歲見妖異寒雷鳴穀穀中夜發浩歎農事
念唯谷窮冬行春令陽氣未收伏荒歉災已形難
爲掩邊幅憂心日擾擾飄搖風中燾陽極反於陰
旄頭占西陸星象占旄頭白則多大水開春便大雪雪花手掌撲
嚴寒入骨髓中之如中鏃吾邑一彈丸蝸角寄蠻
觸地卑水尾閭雨過河飛瀑那堪會蛟龍野戰閃
電目汨流日涓涓破穀又喪輻輻謂漕流不運不
寒穀說破矣又喪其輻懷
襄勢可懼如在澤中宿春麥化飛蛾萬姓命已戮

天公意未闌入夏轉兢兢屏翳閉天關豐隆迴地
軸塗巷變溝坑波濤平旱麓空庭過傾盆繼之以
霹靂棲鳥濕不下枝頭翅相築陰暄入穴藏魚殣
濺沫綠須更黑雲合蚊蚋飛躋踞屋中濕氣蒸柱
礎潤若沃堂內滑綠苔側行惴速趨開戶卽浩蕩
恍疑居船縮時聞家人語飢寒痛咻喚咫尺隔雨
絕舉足如物錫逢庚始入梅遇壬梅已熟素壁生
白菌閒牕閉莎菰高樹落破巢荒原漂木橫船從
橋上行蛙入釜中浴悲哉絳縣老同此泥塗辱浸
竈未能炊漉米空勞奠沃土等不毛楊墨何楚楚
乍瞻寸日光幽都見龍燭人居負郭者張網候鮪
鰕使令魚作鱠安能勝糜肉山柴頓增價百錢易
一束一束無五斤炊鍋猶不足崩頽空牆壁淋漓
遍箱簾布袍遭敗黥黑白變偏聚筋骨病解散手
足疾癰痲炎蒸蘊肺腑四體渾如木田中秧已盡
敢望迎露粟曲突無青煙飢鳥啄空鎔十里九里
水十家九家哭井稅供長官斗儲仰田僕帝閭無
從叩憂懷來簇簇木頭驗點土八極雨態蓄滴瀝
來樹頭庭階翻白醖高原作平澤傷麥復殺菽安
得反陽侯招魂設羹臙豈是飛廉車磔裂不可服

李季詩集卷一

九

願提精陽劍兼學驅雷錄白日掛銅鉦明月懸空
玉夜臥聽霆霖寸中愁萬斛心期破雲翳夢作高
飛鵠曉起辨陰晴屋頭鳩婦逐白晝忽如夜林木
爲潤黷嗟予陋巷中蠅處而蝟縮雖不減三餐閉
門亦窮蹶懸灰未可信蟻穴聊以卜天道十則極
陰陽有反覆竹逕壓離披新枝競拊扑石髮長牆
隈蝸牛出樹腹浸潤黑書縫滴漏侵牀褥對酒不
能飲彈棊不終局因懷陸先生斗室雙膝促世途
遇更窮吾道信彌篤浩吟興非淺短句和長曲遊
刃驚恢恢竭思歎翬翬漢書關羽數刻之思三年附吟社
詩箋頻往復遺音繼魏晉竹枝愧巴濮心志既同
好本支復同族我兄亦我師君唱我還續詩學誇
家雞書法求野鷺星來兄詩成親求子適書之所嗟運數奇風月老
杜牧二句風雨阻春秋異蘭菊相隔雖參商遙望
如朧朧天紳詠簷雷山帶還相矚寄我水災詩苦
怨蒼蒼酷備詳生民慘微言可朗讀字字珠吞吐
聲聲金躑躅災害古所有未若今歲速重陰結不
散牛馬寒穀艱縣官急征供催科窮桎梏歲荒多
犯罪豈能恤盈獄小吏食民膏膏盡未逞欲可憐
天聽高有恨不可告昔羨多田富今覺無田福民

李季詩集卷一

十

命已亡羊人心癡得鹿獨我與先生唯宜飲醪醑
爐中焚艾葉鼎內煮菖歎南方多濕病足疲手指
瘰况當蠱粟災安望生野穀謂吟苦雨詩飽餐休
笑溥明歲腹應枵煩君設豆粥

六荒詩六首 選四

蠶荒

吳民事蠶絲燥濕惟時候今年三月前霰霖潤土
厚蠶婦欣相告可保蠶有收有綿白如雪有絲細
如縷曛風護蠶子子出衆且驟一線黑如鍼初眠
已昂首婦姑理筐篋父子晝夜守誰知連旬雨桑
枝爛若蹂重陰錮微陽葉葉皮縮皺水氣毒中蠶
蠶死首相湊蠶婦長歎泣天公何訛謬訛謬勿復
道相約毀絲扣

麥荒

春秋輕他穀無麥則書之所以古帝王勸種毋失
時百穀最先登乏食唯賴茲每讀爾雅註麥者繼
絕詞太陰傷首種常使農人飢油油數千頃空爛
靡有遺大麥既淹死小麥亦披離誰借霹靂車收
之入地祇農夫束手待野老吞聲悲一雨千萬淚
天公胡不知

荳荒

西北多高田種花亦種荳夏至二十日播植唯其
候刈草復治穢深耕還淺耨疎根欲其乾糞土欲
其厚望英成二七不先亦不後呂野齋時之荳其英二七為族誰知入
五月雨下大且驟荳苗未盈寸披靡倒若蹂水浸
及濕蒸空敗不可救綿連勢更甚長草如長寇屏
水修復盈築岸旋已仆浩歌南山詩酌酒聊自酬

柴荒

庭中多草萊階下多松竹朝取炊晨餐夜拾煮夜
粥松竹易以盡草萊生不足朝持千錢去暮還易
一東濕重不可燒漉米不能熟八口望曲突嗷嗷
笑枵腹前月山中行山木猶簇簇今從山下過遙
望山尖禿農民無以爨焚卻水車軸田事更無望
拆屋入城鬻鬻之富貴家可以爛魚肉

長至日嚴寶成病有起色恐其復以飢寒亂
心故作此以相戒且歸之參同悟真之旨庶
除其妄而返乎真也

冬灰應律發地軫蟄蟲伏獸思蠢蠢君疾有喜已
勿藥細看面目相表診與君歡喜為君戒惡石由
來勝美疾古人去疾如芟草草根不拔疾不盡文

章得失竟何益搜滌曲腸琢肝腎龍門浪起千丈
高都半蛟螭與螻蛄胡爲大好欲誰問人怪何如
得人晒長安戶口百萬家是處號啼嗟可憫甑中
有米身有袴溫飽何言客況窘設令飢寒能困人
飢寒且爲性命忍貧賤從來我輩常丈夫豈得終
哇吟君能排決兩般愁譬如籠馬脫羈勒會看黃
色散眉間行見紅光生額準更爲君進養生說願
君細究勿矛盾形骸筋骨本朽物三十六節氣相
引自泥丸至尾闕凡三十六節其間呼吸似橐籥不死之門在玄牝
玄牝逆入黃庭中朱衣人閉玉關緊見聞總屬希

李詩選卷上

上

題許陽谷秋樹軒

秋樹冷落如幽人羞與草木共行伍幽人本與秋
有素招邀落葉滿庭戶盤坳曲節起山連擁腫根
株伏瓜窳號風夜半潮奔騰吟雨朝來琴搏拊旁
有東陽老屋基規模不敢比堂宇遂以秋樹名其
軒負米讀書懷杜甫東陽眼力窮天真邈逾布地
坐交股蹶然一笑忘我身木葉離披日正午銅山
秋茶初發香蟹眼煎成發新乳閉門詠嘯秋樹根

收攬秋光得十五四時平分日月運東陽與秋亦
何取紛紜桃李不關心秋樹幽人作賓主

暖簾

天地倏閉塞峭勁風頭尖入戶刺人骨快如戈戟
鉅富家設繡幕一幕用十縑貧家買麤布一布置
一簾隨手截長短規戶裁稜廉合以麻與線裹以
艾與葉寒威塞北向暖意生南欄野馬積堦砌名
香閉銅匳研滴膠遲遲爐火消漸漸埽室具酒盞
拂几排書籤有客入門來水花結髭髯天街跼蹐
路衫袖黃塵黏寒幃忽自失顧乃爭豪纖皺手旋
不龜彊舌頓發箝儼若施瓊帳何異垂車幃雖非
同昌比亦足除凝嚴珠箔冷寂寂絳幃輕檐檐不
如兩幅素可爲我覆苦因思布簾力坐使風性恬
慎勿出門去雨雪悲靡瞻

北酒和孫太史松坪

人情渺難合物理不可仗所好有時棄所惡有時
賞嗟予本南客今爲北酒黨是豈性所甘抑亦習
所強憶初來京師時遇朋酒饗味或苦如茶氣或
臭于齋十分未接唇半盞猶置掌道傍逢麴車斤
之同糞環恍然蘇州味喉舌猶可想謹謝叟盞謹

對案空怏怏居處未一月酒腸發悶癢論杯限分
數斷瓶買斤兩初如疾飲藥漸若飢食椽支體動
條達血脉活俯仰始歎功力倍反覺氣味爽迎來
樂融融絕去憂養養王績酒品中北酒當爲上新
州多美醞其法不足做適口忘正味嗜好異疇曩
土窟與石凍遂得相標榜焦革有釀譜杜康有遺
象嗟酒遇何偏笑予言之獎北酒未知感南酒已
稱枉稱枉勿復道陶然醉蒼莽

炙研和張同學漢瞻

石硯在端溪曾未經太陽嗟此本冷物安能爲熱
腸寒風吹書幌几案一尺僵磨墨似擁雪掃筆如
拂霜謂宜求野火幻出得熱方鐵架排四足熾炭
安中央要使上下間其氣兩相將案間寒氣弱爐
內火力強不愁攻太過惟慮灰或揚墨花春散煖
松麝輕浮香堅冰化凝滴金斗融寒漿但令筆頭
潤寧顧石質傷羊肝燒已黑蕉葉炙漸黃可憐文
翰間頓作水火場

龍燈四首 選二

鼓聲喧處一條紅頭角玲瓏面面通可惜此中如
許大攀鱗都是小兒童

千點燈光十丈身一燈還照一龍鱗饒渠遍體黃
金色未必飛騰負得人

寄亭司業席上分賦三物三首 選一

石花魚 得錫字

石峽開天門峭崖削兩壁 鷹案嶺之下名曰天門石花魚所出處也見保德州志 山形
束水勢水石相排擊排擊非一朝青苔生的的年
深苔剝落橫波競蕩滌中有三尺鯉逆流翻霹靂
目爲泥所昏鯉爲浪所激龍門一戰退湖海千里
逃困鱗未得蘇空腹愁已怒河流瀉地來石花浮
泮泮既不變頭角但願得飽喫游泳隨上下唯食

所從適喁喁漸活動尾鬣光的樂方向濁波藏豈
意漁人覲那知浩蕩中無處避鋒鏑京師貴方味
凡品同瓦礫欲嘗一嚙美不惜十金覓往還數日
間形質未轉轍赤尾出青藍寒冰凍玉漚提攜入
庖厨馨香薦鼎鬲作膾千片飛落刀一聲砧肥美
少熊掌鬆脆異脾析入脣肉已化點案脂欲滴味
厚勝鼈羹色輕等粉錫還愁食易盡骨肉爭剝剔
衆言席上珍我爲枯魚感美物難終年不見彼社
櫟

家園消夏八首

荒畦種蠶荳小圃栽蘿蒿長荳莢大摘採寧辭
勞驅愁似避瘧尋樂如追逃緬懷一畝宮猶是先
人膏一時功名意于我吹鴻毛清晨石上立爽氣
西山高

會意不在遠偶吟興自適松花綴黃玉香氣發蒸
栗落粉如飯煮不向道人乞靜觀草木趣閒得魚
鳥逸看月有隙地琴彈有壤室世事比獅子解弄
得六出來日苦尚多得失那可必

閒行西山麓殘陽沒牛背山石亂犖犖微逕訪陸
父讀文謂畏之也五經欣有對碩人幸參會時子畏之玄對齊遇相靈先生新義

注李詩選卷十一

十一

汲廢井玄言破累魂斐然君子文弼中而彪外瑟
瑟玉塵風披靡草蔚蒼相別復廿日斯景猶好在
畏之往郡湘靈先生亦去鄉下相期秋風來吳江煮鱸膾

舊年栽新竹今年竹無數綠閉北牕紗空庭聽鳥
語南軒傍水開擎荷盡軒舉跳魚躍水珠荷葉瀉
幾縷一陣葉戰風交加互撐拄池邊看水痕已減
昨日雨昨日誰家池掘藕盈筐宮粉股濯清泉玉
段埋泥土安得大如船仙人不我許

草長塞三徑芟拔爲鉏荒獨畱蜀葵花紅白遙相
望綠蘿深窈窕高松倚青蒼雖無向日心而得枝

葉昌庭前堆亂石橫臥如羣羊還疑身入羣對石
兩相忘

茅屋架三間器皿不礪斲蓬頭兩奴子執事亦端
慤磨墨請我書落筆重隕霄臂強指節酸性鈍不
能學風雲變三朶筆勢搖五岳秦碑辨難認點畫
奇駁犖回頭顧奴子自覺其形渥不看千里駒三
日見頭角

出戶如出境到家如到邨風來荳棚下月上西南
垣自從居此舍已見桐生孫深慙宅相兆終汗通
德門余所居外王父本之公舊宅也緬懷五舅氏二歿惟三存滄桑世

注李詩選卷十一

十一

變易未免嗟壺餐壺餐亦幾何有恨不得論我身
幸不死我將告我昆

惘惘出門去歸家已一年家人不我誚畱我沽酒
錢蘇生雖不遇猶有負郭田窮達一由命何事悲
青氈麴中論清濁杯底分聖賢富貴會有時食客
當三千

關茶

綠暗新門雨筐簾摘葉柔全憑茶博士差遣酪蒼
頭文火輕如篆長泉活似油紅砂新水硃去聲白定
小磁甌蟾背翻旋沫魚珠躍亂漚松風雲影散花

氣雪光浮陽羨春還嫩鴉山色更優一旗開雨腋
三碗潤枯喉洗器香猶在看痕水未收建安關茶以水
痕先沒者爲貴
久者性清元易汗種別各相讐隨口分高下從人
道好不每因烹汲惡常爲葉嘉羞

天未明

星稀月出天未明室中蚊市歌嘲轟呼僮點起松
明火火光燭戶蒼蠅驚蚊兒拂面蠅觸紙一時噉
譟無數聲竹牀颯颯鼯鼠過空庭拍拍蝠燕爭咻
喙叫嘯老鴉語籬邊斷續蟋蟀鳴此聲聒耳皆惡
境使我臥立心怛怛急撲滅火倒頭睡白日上腹

松風清

辛未年詩選卷十

十九

得邵甘來中州信感賦四律 選三

南薰坊下送征塵又是昆明一劫新老大幾時猶
作客去留無主強依人煮茶石上龍團熟醒酒臺
邊土窟春若是使君知此趣風流還稱對佳賓
昔年郊野逐行旌馬上風煙今古情枯木遠當人
面立白雲低向屋頭生召陵地僻初無縣博浪沙
橫舊有城零落雄圖同悵望驛亭爲我覓題名
景物雖佳詠式微好將拂水浣征衣波晴南浦菱
初老風起吳江鱸正肥得雨蜻蜓離甲去辭巢燕

子背人飛相如坐右非枚叟謾戀梁園不早歸

和子逸夜坐韻

蘋末風生白葛輕小庭景物又秋聲相看酒戶隨
年減賸有詩懷入夜清荷葉翻時珠露瀉荳花香
處亂蛩鳴桐軒莫謂無多地一片寬閒江海情

題汪慎爲山水冊子

山水畫神不畫骨紛紛畫匠何足數天地設景本
奇怪世人卻以寸管分規矩株呈豆算雖無疵玅
趣已失十之五五日一水十日山作者毋乃用心
苦君看張旭醉後作草書以頭當筆墨當土此時

辛未年詩選卷十

辛

豈暇分妍媸唯覺驚蛇翥鳳字畫舞慎爲先生亦
是張顛徒身名一醉付莽鹵醉鄉別自有天地奇
景重掩在肺腑蒼蒼世界悉包舉渺渺煙霞恣吞
吐精神一片墨灑出生成泉石無劍補小松幾寸
千尺風煙樹幾叢百里雨硯頭靈鷲自飛來海面
金鰲失左股余雖不畫喜論畫今觀君畫決吾瞽
想見大醉潑墨時有如牛飲氣一鼓所恨平生未
識面得見畫古如貌古吁嗟斯人斯畫不可得收
入郭熙林泉高致譜

題席次韓閣耕小像二首 選一

夜雨平明漲一犁綠楊如綫稻如蕺此中應有詩
人住草屋三間似灤西

讀甘來中州詩感賦

東京遺跡昔曾過有客新成五噫歌芳草路隅看
寶玦荒荆宮外指銅駝傷心世事相吻沫轉瞬流
年共剗那當日歡娛今日淚平生趙李竟如何

看梅十絕句

有序
選一

去年家大兄移老梅百樹植于丙舍之傍今春
花發時與星來兄徘徊其下一樹一態一花一
香雖悅目無多而廣平所擬議亦庶幾備其情

辛辛詩選卷一

主

狀矣鄧尉之千株萬樹苟非吾有奚足賞哉正
月廿二日書于木瀆舟次

橫列春山翠帳開幾株相映白皚皚輕煙未散月
未上放鶴亭邊雪欲來

用東坡韻記庭中花木四首

選一

和海棠

庭荒地僻無嘉木海棠一樹抱幽獨花枝半落主
人來應令名花笑人俗碧雞坊裏錦作堆燕王宮
下艷成谷花胡不向此中開卻弄春光覆茅屋慚
無高燭照紅粧幸有頽垣遮粉肉殘枝畱得烟霧

微嬌態可憐風雨足花前偶坐轉淒涼月下重來
更清淑主人從此看殷勤還餐落蕊撐空腹譬如
北人不識笋長鐺大釜煮枯竹翻恨開時不來看
如今落去空瞪目憶得前年海棠院猩紅十樹如
西蜀今年又見江南春雪中爪印看鴻鵠此花棄
置賞者誰聽我花開花謝曲倒頭醉臥海棠根
外靈犀同背觸

雪後集湯西涯先生寓以林疎露山雪爲韻

五首

選二

先生心尚遠詠懷綜琴書清遊步東觀曲宴旋直

辛辛詩選卷一

主

廬寒冰落修霤積雪飛空除門前車馬散庭畔煙
樹疎相攜不速客紅爐烹園蔬

出門燈火靜街明凍殘雪未覺吟肩寒應知酒腸
熱歸來立空庭月冷霜華結庭前枯竹竿蕭蕭歲
寒節

題楊晚研先生所藏陳仲美筍竹乳雀圖

古人寫意不寫形後人見畫如見真花竹翎毛小
枝耳此中妙理難遍臻鳴鳩乳燕寒不起玉堂素
壁挂好春兩枝綠竹抱粉節兩枝高筍干青雲霜
籜斑斕半落地低昂一雀閑且馴雛兒引領顧其

母舒張雙足行遠循老雀授意聳而立雀雛接食
翅轉伸誰其畫者陳仲美傳是至正能詩人以畫
作詩詩細膩以詩作畫畫入神至今三百有餘載
粉光墨氣常如新嗟予亦好弄顏色無奈見與兒
童親安知此種本天趣發揚英妙含精勾願借壁
根臥三日芒角洗我胸中塵

題許不器霹靂岩

朱欄路盡石壁出天閭決裂地垠坼羣峰俯伏列
兒孫乃翁高臥在百尺曹溪半角海上飛女媧餘
石紛騰擲仙人狡獪起羊羣誕說虛無落雁翻此

李詩選卷十

圭

石又從何處來強將名字鐫霹靂畫圖指點不分
明觀名思義難忖測清宵魂夢甚安適忽然寒風
吹肌骨闐闐雷聲震屋壁阿香掉車揮矢石冰雹
交加氣結轆轤汗浹背眠不得急起呼童疾磨墨
題詩爲謝高陽生莫作雷聲來恐嚇

涿州

遠樹微茫綴碧空范陽驛畔塔鈴風驚回驢背江
南夢恍似金山落照中

驛在涿州城南驛傍有浮圖即范成大詩屋頭白塔滿鈴風也

琉璃河

劉李河邊桃李稀行人猶未試春衣祥符空記乘

輶錄不見鴛鴦捉對飛

白溝河

安肅軍邊策馬過涓流如帶不爭多兩河已付耿
南仲卻要區區巨馬河

白溝河宋名巨馬河去安肅軍數里

曉發張夏

星殘月落樹茫茫溪水中分兩岸霜茅店忽聞鷄
再唱亂山缺處漏紅光

西城晚步用姪洞韻寄懷雨亭

井梧庭竹已秋風唯有登臨興未窮高閣三層煙
樹裏青山一角夕陽中幾行雁齒斜城界萬井魚

李詩選卷十

圭

鱗碧瓦叢眼力微茫天地濶兩湖如鏡漾晴空

題畫馬賀甘來浴兒

南人見船不見馬畫馬獨數東城徐

徐允平

奔塵嚼

草不一式風鬃霧鬣憑空虛吾從徐生得粉本皮
骨停勻蹄足穩耳尖卓立如竹披夾鏡雙瞳車轂

讀本
眼考工記

斑斕汗血千里駒天矯不受羈轡拘昂頭

奮尾老馬側撐肩摩癢相挪揄何從得來此位置
解意能通馬腹事聊將畫本試鈎臨白馬非馬亦
兒戲古推畫馬江都王五百年來猶寶藏書生筆
底少顏色卻令素絹忽生照夜光君不見龍池昨

夜飛霹靂王良星走十丈芒文殊獅子據地吼邵
家新得真乘黃

正月廿七日舟泊虎丘示溧陽費文友毗陵

趙侯赤雨同年四首 送三

兩年憂患抱艱辛還向昆明溯劫塵數仞牆邊悲
棘木三條燭下記楓宸夢中宮闕招殘魄眼底山
川認故身不是玉皇親判與祇應常作謫仙人
騰空野火歎如焚孤鼠憑依正聚羣天上有星皆
卷舌人間無日不斜曛魂歸雁蕩生春草鶴去遼
西隔暮雲惆悵史遷知已盡一篇貨殖是遺文

李辛詩選卷上

李

春雨如絲和涕零傷心數語夕陽亭漫天只仗修
羅掌入地還逢貫索星墮淚故人澆漢獄叫關新
鬼遶王庭淒涼陸氏荒莊在若箇門生爲勒銘

畱李半山查山讀書

公子休歸去查山可讀書湖光搖几席嵐翠接空
虛高閣有賢主 六浮主人
張嶺三 雲深卽敞廬 先人而舍在五雲
峰下去查山五里
而近相逢莫相訊欲語已欸歔

汲惠泉烹茶用東坡焦千之求惠山泉韻

平生喜茗飲常恨不滿腹所以水高下頗能辨類
族吾邑泉最多高道有井蓄翦菊與睢陽盈竭時

斷續沈亭出土穴味重如擊筑舜過發涓涓淡薄
苦迫蹙 高道在西山翦菊睢陽在
城內沈亭舜過在北山 自誇弄泉手諸品不可

瀆今來惠山下幻色澄空綠精光射玻璃寒氣結
水玉小杓自攜將大瓢付童僕夜瓶雪欲翻春甕
月可掬付之活火烹松風散芳馥蓬牕呷吾苦忽
報茶已熟快啜潤枯腸莫辭飲一斛

金山訪桐臯上人用東坡金山妙高臺韻

日暮乘輕橈來訪桐臯子風清水不波江面無二
里樓臺絢金碧相望咫尺耳江心一拳石蒼翠突
兀起迴廊四周曲山徑坦如砥師住妙高臺翰墨
淨牕几新詩抱冰雪朗誦漱牙齒神機觸箭鋒活
潑如江水愧予非坡公師寔了元是願師塞其數
無鑿混沌死

遊金山用東坡韻

天地不知幾許大唯覺眼力直到海迴頭北望古
都城六朝金粉依稀稀在山中精舍乞祇陀誰架飛
閣臨洪波 新造來鶴樓
側瞰江上 太平有象戰鼓歇海潮打石
鐘磬多燕子雙飛亂小楫 江船小者
名雙飛燕 夕陽掛帆江浴
日東南雲氣半天霞日光反射江心赤此景奇絕
動魂魄魚鷹出沒江豚黑須臾兩岸燈火明舟人

促歸波浪驚山僧相對不相識此中空洞元無物
七年兩度登此山乙亥三月同王
彤文登金山廊我耳目破我頑欲
歸餘興不可已舉盞更酌中冷水

射圃詩和劉海觀明府

余年十三四性狂喜擊劍旋轉若有神不容目睫
見氣競實旅剝服異短後賤時捍烏號弓亦彎
衛箭憶昔南陽城平原草方蒨丙寅春侍從先
大夫于南陽馬閑身
體輕縱轡樂澶漫草中伏狡兔急竄如避鍊人喧
馬亦驚耳立雙眼爛張弓擬滿月鳴鏑激奔電弦
合兔已摧取視兩腋貫氣矜顧盼雄能者亦欣歎

注李季詩選卷上

壬

歸來餉賓客仍作射兔讚稍長知折節言及輒顏
汗詩書架承塵鉛黃滿几案好尚與昔殊無異去
河漢儒冠銷壯心墨翰弱臂腕去年客京華向人
借款段猶嫌馬足疾恍忽易顛攬弓雖一石輕手
重五斤判居然文弱生永與弓馬斷先生大作手
何忽弄胡援毋乃有激云抑亦與世玩深慙先生
問棄功幸未半會當調軟弓從獵淺草畔

露筋廟

落日秦郵道淒涼貞女祠飛蚊三尺喙行露一篇
詩濁浪時飄瓦炎風自捲旗漫漫長夜恨畢竟少

人知

庚辰南歸值河水泛濫淮泗居民漂溺奔波
濁浪與雉堞等今年再過河流已復故道兩
岸桑麻鬱然屋廬相望慶河復之有時幸生
民之得食爲賦長句三首

一葉衝濤記去年清河城下水連天魚龍吹沫浮

蘆屋淮泗居人皆
編蘆作室鷗鷺凌波宿柳田近河荒地遍種楊
柳土人名曰柳田孤

子河邊無竹榭澶州橋上有行船齧堤溢野悲禾

黍恣食唯餘五斗鯁

今年水勢避城垣徙窟蛟螭不敢喧古戍空時看

麗譙注李季詩選卷上
河水發時多用河兵防守或二里三
里一置水復則十里二十里一置人家低處亦郊原

馬牛歷歷皆能辨衣帶盈盈好問源寄語河神莫

驕怒吾君側目屬黎元

治河從古乏良謀硯席書生動杞憂但說長茨堪

置石漢書注長茨即竹
葦所以引置土石可知濁浪易沈牛水痕約略餘

三阪奇計分明借一籌不是九重宵旰慮誰將

隻手障黃流

宿三岔口

安流發浩歌高岸半銜日火雲四脚垂遠樹青歷
歷須臾大星明光景動魂魄晴雲映河水黃流亦

澄碧忽然心地寬欲吞雲夢澤

宿白洋河風浪忽起舟震蕩不得寢夜半風息早帆至宿遷

炎雲忽破散黑浪吹天風檣竿颯然響篷索鳴笙鏞浪花動鱗甲彌覺此語工兩舟相摩擊未免震我躬惝恍百憂集此生真途窮甕底有餘酒急起觴十鍾酒乾風亦止穩夢還家中夢醒又何處帆掛鍾吾東

題畫竹

雞栖蜩縮蓬牕中炎風著體何熒熒吾家三徑有

注李詩集卷五

元

好風修竹千個綠雨濛濛毫染色寫兩叢一叢直竿凌霄空枝葉亂舞飛蒙茸一叢斜出偏向東竹竿曲屈如彎弓須知此意來虛冲蕭郎下筆將無同兩枝枯竹頭且童勁節中斷如截蔥高石矗起疑九峩石根亂草驚飛蓬坐玩不覺歌風風清涼沁心消蘊隆

二蟲詩

蒼蠅

蠅蟲化入土蠅族實蔓滋果然垂大腹說文蠅之腹者輕乃等忝索飛飛集糞壤營營遍九遠瞠然出兩目

香臭悉預知夏日宴賓客滿案堆甘飴主賓未下箸此物已朵頤或藏千金壁白潔逾瓊芝爾蠅來至止識者悲磷緇或能附驥尾遠致千里思或能窺御筆爲王宣綸絲或亦亂雞鳴再歌齊后詩或來賀及第八行媚所私死因嗜肉汁醉即投醕池鷹頭集固巧故紙鑽非癡適從何處來入戶披我帷不能碎豆擊輒欲拔劔追天公肆長養此意今我疑大鵬有兩翼何不撲殺之

蚊

晴天雷殷殷乃是蚊聚市勿謂一物微亦足傷吾

注李詩集卷五

三

體叶遊戲來東方中庭舞靡靡雄豪花鷹推骹髀宿鴨比喩爾入高堂翕然窺卑痺巧密綠紗廚拙悞隔羅綺軟則嚙皮膚硬即啄髓髀噬血聳高尻得意奮利背中宵發奇癢爬搔不可止起來桓桓擊漢書擊之桓桓僵仆滿牀第火攻意未快掌捫血染指主人雖被割汝亦狼藉死南海有蚊母江東有蚊樹叶朝吐復暮生爾族何時已有蚊不敢驅哀哉吳

孝子

立秋日作二首七月五日

天容清淨足秋光高棟層軒更覺涼狂叶預愁逢

壁蠟少陵七月六日詩微吟且自和糟牀東坡七月五日詩
每愁中夜自足蟻
注 糟牀 晚瓜最愛龍蹄熟新棗先嘗羊角香誰爲潘

郎感么膺纖絺輕簦正堪傷

中秋三更見月用子由寄東坡韻奉懷雨亭

時雨亭在徐州

三更吐月天宇高空庭竹柏明秋毫浮雲欲遮遮
不得劈開破絮推銀濤昔日彭城子由于愛看月
色坐秋水雲龍山頭千丈光隱隱黃樓笛聲起笛
聲愁絕落金丸彭城形勢黃河蟠築城捍水雷遺
跡城頭露落兄衣寒今夜何人臨古汴水光灑灑

五子詩選卷十一

五

魚龍變賓朋笑指白玉盤使君醉拍紅牙板前年
築堤如築山今年堤成山更堅應無驚濤蕩月魄
時得穩臥推篷看河邊看月月愈好如帶河流繞
秋草酒樓隱約望黃樓還似子由憶坡老酒樓李
白老更貧黃樓明月常照人每憶黃樓看月出身
是徐州門下客

綿津先生以東坡生日懸其圖像陳其詩文
率吳之士拜而祭之廷錫以冰合不得隨羣
賢之末敬賦短章紀事

歲在執徐月在丑風狂雪大寒氣陡晨興接得汪

子武書醉筆欹斜字難剖摩挲倦眼更瞪視知是

商丘公爲坡仙壽按得當年玉局文誕在嘉平月
十九風流雲散幾百年今得吾公追尚友高懸圖
像設詩文登堂而拜有某某西園勝事絕代無而
況此舉真希有飄飄白雪結玲瓏瑟瑟寒風更颼
颼鼓枻衝波興已飛一夜河冰遲下走鯁生無分
到梁園敢慕相如居客右還想羣賢竭濟蹠揮毫
奮筆爭先後恰如白戰聚星堂寸鐵不持唯素手
裁紅暈碧非我能天公無乃藏余醜感公此意三
歎息起爲坡仙九頓首山芋和作玉糝羹白水醲

五子詩選卷十一

五

成真一酒遙祝坡仙并祝公南山有栲北山杻

江左十五子詩選卷十一

江左十五子詩選卷十二目次

商丘宋 犖牧仲選

毘陵邵長蘅子湘訂

商丘宋韋金經一校

繆沅

遊北固山甘露寺觀山後一帶峭壁

歆帆石歌

楊子江

劍池再疊商丘公龍井茶韻

舟次玉峰偶感傳是樓往事三疊前韻

丘南是汪堯峰先生著書處

舟行雜詩用商丘公韋菴閒興韻三首 選二

荃華詩集

白龍潭上廢寺

青衣泉

登鳳山頂望錢唐江

靈隱寺

龕山望海

鏡湖放歌

晚游吼山

鮑山

題鼓山山下廢署

宿雲門寺

娥江舟次讀商丘公近詩偶有所觸輒成

斷句雜用滄浪卷中韻十七首 選四

野泛

菱溪道中

蠡山用商丘公丁卯橋韻

半月泉再疊前韻 西栗樹

蔬食後甚飽有作

塘西悼金介山呂山瀏

草堂酒熟侍家大人作

房中行

山雨乍霽由桃花澗歷天開岩觀禹碑望

最高峰慨然有出世之想

西溪大石

焦山僧葺山志初成索予題句因書卷尾

芽村

打麥詞

荃華詩集

采桑詞

射鴨詞

采茶詞

渡江疊集宮丈恕堂韻

小忽雷歌 有序

袁浦贈佟振北

淮陰詠古德州田公座上分賦

袁衛

陳登

蕭望之

枚乘

書德州田公黔南山水詩後十五首 選十

秋日廣陵雜興和商丘公八首 選二

前題和宋山言 選二

六境圖 有序

洗墨池

忘歸巖

路亭

鵲華秋色堂

煙江疊嶂堂

商丘公賑饑興化口占奉懷三首 選二

玉帶生歌

海陵舟次喜晤宋山言孝廉

齋居

草堂疊石初成贈李老

同舍弟甸洋坐花嶼

新堂種竹用石湖盤龍驛韻

小至日登蔣山晚憩靈谷寺用李北海荆

門關韻

觀音巖望雪四疊前韻

新洲看月六疊前韻時有故鄉僧話石梁

華頂之勝

江左十五子詩選卷十二目次

江左十五子詩選卷十二

繆沅 湘芷泰州人著有蘭渚浮山西溪諸集

遊北固山甘露寺觀山後一帶峭壁

夢中涉江如涉溪醒來呬喔聞天鷄飛漿聲中三

老語洪厓隱隱相招攜霜濃日暖衆峰露芒鞋竹

杖窮攀躋初經磽确達廣陌漸入蒙密穿修蹊南

徐勝槩壓眼出北固高聳排雲齊如羊狼石臥山

麓吳蜀往事纏心脾遺隍剩礎不復辨江聲悲健

雜鼓繁甘露寺高結凍蜺山空無人草萋萋積鐵

橫飛百尺塔攢青低散千張犁旁行累約轉危阪

登降扶舁煩童奚蛇行蟻轉尙疲芥此豈可以容

駃騠連嶂合沓紅韎鞞亂峯巉峭青玻璃人從關

全畫裏出天於羣玉山頭低陰厓倒突儼垂乳陽

竇尖削如遺鞋嵌沙碎纈更斑駁戢戢散若牛羊

蹏我生愛石過顛米欲載蛾碌歸故畦端須買田

置林屋冥搜萬卷誇巖栖山僧誅茅得數畝抽林

巨竹畱新題回船青精飯已熟飽餐好逐寒山西

敬帆石歌 爲顧花田先生賦

質如烟島排琅玕色如墨鴉堆髻鬟壺中九華未

足擬仇池一穴通躋攀千峰萬峰縮盈寸屹立不

動形孱顏清肌滑笏不受拭几席四照苔花殷石
帆幾幅疊巉峭石桅一道分爛熳宛如靴紋浪初
起半奩明鏡開秋山週遭上下渾一碧橫排巨舸
山中閒水肥帆飽旗腳轉或欹或側波迴還石公
石姥相背坐中流歌笑何疎頑天翁好奇露狡獪
生此尤物驚塵寰黃牛白狗千重灘世上行路何
其艱收帆不住落帆少可憐人命如草菅何來此
石帆影間居然小泊黃蘆灣虎頭收拾歸都籃只
恐天風一縱凌潯潏

楊子江

李孝詩選卷五

晚雲鋪亂絮孤月墮寒烟歸鳥棲江樹吳簫亂估
船銅駝移落日鐵騎沼吳年隔代興亡事臨風一
慨然

劍池再疊商丘公龍井茶韻

青壁攪天裂深竇鐵潭陷地穿高巖半窪深黑不
可視神悽骨冷心尤忤靈湫感涕亘終古紺寒蒼
碧清而兼繩橋飛磴輾轉素綆覆絡僧盧檐五
丁好奇心不死巧斫山骨如排籤斧痕齒齒劇蒼
礦一泓碧玉中包緘金龜玉雁霸王塚墓田若在
烟飄簾美人如烟鐘鼓散三千劍氣空埋嵐葬者

荒唐骨已朽穿者痴絕應遭砭干將神物豈受掘
白虎死守誰當探惜哉屬鏤不早殉致殲忠蓋張
凶讒泉枯石爛有客到凜凜石閭堆白鹽金精失
冶棲魂怖水犀長鬣如人髯恐有乖龍繞我足諸
公慎勿張雄談

舟次玉峯偶感傳是樓往事三疊前韻

北風巉峭落沙嶼南帆偈仄迴高巖馬鞍山色蘸
眼碧刻劃寒翠意最怏當時長句我愛讀筆力韓
杜能相兼只今雜誦未忍釋痴如凍雀蹲寒檐具
區浩浩若奔馬玉峰戢戢如攢籤不愁兩手泝緝

李孝詩選卷五

三

沈一囊破錦親縫絨哲人萎矣典典型謝空餘萬卷
堆湘簾千秋茫茫孰傳是精靈宵冥烟銷嵐鑄金
繡絲念未已蚨蛸乃欲橫相砭騎鯨大去返碧落
仙山樓閣歸重探憐才一念足不朽文章萬古爲
雪讒芥薑之性老愈辣肯以白酒堆甜鹽感公遺
事只嗽護數豚兩手掀松髯詩成鈎棘不斌縉經
倉瑣事聊評談

丘南是汪堯峰先生著書處

山光墮影尙嶙峋遺築丘南野水濱草沒垣衣何
限感乞花場上弔詩人

先生自題所
居曰乞花場

舟行雜詩用商丘公韋巷閒興韻三首 選二

寒鐸聲沈鼓罷撾柁樓枕手靜無譁
帆下落烟粘浪纖雪纔消水唾花嶺外白雲天一握溪邊黃葉路三叉
吳江楓冷多時了指點寒山寺影斜
錢唐江南岸皆以牛車行水中
喘亟羸牛不受撾輜車爭渡但聞譁
天一線迷帆影吳越千山送浪花曲岸晴泥香印展崩厓老樹影攢叉
西興雲氣朝來斂小市茅檐烟畫斜

白龍潭上廢寺

霜林倦倚一枝藤古廟斜陽塔數層
時有神鴉來會食絕無白足與然燈
長廊靜院珠光隱漁市菰村水氣澄
鐵色空潭猶在否千年龍子喚難磨

青衣泉

石稜如劍光森森石乳點滴波沈沈
陰厓玲瓏窺窈窕誰施斧鑿穿巖心
講師昔年鼓驚吹倒騎白鳳遙登臨
青衣化人獻花果雲踪晦難窺尋自從靈扉一朝鑲空餘仙跡傳古今
竭來山椒借瓢飲風簾淅淅霜抽林神光夜發認何處一泓幽閤窪而深
丹經遺訣世莫曉香岩冷落早層岑法華魚肉我不羨腥腐濯盡橫青琴畏遭罰儻斂手避

洞門不敢輕敲簪

登鳳山頂望錢塘江

江濤如雷礮春擊寒天西老龜作長吟束縮如兒
唬絕頂凌蒼雲象外淒以迷俯視浮海蜃滅沒如
白霓盤踞據飛厓百丈窮鈎梯元精羅心胸蕩謫
雲霧齊風急吼鵝競鴻濛歎相攜一髮杳莫窺弱
水通合黎

靈隱寺

四面嵯峨翠掃空籃輿導我入幽叢孤亭匝地松
杉冷石笋連天洞壑通竹引香泉來佛屋風吹清

梵落雲中一條卽栗穿烟去去訪仙人長耳翁

龕山望海

雙闕峙海門昏烟亂蒼鶻南際無點青東瀛此疎
豁一氣連蓬壺形神俱超越犀船與鐵騎簸蕩在
空闊清時靖萑苻諸彘敢竊發蒼蒼藤帝釋居珠宮
間貝闕回頭叫始皇遺跡空突兀捫窠及履痕千
年泐石骨江豚拜鯨浪舞嘯馮夷窟蓬萊此左股
崖嶠青欲活琅然起嘯聲娟娟映纖月

鏡湖放歌

我聞南湖三百里天晴湖南堆青瑤溉田一萬九

千頃芄芄黍麥兼嘉苗有功斯土馬太守祀典百
世胡能祧厥後四明有狂客詔賜一曲稽山椒千
官祖餞趣歸隱寵以宸翰光中朝會稽司馬日載
酒嘹唳玉管紛瓊簫劍南陸游此歸老卜廬湖畔
窮昏朝投荒萬里返故國風塵馳逐朱顏凋道士
莊前調白鶴柳姑廟後停蘭橈此湖自落放翁手
江山壯觀未寂寥西風陡峭鏡水裂曲港冰合寒
魚跳劇憐鏡水已非舊湖田侵蝕生蓬蒿白塔洋
前一掬耳蕩漾無復迴春潮今我來遊值歲暮一
輪皎月橫烟霄狂客不逢放翁死湖山勝地歸漁
樵興酣偶然作三弄羽衣玉立誰相招

汪季詩選卷一

六

晚遊吼山

日落樵風吹五兩鏡湖濺濺鳴細浪木蘭雙槳沂
迴波水態雲容樂清曠須臾已至吼山前鰲擲鯨
喏不可狀谷簾瓔珞勢交環飛棧吟屹相向孤
舟棹入無底壑其上巉巖插青嶂人行壑底與天
通水漱山根驚石漲撲人白蝙蝠共飛翻潑刺銀鱗
還擊撞神房阿閣現眼前博戲金仙爭跳盪客言
胚腓初分時五丁鑿鑿手親創高掌遠蹠渾生成
此語相傳不無妄當初越王採山石泗水淵淪煩

巧匠崖谷都畱斧鑿痕狀若甌甑陳脯醬我舟昨
過鳥門山邪許聲喧崖萬丈其下轟然儼雷鳴其
上啁啾如唳石乳點滴滲旁溪驚兒破殼酥流
盎千年穿穴有停時卽與曹山同變相犬亭巖巖
白雲中躡捷峰巒穿篠簳山深路黑崖岌岌步步
天風防跌蕩趙家陵寢隔烟蘿冬青樹老無樵唱
興亡舊事莫沾襟且歸畫舫傾新釀

鮑山

鮑山山色如蒼綠螺黛挽烟青簇簇洞中聞有丫
髻重手把銅盃灑銀瀑金仙真誥落荒厓猛虎道
旁時攝伏五色肉芝供客啖駐景無勞更辟穀竭
來山下悄無人閒凭一杖桃枝竹不逢羽客佩方
符但見歸農駕短犢山中居人畱我住地鑪火煖
新竈熟我懶尋仙思采隱徑來就汝山齋宿

題鼓山山下廢署

樟陰森半畝遙接萬松青月冷蓬萊閣雲迷越望
亭凍梅開石甃老鶴守寒廳內祀王龜齡先生不是陶貞白
何從餌茯苓

宿雲門寺

鈴語斷還續空山伴懶殘疎鐘烟外出沙月定光

寒扉笏開蓮藏花鬢翠巒楞伽詮妙契一宿寄
精蘭

娥江舟次讀商丘公近詩偶有所觸輒成斷

句雜用滄浪卷中韻十七首

選四

四周山滑一溪清展卷綿津遠寄情烟際日乘黃
蔑舫紅泉綠澗苦吟聲

失道蒙茸事亦奇盲僧笑問客何之噴吭怪石樵
人語日暮山空說虎時

崖歆整冷長疎苔截某巍我勢劈開不米不黃山
數點公然撥翠送青來

公有米不米
莫黃之句

不斷登登伐石聲鳥門山外客閒行深潭無底碧
流滿石罅一泓宜晚晴

野泛

道士莊前尋賀老辦才閣裏訪蘭亭劇憐芳躅都
銷歇日暮鴨船雙槳停

菱溪道中

樹影村光遞淺深木蘭雙槳思難禁歸牛浮鼻纔
離岬宿鳥巢枝早近林下著溪魚光膾玉堆梓霜
橘色搖金漁簑擬伴鷗尾去烟水茫茫未易尋

蘇山月商丘公丁卯橋韻

蕩舟餘不溪繫纜蠡山橋桑林日未晏山路行非
遙長松八九株疎響聆如潮劍水漱寒碧冷玉
一條陡壁嘖喧禽大壑來寒樵佳處茅可誅跌坐
娛昏朝攀登歷絕頂圭嶺雲迢迢鴻濛爲掉頭洪
厓倘見招古墓何人墳滅沒衣襦消賢奸悲逝水
慨嘆爲長謠

半月泉再疊前韻

誰剖古時月一半橫山橋月光化爲水清冷雲踪
遙晶瑩濯毛髮琤琮應海潮飛龍蹴瓊雪噴珠射
千條三兩岩棲僧汲水兼採樵坡公不可作佳遊

踵宋朝欽及東萊祠芳躅今迢迢題壁曹與劉吟
覓誰爲招古人跡已泯古人意未消大瓢更小杓
酌罷商聲謠

西栗樹

崩髻西域樹枝柯拂石橋小雨潤藤索掎擊風蕭
蕭樞衣松逕滑拂面岩花飄根株互連絡蒼颯尤
矜驕芒鞋破坎圪絡索橫相要初地焚辦香梵音
聆海潮晴曦射叢薄天宇清寥寥何當襍被來誅
茅依山椒

蔬食後甚飽有作

土酥甘脆佐朝餐白芥青菰滿食單也與何曾同
一飽鷄豚無味莫堆盤

塘西悼金介山呂山澗

一聲欸乃日沈堤纔過苔溪又雪溪吹笛山陽寒
草綠詩人零落古塘西

草堂酒熟侍家人作

入門寒筠青林端露殘雪拂拭衣上塵寒威倍凜
冽冬缸漉浮蛆晶晶瓦杯凸盤餐婦手操餽飣亦
芳潔藉以奉親娛形神頓超越小弟嬉前楹刺刺
語離別夕陽映松扉古梅枝秘辭盡此一日歡萬

事總蝶蟻泄泄父子間至樂忘言說

房中詩

嬌兒哀師繞案長文如翻水聲琅琅夜堂篝火攤
書讀吹落燈花紅簌簌小者玉頰好睂宇手持梨
栗能爾汝中男依兄坐短檠毛詩新讀一半生山
妻椎髻夜操作手弄諸雛共笑樂頻年踪跡隨天
涯賴汝黽勉能持家不爲楚相君勿哂與君相偕
鹿門隱

山雨乍霽由桃花澗歷天開岩觀禹碑望最
高峰慨然有出世之想

掬水浣山泥藤牀睡初覺空山一夜雨飛瀑千峰
落起來天宇清曉雲露斑駁澗水東西流噴珠滿
大壑宛轉如遊龍天矯不受縛首尾一鼓盪鱗爪
恣挐攫森森疊浪巖皺皴瘦如削起伏生波瀾圓
穹大包絡破碎瓊瑤瑛跳擲狙猱攖跌坐作水觀
清響聆竿簫喧極靜意俱冥心契寥廓曳杖行前
岡適與山僧約將窮最高峰搜奇出巖齧徑路共
猿爭上下似鳬躍崖花胷葛衣齒露濕芒屨枯藤
立伶俜倦蝶穿畧行搖搖鳳折膝戢戢牛礪角攀
躋高送眼崎嶇危著脚山果團青紅酸甜漸可剝

寄生草

朋牽寄生草蔓引攝生藥幽巖從天開化工巧鑊
鑿陰磴竄猩鼯陽竇捲亂籜石軒久傾頽空壁就
捫摸禹碑古篆奇鸞飄還鳳泊如從岫嶠過探奇
自南嶽松風迴杖底人語出林薄絕頂望茅茨天
風隔蓬弱梵唄音琅琅木魚間金鐸振衣擬往從
十步三四卻開山思法度團瓢此棲托我生實鈍
根踪跡判塵濁僧寮一月住飲啄類孤鶴何當將
家來鑿坏飽葵藿

西溪大石

斜日淡長林十丈蘿衣掛松風拂樹來歲月迅以

邁誰整義和鞭秋中節已屆宵然一片石影落巨
受外老魚跂足捫天女垂頭睡青雷插紅雲一夜
精靈會翳髻拂綠苔摩挲發長噫數聲菱唱搖百
朵蓮花曬鏡水裂琉璃靈根浸澎湃何年出泥沙
風濤恣洗汰道人坐懸厓枕此漱寒瀨玲瓏勢欲
飛嵌空險而大象脰草芊芊猿吭星噦噦終焉從
汝遊斷嶼劈蒼蟹

焦山僧葺山志初成索予題句因書卷尾

三山一氣青蜿蜒峭帆擘破空江烟數聲漁唱隔
晴碧夕陽香淼聞扣舷菜翁花田太史逸興何軒軒振

生年辛酉歲

十三

衣直上秋樹顛漫山紅葉絡碎錦青黃雜糅波中
天蝸牛廬中草芊綿坐聽江水鳴濺濺我擬將家
傍巖住焦公祠畔容醉眠雷轟古石畱厓邊八行
遺墨當時鐫馬鳳笺今何處所女郎佳話千秋傳
石上有鳳筌題名前塵影事空憂煎不到此山已六年寺門
行過震淚落天香主人今已仙癸酉秋侍先君遊此茲遊悵惓
空迴旋名山一日難延緣牽船欲別不能別一江
新月流娟娟

芽村

絡緯嘯殘夜有聲野航浮泛不勝情葦燈竹斲村

童語潮落沙灘見蟹行

打麥詞

小麥雙歧如燕尾大麥叢芒如馬鬣黃雲遍野麥
齊腰暖風四月飛黃蝶鎌刀霍霍割上塲連枷齊
打堆連牆紛紛落磴白於雪飽喫今年餅餌香

采桑詞

頭眠蠶起碎切桑二眠食葉聲滿房三眠將老食
轉急青裙犯曉提筠筐桑梯高高桑鉤短女桑葉
盡樓桑滿蠶絲百箔樹頭鳴催買桃漿賽蠶館

射鴨詞

家鳧拍拍雙翅重野鴨花毛似花鳳泛浦行沙啞
喋遊水鶴孤翹驚不動鳧羣肥澤鶴癯然脰長脰
短全其天桃弓放弦箭撒響一時決起衝雲烟

采茶詞

一旗一槍芽尚小兩旗一槍芽已老官符未下催
頭綱穀雨登山猶少少鶴園名品茶最多鷄數不
如虎膝窠野花山葉簪頭髮結伴采茶齊踏歌

渡江疊集宮文恕堂韻

泛泛黃篾舫軀幹苦曲倪三老挽桿索呵笑無少
快暴風忽震動圓穹狹而徧我身如蠓螺簸蕩聽

驅遣嚼嚼浮沫煎塵垢不可洗地踣無厓垠天跳
失關鍵斫斷白蛟脊斧痕遽深淺馮夸呼嘯來猱
猱踏飛輦怪面森可怖奇形見亦鮮乖龍舞澎湃
驍猛四足跣安得施大手屠割上鼎鬻浪絲如匹
練若然乍裁剪又如萬馬騰邊沙斲枯莽怪聲與
細響澆澆劣以謏吳牛喘未定勉強就曲羈寢說
雖有態疲革力難展三山一水望雲中吠仙犬焦
先笑向我此客顏小忍揮手長謝之汝豈神仙逐
木鑽學還丹爪廬味墳典避詔不避名苦受紅塵
胃括囊空守口歲月恣盤衍燬燬何地無趨避計

李季詩選卷五

十

小忽雷歌

南部新書載唐韓晉公滉入蜀伐奇樹堅緻如
紫石匠曰爲胡琴槽他木不能並遂爲兩胡琴
名大小忽雷後獻德皇樂府雜錄云文宗朝兩

忽雷猶在內庫內人鄭中丞特善之訓注之亂
始落民間孔博士東塘得之燕市蓋其小者名
爲二絃琵琶

蜀中嘉樹高崔嵬肌理堅緻如瓊瑰誰人伐樹競
鏤刻斲作大小雙忽雷檀槽鈇呀鳳凰齧曲項冰
環挂雙索勞嘈咽切響寥廓馬上提持手親作子
絃嘹唳角聲停鼓此權當伐蜀樂五絲彩線覆龍
首忽入昭陽伴紅袖風生鳳撥花催柳鄭娘曲曲
春風手傳頭轉換聽未終白日青天雷電走含元
殿前夜月寒小吏池頭把釣竿裹來半段蒲萄錦

李季詩選卷五

十五

舊事淒涼說女官露盤淚瀉如鉛水碧漢茫茫非
一軌中原湏洞久風塵此物人間誰料理小忽雷
存大者散汾水年年叫秋雁半彎遲沙一堆塵博
古何從辨真贗金絲軫斷蘆索偏可憐零落將千
年有客相訪來幽燕買得不惜青銅錢摩挲一似
琴無絃一彈再鼓何人焉唐家秘器已莫彈吁嗟
雅樂誰人傳

袁浦贈佟振北

清江地界長淮南花事十分無二三濃春漸去綠
陰滿堤柳減翠天揉藍軟泥瀟瀟浣袍袴空街躑

躅行何堪愛君林館淨如拭藤牀跂脚窮幽探竹
梢翳鬢敗絮簪頭點綴紫空嵐主人好客竟投
轄况逢舊雨朋盍簪三杯放脚春酣酣鮑照又沈
約天張雄談野夫倒牀正寢軒自笑懶若頭眠鷺
誰何吟聲殷深屋名章秀句飛相參披衣屬和疲
手腕楚漢格鬪麀章那可惜卯君隔召垓南脫復
在坐尤顛慙吾儕聚會正匪易歸航悵悵搖晴潭
爲語君家狂阮籍他時相訪提筠籃

淮陰詠古德州田公座上分賦

袁術

公路浦前白日昏千重駭浪猶奔騰袁曹昔時爭
戰地秋原尙作黃雲屯兄弟閱牆事堪嘆術也讐
紹翻結瓚謬算適足羞先公尙欲覲顏應圖識里
謠誰記當塗高僭號不聞閭象諫符命之說誠荒
唐可憐蠻觸大夜郎江淮凍飢士卒死宮中日夜
爲荒亡蛾眉皓齒競漁獵馮家小女悲馮方鬻山
之敗所自致江亭犇竄如亡羊堆牀十斛僅麥屑
一勺入口無蜜漿當時割據意何取離離滿目悲
禾黍我來袁浦爲弔古老龍畫眠蛟夜舞鯨波蝕
盡戰場土

陳登

北風驟起聲雷礮高堰突兀如壞牆犇騰澎湃險
可怖當時誰挽狂瀾狂伏波將軍守此土倡議築
堰安淮疆洪濤噩浪一束縛安流郡縣無披猖往
者孫曹正格鬪廣陵重鎮非尋常獅兒屯兵列江
潁如雲戰艦排兩廂元龍豪氣猛於虎東衝西突
勢莫當軍書旁午不遑息尙能底績爲河防偉人
所至有異績千載競頌陳公塘洪澤橋南缺廟祀
一間破屋臨斜陽

蕭望之

丞相門前甲光薄近前挾刃還露索吏人拘儒如
拘囚仲翁俛首蕭生羞倉頭廬兒競簇擁道旁相
逢笑卑冗士各有志非所求寧甘小苑東門侯愛
汝一生最强項不肯阿諛附丞相晚年秉政來彤
墀可憐霜華已上髭束身法網日羅織朱游一呼
仰藥亟與人家國徒憂煎功成不去死吏前曷不
歸種杜陵田

枚乘

七國反秦宗社誰其諫之枚乘者三公誅謝天下
老王驕蹇足悲咤上書不聽何煩寃去吳一旦遊

梁園梁孝園中賓客多梁王禮士來巖阿一夜雪
花催賦草娶來燕玉堪煖老小妻生子髮垂肩能
操弱翰乃公前

蒲輪歷碌安車高枚生老骨埋蓬蒿黃口外含竄
草莽伏闕上書來枚臯尙書給札平樂館曼倩與
君稱上選狗馬贊鞠爲鋪張祿祠一篇推擅場媒
黷貴幸各有故安用尊官慕嚴助男兒經術多擠
排何妨奏賦爲俳諧

馬宮

渭陵冢中三日火傳后丁姬相向坐石墻斑斑繡
土花寶衣繡恰猶纏裹當時誰不知莽奸百人崩
壓心爲酸追誅前朝議禮者羣公阿指來臺端定
陶啣悲九原下長嗟乃爾忠臣寡君亦當時倡議
人趨避不欲危其身師丹薦君行誼潔何至委蛇
虧大節假皇南臺僞讓時覲顏又作青宮師乃知
世惟通儒能美新君不見東海馬游卿

孟喜

從田生受周易生且死枕喜膝此事當時或有之
梁丘詆訐何其愚趙賓持論縱巧慧易飾易文義
亦贅何如終守王孫言能自立家精且耑師門授

受互欺詭當時盛漢已如此噫嘻卿也有書不授
喜至今諸儒議其子曲臺署長年老矣

嚴彭祖

夏侯勝語可鄙謂明經取青紫當時劉歆亦名儒
利祿何爲挂牙齒美哉下伍嚴公子身不爲相能
爲儒委蛇從俗何爲乎抱遺經眊孟死眊孟死二
賢作嚴彭祖顏安樂

書德州田公黔南山水詩後十五首

選十二

枕柳杖底夕陽斜犵狁村前鳥跡賒想像題詩鶚
鵠寺藤梢橘刺苦斜撾

上李華詩集卷之九

九

嶺上花蔓疊似螺紅酣白糝一山窩八騶初入黔
南路白水巖前好放歌

鐵索橋南感廢興粘天拔地勢峻增瀾滄江上山
如錦小李將軍畫不能

蘆笙雙鼓鬧城闌焚女番童翠屨新跳月搖鈴好
風景奢香驛裏看迎春

簪花傳粉亦何堪逐客伴狂瀟水南誰向碧嶢雞

麓裏手澆蠻酪弔升菴

譚言貝錦苦排擠一代知音是晉溪箐黑雲黃飛
瘴雨陽明祠外草萋萋

綠如么鳳黑鴉軍如此江山駭風聞白馬渡前延
佇立一叢鸚鵡戲紅雲

藤芒鬼帶刺人衣笋迸龍奴竹幾圍譜出辰沅風
土志如拳黑蝶傍巖飛

侵曉郵籤紀路程槐花驛裏病蟬聲愛他搖曳聲
如磬者卜河邊相並行

迷離踪影立高峰杖策西行路幾重萬古山川笑
行腳神仙癡絕是三丰

鳧業週遭湖水流銀魚香味敵槎頭添錢買得十
千尾可似白泔紅乙不

辛辛辛辛辛辛辛辛

辛

村沽容易醉顏酡呼風且放歌安得搜身去
河狀仙方釀酒問崔婆

秋日廣陵雜興和商丘公八首

選二

遙山幾點如潑墨螺髻碧玉交相圍定攜蓑笠造
絕頂孤鶴傲忤誰能讎

滄浪亭子堆蒼苔秋花零落千叢開碕西草堂昨
夜雨更有何人問菊來

前題和宋山言

選二

惡木鄰園已盡芟籠烟露竹映松杉抽身獨背琅
玕坐古渡橋頭數落帆

平山原是詩人地古墓荒烟路慘悽憶向春泥澆
濁酒山泉嗚咽蜀岡西

六境圖

有序

六境圖爲商丘公生平宦遊之地其詳見公集
中烏目山人王聲繪圖紀勝庚辰冬日謁公於
揚州官舍出圖相示謹和六章

洗墨池

髯公在黃州五年謝朝請閒客閒處所渴毫日馳

騁被詩人言此閒客宜置閒處所洗墨刻爲池墨華沾藻荇至今吮墨

蛙脣黑色逾靚池蛙食墨口黑載公詩廊雜記如何遺跡湮蕪穢同胥

辛辛辛辛辛辛辛辛

辛

井偉人初判郡晏坐樂清景前塵與影事一笑忽
記省訪古坡里坊鑿池可容艇獨木駕爲橋披拂
淪連影雪堂旣幽厥竹樓亦高整後楹羅簡編前
庭植文杏合祀宋名賢作記相與永髯公如神來
植杖定細領昔遊曾幾時卅年彈指頃

忘歸巖

虔州山水邦所至足登眺千峰儼玉璽一水如珠
抱茲巖尤環奇岡形莽奔峭神工巧爐鑄造化蓄
靈輿得名訝何年創自姚江老凭高豁遠目雙江
流浩浩憶公弭節時題詩上烟嶠振策塵外遊洞

整窮搜討飛觴偕隱君僧伽爲前導彭處士躬著落魏處士叔子
葉滿衣裾雲深不可掃尋寺與看山乘興從吾好
醉酒弔陽明後先實同調螺亭一點青城郭烟嵐
繞披圖我忘歸臥遊領其妙

潞亭

東華十丈塵蹴踏沈我衣閒來潞河上洗眼見釣
磯風檣雁齒列撾鼓當斜暉憶公拄笏來觀察臨
近畿訪古葺小亭嘯詠都忘歸鳴鷺繞檻前撫景
且息機高吟醒夢寐振筆紛珠璣四圍雪色壁深
夜彈朱徽喧囂忽夷曠令人思翠微森森鮑丘水
寒碧遙相依盤山在東郊悵望雲樹稀晴翠落檐
際對之色欲飛至今通潞津突兀畱清輝

鵲華秋色堂

鵲華好山色飄渺梳烟鬟合沓雲氣繞碧玉相縈
環正如兩美人對照蛾眉彎吳興有圖畫妙手追
荆關劈窠顏中堂秋色紛曄放衙紫翠曉捲簾
紅樹殷停車不出戶晏坐看秋山星軺遽南發未
得窮躋攀半年住齊州悵悵別屏顏韋菴清夢醒
幽意兩山間

煙江疊嶂堂

開府洪州時政成最清曠間爲北蘭遊寄興臨霞
上萬朵青芙蓉烟江羅疊嶂畫本落眼前眞宰勞
意匠晉卿繪佳圖結構此倣樣王蘇不可作築堂
聊俯仰匣中趙沈筆補景足相抗晉卿烟江疊嶂圖東坡題詩眞迹不可得公有
趙承旨書蘇詩沈啟南文衡山補圖卷清光好摹寫佳處倍神王曲曲棟
花坪名自邵叟創邵君子湘一勺尤甘芬澹雪難爲狀
楮袍與簞笠僧扶方竹杖賓從皆雅流同時發鄂
唱東湖諸父老思公還悵望何時節督來空堂再
相訪

滄浪亭

平江富烟霞名勝詎云乏劇憐蘇長史遺蹟日摧
拉南園幽曠地一水亂驚鴨舊有滄浪亭荒廢失
修葺復古藉巨公捐貲施版鐫當時太廟災封事
最淹洽徙謫來中吳歲月熟羊腴顛蹶了一生何
異走變峽身後萬口傳生前百寮壓數椽妥吟覓
欄楹未編狹春風三月來流鶯嘯恰恰醉酒弔齋
郎精靈對花呷繞亭足流連不須泛苔雪

商丘公賑饑興化口占奉懷三首

三閭祠後白波圍楚將廟前紅樹稀怪底墟烟寥
落甚鄉人半化冷鴻飛

滄浪亭上濯清流又向滄浪暫艤舟昭陽有滄浪亭難訪宗

生方城先生棲隱處半間茅屋百花洲

玉帶生歌

端溪下巖生所家萬古波濤為洗漱馬肝龍輔難
比擬看子羅紋瞳已後金聲玉質凝青膏夜半神
光露蒼秀自從丞相署墨賓聲價連城未輕觀景
炎遺事各酸辛倨強兵間稱耐久磨盾草檄憤填
膺墨汁淋漓爪痕透堪嗟碧血冷甚弘正氣歌終
歸列宿西臺哭罷故人亡生也倉皇落誰手鐵厓
老子文謝傳七客寮中斲解后錫汝嘉名位置殊
笛管琴樽分左右張生振筆為作歌鐵面花鎖工
刻鏤巧偷豪奪五百年曾有何人寶珉琇流傳忽
遇商丘公異錦爛編勤裏覆晴牕潑墨重摩挲一
泓觸手風瀾縹緲煌煌大篇和張憲五色雲霞紛雜
揉噫嘻此生初事文信公四野兵戈苦爭鬪再事
抱遺楊會稽革除之際莽馳驟今歸中丞書畫船
文明有象天默佑所遇最後乃大亨神物由來重
授受信公之銘鐵厓志合諸公詩三不朽利翰奇
煤盡策勳作歌起舞為生壽

海陵舟次喜晤宋山言孝廉

商丘宋子天人姿等身著作多瓊奇顧生侯篋中

把君作蛟龍紙上纏躩踈別裁偽體有真解羣兒

剽販何其愚文章嗜好等膠漆雖未覲面心相知

前年偶作吳閶客小滄浪畔閒邀嬉學詩圖中見

君貌犀顙虎顙頤生髭綿津夫子正襟坐君也執

卷掀雙眉碧梧翠竹淨於拭禹慎王石谷合作窮毫

釐率題斷句附楮尾夜船趨向金焦移吾曹聚會

頗不易就中作合非人為竭來淮南十月尾中丞

移節荒江渚頻年賑饑過澤國發粟大療饑鴻饑

童叟萬億戴明德羅拜感激翻涕洟撥觸文書便

吟寫門生絳帳談聲詩塞帷一笑偉人出領間秀

色尤麗崎光芒燭天更韜晦自顧但覺神氣卑夫

子一代幹元化經倉書苑艾蕪靡陶鑄餘子有成

法籍又競奉韓門師鯁生苦為聲律縛安知大雅

千秋期叢殘詩卷不收拾空對庭樹吟寒鴟乞君

過庭說詩暇為我洗刷求瘼瘼此間無地足登眺

寒濤匝岬烟雲漸安定祠荒雲樹冷小西湖涸亭

臺歇北郭數椽讀書地書堂冷浸青玻璃沈所居讀書之地曰

清響園頤以茲里居苦偪仄風塵滿日愁衣淄也擬

將家學聲叟不爾泛宅師天隨愛君西陂好風景

芟梁綠淨烟差差放鴨亭南緯蕭北朱荷千頃搖
連漪待提茶簪會相訪佳處容我添茅茨

齋居

一夜白皚皚庭樹變瑤草縛帚煩蒼頭竹屋幾回
掃單居繼輞水布被起常早適興開故篋翻校理
文藁塵埋字半晦蟲蝕義難曉吟哦如哀猿聲使
鄰舍惱吾生類蝸牛粘壁就枯槁那能學黃鶴日
日矜觜爪終朝但癡坐懷抱幾時好憂來廢書嘆
朱顏可常保

草堂疊石初成贈李老

北郭皆水鄉樓臺漾空碧那知春雨中青山長大
澤一峰臥黃牛一峰起太白不信三徑深而有五
丁劈百竇覆何多選石爲之憤亭午擁歸雲樹陰
受對奕從來造化功大小無定格爽氣撲一拳巨
靈盪餘魄把酒送斜陽小牕日易夕江北有名山
得一以當百

同舍弟向洋坐花嶼

苔衣人跡破前林曳蒼篠疎籬界夕陽暝烟惑歸
鳥陂水秋轉綠斜岡晚可眺粗虫號草間微風漾
斷蓼貧谷閑遙浦濯影鷗鷺小秋荷亦離披紅綃

失斷沼水茄白銀色拉雜碧溪繞飢鶴喚層雲清
響覺孤矯吐語驚流輩寄興臨霞表危棧同吟詠
小天色清森快傾婪尾杯俗塵詎能擾

新堂種竹用石湖盤龍驛韻

斷雲耿秋漢雨脚已西沒涼風透竹軒空翠正突
兀冥然把卷坐殘蟬更淒咽時序日已移脫葉舞
木末昏烟亂前岡飢鶴嘯林樾詩人悲老去髡首
愁欲絕浮查不可涉石磴苔衣滑河傾星吐芒冷
露滴華髮忘饑理古操有口付石闕垂頭伴此君
形神頓超忽

李季詩集卷之五

五

小至日登蔣山晚憩靈谷寺用李北海荆門
閣韻

癡龍盤結氣悠悠振聳豎尾騎五州蜿蜒跼阿有
萬曲紫鱗灑空排鐵鏃千年王氣已銷除攀髯尚
伴軒轅宿隧道平蕪亂草生古松數株麋鹿鳴金
牀玉几盲風起平臺不斷御溝水白頭宮監語支
離開門款客荒陵裏碧瓦凋殘冷炊烟糴谿雉隴
羅平田行人近前面顏熱難辨橋山一真穴翁仲
雲深蔓草寒囊駝背腫象齒折晚出紅牆陟亂山
塔鈴風寒僧掩關聖水寺前靈谷路八功德水移

來處空林葉響琵琶聲伎倆狡獪人仙去昔時藩
衛帝王家今日頽敗荒山涯

觀音巖望雪四疊前韻

空山雨雪清悠悠江螺亘天如大州絕壁崖柴形
詰曲苔衣石髮森斷鋸娑羅樹老劈壞肌荒荒只
就癡雲宿碎珠滾空玉屑生老髭縮項窮猿鳴行
人踏雪拂衣起轉過峯腰憩古水毘盧樓閣聳華
嚴題詩深坐佛燈裏雪濤拍拍寒磯烟江尾橫遮
一楞田古洞週遭地肺熱斷厓頑石誰穿穴聖僧
寂坐雙趺垂石鼎霜歇一腳折橫披鶴髦來登山
泉翁若水墨妙畱天關臨霞欲訪攝山路七年曾此
幽尋處香泥滑滑雪蓋頭恨不身隨飛鳥去角里
韻事看浮家曰歸不歸戀水涯

新洲看月六疊前韻時有故鄉僧話石梁華

頂之勝

老龜種類何謬悠拜風力餒居沙州我來泊舟新
河曲銀海動搖冷峰鏃一從眼底光乍明頓化胸
中物盡宿經聲妙好林端生撞鐘伐鼓相和鳴默
然僧呪薄伽起起迎行人吸江水仙佛時產魚鳧
鄉耆臘多年溪竇裏僧言曾踏天台烟懸厓手種

仙人田石梁倒空丹砂熱阿羅漢行鍾乳穴腰包
假宿黃面喚猛虎喉痺紫文折祖堂國清隔萬山
雪沒跌深未放關耳聽塔鈴辨歸路琉璃遍體生
霞處何年於越恣搜尋夢化一條雪練去莫老井
竈常戀家芒鞋穿雲未有涯

江左十五子詩選卷十二

江左十五子詩選卷十三目次

商丘宋 犖牧仲選

毗陵邵長蘅子湘訂
商丘宋 至山言校

王圖炳

春日用香山郡齋暇日詩韻

詠史八首

和昌黎秋懷詩原韻十一首 選八

題董文敏真跡後 鸚鵡

夜遊虎丘 入郭二首

楓橋舟次 駕湖夜泊

三高祠

詠雪用廬陵潁州雪中會客韻

過黃耳墓讀袁景文詩

江上三首 雜詩十首 選八

遊仙三首 選二

遊秦望山莊用少陵遊何氏山林詩原韻

十首 選五 渡江二首

秋夜宿燕子磯明月橫空江天一色徙倚

篷牕不復成寐偶憶東坡夜起登合江

樓高吟子美四更山吐月殘夜水明樓

句得詩五首爾時意境至今猶可想見

因援筆和之仍以殘夜水明樓爲韻

平原村 顧林亭

白燕菴 題畫鷹

鶴坡精舍 東谷

竹西草堂 秋水軒

玉鉤斜

邗溝旅夜讀綿津先生詩集賦呈五絕句

江左十五子詩選卷十三目次

江左十五子詩選卷十三

王圖炳 麟照華亭人著
有櫻香書屋詩

春日用香山郡齋暇日詩韻

曉檐喚曉鳩，釣簾此靜坐。青山排闥來，鬟髻澹梳。
裏閒烹日鑄茶，試敲新榆火。香鼎隸几右，書卷風。
牀左。官梅自橫斜，人柳何嫋娜。俯踏綠草裀，仰聆。
白雲朵。中我南陌車，掣我西園鑠。圓渌水如油，還。
思理煙舸。蘭漿逐鷗鳧，早卜佳遊果。賦詩追黃初，
對酒想白墮。吟態既憑陵，飲興復磊砢。接羅倒習，
池笠子嘲飯顆。人生重天機，安能常輶軻。山水皆。
知音，春光負愛我。乍暝亦輕便，乍寒亦帖妥。遮莫。
及春遊，猿鶴輒許可。

詠史八首

大言恥詹詹，烈士羞齷齪。孤矢志四方，釣遊懷丘。
壑。知幾其如神，雲鴻翔寥廓。陸賈一書生，高義何。
磊落。南海尊尉陀，鷹鷂安拏攫。賈也慷慨行，談笑。
三章約。玩之股掌上，狂波翦鯨鱗。杯酒足解紛，黃。
金滿歸橐。如何戶牖侯，遇事輒怖愕。交驩得絳侯，
良言真上藥。諸呂竟何成，如風捲寒穽。不願析人。
圭，不願僭人爵。好時有良田，琴劍堪寄託。無久恩。

公爲橐金散亦樂

洙泗無煖席，齊梁無停軌。吾道大可爲，斯人詎可。
避。閉戶與纓冠，出處須易地。貞元有韓公，讀書尚。
其志。唐士太披猖，淫靡沿六季。獨自抱遺經，卓哉。
不朽事。舐排二氏言，周情兼孔思。鳳躍鈞韶鳴，氣。
象庶幾似。當其未遇時，皇皇出載贄。佛骨尚欲燒，
鯉魚尚欲制。豈其百鍊剛，繞指頓柔脆。三上宰相。
書，誰識艱難意。汝曹不自量，嗤點何容易。撼樹任。
虬蟬，當輟笑螳臂。

文人陋史遷，乃在慕貨殖。刀間知棄取，曹邨尚儉。

法李李詩選卷十三

晉馬醫羨擊鍾，灑削豔鼎食。簞瓢復何人，因之貽。
口實。我懷作者時，乃知作者識。侏儒樂果腹，東方。
憂菜色。緩急恃季心，功名看卜式。莫漫論錢愚，且。
商尋尺直。

博物推張華，其後有劉杳。丘索恣畋漁，汲冢事幽。
討。所見所傳聞，一一窮微渺。牛象既有徵，荷囊亦。
有考。長頸識毗騫，格酒揚文藻。坐令任沈行，訪問。
輒傾倒。古人於六藝，未有了不了。爾雅箋蟲魚，國。
風志花鳥。一物不知名，愧恥安足道。薄俗尚浮夸，
稗販爲機巧。韓馬實中乾，紀雞乃虛僞。誤點金根。

車詎辨瑯琊稻何獨一崔協園識識字少

言乃心之聲無取僞而辯談天炙轂輾轉盼何曾
踐我讀閒居賦字字涉墳典浮雲看富貴泥塗眎
軒冕築室洛水湄池梁通宛轉微雨報新晴板輿
御翠巘春稅足代耕灌園足養膳觀其作賦時頗
以理自遣如何拜賈塵拙者亦不免周任陳力言
晚節動乖舛始知槃澗中未易輕游衍淵明千載
人庶幾知舒卷所以歸來辭別自出手眼

高談驚四筵莫如夜說虎說虎尚倉皇何況挽強
弩猿臂李將軍射虎如磔鼠虎嘯神逾王虎縛勇

法李詩選卷三

三

猶賈昨夜北風號南山虎俱俱單騎出灞陵黃塵
捲宿莽腥毛忽蔽天颿沓飛寒雨道傍怪石蹲一
箭俄飲羽豈知夜半歸亭尉立許語時至虎無威
時去尉能侮猛虎寧可逢醉尉那可遇

世人慕桃源恍如仰碧落或疑爲神仙或迷悔尋
索尋者固大愚居者亦大錯天地有正義斯民安
土著桃源本王土歲歲事耕作衣食各經營婚嫁
各酬酢阡陌通往來雞犬互擊搏一一如外人何
乃傲洞壑寅緣入其源便與源中約秋熟供王稅
春蠶同民瘼曆象可占時版籍可栖託久脫祖龍

危安事種桃樂漁人竟不言至今勞穿鑿

得道須慧業立行戒腥羶那有鍊黃白可以致神
仙神仙何從始云是李耳傳道遇關令尹其言頗
寥寥狡獪青羊肆嬉戲徐甲錢從紅復入黑爐鼎
沸丹鉛君臣與嬰托枉用別嬋妍後人好附會李
耳豈其然徒令文成輩哆口談延年滄海測深淺
蓬萊思寅緣蠶以絲自縛膏以明自煎我欲砭其
愚大道在睫前風牀展周易進退有真詮不言求
上藥不言昇青天

和昌黎秋懷詩原韻十一首 選八

法李詩選卷三

四

秋風拂中田我黍亦疑疑四壁有寒蛩唧唧何時
已兼之落葉聲一洗箏琶耳瞪目送鴻飛歌枕看
雲起跂腳北牕下自謂斜川似蠻觸不須爭蕉鹿
亦難恃圓蓋無私恩義鞭無停軌浮生好是閒濁
醪聊自喜

秋氣例高嚴無復春靡曼菊英資晨餐菰米供晚
飯田家方築場滿遂豚蹄願作力腰霜鎌婦子相
勞勸夕荷穉穉歸倉箱浩千萬珠玉實天庾先將
辛苦獻殊異涉江子芙蓉落清怨

物性有炎熱乘勢始憑陵秋風盡力格瑟縮憐東

蠅盈虛屬時序世人枉愛憎涼夜玉宇淨片雲削
冰稜明月落空潭三星浸寒簷叩舷唱小海庶幾
我猶能

風勁早雕輕露涼黃鶴警遙昔動如年丁丁漏箭
永侵曉披我衣棉裘寒已猛枯桐倚井牀金瓶汲
素綆闌闌始塵喧壑斷亦微幸笑我百無營朝陽
射簾影

避世元真子烟波逐清景倚艦雲依依入室月圓
四八月九月時挂席若萍梗鶴髮對斜暉乾坤足
遊騁苔甍可浮家不效鑑湖請

在李詩集卷上

五

曉霜草色顏夜雨螢光暗所以悲哉秋常令楚客
憾壯夫恥雕蟲八極一俯瞰臭腐化神奇絢爛出
平淡寧爲和璧則勿作齊竽濫松粒與薺華力爭
只久暫駭馬不須鞭危檣不可纜楫鼻古墨磨夜
鐙軍書勘笑彼井底蛙器小守甄甌

昔余好遊覽躍馬度桑乾秋水鳴瀟瀟清若戛琅
玕西山擁馬首渺渺碧烟團千門復萬戶佳麗數
長安長安逢俠少款語激情瀾約我出長楸柘弓
飛銅九薄莫問歸路明月滿征鞍

戲招武夸君高唱人間好我家山水鄉遊行須及

早秋田況有秋一醉真可保微雨東南來四野潤
枯槁落帽想龍山不夢邯鄲道

題董文敏真跡後

右軍筆法絕世無直欲壓倒鍾司徒誰其繼者褚
與虞顏柳巨手相追摹顛張醉素奇有餘詭遇不
復範馳驅宋時諸公好華腴睥睨晉唐羞步趨豈
知微瑕生美瑜何異氣索見大巫後來書苑日荒
蕪秋蛇春蚓競擲揄見說雲間體格疎但恨不識
董尚書憶昔承平開石渠尚書文藻挾天衢錦囊
玉軸紛縈紆一一辨別權錙銖鼠鬣蠶繭出玉除

在李詩集卷上

六

詔寫二典及三謨要取誠懸一諫愚不羨元和新
樣殊陳之斧辰春華敷來禽青李見規模世間詎
少周越奴亦有羞澀羊氏姝一時斂手復囁嚅鐵
限片紙爭覲覲麥光玉板如雪膚分揮九十六驪
珠百年時事已模糊硬黃不比丹青渝法寶流傳
重欽歎奚翅商璉夏六瑚我生好事在編蒲藝林
學海恣畋漁博覽曾探惠子車深藏亦有虎頭廚
風牀展卷極清娛想見尚書運腕初弩張劍拔勢
何如鶴舞鴻飛體自舒昔賢一技必勤劬退筆如
山墨未枯不然嘲笑等鴉塗天關刺藤何爲乎今

我懷古獨踟躕

鸚鵡

文采擅江東隴山短夢通有時尋稻粒無計脫條
籠侵曉梳翎慣當牕學語工聰明真誤汝天際看
冥鴻

夜遊虎丘

曉山疑靚粧夜山疑澹抹曉遊躡輕烟夜遊踏佳
月我行值春風挂席胥江闊日莫停蓀橈疎星閃
林樾晚景既蕭閒野興更勃發山徑寂無人寒濤
起松枯歷磴數歸鴉捫藤驚栖鶻隱隱叩精廬卽

李辛甫集卷五

十

事慕禪悅粥鼓漸消沈龕火時明滅是夜月如霜
玉盤明可掇石上足徜徉幽光淨巾幘坐嘯且行
吟簾影細于髮松風入我耳免被笙歌聒選步得
劍池乳竇鳴汨汨誰能測深淺應是源頭活若有
毒龍潛恍訝干將拔其上飛峭壁天半昏曉割路
險無階梯樹老無在槩我愛同米顛欲拜具袍笏
其後俯平田溝塍自行列崑嚠認微茫海虞見髣
髴決肯盡心胸萬象逾超忽因茲感苧蘿何處問
吳越寂寞館娃宮絃筦倍鳴咽朝爲麋鹿墟夕爲
狐兔窟我勸始言歸仰眎斗柄揭少懷五嶽遊此

山棄毫末那知面目真夜靜始奇絕揮手謝山靈
勝情頗自伐年年裘屐恥努力爲汝雪

入郭二首

入郭樵風便空舫泊淺沙秋雲雜帆影寒雀啄蘆
花夢破驚雙鬢詩成愧八叉滄浪容我道招隱莫
嫌賒

千古華亭谷聲名二俊畱砧多催落木潮急亂眠
鷗人散孤城角烟生近水樓一樽遙酌罷鶴唳起
前洲

楓橋舟次

李辛甫集卷五

八

前年曾宿楓橋下澹蕩春風漁火夜亂挽垂楊綰
畫橈吳嬖低唱雨瀟瀟重來且醉楓橋酒秋江無
復青青柳惟有寒山夜半鐘依然飄到客船中

駕湖夜泊

迢遞駕湖路孤村獨夜船鴈依估客火星沒戍樓
烟身世飄飄燕江天跼跼鷺菊花柔櫓外鄉思夢
頻牽

三高祠

檣鳥語天風吹過松陵路松陵何所見落霞與孤
鷺湖峰七十二鬢鬢出烟霧此地可浮家便欲牽

船住昔賢非無謂先我辦釣具一感純鱸秋再感
杞菊賦步兵困冷曹州辟失權趣歸去固其宜丘
壑履我素煌煌范大夫定霸輒自許時非季鷹時
遇異魯望遇如何百戰雄翻作五湖慕英雄踪跡
奇處女幻脫免至今懷高義層霄不可邇張陸幸
成名譬彼蠅驥附我來拜荒祠日落垂虹渡不獨
薦溪蘋思把黃金鑄

詠雪用廬陵潁州雪中會客韻

寒梅萬樹斂凍萼朔風昨夜號林薄朝來六花眩
銀海揜日韜霞勢已作應知玉龍白戰歸敗鱗殘

卷之三

九

甲滿城郭高嚴欲使湯谷凝空靈未許洪爐爍野
外年年瑞葉飛牕前無數春蟲落短衣匹馬是平
生雄心猶復思于貉還愁狐兔蹤跡深獵騎無處
恣拏攫爪影矜嶢沙上鴻饑鳴瑟縮紆干雀穆滿
能爲黃竹遊我欲從之濕芒屨恍然身到蕊珠宮
琪草瑤花皆可樂眇眇下界等毫釐使我靈府朝
朝淪君不見天山十丈積秦時如席如徒舞沙漠
又不見蔡州一夜鵝鴨池六軍縞素揮矛掣何似
鄒枚授簡賦梁園相如末至開唄噓

過黃耳墓讀袁景文詩

路出平原村崑山何婉孌感彼山下人藉藉金閨
彥浮光不善韜奇彩輒自衍觀時味履霜知幾忘
集霰倘逃洛下名詎有河橋變交游那可恃忠信
仗黃犬做蓋身後緣尺書生前踐北邙塚壘累犁
鋤無貴賤下今螻螻歡上今烏鳶歎不及此墓田
無人疑真贗我尋袁叟詩殘碑臥芳甸叟也感流
離早遂滄洲願未羨雲間龍聊處不材雁莫漫悲
黃耳且還賦白燕

江上三首

北固風濤闊乾坤一嘯歌暮鴉終古有秋雁隔江

卷之三

十

多曠野調鷹鵠平沙放橐駝佛狸烽火地檻外滿
雲羅

最憶東南勝飛帆早貢鮮鮫人開海市蜃戶足漁
錢沙汰江珧夜風高水母天驚鱗猶撥刺如雪照

吳船

水色連天色晴雲雜雨雲江山饒霸氣吳楚對斜
曛鐵鏢中流咽華鯨度嶺聞十年漂泊處檣燕語
殷勤

雜詩十首 選八

朝讀種魚經頗諳釣魚術持竿坐苔磯盤鍼擘香

粒意在悟盈虛無心計得失鱗婢自喁喁鹿角何
戢戢鰕行與蛭渡亦復任縱逸堪笑任公愚緇
太稠密東海守經年大魚詎可必

孤桐高百尺琴幹斲孫枝斤墨運離匠神巧騁般
倕徽以鍾山玉絃以園客絲一鼓幽蘭馥再鼓淥
水遲小牕兒女語變作壯士悲體清心自遠曲淡
節亦稀里耳多賤古疏越非所宜齊門聞好等鼓
竿令人怡田連與成竅安用抱琴爲

人皆有疾疾惟俗不可醫小車一何快土牛一何
遲雲龍日下鶴語陋名已垂安能知許事且復食

蛤蜊

有客黃山來貽我松五粒種之小山隅拱把黯無
色濃瀼雨露零沈沈日夜息朝來一拊摩天矯龍
鱗濕勁節凌歲寒虬枝拂雲日是物有本性變化
詎可測

隋珠非不珍彈雀何屑屑干將非不鈇補履乃大
拙用苟違其材柔廢剛亦折安能處錐囊幾時離
磨蝎英雄有如此醉擊唾壺缺

鼯鼠亦卑卑斥鴳亦瑣瑣載之以車馬樂之以鐘
鼓鼯鷄始茫然踟躕不知措何如捨枋榆何如食

場黍國風刺鴉梁大易戒盱豫君子慎其儀庶幾
免納侮

狂泉可以飲不飲狂何如鮑肆可以入入則馨有
餘君抱裸程恥同浴何抑揄所以朝歌里墨子迴
其車

良馬遇孫陽一鳴加拂拭立仗倘一鳴法在所必
斥言小可喻大鳴默須自擇馮唐對雲中片語無
拂逆安事口懸河喋喋上林嗇

遊仙三首 選二

鼉梁萬里碧天開徐福方從海上回鑄就金人如

得道焚餘丹錄未成灰偃佺空想排雲至劉項非
因竊藥來莫笑嬰兒姪女幻世間鹿馬更難猜

青雀西飛繞集靈麻姑仙訣悟熊經玉杯日暝黃
雲護金掌風微白露零望氣方壺猶寂寞祈年太

乙尚丁寧君王最有長生術不道郎官是歲星

遊秦望山莊用少陵遊何氏山林詩原韻十

首 選五

一雨連三月垂楊門巷清怯寒遲衣袂入夏始聞
鶯敲火蒸茶乳分泉試荇羹菜黃汛上坐隨意數
觴行

秀野堂依竹高深徑著花峰形危隱豹澗勢急奔
蛇樵語籬根細漁燈烟外餘何當離五濁長此醉
爲家

樓閣俯平楚豁然萬象開一天雲壁紫幾陣雨迎
梅林影當牕見山光排闥來舊題如可覓石壁掃
蒼苔

爲愛藏書處時聞辟蠹香雨蒸龍尾潤風送麥光
涼官帖雙鈎出焦桐百衲藏奇觀眇萬物古意獨
清蒼

遙天虹跨澗永夜月臨池興至停吟屐狂來倒接
羅俸錢分鶴子井稅及魚兒野逸誰同調求羊鎮
日隨

渡江二首

雲自孤飛月自明蒲帆十幅翦江行君聽濁浪金
焦外淘盡英雄是此聲

燕子磯前早趁潮佛狸城下暮停橈老僧竹院渾
相識如夢如塵話六朝

秋夜宿燕子磯明月橫空江天一色徙倚篷
牕不復成寐偶憶東坡夜起登合江樓高吟
子美四更山吐月殘夜水明樓句得詩五首

爾時意境至今猶可想見因援筆和之仍以
殘夜水明樓爲韻

一更山吐月耿耿浮雲端江清不可唾爛銀作波
瀾南飛有烏鵲瘦影落寒灘推篷瞰青壁天風吹
未殘

二更山吐月秋露哀湍瀉鄰舫寂無聲蕭蕭木葉
下我欲躡飛仙瓊樓如可借攜此白玉盤一照魚
龍夜

三更山吐月警鶴橫江起江心白於霜吳楚渺千
里潮勢撼空城荻風戰故壘茫茫商婦船琵琶撥

秋水

四更山吐月皎皎玉繩橫江天同一色蘭漿擊空
明沈沈郵籤急嫋嫋漁笛清幽露濕芒屨山寺有
人行

五更山吐月鐘杵鳴江樓天雞一以唱晨星澹欲
流衣上秣陵露枕上秣陵秋浩歌拍銅斗起助榜
人謳

平原村

年少驚傳入洛名雲津龍躍是平生八王兵甲無
臣主兩晉文章有弟兄晚節不堪愁鶴唳舊交聞

已賦蓴羹春蒲細柳平原路長使行人淚滿纓

顧林亭

平林落日野王臺太息斯人一草萊白馬青袍愁
事去綠鬟皂帽好歸來虞卿窮老書千卷陶令高
閒酒百杯回首風塵淪落客江南詞賦子山哀

白燕菴

鰕菜飄零范蠡船幅巾短杖自翛然柴桑歸及元
興日同谷歌成天寶年流水桃花何處問春風燕
子至今憐隔村隱隱精藍結只是當時已解禪

題畫鷹

呼鷹思擊邪放鷹悟嫉惡不然畫霜鷹亦足振懦
弱朝來開屏障蕭颯風雲作想其下筆時豪氣橫
幽朔一鷹立寒崖沈沈仰寥廓金眸養精銳玉爪
淬鋒鏑英雄未遇合顧盼殊落落其一摩層霄萬
里任拏攫得勢乘利便矯矯十二翻前毆秦氏烏
後逐紇干雀側目笑時人枉自羅矰繳毛羽既豐
盈宇宙何開拓肉食恥稻粱巖栖陋叢薄校獵思
驪山拊飛想沙漠杉雞與竹兔俛首就束縛誰言
鳳翽翽不如鷹謬謂誰言鴻冥冥不如鷹盤礴君
看渭水揚君看爽鳩約那能困臂韝隨人長寂寞

鶴坡精舍

鷗遊澹春水鶴語下天風坡上滿蘿月人行蘿月
中

東谷

松桂發東谷白雲靜簾櫳獨吟斜照下容我作愚
公

竹西草堂

堂上彈淨琴堂下響流水琴聲與水聲泠泠幽人
耳

秋水軒

把釣臨風檻烟波接碧天超然濠濮想閒讀秋水
篇

玉鉤斜

馬踏甘橋霜鹿走雷塘土淒涼賀老絃寂歷隋家
路一九明月玉鉤斜春風開遍棠梨花

邦溝旅夜讀綿津先生詩集賦呈五絕句

直探墳索源風騷傳寫宣城紫兔豪泰華嵯峨凌
絕頂世間培塿莫爭高

聲響如撞萬石鐘掣鯨碧海氣春容中州此日雄
壇坫北地西江總附庸

政事文章兩擅奇牙籤銀管夜吟遲廬山風月滄

浪水卽是烝民清廟詩

到處松寮護碧紗新詞紅杏賦梅花欲知秀句寰

區滿天半晴飛百道霞

風格漁洋足比肩冰甌雪碗闢清妍召平心力真

勤苦檢點晴牕作鄭箋爲邵青門

江左十五子詩選卷十三

江左十五子詩選卷十三

十七

江左十五子詩選卷十四目次

商丘宋 犖牧仲選

毘陵邵長蘅子湘訂

商丘宋 致穉佳校

徐永宣

長至前五日奉寄竹垞朱先生求爲先中

丞表墓

觀延陵墓碑用黃山谷磨崖碑韻

輓憚南田先生

荆溪道中

瀨上

長干晚望次少叔韻

潤州

遊竹林寺

秋日訪朱錫鬯先生二首

選一

游法相寺登南高峰

游道場山用東坡原韻

丙子秋杪運舟東歸旅愁鄉思雜還於襄

觸日卽書詞無倫次以坡翁人似秋鴻

來有信事如春夢了無痕爲韻凡十四

首

選八

贈于何功先生四首

選二

靈巖雜詠十首

選四

述德抒情五言六章上宋大中丞漫堂先

生 選三

春日雜興六首 選二

雨中鄧尉探梅八首

選六

青門邵先生六十初度

曹子三蘿小舟名撥雲蓋取青蓮撥雲尋

古道之義也屬和二首 選一

寄懷查二德尹

遊滄浪亭呈漫堂先生

輓旦齋毛先生兼慰行九

題顧十一俠君秀林草堂圖三首 選二

正月十九夜夢與俠君遊玄墓梅花下得

金華李詩選卷一

二

詩二句云一月半月香千山萬山白及

覺暗香猶浮動枕席也足成五言一章

寄俠君

題禹平水村第三圖

四月二日竹林僧舍小集朱悔人魏禹平

查悔餘查浦潤木吳山掄汪武曹東山

錢亮功張日容方共樞家兄大臨天碧

同用昌黎短燈檠歌韻

疊用昌黎韻答亮功

夏五東歸畱別同學諸子末章呈漁洋王

先生四首 選二

奉懷漫堂先生

題宋山言同年學詩圖四首 選一

漫堂先生刊校施註蘇詩竟於臘月十九

坡翁生朝懸李伯時所畫笠屐圖像於

小滄浪率諸生致祭予爲中塗冰合所

阻因呈七言長句一首

贈張三日容

次坡翁韻送楊青村之官新昌二首 選一

宋建中靖國辛巳七月二十八日爲東坡

先生騎箕之辰先生乞居常州卒於孫

氏寓館卽今方庶常僑居去余家不數

金華李詩選卷一

三

十武西林陳夫子授經其地舊蹟猶存

歲值辛巳去先生六百年矣感今追昔

邀同學諸子於是日肇祀先生用着山

二字恭紀二章并賦洗硯池悼香海棠

以致敬恭思慕之意云

洗硯池

追悼香海棠歌

哭董二叔魚三首

江左十五子詩選卷十四目次

江左十五子詩選卷十四

徐永宣

學人武進人著
有善溪州堂詩

長至前五日奉寄竹垞朱先生求爲先中丞

表墓

秋水漾淺碧秋柳搖輕黃駕言將何之欲抵長水
塘風伯解人意帆飽如弓張庶幾慰周飢歡喜直
欲狂先生名世姿上應斗宿行謫居近蓬萊珥筆
玉几旁詞翰切霄漢聲望同珪璋一朝卸朝衫東
山恣徜徉對門滿桑柘映戶皆篋簞賤子拜階下
幸勿揮門牆言念先君子鶴陞同趨蹌北海有封

辛辛辛辛辛辛辛辛

事考核資縹緗往事愴彈指不覺涕泗滂先生敦
古誼情意雲天長向讀竹垞集薄海致辦香李杜
與下上元白相頡頏臭味合韓柳筆勢凌歸唐今
見竹垞人咫尺驚望洋古人重不朽要須托文章
或作表墓道或勒銘幽堂重懼先德湮中心時皇
皇又以難其人四顧徒俛俛不藉先生文潛德何
由光慨焉許載筆爲善庶有望銜結共存殤矢報
鵠腎腸念昔南豐曾求銘於歐陽又思南軒張乞
靈於紫陽其爲感與報海嶽詎足方寒臆寫無詞
繫與雁足翔高飛東南隅早墮煙雨鄉布鼓過雷

門堪笑不自量蓄意事大賢藉此冀少將天寒有
飛霰風勁多凝霜伏惟加珍重端居養初陽

觀延陵墓碑用黃山谷磨崖碑韻

江流決決迴申溪高原嵯峨延陵碑東家十字重
九鼎東吳千乘輕一絲古來釀禍緣立愛先王一
念殃羣兒窟室血濺堦東西人命輕塵弱草棲爾
殺王僚吾殺爾骨肉搏擊徒爾爲歸來哭故奉新
主魯哀十年猶率師屈指春秋幾百歲救陳遏楚
一指揮延州來人皆安之食租衣稅身不危歷聘
摩挲隴頭劍觀風嗤點中州詩有化無死古真人
後來知己蘇軾辭屬鏤絕脰扶兩眼鴟夷浮江國
亦隨甬東寒食無麥飯春風吹蕩千年悲

辛辛辛辛辛辛辛辛

輓惲南田先生

丁年最小便玲峴國邨家憂早備經兵幾誰憐生
病死梵鐘獨弔影神形旋拋禪衲更萊服只摘園
葵供鯉庭畱取黍離無限意白雲深巷寫丹青
卜居長傍敝廬東祇隔溪灣四五弓曝畫湖州真
草草賦樓天上太恩恩書籤零落晨烟白門巷荒
涼晚照紅點檢求和殘墨瀋幾番清淚灑西風

荆溪道中

沿溪弄潺湲波紋時在掬一曲撐一篙一村流一曲蘋洲生白花麥甸泛新綠遙望銅官山蒼翠盈兩目清思戰茶槍狂吟散鷺鷥細雨濕魚梁荒烟

瀨上

舊是吳中路今猶水上村英雄垂死地女子令名存城小關門早官稀醉尉尊主人情款款難得夜深論

長于晚望次少叔韻

春暮飛紅散作泥望中烟雨濕靈旗樊川麗句收難盡又入潘郎一絕詩

潤洲

江山如有待我輩此間行山上南朝寺江頭北府城三春添黛色萬古一濤聲閱盡東西客勞勞役利名

遊竹林寺

朱朱白白花遶村遶遶迤迤山帶城城南夾山有古寺曳杖試作尋僧行竹林深深人不見山鳥格磔東西鳴須臾徑轉見殿角一僧階下相邀迎憑闌試望大江北樹杪一抹烟微紫象山很石入吾

目孫劉昔日何崢嶸英雄意氣未銷歇遊作江上風濤聲題詩一笑下山去嗟我懷古何由平

秋日訪朱錫鬯先生二首

沈九村僻絕塵寰千个篋營水一灣學道著書無箇事滿庭黃葉對秋山

游法相寺登南高峰

帶雨下雲棲身過林間濕蒼翠滴衣襟韻事良可悅行行過千墳西去覓勝跡蹇驢拋寺門且著上山屐宛轉扳石磴小丘堪小歇所供長耳僧云是定光佛上下兩法身真妄一解脫錫杖出山泉竹

筍引香冽逶迤入積厨千年不曾竭再上勢最高芳草被嘉石西望一小菴炊烟時起滅溯昔開荒榛自是人間傑委身兕虎間世諦那許說永明偶饒舌錢鏐仰芳烈摩訶遺碑間生紙何處乞

游道場山用東坡原韻

濺濺雪水環山麓六十六祖在空谷東坡畱題墨猶新行人愛翫情難足夕陽西下草漫漫伏虎禪關似虎盤凌雲礙日拔古木縱金戛玉鳴哀湍客子入門僧不出松風泠泠拂禪席照眼蓮塘雪牖明過看藤杖虛堂植諸峰旋繞列烟鬟都在蒼茫

翠靄間借問何山在何處樵人指點山南山縱游
我已忘昏旦忽聞暮鐘起山半攜筇歸向小舟眠
夢魂眷此還三歎

丙子秋杪運舟東歸旅愁鄉思雜還於襄陽
日即書詞無倫次以坡翁人似秋鴻來有信
事如春夢了無痕爲韻凡十四首 選八

涼風起城闌送此坎廛人朝離長安道暮宿潞水
濱賣馬別軟土買舟碾濕銀書籤滿歸囊錯雜如
魚鱗霜蓬壓短檠古意冉冉親回首西向笑得失
何足論

辛未年詩選卷十四

五

長路恨綿緲况復當杪秋秋花映楓葉牽我江南
愁素娥鬪青女寒氣侵衾裯客子不耐冷又苦無
衣淒西風故欺人一夜聲颼颼

窺牕見新月燒燭聽晚鴻晚鴻塞上至逐我還江
東新月照鍛羽悵望孤篷中蒲帆十二幅聊趁西
北風形如乍開扇勢若全張弓瞥眼過齊魯旋指
一畝宮東籬菊綻黃南浦楓搖紅秋茶待歸客煮
之配青菰

平生讀書志愛與古人友只今返釣磯寧復風塵
走一室春盎然何嫌小如斗詠歌先王風彈琴而

鼓缶以茲勗明德祛彼外物誘區區噉名情一呷
夫何有

古者設津吏稽彼言服異後來此義亡藉以獵貨
利行李一何艱誅求一何恣欲寬無時寬欲避無
地避往者競怨嗟來者皆涕泗皇天仁愛人毋乃
乖撫字紛紛冠蓋徒忽此爲細事

愁來渾無端如被薄寒中豈若昌黎窮可以作文
送庶幾讀離騷乘雲破愁夢方干有同懷飲酒寧
辭痛 舟中與家
泉清楚辭

秋日苦易斜秋夜苦難曉因之布楸枰黑白明若
燎當局時昏昏旁觀自了了爭先在一著所失乃

辛未年詩選卷十四

六

匪小重瞳尚可憐矧彼湘東眇興亡類如斯袖手
心悄悄 看家草東
委對矣

近聞大河決水勢當奔渾秋深謀築堤或可復舊
痕行行渡大河望望歸江村江村指日到阿母免
倚門定省隨阿兄無間晨與昏養親兼讀書愛此
秋樹根

贈于何功先生四首 選二

西冷舊事、模糊訪友勾留是兩湖春色三分傷
杜牧寒泉一盞弔林逋空餘殘照陪遺跡剩有荒

山入畫圖遙憶蘇堤袍樣綠斷腸細柳夾新蒲
曾記春帆綠水時更深軟語燭花遲聽殘鶴唳清
無睡驚醒雞鳴耿有思鼻羽漁樵堪作伴所南薇
蕨未爲飢若教顏色如長好但進青精酒一卮

靈巖雜詠十首 選四

荒山絕少足音梵禪板聲聲帶梵鐘三萬六千晴
雪浪和烟吞吐莫釐峰

那有姑蘇舊築臺舞衫歌扇付秦灰空餘響屧廊
前路樵叟芒屨自去來

釀酒城高亞宇西雨淋風捲越來溪暮鴉那管興

亡恨枯樹梢頭盡意嘯

野花零落舊燕脂悽絕空山叫子規不肯再施傾
國手故教單舸逐鷗夸

述德抒情五言六章上宋大中丞漫堂先生

選三

千秋大雅材世出不數人色正光芒寒漁洋與綿
津羣山赴荆門萬物迴皇春歐陽議政事猶涕識
者辱我公擅通才無事類飲醇禦變雷雨奮旋轉
疑若神始知有三立文采特爪鱗詞人弄吟筆徒
效西子顰

懷古夢平臺快讀梁園賦况聞淶波村清切天漢
路前年上征車錯莫此間度不敢驚鳥猿悄悄冒
霜露行行見翁仲云是文康墓肅焉起敬恭再拜
握衣駐父老頌嘉德涕泗有餘慕奕世節鉞高素
風不改故子姓秉躬行粉榆荷珍護

丹山富桐花雛鳳聲遠聞發音應韶濩將以奏
聖君藉藉公卿間朱紘過白雲賤子席帽至貫酒
將殷勤譚道放濂洛論詩述河汾出門指秋柳狂
吟狎微醺矮紙呈我公粲焉播清芬何幸樛櫟姿
謂可施斧斤河干沃軟語蓬心妙香薰

春日雜興六首 選二

南田宿草久芊芊猶有商丘歎逝川情似蘇公曝
晝日悲同魏武過車年只今食指頻繁念此後詩
名好附傳珍重遺編親囑付雪牕檢校不成眠

先生屬予編次南
田遺詩欲付刊氏

田舍相邀老瓦盆關心春隴夜深論綠楊煙薄新
晴路紅杏花寒暮雨村買犢有懷耕未得活人無
力意空存年豐倘藉諸公致從此何愁吏打門

雨中鄧尉探梅八首 選六

望裏寒梅萬萬行湖光淼淼接花光未須身入吾

家名山路春水春風盡是香

江南春事足清娛第一梅花不可辜曉雨帶香衣
袂濕倩誰畫我入山圖

風渡寒谿雨壓塵芒屨藤杖趁閒人山中樹樹都
穿遍抵化雙林百億身

雨腳如塵遠近迷探梅人不怕衝泥白雲空際閒
舒卷似護寒香作意低

冷香直欲闢春溫處士西湖正掩門卻憶去年江
北路關山細雨黯銷魂

一白千山失曉青冰魂雪骨自亭亭太湖漁艇空

濛裏勾引寒香過洞庭

青門邵先生六十初度

羣山如袂抱毘陵遠江如帶圍城郭清淑之氣於
焉窮盛而不過乃磅礴青門先生生其間上應列
宿光燦燦少小卽擅神童稱稍長讀書愈該博詩
似神鷹乍脫韉文如天馬初卸絡長安道上諸公
卿觀者一一駭以愕豈知屢困燭三條絕意進取
尋立壑乘風南上瀟湘船雙壺買醉滕王閣訪友
東看錢塘潮一把欲踐林逋約北征帝里登燕山
翩翩裘馬攜藤箬西過任城吟酒樓村村花柳遮

簾箔無何游倦賦歸來獨抱遺經臥寂寞春雲藹

藹月溶溶秋空凌烟漠漠著書味道春復秋神

如龍馬姿海鶴商丘夫子填撫吳爲道長髯款門

鑰相要文酒過衙齋一似開堂一行腳有如烏公

鎮河陽水南水北爲所獲後生考德將於何一時

猿鳥皆驚攫先生客冬返章湟名地小子初旋自京

洛執手慰勞情話長心路於此快一淪落燈重過

雲溪頭細雨簷花動春酌示我新篇名井梧色正

芒寒刮眼瞋矧乃嚴詩附杜編望洋益覺難爲度

銜卮顧我爲我言與子兩世稱逆莫先公與我偕

采芹追念夙昔猶如昨吾兒與子同釋菜兩家情

意羅浮若我今甲子及一週索詩於子忍勿諾小

子聞言淚濕衣先生懷抱亦不樂先生歸然曾靈

光先子九京不可作風木悲填胸臆間賦詩心手

頗格格頌揚詎當萬一分要爲仰止抒大畧牽連

世好告先生敢以巴歌侑三爵

曹子三羅小舟名撥雲蓋取青蓮撥雲尋古

道之義也屬和二首選一

溪北卽青山相望數里間借君垂釣艇載我款花
關書畫隨時翫烟波竟日閑張融居岍上那解泊

漁灣

寄懷查二德尹

我別查兄時霜染津門菊到今池荷開歲月何迫
盛憶昨客京師相識值中伏長我踰廿年而乃以
弟畜我常過兄門垂鞭每瑟縮值兄溫經眠不則
看花出^叶吾與司閤人問答語輾轉至今清夜思
情貌宛相熟當時感吾誠兄亦頻往復雲馬槐花
黃制淚同斥逐紙牕月荒荒庭樹風謾謾下氏抱
玉嗟鮫人捧珠哭我視兄恬然無尤亦無惡但念
將別離兩意逾頻頌送我詩三章湘簑親手錄幾

注李季詩選卷四

二

度吟詩篇連番奉箋牘慙勉非一言得失譬蕉鹿
誨訓披膽肝道誼兼骨肉合并定何年憑仗清夢
卜明春倘南旋襍硯應從陸水驛苦濡遲山程喜
遄速足音竟然聞穿花入空谷酌酒破鬱陶笑言
慰幽獨輕舟繫垂楊小榻傍修竹長年莫催歸十
日溪堂宿

游滄浪亭呈漫堂先生

先生撫吳之三年政成事簡人安全行臺如水脫
官樣吏胥不擾吳民眠乘閒遍探山水窟得句揮
灑雲濤箋就中酷愛滄浪址不惜清俸捐千錢其

上縛亭下築屋綠浪環繞流澌澌風雨雨客不
絕十十五五人相連先生小隊時駐此勿叱履錯
從其便我嘗問字過吳苑每坐亭畔忘言旋豈惟
褰裳嗜古迹實亦斂衽欽前賢伊昔黃州雪堂圮
先生一顧情拳拳鳩工刻日命修葺小減鶴料增
級輒至今茲亭又經始灑掃祠宇肅豆籩兩蘇勝
蹟可對舉兩蘇知遇皆前緣畫屏作圖乃細事會
見風雅千秋傳

輓旦齋毛先生兼慰行九

花前頻藉一節支槐柳侵門臥水涯經國文章雷

注李季詩選卷四

三

郡志傳家風雅說毛詩魂銷秋海烽烟裏淚盡春
風麥秀時史冊他年爲立傳此心應有後人知

題顧十一俠君秀埜草堂圖三首

選二

柳邊深巷名鸚武池畔孤墳是妙巖坐愛圖中好

風景不教鴨背挂蒲帆

疊石爲山枳作籬吟詩花底聽黃鸝此中藏得元

人集可肯抽籤借一瓶

正月十九夜夢與俠君遊玄墓梅花下得詩

二句云一月半月香千山萬山白及覺暗香

猶浮動枕席也足成五言一章寄俠君

好花如好友宜共數晨夕况乃鄧尉梅不與百卉
易平生愛此花自笑竟成癖看渠忘食眠不解誰
促迫宵來夢輕舟直底費家酒適遇顧虎頭同理
上山屐筇笠穿空青棕鞵踏層碧水邊影纔橫籬
外蓄未坼月下光皚皚風前意脈脈一月半月香
千山萬山白仙魂歷千春毋乃王妃謫祇應神相
親未忍手加摘酌酒酌花神引滿進一石梅花賢
主人二子非惡客醒來失梅花意境忽不憚因思
吾家山道路寧遠隔興發便往遊恣我十日索此
事卽不然只今取自適夢中帶香歸但要嗅枕席

李詩選卷四

十三

作詩寄虎頭博取笑啞啞

題禹平水村第三圖

圖爲宣城
梅橋長畫

都官墨妙壓倪迂一曲拖藍兩岫蘆不是軟塵看
愈厭底須三寫水村圖

垂垂風柳烟如織湛湛春波碧似紗忽憶雲溪新
月夜落晉聲裏櫓啞啞

四月二日竹林僧舍小集朱悔人魏禹平查
悔餘查浦潤木吳山掄汪武曹東山錢亮功
張日容方共樞家兄大臨天碧同用昌黎短

燈檠歌韻

青山看盡白日長疎雨洗出繁花光殷紅千片苦
日炙孰變炎熱成清涼三春堂堂背人去綠陰如
蓋遮禪牀此時作客尤愛客春衣典酒真佳策酒
徒得句恥雷同半擬杜韓半元白吟罷歌倒書牕
前茄簾似水容醉眠醉裏狂言轉奇恣老樹空庭
落新翠朝來倘看花市花莫爲途迂忍退棄

疊用昌黎韻答亮功

月落不照清宵長風靜猶閃孤燈光六街一夜送
梅雨老女棄婦均淒涼差池燕羽泣岐路異夢喚
醒非同牀妾嫁浮梁買茶客空船楓荻鳴策策不

李詩選卷四

十四

如老女臥東家自在施朱與傅白矧今一斤不復
前柳枝三起旋三眠牽蘿侍婢縱嬌恣那救天寒
薄袖翠不售老女會須售天生麗質寧久棄

夏五東歸畱別同學諸子末章呈漁洋王先

生四首

選二

耦耕已過浸秧時飲罷蒼茫獨詠詩西笑浪隨風
裏絮南飛又繞月中枝龍文拋作春三夢驢券寧
愆夏五期猶恐艸堂猿與鶴怨吾歸比岫雲遲
孟郊南去馬寒鳴猶有昌黎慰不平三宿桑陰愁
話別一旬梅雨似畱行

記漁洋先生
手帖中語

蠹魚卷軸千秋

在烏鳥窠巢五畝營到日小園兄弟好板輿花底
御新晴

奉懷漫堂先生

半壁東南地窮忙命倚全熏風千塢扇春雨萬村
連淮右哀鴻集江鄉雉雉翩辛勤催鬢白深荷
九重憐

幾畝滄浪水紅蕖綠蒲杜編傳二瀼韋集記三
吳賓從如前否郎君已到無薛收行侍側掇入學
詩圖

題宋山言同年學詩圖四首 選一

江李詩集卷四

十五

桐陰蕉影綠遮天詩話煩君陸續編此後蘇門香
一瓣只須親致小斜川

漫堂先生刊校施註蘇詩竟於臘月十九坡

翁生朝懸李伯時所畫笠屐圖像於小滄浪

率諸生致祭予爲中塗冰合所阻因呈七言

長句一首

遙遙景祐六百載西陂直接東坡翁吳興註本刊

愈好小李畫圖傳最工門下秦黃爭壁壘庭前過

邁相磨礱江東孺子賦命薄辜負滕王閣外風

贈張三日容

十年讀君文前年識君面今年過茂苑一日一相
見舟刺齊女門嘉辰共良讌醺酒讀玉杯徵歌聽
珠串有如亡忌約十日忘渴勸古道苦淪胥藉君
溺得援詩文逼昌黎風義尤惓惓春風了無痕著
物無弗徧爲我染霜毫爲我炙凍硯序我雲溪詩
題我草堂卷游絲裊百尺晴曝飛足練深情鬼亦
泣健筆犀可刺當代大作家擊節每稱善酬當用
白縑贈乃獲黃絹自愧聲過情中夜頻輾轉黽勉
共歲寒報君以婉孌不見二之日朔風釀飛霰梅
藥香透簷竹實色猶茜

江李詩集卷四

十六

次坡翁韻送楊青村之官新昌二首 選一

秋山螺青鴨綠水筠州屬縣宜豐美清風謾謾清
於冰所至可愛如君子亂山深處調絲桐流水聲
中曳棕履新詩脫手似彈丸曉牕和者栗畱耳淵
明昔未從柴桑相傳此地其故里至今猶有洗墨
池池見使君應亦喜編排陶集和從頭三峽倒流
一樓指坡翁和陶涪翁評今番冰雪誰評爾

宋建中靖國辛巳七月二十八日爲東坡先

生騎箕之辰先生乞居常州卒於孫氏寓館

卽今方庶常僑居去余家不數十武西林陳

夫子授經其地舊蹟猶存歲值辛巳去先生
六百年矣感今追昔邀同學諸子於是日肇
祀先生用着山二字恭紀二章并賦洗硯池
悼香海棠以致敬恭思慕之意云

鍛羽南還月下枝文殊問疾倍支離夢繁竹屋風
前樹心繞觚稜雨後葵已分孤臣傷骨鯁可禁衆
女嫉蛾眉憐才只有宣仁語千載追尋五夜悲
白雲深處碧波環詩識無端落此間回首古橋衰
柳斷傷心小院野花殷魂歸月黑疑儂海鷗沒天
低憶故山直接岷江溪水是辦香裊裊淚潺潺

洗硯池

屋西洗硯池水石千年寒不知始何年截取青巒
屹猛哉匠石氏盡力爲剗剗廣僅二尺奇高乃並
藥欄質從朴夫朴品比端人端春波綠似染側漾
竹數竿秋紋淨於冰倒浸月一丸象離虛其中習
坎洄厥湍當時玉局翁龍尾裏綺紉貪澄莘老墨
愛彈管城冠硯生嶺外雲池帶紫海瀾疑有蛟龍
潛光怪發夜闌只今儵魚樂不較澗水寬百五時
藕苗花葉濯錦攢一從出汗泥松心汁爲餐賸瀟
雨餘溢還潤湘江蘭好事曷弗攬移置千牛難君

看崑岡玉美好猶焚殘硯池臥雲溪乃以頑自完
齊物物不齊喟焉起長嘆

追悼香海棠歌

蜀花花種來江東不關李白爭桃紅天教鴻鵠銜
子到萬里遠伴東坡翁坡翁去今六百載三十年
前樹猶在青城白雲呼翁歸香魂冉冉疑追妃綠
慳奚自識仙葩枉然拚擲西鄰家小溪夕照人影
亂往往故老交驚誇春蘭秋菊競秀發菁華涼薄
旋銷歇此花空谷倍嫣然四時長似春三月恍如
夢入芙蓉城翠屏珠箔千娉婷風輕日暖香漠漠

哭董二叔魚三首

酒潮燈暈光冥冥鵲淚怕染冬青血燕泥愁汗胭
脂雪定惠無人悵獨吟柯丘有句從誰說無端刮
火與花雛斷腸夜壑追亡舟蜂愁蝶怨銷不得五
更怪鳥鳴啾啾我聞斯語重太息直欲窮搜衆香
國亂灑猩紅碎錦鮮遠指魚尾殘霞色只恐峨嵋
歸路長海南杳杳無真香魂招坡翁或來格海棠
魂返終渺茫江南花信番番有絕艷一株重到否
來朝箋語祀花神陽羨秋茶惠泉酒

哭董二叔魚三首

豈料過長至翻悲病轉加無兒元九淚有女左思

家岬自銷魂柳簷仍索笑花梅坪吟賞處蛛網暗
牕紗

藥分開府俸商丘公頻年惠優樂賻盡故人情破屋寒于社蒼

頭規似醒號同花自悼詩與病相成悔祀耆山老

攜君返太清叔魚記蘇詩成語余曰吾自號海雲顛今悼花得毋自悼耶不謂斯言竟成詩識

死目無時瞑傷心為倚門雞鳴催曉夢鴉噪欲黃

昏風折孤生竹霜歆半菱萱舊君豐毋壽堪慰九

泉魂

江左十五子詩選卷十四

十九

江左十五子詩選卷十五目次

商丘宋 犖牧仲選

毗陵邵長蘅子湘訂
商丘宋 筠蘭揮校

郭元釭

頌 恩詩 有序

海鶴

有鳥

昇天行

行路難一首

牆上難為趨行

龍浴

牛鳴東邨三首 選二

挈音集

小序 錄三十首

漁市

漁家

漁陳

漁師

漁侶

釣竿

餽

釣竿

鴉船

曾筏

魚標

跳白

校利

花籃

龜枕

蛤燈

煮酒

柳條

晚月

曉風

漁人

寄答邵子湘二首 選一

賂酒石歌

九日

送梁鎮海明府

商丘大中丞寓齋觀明宣宗黑白二鼠圖

除夕再疊東坡歲事韻三首

早春幽居

東坡生日詩

小序

滄浪亭卽事

小滄浪聚飲四首

選二

近游二首

選一

瓜渚阻雨呈萊翁

吳船竹枝歌二十五首

選七

十番詞

流水

傾蓋亭

寄黃州許使君二兄

四首

選一

過西邨感懷

晚發真州

《江左十五子詩選卷十五》

二

江左十五子詩選卷十五目次

江左十五子詩選卷十五

郭元鈇

于宮揚州人著有一鶴菴詩寶齋詩拙適軒詩

頌

恩詩

有序

康熙三十八年己卯

天子時巡江南躬定水患江都草澤臣郭元鈇獻
壤歌十首伏蒙 奎章頒賜閭里自慚非分不
足勝任紀恩敘感率成千言不必告於史官藏
之家乘以永異數爾

河曲風埃動石尤胎簪搏雪下神州萬波駛急如

《江左十五子詩選卷十五》

一

觀馬兩岸微茫不辨牛滿目亂萍誰襪襪五年空
屋斷鉏耰 九重敬止幾無暇百職疇咨 聖有
憂吁弗不須煩岳薦撫摩全似爲身謀雲行雨施
親投袂淵默雷聲速置郵贊畫半因神授策效靈
長見物扶舟 帝懷玉斗爲符契天錫元圭若獻
酬東向攝提原好在南趨良駟卽優游攝畱繼體
乾心慰出奉 思齊子職修廣爲含弘成覆載細
因滲黷盡綢繆雙龍羽蓋籠千騎八鳳珠旗擁萬
騶畫獸紅鸞迴近甸樓船黃篾載清流望洋海若
趨雙帆服石馮夸護九旂四隩五方咸隳括三江

九谷盡雕鏤壤民往往輪單犒芹野紛紛獻束脩
 玉枕金鉗欽 聖裁寶文奇字煥 皇猷豆花乍
 去波如練瓜蔓新平水似油曉有桔槔鳴壠曲夜
 聞礮碌動場賑縣炊舊色歌無麥揭屋新聲慶有
 秋滿目江山如畫好一時顛沛似忘休虎旂拂雨
 臨長塹驚簪除塵引去輜玉帛萬邦朝越嶠烟花
 三月上吳樓鶯聲曉色黃鵬巷燕子春風白鷺洲
 泣罪蠲除彤以上施金填咽道之周棲田滯穗緣
 民散飛輓餘糧遣吏調漫士不歌駒皎皎嘉賓多
 賦鹿呦呦九疑舊隴荆榛晚一代遺祠象設愁躋
 敬恢恢除鹵簿抑尊耿耿具樽卣廣心竟感人成
 泣 聖化真今俗不偷弊邑數曾勞篤祐省方尤
 以盡旁求月明橋下偏曾駐春貢亭前亦暫畱踪
 蹤玉花嘶 內仗葳蕤簇蓋見 前旒彩烘霧縠
 昏新市金染雲棚壓古丘屋不呈材因藻繡樹能
 衣錦見松楸千家棠几迎華轡一路香塵浣錦鞦
 問夜鼓騎依火樹埽街關吏得環橿白雲未許山
 川阻黃竹何曾雨雪漙宿麥展數舟外劉飛花團
 簇馬前毳森森綠野無吟樾激激滄江失聚漚萬
 姓始知依父母三驅直此是懷柔寶跗妙蹟妍逾

勁玉硯仙蹤老更道驚湧鶯鸞洵絢爛騫軒蛟鳳
 寔彌彪丰容上可吞王謝筋骨兼能奪柳歐亘古
 帝王誰問鼎祇今觀仰似乘桴輝輝彩勝懸名利
 燦燦香牋錫遠猶供佛晶瑩明玉雪表閭光耀重
 琳球小夫夙有編蒲手賤子渾無澣墨頭狂學仙
 顛傾冷汁勢如羌渴遇新筵偷看鳳采清無比退
 檢豬肥陋不度羣玉自緘文句獻廣文兼取畫圖
 投恰逢 天笑遭存問過奉 皇綸爲勘讎無貌
 不曾繩草莽芳言兼許雜薰猶都俞命侍傳霽天
 邪許從人發權謳三入 君門真忝竊再承 榮
 問寔蒙庥 奎章閣里知延領瑞色衡茅頓滿眸
 句裏賡揚能道少門前車轍索觀稠簡編紀事無
 如者哀冕榮人有此不點拂灑然仙手出縱橫夏
 與聖工倖變如 聖治神寬猛精似 皇心合競
 絛敬肅禮筵瞻鼎豆森嚴兵庫識戈矛疾牽雲鶴
 身輕過緩引冰蠶繭亂抽輝赫儼然跳虎闕澄清
 誰敢唾龍湫仰看半世矜心失細玩平生痼疾瘳
 破屋似曾千黜望茅堂今有萬貌貅取將未要丁
 神得呵護還須甲帳優臥對直堪移榻宿飽觀渾
 欲忘飢調幾番畫肚如模鼓百步棲神似對侯一

室周疏慚壁立十年窮賤愧岑牟情甘瓢挂空巖
老遇比圖侵近野撥鹿鹿駑駘初顧樂蕭蕭寒谷
乍逢鄒勝綠魂夢如登閬凡骨飛騰比跨緱薄命
飄零忘却桂鈍根銍鏽歎吳鉤功名大率孤蓬梗
身世胡然一海鷗面目漸如逃世客衣冠直作戀
家囚珠無上客三千履瓦有狂歌十二甌伴客海
濱施數牯同人池上樂游儵蘇門迴首聞孤嘯莊
岳冥心失衆咻嬾慢學山虛簷屨賸噴文陳脫兜
登自應別覓三年艾詎可長披五月裘三畝蓬蒿
迴客駕一編燈火下子韞仰思 聖德終非次莫

李詩選卷五

四

戀麻衣浪漫遊

海鶴

海鶴東南飛仙心何浩渺霜輪蔽長天風前九州
小海嶠殊卑幽洪濤無棲枝鄉閭老仙叟欲上雲
背騎流沙不可去北望涕洟瀾冲霄若未可且食
青琅玕

有鳥

有鳥被奇羽棲遲在幽谷竹實傍流泉食飲媚幽
獨頃者逢青鸞招邀上喬木未終隨翔翔日暮鵲
聲哭南山多孔翠北山多鴻鵠聲氣相爲求匹遊

在林麓匪云誇乘居聊將慰雌伏願言文采色永
耀同羣目世人莫能求深山花麗艷

昇天行

女媧團土爲下民散落萬古如輕塵請君跨鳳凌
紫旻昇天下視何繽紛或如蟻聚或蚊分或如獨
殘而然羣或如鳩情蜣螂勤或如蜩重狙公輕蟻
蝨據絮爲郭城醯鷄覆甕成乾坤鼃黽閤談虞
軒化導科斗歸文園衷中蠅虎排三軍蠪蛸偏裨
蚍蜉兵綬帶好鳥居然紳下有禮鼠拱揖鸚鵡言
嵩周北嚮鷗南騫又文自喚雙雙連鵠合應聚鶉

李詩選卷五

五

善奔蠶乘壓比鳥輕婚阿紫戴面工乞塔脂粉夜
勾山姑貧而乃自號爲娥英其間貴者稱鳳麟亦
角其首毛其身戴仁履義徒云云何況五德雞翁
村四溟水涸鵬化鷗六月輒息飛苦辛爰居折翼
低氾氾吹呖一響驚飛掀雀長鳧短不可勾鸞孤
驚匹誰仇恩龜肥不男蠶無嬌螟蛉僞愛烏孝真
完山兄弟鵲君臣海鶴水石家飽溫饔鼠滿腹猩
猩醺顛當片土能守門舍利不吐翻自吞鳩鷄畏
雌疎六親禿鶯扶老欺兒孫狂妬喜嚙多笑顰螽
刺域矢潛肩臂鯢居鮒入移權鈞鱗火不徹然犀

津豈能蠅矢汚純瑤正恐臺口摧昆侖貓目過午
如流銀惜雉失聽狼眼智免口說缺遺其慎不如
學慧無牙齧悲夫陽鴈江之潰蘋汀寄食蘭爲紉
鷺閒鷗信風標新相與撫摩交吟呻翟犬入室百
祿臻坳堂誰有資神輪南山霧豹廉有文豈有嘆
嘆隨豹豚腹芒橫浪朝溟冥會因尺水鳴龍闌晶
晶瑞甲添凡鱗萬類乃敗愁心殷請君下視何續
紛蟻蠓體莫辨卽周語不聞風翔雨舞朝與醺不
知嚇笑還悲冤頑蹠浪翼忙跋跋我將上挽三十
六帝臨其藩認此黑頭種種蟲何名紅脣彰利過
於鷹鷂橫目狼顧莫可干櫻足少於豸能胡越行
背無一翮思搏烟雲蟪蛄之業而云千春蠻觸戰
角川谷銘勳天清地寧長氤氲因此上塲下黷山
川崩湮大津淹沒烈火焚魃目灼灼螟翻雷電
奪魄瘴霧熏尸京血杵百六屯墨剿荆辟九刑明
寒熱末腹六疾均六極備列三塗陳北鄴萬里如
延賓免鬢松脂戕心源妖容澹態伐性靈五聲鏗
鏜味脈騰歌哭跪拜勞骨筋百賊不盡生愈絲蓬
葉馬鬣空陵墳天帝旄期倦思昏聽其自轉如脂
輪近者鹿鹿尤多端眼中無物可比倫祇洎苦縣

跌宕人畏此卻走寬閒濱我胡不去入其樊當與
溟滓游無垠安能汨沒傷心魂

行路難一首

縣牛頭賣馬脯蹠跖心情孔顏語親兄能狼父能
虎何況山川眇秦楚悲夫蜀道難於上青天世路
比此尤顛連癘疾而憂王矧我白門韋布之窮編
乳犬會攫牛伏雌能搏狸妍皮蠹骨巧相倚弱肉
強食今倒施吾乃知富不如貧貴不如賤生不如
死向禽斯言吾未已大智不如愚大巧不如拙哲
婦慕蕩夫賢親愛愚子十年馬齒長萬里車生耳
犀顛化作雞皮翁不測人情似觀水人之相去如
九牛尾頰然而長崢然而矮何肥太瘦兼媿美力
田不必遇豐年刺繡未成工倚市箕有舌屐有齒
惡毀謗之囹圄謗怨之始樂莫樂新相知悲莫悲
生別離君觀操戈是同室離羣投杖何悔爲耳餘
早會合張范長參差君子澹若水小人甘如飴
豕作禍具乾餱乃愆資孔堂足樽酒李氏高門楮
吁嗟乎世路之難難於上青天穉子浴深水跛羊
遊絕巔不知臥薪危常作覆孟安行路難路險惡
一日七十毒神黃死嘗藥測景量地盡廣袤會見

康莊蘊鋒鏑一蛇者乾山用焚五鹿巖巖折其角
鋪醕顛顛沈諸淵守元寂寞投于閤陶潛惡五斗
乞食亦何有范蠡逃烟波殺人奈子何朝廟固機
辟山林亦罔羅行路難歌吾詞縱酒又腐脅太息
愁無知其雄守其雌食其時動其機一龍一蛇
變化無時鵬風有時舉犧服無心期古之和光人
鬱焉吾所師塵海波如丘吾乘太乙舟登躋入雲
霧滅沒隨波流翛然寄意紫霞外行路雖難吾不
害

牆上難爲趨行

辛巳春漢江舟中程

平地不肖立下上高竿頭此事豈不樂但恐難淹
畱奔蠶化蠶蠅越雞覆鵠卵此志豈得無正恐成
功罕我愛陋巷子知足耕曉田更有塞上翁得失
隨因緣正廢良已苦結車吾病焉知如禹湯不如
長耕漢陰抱甕拙者機先挈餅之知小用則便馬
如狗朱伯厚千里玳瑁牛鞭飼非一手鄉閭人稱
馬少游馬革裹尸銅柱陬不如子孫奉足妻扶頭
君不見精思得暴卒絕膺亡其軀卵膚豈任石牆
上難爲趨

龍浴
辛巳春漢江舟中程
先生爲余言庚午事

赤帝下浴低雲藍百尺高浪掀聲酣橫傾墨汁痛
塗抹不辨上下忘東南豐隆列缺四天落陰火上
燥千山嵐亭毒不立萬彙敗杞憂無怪心如惛盲
風鼓盪鱗之而墨雨掩冉髯鬚鬚髮枝想見古銅
角根梳碧落如釵簪弓身揭浪自磧灌尾鬣劃水
排戈鏃不禁快極一掉臂疾雷恐有山沈潭蟲沙
埽沒魚鼈失鯨吐鼉作誰能參昏森萬里一空闊
但有天水龍成三須臾妥尾入溟漠水立若筆相
吞含峽源涓涓數斛綠禹功可惜龍母貪請天速
設紫霞悅拂拭老甲眠如蠶有客江干據危閣淦

辛巳春漢江舟中程

九

淦小吹搖詩龕頃之梁招響暫寧漸似跋馬危驂
驛豈有鐵盞可收拾斷非燕脯能嘗探不應潛藏
是龍德始知蹴蹋非驢堪偷窺伏榻罔所據失聲
往往呼瞿曇列榆天衢淨如拭豈亦塵土須披掃
江今已是納穢物鎖聲梯影頻懷慙百年往事未
湔滌固知龍耳空輪偕何須激濁自置悞但取普
澤爲霖甘牕中何人敢畫足文泉老子空誦誦憶
我前年歲在卯親承龍視恩泓涵當時見田亦奇
遇未能附尾成榮談禹門赤額益落魄霜雪歲莫
哀梗楠相逢形骸縮似蜩自視面目昏如蚶因君

所見忽惆悵空江澹蕩歌聲銷已卯夏初余出
九重於瓜渚

牛鳴東邨三首 選二

豆架瓜籬白竹門桔槔聲歇打場喧老農八十今
閒得擇蠶殘陽倚廢垣

曉寒如箭宿雲屯白樹溪橋紅葉邨人事不來書
卷合一樓寒雨看秋原

挈小序音集 錄千首

余有幽居在封塞甃社間兩邨隔溪可立而呼
比年湖溢農事衰落然當水枯霜降之時榆楊
縱橫淺蘗旁雜小家三四夜戶不閉猶然一樂

注年五子詩選卷五

土也其間人望衡對宇以漁爲業邑郎釣叟各
有專事余嘗讀書其間風晨月夕往詣過從嗑
然而笑愀然而歎翼然而趨植然而立無非菰
蘆芻糲中人寥芳笠澤恒有歌詠夫以東西南
北之人爲兼葭忘世之語宜其不情顧余之單
心於漁釣樂安閒而喜原野生而已然其於世
也跌宕而無所施踈弛而不相入他日之稅駕
當在於此夫何言之而不親語焉而無謂也乎
至於文之不足則余之弗講於此也久矣牛鳴
雙邨郭元鈞

漁邨

綠楊數澤中茅屋亂叢簇楊柳成門閭芙蓉作家
國縱橫邨巷小宛轉溪橋曲江湖汗漫波得此恬
心目

漁家

茅舍亦具體几案亦備物衆器無兼操時時腥一
宅祝牧有夫妻鹿門無主客何須剖腹璜青齊作
家室

漁市

橋頭與堰尾青篷結沙市賣魚雜鰕蜆好事兼蓮
芰傾匡竭吾藏未厭公儀嗜尚有半尺鱸沈籠不
多地

注年五子詩選卷五

十一

漁社

江鄉東社秋漁舟維且造蘆刀雜瓦甌豚蹄祝蒸
單元真太湖公緬諱先漁號誰爲祭酒者宰魚脍
同好

漁陳

雙鳧出千汊鏡面波層層有美過丙穴其多如秋
蠅與君合一圍水獵誰先登堂堂落雕兵魚麗宜
佳稱

漁師

耳能辨魚聲目可知水色何妨竭澤收網目重重
密絳帳皋比翁學海無茲術銀鱗滿書簾半得吾
將乞

漁侶

結交在鄰比事業無愚賢相逢蘭芷汀靜語白日
偏有酒待歸舍得魚或忘筌荷君補遺闕家具寧
舍旃

釣竿

楊花已蓋溪龍孫趣翦伐滿手溪渚煙一肩邨塢

入卷手書集卷十五

王

月親牽如手魚閒倚風蘋翠簡編吾已矣獨臥溪
風發

綸

涼止纖微颺時動垂綸影欲將數尺絲繫盡東流
迴海山眠六鰲頭角正輪囷悲君力不任未足牽
連引

鈎

頗從寒女乞錘成折腰狀如登馬銜山乙字利奇
樣蕭蕭待頰尾奉餌如相餉竟日無所投蒼波月
痕漾

餌

悠然不可招濠濮歎高致豈知尚志人未絕口腹
累長身麀牙稻木甌香無譬豈惟尾鬣翁破鼻吾
涎墜

簪篸

秋風吹枳橘烟雨遠孤蔣手編松與杉密栗凌眇
茫不見跪餌迹伊人水中央吾道儻卜終乘茲偕
狷狂

鴉船

越舫如流萍腥風亂雙槳一片水墨雲點染青沆

入卷手書集卷十五

王

潏翻飛似鼓舞汨沒爭雄長慚君牙後物屢卻鮫
人享

跳白

粉尺界沈潭載盡片月白蒼波萬層中跳蕩有銀
尺沙牙白鷺舉泛泛關霜翮夜靜水蕪寒不知船
尾客

魚標

隔水似建牙前溪如樹羽荻花月午時避盡鷗呀
勝江南梯嶺多賴此干戚舞惜哉包禍心下有干
鈎弩

甕浮 春江鮪魚時以酒甕爲浮繫絲網出沒波際遠望如江豚然

春江浮嫩漲萬里馴鷗來虛中守其口險熾誠悠哉千金中流壺一葦名僧杯霜刀待紅雪仰爾懸魚才

校初 漁服也或云小碇江淮間漁人著履無復羣想其遺制矣

看君碧莎裳鎮覺煩鼻煩沒蹀而過膝泥橈何足論赤芾方縈紆在股空朱殷悲乎足下塵滄浪何處津

花籃 籠花以銜魚伏機內街魚莫能逆出也

簫籬百花發盪漾成錦紋衰年似隔霧逸興思乘

雲寧知順機好觸械生煩冤寄書與魴鱖蘋荷不利君

魚州 江南養塘魚切州如粉散水面飼之

采采山上綠日夕煩腰鎌飄飄散平流驗鴈魚口煩相期滿北渚不妨童西巔秣馬今秣魚馳驅追琴仙

蛤燈

長檠與短檠人間管喧劇不如沙頭蛤亦照篷底白月滿結瑤胎光輝動荒澤莫貯嬾婦油前汀魚可拾

龜枕

榮光欲滿河有客篷籠中圖範不解陳負得霜髮髮請君枕中祕決我魚與龍枕流有初願鑽爾徒相訂

柳條

滑還不可持拗待溪邊柳千思賦讎歌以貫占爻偶盤作同心結腹腴享諸舅煮魚然綠枝溪雲滿腮膈

換酒

翻風一尺帘奕奕縣深柳作勞須快意雙魚忽在手滿地落葉籬一帶寒溪溜行行蒼髯尊歡顏醉前有

易薪

南山秋木中天然有高侶隔溪聞喚聲擔綠在荒渚船頭掀箬篷瓦盆有芳醪擇我筍中鮮畱薪自歸去

煮魚

太湖羹法成炊烟白芳塘河魴與洴鯉自昔勝牢羊膾殘恐能化鑠釜傍滄浪朱門欲醒酒何處求新方

風

細殺生微波蕭蕭蓬鬢動一葉忽如織漫亂誰能
鞚江南鯉魚信往往扁舟縱滿網復滿艚歸溪疾
如夢

月

濃林不暗溪爽心任飄泊東流足疎光我已知魚
樂方諸縣片瓊爲我餌與藥冰潭盡網收恐并員
蟾落

曉

冥濛蘆葦深中聞欠申叟理曾下坡陀無語溪聲

李季子詩集卷五

十一

潘一犬吠遙邨三星猶在甯爲拘滄波清暫洗衰

蓬首

晚

得魚本不賣收具寒潭中浮雲淹忽馳我亦歸茅
蓬晚天佛頭綠落日魚眼紅浦頭有隙地可許袁
郎同

漁人

上洞有佳客西塞成幽居奔蹄笑五絃鼓枻哀三
閭石頭眇高致稽亭鬱良圖塵隱恐犧服玄真誠
鶴車蘆碕非達人拏音吾所於騫生授釣具鴟舂

傳新書搖竿入烟水幽操傳江湖悠悠非我者莫
笑不知魚

寄答邵子湘二首 選一

夫容湖上邵髯翁名位玄真桑梓中京雒聲華懷
漫刺江湖思緒趁歸鴻春田一頃豆花雨晴屋三
間梅子風老邵謝數星下客鶴書何日兩輪紅

九日

閒居愛重九孤抱喜風陰小步野花亂讀書秋院
深晚天寒有意霜木瘦無心交際平生失樽前思
不任

李季子詩集卷五

十一

踞酒石歌

顧榮翁春江草堂物類賦
也本元大山石魚湖序

昔人鹿酒除輕巾此獨用石重不倫南山采葛日
盈衷不如廣漠刈雲根昔人作杯用良玉此獨用
石觀不足奉盈束縛顛狂身不如頑朴挖幽谷安
得巨靈復生五丁活輦石刻作樽竿質衡廬東南
莫太華西北兀直如列雉爲三臚枕七就中杜舉
崑崙觴反坫別成瀛海一殘羹剩炙吾已倦鎮欲
避人來隱橋平時讀書多繆悞送客留髡傾一石
先生文壇老飛將飲羽刺泉何赫赫驅使天漿萬
斛來正如隨地文源出定施瀛洲蘊玉膏塵埃變

我卑凡骨可能醞釀成縉紳正恐昏酣忘日月君
不見浯溪唐亭漫浪翁魚樽鳧舫間情重春陵一
首勝繪告卽今海國多飛鴻諸公出手灑餘瀝潤
此病渴干罷癢此石刻作醉道士任渠捧腹顛春
風頻吹江水與添益麴生醉倒將無同

送梁鎮海明府

頽巾白髮兩衰翁京雒盤踞觥籌中樺枝見跋未
肯起酒邊坐看西牆紅滿廳鼓篋歌聲沸碌碌諸
君莫憔悴玉衫對舉卽當襲自去冠紳操百戲字
老捺旦喬面爲不管屏邊笑如拂明朝仗下爭流

李詩集卷五

七

傳一時天謫雙飛仙熱官喘如竹筒吹亦思荷甕
相從焉而今快事東流往使我衰親悲復想寥落
黃公舊酒家猶說當年兩官長兩家子弟較賢愚
業已豬龍成異像我方被褐悲塗窮目逆君騎明
繡鞅秋風相見寒生衣天涯一樽相對時劉伶昔
無繼述兒今者或可補此奇粵西炎瘴初消歇王
程迫促君須別百里雖同駕鼓車割雞要作鯨鵬
掣君家家尊清節高歸請衰親爲君說

商丘大中丞寓齋觀明宣宗黑白二鼠圖

高齋閒敞邗江濱紅檉小几無埃塵卻立况有班

劍人何物上案登梓行昔者隆準太祖孫手提圖
籙當乾坤寶跗妙蹟世莫倫揮毫幻出竊鬻身一
行欲前勢復蹲一似避匿穿墉奔一體兌色清如
冰一秉正氣衣元纁唧唧小語若可聞欲穴寢廟
窺鬣盆錦窠裝稍潔可捫似此尚是無牙君吾聞
宣皇業崢嶸寒夏論道楊歌賡除貪穢何諄諄
室塞倖路官箴清此輩意態如火明肢體毛髮傳
其形麥須豆眼瞭然存鑄鼎象物神茲驚縱有甘
口惡不悛白日有許行成羣洪永大業誰陶鈞賴
此敏手工渲皴後來爾雅蟲魚煩謂酌謂豹忘其

李詩集卷五

十九

眞白日據社不可熏女奴飽食睡思昏米脂盜食
倉與圉瓠肥不容丞相嗔一時暴鬪黠鼠掀偷人
目睛王其民衣冠齧碎食單貧此物與器同續紛
周之成康漢景文唐稱貞觀宋仁神星羅碁布如
排勻若宣豈是尋常生豳圖織婦歌南薰倚蘭招
飲頒羣臣以類老之不待論公平東里光榮新

除夕再疊東坡歲事韻三首

小筵奉家尊更邀兄姪佐子女璫璣資列若五都
貨松爲命縷長餅學栳栳大連斟百分空不許雙
箸臥家人有勝遊遂當北海座行年卜樗神散榮

轉如磨殷憂自山兀強笑若電過沿牆賣惜兒我
欲商聲和

人皆巧因速我以拙故遲天衢逝驟耳欲以跛鼈
追不聞夸父強渴死天之涯年加是減日老至無
歸時蒿萊縱非病穠稔何足肥空翻破車軸漫作
窮塗悲家人戒時節刺促毋費詞恒言遂稱老媿
益偏親衰

暮天如潑墨掣曳千金蛇珠斗亂零落濃雲不能
遮縣官禁爆竹奈此浮俗何我獨架松盆臚膊亦
懽譁酒樽冷嗜腹盆側勤炭搗缶鳴吾歌成醉眼

辛未年

辛

從欽斜欄年有清雨十斛寧蹉跎飯軟得長閒書

棚吾爾誇除夕雨謂之欄年雨

早春幽居

嬾從輪鞅熱終日閉閒扉細雨濕春意幽花寒
衣開書懷抱冷逢客笑言稀小庾自縈思扁舟春
水肥

東坡生日詩小序

臘月十九日東坡生辰商丘大中丞率吳下名
士陳先生笠屐圖於庭致集中名物以祭更賦
詩侑焉東坡以絕物之才顛倒困頓不獲展於

世當其失意知者排擠唯恐不至於死而不知
者則以爲知書一宰官耳豈知數百年後名公
碩儒慨想遙慕有事之如生如此者耶然非有
深企於古人與之符節相合而又有有爲之力
足以驚動凡俗則其事乃雖舉焉而不稱故古
人之永新其名有幸不幸也先是中丞建滄浪
亭於其遺址一時婦孺皆知有子美其人今既
表彰施氏之說爲蘇門功臣而又致欽仰之意
於不已豈非有深企於斯人焉者歟夫有深企
於東坡之人則其人亦東坡也已世有東坡而
若元鈺者可不在秦黃之列歟故爲詩壽東坡
非壽東坡之永其名壽其更有後身大獲於天
以補平生不足也詩曰

人生百年寄鬢鬢用坡句請公莫歎葭中草不見康

熙三十有九年臘月十有九日有客介壽陳笙竿

逆數磨蝎化生迄今茲甲子不暇籌算區人間遂

有七百餘歲叟異事驚倒園冠儒人生苟無物壽

世騎鶴跨鯉何爲乎如公真有不貪寶照耀塵世

無時渝我有轉語詫時輩去來彈指真須臾西陂

今有放鴨宋東坡故是扶犁蘇二者是二卽是一

吟詩莫信公忘吾不然公之誕日亦何有爲壽若
在公堂隅花豬自許上刀几竹飀亦遣親庖廚苦
茶薄酒在餽疊黃瓜紫李陳杯盃一措華巾竹几
備九峰怪石銅盤俱枕椰入手似當日藥玉挾枕
應時須元修令字寵蔬菜真乙佳號榮樽壺左圖
右畫盡遺筆原唱左圖右畫款寶氣不媿衫袖窮年鳥隻鷄斗
酒有燐者斜陽路口寧非夫可有秦黃作上客不
妨四座兼黎符鶴飛新聲裂江水紫裘仙吏真吾
徒赤壁磯頭一遂橫郭生不在知音無

滄浪亭卽事

李季詩選卷五

圭

丘亭獨媚烟春空半奩新漲磨青銅小約臥欄橫
十二似邀行路遊情通柳絲披披花壓壓菜葉亦
欲誇春工清明已過上已近人間樂事無時窮南
鄰梳頭北舍喚春衣乍綠裊能紅襄陽大隄未足
羨曲江小隊何能雄稠錫乳酪喚不歇餅爐茶竈
行相逢磨喝穀板競去客短簫細鼓愁歸童斬王
殿前芍藥架步碕檐外辛夸叢錦帳將懸牡丹坼
寶珠驟裂山茶烘石枰橋舍前牡丹中承移種有名錦帳芙蓉者絕麗蒟蒻香澤蕩
寥廓泛泛歌吹來空濛人登春臺自栩栩衆瞻化
日何融融渾忘此與始開府欲歌何有于吾公我

來亭心轉磨看四際太廢雙清瞳炊烟一碧萬鱗
次疊嶂亂翠千龍從雙塔律兀乳牯角九衢歷亂
蝸牛蹤平生一室媿雌守此日萬戶膺雄封禪寮
喜遇田衣客爲我高興橫霜桐獨關幽房拂素几
真味數有銀絲供覓然戶外足音滿隔壁貼耳人
重重二雛迴環備鉗錫有一妙指參師功傾身正
敵漆面短放手未及金徽終玉音閒遠蕩我意不
知老趣來何從能今人間箏笛耳一洗俗撥如吹
蓬吾人同在苦空裏未焚波律塵埃蒙直須善手
插衫裏時彈滿匣冰泉滾滄浪之水何漪漪琴中
有物將無同清兮可以濯吾纓泠然與爾乘遙風
佳辰勝地得妙藝布颿不負來江東

小滄浪聚飲四首

選一

綠柳綠煙暗戟扉黃鸝未過語禽稀飛花待得春
如雪二寸紅魚特地肥

近游二首

選二

已向山中閒聽雪更於碕上飽觀魚近游無限題
顏字都上雷峰寄妹書妹吳逸余詩云如登大雷岸應有寄來書

瓜渚阻雨呈萊翁

豈有空江鬼神入啾啾夜雨閒愁濕飛夢江南紫

翠重冷雲正護鶯聲澀江妃颺母弄囊鏡石郎玉
女誇衫笠瓦官閣外百尺浪未若丁三廟前急廟
中亦有礮聲欲闐喧轟吟五粒烏靴劃水鏡面
碎海鳥吹波總干立戲驅無限白頭翁向我傾身
俯尻揖數年閑置不依劉四海聲聲今仰習澄江
如練賦不成染指從公乞餘汁

吳船竹枝歌二十五首

季春遊吳作
選七

疎疎紅日透篷明日午菜花香裏行船尾香杭炊
已熟起來扶勝臉霞生

烈婦祠前風雨急真娘墓下花柳濃兩處吳船都

歇得阿娘心意許誰儂

湖心湧起小金山秦家園子看泉還 皇王當朝

山斷錫春深遊女盡金環

船頭繫纜雞子白船尾解解菱孫烏五都塵客不

曾識江南水市天下無

忙殺沙頭水勃公沙頭日日舞羣紅唐家火鴨金

家酒喚取江南盛小叢

七里塘頭花雪飛賣花女兒似花枝上客買花須

買得不須緩頰問奴誰

海棠輕豔似秋霞腥腥染血蜀山茶交藤夜合教

君買不賣將離芍藥花

十番詞

秋烟絡空月如水小氍紅雲吹不起酒闌歌倦燈
炮紅滉漾一聲羣耳喜鼓師雙杖縣黃檀兩手病
瘋頭青山篋奴揭調飛霜吻不怕空雲裂成粉雙
銅戛手如風颭間以丁星響嘈雜紅魚數鳴板稀
打小鑼聲荒大鑼啞么頭風韻似聯珠七事爭能
不相下初如秋檐滴淋瀝又似晴空雲斷續忽聞
萬騎宵同馳手如急雨心不知茫洋醉骨蕩無主
似見蓮心柘枝舞繡窠齊露彩雲飛風際落花開
復聚迴旋頓折疾于鴻縱處鼓林疑碎乳孤程壯
士歸飛鳥老婦鰥魚江浩眇絳聲促節正宜人萬
籟忽沈天地悄斟酌橋西半塘寺紅簾小舫圍珠
翠宣徽弟子有新聲常恐惺需畫脂記何年此曲
成金屑又撒圓鞞彈雨雪

流水

流水悠悠去住間桃花紅影送舟還布帘小酒澆
愁罷惆悵斜陽一崦山

傾蓋亭

禾黍郊城道淒風人草草不見傾蓋賢秋原亭榭

好一車將兩馬獨過長松下漠漠路旁塵蕭條望
遠身平生愧牢落日暮但逢人

寄黃州許使君二兄四首 選一

平生睡足澤南州杜紫微言君似不人道小鮮逢
敏手世傳雙鹿從遨頭終年茹菽朝餐足盡日池
塘莫雨收從古光黃多異士莫教迴避庾公樓

過西邨感懷

無窮霜露意重過次寥村杖屨空秋艸鋤犁見莫
原經營荒素業身世負蓬門日落水雲闊登樓益
愴魂

晚發眞州

秋城莫樓鼓鳴斷秋城路繁星懸萍浪獨艣衝波
去葦聲苦沿緣虛襟澹幽素起看負纜人一燈愁
遠渚

江左十五子詩選卷十五

江左十五子詩選十五卷 內府藏本

國朝宋犖編犖有滄浪小志已著錄是編乃犖爲蘇
州巡撫時甄別境內能文之士王式丹等十五人
各選詩一卷刻之考自古類舉數人共爲標目四
八之所載其來久矣然文士則無是名也文士之
有是名實胚胎於建安之七子歷代沿波至明代
而前後七子廣續五子之類或分壘交攻或置棊
不定而泛濫斯極往往以聲氣之標榜釀爲朋黨
之傾軋覆轍可歷歷數也犖與王士禎並以文章
宿老領袖詩壇士禎旣以同時之人爲十子詩選
犖亦以所拔之士編爲此集雖獎成後進原不失
爲君子之用心究未免前明詩社之習也夫諸人
詩儻不佳哀刻何益其詩果佳則人人各足以自
傳又何必藉此品題乎

溯洄集十卷詩論一卷詩話

一卷

〔清〕魏裔介輯評

北京大學圖書館藏清康熙元年刻本

附《四庫全書總目·溯洄集十

卷》提要

清詩溯洄集序

原夫經有五而詩居其一樂有六而詩綜其全則知詩之爲道固甚大也苟非言忠孝而厚風俗者不足以垂世而行遠故唐代以詩取士當時作

盧序一

者如林而杜子美獨至豈非以言本忠孝足厚風俗而維人心乎然則詩不發情止義動關至極雖比音協律絢爛成篇其於世道無補卽於人心無繫也其爲詩何足錄哉總憲石生

先生博極群書精究理道於周程張
朱莫不表章論定使大義炳於日星
尤留心詩學上溯漢魏兩晉下迄唐
宋元朝遠搜近覽日閱數萬言故唐
詩有選今詩有集一曰清覽一曰觀

盧序二

始前後刻以垂世茲再取

皇清詩編次而授諸梓名曰溯洄蓋愛
其詩則思其人思其人而不得則不
禁溯洄以從此茲集之所由名也先
生其有蒹葭伊人之思乎且是集幾


經歲月隨其郵筒所寄往來所質者
不論公卿大夫布衣寒士擇焉必精
語焉必詳非徒爲音律正其比賦寔
欲爲音律正其性情也其有功三百
豈曰小補之哉是詩具在讀者當自

盧序三

得之

順治辛丑冬十二月朔前一日閩崇

安盧 傳爾唱謹序



序

詩教之日繁也代異尚人異執
正始太康邇本相連而晉宋忽
判景雲開寶代非中隔而初盛
攸分陶謝詩號開山然澹艷從
此岐塗李杜詣俱稱聖而天人

錢序一

各有獨至甚且數年之間風氣
遞轉一人之身盛衰改觀其變
有不可勝窮者雖然江海之大
吞吐日月震盪星河極天下瀕
洞浩漭之觀矣苟循流而往積
石巖嶠未嘗不儼然在望也聲

錢序二

詩之變雖每况彌下然三言始
于夏侯四言始于韋孟五言始
于蘇李六言始于谷永七言始
于栢梁九言始于高貴鄉公他
若騷選離合莫不肇端漢魏以
前典午而後大都皆踵事之增
爾故變風變雅還歸四始半齒
半齟總屬五音品詩者不惟其
言惟其所以立言之意權衡而
是正之則均一淫風也出于奔
者可刪出于刺者可錄均一頌
戴也戴桓叔戴共叔可刪刺鄭

莊刺晉昭可錄均一勞苦也閔時銜恤則爲正雅困役傷財則爲變風一出一入六義斯昭故采詩三千存者三百蓋其慎也鄙城先生之嗜詩也深且篤矣清覽有選觀始有選討論得失

錢序三

有詩話隱侯八病記室三品靡不該舉茲復有遡洄集之選所以考鏡古今盛衰之變與發明著書之意將以垂示來葉釐正風氣以求無愧古聖人刪詩之本指洋洋灑灑業詳具自序中

矣廼且菴顧侍御復將先生之命授簡于余余將何言哉涼飈乍起白露初流秋水盈盈蒹葭彌望余方深宛在之想而忽讀是集其能無溯洄之思乎夫溯洄秦風也燕之筑趙之瑟秦之

錢序四

在悲歌慷慨其天性然秦尤以雄武開國小戎駟鐵車鄰白顛咸以戎事顯獨蒹葭一章其思深其音遠纏綿悱惻千載而下猶得想見慕賢好善之誠先生之以是命其集也殆欲於磊砢

英多之中不失溫厚和平之遺
意乎若乃句權字比斤斤人代
之間爭工拙而較正變逐末遺
本先生勿之屑也先生所謂獨
得古聖人刪定之指者以此至
立朝大節海內咸耳而目之余

錢序五

散人也不具論

康熙壬寅七月下浣武水錢棻

仲芳拜序



序

依古以來作者代有斐然成一家之言藏
名山傳來世蓋已僅矣若夫小雅之材登
高而賦詩暫而合於溫柔敦厚之旨常試
校其生平衡得失一彼而一此寶敝帚者
欣然自多人往年湮則蕪蔓而不足觀採
於是楮墨腐於案塵聲華沒於草露人與

錢序一

骨未朽而零落隨之豈不痛哉且夫巖穴
之士附青雲而始顯顏淵雖篤學得孔子
而益彰閉戶著書之子立言足以垂不朽
而遇不能達天祿之編力不能勒荆山之
石有昌黎之集而他日不逢伯長師魯之
鑒終淹滅而無所發聞悲夫此昭明文選
所以嘉與古人而貽惠來學功誠不可泯

也開常曠觀歷代之書若唐文苑宋文粹
元文鑑廣甄博採厥績茂焉然卷帙浩繁
善否淆恩學者寓目不能竟披砂而揀金
爲力亦已困矣若唐人選唐詩時在同朝
之間人卽耳目之近考其志擇其言引繩
操墨折衷以一切之法掩瑕而存瑜藏拙
而呈美後人受其書而習其讀就所見以

嚴序二

信所長旣無淹滅之憂又免蕪蔓之誚故
選家之力能全作者而善傳之選若是其
不可已夫

清興息馬投戈漸漬於文教二十年以來學
士大夫家握靈蛇之珠人懷隋氏之麗窮
巷掘門之徒抱膝而行吟歌聲若出金石
者衆矣然巴人下俚千倡萬和音擾雜而

不淪雖有卓爾不羣之材所謂不更孔公
風雅無別作者雖多傳不傳未可知也崑
林魏先生以多材多藝之元臣擅穆如清
風之手筆雅尚愛奇人倫藻鑒常取近時
名彥之作選爲觀始集亦旣紙貴海內猶
慮蒐採或有未竟續成溯洄集一書目閱
手批筆則筆削則削斷斷如也且夫操選

嚴序三

政者近今不乏矣其意各有所向持所見
以行一切之法而不揆於六義之正不足
以垂來者傳無窮若濟南雲間之流號爲
彬彬矣然其言曰脩辭寧失之理取聲調
格律而不言性情於興觀群怨之旨何歸
焉先生之論詩一準於發乎情止乎禮義
言有合於溫柔敦厚之旨國風之不淫小

雅之不怨者乃始登之簡牘施之丹黃故
是集泚泚乎善入人之心淵乎其似道郁
乎其遠於鄙倍雖與三百篇離騷並存可
也若夫篇什之或多或寡或取或去自唐
人選唐詩已不能捨已見而徇人之意先
生何與知焉獨是先生身為周召伊傳高
步於

嚴序四

彤庭退食論思之餘不忘四始扶風之旨俛
首論著若儒生然然羔雉之所投贈答之
所及於學士大夫之集大畧具備矣而窮
巷掘門歌聲若出金石者得無有鬱聲於
巖穴而不得特達於大人長者之前者乎
則或傳或不傳猶復有幸不幸焉此先
生溯洄懷想之心誠畢然達望而不能已

也士有志身後名者當益以所作就正於
有道徐俟他日之論定豈不盛哉

康熙元年春王正月文林郎吏科都給事

中禹航嚴沆謹序

嚴序五

溯洄集自序

東華十丈塵裡薄書鞅掌日無寧晷
歸而困憊偃臥竹香齋中尋華山處
士睡方門外有剝啄聲輒怫然不樂
豈復有拈鬚高吟之致然余於他書

自序一

掩卷嗜卧獨至於今之文人才士其
所爲發抒性情欲歌欲泣之什不覺
投枕而起三致意焉嗟乎謂古今人
不相及豈盡然哉猶記前輩論文有
云來春花鳥非復敗梗枯枝詰旦風

光豈是殘烟剩雨文固云爾詩亦宜
然自三百篇以後詩凡幾變矣衰於
春秋戰國盛於兩漢衰於魏晉六朝
盛於唐衰於五代宋盛於明衰於萬
曆以後盛於

自序二

皇清之初人心釀世運世運變人心良
非偶然變而不失其正則有心世道
者之責也今海內言詩者頗多然綺
靡淫佻之習流蕩忘返比於蜩聒蟲
吟而憤激悠謬之詞雜出不經亦豈

鸞鳴鳳嘯耶將欲垂示來葉釐正風
氣難已余於唐詩有清覽之選凡言
詩之指載於諸家詩話及余所著兼
濟堂詩話中於

皇清詩有觀始之選一時撻觚之流刮

自序三

垢磨光剗精劖目咸以大雅被服厥
躬渢渢乎其盛哉數年以來復有仕
籍縉紳先生及菰蘆中布衣賢士所
作發揮性情欲歌欲泣之什或得之
投贈或得之選刻每有所見不敢荒

忽必擇其雅馴而意指雋永者令胥
史錄之赫蹏積日累月盈箱溢篋如
入五都之市百貨駢闐行山陽之道
千巖競秀辛丑之春樵戶無事大加
澄汰芟削存十之二雖集中諸人有

自序四

識與不識然余旣與之生同世生同
時矣今得讀其言志之作而聞其欲
歌欲泣之致抑揚感慨之聲或關於
典禮制作載朝廟之鴻猷或協於倫
紀游覽拾香艸之名物彬彬乎各有

其義非無當於正變也詩不云乎所
謂伊人在水一方遡洄從之道阻且
長遡遊從之宛在水中央詩人好賢
遡洄於方舟之間不敢言勞余茲遡
洄於鉛槧之間豈敢薄視風雅使文

自序五

人心靈淹沒無聞而不表見於後世
乎是余茲集之志也夫是余茲集之
志也夫集旣告竣因取詩正詩源時
人諸刻論詩有合詩教者併錄於首
使世之學者得以覽焉

順治辛丑十二月鄒南魏喬介自序



自序六

序

順治中御史大夫栢卿魏先生常選四方名人之詩名曰觀始集其書流布天下筆削之旨群宗焉康熙改元以來先生復取作者近時之詩彙刪論訂二集成易其名曰溯洄豹文伏而讀之而序言於末曰六經皆聖人所作而詩獨形四方之風兒童

顧序一

婦女之謳吟亦或登於勸懲之列詩與春秋相表裏所以伸王者之大權也王者之御天下也不惟平其賦稅勸其耕桑除其盜賊使得引養引恬是爲益厚其生而復將正其德使熙然游於禮樂中和之域其父慈其子孝其兄弟友其夫義而其婦貞闡其隱微之情索其不可見之志取其蘊

顧序二

結感懷迫而不得已而動于心宣于口之言邪者邪正者正釐然並載於太史之簡則沃土瘠土山國澤國風俗之所漸政教之所播習尚之所成莫不瞭如燦見而不可掩於是行其賞罰而用其整齊使邪者不終於邪而正者益出於正故詩者持也持天下之心志而固之以禮樂中和此所謂伸王者之大權而列於六經之一也詩亡然後春秋作採風之使不行巡狩之迹熄慶讓之大典廢於是四方自成其俗而王者不知聖人有憂之旣刪風雅頌之詩以章顯先王之志而復作爲春秋以明著實誡勸懲之法蓋詩治天下之言而春秋治天下之行事治人之行事者治其事而

已治人之言者則併其心志而治之粹然
發於詠歌之細在虜陰桑野之間俄而播
於四國傳於千秋有善得聞而有惡不可
蓋民滋愍矣未刪之詩有邪有正旣刪之
詩有正而無邪故其言則公卿大夫士與
夫田夫野老兒童婦女之言也其旨則聖
人之旨也三代以後六經不可更作而詩

顧序三

獨未亾詩亾於王迹之熄而不亾於四方
之風獨所以採之刪之者非其道耳故由
漢魏迄今樂府藝苑之所留亦復釐然具
在而不可廢用斯而譚則先生是選所以
助政教維人心誠古名大臣之志也當
國家初定承明之季世征歛繁苛吏道稠濁
崔苻之弄兵者衆民救死扶傷之不給雖

武定禍亂而邊圉猶未靖供億猶未休類
宮鞠爲茂草負耒耜者亦已尠矣而安暇橫
經故四方之詩哀怨多而和平少卽有去
湯火而登衽席者猶涸魚之乍濡於沼鬣
舒鱗舉而非有掉尾大川之樂觀其始者
如民勞板蕩之餘幸而有汝墳漢廣之篇
則已善矣自

顧序四

先皇帝在宥十有八年鯨鯢漸已除蠹賊漸
已去繼之以

今上維新之政雖民生猶苦感也然兵革殺
掠之慘免季世之稗政止凜然人畏三尺
之律而禁絕其譁囂恣肆罔

上行私而不知戒懼之風所用道之齊之治
天下之行事者繫可見矣於是乎取天下

之言而觀其心志其諸得無有發乎情止乎禮義而稍進於禮樂中和之域者乎溯而洄之伊人宛在先生之志蓋汲乎欲躋斯世於三代之隆而望賢大夫士之共維之也抑古王者之採詩也非惟觀風亦以攷治也正德急矣厚生尤要焉先生立朝之大節著嘉謨嘉猷入告於我

顧序五

后焚草藁而順之於外者夥而又附於輶軒所採之義存大東之章進七月之什以此當監門之圖諷於不言之微動於觀感之隱先生之心至矣豹文何足以知之
康熙元年三月屬吏顧豹文謹序

論詩二十則

賈靜子曰詩者古先聖賢之徒以之自抒其性情故庸人哀樂憂思有合于聖賢之性情者皆採焉非怨貧貢諛宣淫抒志述景之具也故出則康濟一世則爲天保采薇出車嘉魚諸咏其或不幸而遇時之不猶感之而或極之則悲或矢爲黃鳥小宛諸什感之而欲逃之則樂或矢爲沁水考槃諸什未有怨貧賤而思富貴者也士之不能守貧猶婦人之不能守身也孟郊張籍失其旨矣古者臣

溯洄集

詩論

子於君有頌然頌之中不忘規焉未聞交遊往來之常而專於諛也語云關雎好色而不淫齊梁陳隋之淫過於鄭衛矣三百篇之所以存鄭衛者以一國之風如是且識其所以公也非取之也乃若人之心有正者焉有邪者焉正則可以寄之吟咏邪則不敢發諸嘯歌黃鳥鳴則雙柑往聽鴉梟鳴則磔之未有任其狂號者也卽邪人之什亦必依竊正人之言以傳至于景之所述或採菊東籬狀幽人之清致或荷鍾林下象志士之高風豈尋常

園僕蕩子。藝花嗜酒者。所可擬乎。

詩之道。一曰道德。道德者。不言道德。言之則腐。塵垢富貴。山水自珍。王維孟浩然。韋應物。諸人是也。二曰氣節。氣節者。不言氣節。言之則激。彭澤之農。阮藉之任是也。三曰經濟。經濟者。言經濟。治則鼓吹。休明。亂則悲憫。宗社。杜甫是也。三者之外。無詩矣。

語云。詩三百。一言以蔽之。曰思無邪。道德性命之言。經濟康阜之志。獻納箴規之思。節義貞潔之懷。

溯洄集

詩論

二

泌水笑傲之樂。外此皆邪也。

詩斷自唐。唐以後之人。事不可入詩。猶制義斷自春秋。戰國。漢唐宋明之事。可入結。不可入文也。至於題咏。後人後事。則無礙焉。若目前之景。目前之人。正須入之。

詩不可用一難字。不可用一俚字。然古人已用之。雖俚亦雅。古人未用之字。雖確亦鄙。劉禹錫重九。所以不敢用饒字也。至于難字。則無一可矣。難字者。詩之賊也。古文之賊也。昌黎之難。子瞻之俚。

胥失之矣。

詩餘者。詩之必不可用者也。故曰餘。猶脩未央宮。曲木散礫。無所用之。然非特以纖靡。斌媚辭之餘也。正以其樂淫。哀傷。意之餘也。意無當于大雅。故正人不取焉。

詩中所忌者。三一曰四子書之語。近于熟也。二曰佛經之語。三曰道藏之語。近於怪也。如帝王衮冕之屬。不可借用。借用則盜矣。伶矣。

學少陵者。學其氣之混茫。辭之雄博。非學其痛哭。

溯洄集

詩論

三

流涕也。學淵明者。學其自靖之志。寄托之甚。非學其耕田飲酒也。明李空同。首倡少陵。而李于鱗。七子和之。其後漸屬濫觴。公安竟陵起而排之。然不法高岑王孟。而法白居易法孟郊。自以爲唐有唐之詩。明有明之詩。發天地之奇秘。抒自己之性情。夫曰與孟非唐乎。二者何常。創爲明詩也。且不法白之大。而法其俗。不法郊之清。而法其寒。亦何益哉。明之初。劉基高啓諸人。不及初唐。明之盛。前有。何大復。七子。後有王鳳洲。七子。駸駸乎盛唐矣。至。

于高岑王孟之清渾韋蘇州之澹遠則無之矣明之中明之晚如劉禹錫杜牧之諸什則全無矣詩之傳以詩也非以人也三百篇中多載周召之詩以其能詩也未聞太公望南宮适散宜生盡人而備之也乃若思婦勞人之作間一錄焉取其言之有合也

詩以律爲本舍律而逼擬古人如僞鼎彝王元美擬三百篇李于鱗盡擬樂府贅矣

六朝詩散而文排唐太宗變詩爲律以排易散也

溯洄集

詩論

四

韓愈變文爲散以散易排也詩文之道千載無與京者

一律四轉矣有二語爲一語者有四語爲一語者有六語爲一語者有八語爲一語者以不轉而工詩不可無才情然才情詩之忌也不可無學問然學問詩之忌也不可無議論然議論詩之忌也精驚心遊一氣抒瀉才情學問議論安所用之不讀盡古人書不可以詩讀盡古人書亦不可以詩蓋讀書者學也十年面壁者思也學之功三思

之功七

詩與他經及史無與也然不諳他經及史者不可以詩詩與制義無與也然不解制義者不可以詩所以遊客釋子閨秀之佳者寥寥落花雁字不可七律猶黃鐘大呂不可奏之里社村儺也

昔人云詩在可解不可解之間夫詩豈有不可解者乎其不可解者非詩也難爲不知者言聊借以解免耳

詩不欲速不欲多昔人云疾行無善走又日本之

溯洄集

詩論

五

太史以著其潔孟襄陽微雲澹河漢踈雨滴梧桐一座嘆其清絕故寧取十年兩句莫云頃刻千言至吟咏終身連牘盈筭而不得一語一字之合者亦何庸乎

樂府

賈靜子曰樂府者隨古人所遇之事所履之境而創名也後人擬之必借古體裁抒我情志或翻駁古意別有所見若依其意而易其辭則優孟衣冠可厭之甚矣故少陵集中無樂府其垂老別無家別新婚別皆自製題爲之以至白樂天亦自製賣炭諸行凄惻可傳明李空同襲矣王李諸子襲之襲矣故今樂府選者寥寥

五言古

湖洞集

詩論

六

賈靜子曰五言古自以蘇李十九首爲宗謾謾如國風至於六朝不腴則淫腴則誦纂逆爲臯夔淫則視禮法爲土苴雕辭綴句亦何益乎又曰五七言古與律不同律者一字一句千鈞百鍊古惟一氣磅礴波瀾老成而已宋牧仲曰五言古唐初尚氣而黜辭力返漢魏而盛而中皆在六朝之上

七言古

賈靜子曰七言詩雖起于宋玉九歌相梁體祖之

然句法艱澁不可學也至魏氏父子及甄后實爲

七言古之祖唐初盛及中晚法之皆有至境叙事之中有以畧而勝者如三百綿之篇方論太王直越王季突及文王驀披跳澗天馬行空是也有以詳而勝者如三百生民之什叙后稷初棄重重複複寸步不移是也摩詰輞川圖尺幅有千里之勢乃唐李小將軍畫人物百狀絲髮生動兩者不可偏廢故樂天歌行與少陵並傳非曰少陵爲長而樂天爲短也

湖洞集

詩論

七

宋牧仲曰詩至杜而精至白而大元微之連昌宮辭白樂天長恨歌琵琶行爲唐人豔述皆獨絕千古

五言律

賈靜子曰五言律詩見端于六朝格嚴於唐較七言稍易而四十字一氣爲難佳句佳韻割之以就一氣非曰偶得佳句前後補綴之也又非曰首起三四承五六轉七八合也然尚有不知起承轉合者換句何爲乎故有不知一氣而前後參差者亦

有知一氣而詞不足以運之而終覺參差者其失均也。

宋牧仲曰五七言律全重起結起結鄙纖而中與工語者下技也。

七言律

宋牧仲曰七律之體創于唐初沈佺期杜審言諸人然初唐人不數首盛唐岑王諸人亦不多爲之唐之多而善者惟少陵一人明有李空同李于鱗王元美諸人然佳者每不過數十首故七律最難

溯淵集

詩論

八

工也况七排乎

又曰七律一字不可拘所以被之官商聞之候木菴先生曰唐人有拘二四六者無拘一三五者知言哉

賈靜子曰七律與五七言古及五律不同諸詩可以清空一氣如話清者不涉于俗空者不雜于古一氣者首尾相應如話者不事雕飾而七律則冠裳佩玉如西京東都諸賦陸離燦爛可以清而不可以空可以一氣而不可如話所以唐人作者寥

寥卽少陵間有七律清空一氣如話如郭明龍所云者亦閒適贈送變調非清廟明堂之什也

五言排律

賈靜子曰五言排律杜少陵爲上清空流利如五言古詩若堆積而傷氣則下駟矣

宋牧仲曰五言排唐人有佳者較七排爲易至于七言律唐人作者鮮工者亦鮮惟少陵百五十餘首其餘王孟不過十餘首以雄渾博大難于立言明則作者人千首矣亦何益哉七律且難况七排乎

溯淵集

詩論

九

乎

五言絕句

宋牧仲曰五言絕句卽古子夜歌之類而唐人叶以律尺幅中有千萬里之勢

七言絕句

賈靜子曰七言絕句與七律不同唐于七律分初盛中晚于七絕不分也萬首絕句體裁如一豈句少者易工乎

詩話

姚辱菴曰七言歌行必取王楊諸子者韻平仄互換句三五錯綜又加以開合傳以神情宏以風藻是以大備若李嶠汾陰行玄宗劇賞然聲調未諧轉換多躋出四子下也

七言古唐初駱武功盧昇之非不能作橫軼奮迅奇險之語也而帝京疇昔極其富豔蓋非沿綺靡之習而實清商之正音也雖時代使然然詢吟曲引篇行引調之屬可吟可詠乃抑揚頓挫之極致

溯洄集

詩話

十

爾此可以爲七言正始

陶謝韋柳爲正風何也以其才清也格不清則凡調不清則冗思不清則俗王揚之流麗沈宋之豐蔚高岑之悲壯李杜之雄大其才不一而格調思未有不清者也

作詩無擯元惡一段凜凜處何以言惡惡如巷伯乎陶謝韋柳之清豈諸靡無復筋骨者耶

吳素夫分詩憊史憊二書史憊無非辨論十倫五常之範故詩亦如之史憊上下史乘數千年忠奸

順逆之故瞭然縷指其于君臣之際指晏嬰爲誦

許之士不能討仇奈何比肩立朝非忠也此論開闢若羊叔子有君臣之德則慈信廉讓而於晉謀賜革之際不無中惡及終之曰人臣忠於所事必至厓山盡傾柴市告殞乃爲盡職嗚呼若素夫者正名分而著倫常撥亂反正謹嚴如此可謂志在春秋者矣

凡人墜地一聲發響卽哀故哀聲最能感人李杜初無優劣之論元微之始云大白不能窺杜甫之

溯洄集

詩話

十一

藩籬然以予論之李杜光燄萬丈誠不復可優劣然太白詩至樂非一樽則百壺非白花路則紫綺裘一視非不歟赫而求于美之穿夔出峽頓挫瀏離使人悽悽填臆淫淫盈目者殊少故快心一過便覺無味而惟哀之感人則令人悠揚綿遠怨慕不已故孔子於關雎首篇便曰哀而不傷以是決李杜之優劣彼必心折

南呂之宮感歎悲傷商調之唱悽愴怨慕近體不稱律則已律則鏗鏘其聲方始合調也老杜風飄

律呂相和切意亦善解律者故其聲詩動人

陳繹曾云凡讀漢詩先真實後文華凡讀建安詩于文華中求真實

兩漢氣純魏氣平晉氣激六朝氣靡漢氣去國風不遠也然非誠不純

詩亦用志不分乃疑于神嘉州之塞上儲光羲之用家李東川之玄理皆專領凝習之久者也習之久則自工

詩以悟為主東坡跋李端叔詩卷暫借好詩消永

潮洞集

詩話

十二

夜每逢佳處即參禪嚴氏曰漢魏尚矣不假悟也康樂以至盛唐透徹之悟也此猶從詩言也若論至人胸如日月作詩文自然透徹魯直云參禪而知無功之功學道而知至道不煩故詩文能造微入妙此直須悟徹始得豈可爲單見寡聞者道哉漢魏之與齊梁絕遠者去小雅不遠故韋孟之諷諫成之自効傳毅之勉志高彪之清誠皆有震無咎之悔者而後人不然也不過嘲風雲弄花草而已

初唐排律體質穠厚格調整齊時有近拙近板處

少室山人云杜陵贈李白汝陽哥舒見素諸作如周昉寫生太史序傳從容聲律間形神意氣踴躍毫楮則悟作詩之活法矣

予于孝弟之詩多采以補笙奏者何也義有取乎爾也棠棣之詩偏而相反以喻兄弟相失故孔子逸之以爲兄弟天性豈可相遠害理之甚夫孔子所逸則予之所刪也孔子所存予又安得不補耶胡少室以子昂野戍荒烟斷深山古水平平淡簡

潮洞集

詩話

十三

遠王孟二家之祖審言楚山橫地出漢水接天迥閑逸渾雄少陵家法宋人徒掇其牽風紫蔓小語以爲杜所自出陋哉

新安胡氏曰鹿鳴四牡等篇詞多和平惟棠棣一篇詞多激切朱子曰此是先被他害故于制禮作樂後更作此詩意主于懲創也

五言律體極盛于唐其大端有二格陳杜沈宋麗精工王孟儲韋清空閒遠舍此二端如說鬼矣昔唐彥謙師溫庭筠格體類之後村劉氏舉其剪

茅行殿濕伐栢舊陵香句以爲語猶渾成未甚破
碎若西崑酬唱集太雕琢矣。

詩有鏤冰格謂句輕清好看也。若齟齬之病。叢雜
之病。悉由近體。生聖人刪詩之後。協之管絃。所謂
和順於道德之自然者。

趙倚樓鄭鷗鵠一輩詩也。然實出于離騷楚辭。及
至足之餘。自當溢爲奇偉。蘇子瞻云。晁德宇詩可
作朋友切磋之語。以告之。自有邁往之時耳。

詩抑則句健。故劉滄許渾鄭繼之喜作是語。朱元

淵集

詩話

十四

晦云詩從崎嶇說出底便不好。郝京山云詩此與
易象欲不崎嶇胡可得。譬如用兵奇正相生。宋襄
公怕崎嶇戰死於泓。成安君怕崎嶇爲虜於漢。故
聖人不爲險。亦不失險。能崎嶇則拘而自健矣。
前輩讀書類皆成誦。故釋卷亦復了了。昔蔡相謂
選人曰。能誦盧同月蝕詩乎。其人應聲朗念如注
瓶水。一坐盡傾。陳子兼云。柳子厚天對更自難讀。
人皆不解其屈曲聲牙。不獨三盤五誥也。貴達作
者心。洵可爲讀書法。

公安云文必學史。漢詩必學杜陵。後生之通病。然
不學杜陵則景象既殊。音節自寡。漸流外道。不成
正聲。

史主嚴而詩主寬。史體主敘述。詩主涵詠。楊鐵崖
李懷麓好咏史爲樂府。論首云。如范曄立傳而論
贊贊以四言。與古體反。此涵泳自得而不主論議
者也。

鄭康成註毛詩。欲一一合周禮。昔人病之。如騷雅
三千云。國馬之制之類。皆是束縛太過。不知出牙

詩集

詩話

十五

禮則入乎非禮人德愆於下。則天變作於上。正月
繁霜。十月之交。所以作也。若原本經術以作詩。正
詩與禮與春秋相合。使人恐懼修省之意。如云不
省以禮解詩。則天變豈真不可畏哉。

王元美嘗以將喻詩云。謀者意也。前茅慮無中權。
後勁者格也。蕭蕭馬鳴。悠悠旆旌者。正也。開闢變
化莫可揣測者。奇也。起句便用奇。伏後乃凱旋而
歸之。正而反復出入自成奇格。亦自成正格。此詩
中之霍驃姚矣。

作詩閱詩之法。要下剪裁手段。寧割愛勿貪多。非
得大將軍方畧。不能整頓。忤服詞人。聞此庶其咸
振風雅。爲詩學中興哉。

少陵七言律法。獨異諸家。前輩謂其大體渾雄富
麗。小家不可彷彿。不然。劉須溪之評。少陵弔蜀相
詩云。千年遺下此語。使人意傷。一字一淚也。
詩有力量。猶如弓之鬪力。其未挽時。不知其難也。
及其挽之力。不及處。分寸不可得。強故竹坡老人
以出塞曲。落日照大旗爲則。不知七言輒易發舒。

海淵集

詩話

十六

尤難勁緊

洪武四家如楊孟載七絕多情至之語。王司寇評
其詩如西湖柳枝。綽約近人。至當矣。乃云欠風雅
何哉。中山柳枝亦欠風雅耶。

咏物無一種濶大意。思作宋齊梁陳小碎篇章。猶
之攢木葉蟲耳。劉珊咏蟬聲流上林苑。影入侍臣
冠。大矣。猶抱題斷也。如段成式楊柳詞。而今萬乘
多巡狩。輦路無陰綠草長。則全置柳在外。直言王
室多難。天子蒙塵。有忠臣惓惓不忘之心焉。

江進之論詩云。唐人千歲而新。今人脫手而舊。謂
流自性靈。與出自模擬者。所從來異也。予謂情真
景真。句朗字響。卽模擬亦佳。不模擬亦佳。易曰。擬
議以成其變化。道問學之功。與尊德性之功。朱陸
原無可優劣。予非故爲相攻者。作調人也。

香山詩亦非一種者。如貂冠蒼水玉。紫綬黃金章。
亥日饒蝦蟹。寅年足虎驕。戴花紅石竹。幘暈紫檳
榔。卽使最工琢者。何能及之。而云平易。其與元九
書云。人之文六經首之。就六經言。詩又首之。又云。

海淵集

詩話

十七

頭髮衰白。蓋苦學力文所致。乃知其意欲扶詩教
其至。易從至難中出也。此詩何其工練。故音特取
以爲鵠拈示世。

王欽佩論詩。尚尚才情。嘗言唐風旣成。詩自爲格。
不與雅頌同趣。漢魏變于雅頌。唐體沿于國風。雅
言多盡。風辭則微。若以雅文爲近。詩未嘗不流于
宋也。此言亦似有理。
有正風。便有變風。不獨世之異。其才亦不可掩抑
也。

七言絕句擅場則王江寧。偏至則李彰明。羽翼則劉中山。遺響則杜樊川。意唐人偏長。獨至而後人力追莫嗣者。

綠承靜言思之。猶似未有和平意。朱子云。意思却又分外好。蓋臣之於君。無可去之義。婦之與夫。無可怨之理。雖爲夫所棄而猶有望之之意焉。是其性情之正也。故二南與卿卿。栢舟皆首婦人。雖居變風之首。猶有忠厚之情焉。孰謂清商豔曲。必發乎情不能止乎理義哉。

淵淵集

詩話

十八

七言律咏物盛唐惟李。頤梵音絕妙。中唐錢起題雖稍着迹。而聲調宏朗。足嗣開元。晚唐鴛鴦鷓鴣。往往名世。而格卑不足取。

建安七子。戢翼摧頽。來就樂土。固應感德報恩。時進知己之言。但斯時漢帝尚在。而應瑒公譙卽云。巍巍主人德。從軍之四日。一繇我聖君。公然無君如此。真漢室之罪人也。

楊用修取六朝儷篇。題爲五言律祖。此詩有何遜吳均之精思。請庾信徐陵之妙境。

衛風其雨其雨。杲杲出日。遲日不歸。其行久矣。采薇之役。逾年而歸。東山之詩。三年而至。是以治世之詩。則言其君上憫恤之情。亂世之詩。則錄其室家離怨之苦。

詩人情之所繫。不忘故舊。白樂天九江春望。鑪烟豈易終南色。盆草寧殊渭北春。蓋不忘蔡渡也。老杜偶題故山。迷白閣。秋水憶黃陂。殆亦此意。魏三祖之所以獨盛者。以其源本風人。並自悠圓。故也。至于陸詩體俳。謝語俳。有升降之感焉。

淵淵集

詩話

十九

義山與老杜盛晚不同。乃荆公以爲得杜甫清蘊者。義山一人而已。許彥周又云。詩中淺易鄙陋之氣不除。熟讀唐李義山詩。而深思焉。則去也。此二意謂何。予曰。只是用事鍛鍊。而情詞婉約耳。

樂府先合調謾證題。則有風謠之情。而不失本曲調上也。鮑照十二曲後。俱是七言古矣。

杜牧言長吉若使稍加其理。卽奴僕命騷人可也。我做我詩。何須比人。虞德園有最妙論曰。世人封已爲我。至文章乃不識有我。蛻所緣則亦立無一。

字濟南景陵何緣招得此好兒孫橫受癡種子歸
依今日發蒙亦得與二師雪恥

詩有通章託言全不露正意者如十九首之類不
須題目也而以題擬之遂莫不肖亦有有題而詩
似題者如楚辭及唐人雜興皆風人之旨也

七律學杜者多然變多正少類失麤豪淘洗清空
寫送流亮意欲存正于變之中不必過摹盛唐

晚唐用字澀僻如作謎故蘇如積薪陳如守株黃
如緣木予以爲在排律尤不可宛轉清空了無痕

淵淵集

詩話

二十

迹胡元瑞云全在神運筆融不在排比鋪陳也

用字尖新而不覺若蘆根巧桂野人航桂字湖上
夜漁箋海嶽箋字書腸每啖空啖空字繇其筆姿

輕媚無着迹故也雖然是亦鍛鍊之至而出之以
婉約耳

有人作詩甚艱求捷法于東坡作頌以與之曰衡
口出常言法度法前軌人言非妙處妙處在于是
蓋謂詩到平淡處要似非力所能也

古樂府如郊祀鏡歌則見以爲太深讀相和清平

則見以爲太淺其病皆在習近體不習古風若爛
讀上古歌謠得其意調真有手舞足蹈樂不自知
者知此者胡元瑞與

杜子美韻語紀時事宋人謂之詩史楊用修以爲
史者記言記事古之尚書春秋也若詩之體旨與
春秋判然耳雖然詩人以詩諷聞之足以戒唐憲
宗讀白居易諷諫百餘篇而善之因召爲學士則
詩諫遂不可已

蘇李別錄枚蔡言情嗣宗感懷太冲詠史雖代有

淵淵集

詩話

二十一

後先體有高下要皆古今絕唱爲其題者不用其
格便非古色一剽其語決非名家

作詩亦一味嚴謹不得風之動物在活詩人所以
戲謔也

詩之餘音淺至儼俏花間草堂第堪使李令伯家
雪兒歌耳非開元天寶正朔不奉陋曹劉浮寃笑
沈宋轉側者已

清詩溯洄集目錄卷之一

五言古詩

梁清標

字玉立真定人

閑意

二首

初春北上留別兄弟

楊思聖

字猶龍鉅鹿人

硤石

山行遇雨

由雲臺步至玉泉訪希夷洞

鴻門

客行

入棧紀行

七首

溯洄集

卷之一

嚴沆

字灝亭餘杭人

改官後作

熊文舉

字雪堂新建人

感遇

杜芳

字月湖長垣人

秋意

感賦呈周芝似

同崔仲子作

兵荒別

四首

曹本榮

字厚菴黃岡人

積雨

丁酉五月五日

送穆伯章令鉅鹿

慨然作

二首

龔鼎孳

字孝升合肥人

七里瀨

十八灘雜詠

嚴正矩

字絮菴孝感人

公巡臨平道上見田夫刈禾而賦

署中隙地督僕理石種蔬

過漂母祠

飲酒

閱東坡詩書後

雜詩

郡齋閑坐書懷

咏嚴子陵

溯洄集

卷之一

毛達

字錦來新城人

擬古

三首

避秦

地震

荆卿

季振宜

字滄章泰興人

兄兄入夢夢盡淚存書寄樞前

申涵光

字鳧盟永年人

感懷詩

五首

歲晏詩

四首

寓金陵簡諸知己

詠古

酬魏都諫石生

將出都留別故人

擬古

周肇

字子佩太倉人

雜感

四首

懷陵述感

陵即田貴妃葬處

孔胤樾

字心一順天人

和唐人宋務光海上作

望泰山用張雲齋原韻

和薛行塢宗伯豐逃行

田家雜咏

十首

柳公榮年兄有咏荆卿二絕發義明確自是

溯洄集

卷之一

三

特筆因擬古言一首然欲生劫以報太子

此荆卿之所以敗也篇中蓋深惜之荆卿

有靈不知亦首肯余言否

登清源廓外塔

梁以樟

字公秋順天人

秋懷

九首

殷岳

字伯巖雜澤人

讀史

四首

客官渡除夕詠懷

二首

感懷詩

五首

成性

字我存和州人

古詩

朱存標

字子建松江人

古辭

季開生

字天中泰興人

貧女

三首

趙賓

字錦帆陽武人

雜興

三首

王士禎

字貽上新城人

溯洄集

卷之一

四

偶然作

南皮懷古

舟次桃花口望落霞

柳泉

拜季子廟下作

招隱寺

寄廣陵趙五絃

二首

冬日偶然作

魏裔訥

字辯若栢鄉人

東彭士報

和崑林仲兄思鄉作

過伯倫故里至安肅

邑郭外雨中作

丁浴初

字咸池獲鹿人

白鹿洞新成

顧大申 字見山華亭人

曉晴驅車滕薛間 戚城

張文光 字譙明祥符人

贈友 有序

吳山第一峰有丁仙翁者白日乘鐵鶴飛

去吾友丁野鶴神仙中人也酒間談及故

以鐵鶴易之

望泰山 後婦行

沈荃 字繹堂松江人

溯河集

卷之一

五

送楊猶龍先生晉蜀左藩

董文驥 字雲知武進人

宜河驛西土穴中食宿

無定河

施閏章 字尚白宣城人

自西山淨德寺至隆恩寺宿

香山寺用李空同韻

贈楊猶龍太史 一首

蔡含靈 字子虛寧晉人

感雪 二首 迷樓

送陳天祓出守長沙

吳雯清 字方連歙縣人

入法華山夜宿石人塢

汪琬 字若文長州人

感懷

顧如華 字西嶽漢川人

傳聞上賜曹侍講本榮袍韡喜賦因摘杜工

部奉先縣咏懷詩四句起興

溯河集

卷之一

六

高輔辰 字二亮涿州人

和淵明諸詩

張競光 字又菴杭州人

詠懷

贈姚爾含

潮洞集卷一五言古上

栢鄉魏喬介石生選評

禹航嚴會渠方貽校訂
錢唐顧之瑜不瑕

五言古

梁清標

間意

矯矯雲中鶴。泛泛沙邊鷗。翱翔在閒曠。於世將安求。嗟彼九秋鷹。秦馴綠臂鞵。四顧事搏擊。所性良不侔。東華十丈塵。袞袞多貴游。人情善陰陽。倏忽

潮洞集

卷一

恒戈矛。余亦澹莫人。胡為辭林丘。款段勉馳驅。偃偃靡所投。宦薄名不彰。太息傷蜉蝣。安能違素心。勞生來怨尤。田園幸未荒。西郊有青疇。新雨稻稈熟。水榭迎早秋。高樹喧鳴蟬。清池泳輕條。何時謝塵纓。十畝長優游。吁嗟邴曼容。寂寞養玄脩。

又

白日每易暮。浮雲亦無心。長安日喧闐。歲月徒駸駸。小院暑氣薄。庭晝結秋陰。柴門無熱客。危坐胡蕭森。時時手一編。散帙走白蟬。涼風左右至。颯然

開素襟。幽花夜半舒。座中香微侵。秋蟲不知名。往往得清音。不寐受晚涼。雨氣來遙岑。天地未有窮。榮祿安足歆。且酌杯中酒。白眼托高吟。

初春北上留別兄弟

春風何澹蕩。寒日照郡樓。舍人治我裝。遊子去舊丘。東門設祖帳。親戚羅道周。顧余麋鹿性。林壑夙所求。用世本無具。竊祿良足羞。胡為煩徵書。勸駕多朋儔。一朝辭墳墓。啼猿聲啾啾。宦途方險巇。置身安可謀。津亭傾離樽。清淚沾敝裘。帝關鬱岩峩。

潮洞集

卷一

王程敢遲留。執手珍重別。前路云阻修。回首語昆季。為我治田疇。茲行報明主。歸卧西山頭。三徑勿蕪荒。烟月長夷猶。

羽扇輪巾中尚有澹泊寧靜之致諸葛君真名士也

楊思聖

硤石

凌晨過硤石。土立如深壁。昏旦虧陰晴。天光窺一隙。積雨泥淖滑。行人苦逼窄。牽扶強登涉。僕馬頗極力。憑高眼初放。萬壑明歷歷。合沓遠近青。負勢

各爭出嶺頂。瀉飛泉。崩棄若雷激。蒙茸艸樹豐。鳴
鳥聽不一。峭絕千仞崖。戶牖當疊闕。嵌空架數椽。
束縛還相汲。稚子類猿猱。見人滿巖集。當時避寇
亂。久因托家室。吁嗟乎鮮民。何年脫險厄。近聞多
虎患。白晝恣吞食。天使人獸爭。安敢不戰慄。跂予
望前途。足跡空愁疾。

山行遇雨

栖栖苦無成。中年嬰世務。行役安得辭。鷄鳴懷往
路。陰雨感天時。險夷信所遇。振衣陟重岡。蹉跌無

潮洞集

卷一

三

安步輿夫怨塗泥。招呼何暇顧。滴瀝聲轉急。千峰
起烟霧。風來麥浪翻。綠波飛鷗鷺。山花隨意開。瑣
細不知數。衆壑響驚濤。丁丁石橋渡。牛羊下高巖。
樵牧隱深樹。旅途雖云勞。亦復賞幽趣。行行至前
村。燈火時已暮。

由雲臺步至玉泉訪希夷洞

日入琳宮靜。夕陽下諸峯。披襟步平野。漸見遠烟
封。迤邐信所適。仙宇多奇縱。徑仄塞急峽。流水聲
淙淙。數轉山更幽。鳥鳴翳深松。一亭特然立。四圍

樹色濃。藤根布石上。歲久如蟠龍。洞裏人已去。遺
像睡方慵。安得叩玄言。一爲闢心胸。羽流道貌古。
衲衣破不縫。食我胡麻飯。相對語從容。幽尋興未
了。前谿隔暮鐘。

鴻門

荒郊殺氣高。酸風吹野水。仗策渡鴻門。指點多壁
壘。劉項此戰爭。英雄各競起。乘時取功名。得失誠
有以。歎息古人沒。還爲今人恥。

客行

潮洞集

卷一

四

客行漢北口。日入夕景迫。蕭條市肆空。狐狸橫阡
陌。一二殘父老。面瘦氣愴切。向我前致詞。欲語聲
先逆。自從遭喪亂。兵荒歲相接。男婦生別離。雞狗
啼未息。今年麥稍熟。庶望給朝夕。誰知復用兵。轉
餉無時絕。縣帖終日下。索夫動逾百。邑小苦無丁。
何以供力役。繫縲及妻孥。鞭打日流血。棧道勢連
雲。千里烟火缺。塗汙吏催行。身前步轉澁。餓卽死
路傍。痛苦焉敢說。我聞置郡邑。本欲蒼生活。奈何
事敵剝。傷殘若饕餮。美官固可要。人命亦可惜。作

此告長民勿貽後世責

入棧紀行

極望峯巒雲飛常沒頂空翠霑衣裳吹落澗谿
影花鳥亂聽聞心眼細細領睇陽射碧潭石鄰碎
光炯蒙籠艸葉陰樹老身戴癭山鬼時以嘯肅肅
毛髮冷前行隔後行後嶺迷前嶺

又

戒塗首茶坪跼步凌盤磴登登僕馬勞相顧色不
定石氣涼生雨停午山色暝感歎發中懷何暇賞

溯洞集

卷一

五

幽勝客子多畏人履險憂踏蹬

又

山深四時殊六月麥未穫地瘠民苦貧終歲衣裳
薄不知造化理于何齊美惡美者豈常妍富貴蒙
丹腹惡者豈常嫗貧賤甘藜藿美惡天難問窮愁
伊誰託

又

暮投黃牛宿荒垣駐洩烟樹柵防虎過昏黑燈火
連旅食敢求餘菽麥性所便屋角枕巨壑水石聲

潺湲勞生驚物役憂心中夜煎起生當語誰仗劍
淚潸然

又

棧雲易爲雨朝行蒙霧露崖樹架連橋并流澗石
怒攀緣爭一罅陂陀馬足誤山禽鳴翠屏幽陰衆
壑赴始知所歷高下見夜來路壯懷在馳駘漫自
賦感遇

又

客子悲遠道旅途未遑安整裝凌晨發帶雨度柴

溯洞集

卷一

六

關灘石相激聒雲生暗峯巒步滑屢欹仄永濕幾
時乾強顏慰僮僕談笑輕波瀾中情默自傷胡能
駕羽翰

又

男兒生不偶辛苦遠行遊蜀道連天塹山川阻且
脩登車抗前旌慷慨彈劍續功名既有分亦不爲
封侯所悲同衆人白首老園丘浩歌懷古烈馬嘶
風颼颼誰能乞世憐永爲高士羞

自少陵秦州夔門諸作絕響千年後乃復有此空同正以近體蒼涼悲壯如游覽

紀行對此自
當遜心變色

嚴 沆

改官後作

保殘本末學。近光玷華局。供袂朝執經。步櫚夕秉燭。讐書昧魚豕。練賦暗盧玉。凌雲方遙想。惜陰虛近易。長揖謝鸞龍。無成類刻鵠。金閨仍掖門。玉珂紆逸躅。任愚或敢譴。匪嘉愧入告。拄笏烟霞紫。躡屐藤蘿綠。顧微山甫哲。終負東方粟。

熊文舉

湖洞集 卷一

七

感遇

高樓有佳人。自理鳴箏曲。月色映湘簾。流光斷復續。迢迢歲序淹。黯黯韶華促。蕩子不歸來。秋風驚落木。所志詎封侯。功名羞詘辱。維古嚴節士。稻粱恥鷄鶩。感嘆罷箏聲。西牕看脩竹。

得沆
花法

杜 芳

秋意

風吹紅日白。晚映蒼苔綠。飄雨高晶晶。溼雲層層。

○天○意○已○凋○零○人○情○紛○不○足○四○時○秋○色○悲○千○里○亂○
心○曲○孤○鳥○澹○遠○沒○落○風○冷○佩○玉○清○潔○非○世○貴○出○門○
任○榮○辱○何○如○田○百○畝○酒○釀○黃○花○熟○

感賦呈周芝侶

青○天○不○可○極○四○海○蕩○無○垠○賜○谷○觀○日○出○遊○者○安○能○
論○所○以○欲○冥○遊○嗟○嘆○古○時○人○黃○虞○亦○云○已○吾○道○更○
誰○陳○

同崔仲子作

湛○湛○明○月○光○澹○澹○石○中○水○浮○雲○成○蒼○狗○須○臾○有○盈○

湖洞集 卷一

八

毀○丈○夫○重○然○諾○泰○山○安○可○靡○十○年○鑄○一○劍○凌○厲○未○
為○美○願○言○再○莫○試○慷○慨○殊○多○累○

閱世情深
其言慷慨

兵荒別

夫○自○戍○遼○陽○妾○居○燕○水○傍○年○荒○須○就○食○忍○淚○啓○高○
堂○高○堂○急○未○聽○欲○語○復○徬○徨○母○聞○驚○在○地○兒○至○知○
何○方○妾○心○豈○不○酸○昨○夜○夢○同○行○

又

門○前○渾○是○路○那○道○向○南○陽○村○隣○前○後○盡○鳥○亦○不○為○

翔。釋子牽娘衣。猶嫌桑樵黃。破衣燒成火。榆皮煮作糧。恨無信與夫。妾已離家鄉。

又

一里復一里。步步望難量。出門楊花落。漸見夏日長。已絕三日食。哺兒無乳漿。行來數百里。村舍唯空房。幸見一處熟。又聞逐流亡。

又

兵部羽書至。前月失邊防。妾夫亦在軍。生死那可量。妾生不如死。恨不到沙場。落落孤鴻影。感之摧

肺腸。

卷一

九

人生無家別何以爲基
慕與于美千古同悲

曹本榮

積雨 丁酉五月五日

豫遊有常期。廣野駐黃屋。五月風雨多。山容淨如沐。皇情頗悅懌。田夫佇豐熟。愚臣本無能。記憶朝廷渥。扶書隨屬車。幾年扈原陸。小幕如鷄栖。濛濛烟霧蓄。瀟瀟晨雷積。入夜無斷續。翻如在廬山。卧聽棲賢瀑。九載東華塵。畏人如蝸縮。豈知川原間。

翛然物外。踴却思少陵翁。布衾畏伸足。又思東坡老。避漏上牆宿。古來賢達人。那免窮途哭。時序記荆楚。維舟爭弔屈。九歌薦荔蕉。天問紛恍惚。聖代客踈拙。祿食免放逐。蒲酒亦開樽。丹砂且隨俗。隔籬卽前輩。招同鷄黍局。細細酌流霞。隱隱動絲竹。所恨蒲柳姿。早衰徒碌碌。乞身病未能。補報力未卜。但願德化成。萬厦自天覆。風雨無飄搖。羣生皆逐復。四時自成歲。一物荷慈育。披簑隨玄真。長謠江海曲。

滿洞集

卷一

十

大雅
飭躬

送穆伯章令鉅鹿

憶昔年十九。余初入貢場。子方負時望。稱我能文章。至今二十載。余忝官玉堂。子來赴常調。大邑綬初黃。寸心感知已。風雨仍對床。所恨構厦具。未得登廟廊。滔滔孟夏月。送子至河陽。踟躕岐路言。斗酒非所將。民者國之本。肥瘠在紀綱。撫字得賢牧。萬物自生光。吁嗟湯火餘。飲啄猶未康。追呼恣豪奪。仁者心爲傷。君有出俗志。惻惻懷剛腸。不擾京

小鮮視後鞭羣羊。吏民自同稱。詔書出東廂。鳴琴多暇日。大陸鬱相望。古來戰爭地。今日桑麻長。始知休養恩。聖德非可忘。努力崇令名。朱邑顯桐鄉。

似張曲江

慨然作

漆園有傲吏。愴慨多奇理。戰爭等蠻觸。天地齊稊米。未能鵬逍遙。聊同鳩決起。荒唐雖寓言。竺乾已蒿矢。

溯洄集

卷一

十一

又

貧賤時俗輕。富貴危機逼。試問一人身。畢竟何所得。衾枕夢蘧蘧。形神成南北。何況身外具。爭奪毋乃惑。靜思知命理。前賢有遺則。

超然立悟而非莊列之惻恍遺物故爲大儒之言

龔鼎孳

七里瀨

崇臺雖謝登。紆嶺正延眺。攬裳恣綠洽。參復改岑峭。岸曲失前渚。陰多翳星曜。巨石峙迴雪。鐘韜互

看。哨。層。房。或。山。椒。欹。側。吐。清。妙。運。開。蟠。犀。先。智。寓。要。領。誚。加。腹。酬。英。游。炎。鼎。繫。綸。釣。逝。矣。璜。溪。載。詎。諸。客。星。調。

十八灘雜詠

危。纜。穿。斜。罅。寒。日。濺。紅。濕。沿。河。咋。崿。間。叫。呼。亦。已。急。萬。石。嘶。孤。舟。森。然。齒。牙。集。其。狀。各。槎。枒。力。短。斧。柯。澁。所。幸。非。重。淵。篙。師。智。能。及。淒。淒。負。舟。子。露。脛。波。上。泣。

嚴正矩

溯洄集

卷一

十二

公巡臨平道上見田夫刈禾而賦

緩轡行陌道。輕塵戒使麾。茲行非勸農。而與農事宜。停車細相問。不忍驅叱之。昔年烟火少。今復幾流離。徵求非得已。民力亦恐疲。節歲年多儉。薄收或免饑。取次田間內。誰爲稷與粢。衆農相顧言。或此非官司。氣勢不猛厲。與從簡容儀。中有一老農。把鋤前進詞。筋力出而目。質古貌如鰲。自言耕鑿久。生育兩男兒。長者供夫役。少者饋水糜。力役既已苦。又益以鞭笞。縣庭追呼急。老夫應徵比。涕泣

語未竟。感謝使君慈。余聞無以荅。憑軾但吁噫。承乏惟待罪。工拙無所施。將尋五柳地。賦言歸去辭。

真側可感

署中隙地督僕理石種蔬

作計不厭拙。謀生固有端。無家託官舍。力力食指繁。官卑得祿薄。常至匱朝餐。荒齋尺五地。瓦礫積如巒。慇懃慰僮僕。芟鋤勿辭難。所期蔬得秀。充食有餘歡。

陶似

溯河集

卷一

十三

過漂母祠

傑士未得志。棲遲持竿釣。淮水碧潄潄。臨流值母漂。悠悠無知兒。藐藐頻相譙。稠衆盛意氣。孱弱長倨傲。惟母存仁心。慇懃且來召。祗因王孫饑。不爲能虎嘯。翻囑謝者淺。區區乃言報。千載一淮陰。慨感惟母弔。

古堅

飲酒

潛園無雜植。秋菊未落英。菊下誰宜飲。翛然一淵

明。世事橫得喪。杯酒了枯榮。愁似因獨醒。樂以醉中生。清夢從此穩。響籟不能驚。飲酒固有道。微醺陶至精。笑傲濁世足。遠矚有步兵。陶公飲不佻。清真與詩并。詩酒傳千古。豈復美公卿。

清真二字着飲酒上味覺靈動

閱東坡詩書後

讀詩如讀書。貴綜其大畧。執我以寬古。爲政毋乃虐。蘇子詩卽文。龍蛇不可縛。泉流弗擇地。一一尋源淪。剝節見層新。有如笋出簪。亦似脫匣劍。秋毫

溯河集

卷一

十四

過鋒鏑。雕弓走疾隼。長風裊孤鷗。千樹夾崢嶸。惟石阮幽壑。子來與我言。江天共寥廓。

雜詩

皓鶴寄園林。時美雲間鵠。賦性本閒適。胡事乃羈束。人生壯盛年。有如秋艸綠。霜雪不育遲。日月何局促。貢子未遺榮。疏公差知辱。裂素寫丹經。焚香觀玄籙。古人如可懷。前修以自勗。

郡齋閒坐書懷

憶昔幽居日。起坐忘百憂。床頭枕書籍。門戶有泉

流自謂可獨適。夫誰不自由。蹉跎自不勝。倏忽三
四秋。喪亂尋宇宙。干戈橫九州。秋風嘶戰馬。春雨
沒耕牛。余亦避江上。瑣分任沉浮。龐公不浪出。鹿
門月色幽。一朝不揣量。如魚誤觸鈞。蒙恥思救世。
此心空悠悠。自顧無長策。撥亂寡奇籌。咄哉東方
朔。詠諧與衆儔。未若陶靖節。解組賦歸休。束帶還
自誚。搔首引長愁。秋風意蕭瑟。空齋落葉稠。愧彼
霄間鶴。慚茲水上鷗。羅浮雖可隱。桂海度無舟。家
在九嶷下。舊林吾所投。

謝道韞集

卷一

十五

真清苦調無
一欺人語

咏嚴子陵

炎運復中燠。漢道乃重光。雲臺圖俊乂。勲業爛旂
常。卓哉有子陵。垂釣卧滄浪。三徵並九辟。故友義
難忘。披裘入黃屋。祖跡登帝牀。天子不得臣。客星
何炳煌。歸老富春渚。比節潁川陽。高臺臨碧澗。烟
樹共蒼茫。至今瀨上水。猶繞綠羅傍。

擬古

人身多一物。卽多一物累。唯鷓多其胡。求魚必蒲

內自謂可備饑。未饑先勞瘁。蝸牛不生角。蠻觸無
戰地。羝羊不喜觸。進退何難遂。毛穀以亡身。矧云
龜與羣。所以古至人。多悟無物意。

又

豎堂一萬間。止爲七八謀。子身寢廣室。夜半風颭
颭。置田一萬頃。止爲五臟憂。日午未朝食。會計尚
持籌。所謀何太拙。身反不自由。翩翩豪家子。千金
換一裘。馳馬荆棘中。敝絮同日凋。但不禦風雪。短
褐亦九秋。人生貴適意。營營何自求。我慕四不出。

謝道韞集

卷一

十六

常羨三可休

又

功名千古事。生死百年春。祖勉百年中。續此千古
身。孰云昧生死。功名復沉淪。所以賢達士。但願爲
良臣。湯武苟不出。伊呂終渭辛。嗟哉梁父吟。所遇
何艱辛。才德本王佐。福命讓前人。厥志尚未遂。勞
瘁隕星辰。乃使鹿門翁。獨自爲天民。若夫嘆黃犬。
小人安足論。

避秦

昔人競避秦。誰如徐市巧。智能使秦皇。竭力恐不早。數百童男女。選擇何窮窳。且復載五穀。預爲備饑飽。舉國來相送。曾無一人曉。雖以明斷君。見此殊未了。樓船永不同。幾時嘗瑤艸。乃爲斯人賣。臨死思壽考。力能掃六國。威莫加蓬島。反使島中人。長笑六合表。桃源雖可樂。尚覺天地小。終無漁人來。海外方浩渺。

地震

孰爲撼坤軸。厚地亦震動。小屋掀窗櫺。大廈搖梁

溯洄集

卷一

十七

棟響如朔風。回百竅皆叫。勢如海潮生。崩濤走河。泆泆及几筵。欹傾隨播弄。踰時始復安。倏忽成夢夢。欲揆厥所由。此理殊深幽。或謂六合內。澎湃蕩共一漚。其中有天地。一葉等虛舟。六鰲支其下。恍惚若槎浮。斯物苟不奈。如山墮深流。今幸未翻覆。偶爾棹其頭。河嶽皆股栗。號號使人愁。斯言實無稽。荒唐未足求。吾身滄海粟。寧爲造物謀。祝國祈周曆。愛天抱杞憂。陰陽示玄象。輒坤可冥搜。易卦尊京氏。洪範祖夏侯。斯義無差謬。厥占有咎休。

常聞載物體。堅固貴凝止。動則失其宜。靜乃安厥理。今茲都城内。一歲三見是。天心尚未寧。人事安可已。滇黔方苦兵。吳楚正憂水。聖主與賢臣。修省自此始。

荆卿

荆卿誠猛士。所策如嬰兒。寸七且不中。舉國立相。隨召公數百祀。僥倖供一時。武陽不足責。子丹何太愚。獨恠田先生。老成寡重持。爲何圖人國。求安不計危。遂使秦庭魂。至今未燕歸。餘子卿無媿。難

溯洄集

卷一

十八

見樊於期

季振宜

亾兄入夢夢盡淚存書寄樞前

曠野獸錚錚。高山石嶸嶸。金風吹浙浙。白水流瀾瀾。河廣激長流。流急岸崩圯。見兄隔彼岸。欲就乏舟艤。遂有濟予者。亂流舟若駛。呼兄兄呼弟。相見甚相喜。攜持各一手。分明見十指。顏色非平生。無復舊冠履。契濶豈多年。別離昨日爾。長跪問我兄。胡爲瘦至此。兄云汝不知。我今長已矣。出處異管

寧○閱○盡○遼○東○系○形○骸○關○塞○外○日○閉○黃○泉○裏○青○藤○纏○
木○棺○寒○冰○浸○骨○髓○隣○寺○聆○鐘○鼓○隔○土○藉○荆○杞○天○險○
難○踰○越○地○老○瞻○岵○岵○朋○友○宿○艸○盡○爺○娘○四○千○里○爺○
精○神○正○健○娘○食○無○甘○旨○三○妹○又○長○逝○白○髮○將○誰○倚○
汝○嫂○日○失○光○蛇○膽○覓○燕○市○從○來○敬○寡○嫂○青○烏○化○童○
子○莫○我○女○饑○寒○我○女○方○生○齒○我○聞○淚○下○雨○長○跪○不○
能○起○我○欲○有○所○啓○收○淚○復○長○跪○白○馬○真○死○友○弟○曾○
無○錢○紙○遼○東○古○戰○場○賢○屍○積○委○強○鬼○將○軍○儔○兄○
弱○文○章○士○一○唱○和○者○希○筆○硯○雜○弓○矢○燐○火○連○破○冢○

潮洞集

卷一

十九

託○足○兄○焉○恃○兄○云○汝○不○知○夜○臺○無○曉○理○偷○兒○盜○青○
瑣○魂○憑○烏○皮○几○沽○酒○邀○脩○文○井○井○荒○烟○水○欲○行○我○
自○行○欲○止○我○自○止○天○王○聖○且○明○循○環○有○泰○否○招○魂○
復○徵○官○旅○觀○歸○桑○梓○所○遺○七○八○口○汝○當○速○經○紀○寄○
語○掌○史○官○慎○勿○掛○青○史○天○王○原○寡○過○我○徒○癡○矣○耳○
我○聞○淚○下○雨○長○跪○但○唯○唯○唯○唯○更○懷○悽○得○無○我○已○
死○

申涵光

感懷詩

聖○人○垂○大○訓○時○王○制○法○律○法○律○有○逋○逃○鬼○神○鑒○幽○
密○天○道○如○可○呼○森○然○在○爾○室○操○躬○論○瑕○瑜○一○心○兆○
凶○吉○昌○言○無○鬼○神○小○人○以○自○逸○

又

松○柏○挺○孤○秀○女○蘿○自○纏○綿○纏○綿○若○可○親○霜○雪○難○爲○
妍○得○失○相○規○維○良○朋○罄○所○宣○藥○石○豈○易○投○後○事○稱○
其○賢○便○便○者○誰○子○巧○笑○藏○戈○鋌○寒○燠○變○倏○忽○失○勢○
無○強○歡○結○交○慎○厥○初○勿○爲○中○道○捐○

又

潮洞集

卷一

二十

陶○公○非○酒○人○中○心○自○有○托○禍○始○伯○倫○輩○忘○身○事○杯○
酌○百○行○噓○於○嬉○囂○嗽○無○愧○忤○壽○命○安○可○長○薰○心○誤○
狂○藥○

又

六○經○信○糟○粕○精○義○將○安○歸○棄○實○採○其○華○烏○用○讀○書○
爲○猛○志○却○聲○利○出○入○循○良○規○文○章○有○本○根○賢○聖○以○
相○依○

又

弱○水○渺○無○梁○清○淨○得○仙○理○古○之○貪○愚○人○甘○以○金○石○

死○萬○事○謝○輕○塵○素○琴○對○流○水○歲○月○舒○以○長○誰○是○赤
松○子○術○士○多○大○言○漢○武○乃○終○悔○

歲晏詩

歲○晏○百○物○息○艸○木○隨○風○沙○松○柏○憐○不○舒○况○彼○園○中○
花○曾○陰○畫○蕭○條○微○霞○時○復○加○林○中○常○鳴○狐○屋○上○常○
鳴○鴉○豈○不○思○遠○遊○負○手○還○咨○嗟○陽○氣○動○飛○灰○枯○荑○
漸○萌○芽○嚴○威○蘊○華○滋○深○藏○古○所○嘉○

又

東○隣○富○珠○玉○華○屋○常○蟬○西○隣○褐○不○完○絃○歌○無○冬○

潮河集

卷一

二十二

春○人○生○各○有○適○苦○樂○豈○關○身○詩○書○敦○古○懷○山○川○多○
嘉○辰○斗○酒○良○亦○娛○况○遇○同○心○人○寄○語○結○駟○客○莫○憐○
原○憲○貧○

苦樂不關於身
方是學問語

又

驅○馬○藁○臺○下○暮○宿○汴○水○濱○平○原○一○以○沒○將○謁○信○陵○
君○信○陵○昔○好○士○曳○履○盛○如○雲○敝○衣○抗○華○筵○屠○門○著○
殷○勤○降○氣○若○無○骨○勇○畧○摧○秦○單○汴○水○日○夜○流○冠○蓋○
成○古○墳○不○信○貴○公○子○乃○如○史○所○云○

愛慕之極
善於立言

又

我○有○太○阿○劍○寶○氣○常○干○霄○飾○以○藍○田○玉○淬○以○鸛○鵒○
膏○出○入○常○相○隨○有○如○貧○賤○交○時○平○適○不○用○共○棄○荒○
山○坳○田○父○顧○之○笑○欲○刈○蕭○與○蒿○

寓金陵簡諸知己

去○家○日○已○久○天○寒○益○顛○顛○山○寺○俯○諸○峰○竹○陰○得○清○
寄○故○人○知○我○來○凌○霜○枉○高○轡○劇○談○見○古○人○心○膽○藏○
無○地○今○人○喜○梁○肉○鬼○神○護○權○利○士○貧○寔○可○醜○胡○以○

潮河集

卷一

二十二

當○君○意○折○東○張○夜○筵○燈○下○盤○食○備○子○貧○與○我○同○乃○
能○致○兼○味○顏○熱○聽○高○歌○歌○終○帶○涕○泗○四○海○尚○甲○兵○
菰○蘆○有○君○輩○時○危○耐○曲○折○我○拙○非○其○類○

詠古

我○有○燕○山○側○昔○有○黃○金○臺○千○金○買○馬○骨○遂○有○壯○士○
來○壯○士○不○爲○金○感○君○重○士○心○君○王○不○愛○馬○馬○死○鹽○
車○下○感○會○成○風○雨○勲○名○難○俱○偶○昔○在○泥○塗○中○楊○然○
窮○谷○叟○我○來○屬○時○危○藁○臺○跡○已○沒○昭○王○不○可○求○坐○
看○燕○市○月○

酬魏都諫石生

田園去百里。早歲知名久。空抱遠遊心。垂釣依沙柳。維昔神州頽。冠纓罹堯垢。先子赴丹泉。九原無愧。丑。碧血。翳寒沙。常恐艸木朽。拾遺憤陳列。英靈齊北斗。善善及兩朝。將使風俗厚。流涕捧奏書。感夏衝泥走。省月照華筵。定交如杵臼。吁嗟古道衰。官尊無定友。豈乏貧賤交。重門隔山阜。江湖納後未。鄙詩常在口。有時招公卿。絳燭明戶牖。側耳聽狂言。未覺布衣醜。著書滿簾笥。夜半蛟龍吼。虛心

卷一

二十三

問所作。得無遺笑否。君才本蒼涼。精悍實無。如秋興篇空同孰先後。禪心澹聰明。漸欲空諸有。我歸掃石華。結屋行山首。功成憶赤松。來尋窮谷叟。

將出都留別故人

蕭寺客已久。卿心亂岐路。將歸翻不樂。踟躕爲朋故。十載棲雲岑。舊遊隔烟樹。豈不勞夢魂。田父戀場圃。重來如夢中。傷心歷歲暮。所幸文章伯。招尋忘旅寓。放歌無覩顏。有懷盡傾吐。脂車期屢移。馬

鳴亦廻顧。吁嗟各努力。出處保貞素。

擬古

高樓臨廣陌。中有千金姝。採蘭朝結帶。裁荷晚作襦。歲寒閉重闌。自樂笙與竽。使君驅五馬。樓前立踟躕。豈無媒妁言。未敢明區區。獨居競高節。令名水雪俱。惜乏山水幽。當此大道衢。

周肇

雜感

東海有姝子。結束矜光儀。盛年疑豔質。絕世稱嬌

潮洲集

卷一

二十四

姿。常恐謁君王。入宮羞蛾眉。時遇遘漂泊。貞介永自持。空房理朱絃。嘈嘈欲訴誰。容華待銷歇。寒餓復化離。中夜起長嘆。儵焉想結褵。結褵倘見棄。俯仰一何悲。願爲孤飛鳥。朔風依北枝。

又

桓靈王虎交。奄燒炎精蝕。崔巍北邙上。豐碑猶矗立。秘器擬東園。馳道連泰極。生時人力盡。死來葬未得。盛衰一何倚。廢興使我惻。鬱鬱漢諸陵。石馬無顏色。守冢知是誰。薄殮果聖德。含情持金盞。土

花淚如拭。

又

我聞漢天子。校獵何雄哉。嚴駕臨西苑。武騎動奔雷。降王侍印。焚後乘騁。鄒枚重圍。旣已合。搏蹴聲如。駭獸且看挂。狡兔狀亦哀。皇威誠熠燿。親射白狼來。青駁神靈附。黃鵠颺忽回。揮手示羣臣。賡賞展談詠。燔炙芬毳幕。野饗浮螺杯。爲歡何終極。曦光已西墮。上書鮮諷諫。鬱抑子虛才。但願解網恩。寬仁覆八垓。普天苟同樂。易用悔輪臺。

溯洄集

卷一

二十五

又

滿漣東流水。穠穠桃李枝。菁華難永保。坐看秋風吹。琯候將搖落。桃李不自知。高門冠蓋日。東閣賓朋時。一朝恩寵去。梁燕從此辭。去年莊青翟。今年劉屈氂。覆轍相尋續。累卵高必危。牽犬望里門。鶴唳空遙思。英君秉乾柄。帷蓋恩難施。胡不早辟穀。白雲相與期。

懷陵述感

陵卽田貴妃葬處

寶曆三百稔。永嘉遽披猖。天意胡此醉。龍輶返何

鄉。東澗老談生。破帽擔襤囊。自云昌平歸。披紳拜玄房。居庸控絕塞。涇餘水湯湯。銀山守熊羆。玉嶺蟠鳳凰。盪胸渤海濶。勒馬醫閭長。一朝艸木盡。酸風射睥睨。老兔蹲碧瓦。野蔓覆紅墻。上有懷陵碑。字畫半頽唐。日黑久延佇。履聲隔廢廊。啓扉揖者何。朝衫貌郎當。細睇乃中貴。問之曰徐良。白頭牢落甚。含淚說先皇。昔年侍掖庭。柔謹屬俠廂。特敕穿兩宮。貂褕盛趨蹌。屯閔遭凶逆。走匿殊周章。新朝置冢戶。奉帖歸陵傍。灑埽歷居諸。始卒能其詳。

溯洄集

卷一

二十六

元年賜供田。割麥薦饗堂。六年被官府。抄籍徵秋糧。以茲受偏側。曷能備蒸嘗。除夕奉隻鷄。國忌炷辦香。影山呪相對。孤枕伴靈光。憶昔典信邸。神勇埽機槍。如天儼陶帝。勤身逾姬昌。尚膳甘羶滌。衣襲敝襦。豈無昭華寵。誰敢舞霓裳。玉泉冷脂確。珠塵封炙黃。帳中恩意盡。從此謝君王。斑竹先拋淚。空留月未央。薄葬驪山足。魚盤自淒涼。詎知四載後。君王自歸藏。蚩尤犯天關。伏飛倒干將。遷國敗南司。披髮訴穹蒼。子規叫莫返。崆峒髯已亾。同

兆已殊穴。隔代成幽傷。至今軍都巔。蒸暑起雪霜。
樹木不忍花。雁亦不忍翔。七哀哀未得。與耳徒崩。
腸。

孔胤樾

天關方生水。浮天水有力。壯士憤盈胸。拔劍思入測。曠觀宇宙中。巨濤吞萬國。時至則氣轉。詭異不

溯洞集

二十七

一色空濶蕩目光。天近益難識。浮動不關風湍起。
自降陟。日出旣涵束。月出亦照北。日月浴其中。消
息安可得。倏駭鼙鼓鳴。萬彙不得默。蛟宮一息崩。
霆聲震絕域。星斗湧潮來。方位乖其職。縮合地與
天。上下波光直。賈艘入洞冥。閉牕省素慙。元氣正
渾淪。何處聞嘆息。須臾慶安瀾。光彩照無極。橫空
小鳥飛。近視數丈翼。

望泰山用張雲齋原韻

此云山色青○彼云山色紫○世服小如豆○耳食辭多

詭杖藜行數程。尚未及山趾。聳漢畏天傾。非以高
示美。中峰散靈秀。歷代展封禮。天地不寂寥。賴此
巋然峙。萬國蒼生心。向此認其始。不敢閒觀遊。齋
沐思神理。

和薛行塢宗伯豐逃行

五載田里居。最悉田里情。雪牕呵凍筆。敢作豐逃
行。春郊杏色紫。陌上事深耕。豚蹄祈歲稔。僉祝室
箱盈。蒼旻鑒真朴。靈雨壠頭傾。田禾旣汗漫。狐鼠
更縱橫。誰云國賦重。國賦自有程。誰云雜徭煩。雜

溯洞集

二十八

徭亦有名官巧無遺計○政淆多密征年以豐累穀○
穀以賤累氓○百斛易一鋸○難停追討聲○痛哭呼妻
子○相率辭柴荆○祈天雖得雨○禾生鱷亦生○但願多
廉吏○星羅慰輿情○

田家雜詠

前時產一犢。○今月差半強。○春雨一犁下。○湯湯數畝。○長顧向妻子笑。○健步勝前健。○窮老無兒女。○相依慰暮年。

依牛以慰暮
年說得沉痛

又

蘆茅經歲積。呼童葺小扉。兒女歲時拜。艸艸備庭闈。國賦凜朝夕。官程不敢違。垂涕荷糧去。傷哉農苦饑。

又

里胥忽然至。歷言社甲名。秦楚責餉急。縣牒定先征。耰鋤未動野。俛首歛愁聲。鷄黃酒亦白。臨行傾敝簾。

又

溯洄集

卷一

二十九

春入土膏潤。播種二月中。百萼俱未發。山桃映日紅。田叟愛灼灼。停鋤立蚤風。近窺無一粒。爛熳嘆歸空。

又

一早八九月。黃塵飛到秋。溪聲亦不轉。簷泉亦不流。起視禾與稷。葉葉向人愁。力田不逢歲。空盡陌頭牛。

又

廬內無書卷。青藜映素心。夜來眠瓦榻。簷溜汨汨。

音晨足。衝妻夢有雨。入苗聲晨起。呼童笑荷鋤。陌上耕。

奇而朴

又

昨日見牛病。疑是射風酸。細計耕幾畝。尚未至廬南。主人方責負。汝病我何堪。垂涕焚香楮。俯首聽巫談。

又

家住臨溪邑。曉田半沒沙。日脚下原野。斜映五三。

溯洄集

卷一

三十

家客過問前徑。錦烹柿葉茶。籬上飛黃蝶。籬下蔓青瓜。

又

幾片不毛地。釀災直到今。里胥夜叩戶。半晌無人聲。細聽葦蓆上。奄奄婦病吟。無隣乞燈火。逃丁何處尋。

又

亂後方歸里。同時有幾人。戰壘歛羣魄。黑月炳青磷。骨冷應無慮。愧茲尚存身。尋鋤拭屋土。從此起。

艱辛。

諸作幾欲奪浣花之
席不止得其皮膚

柳公榮年兄有咏荆卿二絕發義明確自是

特筆因擬古言一首蓋欲生劫以報太子

此荆卿之所以敗也篇中深惜之荆卿有

靈不知首肯余言否

延燕亦有策。殲秦亦有名。車騎募劍術。崎嶇不易

成。荆卿原卓犖。太子分誼明。恩深無險阻。慨然仗

劍行。賓客盡衣白。擊筑亦商鳴。義肝相激勵。無一

湖河集

卷一

三十一

願卿生既入虎狼國。論勢無兩平。環逐不一決。詎

希曹沫盟。惜哉圖中七。空發銅柱聲。燕秦事已矣。

易水迄今清。

登清源廓外塔

浮屠初何代。疑非人力營。驅車近勝地。百丈午陰

平。興到不計險。欲窮跡罕經。心氣自肅穆。雅循繩

墨行。所歷未及半。回視魂魄驚。紆曲力亦竭。喘嘆

遂交并。豁然開一境。暗牖貯虛明。萬象眺無際。人

物盡孺嬰。日靜風聲舉。鳥雀繞衣鳴。忽感天地大。

胡為安。小成歸來。卧斗室。幽夢入蓬瀛。

心一醉。好余所選唐詩。盡鈔之以入奚囊。
然其自為古詩真列。乃爾不特靈心敏手。
而豎義標旨。固已無愧風人。

梁以樟

秋懷

我行日以遠。山川日以長。出門畏徒侶。四顧天茫

茫。東去瀛海濱。雲氣猶鬱蒼。衣冠盡林藪。此外非

遐荒。滔滔逝南紀。日月遙相望。道逢驚舂夫。拾蛤

不盈筐。亦有菑與茶。采采水中央。持此未足飽。終

湖河集

卷一

三十二

念獻君王。躊躇置路左。涕泣沾衣裳。

又

嚴霜下百艸。蕭瑟此凜秋。氣志偶乘之。百感增離

憂。為憂亦何所。欲說靡端由。長夜即漫漫。白日去

悠悠。崩奔無停時。元化誰能謀。安能起神禹。移鼎

奠洪州。仲尼老徒旅。微箕蹈誅囚。酸風激海水。一

夜披梧楸。搖搖方寸心。浩蕩不可收。

又

東臨觀滄海。碣石固長在。輪斜鬱嶺呀。瞳瞳矗華

蓋扶桑拂高枝。兩曜出其內。南嘯威鳳翔。北揖羣
龍會。天吳震鼉鼓。長鯨沈巨象。昔余夢登天。幽蘭
佇衽佩。迢迢白榆路。歷歷明星大。清商動海璇。鐘
鼓生靈籟。仙人橫玉珥。遙掖東皇拜。起矚牽牛白。
始悟乾坤外。

又

出門望禹穴。東南烟霜盈。山川遺舊牒。我顧思其
名。歲月亦已久。謠吟變黔羸。父老說開皇。舌鈍無
開評。江沙漲牛馬。十載廢春耕。我行甬水上。雲荒

溯淵集

卷一

三十三

飛藿橫。單衣裂棘棘。一雁霜臯鳴。采風問樵夫。云
是句章城。東有越王臺。曾此沼吳兵。烏鳶君子歌。
激蕩海水聲。斯事良已無。日暮悲風生。

又

長風萬里濤。蛟川一夜雨。豈無秦望雲。不灑趙家
土。莓苔生朽甲。盾頭泣禾黍。宵星沈恨血。山精跳
城堵。隕石六鷁飛。麟經誰復補。志士感陰氣。遷人
困羈旅。糗糒絕不御。三日塵生釜。出遇同學生。面
垢色如葦。陷刀夾隘巷。倖魚原上虜。風雨化邸舍。

日月爲豺虎。行行避路衢。毋使將軍怒。

又

秋序忽復短。日月不相除。憂憂代新故。有恨中如
愚。玄蟬急暮林。砧杵鳴寒廬。僚慄傷我懷。還讀篋
中書。首陽厭肺腑。東陵咽蕨餘。朝營魯連宅。暮宿
子雲居。人靡不有初。斯世遂已徂。已矣勿復陳。散
髮荒庭隅。山燈出。廬寶炤見好。眉鬚潦倒二十年。
寶刀化爲鉏。出入隨我影。不念腹中癯。低頭媿古
人。我始爲饑驅。

溯淵集

卷一

三十四

又

男兒去故鄉。日走江南道。處處變雲山。殷憂通以
老。所適非所求。坐使中情槁。路傍見旅葵。滑滑顏
色好。枳棘生車軸。霜眠枯樹倒。自我聞寺鐘。晨食
不敢飽。十旬九遇病。昏矣集懷抱。寒暑化微軀。夢
覺時自考。人生喪榮名。損益無恒造。所有靡一存。
斯焉庶可保。

又

朝行鑑湖濱。湖水清且漪。我欲解長纓。臨流一濯

之呂望八十叟。鷹揚笑其癡。何如賀秘監。皓首青
門辭。長嘯乘海霧。歸拂珊瑚枝。明月下積水。薜荔
清風吹。青山弔狂客。神鬼無荒祠。涉江寒水蘭。還
與王孫期。蒼葭隱遙碧。深柳卧茅茨。何方無一曲。
終老專鱸思。

又

秋蛩日夕鳴。歌哭同惻惻。我有萬古心。與之爲消
息。微風送吹萬。陰陽受區域。細大無端倪。求之終
不得。中心隱至精。衆感靡遺惑。連山見霜露。千里

溯洞集

卷一

三五

共此邑。胡爲尺席間。寢啗異鄉國。中庭垂橘柚。黃
落不見食。雜採蘭菊芳。物理自務嗇。去去歸南牕。
坐待佳人餘。歲月或我留。幽居司帝職。

當與屈
騷並傳

殷岳

讀史

太阿不在掌。神器積苦窳。周德旣已衰。子孫失其
叙。羣雄橫意氣。鼎隧啓納侮。玉步猶未改。王章尚
撐柱。胡然晉大夫。一旦薦茅土。葛藟芘本根。况乃

縱尋斧名器。苟不存。其它安足數。

又

歟。雲駕飛龍。真人屈羣力。扶義西入秦。始定三章
約。衆爭走金寶。何獨收圖籍。一軍驚大將。關東可
傳檄。借箸請前籌。寧復有遺策。寬大帝王模。要在
識人傑。一增不能用。叱咤徒虛喝。

又

漢祚統三絕。天壤不可支。文叔素謹厚。稼穡空爾
爲。昆陽殪大敵。衆乃奇怪之。高屋建瓴水。四海仰

溯洞集

卷一

三十六

風期。老吏嗤繡鬚。垂涕舊威儀。野次於鄱南。神龍
翔天池。中興稱絕軌。溫恭惟德基。賊莽窮克詐。適
爲帝驅馳。

又

夫人知漢亡。桓靈相接武。玄德長民間。天屬綴如
縷。睥睨老中原。所藉無三戶。南陽耕卧龍。中道得
雲雨。險固餘益州。風軌小隆古。惜哉限一隅。國賊
逋兩虜。興亡皆於斯。尚矣而鼻祖。

客官渡除夕詠懷

大隗青萬古氣候旦暮殊伊昔廣成子學道老其
隅軒轅生神靈所問亦斯須懷古尋往跡何異乎
守株高名義所存庶幾少躊躇

又

推遷歷六九既往但艸艸俛仰大塊中何物幾於
道原無適俗才焉用託轍藻時論多學術認真爲
枯槁折衷邇前賢寡過以終老

又

冀缺耕垆野婦饁敬如賓當其放跡初雅意在食

溯洞集

卷一

三十七

貧富貴生榮華貧賤多苦辛妖冶不蔽席糟糠白
首新抱道而隱居門內有同人

又

男兒有百行爲改過者地一節苟不慎足爲終身
累何者貌榮名何者載德輿災祥匪天定四體早
相示慄慄式聞見鬼神其來甚

又

遷鼠少河流就飲穴江臯前行葬魚腹後隊猶牢
騷人苦不知足所願于天高射利網朝市神鬼爲

告勞罪戾積丘山一死輕鴻毛何如緩山桃得二
足以豪

又

艸木春勾蒙輕折謂不孝聖人體萬物造化與同
調江河日流下身外不相弔增繳彌天地機發無
遺噍安能懸日月幽隱普光照咏彼行葦章惻然
其來劬

又

四體久頽墮使令代其役本以息倦勞乃復增窘

溯洞集

卷一

三十八

迫食口不量家拂纖鮮常格飛鳥集苑林游魚翔
深澤自顧賤且貧安敢多規畫優游老歲華莫愁
逆旅客

成性

伯巖懷抱落落從來不作近體其古
詩位置甚高不欲作秦漢以後人語

古詩

丈夫自有志不敢勸君歸勸君君不來妾意與君
違今日破羅衫臨行新製衣別君幾何時春艸已
又肥

甚古
宋存標

古辭

道傍有兔絲。不可以爲衣。田中有燕麥。不可以爲
案。虛名奚足美。徒令識者嗤。白駒隙中過。青霜艸
上靡。良農愁儉歲。無使甫田荒。嗟彼禾與黍。不戢
將萎黃。顏齡能不嘆。髡髻已悲傷。努力各自持。臨
風共徜徉。

季開生

朔洞集

卷一

三十九

貧女

山中有貧女。閉戶理機絲。裊裊芳蘭香。皎皎琪樹
枝。幽豔常自秘。看花不出籬。愛月每忘寢。微吟隔
重溪。隣里難一見。何意使君知。漸車下危坂。鳳管
生荒陂。媒妁能宛轉。恐驚行雲飛。親舊爭慶美。寧
知女腹悲。

又

密髮垂玄雲。細眉揚秋山。芙蓉沐微雨。纖腰登翠
盤。淺慍與深顰。使君含笑看。冶容真絕世。左右相

見難。使君多左右。幸勿驕朱顏。好月不終夕。名花
愁歲寒。

又

思爲怨之府。疑爲謗之門。春風留別院。密霧障重
闌。使君心一冷。百計不能溫。曾聞楚王姬。血飛江
水渾。又聞金谷女。甘傾樓下魂。皆存國士氣。慷慨
以報恩。君如知妾意。微軀安足論。

趙賓

雜興

朔洞集

卷一

四十

燕趙悲歌地。市多游俠人。翩翩貴公子。鼎鼎富黃
金。結交少年場。屠狗列上賓。意氣片言合。密若平
生親。殉難不惜死。報讐輕此身。囊中黃金盡。一朝
成昔今。疇昔如膠漆。今爲越與秦。疇昔如形影。今
爲參與辰。

又

青樓臨大道。朱闌出半天。上有燕趙女。碧紗隔輕
烟。高山鳴玉軫。白雪吟錦箋。門前車馬客。流盼自
生妍。千金買一笑。朝食費萬錢。豈無糟糠婦。契濶

動經年。椎布廢膏沐。塵土老朱顏。

又

我歸自關西。驅馬北邙山。山上貴人墳。縱橫盡成田。上有樵牧歌。下有狐狸眠。翁仲纏蔓艸。蟲鼠羣寒烟。斯人昔未沒。出入帝王前。片言能死人。隻手可障天。寧知千百載。零落艸壤間。

可與建安諸子爭衡

王士禎

偶然作

溯洄集

卷一

四十一

春氣滿郊原。萬物皆可友。花葉無勞心。始荷天力厚。農家門向田。麥壠映南隴。習習春風中。紛披竟十畝。春雨復霑濡。荷鋤日八九。爲農貴天時。人事豈敢後。更聞簇眼蠶。柔桑垂就手。

南皮懷古

朝發麻姑城。夕次南皮里。南皮昔名勝。羣賢扇風美。公子騎中郎。賓客盡才士。飛蓋兼羽觴。浮瓜復沉李。前軼繁臺遊。後絕蕭梁軌。風流一銷歇。故蹟空丘壘。鄴宮與漳臺。悲哉亦如此。

舟次桃花口望落霞

日暮涉廣川。南風吹片席。水波淡不興。烟景浩將夕。清漪媚淪漣。荇藻泛空碧。不知舟楫利。漸與塵囂隔。矯首青林端。落霞幾千尺。冥冥沒去帆。歷歷銜歸翮。蕭蕭蜻蛚鳴。悠悠清露滴。太息山中人。胡爲久行役。

柿泉

數峰綠不散。下有清泉響。披艸注雙溪。迎風下千丈。松桂落深碧。冷風送朝爽。素鱗時隱見。碧蘚自

溯洄集

卷一

四十二

生長往往水石間。涼雨灑衣上。濠濮千秋人。臨流極孤往。

拜季子廟下作

我行延陵城。懷古心苑結。讓德邈已遠。流風緬曩哲。州來季當立。高懷寧詎屑。躬耕表遐志。亮哉子臧節。慕義永無窮。穹碑字難滅。所悲於潛役。國亂相更迭。伍胥進勇士。鱗諸踐王血。遜位固高義。復命忍臣列。春秋不名賢。書札理當晰。嗚呼三代後。斯風久淪絕。廉節起頑懦。尚論義常竊。縞紵思古

人空祠颯寒雪。

招隱寺

筍輿越黃鶴。連岡帶平楚。歷歷南朝松。風吹落寒雨。石楠紅始垂。沙泉碧方吐。遂造戴公山。風氣何清古。山門映殘照。雙泉咽寒嶼。玉蕊不復見。空亭閉荒塢。戴公昔遁隱。風流照巖戶。漱泉彈名琴。東廵動人主。清風一銷歇。初地留空宇。金碧漸凋殘。林壑自清舉。蕭條黃葉落。寂歷幽禽語。迴澗起涼吹。經堂罷齋鼓。緬想剡中人。蒼茫久延佇。

溯洞集

卷一

四十三

寄廣陵趙五紘

日落楊子江。江上丹青樹。寒雁下蕪城。遙山隱仄步。天未懷佳人。前期邈烟渚。

又

一片邢溝水。遙通甓社湖。永懷千里別。言念一春徂。淮南與江北。處處長蘼蕪。

似孟浩然

又

阿瞞有才子。懷抱羅春雲。飛翰一絕跡。超然離垢

氛展巧試作劇。卽卽嘆天人。傳粉復袒拍。擊劍有如神。胡舞五椎鍛。逸氣矜衆賓。馳突窮古今。妙義縱橫陳。劉楨賦公讎。王粲歌從軍。奴輩苟容媚。哭訾安足論。

公讎等詩論說過甚誠可嗤
鄧昭明雖入選不足存也

魏裔納

東彭士報

忘情學古人。君具烟霞骨。失意每放歌。奇句多突兀。仗劍涉洪流。遍探風雅窟。兩年客京華。意氣如

溯洞集

卷一

四十四

溟渤患難從余兄。高誼何可沒。憶昔過郿城。倡和以時發。別墅共登臨。松間弄明月。俗塵猶未了。嗟余日汨汨。筋力漸頽靡。葭霜變鬚髮。薄田對南山。山氣清且醇。留滯不能歸。中懷空鬱勃。終當反故林。與君採薇蕨。

有青蓮之風

和崑林仲兄思鄉作

世風日以頹。歎息令人老。誰攜經濟術。砥此狂瀾倒。百年且暮間。莘莘北邙艸。瓠落無所成。何以慰

懷抱有兄彭水。淚有兄東華道。相去各千里。離情空浩浩。

過伯倫故里至安肅

伯倫沉醉後。螟蛉視二豪。意中別有托。非但鋪其糟。余昔少年時。痛飲聲嘈嘈。白眼看一世。胸次何蕭騷。玉山頽月下。狼藉卧蓬蒿。不識地之厚。寧知天之高。轉盼已四十。頭上雜二毛。鼯鼠量漸狹。未敢屢醅酌。古人作抑戒。所以警貪饕。寄語劉沛國。五十漫相勞。

溯河集

卷一

四十五

深知伯倫

郭外雨中作

冬來積雪多。春雨復如澍。水氣騰四野。平林滿烟霧。黃壤變沮洳。生事何能裕。涕河道已迷。衝突良可懼。莫稽疏淪功。導之使東注。

具大經濟

丁浴初

白鹿洞新成

古帝肇九州。青徐載禹貢。環山與帶河。天險壯鉅

襄陵谷幾變。遷時數杳難。控鴻溝。割楚漢。淮泗起。鬪閭。溺屍蔽睢流。喧聲撼嶽動。千載汗血勞。荒寢沒翁仲。茅屬幾姓士。氓隸誰家衆。嗟古英雄輩。俯仰真堪痛。世事盡如斯。打破邯鄲夢。莫傷空谷駒。漫羨朝陽鳳。玄中三十六。頗有清虛送。南山乳滴仙。朱明萬綠空。猗玗元公居。華陽間人諷。我生白鹿泉。爰作白鹿洞。鑿隙可通天。因山不須棟。青苔借爲衲。白雲權作幪。宮懸聲瑟瑟。奇禽忽變變。村酒任意沽。素絃時一弄。

溯河集

卷一

四十六

顧大申

曉晴驅車滕薛間

飲馬立泗水。愴然望終古。仲尼蒙旅塵。征車頓齊魯。登山無斧柯。蟪蛄聲獨苦。子輿當七雄。違俗悟顏主。仁義動矛盾。井校亦相左。桑濮奏咸英。巴渝振韶武。百年環輪轅。千春傷兒虎。哲人固如斯。其次曷足數。蕭蕭泗水雲。遙遙覆梁父。我欲窮青天。朝霞蕩陰雨。收轍阻且艱。徙倚竟何補。

戚城

漢帝營六宇。羣雄受羈繼。徒手并秦項。壯心頓房
闌。楚歌抱幼子。飲泣受妾。羽翼彼已成。恩寵中
道歇。含笑謝四公。虺虺痛傷割。朱顏銷永巷。有酒
摧晨獵。清蹕不可期。青泉爲誰說。我來戚城邊。蓬
飛風凜冽。烏鴉啄城頭。傾烏子滅。不見當時人。
但聞水幽咽。烏飛上高柯。未央宮若何。

見山著述甚富詩
原一書祇在狂瀾

張文光

贈友

溯洞集

卷一

四七

吳山第一峰。有丁仙翁者。白日乘鵲飛。
去吾友。丁野鶴。神仙中人也。酒間談及故
以鵲鶴易之。
久客思故鄉。久別親故友。春風隔絳帳。契濶亦已
久。今夕是何夕。相對意轉厚。談笑動高旻。賓主忘
行酒。起視山頭月。滔滔向西走。百年真轉瞬。萬事
復何有。及今不爲歡。後日徒回首。嗟我風塵姿。美
子雲霄偶。醉裏呼鵲鶴。曾記前身否。

野鶴頗有
鵲鶴之風

望泰山

朝來山色青。薄暮山色紫。自然生靈秀。未嘗競奇
詭。雷電纏山腰。日月出山趾。氣象鬱磅礴。豈其遊
觀美。七十有二代。歷代東封禮。五嶽非不尊。胡爲
宗泰峙。體元羣帝先。出震萬物始。下士若醯鷄。焉
能識神理。

識剖
鴻濛

後婦行

春華未及實。一旦遭風雨。離披槐松柏。徒然怨泥

溯洞集

卷一

四十八

土霞彩燦桑榆。莫能蔽村塢。鴛鴦七十二。賤妾亦
爲伍。遂充君下陳。寵愛良難數。戚施共燕婉。展轉
慚無補。偃蹇任侍兒。慇懃通保母。區區自束縛。鬱
鬱不得語。獻君一杯酒。願君千萬壽。寧爲薄命妾。
難爲再醮婦。敢告後來人。初心安可負。

晨鐘發
人深省

沈荃

送楊猶龍先生晉蜀左藩

峩峩蓬萊居。藹藹承明扉。伊昔金門間。俯仰覩光

儀華星爛層闕。離采揚其暉。玉衡一西指。去我倏
若遺。悠悠晉陽阪。忽忽長河濱。良圖無近跡。駑馬
不能追。君子樹令猷。靡盬馬足悲。

顏謝
之遺

董文驥

宜河驛西土穴中食宿

阪上洩烟處。此來停使車。甕牖僂而入。鑿空其中
虛。穹隆四壁危。竈匡一牀餘。據地餐艸艸。枕塊夢
遼遼。土崩懼將壓。王命負微軀。歎息半秦民。復穴

溯洄集

卷一

四十九

沿漆沮。我生萬室邑。胡經鳥獸居。他年巖穴老。積
土比渠渠。朱門白玉堂。尚苦神未舒。菅茅蓋牀席。
風雨除琴書。一身足偃仰。何必廣弊廬。

無定河

昔聞無定河。遠使河之涘。源自大荒來。濁浪吼千
里。奔流何湍悍。顏沙性善徙。地是古戰場。四顧悲
易已。其窟漲征魂。貂錦三千死。時清無戰骨。水寒
終北鄙。磨刀刀未瑩。飲馬馬不喜。一望塞垣深。九
月邊風起。歸渡會水堅。悲哉遊宦子。北首遡河源。

怨此南流水

施閨章

自西山淨德寺至隆恩寺宿

馬首見西山。乘興陶嘉月。振策峯已紆。陟嶽登逾
滑。菌閣陵玉峯。蘭榭曜石室。琪樹寒始華。紅藥蕊
初結。披拂散心顏。榮落皆愉悅。暮鳥歸巖扉。陰雲
如積雪。松林息萬籟。清響中夜發。樵隱易爲歡。市
朝性所拙。眷言采芝人。毋使春芳歇。

香山寺用李空同韵

溯洄集

卷一

五十

靈山不在住。一遇豁懷抱。石棧緬杳冥。宮觀切蒼
昊。孤岫集衆妍。人事殫天巧。鸞鶴旣雲際。蟾蜍復
林杪。要眇棲隱淪。峻嶒限幽討。仰首攀香爐。流目
睇洲島。杏園藹已綠。落英紛可掃。萬象春濛濛。踈
烟晴浩浩。東軒想翠華。隔代存芳艸。宸翰書來青。
龍蛇何天梟。

贈楊猶龍太史二章

巖巖石門山。洋洋廣阿澤。令德揚芳徽。匠心多剗
獲。抗手馭蛟螭。開口吐霹靂。清輝發懷袖。虛白生

四壁。俯視何闐闐。車騎橫九陌。黃埃夾轂飛。荏苒銷金石。誰知閭闔迴。中有艸玄客。

又

虎嘯生冽風。百獸駭且避。丹鳳鳴雖離。羽族皆斂。象四海一浮雲。夫子炯高義。黼黻耀文章。衣裳懷薜荔。南風病不競。北音苦踟躕。獨爲絃歌曲。清商激繁吹。一彈白雪霏。再彈玄鶴至。

蔡含靈

感雪

朔河集

卷一

五十一

出門何凜凜。雨雪中夜落。隆寒侵我裳。重裘爲之薄。感慨念宿昔。蓬廬正索寞。幼稚嗟盈前。脫粟間薇藿。丈夫志高騫。乃爲造物縛。風雲會須時。一粒安能掠。寄言天下士。居易守吾約。

又

皇靈無私育。萬有遂其生。如何茲子遺。困急獨煢。焚北風密玄雲。冰霜結重城。藜藿常虛腹。鶉衣不掩形。號泣哀中夜。豺虎復縱橫。豈不厯宸念。高榭隔微聲。養賢及萬民。大易著其貞。感慨不能寐。

憂慚負聖明

述懷

出自廣陵門。岡阜纍纍起。野老話遺踪。隋官昔建此。述懷今不存。基廢爲佛祀。二十四橋邊。陂塘舊沼沚。餘皆無彷彿。代遠事莫紀。我來藉紳坐。北風吹野水。壯麗一朝盡。雄才亦已矣。苦樂更迭爲。達觀自如此。顧以元后尊。不同繁華子。乘輿一日遊。窮簷勞欲死。天下爲一家。何擇江都美。逸樂不可長。王者重生齒。

朔河集

卷一

五十二

送陳天祓出守長沙

朔氣動寒色。空霜澄江影。美人泛星槎。駕言遊湘郢。朱旛懸不御。琴書供幽靜。君行胡乃寂。約已民胥省。長沙接黔蜀。地勢控湖嶺。年來事征伐。桑柘生虛井。美人夙寬誠。廉威罔攸猛。七十二峯間。坐令凋疲整。高堂資善養。窮簷蘇引領。濟時良不易。願此常耿耿。爲再語靈均。今益難獨醒。

吳雯清

謾謾如松下風

入法華山夜宿石人塢

翺步入深林。山山值秋暮。薄言揆其幽。蒼黃滴前路。離落突烟火。老樵獨持瓠。徘徊桑畝間。閒閒語情。素竹徑通僧舍。古木共盤固。明月空谷中。石人影相悟。

末語可悟

汪琬

感懷

天地不自照。所恃日月行。艸木不自華。所恃春風

溯洞集 卷一

五十三

生君看磊落士。慷慨懷功名。身無羽翼助。長揖凌公卿。擊筑易水上。走馬漁陽城。崎嶇多拙謀。意氣徒縱橫。

顧如華

傳聞上賜曹侍講本榮袍。韓喜賦因摘杜工

部奉先縣詠懷詩四句起典

聖人筐篚恩。實欲邦國活。臣如忽至理。君豈棄此物。我每吟斯語。不敢羞布褐。季世錫予濫。頓令光寵薄。生逢堯舜君。誰能皆邇闕。况此介石人。綢繆

在清幄。主眷日以殷。宸聰日以豁。真有啓沃勞。寧

愛尚方帛。賚與補袞手。成就一人德。有若傾陽葵。花葉暖入骨。不聞朱侍講。當日蒙此渥。君賞良不

從工部四句起用意深厚之極

高輔辰

和淵明諸詩

築洞欲摹山。勤將奇石積。置我一壑中。僻志亦如昔。白鶴適意眠。返首入翎翮。暫資泉石觀。心未雲

溯洞集 卷一

五十四

霄隔戴笠劇。松苓人生豈無役。曠觀命世才。英雄在簡易。靜力有真寄。羣理森然析。為習霜雪功。高懷鬱寒栢。

英雄在簡易有見之語

張競光

詠懷

獨坐懷百憂。攬衣望山阿。隱戶生白雲。荆扉結綠蘿。臯蘭霑湛露。吟嘯憩高柯。此中有真趣。日月忽已過。去者勿復返。長夜恒苦多。放情從所欲。網緼

亦諧和持操遺安愈。撫膺挹清波。媿無南榮戒。管
管將如何。

贈姚爾舍

江水奔浩浩。崩奔何湯湯。蹀足騁極覽。風波側中
腸。奇疇投吾眷。飄飄還故鄉。故鄉多良朋。相與共
行無方。歡悅當美好。歛吸飛流光。馳情愛萬物。養
生誠未失。投心仰禪寂。是願初不忘。得性豈外求。
端標勵深藏。忘憂遺物慮。蒼草握芬芳。

溯洄集

卷一

五十五

清詩溯洄集目錄卷之二

五言古下

吳洪

字伯其睢州人

積善行

張純熙

字聯先真定人

雷州府

錢朝鼎

字黍谷常熟人

雜感

三首

楊繼芳

字延仲南和人

溯洄集

卷之二

讀叅同契

讀楞嚴 二首

憚于邁

字含萬武進人

登泰山

三首

登高

入井陘

翠蛟潭

煮雪

燈下獨酌

和羹

字鼎實內丘人

答伯王子以詩見贈依韻奉和

三首

晨雪

徐乾學

字原一崑山人

述古 二首

感遇

劉梁嵩 字玉少江都人

擬古雜詩 三首

翁夫人血影石

張儼 字伯真南和人

望岱

過泗水謁仲子祠

周鑄 字茗柯南和人

湖上

王岱 字山長湘潭人

蘭相如回車巷 邯鄲城中

湖洲集

卷之二

二

田家雜興

王曜升 字次谷太倉人

擬古 二首

唐世徵 字魏子湘潭人

朗陵江上陶仙祠

吳初 字方斯金壇人

述懷

江上雜興 二首

彭楚伯 字士報歸德人

雜詩 五首

山中

對鳥

毛蕃 字穉賓嘉善人

登慈仁寺毘盧閣

丁耀亢 字野鶴諸城人

古意 二首

趙湛 字秋水永年人

擬古 五首

尋巢壑老人殷伯巖

立夏日夜坐有懷瀟湘舊遊

湖洲集

卷之二

三

晚興

雪中期趙香雪不至

王體健 字廣生曲周人

和陶飲酒詩 三首

贈申鳧盟

詠史

曾曉 字庭間寧夏人

過吳門 念楊維斗錢吉士朱雲子衛神清葉聖野諸子一時消歇

小埠訪張元明

曹傳燦 字青藜寧都人

秋風

田家卽事

鯉奮江

雨後歷所治田園

將立夏戒僕子丞治所田

卽事六松草堂

趙瑾 字懿侯太原人

擬古 四首 閑居詩

蔣伊 字渭公常熟人

贈張鶴民孝子

劉雲 字望之宣城人

與羽士話丹術

湖洞集

卷之二

四

陳朝相 字良輔閩縣人

感懷古意 五首

朱鶴齡 字長孺吳江人

感遇詩

徐晟 字禎起蘇州人

擬古

胡貞開 字循蜚仁和人

讀史

陳愷 字威公邳州人

夏日

許納陛 字元錫如皋人

秋村卽事

謝起秀 字實夫上元人

春寒怨

侯方域 字朝宗商丘人

詠懷詩

詠史

楊瑀 字組玉常州人

擬古

湖洞集

卷之二

五

許汝都 字令喜瓊山人

放鷹 有引

魏方朔 字大方山陰人

荆卿吟秦贊

劉世燧 字木次新蔡人

田父吟

張一鵠 字友澗松江人

林處士

李嘉胤 字爾孚泰州人

蕩子吟

萬壽祺

字年少徐州人

夏日催泉田莊詩

那昉

字孟真高淳人

古興

二首

沈九如

字初山杭州人

繹平道中是日母七十壽

苦熱行

陳重光

字協宗杭州人

溯洞集

卷之二

六

荷葉何田田

顧龍文

字仲御錢塘人

采葛行

顧豹文

字且菴錢塘人

擊劍行

魏裔介

字石生栢鄉人

詠史詩

夏日感懷

四首

讀杜子美詩

讀李太白詩

朝起獨坐

銅雀妓

二首

夜醒

和白樂天閑坐看書

戒食進

彥遠胡子漸之居士也隱於河渚偶以求友

至燕余讀其感懷詩渾脫澹宕不似魏晉

以後人語嘆賞不置然彥遠不欲數數風

塵中於其歸也作此贈之

贈季天中掌科

送胡世其歸贊皇

送田髯淵歸雲間

二首

出燕京右安門自祖氏園至萬泉寺廢城望

溯洞集

卷之二

七

草橋浦見丘塚纍纍

哀盜

三首

丁酉夏日雨後出都城南有作

宿海會寺詢比丘云西山潭柘寺始末

讀滑稽傳

二首

選唐詩清覽集作

選清詩觀始集作

春日感懷詩

五首

送辯若胞弟進士歸

溯河集卷二五言古下

栢鄉魏喬介石生選評

禹航嚴曾渠方貽
錢唐顧之瑜不瑕
校訂

五言古下

陸求可

夜行

破夢出孤村。錢月光初吐。何人夜飯牛。燈火隔遙樹。下見星露寒。依伴赴晨路。四野盡塗泥。高低測廬墓。犬吠半荆莽。車音續古渡。何以辨宵晨。肅肅

溯河集 卷二

起鴻羽

吳淇

積善行

人生百年間。速於鳥過隙。金玉積滿堂。誰能買白日。幸無貧賤累。多憂良足惜。莫向三山望。神仙不可接。

張純熙

雷州府

雷亦屬象郡。在粵真窮荒。三面皆環海。一望莽茫茫。

茫陸地無竹樹。民不知蠶桑。羣盜久縱橫。聚各

為強。反令朝廷稅。盡入為私糧。亦有數子矜。目

不睹文章。勞勞一使臣。驅車入此鄉。豈不憚艱辛。

簡書未可忘。伊昔有雷公。生即守此方。功德存遺

老土人。祀祠堂。歲曾獻雷鼓。傳言屬荒唐。中有羅

湖水。菡萏十里香。東坡與子由。相從泛月航。今我

來此地。湖水成平岡。時序已新秋。炎蒸乏微涼。春

穀雖半收。秋稻未登場。海風吹飛雨。壞稼損民房。

老稚無趨走。號泣徒徬徨。何辜令乏人。而乃罹此

溯河集 卷二

殃。上書達九關。間關萬里長。欲賑殊無粟。展轉情

內傷。中夜不能寐。淚下霑衣裳。

雷鼓之說荒唐殊甚讀此
可以破惑詩有恤民之意

錢朝鼎

雜感

種竹須去稍。樹蘭須去根。根多土膏薄。稍長風多翻。大道在寡默。物理惡繁喧。孔言約鮮失。帝謂德無援。我昔好文具。纍纍雜亭軒。一朝盡屏却。閉戶渾忘言。始覺日月貴。乃睹天地寬。營營夫何為。悲

哉處禪

有絕華務
實之意

又

公○輸○持○空○柯○三○年○不○成○器○后○羿○懸○曼○贈○經○歲○不○捨○
矢○紉○履○遺○千○將○執○爨○沐○糠○粃○愚○哲○本○無○定○因○時○或○
聖○否○蓬○萊○東○海○鰲○粒○米○封○壤○愷○逍○遙○各○異○事○相○去○
或○盈○咫○君○毋○是○所○非○我○毋○非○所○是○申○申○晉○何○爲○慙○
勤○謝○予○姊○

又

謝洞集

卷二

三

一○人○一○髮○膚○重○之○如○鈞○弓○一○人○一○骨○肉○賤○之○如○轉○
蓬○宅○第○矜○許○史○冠○蓋○誇○嚴○終○福○盛○禍○自○致○循○環○實○
天○公○朝○垂○子○陵○釣○暮○菰○周○顯○松○俯○仰○庶○幾○遂○遑○止○
恤○我○躬○長○安○雖○在○西○矇○眊○笑○向○東○

有感

楊繼芳

讀參同契

日○月○運○於○天○坎○離○充○我○屋○大○哉○氣○與○心○虛○實○勿○相○
失○心○虛○道○來○居○氣○實○斯○無○疾○靜○中○乃○可○遇○久○成○戒○

外○驚○參○苓○詎○永○年○鈴○永○亦○有○誤○以○道○治○其○心○心○寧○
氣○自○固○

可以論道可以養生非
大悟後不能道隻字

讀楞嚴

妄○自○不○妨○真○何○勞○辭○剝○啄○認○真○更○多○妄○何○如○常○抱○
朴○譬○如○岐○路○迷○覺○後○悟○乃○確○覺○迷○迷○卽○滅○迷○滅○復○
何○覺○

又

居○心○于○靜○中○百○感○當○自○絕○靜○中○苟○有○感○擾○擾○終○難○

謝洞集

卷二

四

徹○眼○翳○見○空○華○翳○除○華○自○滅○寧○于○華○滅○處○更○有○空○
華○設○

故知一切鋪設之語皆屬妄見深得良止
之學昔人所以謂讀一部楞嚴不如看一
良卦也

憚于邁

登泰山

萬○影○皆○在○地○日○月○高○無○餘○風○輪○載○厚○獄○縹○緲○騰○其○
車○滄○海○現○我○前○欲○往○道○且○紆○仙○人○騎○白○鹿○貽○我○月○
明○珠○服○之○羽○翼○生○頃○刻○過○方○壺○六○氣○爲○鸞○鑣○逍○遙○

遊太虛

又

鳳凰翔高岡。壁立萬古石。磨崖拄青霄。探海墜霹靂。午朝東皇宮。暮謁聖母宅。匏瓜在天頂。一手良可摘。道逢王子喬。冠帶尚如昔。

又

埃氛遍八極。虎豹叢榛苓。有客卑中原。披雲覲皇靈。廓然見天地。萬壑皆空青。松盤秦時蓋。崖出漢馬鳴。燁赫久已歿。山川著真形。日觀觀無始。震動

湖洞集

卷二

五

開杳冥。晝夜有常期。元化流太清。願言駕白鶴。瀟灑上大庭。

登嵩

造物爲鼻祖。鴻濛萬生源。何年錫土姓。我乃嵩之孫。大道本無形。中央見其根。恭承照臨日。堂陞生蕭森。

呼吸可通帝座非
僅遊仙飄渺之語

入井陘

昔聞大行險。今行井陘道。獲鹿當咽喉。嬰埤踞蹕

豹委蛇側肩進。兩山夾奔峭。冷冷魚貫風。窮崖掩義照。登車望崑崙。弔古出幽妙。天塹不可踰。守之得其寶。

翠蛟潭

仲冬凝陰合。屈曲羊腸路。焉得樹樹花。燦此萬山素。舉頭望青昊。石壁向空墜。忽然上高巔。澗底白雲注。既登掛遠崖。苦無涉筆署。因思在艱難。何以適佳趣。鏗旬風出雲。所惜未成句。冥冥翠蛟潭。將無息鯢羽。

湖洞集

卷二

六

煮雪

烹水出雲氣。酌之清且甘。濯漑稍不潔。至味非天完。凌晨望山頂。瓊瑰皆可餐。焉得貯萬斛。手擘龍鳳團。敲石念畚鬻。之子何辛酸。皓首隨飄風。長饑在天南。

寒香
沒骨

燈下獨酌

譬若燭短。長人胡苦。茫茫膏火。誠自煎。風過能不傷。白雪向霜髯。精神漸銷。兒女但天意。形骸任

低昂氣志既坦夷。饑餓亦相當。牕前梅花發。隨意傾壺觴。勿爲形影強。有負四壁光。

含萬達人也
疑有仙才

和美

容伯王子以詩見贈依韻奉和

王子負豪邁。探玄鼓幽响。睥睨卑大荒。孤懷絕塵想。結廬在雲坳。俗客毋敢上。冷風載詩瓢。寂寞自偃仰。林池富禽魚。圖史窮奇賞。于我諧古歡。披襟坐空爽。願言剖羈勒。曳屣共長往。

潮河集

卷二

七

又

生平任磊砢。薄世如敝屣。埜鳥食雲林。溪魚戀沼沚。催此苦拘束。輒坤不我救。風霜侵篆榻。冰雪覆杯匱。勞歌自灰頽。歲月云暮只。撫肘感孑遺。無以慰居止。大麓沒荆秦。深山藏虎兕。剗割資經營。汔可輯間里。枯桐泣冷絃。饑鶴悲倦趾。長貧不受錢。暮夜直如此。奇舛性所耽。困窮固應爾。隣封有賢豪。聞風竊相喜。爲我投瓊瑤。殷勤不加毀。大道重聲援。敗類殆吾恥。遭運勉節義。正氣格奸宄。

又

山川發幽巖。恍若奏簫鼓。中有餐霞人。凌空縱豪覩。文章富兩京。道德宗東魯。俯觀糠粃士。直欲壘斤斧。逸翮埋雲堆。衡茆羈繡虎。風月投奇懷。圖史訓蒙詒。天倫篤素歡。謳吟不出戶。惟我獨風塵。不遑賦將父。相逢醉欲狂。擊節還起舞。意氣無古今。車笠堪同諧。管鮑有真交。高風傳步武。

徐乾學

述古

潮河集

卷二

八

鄴都盛賓客。文字傳黃初。挿貂佩華綬。曉入承明廬。日暮遊西園。連翩隨後車。盛稱主人德。載筆多次且。饑鳥傍簷食。庭盎潛遊魚。覽彼公讌詩。使我增欬戲。

又

巨魚揚鬣鬣。漁父舉網隨。翡翠耀日中。服美身益危。李斯方說秦。陸機初入洛。咳唾風雲生。冠帶相追索。謂若重丘山。須臾在鼎鑊。榮華曾幾時。迅風驅長薄。所以賢達流。進止有權度。採欄莫盈筐。汲

身莫多酌。苟能齊物化。安事西山藥。

感遇

汲水辨澠淄。染絲別黑白。古人傾蓋間。流品先已擇。寸心苟相投。薄軀非所惜。寶劍解贈君。出入耀光澤。分手去路衢。萬里無間隔。結交不須多。尊沓亦何益。寧聞管鮑家。堂有珠履客。

劉梁嵩

擬古雜詩

種葛陂塘側。涼颺吹葛黃。腰鎌肆采刈。遙見雙鴛

溯洄集

卷二

九

鴛橫塘濯清漪。五色相輝光。生性結雙栖。同心飛成行。展轉鳴其儔。爲歡安可量。禽鳥有良匹。人事徒參商。

又

臨觴撫瑤席。芳醕延良時。驚聞烏夜啼。寂寞謝公池。憶昔宣城守。池上車輪遲。宵燭接晨歡。金犢絡青絲。忽忽節序愆。寒律無暄吹。旣乏連城珍。徒耀崑山姿。俯仰今昔間。川原况已移。外習耳目煩。內苦神志疲。往緒重與陳。矢念良如茲。願言結悃誠。

所樂吹埙篪

又

素手束齊紈。千絲成一織。晨光勲黠戶。黯織忘晨食。持紈倚市門。易麥可斛十。道逢榮戟期。鹿裘負寒日。長嘯行過之。相顧如弗識。長安三里許。光發紈禾赤。驚聳霍家奴。展玩波斯值。廣樂羅中庭。綺筵侔百尺。裁紈作錦茵。履藉金張客。吁嗟一束紈。遇合殊難匹。乃知萬物理。爲用資所適。塞馬視越鳥。安得同南北。

溯洄集

卷二

十

翁夫人血影石

養士三十年。遠食侍中報。况復感幽貞。松筠竟同調。時當靖國初。家難成開造。改顏祗一姓。徵兵初奉詔。奈何羅磯湍。視死如歸棹。橫波怒欲發。骨淨惟忠孝。天壤無此種。日月將沉曜。是以比懷湘。涉江堪並弔。夫人起井臼。義烈公熟料。邇者謀方聞。先期全所操。死國旣足傳。死夫亦云效。獨奇石上影。碧化千秋照。湯湯淮流水。貞魂滯靈耀。國士遭龍戰。節勁虎與豹。昭哉女子心。矢貞無二道。我來

祠下拜仰止動悲嘯。鬱影若雲沉。精英疑月瞰。運
會雖有遷。劫灰不能燒。寒林一片石。百代繫風教。
對此六朝山。嘆息待中廟。

五歲起方寸
隱然詎能平

張櫟

望岱

策馬歷層巒。東嚮方引領。劃然數聲聞。天末蒼茫
影。烟霞迷磴道。雲物生高嶺。浩溥通太虛。渾淪函
至靜。天風下鳥隼。深秋氣蕭冷。遙想萬仞巔。幽異

溯洄集 卷二

十一

非人境。曠觀猶有待。中懷爲耿耿。

過泗水謁仲子祠

方吾讀書時。晤君簡策裏。今來泗水濱。堦前見容
止。碩德峻不回。古廟日已圯。見山峙東南。青青正
未已。擊楫發浩歌。古今同如是。乘桴有深心。吾願
從吾子。

周 鑄

湖上

秋來湖上閒。正值高雲敞。十里蘆荻窮。水色忽開

朗風吹碧未休。四望平於掌。烟光互起滅。空發明
幽響。天濶大澤深。孤雲自來往。

王 岱

蘭相如同車巷

邯鄲城中

南山有猛虎。北海有神龍。二物各有托。變化生雲
風。將相不自調。安能成大功。趙地實彈丸。所賴廉
藺公。兩雄倘相厄。社稷當塵蒙。相如具神勇。返壁
蘇秦中。回車避武人。權智安可窮。

田家雜興

溯洄集 卷二

十二

日月不駐顏。壯髮摧哀慕。父母有黨屬。二三骨肉
暮。剪紙魂方招。鋤鋤又營墓。一身如巫咸。顛倒爲
鬼誤。人命氣歸盡。捲舒類風霧。滴淚將何聞。徒令
有生惡。莊樂欲令歡。釋罪欲令懼。悠哉遠行人。委
化豈復顧。

王耀升

擬古

日月去云速。別離一何長。道遠樂自殊。洵美非故
鄉。汎汎河之洲。中有雙鷺鷥。歲晏苦疾風。比翼相

翱翔脩塗渺無跡。顧此心傍徨。雨雪妻以悲。停車
淚霑裳。何因揮魯戈。爲君駐顏光。努力登雲衢。東
西永相望。

又

旭日映綺牕。和風颺文縠。有女顏如華。當軒弄寒
玉。初彈別鶴操。再奏哀鸞曲。四座慘不歡。聊以慰
幽獨。東樓倡家子。豔歌苦煩縟。掩抑未揚辭。聽者
踵相續。知音古所難。靡靡本諧俗。安得素心人。酌
之以醪醕。雙雙作鳳凰。飛向梧桐宿。

湘河集

卷二

十三

有古
意

唐世徵

朗陵江上陶仙祠

肉身
如生

隱何必三山。函何必石槨。玉顏自不緇。天上翻不
樂。流目注寒鼎。夜來聞撫鶴。始悟靈文假。長愁石
髓錯。小江百舟燈。散作芙蓉郭。誰灑衣上霓。孰司
洞中鑰。

吳初

述懷

不寐達終宵。倚杖看天白。歷歷我生初。飽經離亂

厄。机隄庚辰間。板蕩甲申役。烽烟黑四郊。直北千

里赤。播遷將安歸。豺虎中道隔。白骨滿川原。城郭

無屋宅。躑躅望南天。天南或可適。不謂渡京江南

中事更劇。蝗旱逾三年。征輸無停夕。百室無十丁。

罷不能踰閩。日暮山鬼愁。孤村絕行客。讀書華陽

山。放舟洮湖澤。芳粳澤畔蘭。清冽山中雪。以此娛

春冬。經年足研悅。喟彼首陽巔。長饑歌采蕨。更強

湘水濱。憤懣投蛟窟。世路苦多岐。何復臨不測。卓

湘河集

卷二

十四

哉五柳生。景行沮與溺。掉頭歸西疇。五斗腰不折。

人生誰百年。百年亦過隙。繁華不染胸。憔悴不沾

色。生既逢不辰。孤忠必見別。何如素心人。清泉漱

白石。邈然攀前脩。高風殊可接。

江上雜興

倚杖看潮來。獨立斜陽裏。遙聽艤艫聲。札札帆初

又

起。漁翁挂綠簑。亦趁桃花水。

夕景下烟波。密密懸魚網。嫁女與鄰船。老稚喧橫

港冥冥江沉樹猶聞洞簫響

彭楚伯

雜詩

好鳥集高樹。遊人長自飛。日暮投深林。離羣徒苦。
飢感我枝棲者。煢煢欲誰依。艸野悲多難。謀身何。
所歸。沉憂卧深山。歲儉使人飢。日月對詩書。風雨。
莫相違。

又

清冷幽士舍。淵深仙人宅。隱居讀道書。門無車馬。

淵洞集

卷二

十五

跡。延年不服藥。長生歲幾百。歎彼栖栖者。三十頭。
能白。數窮悲不偶。淪落復何惜。

延年不服藥
深有所得

又

閒采山中藥。時上最高岑。淵深適何處。大隱在前。
林。長日清肅氣。西風吹我襟。孤坐蒼松下。不息惡。
木陰。有鳥翔高樹。切切送好音。世緣無所慕。倍自。
靜塵心。

又

失意不下淚。有懷獨放歌。林泉狎禽鳥。故舊鮮所。
過。離索三四載。壯志豈蹉跎。盜賊無時已。羽檄亂。
關河。風濤悲晚世。傷心正苦多。杖策悲不遇。沉憂。
奈若何。

又

衡門長自閉。畏人終莫開。清妙觀至理。逸隱一酒。
杯。逢時匪所願。非與世相猜。浚谷好結茅。時上最。
高臺。寶我潔列志。蕭條慎莫哀。寤寐思古人。私心。
自徘徊。富貴說朝市。十年心已灰。嗟彼歲月促。駒。

淵洞集

卷二

十六

逝難以回

山中

春風滿深山。淡淡吹林麓。流水靜吾心。千丈看飛。
瀑。淵窅遠山顛。絕頂一茅屋。野艸生離離。茂林多。
脩竹。車馬聲無聞。伊人在空谷。晴雲繞亂峯。曠然。
悅心目。綿綿嵐烟異。清光實可沐。日暮山之幽。松。
栢靜而肅。吾意慕古人。忘情學艸木。

對鳥

日淡清秋夢。踈風吹亭樹。雛鳥初辭巢。飛來試新。

羽羣舉集其枝。歡啼亂相呼。愛子知母慈。唧蟲各與哺。長齋攤詩書。翻僕勞章句。倦起走階前。喧聞聽未足。唧唧是何言。對我儼若訴。勸爾翔雲中。弗使少年慕。

毛 蕃

登慈仁寺毘盧閣

乘興愜幽情。登高一以眺。置身百尺樓。始覺天地小。虬松亘長空。孤幹勢天矯。輕烟薄林端。微風生樹杪。蒼茫萬象殊。雲霞互繚繞。皚皚西山雪。鬱鬱

潮洞集

卷二

十七

大行道。居庸阨要地。十里設城堡。天險不可升。興亡竟多少。迴首瞻涿鹿。易水波浩淼。燕丹復安存。荆軻踪跡杳。窮覽生愁思。百憂爭紛擾。故鄉更邈然。中懷彌悄悄。

丁耀亢

古意

古戍留邊功。沿城錐疊嶂。秦人謀已竭。漢策亦非上。詔雖遣貳師。宛馬日凋喪。不及大元時。萬里空亭障。天寒莎鷄歸。艸肥駱駝放。何用屯田謀。平沙

自曠蕩

又

往見出兵喜。今見出兵愁。久戰劒鋒盡。各爲安居謀。衛霍既有家。何用窮荒陬。樓頭少婦泣。馬上莫回頭。

趙 湛

擬古

幽蘭秀空谷。遠邇披其馨。笑彼樵採人。不解植虛亭。朱陽一夕遷。綠英委玄露。莫更憶舉芳。徬徨時

潮洞集

卷二

十八

已暮

又

嚴霜折高梧。層崖崩洪濤。玄鳳失所息。憔悴栖蓬蒿。蓬蒿隨長風。鳳儀音嗷嗷。神物貴知化。慎勿同凡毛。

又

入山履蛇虎。蹈海凌風波。將期求所歡。險艱其奈何。日暮望無極。浪高峯嵯峨。佳人渺難遇。歲月空蹉跎。歸來掃石華。林外養餘疴。契合原因時。俛仰

發浩歌

又

赤符應西鄴。玉闕光連牛。忽思放雄視。金鳳翔漳流。凭高攬八極。英風羅九州。霸氣一夕沉。瓊樹成榛丘。逝波今如斯。浮雲自悠悠。

又

良璞埋荆山。歲月全清真。卞和彊解事。遠抱干時人。俗方競砭砭。下視若埃塵。屈申聽玄化。胡為殘其身。

溯洄集

卷二

十九

尋巢壑老人殷伯巖

壯歲未聞道。常懷尋靜者。春郭隨白雲。遂到龐公社。枯藤倚寂寞。散髮衝門下。吟我白雲篇。酌我碧玉竿。笑對兩忘言。相期在大雅。

立夏日夜坐有懷瀟湘舊遊

幽人戀暮色。靜夜形神清。孤坐盼天宇。銀漢流無聲。纖月沉西林。羣星青瑩瑩。茲夕薰風來。節序改朱明。美人住湘浦。高歌問生平。漢川渺無極。悵望空含情。

晚興

役役亦何事。徒然白髮侵。歸來掃我廬。聊此栖遐心。夕雲西南至。微風吹衣襟。蒔花散清影。深簷歸暮禽。

雪中期趙香雪不至

春風吹雪花。飄灑滿空簾。獨把一卷書。浩蕩吟高天。故人住南溪。許來共栖託。悵望寒烟深。疎燈照寂寞。

滿灑出塵

溯洄集

卷二

二十

王體健

和陶飲酒詩

環堵坐蕭然。常羨鳥爭飛。飛飛隨近遠。失羣聲斯悲。直木巢其顛。去此或無依。飲啄雖有適。日莫終旋歸。金石匪恒固。松柏亦時衰。但願杯中物。斟酌莫相違。

又

此心誠已靜。羣動不爲喧。動靜匪常然。而我性實偏。水流無去住。雲歸只在山。含情媚深林。獨步自

遙還濁醪慰遲暮。何事復多言。

又

人生不解飲。醉鄉邈難至。醉自爲一鄉。何不日日醉。長歌豁予襟。豈復論週次。黃虞頃刻來。忘物始爲貴。寄語勞役者。此中有深味。

贈申晃盟

出門無與適。四顧空踟躕。周道變羊腸。驅車返故廬。故廬杳深林。聊以讀我書。涼風乘秋至。白露下庭除。攬衣起徘徊。桐陰影漸疎。禦冬謀有蓄。過此

湖洞集

卷二

二十一

復何如。里老四五人。共坐鬪檣。捕把臂向之笑。且欲等黃虞。

詠史

秦地滿八荒。象桂從此始。漢氏委尉佗。容之稱天子。彼既受藩封。賈歸文則喜。乃知盛衰端。廣狹非其理。烽火達甘泉。兵凶懸尺咫。期門可待戰。百里堅營壘。自古薄伐患。所憂恒北鄙。周人得中策。來代已鑒此。馬邑伏禍機。師行三十祀。蚩尤長竟天。宇內生荆杞。兩雄不一屈。殺人如螻蟻。地勢古常

然。豈惟趙信使。順逆瞻天運。循環每相倚。何國無變亂。邊備安敢弛。

曾曉

過吳門

念楊維斗錢吉士朱雲子衛神清葉聖野諸子一時清歌

洞庭多橘柚。華實發高枝。歲暮隕嚴霜。芳菲有餘思。方舟汧閭闔。悠悠我心悲。仰觀星漢流。匹練如綆縻。所思棄中野。夕陽沒荒陂。解劍要離塚。臨風涕泗垂。

小埠訪張元明

湖洞集

卷二

二十二

眷言訪幽人。攬衣總轡出。平原無秋聲。葭蒲鳴蟋蟀。城西十五里。蹊田間棗栗。村村不相接。徑徑若相失。鷄犬四面聞。烟火疎且密。中有百歲翁。散髮恣幽逸。豹隱十五載。鳳棲飽梧寔。清池蕩我胸。白石臨我膝。入門脩竹陰。魚鳥歡相匹。飲酒一百杯。吟誦詩滿室。我來發秦箏。君應和齊瑟。

曾傳燦

秋風

秋風獨夜驚。寒氣亦何早。萬山發衆響。林木欬如

掃獨立蕭以疎。忽忽榮懷抱。暗月起寒扁。輕霜中
衰艸。身在百慮中。秋心一夜老。人生太多情。亦足
傷壽考。悠悠天地間。不如久視好。

出家卽事

田家每自適。出入俱忘形。荷鋤不知苦。總以求所
生。我昔勤耕種。碌碌竟無成。紛然萬慮多。因之廢
經營。偶來桃溪上。秋色滿柴荆。牛羊薄暮歸。鷄犬
相迎鳴。稚子盥濯畢。拱手道姓名。雖然少禮節。中
心亦至誠。徘徊山景合。緩步籬間行。寒塘靜霜月。

溯洄集

卷二

二十三

遠樹爲之明。一時忘物我。長嘯起松聲。

鯉奮江

泊舟澄潭下。水落清自出。峽古迴層陰。虛炤淡寒
日。孤村四五家。高樹氣蕭瑟。人靜鳥無言。但見山
齒翠。游魚心不驚。空濤隱溜滴。依光淅淅來。不畏
網罟密。偶動惻隱懷。投汝以穀實。大者遽來吞。小
者還相失。汝本游戲情。饑來卽倉卒。倘非愛自然。
豈不罹智術。物小亦生成。仁者良足恤。

雨後歷所治田園

情氣足致厲。駕言勤東畝。不識老農性。常因失土
宜。我既不力作。艱難課奴兒。春欲先耕稼。積雨沒
川坻。禾苗長且壞。渚田破深畦。未歷農家苦。安知
憂天時。少年事意氣。恥爲衣食資。所用失其道。因
之多餒饑。俯視川原間。艸木何離離。水長猶可涉。
雲深不可思。萬物各有故。吾生無足悲。

將立夏戒僕子亟治所田

役衆衆難恃。勤懇因已力。吾家號素封。不復知稼
穡。習慣成自然。皆竄亦云極。安坐出謀慮。紛紜計

溯洄集

卷二

二十四

已忒。因以下畝畝。聊用抒悃悞。諸僕蠢且頑。所司
無常則。勤怠或不齊。于此明黜陟。春氣日漸徂。衆
峰故多色。豈敢自暇豫。徒以煩申飭。懷安古所鄙。
況在永與食。

卽事六松艸堂

暮春日色佳。新苗氣漸舒。農夫始開顏。相與勤耕
鋤。高因作水塍。低田潑新畬。高低雖有別。用力無
密疎。挈榼餉農夫。食者不敢餘。歸來顏色喜。我心
方自如。

田家量雨較
晴歷歷如觀

趙瑾

擬古

我慕鄭子真。抱道耕深谷。天子不得臣。身與道俱
淑。名雖震京師。跡自親麋鹿。高風徧四海。至今有
餘韻。咄彼塵囂事。擾擾多倚伏。罕失在寡求。知足
無顛覆。白龍不化魚。漁安中其目。游子歸去來。山
中友松菊。

又

朔洞集

卷二

二十五

李園謀楚嗣。禍傾春申君。朱英徒進說。悲哉身首
分。馮諼營三窟。市義一何勤。薛人攜老幼。塞道迎
田文。片言殊禍福。用舍唯所聞。玳簪復珠履。豪舉
空紛紜。

又

陳蕃誠虛已。徐穉亦名賢。當初一榻事。至今千古
傳。浩歌此風渺。有志何由宣。魚目笑明月。真士盡
歸田。何當駕飛螭。高馳上玄天。

又

漢業淪魏晉。風塵日月昏。動言唐虞禪。誰云帝王
尊。維時高明人。命輕如鷄豚。阮籍沉醉鄉。孫登隱
蘇門。其餘多僂辱。萬古愴心魂。

閒居詩

鸞兮長鍛翮。龍也每蟠泥。貧者士之常。胡為重妻
妾。端居窮曠旭。愔悅游天倪。浩歌紫芝曲。行吟獨
杖藜。葦花隱鷗鷺。菰葉動鳬鷺。眎此林下樂。杳與
市朝睽。李斯終赤族。薰卓竟燃臍。遐哉赤松子。年
與南山齊。閒中足妙理。何為戀金閨。賦茲聊招隱。

朔洞集

卷二

二十六

微茫日墜西

讀之使人
名心盡冷

蔣伊

贈張鶴民孝子

張仲素孝友。高堂娛白首。當年二豎侵。醫和望欲
走。夜寒月白時。焚香叩星斗。霜刃生風聲。碧痕漬
雨肘。血灑天地驚。肉飛雷雨吼。藥爐吹火紅。鬼神
護前後。真宰訴九天。赤章滿蝌蚪。霍然父母身。從
此介眉壽。勿謂鷄黍貧。雕胡作脯脩。勿謂蓬室卑。

鳴渠俯旨酒。白華詠絳趺。咨嗟良獨久。南雲溯歸風。不若長相守。我作孝子歌。日月同不朽。

劉雲

與羽士話丹術

冰心世中冷。何處有炎熱。馬啖栢葉肥。君餐闔頂雪。玄牝神出入。各自保丹穴。汁金氣上浮。天全想因絕。如此饑寒暑。始得肺腑潔。靜音皇自天。揮絃理和悅。余寶或不同。無私豈相別。無私無內傷。岐路均一轍。

溯洞集

卷二

二十七

未四誦非十年學道不能

陳朝相

感懷古意

策馬晨出門。有路險不平。車驅一不戒。抵觸倏然傾。前車去未遠。後車已相仍。感此易心人。因之中懷驚。百年經過半。鼎鼎未織成。世多縛故智。余未濯塵纓。故智人身患。塵纓天所刑。相去復幾許。前路行將冥。念彼顛踣人。塊然獨撫膺。

又

世希明月珠。光可照幽屋。胎自重溟淵。智愚紛碌碌。幸會遇漁父。指我驪龍澳。舉手若可探。風濤浩相續。愧無飲飛勇。空有離朱目。時見海濱兒。持璣如米粟。炫鬻豈不羞。爛然乃盈掬。我志雖不遷。慷慨勞衷曲。

又

有人不識日。或指如盆圓。當宵聞叩鐘。謂日鳴虞淵。所悟匪不奇。乃去萬與千。離婁膜微睇。抵面與墻沿。生質任爲美。甘心閉幽玄。陰晴不復知。坑塹

溯洞集

卷二

二十八

還相愆。昏明雖有異。同此遭顛連。助固不在人。福亦不在天。有慧不自濟。空爲識者憐。

又

有客處蓬華。披褐抱瓊瑰。諦識不盈掬。實乃仙都材。但恨關防疎。秀氣紛紜開。生質雖不減。塵沙旦夕埋。歲月輾轉徂。風雨從天來。焉保蓬華居。陳腐不爲催。脩葺苦不早。無窮難與懷。願君勤檢視。或可善將來。勿待屋宇傾。至寶同土灰。

又

美人出物表。亭亭楊素質。一與同心遊。終古常無
二。矢志邀之來。光我蓬茅地。旦夕緬經營。千百儀
文備。玉盃泛瓊漿。金爐蒸檀桂。所恨被風塵。虛堂
生垢膩。念此亦小暇。美人竟我避。歲晚離思多。衆
芳紛委置。望望難苟偕。安得徇初計。誓掃濁穢居。
倘得聯襟袂。

桃花流水
別有天地

朱鶴齡

感遇詩

溯洄集

卷二

二十九

熊羆不自啖。梟獍不自戕。人乃異于斯。性命安得
長。名儒發大冢。陰符蓄不祥。古聖逞慧巧。逐開萬
世殃。傷物無獨利。至愚必爭強。干戈終不已。勸君
思後亡。

徐晨

擬古

種樹不種柳。結友不結名。結名死則易。種柳冬不
青。不見春申君。華堂列傾城。秦箏間趙瑟。朱絲和
鳴琴。十指千萬彈。誰能當目成。楊桴撫靈鼓。灑掃

清堦庭。一朝霜霰至。長宵雙涕零。

胡貞開

讀史

六王拒嬴氏。血戰幾百年。秦常開關出。諸侯不敢
前。當時山東客。日夜謀其權。知困而勇絀。搃腕呼
蒼天。乃有驅獍兒。奇貨居便娟。呂政已襲秦。孝繆
俱徒然。豈但社稷移。抑亦骨肉遷。寄語東諸侯。弗
煩折一弦。

陳愷

溯洄集

卷三

三十

夏日

乍見燕掠槐。旋聒蜩沸柳。兩丸駛轉轂。不堪幾回
首。人生等輕塵。聚散豈能久。所以達化人。逃禪多
在酒。玉羹浮青瓜。不數如船藕。時事難具陳。悲歌
載拊缶。

許納陛

秋村卽事

刈豆繞秋畦。採菱盪小鱗。東作而西成。塋上頻搗
鼓。野鳥破烟來。輕苗受風舞。坡頭遙見人。兒童簇

網罟臨淵遂舉魚。沽得下村醪。聞鷄愧祖生。牧牛誰五穀。溪花明復隱。獨行自踟躕。

謝起秀

春寒怨

東風吹凍盡。百艸盼葱青。司寒厲餘威。太皞何屏營。羔韭祭已久。土膏澁未萌。重違百艸意。慘澹失光榮。河魚不上水。倉庚方養聲。良辰等零落。蒼昊虧資生。寄言慰百艸。中陸團陽精。但存甲拆性。枯苑斯須更。

溯洄集

卷二

三十一

侯方域

詠懷詩

鳳凰自天來。三顧頗翹翔。羽儀肅威潔。一鳴清且芳。碧梧結秋實。晚啄亦何妨。千仞飛空虛。胡爲籠與房。岐周有聖人。乃始下朝陽。若非感玄德。豈棲枳棘傍。

詠史

漢家衛子夫。乃是平陽姝。朝侍公主前。跪進蟬鬢。鬢粧罷。賜蛾黃。起謝幸自娛。一旦武皇來。置酒邸。

第區清歌奏者衆。窈窕與之俱。醉後天耳熱。忽聽子夫殊。千金召入宮。翟榆龍文紆。簪花上林苑。攬鏡昆明湖。璇宮詠睢鳩。前星誕鳳雛。帝爲赦天下。大享三日酺。平陽是日賀。入向椒塗趨。再拜稱皇后。垂手但一扶。

楊瑀

擬古

微蟲厲秋響。百艸依寒暄。天地有新故。豈獨人心違。未敢怨游子。行行當自歸。清霜溼征鞍。涼風吹。

溯洄集

卷二

三十二

羅幃兩地淒。以鬱行邁同。空閨入夢非。我思知君神。竟飛千山莽。迢遞一燈青。霏微所憂君。未棄愁顏逐時摧。

許汝都

放鷹

有引

已丑初夏有鷹逐鵲於梧。爲兒童所獲。飯之數日。英英尚有獵心焉。時若上人演戒於地藏寺。提遼受戒而放之。因作是詩。具有不化眼。翅爪助之舉。怒行羽族間。毛血從風。

墜縱橫恣擊搏。弋人慕其銳。羅致臂韞上。晝夜弗
使寐。絳鈴感。感加饑飽。勿能遂。制物制於物。違復
洵可畏。饑饉者於菟。究充駁。猓胃鷓鴣。亦貪饒。罔
有殄同類。汝備貪。腹癡解脫。誠非易。携之登戒壇。
聽法殷勤記。縱翼返茂林。懺洗生平穢。兼語堊中
儔。相教歛乃喙。衆生如我生。超轉羽毛振。

魏方炳

荆卿公秦贊

六王狼虎秦。匹夫小兒覩。稜稜暴主威。上殿使環

溯洄集

卷二

三十三

柱身。公易水濱。氣震秦廷上。後事付高君。置鈴心
亦壯。祖龍實惴惴。東巡立威德。乃有報韓人。沙中
倣俠跡。誰令天子尊。長受匹夫擊。自此竟膽墮。山
鬼返何壁。非丹燕且公。有卿難爲力。至首公秦功。
陳項爭不得。

爲荆卿吐氣足
令含笑九原

劉世燧

田父吟

種樹思我蔭。種田思我食。皇天本仁厚。如何頻太

息太息伊維何。李愷盡地力。因之秦人起。阡陌無
半仞。縱橫山谷間。法象誰能識。飛輓關河冷。艸木
亦惻惻。古者土爲寶。斯言不我實。所喜漢武帝。輪
臺詔堪憶。

張一鵠

林處士

謫仙飲既醉。不受天子呼。寂寂孤山下。白雲聊自
娛。醒醉無異趣。出處非殊塗。梅開還復謝。鶴放仍
與俱。人生各有志。慎勿爲智奴。徜徉天地間。祇在

溯洄集

卷二

三十四

適我迂

智奴一
語驚人

李嘉胤

蕩子吟

漁陽古戰地。俠遊輕要津。傾貲贊鞍劍。跳踉東出
秦。睥睨元戎旗。捷取凌飛塵。立功兩河上。息馬江
南春。富貴不思歸。悲風起青蘋。年年閨中婦。忍寒
俟良人。

萬壽祺

夏日催泉田莊詩

始憂郭門遙。今在窮巷好。墟里昔崩落。我來乃誅
艸。門前流水陰。屋後高木杪。舊穀亦已稀。新麥乘
候早。日側山影黃。有酒共傾倒。登床讀我書。涼風
入懷抱。墻頭海榴花。風中紅裊裊。

邢昉

古興

曉日驅羸馬。寒輝已載途。出門望天地。白刃充交
衢。禹禹論泗水。神姦莫能圖。遂使董卓輩。攘攘操

洵河集

卷二

三十五

天樞一夫蹈津要。四方肝皆脯。自非膏出臍。莫識
豺與貙。

又

漢道昔再盛。投戈息羣姦。矯矯梁夫子。浩歌乃出
關。舉目覽四海。慷慨涕潸潸。我方遭兵火。安能辭
險艱。常恐白日速。不覩大運還。永隨霜與霰。泯滅
蓬蒿間。

顧豹文

擊劍行

少年學擊劍。拂拭蒼龍精。秋高夜長嘯。照人心膽
明。羽書下郡國。天子方徵兵。氣豪不復語。長笑辭
父兄。慷慨赴奇功。耳後風雷生。獨褰上將旗。暗奪
涼州城。事成讓來者。蕭然謝公卿。威風失勢去。鷗
鵲相和鳴。白頭老茅薜。兩日光崢嶸。見客重然諾。
中酒波瀾驚。斜日狎故交。過從性命輕。悲風西南
來。揮手黃雲生。

沈九如

鄒平道中是日母七十

洵河集

卷二

三十六

人生幾七十。况復在北堂。慚愧子遠游。長征隨雁
行。婦能頌椒花。不如兒在旁。正恐慈母心。猶作倚
閭望。

苦熱行

投足遠俗情。木陰自依依。東搖則從東。西搖則從
西。何事孫公和。編艸爲棠杕。

陳重光

荷葉何田田

荷葉何田田。拍浮滄池中。迺目養榮藻。集露流青

空水英紛迴。游鱗澤鴻浴。下有併根藕。上有靚粧紅。舞袖颺翠柯。幽芬抗塵容。何必招涼曲。取火來涼風。

顧龍文

采葛篇

采葛北山陲。萋萋蔓空谷。綸綸各有材。取足供村柚。素采挹霜華。荃文展水幅。雖與錦繡殊。理不異。統穀本期獻。君王一朝解蒸滃。豈伊抱中孚。而致貝錦辱。論論宜有媒。訛訛亦有族。初懷苟無然。積

溯洄集

卷二

三十七

毀豈攸伏。慎當念古人。無數以爲服。

魏裔介

詠史詩

三皇渺難紀。五帝尚可考。畫卦書契興。製曆歲時。皞衣裳變皮。儷舟車尚完好。琴瑟復燦陳。干戈乃顛倒。阪泉肇義師。軒轅位天造。豈獨湯與武。張皇事誅討。貨幣尤首禍。熙攘何艸艸。遂使萬世氓。爭奪致伐天。甘衣而美食。寧不各自保。

銅雀妓

阿瞞負雄才。生平實多惡。我我漳水濱。華屋充羅穀。賣履與分香。遙望西陵哭。何如燕昭王金臺。爲士築。

又

總帳圍雕欄。美人顏如玉。諸侯多俘囚。猶苦不知足。白日速陰風。管絃尚調曲。不見漢天子。一妻遭囚辱。

夏日感懷

登高望四野。四野何蒼茫。玄雲倏翕絕。炎蒸變清涼。甘澤沛九土。百物以時昌。大哉造化功。孰可與

溯洄集

卷二

三十八

衡量願以頌。君子爲龍復。爲光。

又

好鳥在樊籠。不能翔與翔。哲士沉下寮。焉能遂展。颺仕路多高足。援手藉金張。歲星照金馬。執戟甘爲郎。叔夜遇非時。多才反致殃。至人有愚色。盛德貴深藏。卓哉大易訓。知柔亦知剛。

又

瞻彼庭中樹。燁燁有芳華。秋霜未及濡。零落頓堪

嗟○物○華○誠○有○時○吾○身○亦○有○涯○藻○身○嚴○風○夜○比○德○耀○
晨○葩○儘○憊○君○子○願○徒○聞○咏○蕪○葭○

又

晏○安○乃○醜○毒○聲○色○亦○塵○灰○試○聽○遼○東○鶴○纍○纍○一○何○
哀○拔○宅○空○遐○慕○人○事○遙○相○催○秦○皇○與○漢○武○古○云○非○
僊○才○隨○運○謀○所○適○對○月○且○卽○杯○

讀李太白詩

三○謝○與○鮑○庾○江○左○稱○獨○步○太○白○更○絕○塵○汗○血○如○飛○
兔○擲○筆○振○金○石○有○文○懸○瀑○布○萬○象○羅○胸○中○百○代○生○

涵洞集

卷二

三十九

指○顧○是○氣○日○浩○然○不○祇○爲○章○句○沉○香○亭○畔○詞○諷○諫○
有○微○趣○奴○視○高○將○軍○才○人○詎○能○慕○羽○翮○落○九○天○掛○
席○逐○烟○霧○留○滯○東○魯○雲○蹒○跚○采○石○路○我○思○汾○陽○王○
再○衍○晉○陽○祚○云○誰○識○此○人○青○蓮○慧○眼○故○無○知○功○未○
酬○夜○郎○竟○遠○戍○璘○也○實○忤○愚○偶○而○被○籠○斂○龍○章○與○
鳳○姿○豈○若○爭○食○鶩○古○今○稱○謫○仙○斯○言○良○不○誤○黃○金○
如○可○成○須○並○子○美○鑄○

讀杜子美詩

古○作○多○蔚○岐○茲○獨○實○云○聖○盥○手○展○縹○帙○肅○然○起○恭○

敬○世○人○誦○公○詩○擷○芳○資○游○泳○我○誦○見○公○心○楷○模○性○
情○正○救○瑄○雖○云○非○其○意○實○孤○勁○一○蹟○不○復○收○驂○騶○
終○遠○屏○有○語○不○忘○君○愴○怛○忠○愛○盛○飄○泊○蠶○叢○間○櫺○
櫓○長○鏡○柄○路○阻○豺○虎○多○身○傍○干○戈○橫○燦○燦○浣○花○詞○
磊○磊○夔○州○詠○百○年○歌○獨○苦○斯○語○泪○如○迸○放○舟○夷○陵○
後○潦○倒○春○華○競○天○因○萬○古○胸○抒○發○鴻○濛○性○陶○冶○不○
可○窮○世○秉○詞○伯○政○讀○之○決○數○旬○高○齋○風○雨○併○旣○哭○
復○還○歌○枕○藉○以○爲○命○斯○人○竟○已○矣○怒○焉○心○如○炳○

朝起獨坐

涵洞集

卷二

四十

病○痊○久○閉○門○坐○息○得○其○處○濛○濛○太○古○涵○雲○物○自○來○
去○雙○樹○植○庭○陰○一○鳥○向○人○語○我○心○澹○無○營○冥○然○安○
所○助○

夜醒

春○夜○宿○齋○中○睡○醒○覺○夜○永○呼○童○然○膏○炷○四○壁○有○餘○
炳○長○安○百○萬○家○悄○如○太○行○嶺○犬○吠○時○復○聞○積○雪○起○
空○冷○耳○目○俱○寂○然○中○懷○獨○耿○耿○乃○知○喧○闐○地○未○嘗○
無○真○境○不○必○聞○晨○鐘○遽○然○有○深○省○

和白樂天閒坐看書

朝罷卽掩關。中庭啖秋果。蕭散百餘步。復向齋中坐。坐久展書讀。炯炯見福禍。名以干進。身因求利。墮何況戀妖姬。自甘縛韁轡。亦有耽麴蘖。翠羽包焦火。人生染此毒。動靜無一可。所以學道人。曠蕩觀真我。

戒貪進

仲秋雷收聲。孟冬地藏熱。造物有息消。運行故不竭。區區艸與木。順時以歷閱。惠風方敷榮。嚴冬迺隕折。人生快意時。尤貴知所節。奈何負乘子。遂意

溯洄集

卷二

四十一

多饕餮。富貴能幾何。變幻隨風滅。茂先空博物。不畏中台坼。士衡將三世。河橋一朝嶮。蔚宗與宣明。流連復狼藉。斯輩皆名流。無計挽蹉跌。何況吮舐者。紛紛不足訖。達人觀其會。寶身以爲哲。長嘯歸空山。永與世俗別。

彥遠胡子浙之高士也。隱于河渚。偶以求友。至燕余讀其感懷詩。渾脫澹宕。不似魏晉。以後人語嘆賞。不置。然彥遠不欲數數風塵中。於其歸也。作此贈之。

東南有一士。恥作老書蟬。北至無終國。西過首陽岑。趺足豈云勞。曠覽一何深。遺我一卷詩。倍聲多遐音。展讀未及竟。風雨掩孤鐙。昔聞無功子。結廬汾之陰。有友仲長氏。相對但成瘖。君今栖河渚。千載諒同心。冥然觀玄化。不敢問浮沉。况我茅堂下。名酒尚可斟。忽復感時事。高懷失古今。飛鴻啼錯落。廣廈誰能任。置之勿復道。歸卧聽春禽。

贈季天中掌科

僑伶遺佳言。李郭復同舟。想像斯人者。其意竟何

溯洄集

卷二

四十二

求季子起東南。嶽嶽延陵後。門對廣陵濤。胷蟠金焦秀。有疏策治安。有文懸蒼籀。顧我每怡顏。雄譚四座閒。盤礴詩中畫。相羊屋外山。余本澹宕人。天涯有知己。捫虱對髯奴。圯橋納墮屐。蹉跎功未成。江湖空復情。况值昏莖歲。腴田曠不耕。昨上文石陛。流涕繪鄭圖。旦夕恩綸下。流公尚可呼。懷君多高義。矢願共陳謨。

送胡世其歸贊皇

子爲大賢後。郊外有名園。賜書滿鄴架。十載閉柴

門披褐來都下。相見多嘉言。言亦何所道。但云山
中好。白雲窳庭除。花落常不掃。聞之怡余顏。忽復
傷懷抱。歲寒凋萬物。今已生春艸。五行暗鑠人。盜
之而使槁。若不豁雙瞳。金石焉能保。子歸待竹林。
明月紛浩浩。余將拂衣去。抱甕以終老。

送田髯淵歸雲間

一爲燕市客。三載憶吳山。吳山不可見。炎暑氣如
焚。扁舟從此發。行歌滄浪天。執手復叮嚀。努力各
有年。知已苟不辱。寧辭耕山田。海寇紛如毛。鱗鱗

潮洞集

卷二

四十三

橫陌阡。泖江有故廬。深藏古雲烟。念之不能忘。相
贈以佳言。

又

日月既云邁。山川亦不常。繁華王侯里。倏忽如朝
霜。耿耿烈士心。憂來每無方。豈不念室家。遊子曩
春陽。餞送集良朋。相勸累十觴。甫往已思來。豁達
見肝腸。所願誠不違。敢云道路長。安得凌風翼。翩
翩共翱翔。

出燕京右安門自祖氏園至萬泉寺廢城望

艸橋浦見丘塚纍纍

城中屋炎炎。城外塚作作。炎炎土上人。作作人在
土。百年瞬息耳。來去誰爲主。是人未土時。有氣悍
如虎。百欲養一身。惟恐致此塚。胡爲忽棄捐。甘與
枯艸伍。但見紙錢飛。白楊蔭石戶。狐兔爲其隣。蟻
蟻爲其蠹。策馬過問之。有言終不吐。去去勿復道。
登高望遙浦。傳是耶律城。今惟餘殘堵。陵闕盡灰
燼。瑣瑣安足數。易水有新釀。飲之消愁苦。及今不
爲樂。去日安可補。咫尺野雲來。杏花雜風雨。

潮洞集

卷二

四十四

哀盜

五行爲世樞。生剋轉相盜。以此運不窮。聖人弘大
道。區區貨賄間。爭奪通相蹈。不知誰作俑。梟雄稱
蹠。弄竊國公與侯。竊鈞斧。鑽膏執筆事。爰書流涕
爲悲悼。

又

雉羽綴朱纓。長弓響鳴鏑。倏刀燦若雪。袒臂掛裘
襜。跨馬出都門。直渡瀘溝水。翻身射是鴈。飛血濺
象弭。蹀躞縱橫馳。側身若蛟螭。行人皆辟易。長蹏

獻金貨醉眼方朦朧。繫縛後車屬刀。不及發。狼籍司寇獄。豈無鐵衣朋。跼蹐不敢贖。

又

重門防暴客。高垣棘如蝟。憂憂夜拆聲。守財不云貴。粉黛貯雕檐。絃服飾翠翬。謬爲祗席歡。伐取其精氣。所盜孰云多。疋羸終不畏。俛首辭靈几。感歎亦歔歔。新知勝古歡。百媚恣妍弄。寄語泉下人。茲盜久爲貴。

丁酉夏雨後出都城南有作

溯洄集

卷二

四十五

盤輿趨南郭。涼風吹我衣。時雖際盛夏。瀟灑無炎暉。蜿蜒田間陌。參差城上陴。興亡非一感。喬木尚依依。自古皆如此。岐路何徘徊。

宿海會寺詢比丘云西山潭柘寺始末

行行過野水。古寺盡田間。老衲三五人。扶杖立我前。指點翠微峰。伽藍是柘潭。驅龍背山走。種桑陰古阡。昔日姚少師。跣趺對瞿曇。靖難師徒起。橫戈入金川。戕殺盡忠義。方黃何罪焉。置之勿復道。輟食起長嘆。

讀滑稽傳

叔敖本賢臣。忠廉無與比。治楚楚以興。闢地幾千里。盡瘁殞厥身。咨嗟在將死。託子於優孟。羣臣良可恥。譚笑儼衣冠。山居歌非俚。寢丘四百戶。十世奉其祀。楚相不足爲。婦言有妙理。

又

二世縱淫荒。阿房窮塗塹。赭衣遍道塗。驪山工未寘。元元迫湯火。鬼神亦瘁悸。乃至欲漆城。黝然光可被。嘉哉旃侏儒。一言回狂恣。蕩蕩雖非難。陰室

溯洄集

卷二

四十六

未易植斯高。據要津而口。竟爲鼻哀哉。古鄙夫胡不如優嬖。

選唐詩清覽集作

鴻濛啓元運。靈淑鍾人紀。喜起肇賡歌。風雅隆周祀。漢魏有升降。六朝多靡綺。卓哉貞觀君。世濟擅厥美。磊磊富瓊枝。寧獨杜與李。歷下重格調。竟陵采幽旨。遙遙古人心。笙竿若隔耳。大道已曠邈。澆氣顧莫止。鎮以中和音。萬物返其始。

選清詩觀始集作

人心釀世運。世運變人心。盛衰既遞轉。治亂亦相尋。羣生天地間。激蕩成謳音。鴻纖既異致。雅俗判高深。聖人闢文運。羣賢慶盍簪。篇什多古風。聲價重球琳。寧敢繼絕筆。所願正哇淫。

春日感懷詩

少伯霸越後。五湖烟水清。子房學辟穀。欲從赤松行。古之賢達人。脫屣視公卿。而我竟何事。高卧古燕京。寒威日凜冽。三月及清明。春風渡楊柳。百卉始向榮。啾啾榆枋間。鳥雀自相爭。何如空山下。萋

溯洄集

卷二

四十七

萋芳艸生。桃花蔽夾岸。冷冷澗水鳴。念此長太息。流涕濡冠纓。歸與會有時。遙憶古人情。

又

種樹以爲林。結茅以成屋。家有負郭田。聊足共饔粥。春風樹若黛。秋雨山如沐。二三老農人。戴笠牧黃犢。此事樂有餘。此生甘鹿鹿。虛名煎膏火。途窮見車覆。憂來每無方。顛毛種種禿。座右金人銘。朝夕事三復。錢鏗真吾師。敬慎以爲勸。

又

范丹釜生塵。曲逆家落魄。張陳與蕭朱。衡續爭強弱。所以朱公叔。絕交甘寂寞。人生重朋友。明信以爲約。鬱鬱青松色。歲寒終不削。愧彼桃李花。方春競絢焯。余家世燕趙。由來恥浮薄。策馬古鄆城。遙望邯鄲郭。桓桓信陵君。仗義資大畧。好與屠沽游。孤寒欣有託。嘆息斯人去。仁風不可作。

又

猶龍與鳧盟。我輩論文早。王孟如復生。晨夕相傾倒。晚得巢壑子。浩歌天地老。仗劍走西秦。尋源崑

溯洄集

卷二

四十八

崑道不見古時人。唯見連天艸。長鋏復歸來。黃鵠翔蒼昊。莫効隨陽雁。飲啄謀梁稻。庶幾共夷猶。廣羊山色好。

又

匹僑沿溪行。西至白雲觀。白雲自去來。不見古人面。松陰羽士家。晨爨炊香飯。曲逕轉幽篁。綸巾雜丹篆。對此嘿無言。玉液思修煉。當年長春子。萬里走雪山。諄諄不嗜殺。沙漠霽龍顏。乃知古仙術。仍欲濟時艱。安得戰代息。蒼岫閉松關。

○送辨若胞弟進士歸
相依如山相別欲千里誰復念功名時時憶桑梓既免鄧禹笑常恐巢父恥幽賞心未遐水光林影裏

湖洞集

卷二

五言古下

四九

清詩湖洞集目錄卷之三

七言古

梁清標 二見

長安道上行

學士兄召飲齋中同家奉常嚴蓼嶼

贈吳晉公

歲暮行

傅維鱗

字掌雷靈壽人

贈魏燕魏年伯

吳偉業

字駿公太倉人

湖洞集

卷之三

目

永和宮詞

捉船行

鷺湖曲

楊思聖

二見

始皇墓

曹本榮

二見

甲午十二月初四日南海子

內殿聽樂恭紀

杜芳

二見

得張無能先生贈詩却答

感賦

夜渡

嚴沆 二見

報國寺雙松歌

題贈孫北海先生退谷

送吳謹侯同館謫廣文還里長歌

送光祿魏環極歸田疑只索畫

龔鼎孳 二見

臨江縛虎行
刺舟行

申涵光 二見

朔洞集

卷之三

學仙引

將訪猶龍于晉泉途中作歌

毛達 二見

洞房曲
裁衣曲 二首

當鑪曲
採蓮曲

捕魚詞
牧牛詞 三首

新寡吟
陌上桑

銅雀妓
隴頭水

俠客行
少年行

擣衣篇

丈田謠

王陵母

宋徵壁 字尚木華亭人

上巳游魚藻池篇
報國寺海棠歌

懷仙引
登高丘而望遠海

鳴雁行

李雯 字舒章松江人

擣衣篇
寄遠曲

宋徵輿 字韓文華亭人

朔洞集

卷之三

登要離墓
江南曲

王士禎 二見

長歌答贈劉玉瑟
七夕篇

述舊寄家端士
立春後八日放歌

海門歌
洗象行

王士禎 字西樵新城人

醉後吟
膠西行

咄咄篇贈季弟貽上

魏裔訥 二見

銅雀妓

送獻宸侄隨任龍安

寶劍歌

孔徹樾

二見

和梁王立先生落日行

白雲歌

和唐人王冷然題河邊枯柳

和唐人劉長卿小鳥篇

張純熙

二見

苦行村颶風歌

湖洞集

卷之三

四

王維坤

字幼輿長垣人

過尹村驛題王覺斯先生畫石

贈年友申隨叔

唐世徵

二見

雨中同夏人淑作

本介吟

丁澎

字飛濤仁和人

贈送魏環極光祿省親歸蔚州

贈洪畏軒儀部

洗象行

程光祿

字奕先錢塘人

江上寄懷月潭朱弢菴先生

赭山醉歌贈王羽

湖洞集

卷之三

五

溯洄集七言古卷之三

栢鄉魏喬介石生選評

禹航嚴曾架方貽
錢唐顧之瑜不瑕
校訂

七言古詩

梁清標

長安道上行

長安道上飛塵起。夾巷鞦韆車如水。朱門晝向紫
陌開。金張烜赫儼成市。平津高閣高連雲。閭中趨
走徒紛紛。鄭莊驛舍多茂草。賓客無復揖將軍。猗

溯洄集

卷三

犬當門。但狂吠。熟眠華屋深不聞。吁嗟道衰士微
賤。胡爲征逐通慙慙。豪家有奴鬚眉張。願指氣使
何揚揚。呵斥朝紳等與隸。書生屏息走倉皇。人生
不須貴金紫。但願十萬錢充囊。嗚呼吐哺握髮已
非昔。欲曳長裾誠未易。禍生懷刺終漫滅。素箠載
酒將安適。勸君且歸勿苦辛。世人結交良有因。明
月投入猶按劍。慎莫告語達官囑。

學士兄召飲齋中同家奉常嚴夢嶼

燕市泥滑愁出門。吾兄招我開清樽。解衣盤礴夜

溯洄集

卷三

霜霽冰統皎潔珍。錯陳雄辯交交喜不竭。簷化飄
落香氤氲。久雨淋漓多漏屋。買書無錢廉買粟。車
馬雜還塞中衢。身嘆轅駒空蹙蹙。浹月不覩故鄉
書。終朝畏見新除目。今夕果何夕。斗酒恣盤桓。人
生難得弟與兄。况有良友如芳蘭。嚴城擊柝燭未
殘。微風吹鬢蕭蕭寒。長嘯向天地。睥睨視今古。何
妨落拓同子雲。直欲狂吟追杜甫。窮達憂樂信有
時。栖栖傍人志良苦。金張華館朝不開。掃門之客
胡爲哉。五侯薰灼亦滅沒。朱門蓬戶俱塵埃。蕭曹
懷中不如但飲樽前酒。

贈吳晉公

吳生詞場客。作吏闔閭城。今年匹馬長安道。張燈
過我談平生。濁醪一樽對深夜。箕踞調笑多縱橫。
大言系出吳季子。側弁苦吟時自喜。春郊走馬逐
少年。垂鞭買醉倡樓裏。一從捧檄姑蘇臺。趨走公

府衝塵埃折腰屏息伺顏色上官顧指驅風雷大
猾挾勢氣如虎鋤奸無力空徘徊吳生吳生昔也
何壯今何頹朱顏轉眼華髮催賢達處困古不免
低頭戚戚胡爲哉子但舉我酌我姑爲子歌時序
有代謝人事多蹉跎老生窮經嘆白首貴人輦上
憂風波官小能貧亦自樂營營不已將如何

歲暮行

憶昔全盛當少年每逢改歲風日妍追逐喧闐兩
不厭春城燈火飛雲烟一從婚宦白日速驚心老

溯洞集 卷三

大渾茫然濟時力薄壯志廢書債索債無俸錢市
上弄珠多驟貴嬌歌艷舞張高筵寶馬蹀躞金勒
動貧家閨戶徒憂煎呼兒不須謀歲事椒觴粗具
堪留連且莫侈談天口何必論經綸手靜觀消息
君知否三十年間一回首但願歲歲長飲酒身強
無事足安眠浮雲舒卷吾何有

讀之使人躁競盡化
可謂靜者可謂達者

傅維鱗

贈魏燕魏年伯

山窮窮兮泉冷冷松濤萬樹來精靈携嵐驅翠塵
事絕安用寂寞無用之鴻冥柳庄有人足千古隱
不買山俗不買朝擁青編教子孫時看青畝犁頭
南枯巖宵洞趾儘勞自多雲壑生吞吐脫稿常爲
山鬼偷吟成只畏蛟龍取遠獲崆峒傳帝之要耿
近鄙蟲魚媚物之塵土麟書旣已絕千年五十三
家耻比數地老天荒江上豪三百星回風捲毛國
書曲紀皆短氣攬衣中夜起蕭騷搜幽剔隱肺肝
見萬事萬人誰通逃擲筆每每向天嘯庭樹生風

溯洞集 卷三

振夕照書罷閒心只白雲端居靜解青山笑大兒
剖竹鎮海鯤仲兒待詔金馬門諸兒雄文逼嘯虎
奚須束帛承丘園憶公擲我瑤華篇開卷珠璣燦
且繁什襲藏之秘復密恐化玉芝爲神仙之所拈
書成幸莫藏名山使人得觀生華筆

先子手不停披口不停
吟得此樣筆足以寫照

吳偉業

永和宮詞

揚州明月杜陵花夾道香塵迎麗車舊宅江都飛

燕井新侯關內武安家。雅步纖腰初召入。鈿合金
釵定情夕。豐容盛鬋固無雙。蹴鞠彈碁復第一。上
林花鳥寫生綃。禁本鍾王點素毫。楊柳風微春試
馬。梧桐露冷暮吹簫。君王宵旰無歡恩。宮門夜半
傳封事。玉几金牀少寐眠。陳娥衛嬖誰頻侍。貴妃
明慧獨承恩。宜笑宜愁慰至尊。本朝家法修恭儉。
房帷久絕珍奇獻。舊時惟進陽羨茶。內人數減昭
陽膳。維陽服製擅江南。小閣薰爐沉水烟。私買瓊
花新樣錦。自修水遞進黃柑。中宮謂得君王旨。溫

溯洄集

卷三

五

成不妬肩隨齒。蚤日艱難護大家。比來歡笑同良
姊。奉使龍樓賈佩蘭。往還偶失兩官歡。雖云樊嫫
能辭令。欲得昭儀喜怒難。綠綈小字書方寸。瓊函
自署充華進。請罪長教聖主憐。含詞欲得君王愠。
君王內顧惜傾城。故劍還存敵體恩。手昭玉人蒙
詰問。自來堦下拭淚痕。外家官拜金吾尉。平生遊
俠多輕利。縛客因催博進錢。當筵便殺彈箏妓。班
姬才調左姬賢。霍氏驕奢竇氏專。涕泣惟聞椒殿
詔。笑談豪奪灞陵田。有司奏削將軍俸。貴人冷落

官車夢永巷傳聞去。玩花景和門裏誰陪從。天顏
不憚侍人愁。后促黃門召共遊。初勸官家伴不應。
玉車早到殿西頭。兩王最小牽衣戲。長者諸書少
者弟。聞道羣臣譽定陶。獨將多病憐如意。豈有神
君語帳中。漫云王母降離宮。巫陽莫救蒼舒恨。帝
子雕殘玉筍紅。從此君王慘不樂。叢臺置酒風蕭
索。已報河南失數州。况經少子傷零落。貴妃瘦損
坐匡牀。慵髻啼眉掩洞房。荳蔻湯溫冰簟冷。荔枝
漿熟玉魚涼。病不禁秋淚沾臆。裴回自絕君王膝。

溯洄集

卷三

六

昔沒長門有夢歸。花飛寒食應相憶。玉匣珠襦啟
便房。薤歌無異葬同昌。君王欲製哀蟬賦。誅筆詞
臣有謝莊。頭白官娥暗頻蹙。庸知朝露非爲福。宮
草明年戰血腥。當時莫向西陵哭。窮泉相見痛倉
皇。還向官家問永王。幸免玉環逢喪亂。不須銅雀
怨興亡。自古豪華如轉轂。武安若在憂家族。愛子
雖添北渚愁。外家已葬驪山足。夜雨椒房陰火青。
杜鵑啼血濯龍門。漢家伏后知同恨。止少當年董
貴人。碧殿淒涼新木拱。行人尙識昭儀冢。麥飯冬

青岡茂陵斜陽蔓草埋殘隴昭丘松檟北風哀南
內春深擁夜來莫奏霓裳天寶曲景陽宮井落秋
槐

此詠明季田貴妃遺事也
瑰麗悽惻真堪屋倒元白

捉船行

官差捉船爲載兵大船買脫中船行中船蘆港且
潛避小船無知唱歌去郡符昨下吏如虎快槳追
風搖急櫓村人露肘捉頭來背似土牛耐鞭苦若
辭船小要何用爭執洶洶路人擁前頭船見不敢

溯洄集

卷三

七

行曉事篙師斂錢送船戶家家壞十千官司查縣
候如年發回仍索常行費另派門攤云僱船君不
見官舫鬼戕無用處打鼓插旗馬頭住

鴛湖曲

鴛鴦湖畔草枯天二月春深好放船柳葉亂飄千
尺雨桃花斜帶一枝烟烟雨逃離不知處舊堤卻
認門前樹樹上流鶯三兩聲十年此地扁舟住主
人愛客錦筵開水閣風吹笑語來畫鼓隊催桃李
伎玉簫聲出柘枝臺輕靴窄袖嬌粧束脆管繁絃

競追逐雲鬟弟子按霓裳雪面秦軍舞鸛鶴酒盡

移船曲榭西滿湖燈火醉人歸朝來別奏新翻曲

更出紅粧向柳堤歡樂朝朝兼暮暮七貴三公何

足數十幅蒲帆幾尺風吹若直上長安路長安富

貴玉驄驕侍女薰香護早朝分付南湖舊花柳好

留烟月待歸橈那知轉眼浮生夢蕭蕭日影悲風

動中散彈琴竟未終山公啟事成何用東市朝衣

一旦休北邙坏土亦難留白楊尙作他人樹紅粉

知非舊日樓烽火名園鼠狐兔畫閣猶存老兵坐

溯洄集

卷三

八

從前歌舞復幾時轉盼朝市都非故我來倚棹向

湖側人生快樂終安極去年來增歎息聞笛休

嗟石季倫銜杯且效陶彭澤君不見白浪掀天一

葉色收竿還怕轉船遲世人無限風波苦輸與江

湖釣叟知

楊思聖

始皇墓

祖龍東巡山鬼蹙發徒穿壙殷山谷木石駭盡天
爲驚血污遊魂聞晝哭茫茫何處問神仙魚燈不

滅照黃泉銀海金。是一朝閉石馬無聲泣。斷烟當
時氣勢如虓虎。六國平來誰敢侮。豈知身死阿房
焚。寂寞驪山一坏土。君不見漢文陵墓亦荒涼。路
人下拜每徬徨。夜來樵牧高丘話。風雨時時怨始
皇。

抵一篇洛陽
年少過秦論

曹本榮

甲午十二月初四日南海子 內殿聽樂恭

紀

湖洞集

卷三

九

殘雪拂樹天宇品。詔隨公孤內殿行。班接學士叨
寵榮。金爐春暖燃紅繖。紫鳳擅槽錦繡縈。腸絃鐵
絳續續鳴。細如雷。霞酒前檻壯如蛟。龍出深泓緩
如雷。霞地底急如風。雨翻高城天顏和。齊侍臣
前。一唱三嘆洋且盈。愚臣少長楚江上。白茅苦竹
蓬屋生。手持黃卷坐日夕。啣喙抱葉寒蟬聲。却來
京華官七載。絲竹未敵山水情。金錢會中身偶與
閒嘈。箏笛難為聽。恭逢 聖主御講幄。布袍挾書
登通英。羔裘節儉泰賜服。翠織况有掉尾鯨。觀德

杜芳

得張無能先生贈詩却答

世上何物最能久。千古風流亦何有。自奉笑言覺
惺惺。得贈新詩不離口。初如玉樹臨風前。恍到山
陰明月天。斗牛槎邊三四語。想應都不在人間。沃

湖洞集

卷三

十

焦之石草無葉。珊瑚為枝水晶節。日出團圓入萬
頃。霏霏垂天瀉香雪。老龍鬚陡捲風雷。奔鯨潑蛟
崑崙摧。飛雲墮雨黃鶴樓。須臾迷噴鳳凰臺。近來
此道如脫屣。空談何李與七子。挺筆縱橫三百前。
曹劉阮謝不足比。朝將出入銅龍樓。石館應詔賦
瀛洲。蕩霞遊霧千金賞。誰人敢題在上頭。唯願名
成功亦蚤。五岳攜我償夙好。共做靈藥灌梧桐。瓊
峯花繁寶樹紅。聞道神仙更著書。瑤函金簡揚清
虛。不然落鬼風塵吾已矣。君除天人那得如。

感賦

月明東海來天中。霜清庭樹地光橫。百川愁我吸
長鯨。芷蘭解佩顏前楹。布裘都傲歌青萍。屋寒鐵
馬哽長征。虬龍古字繪離情。瑤瓊千丈隔星虹。杰
公毛女餌黃精。松雲如雨碧鷄鳴。黃金臺上朔風
清。虎頭不肉朱衣輕。玉簫金管丹陽聲。學書學劍
誤猗猗。青樓薄倖翠花瓶。紅顏白髮鏡中行。浮雲
蒼狗問崑溟。桑榆東隅幾晨星。種瓜無地嘆東陵。
濁醒徒勞卜居名。腐藏深自耻。鼃孤燈十載貫。

湖洞集

卷三

十一

中。扁風流不罪阮途窮。葫蘆豈鬼笑平生。關東烽火
達承明。百夫大樹心澎澎。短髮上指青天驚。螺
盃在手看高檠。桃花洞口薜蘿封。南柯夢破曉陰
晴。化鶴一去千年精。攜書萬卷入青城。豪華逝水
摧肩稜。山泉簑笠釣臺輕。天正中。月東明。浩氣乘
長風。淒涼不盡此時情。

夜渡

十年小雨青窓裏。此夜黃河天上水。瀟瀟月明秋
葉霜。燐燐夜火疑龍鬼。斷橋破壘舟如狗。雷吼風

花浪乍走。崩坼沙寒一鴈飛。虛空映映入牛斗。鄰

船有客能吹竹。水國淒涼何處宿。茅屋桑田林木

長。啾啾古廟落巢鶻。半河突出鴻濛影。歸坎噓盈

嘆。急景五色石頭天地中。岳銜禹跡尋神鼎。借書

沽酒漁楓惱。半壁天鷄海日蚤。聞說桃源不再開。

白雲滿地同誰好。

有長吉之瑰瑋而無其
詭直與子瞻同其浩渺

嚴沅

報國寺雙松歌

湖洞集

卷三

十二

燕山突兀幾千載。四百餘年景物改。惟有慈仁雙
老松。霜皮剝落至今在。其一婆娑勢攬地。撐拏詰
曲春雲發。一株稍欲干層霄。却顧徘徊意相待。紛
靡密葉生風濤。屹立亂根玩真宰。慣看城市變烽
烟。幾見桑田作滄海。何年紺殿啟琳宮。石欄蹬道
盤虛空。飛花濛濛日月靜。溜雨黯黯神靈通。大都
月市番仙集。胡床翠幕陳西東。哥柴古竈周漢鼎
陸離法物羞雷同。似與雙松校年歲。必有真賞窺
鴻濛。日斜人散蒼烟重。倒景上殿雲瓏慈軒車。冠

益繆相嘆肩摩轂擊勞過從吁嗟此松澹蕩有真
意只愁化作雙虬龍直上燕山絕壑一往不得見
悵望千峰與萬峰

起突兀
結更奇

題贈孫北海先生退谷

西山冥冥水蕭蕭谷口幽人誰見招馬蹄蹴踏狹
邪路塵飛日暗咸陽橋北海先生結廬處山風歷
歷檐前樹自有圖書屋裏藏不勞車轍門邊塵晉
人法書唐人畫周鼎宋磁不論價宜和御印硃鮮

湖洞集

卷三

十三

新景陵署欵翠相射石床梁積書架平竹光巖靄
繚縱橫昔人已遠物亦貴懷古悲時無限情請看
滾滾東西南北人奔走富貴勞終身一官寄跡山
林興翻似烟霞鄭子真

送吳謹侯同館謫廣文還里長歌

擊筑且斟燕市酒浮雲富貴吾何有巖前碧樹吐
朱華天上白衣幻蒼狗風翻易水橫素波送別聊
爲暇豫歌松皮屈鐵老山雪鵬翻擊浪凌漠河轡
龍吐鳳留華省授經博士官偏冷夢迴輦道記鳴

珂坐聽轆轤初轉井西風冥冥吹白沙罇前細雨
開簷花杜老乍簪青瑣筆鄭虔本愛赤城霞奪我
鳳凰池未妨彭澤醉典闌在笏西山翠自有哀吟
動鬼神長將書卷留天地不知壁水況金門見說
移官亦主恩但看卧坦邊韶腹有日槎迴博望
源

送光祿魏環極歸省

漢庭補袞重名卿魏相高風上苑清封章幾上明
光奏諫諍爭傳白馬生聯鑣左掖穿官樹早朝每

湖洞集

卷三

十四

和陽春句玉河春柳著鞭時古寺深松踏歌處朱
榴花發翠篠濃西山晴黛削芙蓉小人有母宜春
酒徵歌上客壺觴重夫子華箋五雲落筆墨淋漓
風雨作卽對南山憶舊山心思背樹懷朱閣太行
之麓萬峰西文杏堂前遠碧溪秋風屋上馴烏鵲
斜日桑間聽犬鷄銅龍獨上陳情表磊落文章淚
繚繞掉頭歸去雪蒼茫眠寢蘭帷戀昏曉人生忠
孝情性真一心忼激緣君親厠綸自潯春流碧本
是金門補牘身

送友三作體法俱
老惟岑參能如此

龔鼎孳

臨江縛虎行

竹槍茅戟森江國。蕭灘白日迴陰色。市兒青裙頭
布帽。爭言縛虎沙潭側。地平實異豁谷險。公然攫
人到昏黑。此物豈因氣數致。居人恒愁爪牙逼。勁
孤疾弩誰命中。紛紛貪天謂已力。撐枝欲使元惡
勸。寢皮何論一錢直。天道張弓固有時。負嵎猛虎
寧終極。卽看六宇消殘賊。麒麟來遊夜戶關。飽睡

潮河集

卷三

十五

頓豁平生臆

刺舟行

廣南人物矜奢華。綠珠容色傾天家。不知風俗始
何代。刺船能婦偏愁嗟。終朝赤腳波心立。背上兒
從橐中入。白浪層崖片檣飛。烹魚裹飯隨時給。惡
踏嬌啼恒在頭。一身男女劬勞並。地昧暄涼耐秋
寒。天教螺蚌生枯井。平生不識粉脂痕。夜夜呼兒
哺菜根。爲問墜樓金谷裏。何似辛苦長江村。

學仙引

少年寡信好。萬事隨徵逐。常笑學仙人。服藥死窮
谷。患難損精。覓心事。恣潦倒。我年方及壯。自覺形
容日衰老。側聞廣成子。能爲黃金丹。方瞳碧玉杖。
道遙生羽翰。我欲從入崑崙巔。掃花晒藥浮雲邊。
縱使神仙不可得。也應高枕送殘年。

將訪猶龍於晉臬途中作歌

昔歲來尋燕市酒。醉向君堂十有九。有時雪暗泥
深。晝掩扉。僕子持書瓶。在肘今來君忽去。形庭舊
遊落落如晨星。豈乏綺席金張讌。無情絲竹難爲

潮河集

卷三

十六

聽病臥禪房。十餘日。騎驢直過行山脊。草屨晴穿
洞壑雲。朝舖細嚼山田石。兩旁積鐵峯。剋互傳是
淮陰拔趙處。過眼雖雄。今有無辭鴉。落日啼巖樹。
甲申之春。寇焰張。土門出入失羊腸。試看險扼今
如此。一夫詎止千人當。人生落絮風前舞。勝敗茫
茫自今古。野客傷心夜不眠。窺人月向柴門吐。
直抒胸臆中有鱗
甲者不必讀此

毛達

洞房曲

書堂婉轉調絲肉。金屋焜煌紫燄燭。暖色烘開翡翠屏。春風拂軟芙蓉褥。綺窓秀發宜男花。班管橫吹新鳳曲。鏡裏光輝月一輪。簾中照耀珠千斛。流蘇錦帳擁佳人。團扇冰紋搖細縠。歡登雙合瑪瑙。紅香醪滿引鴨頭綠。晝閒寶鼎霧霏霏。夜靜絳毬蘭馥馥。蝴蝶懶將舊夢尋。鴛鴦試看新波浴。枕邊方喜夜如年。燈下渾憐人似玉。款語今宵私結盟。吾生不向孤帏宿。

裁衣曲

潮洞集

卷三

十七

欲寄征衣須早裁。莫使寒到衣不來。衣不來時寒更苦。郎着敝衣人欺侮。欺侮將奈何。敝衣倩人補。邊城有婦艷明妃。蛾眉螭首身願。願結相思縷。爲人補征衣。使郎補衣往來熟。恐到封侯亦忘歸。又。剪征衣。親手作。君身長短何須度。肥瘦定然不如。昨新衣爲君裁。舊淚爲君落。還將銅斗細熨灼。莫使衣上似猩紅。君見淚痕不肯着。

當爐曲

雙眸嬌注店前柳。探瓶時復露纖手。玉顏細逐柳花香。恍惚醉人醺于酒。倚爐無語自含羞。多情勉強在持籌。莫以妾身增酒價。擲下金錢不肯收。少年何必頻回顧。妾亦能吟夫善賦。明年賣字向金門。妾家豈因酒錢富。此時看妾在何處。

採蓮曲

採蓮葉。蕩桂楫。船頭白蘋開。棹尾紅荇結。葉露光如珠。把弄圓還缺。採得蓮葉綠復黃。將欲爲郎製衣裳。衣成着向五湖去。與郎同作雙鴛鴦。採蓮葉。

潮洞集

卷三

十八

香不歇。滿船歸。載香月。

捕魚詞

結網莫太密。網密魚蝦泣。舉網莫太勤。網勤無隱鱗。遺得隱鱗尙足取。魚蝦泣盡難再舉。何如青海一絲風。射蛟釣鰲手不空。執竿醉臥酒缸中。誰問鯢鮪及鯢鱸。

牧牛詞

隴頭新雨生嫩草。清晨約伴放牛好。牧童晝懶舒雙拳。和衣藉草靠牛眠。醒來忽想爲人牧。夜間須

求芻一束。今晚飼得牛不饑。明日耕田似鳥飛。

又

短蕪淺水日方晴。牽牛問喘且緩行。居家八口食爾力。豈有疾苦吾不惜。常怕秋前牛力勞。更愁秋後牛骨高。手扯嫩草口邊喂。莫使鸚鵡啄牛背。

又

勸牛努力食細草。橫笛數聲歸莫蚤。既受主人芻牧錢。寧辭蚤起夜忘眠。主人有田數十畝。爾牛亦復難辭苦。願爾飽餐耕田多。我亦何妨扣角歌。

新寡吟

卷三

十九

新寡吟

澹月寒風冷繡幃。樓臺淚落孤鴈悲。佳人願與黃泉誓。他年相見欲無媿。且使後來吟白頭。何似當初賦栢舟。只今妾在牆中住。不敢牆邊種梧樹。唯恐秋風入夜深。樹上吹作絲桐音。

陌上桑

桃李葉暗桑林春。桑林深處不見人。儂來陌上非得已。爲怕家中蠶餓死。今年結伴去採桑。媳隨阿婆女。隨娘莫似去年忘艷冶。置筐獨立桑林下。惹

得車馬入深林。乃使貴人懷黃金。

銅雀妓

登臺悵望聲嗚咽。漳河流水淚中血。君王肯作漢忠良。賤妾應爲魏貞節。教人着殘歌舞衣。白雲陵樹共依稀。酹脯備陳輦不歸。日落臺上烏飛啼。幾番回首下臺時。

隴頭水

隴頭流水聲嗚咽。似哭秦天悲漢月。隴山之下古戰場。此水曾洗金鎗血。至今血去水猶腥。夜夜仍

新寡吟

卷三

二十

作嗚咽聲。可憐山川舊愁慘。怕見時人新弄兵。願傾天河一河水。萬古常將甲兵洗。秋風鼓角夜不悲。水中嗚咽聲應已。

俠客行

紫鬚若戟雙瞳電。身長七尺月如面。袖中購得趙家七。腰間橫插鵬翎箭。鞍頭寶劍七星文。雪馬鐵蹄黃雲分。揚鞭直上信陵墳。欲覓信陵一揮手。君家仇讎誰在否。

少年行

堤上柳花黃金香。滿眼少年如艷粧。塗朱傅粉鬪
顏色。錦衣新染柳花黃。紫騮一鞭輕烟裏。五綵照
耀明日光。自言能得春風愛。時來正好誇身強。子
雲草玄徒多事。相如獻賦亦顛狂。筆墨太精鬼神
厭。憑據自古豈文章。君不見王楊盧駱福命薄。管
輅自知貌不揚。又不見昔人欲燒頭上巾。免使老
年哭秋霜。唯羨潘安似婦人。擲果攀車滿道傍。丈
夫昂藏不合時。人眼何必身長九尺鬚。眉蒼不如
奇俊王家郎。聲名猶得傳四方。

湖洞集

卷三

二十一

擣衣篇

滿城一夜西風入。四邊吹動寒砧急。隔牆雙杵落
衣忙。長短聲聲敲露濕。夜深庭院月正明。坐送幽
愁百思及。誰家憂愁愁更多。西鄰少婦顰雙蛾。憶
年十五從之子。纔着春光上薄羅。良人點戍西南
郡。忍別新婚遂荷戈。舊年從王開夜郎。今年又聞
下牂牁。妾衣布襦君衣鐵。同霑白露冷銀河。靜聽
西鄰怨未已。東家淒切悲聲起。爲寒織綵繒。爲華
織綺綺。年年機杼不上身。但餘百結秋風裏。推得

舊衣軟似綿。空房寂寞寒如水。

丈田謠

丈田莫丈山。山多石田丈亦閒。丈田莫丈水。水之
深處田無底。三山六水一分田。天地定數自古傳。
朝丈暮丈徒枉然。安得天下忽然無山亦無水。一
日丈出膏腴沃野千萬里。丈田之官始稱喜。此時
地廣不怕官。家來丈田只怕商。羊早寇奪田之豐
年丈得有田。田可耕豐年一奪難。聊生但願兵荒
灾厲一時散。有田穰穰民不嘆。上欲蠲租下讓畔。

湖洞集

卷三

二十二

王陵母

漢帝危言以詐楚。翁媼幾爲楚軍煮。豈知相繼有
王陵。竟以實禍貽其母。一則盡命一生還。俱是當
年親被虜。君臣心事無異同。父母福命有甘苦。令
人後世嘆徐庶。臣心子道自千古。

太白仙才長吉鬼才錦來殆。將兼之世人
不能自出手眼。惜舊題絕趣尺步。於人牙
後直堪覆醬醅耳。

宋徵璧

上巳遊魚藻池篇

三春不覺三月三。呼朋連袂來城南。何處無遊子。三月三日名上已。此是蘭亭修禊期。永和人物如見之。楊柳風吹藥王廟。桃花水漲金魚池。水綠風清顏色好。五侯七貴相逢登。倒影欣看帝子樓。穿池疑汎蓬萊島。良辰好景任歡娛。狹客妖童夾路衢。任公愛拂珊瑚釣。鮫室寧分明月珠。九陌縱橫鋪錦繡。婉孌清揚誇邂逅。紅袖重重彩扇輕。綠莎點點波紋縐。王孫行處草萋萋。戚里長干望易迷。金犢絲牽紺轡度。朱門遙鎖翠屏低。翠屏暗

湘湖集

卷三

二十三

宿西山雨。紅牆斜掩櫻桃樹。北闕才人總玉堂。南陽貴戚皆珠履。丹青見繪麒麟金。臺百丈倍嶙峋。不定飛花來上苑。閒看青鳥啄紅巾。蘭池乍浴溫泉湯。寶鼎輕飄遠送香。玉勒翩躚驚蛺蝶。金支容與汎瀟湘。畫簾本是瀟湘竹。荇暖沙明雙屬玉。贈別非無芍藥花。當筵重理琵琶曲。彈罷琵琶只自知。向人手弄青門枝。西園金谷何年恨。塞北江南兩地思。兩地遙遙好風景。黃鸝啼出鞦韆影。鴛鴦錢榆莢玉階深。繡被香綿飛絮冷。從古鶯花說帝

京。况逢佳節不勝情。金縷衣裳君莫惜。蘭陵美酒君試傾。橫塘淺沼明於鏡。倦遊孤客還乘興。王謝千家乳燕飛。滄浪一曲遊魚聽。

報國寺海棠歌

名花異卉瓊樹枝。花開花謝足相思。勝地應誇風日好。遊人每道看花遲。孤客重經報國寺。消愁只爲看花至。策馬誰曾載酒來。看花漫憶傷心事。依稀紫玉出吳天。彷彿昭陽寵漢年。雙樹連株相比並。黃沙撲面倍清妍。含嬌含態情無極。倦倚東風

湘湖集

卷三

二十四

無氣力。韶華故故惜芬芳。臙脂澹澹生顏色。絳綃天半明朱霞。海棠花中稱最葩。由來窈窕推燕趙。何用新粧說若邪。

懷仙引

本非神仙骨。安能鍊金丹。所以茹草人。偷活紅塵間。紅塵漫漫不能越。朝看明鏡暮華髮。風波患難如轉蓬。親成交遊成落葉。老儒竟作尙書郎。清時重見一馮唐。客臺漫試金銀氣。列宿多慙鴻鴈行。蒼蠅撲面汗盈把。禿袖敲冰羨瀟灑。鉛刀借割邵

平瓜羽扇偏揮大宛馬。徘徊郎署倍逡巡。小心恐
懼大吏嗔。胥徒滿堂那在眼。廝養出門多笑人。避
暑無如官舍冷。栢影槐陰發深省。病肺原來屬倦
遊。拂衣豈得誇箕穎。悵望仙人王子喬。金堂玉戶
揚清颺。折腰抱牘任潦倒。自公退食名逍遙。浮丘
洪崖素携手。回風試問相思否。一官落拓才不才。
朝罷長謫歸去來。

登高丘而望遠海

東遊泰山睇滄海。一身倘恍失所在。坐使海水增

朔洞集

卷三

二十五

波瀾。坐使萬象奪精采。海若一生何不平。每令見
者覓魄驚。望洋瞬息卽萬里。指南之車吹懸旌。水
天氣勢常杳渺。低昂頓覺坤輿小。扶桑倒影類轉
丸。衆峯差我若飛鳥。我欲直探龍伯宮。榜人恐怖
不肯從。崩濤轉側鱗鬐杳。滄波閃爍鯨眼紅。乘流
迥與登岸異。括地名山浩難記。蜃氣遙連不夜城。
任公欲下吞舟餌。幾度看揚陸海塵。白雲紫霧誰
問津。燕齊未遇迂怪士。吳越空餘江海人。掛席十
月來仙家。汗漫應浮八月槎。弱水盈盈弄清淺。紅

顏綠鬢渾如花。

鳴鴈行

驚心大火西流去。金井碧梧無定處。寒蛩清切類
鳴箏。螢火飛揚疑舞絮。海燕雕梁歸去來。高秋氣
爽一登臺。翠蛾紅粉清砧急。彭蠡瀟湘鴈影回。彭
蠡瀟湘染烟霧。肅肅賓鴻天外度。手撫瑤琴一曲
閒。目斷平沙幾回顧。片片明霞砌錦雲。相思遲日
鎖斜暉。臨池半畫龍蛇筆。列陣仍排魚麗軍。古道
霜花愁不掃。于野于磬盡衰草。委羽那堪北地涼。

朔洞集

卷三

二十六

唧蘆却到南天蚤。翻然按翼竟長鳴。嘹唳還疑吹
鳳笙。石梁露濕愁零雨。銀海光浮汎月明。雙宿雙
飛羣不亂。彌天匝地揚哀怨。焉支山下黯消魂。蟋
蟀堂中增繾綣。冰雪差峩逐曉征。江村漁火太丁
寧。寂寞最憐梁苑賦。凄其如訴玉階行。當年蕪李
同樽酒。屬國旌毛偏皓首。裂帛曾經血淚鮮。傳書
只恨緘題久。避地應虞繒繳多。常將遵渚比巖阿。
相逢莫道長相憶。羨爾青雲奈爾何。

王楊盧駱當時體正嘆其不易得也每怪
後學動欲凌厲前輩不思腳踏實地如向

本諸作珠切玉潤宮商
諧和豈非學兼至

李 雲

擣衣篇

閨閣佳人字莫愁。年年紅粉對青樓。乍知玉腕羅
衣薄。早識金風紫塞秋。紫塞秋風那可度。思君更
遠交河去。難從明月望刀環。且向機頭拂絢素。紅
袖初憐金剪寒。青砧還近石床安。誰家橫笛清商
動。賤妾虛桐響夜闌。夜闌顧影常微嘆。砧聲裊裊
隨風亂。緩振鳴環雜夜雷。急回玉節凌飛鴈。鳴環

湖河集

卷三

二十七

玉節動金波。素錦迴紋幽怨多。此夜清霜侵蕙帶。
此時朔雪照銀戈。庭槐月落砧聲歇。斗帳微紅心
斷絕。量揣君身尺幅詳。還加妾意裁縫密。昨聞移
戍向龍城。萬里黃雲愁不行。空閨用盡三秋力。寄
到軍前春草生。

寄遠曲

白玉樓中織錦機。迴紋小字香霏微。不得雲中雙
綺翼。爲君萬里寄征衣。征衣細綰同心結。寄往狂
夫淚空咽。妾夢猶遲灞岸雲。君身已度交河雪。交

河雪深那可測。千里明駝無氣力。別意新裁金剪
刀。啼痕暗數黃沙磧。黃沙磧裏塞雁呼。陰風獵獵
鳴雕弧。六郡良家十萬騎。紫駟玉面稱最都。燕領
虎頭君自有。鳳帶鴛鴦妾空守。願君蚤奪焉支山。
歸來玉門春未闌。

宛轉有風
人之旨

宋徵輿

登要離墓

我來閭廬城。踏盡吳閫路。手携輕薄兒。長揖要離

湖河集

卷三

二十八

墓。要離墓。草野火燒。一坏黃土孤堞高。前臨青山。
後對水。白雲來往風蕭蕭。

江南曲

明月下揚州。青雲渡京口。吳兒解棹舟。吳女工垂
手。碧烟衫子白雪裙。臨風一笑桃花春。開牕理鬢
照明水。雨漿生浪飄紅巾。憶昨秋風秣陵路。吹到
門前烏桕樹。白雁紛紛千里來。不見郎舟下江水。
儂家高樓十二閣。長夜欄杆對簾箔。垂露如珠挂
玉釵。雙星自帶秋河落。秋河斜落歷陽西。歷陽城

北征馬嘶長干作書寄京口今歲江頭歸不歸

今日雲間極得風雅正
派吾於懷文兄弟知之

魏象樞

循吏歌與張開有令張強

君不見人籍柔茅水歸壑慈惠不深俗易薄又不
見芊牽則卻驅則行峻法徒滋飲食爭漢庭多少
循良吏政教剴然得其平張子開有本長者二十
倜儻三十雅自從謁選入承明堅樸渾如金在冶
相見曾云嚼菜根俯首雪涕就我言幼服庭訓矢

湖洞集

卷三

二十九

清白躑躅反慮辱公門近日蒙恩殊不少召入太
和瞻天表尾附諸臣賜宴歸金盤玉盞香繚繞異
等泰厠分榮名何以副之心忤忤男兒學吏女學
婦得無一指臨蒼生愧予昧昧難悉作吏苦惟嘆
今人不如古人愛身今愛官此身一失官何補
以爾素性甘清貧滿眼瘡痍繫爾身我之榮辱得
失天所主安肯攫民媚他人民乎民乎盡殘喘頻
年水旱多輾轉功令初嚴匿逃家生怕吏人驚鷄
犬東壤况復接二東邇來大盜忽勢難窮鈴柝

夜聞城市肅狐鼠乘隙不敢訖諺云賈人有牛庖
人割用剛用柔吾自掇竹望循聲滿恒陽傳中猶
紀負衣鉢嗟乎初志如山不可奪

王士禎

長歌各贈劉玉瑟

吾年二十寡儔伍種楊蕭條守環堵結交未遇大
梁人懸文解郡咸陽賈離山十里聞聰姑孔翠裳
茸但垂羽吁嗟濁世無英雄空使憑高嘆廣武竭
來落魄海濱遊逢君便解雙吳鉤雄談五月酒冰

湖洞集

卷三

三十

雪掀髯磊落橫高秋新文縱橫十萬軸平視馬班
揖列休酒酣爲我歌山鬼空堂颯颯西風起美人
窈窕湘纍哀道客羈人乍悲喜噫吁戲吾生未能
仗劍走南北咄咄書空竟何益芒屨輾轉古戰場
上黨太行天下脊山水江南夢夢魂文物西京半
陳述人生不得展胸臆過眼雲烟去堪惜逢君真
欲破牢愁海波一望三山碧

七夕篇

明月舒光秋婉孌絳河遙遙隔清淺相傳天上罷

龍梭星渚虹橋夜相見。此時羅幌已驚秋。此夕聞人復坐愁。銀漢風微聞雁度。金鋪夜暗見螢流。三秋畫閣停刀尺。良人遠戍交河北。烏鰂書中錦字空。寒蛩褥底涼風夕。江南河北正相思。共識今宵漏乍遲。那知歡宴成靈匹。空見離愁結網絲。蛛絲宛轉縈千曲。能使愁心相斷續。乞巧筵空玉露零。曝衣樓靜金風肅。須臾鷄唱斗闌干。天上依然別思難。鄰家少婦嬌夫婿。猶引金針向月看。

述舊寄家端士

溯洄集

卷三

三十一

先朝世宗歲壬戌。皇帝策士金華殿。婁江文肅公第一。吾家尚書同召見。玉堂青瑣并承恩。丞相司徒皆近臣。右軍藍田絕嫌忌。文貞文獻同情親。君家編修吾司馬。翱翔亦共承明下。吾家方伯君太常。宦遊日月商風雅。十年綿邈江南北。舊事飄零不相識。吳江濟水兩悠悠。欲寄音書淚橫臆。一朝入洛烏角巾。名動公卿稱上賓。范陽著作那須問。遼抗由來天下聞。余時亦入金閨籍。珠珂并耀長安陌。將成四部元徽書。競傳七葉雕龍筆。日月昭

昭浸已馳。渡江君去我東歸。齊瑟吳趨各回首。晨風零雨常相思。我今飯牛甘落魄。單衣短布還如昨。郎君猶作折腰人。手版西山致不惡。哲兄冠蓋盛時名。小弟滄浪自濯纓。往事低徊如見憶。楊花社燕滿江城。

立春後八日放歌

君不見荀令則年來三十已開府。又不見王文考十七辦作靈光賦。我生二十又三年。鬱邑佗傺無一歡。既不能挽強飛矢射摩種。朝賜飲飛池暮請

溯洄集

卷三

三十二

郭杜田。又不能金華殿上謁天子。腰佩兩綬矜豪賢。平生鄙志一丘壑。印山在眼囊無錢。祖宗賜書一萬卷。十年鞿旅隨風烟。虎賁中郎不復有。備書提契殊艱難。流光去人駛生弩。柳絲花葉忽媚娟。梅鬚寥落池館靜。時聞饑鼠踏筵弦。酒狂輒欲俯五嶽。請歌陳植飛龍篇。

海門歌

曉東下江水長。遠從井絡來吳鄉。奔濤萬里始一曲。古之天塹維朱方。北界中原壯南紀。魚龍日

月相廻翔中流一島號浮玉登高眺遠何茫茫
空飛鳥去不盡江海一氣同青蒼山外兩峰遠
絕雙關屹立天中央左江右海辨雲氣如爲八裔
分紀疆江流到此一縛束早潮晚汐無披猖燭龍
曉日出雲海山光照耀連凌桑年來海戍未停罷
峨舸大艦來汪洋胡豆洲前起烽火徒兒浦上披
稱福古聞京口兵可用寄奴一去天蒼涼我願此
山障江海七閩百粵爲隄防作歌大醉臥巖石起
看江月流清光

溯洞集

卷三

三十三

洗象行

水關蒼蒼柳陰碧寶馬流蕪紛絡繹日中傳呼洗
象來玉河波射珊瑚赤須臾鉦鼓干雲霄萬夫聲
寂如秋宵虎毛蠻奴踞象頂丘山不動鬱岩巖岸
邊突兀二十四直下波濤若崩墜翻騰欲踏鼉鼉
宅縱橫還成鸞鶴隊乍如昆明習鬪戰萬乘旌旗
眼中見又如列陣昆陽城雷雨行天神鬼驚奴子
胡旋氣道壯忽沒中流狎巨浪撇波一躍萬人呼
蕭然却出層霄上今年丞相收夜郎扶南盤况求

王章遠隨方物貢天關屹然立仗金堦旁聖朝
那復貴異物致此亦足威遐荒黃門鼓吹暮復動
海立山移浩呼洶大秦師子多威神山林豈是天
家珍

王士禛

醉後吟

欲作真娘塚上花不則要離墓邊草香風麗質隨
風歇至今人艷虎丘月雄劍幾年光彩沉短衣擊
劍多賞音不爾梁生豈因人世無美人與俠士寸

溯洞集

卷三

三十四

耿耿向誰是縱復硯礪時時澆安得日逐賈人
子君不見大壑當年棄琴瑟冷落千秋幾晨夕古
今惟有堯玄翁閱盡名山藏鹿革

膠西行

秋盡繁憂不可掃夜視太白光皓皓海氣遙昏石
白陰兵氛晝暗黔陬道當年三鎮下東秦犄角曾
聞天語申西控清淵開幕重南連大冶建牙新
膠西將軍幽并子少年幾入漸離市落魄曾無國
士稱俠遊徒袖夫人七際會忽承恩遇殊龍墀同

受玉塵符。檀公江左。長城寄叔子。襄陽保障。初詎
謂輿尸。隳節度。健兒夜夜南塘路。慕雨誰知博士
船。秋風早落將軍樹。積漸因循。氣轉驕。桓東擊刺
競雄豪。那見軍中能超距。但聞河上日逍遙。帝
咨丞相。厲師武。經畧南交。定湘楚。旄鉞還將天子
靈。羽書徧下。諸藩府。膠西入幕。典籤兒。反側狙獍
何所爲。一時煽衆呼庚癸。將軍俯首聽推移。旦日
羣公邀相見。奸謀卒就誰能辨。不識壁中已著人。
忽看堦前羣擁劍。轅門白日錫鏤寒。蹀血孤城忽

潮洞集

卷三

三十五

鼎翻鳴鐘堂上紛橫。列戟門前亂揭竿。吁嗟盛
世何當復有此。將懦兵驕理應爾。古來幾事戒履
霜。此事堅冰已久矣。東望黃塵幾日紛。西來赤羽
遞相聞。遙傳大纛中丞出。觀釁新屯廣固軍。

海時行康奴耳爲其下所迫而飲此作紀實可爲監戒

咄咄篇贈季弟貽上

咄咄古來才人詩筆誰最雄。客兒秀濯出水之美
蓉。藍田給事調轉工。白也迥翻凌天風。吁嗟斯人
誠雋。上千秋而下誰躡。超光絕影之高蹤。阮亭王

人風雅宗。秀眉廣頰。湛雙瞳。衣妍骨采美且丰。孤
雲兩角騎飛龍。下視一世眸爲空。顧盼意氣轡長
虹。遐騫睇髮陽阿束。手弄青霞遊藥宮。文心映日
光瞳瞳。山川麗崎。卿咏中。掇拾香草直童蒙。摩天
尺五落鴈峰。呼吸上與青旻通。豪吟琅琅如扣鐘。
瓊琚玉珮相琤瑳。乘風破浪聲泠泠。胸涵智珠操
慧鋒。文壇轉戰稱折衝。左拍青蓮右謝公。高揖右
丞恣火攻。千篇握筆如有馮。迅流龍門溲呂洪。高
言磊砢狎華嵩。玉函金簡光秦封。我時攬轡開心

潮洞集

卷三

三十六

蓬第五之名誰與同。嗟嗟驃騎真凡庸。

魏喬訥

銅雀妓

古來麗色多亡國。裂綃舉烽同傾覆。阿瞞風號奸
人尤。蓋棺猶爲衽席惑。銅雀置歌妓。總帳高稜稜。
帳中歌吹起。朝夕望西陵。男兒一朝身死矣。七尺
殘骸應已毀。諸妓歌吹復何情。迷謬徒爲世所訾。
人言戀聲色。不如養賢才。余謂聲色固可噤。當時
事曹豈真才。君不見伏龍鳳雛擇其主。管寧不與

華歆伍畫策勸進雖多人紛紛濟惡何足數

眼空阿瞞之朝與李北海同其惜正

送獻宸任隨任龍安

穎濱年弱冠曾上太尉書中言子長足踪遍天下其文奇宕更扶疎吾任昔年隨父費邑去齊魯青
青色可飮俗宗河北最高峰上有宣尼觀海處向
後相攜至建昌匡廬雄秀足許量太白瀑布夙有
詠興至何難相頡頏鄱陽落星湖水濶氣蒸波撼
生輝光况是簑城如帶礪署對雲龍走山勢黃河

湖河集

卷三

三十七

日夜水奔流靈源浩淼來天際斯皆宇宙大文章
不但雕蟲資補綴目今汝父守陰平鞍馬西風又
徂征裊裊旌麾出劍外錦江玉壘傷人行西蜀山
川間更險觸目遇之盡琬琰吾任遊覽追踪太史
公從此瀝墨成文不加點

太史公覽天下名山大川與燕趙間豪俊交遊故其文疎宕頗有奇氣此作似之

寶劍歌

寶劍寶劍鑄自歐冶壯士千金購得之殺盡世間
不平者遭時不利撫劍歔歔君父之讐不能報生

平之憤不能舒懸之破壁空閣居諸寶劍寶劍令
我今畜爾亦何用安得軼深井里諸人爲爾重

讀之有化龍穿屋之氣

孔胤樾

和梁玉立先生落日行

城頭瀝瀝霜風吹吹得飛光下西陲最恨世間更
有夜減去百年一半時天地寂寥暮鼓急萬國蒼
生隨日入明晨有日依舊生明晨有人依舊集是
人書與日爭生是人夜與日爭匿爭生爭匿曾幾

湖河集

卷三

三十八

同前人沒後後人來我向浮生欲大呼奈何與日
鬪肌膚萬古一種蒼涼氣數變山川尙不徂氣湧
拔劍研窓影盡盡人間生死塗

大有奇氣

白雲歌

山巔石徑多曲折夏月巖中藏舊雪昨自東溪採
藥來各裏柴門僅半開邀迓山楹懸碧幕吐出雲
光片片薄并州快剪裁作永但恐寒光不易着溶
若烟兮潔若冰舒卷空中態不凝籬舍焚香對幽

客與到開窓吹鐵笛一聲竊渺出石門聲繞雲絲
簷際翻須臾聲定放雲去依稀還過峯頂路明朝
此間戶牖濕應是雲腳經行處

和唐人王泠然題河邊枯柳

西畔濤聲連縣州輕搖小舫入谿遊風物蕭蕭秋
在日河水恒浮瘦日流布帆直進回風口條見荒
堤三五柳野火焚來腹盡空曩時枝葉更有憶
昔輕恣發早陽河畔青青列幾行驛亭離客恒揮
淚幽閣春思暗入香斗酒雙柑何足道翠色吹出

潮洞集

卷三

三十九

鶯韻好方慚無髮鬪青絲誰料無情爾亦老應是
年來鏤露霜丁丁漸到斧斤鄉東風再過不相顧
萬事榮枯淚滿裳

有感

和唐人劉長卿小鳥篇

小鳥小鳥何其微問爾奚長喙且飛只緣翮短難
摩漢簷際徘徊卜所依條見勺粟堦前落衆鳥微
軀欣有托自空飛下聲帶酸飽腹間遭鷹鷂搏更
餘漏羽泣岐路一日饑腸難及暮誰知食在蹈危

機天地廓寥無穩處到處張羅不敢進幾許梳翎
漫自問不難一飯矢狗身復念渴饑有定分君不
見錦雉翩翩映嘉木山下飲泉山麓宿自分與世
絕疑猜陌上飛飛往復迴文羽可憐不獨賞引得
王孫金彈來

寓意甚遠

張純熙

苦竹村颶風歌

行行暮宿苦竹村西山落日風塵昏下馬傳檄問

潮洞集

卷三

四十

父老百家今止三家存累歲官路苦兵戈今年海
口盜賊多擄妻勒子復焚屋家無鷄犬田無禾昨
日府帖復追根官差總練如虎狼六年之賦一日
比老嫗稚子走徬徨說罷哽咽不能止使臣聞之
淚如雨仰視彼蒼最仁慈如何虐此一方土須臾
靈雲白日黑倏忽颶風暗天起翻瓦破壁雨如盆
奔流倒瀉大海水大海蛟龍吼不息怒濤駭浪三
千尺願將霹靂打賊船吾民夜臥如盤石

王維坤

過尹村驛題王覺斯先生畫石

何物荒邨破驛壁。癡菴宗伯畫一石。入門撲面現
青蒼。苔斑五百幾點碧。磴牙如踏虎豹蹲。罅中疑
有流泉滴。想其運腕酒酣落。淋漓兩袖揮。斥八
極。毛穎忽然化身作巨靈。劈將太華山頂峰。三尺
對之使我心膽清。當年左右應皆生寒栗。嗟哉此
石畫於先朝崇禎之庚午。似有鬼神寶護名公蹟。
郵垣不圯。風雨未蝕。巍然老丈介然中立。驅得人
人學米顛。袍笏拜者闐其室。又聞俗子迎上官。謀

潮河集

卷三

四十一

將壁以新粉。汁風流縣令笑欲倒。此使勿壞加修
飾。我年二十九。石年三十一。江山遷播海桑翻。吳
官漢鼎爭得失。獨有此石今尚存。丰稜點染前朝
色。於戲宗伯已騎鯨。人生富貴誰留得。自號大隱
亦隱耳。何必金門星踪跡。竟讓此石名壽高。嶙峋
氣骨無今昔。我來嘆賞不忍去。欲效古人偷飛白。
可惜不曾寫在紙絹間。攜之疾走長安陌。

贈年友申隨叔

覺斯宗伯石畫於尹村驛壁至今稜稜未
壞得効與此作當與米顛石丈並傳

秋鴻足繫泥金錄。墜我讀書之茅屋。風雨開絨一

諦視。第三廣平申隨叔。王郎撫掌大歡慰。喜極幾
欲失聲哭。憶我司馬撫中州。殺氣龍蛇方起陸。赤
羽白羽崩雲馳。大廈傾危倚一木。申公節愍杞縣
宰。陰雨獨霑蒼生福。肝腸已露古包胥。鐵眉日爲
君國蹙。維時司馬愛重之。入告循良光薦牘。帝曰
咨汝郎天鄉。旋典七驛領太僕。未幾鼙鼓動地來。
寇烽直逼黃金臺。望帝遊魂化杜宇。瓊樓瑤室飛
紅灰。衣冠塗炭王孫死。蒼茫周鼎埋蒿萊。申公擢

潮河集

卷三

四十二

節取其苦。千秋常山爭步武。浩氣憑陵三尺冰。紫
名焜耀一坏上。我祖時爲草莽臣。北眺九關泣姬
雨。侍中遺血灑東風。至今地上桃花紅。舉公公能
不負國。司馬亦復不愧公。十七年來金貂毀。河山
冷冷留孤忠。叔敖康吏不庇後。負薪鑿壁吟寒蟲。
囊中燕石安所遇。天酬忠烈開癡憎。又有隨叔拔
高幟。銳鷲幸附驥。騶叢感時追舊長太息。欲往從
之苦未得。春明馬踏北平烟。握手古利松樹前。楚
楚纔如處子耳。筆海何遽瀉潺湲。棄襦終軍真英

妙。使我不敢矜少年。南宮珠履星辰上。應爨爐香
依天仗。十載虛名狂酒徒。鴈行妄與稱瑜亮。同是
清白吏子孫。家聲忠孝心相向。夜沽凍酒對殘燈。
旅館蕭蕭似野僧。拈句投君還悵望。天寧寺塔月
層層。

情性溢於
筆墨之外

唐世徵

雨中同夏人淑作

烟雨養山山有態。數片渡溪溪雨滙。溪雨山雨龍

溯河集

卷三

四十三

門前恍惚烟生茅屋內。主賓晨夕蒿牀對。烟雨中
間自頽廢。君有陸羽之奇嗜。活泉當戶頗客易。南
嶽雲霧付祖龍。安得箬葉問題封。余舊居被焚美睡休
教人蹴我。殘帙過我無一可。青囊道書世罕識。思
君手註靈山日出示。光明砂一粒。我骨太寒非其
匹。既逢長嘯復何言。終保青泥不化石。紫芝花老
秋岩間。如此風雨隔一山。

丁 澎

贈送魏環極光祿省觀歸蔚州

十載向北關。幾人辭玉京。秋風鴈門道。悵望代王
城。代王城高滿烟霧。城下蕭蕭白榆樹。關塞風霜
歷幾年。獨向臺山深處住。羨公英特心膽雄。少年
躍馬明光宮。殿上欲折朱雲檻。政府耻領平津功。
披衣起草夜未旦。諫書百上無雷同。朝回馬上戀
山色。仰天直注雙飛鴻。鴻飛西來玉峯側。久厭承
明歸不得。長卿多病念家居。沈炯懷親愁異域。抗
疏陳情叩九關。天子咨嗟動顏色。公也拂袖歸
故鄉。斑衣如新客滿堂。青門再見祖二疏。峻坂豈

溯河集

卷三

四十四

復迴王陽。桑乾水急沙石溜。恒嶽峯寒北風吼。採
藥尋山恣往還。服食丹砂各長壽。余亦高堂有老
親。捧檄風塵慚下走。送君此歌莫輕擲。願乞黃精
遺我母。

贈洪畏軒儀部

開國功臣誰衛霍。前有平西後經畧。鵲甲高懸大
將旗。龍城盡闕名王幕。護羌都尉戰力阻。花門將
軍心膽落。金書鐵券列鎮開。一代風雲縱欽礪。洪
郎年少脣宇雄。彎弓躍馬如飛搏。袖中常出兩都

賦手內獨挽雙繁弱。豹畧未許秦白公。腹笥猶堪
晉習鑿。高議蘭臺指掌間。白虎羣儒氣凋索。叔孫
綿叢不足數。賈逵馬鄭同糟粕。君家父子何太奇。
擅盡鴻都與麟閣。相業爭推僕射王。功成復並汾
陽郭。郎官執戟亦不薄。利罷由來試盤錯。建議如
山力如虎。阿世胡庸有盡諾。排天摩野霄漢姿。勁
翻凌風逞鵬鶚。百年匡弼倚元臣。勒鼎銘戈繼有
作。絲綸濟美何代無。看君更取通侯爵。

畏軒金玉其相
此作足以不辱

溯洞集

卷三

四十五

洗象行

南荒有巨獸曰象。剗齒磳研鼻盈丈。細目如猊耳
如盃。貌詭麗然皮色蒼。去聲兒童誘之作百戲。擊鼓
吹簫勢偃仰。飽食莖豆滿大斛。給俸猶同百夫長。
花裙蠻奴獨許騎。馴狎不啻羊與羖。身被錦緞金
作羈。屹如山嶽無差移。排班朝隨羽仗立。嚴然拜
舞同軍旗。自向滇南入中國。異物那得生西極。忽
產象。噴恣態奇。雪齒霜毛如拂拭。黃袷飛馳報
大內。御駕親調動顏色。炎蒸急雨翻白波。詔

賜洗象西城河。高旗大鼓引導出。路傍觀者肩相
摩。蹕蹕奔湍氣麓莽。蛟龍掠踏爭相尙。獠官僉點
二十八掉尾。旋蹄各異狀。似鑿昆明習水戰。翻身
搏擊吹飛浪。我聞瑤光之精。化妝形。黃門鼓吹充
掖庭。乘之以戰利。身毒負可致。遠垂山經。象噴象
噴。吁嗟汝莫患。日費官芻。供養秦時時。挽出天廐
中。常得龍顏增顧盼。

程光祿
詢是
作手

溯洞集

卷三

四十六

江上寄懷月潭朱敬菴先生

吾聞有王績。平生樂醉鄉。河清糟丘成。頽然讀老
莊。又有玄真子。往來苕霅間。烟波滿天地。獨有釣
徒閒。君遊京口居月潭。遊於空曠居幽潛。曠則情
之所爲適。潛則性之所爲湛。試問月潭在何許。乃
在衆山畧深處。支機銀漢瀉還來。濫觴錦江流不
去。奔濤旣靜波旣平。永夜清光上下爭。載酒方舟
詩興好。何如人在鏡中行。尙復歸存紫陽屋。後人
薪火聚相續。萬卷猶能破漢唐。何況遺書胡不讀。

其中健者君之子。飛揚跋扈已如此。幸作同心筆。
硯交如溜如澠水。投水憶我至潭上。逢君酌以酒。
我雖不能醉。君意固良厚。憶我至潭上。逢君賢以
詩。我雖不成章。君情亦已移。君以飲酒詩遂多。百
篇數句復誰何。看山初拄青藜杖。天涯芳草待經
過。方壺圓嶠海東路。玉樓玄室遠哉驚。神仙中人
在人間。君遊君居曾不悞。爲君好作月潭圖。不羨
賀老乞鑑湖。

赭山醉歌贈王羽

湖洞集

卷三

四十七

君不見天子之命吏。可以殺貴主之家人。殺奴尙
不肯。謝主御前。乃有疆項臣。問爾項何恃。而疆乃
恃天子之威神。守令真恃天子命。乃得以剛行其
仁。吁嗟乎王羽。胡爲乎來哉。鳩茲彈丸。而都會赭
山。部婁而崔嵬。我且與爾攜尊酒。高對長江盡一
杯。吾聞長江之來幾千里。疾如脫矢。聲殷雷。衝峽
盤磯。勇赴海。誰能以力逆之。使西迴。吁嗟乎王羽。
胡爲乎來哉。爾昔獨非命吏耶。初命試百里。乃在
北海涯。其地多王侯勳貴。豪猾盜賊。不可治。蒼頭

廝養。睚眦間。皆能魚肉我。旄倪於是有卒。誦於市。
羽乃乘軒而僂之。於是一軍譁。盡甲。羽乃單騎而
釋之。一年謗之。三年誦之。羽之爲吏也。如此。猶如
霸也。徵入爲丞相。功名亦知損於治郡時。獨奈何。
不衫不履。與我同旅於鳩茲。鳩茲彈丸。而都會赭
山。部婁而崔嵬。長江浩淼。袞袞去。秋風正助客心。
悲。吁嗟乎王羽。胡爲乎來哉。漢家循吏。固有倫。
吏亦便國法。伸國法不伸。多掣肘。卽有商鞅不治。
秦。吁嗟乎王羽。胡爲乎來哉。下土岩峩。仰聞閭閻。誰

湖洞集

卷三

四十八

能呼吸九關。開卽使九關爲之開。却望虎豹。驚倒
回。

湖洞集七言古詩卷之三終

清詩溯洄集目錄卷之四

七言古下

盛藻

字采臣和州人

丁酉歲杪從軍滇南留別長安諸同人

行路難

送同學戴二無忝歸里門代余省親

董文驥

二見

過長平

丁洛初

二見

溯洄集

卷之四

歌風臺

子房山

呂梁洪

顧大申

二見

吳宮怨

飲太白酒樓醉後走筆成篇

嶧山吏

王吳

字惟夏太倉人

上元行

薊門篇上吳太史梅村先生

兵船行

王抃

字懌民太倉人

塞上曲

公無渡河

王摠

字虹友太倉人

送懌民兄燕遊

上陽白髮人

王曜升

二見

垓下行

汪琬

二見

吳王故臺

溯洄集

卷之四

吳雯清

二見

虞姬墓

徐乾學

二見

公子行

支園觀牡丹歌

陳泓昌

字奇生烏程人

垓下

陳濟生

字白圭長洲人

大馬歌

嚴曾渠

字方貽餘杭人

慈仁寺松歌

許世忠 字 常熟 人

祖龍行

王大作 字 遂子 曲沃 人

嚴陵釣臺

曾 琬 一見

隋堤柳

陳祚明 字 胤倩 仁和人

張華故垞

溯洄集

卷之四

三

張 嶷 字 香巖 秀水 人

過夷門

毛 蕃 二見

長安古意

姑蘇懷古

翁 燧 字 蒼牙 烏程 人

築城行

劉世燧 二見

南陽行

劉漢藜 字 博仲 鄆陵 人

運豆行

短歌行

姚景明 字 仲潛 欽縣 人

鬪雞篇

宋 犖 字 牧仲 商丘 人

鵬鴟行

賈開宗 字 靜子 歸德 人

海船失柁歌

吳聖宙 字 郁封 桐城 人

北印行

溯洄集

卷之四

四

彭楚伯 二見

葵丘行

楊繼芳 二見

昭關行

祀竈歌

登報恩寺塔

張 櫟 二見

漂母祠

登報恩寺塔

張 晨 字 青珊 松江 人

塞下曲

汪宗周 字瑤若懷寧人

錦車歌

王培 字抑仲柘城人

喜新政罷柑橘石榴皮褐龍碗等供兼織造

之使 辛卯正月

盧傳 字爾唱崇安人

懷古吟 哀斯世

思親作

趙修 字乃來桐鄉人

溯溟集

卷之四

五

拜郭林宗墓

鄭履聲 字掌和歙縣人

浩歌

吳潔 字香林休寧人

述內

白銘 字斯心常州人

歸來行

黃周星 字九烟上元人

麻姑草堂詩贈徐次律

沈商書 字橫槎錢塘人

風拍湘簾燕雛墮地命小童拾置巢中

吳農祥 字慶伯錢塘人

觀獵歌

魏喬介 二見

過楊忠愍祠 贈喬文承

桃源行 有引 雲龍吟

玉泉篇 三首 送王思齡歸合肥

冬日祝竟甫家兄 征人婦

溯溟集

卷之四

六

邯鄲少年行

朔洞集卷四七言古下

相鄉魏喬介石生選評

禹航嚴曾架方貽
校訂
錢唐顧之瑜不瑕

七言古

盛藻

丁酉歲抄從軍滇南留別長安諸同人
晴○驢○消○不○盡○陰○山○雪○寶○刀○鑄○不○盡○天○下○鐵○殘○書○驅○
不○盡○壯○士○愁○萬○馬○千○軍○走○棧○絕○軍○枚○馬○勒○奔○雲○龍○
金印曉發明光宮不是關外需授鉞那得司馬行

朔洞集 卷四

從戎司馬燕山牢落久犢鼻鵝衣不糊口強項不
過五侯家棹頭但乞延門酒酒中結客經十年清
歌妙舞環瑜筵朝向樽前喚兄弟暮從石上生烽
煙暮四朝三狂瀾汜邂逅論交得諸子澹然日月
無送迎願爲松柏不桃李松蒼柏翠天風寒歌詩
擊劍聲珊珊要從紙上還風雅羞將長欽彈馮驩
長缺催人天末去河橋水涕英雄如攬轡乘風底
事難妻雨鳴鷄誰共語共語春花秋月前長驅慎
莫酒中顛珍重他鄉遠遊子霜親在堂妻在簾下

馬跪謝諸兄弟男子輕生重信誓稽康醉後眼常
青楊惲田荒詩不製詩成沙漠愁雲堆暮鴉爲我
啼天哀從此聚散各烟霧欲別且立心徘徊徘徊
今憤懣情一何長路何短願得提書早晚來饒歌
譜入湘妃管湘管不唱渭城青唱徹驪駒三四聲
拂衣且別諸弟兄待我洗盡天下兵解衣釋甲從
躬耕

行路難

山可撼金可蠹誰最難難行路路轉羊腸車復丹

朔洞集 卷四

行人絕跡豺狼遊夜夜家鄉魂夢裏朝朝顏色風
塵頭年少風塵那可憐爲思親老心悞抑憶昔生
兒教讀書捧負提携重珍璧願兒冠蓋遊京華願
兒學富尊五車不然田舍耕且種冬溫夏清守吾
家父母恩深重天地百年難報三年事胡爲不貴
不賤人輕身萬里遠蕉荔萬里一身吹似葉行路
漫漫風獵獵親思兒莫饑且寒兒憶親莫衰且怯
憶親日復日憂思匿復匿着取臨行衣手澤縫何
密願爲蒿田雀不爲九臯鶴雀飛不離蒿飛鶴將

馬○薄○白○鶴○孤○飛○翼○瘡○痕○雨○九○跳○擲○東○海○清○光○陰○一○
去○不○復○來○行○路○日○何○長○事○親○日○何○短○行○路○難○推○心○
肝○有○時○啼○笑○不○自○解○忽○因○瘴○癘○強○加○餐○安○得○撓○搶○
掃○天○河○嘗○不○翻○乞○取○琅○玕○爲○親○壽○行○路○只○作○等○閒○
看○

送同學戴二無忝歸里門代余省親

六○年○不○見○面○萬○里○不○見○書○贈○我○一○日○潭○金○璞○玉○之○
顏○色○又○何○羨○乎○七○香○八○寶○之○璫○與○橫○江○驛○邊○紛○羽○
檄○嶺○海○爭○傳○戰○鬼○關○親○交○亦○自○傷○心○魂○無○忝○襄○華○

湖洞集

卷四

三

穿○龍○壁○三○月○桐○山○四○月○梅○嶺○祝○融○飛○過○綠○珠○井○會○
於○賓○陽○憂○來○無○方○豈○暇○惜○憔悴○竊○幸○非○戰○場○令○兄○
寄○我○書○說○我○書○樓○楊○柳○已○合○抱○家○弟○但○言○望○我○歸○
不○忍○輒○言○堂○上○親○衰○老○與○君○三○歎○一○悲○歌○愛○君○教○
我○學○神○仙○以○事○親○者○好○十○日○飲○酒○五○日○醉○孺○子○榻○
橫○姜○肱○被○簿○書○牽○我○上○桂○林○每○忽○小○別○亦○酸○鼻○桂○
林○城○東○七○星○巖○赤○白○鶴○遊○其○間○坐○我○老○君○洞○曳○
杖○須○彌○山○洞○天○福○地○終○不○闕○何○時○與○子○往○復○還○解○
鞅○還○自○灘○江○歸○六○時○思○了○千○年○課○入○門○未○坐○言○將○

歸○聞○道○金○陵○瓜○步○破○念○兄○在○南○嫂○在○北○不○得○相○將○
淚○填○臆○嗚○呼○我○母○我○弟○江○之○濱○亂○餘○邨○得○不○蒙○塵○
嗟○我○母○在○猶○汝○母○猶○汝○歸○省○心○悲○辛○獨○恨○離○別○客○
易○歡○會○少○瘴○山○癘○水○催○枯○槁○卽○令○相○見○異○當○時○後○
會○他○年○益○潦○倒○君○不○見○馬○伏○波○薏○苡○亦○作○金○珠○馱○
又○不○見○柳○州○柳○羅○池○古○屋○豺○狼○走○君○先○歸○去○我○亦○
來○赤○松○黃○冠○同○攜○手○要○使○桃○花○開○笑○口○噫○噓○嘻○何○
日○桃○花○開○笑○口○

沈商書

湖洞集

卷四

四

風○拍○湘○簾○燕○雛○隨○地○命○小○童○拾○置○巢○中○
社○翁○雨○細○春○華○襲○宮○樹○流○烟○青○嶂○濕○江○臯○二○月○風○
滿○衣○剪○水○拂○雲○雙○燕○集○相○度○棟○宇○上○下○頻○未○曾○卜○
居○先○卜○隣○會○見○善○氣○此○迎○物○謹○避○戍○已○巢○庚○申○拈○
据○將○茶○彌○已○切○世○間○競○鬧○鳴○鳩○抽○丹○堊○塗○茨○成○規○
模○邪○翼○華○堂○婦○語○夫○昨○朝○兄○出○具○頭○角○與○子○食○鷄○
還○護○雛○無○端○風○雨○大○無○狀○拍○簾○裂○幕○摧○絳○帳○翔○空○
一○子○墜○芳○埃○扶○持○無力○哀○相○向○主○人○憫○惻○懷○情○深○
命○俯○拾○之○勿○少○侵○維○彼○亦○父○子○兄○弟○無○令○而○物○有○

迴心堂前去地不數壘。幸得身輕賴不死。舉手慎
莫惜提攜。毛羽未成皆若此。歲月奄忽居無何。縱
又有兒巢其窩。喃喃顧兒久不去。爲語昔時墮地
處。

董文驥

過長平

日暮停車狠孟城。驛樓地是古長平。趙卒同阮壯
者盡。觸饑模糊山與京。居人往往倍金鏃。土花碧
血緣子玉。秦趙加兵記舊聞。趙王之愚何足云。千

朔洞集

卷四

五

金間信馬服子堅壁。遂易廉將軍。括之父母皆知
子相如。亦言膠柱耳。用舍滄於王。不明讀書悞國
嗟如此。君不見殺降往往爲鬼雄。戰場啾啾生陰
風。青燐白骨蔓草見。前有銳頭後重墮。杜郵伏劍
東城刎。天道何曾以壽終。

丁裕初

歌風臺

東風大起沛軍動。赤幟招颺五雲送。西敲函谷關
門傾。子嬰繫組匍匐迎。就封巴蜀陳倉度。輕車蹶

破三秦庫。楚漢相持得幾年。長安栽盡新豐樹。叔
孫禮成亭長尊。千乘萬騎臨彭門。椎埋狗屠何氏
宅。夜徑被酒誰人村。父兄藉藉窮相語。劉季還家
作天子。依然隆準似當年。廝養今皆耀金綺。丈夫
意氣真雄哉。宴飲酣呼未遑回。爲憶微時風物美
等閑闌入故鄉來。故鄉賜復爲湯沐。登高颯爽成
新曲。風吹臺月幾千春。細柳河橋依舊綠。

子房山

子房韓相裔。初非山中人。祖龍屋韓社。飲恨惟此

朔洞集

卷四

六

臣一椎雷動副車中。祖龍奄忽隨朝夢。赤帝子出
誠解人相隨。且破咸陽蹙韓王。有孫幸得侯。始終
相韓不相劉。天不祚韓楚羽虐。甫釋秦讐復項讐。
楚歌一散垓下死。韓孫魂魄猶依此。一侯耶用塞
輿情。杜門辟穀今已矣。今已矣。勿復來子房山下。
徒蒿萊子房廟中生。莓苔赤松之遊安在哉。

呂梁洪

山靈河伯突而怒。洪流怪石相攻戰。天吳騰蹕馮
夷奔。搥鼓東馳氣驃悍。驚波狂湍跳蹙來。目不停

霹聲喧。雁哨石。哈呀迭相撞。沫沫橫噴不肯回。箭疾馬飛紛亂逼。三老長年幾灑泣。自從垂髮學操舟。未見洪頭春浪急。神旋鬼掣奪天門。猊龍拏攫長蛟吞。兩山堅壁嚴約束。排搏勢欲翻天根。鞭風叱霆颯然壯。倒挽黃河向天上一舉鉅野捲地趨。星辰如覆偕崩盪。宛如項羽勝秦兵。破釜沉船倍道行。章邯九遇盡披靡。威攝諸侯鉅鹿城。又如文叔昆陽戰。尋邑一崩師百萬。巨人僵倒卒徒奔。川溢沙飛豺虎散。世人但見水安流。清泚霧縠浮輕

溯洞集

卷四

七

鷗誰知峽谷相激薄。五色無主天爲愁。鑿山通壑神禹力。五丁竭智險難敵。蹈水丈人洵有道。宣父觀之惘然失。呂梁呂梁真壯哉。營魄震悸心骨摧。不必瞿塘橫灩澦。居然瀑布掛天台。我來洪上陵谷改。砢訇稍歛趨東海。怒流猶有霽顏時。險仄人心終莫解。

顧大申

吳宮怨

氣韻沉雄
權奇天馬

吳王捲甲東江許。水犀十萬聯檣。錦帆壯士喧榜歌。白羽如荼赤如火。軍中美女爛朝霞。載得蛾眉入館娃。傾尊夜夜蘇臺酒。校獵朝朝茂苑花。越姬掩泣渡越水。綺羅輦載吳宮裏。舞席通宵露未晞。樓船夜半江烽起。丹梯金虎劍鉞深。碧嶂香溪脂粉沉。惟有浣沙江上月。清光常照苧蘿村。

飲太白酒樓醉後走筆成篇

嗚呼太白爾何游。應在飄飄碧落之倒景。芙蓉白王之仙樓。乘雲抱氣躡箕斗。驟螭挹漢凌長蚪。世

溯洞集

卷四

八

人卽之杳難求。但見朱軒繡拱環城頭。岱宗歷歷青過面。黃河西來淨如練。七十二君等飛電。地老天荒出酒人。狂歌直與天爲隣。上殿捉筆力士填。背負鹽鼎誰相存。就中賞育賀季真。獨抱麴孽看浮雲。登樓日醉埋其身。西風野火衰艸死。由來豪貴盡如此。我今把盞揖君起。相與酌酒問濟水。古今醉醒那終始。如何不高步窮紫煙。摘取列星當酒錢。斟酌海水常不乾。開樽痛飲樓之巔。醉呼黃鶴迴青天。

嶧山吏

嶧山青青嶧水曲。飛泉四注明如玉。梨紅柘白冷
寒烟。棗刺參天攢破屋。里胥篝火夜抱符。叩門致
辭煙爨無傳說。縣官需船夫奔走。亡命他州趨楚
師。聞師演廣師。更翻來往無窮期。黃鬚白帽舵樓
坐。此輩強半非熊羆。今春南還兵調卒。千八百里
下募夫錢。按日雙匹帛。銜尾王篋來貢舫。行如織
電掣。雷雨轟縣官。戰失色。前驅之馬騰飛龍。怒罵
醉宿水驛中。無夫輒縛驛吏打。以斯搜索窮黃童。

溯洞集

卷四

九

楊鈴吹蕭擊鼙鼓。突如其來縣令苦。牽羊魚豕宰
肥牛。道路金錢賤如土。近時山陝抽調兵。成羣什
伯如狼虎。釋騷未旬滿旬日。禁旅雲屯接淮浦。此
行按檄役九千。半月召募羸一半。稽藉祇及三千
戶。一家三單詎能全。木棉在機麥在田。饑寒不敢
私流連。那知越站更逼抑。揮置不用橫索錢。往往
榜掠死道傍。行人見之淚如綆。嶧山吏爾何迫。烽
火滿山盜未息。况復徭役日煩苛。頓令愛子坐作
賊。近聞朝廷下尺書。船夫毋庸縣官除。雖云毋庸

縣官除皮之不存毛焉如

吳農祥

觀獵歌

二月下旬春沙黃。將軍校獵南山傍。健兒手挽蛇
矛走。飛立馬背弓力強。山頭削立石勢怒。振馬上
岡若平路。直教此山盡虎狼。不問艸間取狐兔。黃
旗一點山頭明。西嶺忽看東嶺行。皇天仁愛及萬
物。殺氣却使西風生。羗童吹角第一聲。千隊萬隊
長蛇橫。鷹犬氣酣不復任。血腥倒下空原平。全禽

溯洞集

卷四

十

面傷任馳突。倏忽人驚諸隊沒。左掩右引不復知。
誰其使者中抹額。腰下常懸銅虎符。不止賞罰係
擒獲。合圍原分步驟同。鬼工神算在咫尺。一隊奔
趨一隊止。黑雲壓山塵不起。萬類崩迫魂魄寒。追
趨不得過一里。將軍鬚髯真如神。貂裘大蟒穩稱
身。雅翎寶鈔羅復陳。骨肉狼藉收不均。將軍置酒
如功臣。諸隊下馬呼不止。什伍次第陳魚鱗。將軍
按籍問司法。賞罰以計償苦辛。噪嶢老將皆攝伏。
鼻息出入將軍噴。角聲再動更上馬。上馬跨山入

平野副卒行取禽獸歸。刀頭非向河流瀉。君不見
北方萬里荒蘆天。時時校獵秋臨邊。小時引弓射
羊鼠。長大合習時割鮮。此輩攻城卽勝躍。一氣奔
命無遷延。古來蒐狩備戰法。載在禮法非虛傳。

王 昊

上元行

漢家燈火連天起。香塵滾滾盈街市。複道交衢樂
未央。千門九陌歡難已。雜沓初驚火樹連。參差還
訝星橋倚。火樹星橋動地來。高棚廣幕恣徘徊。攻

朔河集 卷四

十一

瑰柱自鼇山出。菡萏花從鳳鳥開。鳳鳥鼇山在何
所。青槐夾道開朱戶。隱隱疎簾捲水晶。沉沉綺帳
垂雲母。桂酒蘭般堂上筵。龍簫鼙鼓堦前舞。富貴
誰踰田寶家。豪奢獨數金張府。田寶金張此夜遊。
三條五劇關風流。紛紛上客皆珠勒。兩兩妖童盡
綵繡。追遊更往城南陌。繁華別有王侯宅。紺幃朱
輪出每遲。金蟬翠靨看尤劇。翠靨金蟬照萬家。酒
樓花市月方斜。忽聽前坊嘶寶馬。回看曲巷轉香
車。寶馬香車似相識。傾城一見嬌無極。綠珠粧束

本西京。碧玉腰身自南國。可憐爭欲逞容光。可憐
盡解誇顏色。曉來重過酒壚邊。多少飄花與墮鈿。
已覩勝遊成往事。不堪韶節誤芳年。韶節芳年屢
更換。碧海桑田動長嘆。環珮隨暮雨飛。綺羅已
逐朝雲散。舊日猶傳太乙祠。蘭煙麝火異當時。閒
庭獨立吹清管。落到梅花第幾枝。

薊門篇上吳太史梅村先生

薊門風昔多雄風。文章海內俱朝宗。就中驪珠誰
摘得。人間宗匠歸我公。我公大筆冠江左。咳唾真

朔河集 卷四

十二

足驚鴻濛女媧聖。手巨靈斧直與造化爭神功。由
來此道屬元氣。扶桑西去崑崙東。三百篇還十九
首。正始肯讓開元終。邇來天子重文獻。詔書屢下
特宣見。從獵每入甘泉宮。和詩長侍栢梁殿。此時
昇平需雅頌。自古燕臺富才彥。牛耳千人已競推。
龍門百尺誰堪擅。憶公高卧東山隅。文酒跌宕客
狂夫。談天說怪恣歡謔。與酣據地傾千壺。有時敲
句對紅燭。嘔心莫惜髭髯枯。雕鏤萬象怒真宰。要
使隻字人間無。當年數子自歷落。意氣競欲吞江

湖不慕青雲一朝貴但恐白雪千秋孤自從分飛
各南北斗大婁城散星色周郎厭見尋常人出門
去作平原客黃君一別不得意挾策亦向長安陌
許子途窮更可憐風塵刺促家徒壁心懸知己嗟
飄零青袍十載仍王生無錢莫笑趙元叔有舌不
如樓君卿御恩何處報明月但存肝膽空煢煢以
茲七尺益骭髀驕驕伏櫪頻哀鳴丈夫青紫偶然
事當令風雅追前盟成弘嘉隆豈衰歇斯文萬古
歸權衡詞壇狎主我公在一空天下蒼蠅聲

湖洞集

卷四

十三

兵船行

陣雲壓城城日白羽檄分馳騎充斥颶風昨夜起
鯨宮圖艦千羣復何益憶昔軍興催造船吳民髓
竭無金錢刺史流汗縣令哭老農含血遭笞鞭一
朝連烽迷海道帆檣如山倏然倒旗鼓虛張楊僕
營艨艟已入田橫島沙溪十里飛黃埃人家門戶
盡不開橫刀躍馬滿街市海船方去官軍來君不
見軍中健兒不差走盡是幽并好身手十村九村
無人烟不埽鯨鯢埽雞狗

王抃

塞上曲

賊來兵遁賊去兵來京口之事可爲浩嘆此篇隱諷志譏益令人思元戎之勛

玉關征戰無休日正是甘泉烽火夕殊馬營中塞
月明陳兵帳外邊風惡縱金伐鼓向漁陽怨雨悲
風古戰場此地相傳自秦漢若箇征夫不斷腸陰
山白骨長城血村店行人都斷絕蔓草繁迴樹不
花寒沙深冽天長雪自從關外罷屯田無復炊烟
幾歲年唯聞塞馬皆南牧不見王師自北還中華

湖洞集

卷四

十四

景物邊庭少衣不經寒食不飽紅粉青蛾入夢中
疎星漸落關山曉長宿黃沙白草旁曾無廬舍蔽
風霜空思繡閣芙蓉帳遙憶香閨玳瑁梁回首鄉
關道路隔葡萄苜蓿秋蕭瑟獵火千堆蔽日紅陣
雲一片連山黑閒吹蘆管撥琵琶鐵騎雕弓感歲
華不惜捐軀裹馬革寧辭去國卧龍沙人生最是
從軍苦慘目傷心不勝數家別三秋少信來身經
百戰無死所可憐日向空閨住縱有音書寄何處
瑤艸徒芳黯自傷相思願遂歸鴻去惱殺黃鸝枝

上。帝。啼。時。驚。起。夢。遶。西。裝。綿。不。獨。宮。中。女。織。錦。寧。
無。竇。氏。妻。淚。灑。西。風。不。堪。拭。天。涯。遠。戍。無。消。息。若。
使。和。親。議。不。成。少。婦。山。頭。皆。化。石。

麗而不失其正
氣韻直逼初唐

公無渡河

公。無。渡。河。公。渡。河。公。渡。河。卽。溺。死。何。不。欲。渡。還。復。
止。平。川。風。波。尚。足。畏。况。黃。河。之。奔。流。千。萬。里。是。以。
賢。達。人。退。以。保。其。身。魯。連。旣。遺。燕。將。書。不。願。富。貴。
蹈。海。濱。子。房。借。箸。定。天。下。從。赤。松。子。遊。白。雲。之。深。

溯洄集

卷四

十五

處。不。復。問。當。世。之。爲。漢。與。爲。秦。古。來。豪。傑。盡。如。此。
眼。前。得。喪。安。足。論。奈。何。儒。生。輩。爭。區。區。蠅。角。之。浮。
名。君。不。見。上。蔡。犬。華。亭。鶴。昔。時。聲。華。何。燦。燦。一。朝。
追。悔。良。可。悲。相。奈。入。洛。終。奚。爲。吁。嗟。乎。筮。簌。曲。空。
復。哀。世。無。劉。參。軍。誰。爲。荷。錦。埋。世。無。陶。彭。澤。誰。吟。
歸。去。來。筮。簌。曲。空。復。哀。

王 攄

東門黃犬華亭鶴嘆千古
同悲讀此當如冷水澆背

送釋民兄燕遊

送。君。西。亭。暮。把。酒。歌。行。路。送。君。南。浦。春。折。柳。贈。離。
情。離。情。脈。脈。淚。沾。臆。北。固。潮。聲。帆。去。疾。廣。陵。一。片。
渡。江。雲。薊。門。煙。樹。天。涯。隔。遠。攜。書。劍。客。京。華。點。點。
青。山。馬。首。斜。日。斷。故。園。何。處。是。滿。谿。吹。落。碧。桃。花。
十。載。高。堂。成。白。首。橫。眉。非。爲。匡。山。酒。半。鬻。田。廬。賦。
役。中。難。支。門。戶。千。戈。後。吾。兄。魏。異。莫。與。儔。筆。搖。五。
嶽。凌。滄。洲。著。書。獨。閉。楊。雄。宅。作。賦。頻。登。謝。朓。樓。不。
願。兄。多。錦。囊。句。願。兄。揚。鞭。曲。江。去。早。獻。長。楊。賦。上。
林。丹。枝。莫。作。他。家。樹。憐。予。樵。悴。卧。菰。蒲。但。能。醉。倒。

溯洄集

卷四

十六

黃。公。墟。懷。刺。字。滅。無。所。遇。世。人。應。笑。爲。迂。踈。兩。地。
烟。塵。增。歎。息。兩。鄉。自。古。多。陳。蹟。燕。市。曾。聞。屠。狗。人。
吳。門。近。少。吹。簫。客。君。今。試。上。昭。王。臺。爲。問。英。雄。安。
在。哉。不。見。擊。筑。悲。歌。之。壯。士。唯。見。蕭。蕭。易。水。寒。風。
來。握。君。手。酌。君。酒。斷。腸。春。色。君。知。否。欲。識。相。思。幾。
許。長。明。年。歸。看。闔。門。柳。

上陽白髮人

五陵裘馬
翩翩年少

上陽宮中白髮人自言十五入宮門。入時潛配空

宮裏歲歲東風不見春。若教當日至尊見。晨夕端知奉歡譙。不是更衣侍玉牀。也應奉帚登金殿。如花那得君王知。古來見妬是娥眉。誰爲趙后方專寵。却使班姬早賦詩。從此含悲夜復曉。玉階冷落生青艸。夢裏羊車寂不聞。愁中鸞鏡羞相照。鸞鏡半車恨若何。遙聞笙管蹙雙娥。君恩未賜羅衣在。妾淚空沾翠袖多。爭似楊妃擅嬌貴。打毬嘗共三郎醉。罷浴溫泉晝每還。私語驪山夜不寐。誰道霓裳舞未終。一時宮闕汚腥風。不聞將士來關外。但

溯洄集

卷四

十七

勸鑾與幸蜀。中鑾與自此道遷播。最是凄凉馬嵬路。豔笑千年付夕陽。香魂一哭埋殘土。南內歸來枉斷腸。神仙海外總茫茫。傷心朝士皆新進。回首宮娥改舊粧。一生雖失君王眷。九州且免黎民怨。白髮于今不足悲。紅顏自古多成亂。祇憐淪棄誤華年。重對青銅意惘然。粉靨已非嗟老至。綠髻安在憶兵前。嗚呼人生富貴那能必。盛衰反覆無終極。總傷秋艸是今朝。幸未春花在當日。晝靜紗窓生網塵。宵深羅幌見飛螢。雖然同抱長門恨。猶勝

黃金買賦人

香山長恨歌世莫不矜其艷麗。柔曼讀此覺別有深情。

王曜升

垓下行

彭城城摧雎水竭。漢兵十萬盡流血。鴻溝一割天下分。亡虜重瞳帝降卒。孤軍轉鬪垓下疲。中夜起飲悲風吹。臨歌自灑數行淚。誰爲和者惟虞姬。拔山餘勇尚堪數。赤泉小兒面如土。拳旗斬將竟何益。隻身一敗難言武。莫道江東有父兄。丈夫耻受

溯洄集

卷四

十八

見女名手持短兵。下馬行頭顱贈人。了不驚嗟乎。咸陽火烏江水。瞬息興亡類如此。君不見白登殘壘草。班班角聲無力鼓。聲寒軍中不遣閼氏使。塞上誰教天子還。

汪琬

吳王故臺

君不見姑蘇全盛日。吳王意氣生騎逸。甲騎爭隨射雉行。錦帆頻爲觀魚出。日暮紅粧下鏡臺。每憑高處望王來。舞衣斜拂芳花度。歌扇遙臨璧月開。

繁絃急管長相聚。又見朝來喧笑語。俯檻還迷茂
苑花。捲簾更指橫山雨。漫道三春樂未央。越兵西
至忽蒼黃。舟中畫角喧秋水。壁上朱旗挈夕陽。餘
杭散走誰相待。滿日繁華能幾載。綺筵寂寞酒城
空。羅袖飄零香徑在。姑蘇煙樹淡模糊。過客褰衣
問霸圖。歲歲年年芳艸發。舊時麋鹿亦應無。

可爲永鑒此
風人之正也

吳雯清

虞姬墓

湖洞集

卷四

十九

荒丘日日傳車轍。爭述美人埋玉穴。懷古唏噓楚
漢爭。蛾眉慷慨昭臣節。拔山之雄徒益世。甲帳刀
環夜鳴咽。江東子弟八千人。九里山頭鮮遺孑。最
是英雄兒女情。長年不冷烏江血。君不見阿房灰
飛烟未寒。建章官圯成秋垤。何如靈壁杯土存。閱
歷興亡永不滅。

美人爲情死也爲節死
也然不有情何有節

徐乾學

公子行

翩翩佳公子。容華耀朝暉。大父擁旄節。父忝漢相
尊。弟兄才調本無雙。六龍八駿何足論。哲昆射策
得高第。少弟亦徵天子恩。連鑣俱過上林苑。縱轡
時經銅馬門。銅馬門前鋪金埒。蜀繡障泥紛蹀躞。
期門羽林同往還。王侯七貴都交結。曾從複道入
南宮。還向建章達北闕。鷄鳴從駕幸虎園。獵罷九
街燈火徹。歸來寒拂紫貂裘。銀燭金尊銷百憂。美
人燕趙迎歌館。狎客新豐上酒樓。酒樓妓館多歌
舞。曲成便令梨園譜。雁柱錦箏樂未央。曼容皓齒

湖洞集

卷四

二十

一何慙。行觴佇立久徘徊。但願公子朱顏開。乍聽
金梁鶯語細。還看朱履鴈行來。朱輪華轂無時絕。
子雲筆扎君卿舌。迴騎多過王珣家。掃門與得曹
君說。邀歡終宴不知疲。高懸銀漢明星列。坐中醉
客輅盡投。堂上留髡燭已滅。投壺蹋鞠誇擅場。藏
鈎射覆事殊別。固知別館盛繁華。旋見郵亭多獻
謁。鸚鵡遙遙自隴西。名花往往來南粵。鸚鵡名花
何處藏。前立細旛後曲房。飛甍日麗鴛鴦瓦。繡戶
香消翡翠牀。寶融寔室自連亘。馬防觀閣生輝光。

甲第雲霞雄帝里。田宅膏腴滿故鄉。故鄉佳麗一
縈憶。桂楫蘭橈來往。亟伐鼓南來。驛路迎。楊舫直
下通津塞。甘寧錦纜棄不收。鄂君繡被歡無極。玉
津園內鳥欲啼。伯通橋下人如織。更植烏桕金谷
旁。每穿曲沼芳林側。據坐胡床時疾呼。曲轡綠幘
蒼頭奴。張翰善賦周小史。霍氏羣知馮子都。橫行
詎畏洛陽令。爭道還欺上大夫。轉日回天真莫比。
氤氲佳氣無時無。自意富貴長如此。一朝失勢須
吏爾。未誦應璩百一詩。寧知葢子規箴是尚冠里。

湖洞集

卷四

二十一

中鶚亂鳴。廷尉門前雀棲止。望之坐廢。豈無因。張
讓通交非得已。雷霆倏忽下彤墀。遠戍窮邊悔已
遲。東朝語不聞都尉。舊日人皆去魏其。白髮高堂
猶議遣。班衣愛子盡相隨。金闕迴看腸已斷。玉關
生入夢堪悲。陂田苑囿輪公府。廝養髡奴向北陲。
安國灰燃難可待。鄒陽書奏亦奚裨。吁嗟公子生
豪貴。三木囊頭竟就羈。千金垂堂古著式。百金倚
衡市。所嗤奔車覆。敬無賢聖誰言白璧不可爲。

此有所指非泛
作也可識可銘

支園觀牡丹歌

譙城連延三萬戶。北枕渦流跨城父。省稼臺荒倚
夕陽。朝真樓壞飛朝雨。惟有巍峩玄武門。丹車絡
繹通商賈。翠幙層樓夾道旁。玉管銀箏盛歌舞。支
公好鶴更耽奇。古寺桐宮對別圃。前庭沙棠後烏
桺。洛陽名花不知數。河堤三面褰堂開。飛蓋千人
金澗來。葡萄之盤鸚鵡杯。主人揖客相徘徊。烟霧
迴環錦繡谷。神仙雜沓金銀臺。美人帷帳處處設。
對此不欲登蓬萊。美人窈窕情何極。吳脂越粉粧

湖洞集

卷四

二十二

非一神女高唐宋玉愁。宓妃洛浦陳王憶。乍見靈
芸繡輦來。試看飛燕雙車入。皓腕朱顏自不同。愁
眉墮髻慵無力。晨從綺閣罷粧梳。晚向鍼樓鬪顏
色。分明明月舞霓裳。彷彿鴛鴦機工夜織。懸知十斛
須明珠。不難換却青驪駒。橫陳錦障鋪氍毹。何似
楊華作畫圖。主人向余太息久。此地名花昔多有。
東自曹州西宋中。姚家爲王魏爲后。當年世廟薛
郎中。議禮歸田植數畝。從孫鴻臚仕穆宗。風流遠
繼考功後。百寶欄前百樣裝。樂譜龜茲不離手。珊

瑚木難珍重深。苜蓿葡萄萬里走。都人車馬日紛紛。須臾百六遭陽九。黃巾十萬下漳河。青犢三千圍葛口。金堤已決孤城危。豈有豪華鎮相守。即看花樹久成塵。曉事花師三兩人。十載平原息戰伐。於今再見洛陽春。余聞此言興起狂。呼欲碎烏皮几。花開花謝空復情。桑田碧海須臾不見開。元全盛時太真微笑明。皇喜舊宮昔有沉香亭。壞道哀湍竟誰是。惟餘李白清平詞。禁樂沈傳教坊伎。我聞歐公作守時。曾因風土成花史。千載安知

清河集

卷四

二十三

單父名百年盡說熙寧始。掀髯絕倒爲君歌。手持玉觴朱顏酤。乞君十幅蒲桃錦。紀今樂事當如何。赤烏西起玉兔起。錦屏春色將蹉跎。蘭亭金谷有時歌。季倫逸少豈復多年年。渦岸芳菲樹曾有徐郎攬轡過。

逸興
過飛

嚴曾樂

慈仁寺松歌

慈仁古刹迥臨街。入門老樹根相排。撐拏聳拔皆

有態槐枝栢刺無不佳。新松五六各異狀。有時相亞或相讓。嶽嵴總非百年物。盤踞况逼諸天上。及見雙松叫奇絕。不與凡樹同霜雪。千載根盤勢若龍。雙株幹老色如鐵。其一最短石磴齊。一株稍欲青天躋。盡攬長柯耐雨露。不須高頂千雲霓。老材豈必枝葉好。禿幹自護神靈棲。古來奇物不貴妍。獨標異骨元氣全。盤礴自有真意在。剝蝕縱使霜皮穿。其餘樹木兩傍立。非不突兀思參天。柯條扶疎神氣少。側身不敢跨連蜷。我行更上石磴坐。俯

清河集

卷四

二十四

看雙松失松大。毘盧閣上日欲沉。金粟宮中春已破。眼前古物誰尚存。周鼓商彝有幾個。君不見塔前人散松樹青。月出惟聞野狐過。

陳泓昌

垓下

白蛇夜斬天意定。重瞳恃力求相勝。鴻溝一割大勢危。半壁江山復伏誰。諸侯會漢圍垓下。背城一敗英雄衰。范增前已發憤死。食盡孤軍望誰以。四面楚歌可奈何。美人淚下一劍齒。七十餘戰無堅

鋒一戰摧敗何至此。平信既是舊偏裨。布殷更屬股肱士。舉足楚漢分重輕。當年棄擲何犬豕。潰圍南走陰陵東。田父給左陷澤中。江東父老雖憐汝。四海人心誰與同。烏江不渡棄駿馬。亦料天威難再假。英雄在握不能用。委罪天亡何爲者。君不見漢室功成奏凱歌。亡虜紛紛列赤社。

陳濟生

天馬歌

漢帝旌旗揚朔野。當年御苑多名馬。鳳尾紅雲集

溯河集

卷四

二十五

九關綵旌羽仗蕭關下。跼蹐難陪汗漫游。縱橫坐使翠華愁。歸來宴罷蓬萊殿。屬國珍奇爭貢獻。特詔金吾選牧圉。牽來萬匹空踟躕。其時漢使謂天子。上言宛馬真無匹。霜蹄蹴踏生長風。嘶斷千山路如咫。天子咨嗟拜貳師。三軍萬里輕青絲。不愁壯士行間盡。直取神駒追八駿。傳呼殿下整雕鞍。玉勒金羈仗外看。紅蜺散落五花蹙。絕域功成親製曲。剪向天閑傲清注。離宮處處栽苜蓿。神物承恩感至尊。龍媒夾道游崑崙。年年汗血秋風裏。食

君芻粟爲君死。君不見駉驎老殺鹽車前。駿骨千金棄中涓。惜哉不遇元封年。

許世忠

祖龍行

君不見天公傾斗酌天酒。醉錫金策剪鶉首。祖龍長距仗餘威。拔劍一呼天下走。金甕千里臨洮起。萬里綿綿更無已。鞭撻橫擊竟神伯。直欲一身後天死。寧識阿房難久留。梓柏出葵驪山頭。茂陵松柏劉郎墓。兩地愁人烟雨秋。

溯河集

卷四

二十六

王大作

嚴陵釣臺

老鶴曉唳桐廬月。怒鯢浪捲桐江雪。江流六月冷於秋。遊人照面何羞燕。漁父指點富山隈。上有嚴陵百尺臺。兀兀尋常一片石。當年坐釣真龍來。長碑短碣都疑案。我來走筆懸空判。世祖始終懷故人。先生何嘗心忘漢。同學底事兩人知。事定還我一釣絲。陸海不教塵姓字。雲臺那許污鬚眉。漢皇物色不遺力。絕地窮天終須得。澤中總不着羊裘。

烟水茫茫也難匿。不忍交絕暫投竿。東洛軒裳冷。
眼看定知維霸漢。功。陋。勉。仁。義。詎。留。難。寒。惟。撫。
腹。歎。如。故。他。人。還。說。禮。不。足。嘲。嘲。呼。狂。意。自。真。于。
年。錯。怪。儀。無。度。熟。如。故。態。不。肯。侯。聊。以。一。官。偵。去。
留。若。云。虛。已。便。相。助。文。叔。何。難。再。拜。求。中。興。天。子。
信。圖。識。太。史。阿。從。亦。已。甚。明。明。卧。榻。解。狂。奴。驕。稱。
天。象。將。無。譜。江。湖。放。浪。一。閉。身。從。茲。萬。乘。不。敢。臣。
廢。后。易。儲。誰。逆。觀。他。人。又。贊。知。幾。神。世。人。紛。紛。爭。
讀。史。徒。令。古。人。腕。下。死。先。生。有。骨。傲。義。皇。豈。其。洗。

胡洞集

卷四

二十七

耳。追。巢。父。青。松。石。上。千。秋。色。浪。灑。墨。花。晉。狂。客。喚。
起。先。生。問。否。臧。相。顧。一。笑。江。天。碧。

達子受知於余觀此作論世之識不止匡說詩解人願矣

曾 曉

隋堤柳

大業年中種官柳。召募丁男供驅走。種柳成行夾。
流水。龍。舸。夜。發。汴。河。口。汴。河。舳。舻。千。里。接。錦。纜。牙。
檣。浮。桂。楫。紅。粧。綠。水。相。蕩。漾。江。天。二。月。飛。晴。雪。自。
去。征。遼。不。復。還。魚。鱗。深。宮。怨。離。別。綠。暗。金。明。千。里。

路。杏。梁。紫。燕。朝。復。暮。迷。樓。夜。月。吹。秦。簫。空。倚。江。南。
江。北。樹。君。不。見。彭。城。閣。上。羽。書。馳。吳。公。臺。下。悲。風。
起。不。失。長。城。失。天。子。今。古。興。亡。盡。如。此。

陳祚明

張華故宅

落。日。俯。秋。原。徘徊。弔。疇。昔。衰。柳。映。蘆。溝。云。是。張。華。
宅。一。自。龍。歸。黯。黯。暮。星。空。留。孤。語。驕。行。客。蘆。溝。橋。下。
水。粼。粼。蘆。溝。橋。上。生。黃。塵。士。衡。入。洛。誰。相。識。不。見。
當。年。博。物。人。

胡洞集

卷四

二十八

自寓亦自磊落

張 晁

過夷門

荒。原。寒。白。日。云。是。夷。門。道。侯。生。不。可。尋。驚。沙。冒。衰。
草。衰。草。萋。萋。起。暮。雲。臨。風。別。頭。悲。老。臣。丈。夫。生。平。
感。意。氣。奇。謀。既。行。何。惜。身。當。今。亦。有。捐。軀。者。吁。嗟。
誰。是。信。陵。君。

凌語自真

毛 蕃

長安古意

長安三月柳如烟。香車夾道爭喧闐。曲巷新施錦
步障。康衢初試鐵連錢。帝里風光誰得似。樓闌幾
幾碧天裡。鴉鵲觀前旭日明。麒麟閣上暮烟紫。玉
龍繚繞建章宮。鐵騎紛紜昆明水。宮中水畔泛龍
舟。樂府新歌清夜遊。茵荷香風浮太液。琉璃翠色
滿瀛洲。銅盤玉露含仙掌。金闕晴雲炤翠裘。延年
女弟初相見。傾國傾城羣相羨。爭持竹葉引羊車。
頻將紅粉勻嬌面。螺黛欽頰吳絳仙。衣裾欲結趙

朔洞集

卷四

二十九

飛燕五侯七貴競豪華。金鞍寶玦最驕奢。名姬佐
酒藏繡幕。侍女彈箏出絳紗。絳紗繡幕誇新麗。黃
金爲堂玉爲砌。誰傳丞相開東閣。祇見將軍治西
第。別有親臣侍曉班。專權估寵凌千官。韓嫣馬上
持金彈。鄧通家裡賜銅山。此日笙歌滿九陌。此日
壺觴永今夕。壺頭沽酒解金魚。郊外尋春馳玉勒。
尋春沽酒醉芳辰。滿地飛花作錦茵。三千食客皆
珠履。十二金釵各舞裙。何處長堤無纖柳。何處紅
樓無少婦。朱絲繫腕雙行纏。陽春躡影小垂手。銀

燭熒熒徹夜闌。嬌歌艷舞漏聲殘。竹葉梨花傾八
斗。錦瑟瑤琴試再彈。媚家美女盛容飾。千金一笑
良不惜。青驄白馬綠衣郎。雕玉寶劍畫彩客。客子
豪雄意氣殊。酒酣耳熱歌烏烏。已向小家聘碧玉。
還來陌上觀羅敷。誰料銅駝滿荆棘。三月咸陽火
不息。別館離宮細艸生。雕闌繡柱寒鴉集。荒煙寂
寂鎖朱門。十室曾無一室存。江頭寥落思公子。路
傍困苦憶王孫。繁華滿目今何在。桑田頃刻成滄
海。衛霍功勳姓氏湮。金張貴戚門楣改。已矣乎富

朔洞集

卷四

三十

貴由來成子虛。塵埃營擾一何愚。嗚呼乃知塵埃
營擾一何愚。

姑蘇懷古

姑蘇臺畔東風起。姑蘇臺上暮雲紫。萬木森森夕
照中。桃花李花隨流水。君不見館娃宮。秦箏趙瑟
曲三終。君不見百花洲。艷舞嬌歌樂未休。吳王雄
心安在哉。畫樓綺閣滿蒿萊。西子扁舟五湖去。空
庭麋鹿相徘徊。一興一亡在頃刻。勝游沈沈不復
得。惟有城西海湧峯。千秋憑弔情無極。

翁燧

築城行

君不見錢塘江潮如白練。平沙十里吞江面。奔騰
書夜薄。高城城頭健兒吹角聲。半入潮聲去。
役夫夢斷悲相語。虎林城堅鉄不如。於中別築屯
軍處。六月桃發五郡民。天炎令急無晨暮。拮据豈
關筋力強。休息每遭官長怒。一時城一尺。一日城
一尋。朱輪不動后土丞。涼風蕭蕭生遠林。只吹竹
樹作清響。不吹城南行役人。梨園年少諳新譜。葛

溯洞集

卷四

三十一

衣搖扇將軍府

顧龍文

雷雨行

荒村昨夜大雷雨。處處田禾灌焦土。乘雨力壅十
畝。多十戶通工互爲主。鷄豚餉畝村徑遙。獨憐無
水灌新苗。暑日炙田水氣腐。往往吹苗苗更焦。濕
雲飛處日色酷。晴鳩喚晴雨鳩促。晴意但聽雨鳩
聲。明朝雷雨我田足。

劉世燧

南陽行

昔讀漢文南越詔。干戈不事罷遠征。逮及武帝多
雄才。女思織兮男思耕。於今聖神無中外。昨見楚
戍還帝京。如何雲南未革心。遂勞十萬馬蹄聲。馬
蹄到處無烟火。千家轉輸升斗爭。烏穴鼠竄之子
黎。鵠面鳩形舉堪驚。曉日止聽猿鳥啼。夜來不聞
鷄犬鳴。破壁頽垣伴荒丘。燕巢不暇擇室營。南望
湘水千年綠。北望黃河滿目清。燕樹野草遺鳥道。
夕陽晚照旅魂傾。往來劍戟如霜雪。處處枯骨人

溯洞集

卷四

三十二

馬橫幾時普天休戰伐。將軍解甲民力輕。

連歲征雲南。皮雲南必由南陽。此地荒殘已久。宜其言之有餘痛也。

劉漢葵

運豆行

大梁城南黃塵起。牛車千羣連郊鄙。道傍輿夫向
我言。昨夜府帖下州里。云是南征戰馬過。槽餉催
輸如流水。更兼運豆充芻牧。委贖如山誰能紀。數
鍾僅能致一斛。晝夜鞭策無停晷。固是官廩要馬
肥。那惜窮民竭脂髓。今春載草向襄城。一束百錢

猶云輕。野外處處。插草。厥堆如山。嶽勢崢嶸。窅窅。官馬不喫草。遍地禾苗。無留莖。猾吏賣草。充私橐。小民有口。誰敢爭。今冬過馬。能幾何。有司徵豆數。萬多。近者百里。遠數百。稍遲輒遭長吏訶。自從湖南動戈鋌。每歲嘗經數往還。中原况值瘡痍後。民力久盡黃河邊。征徭煩重。無與比。供億艱辛。絕可憐。誰人肯下賈生淚。封書一奏。聖人前。

短歌行

君不見。不見平原昔日稱交結。相士猶失毛與薛。信陵

潮河集

卷四

三十三

一日過邯鄲。博酒相從重折節。竟使眼前賢豪士。轉爲無忌傾心血。何况悠悠世上兒。肯與布衣稱行列。門擁榮戟建旌旄。梁肉如山恣饕餮。祇知多金驕妻孥。那念窮交卧霜雪。噫噓歛雨雲。翻覆安足論。臨風長嘯聲激烈。

姚景明

鬪雞篇

揚州之風何輕揚。屠林割邑曾不創。猶好弄鷄抱鷄巨。編籬植櫬爲鞠場。富者列值賭。采勝老幼縱。

觀如堵牆。恰如十世讐。一顧義不反。兵力缺。壯士臨陣盡如此。何用戈甲。哀國殤。腥膻血。臆死再起。壁上瞠目諸侯王。此是阿摩所作。偏義取人獸。皆夷傷。秋風放螢。春艸鬪煙。花南部終未忘。又有清明寒食節。墮寫遺。鈿瑟瑟切。十里香聞。狼籍風夜歸。密炬如朝。澈齋娘。禪智拜山頭。熊枕宜男呪。吶吶義髻黃裙。逐水流。家雌生角。鳴聲鵠。不愛鷄頭。數點紅。但顧龍舟鳳。娟蝶。天寧佛頭無故落。檢點高昌兵馬如霜雪。

潮河集

卷四

三十四

宋 肇

鷓鴣行

鷓鴣之聲如巷哭。夜則飛鳴。晝則宿。人一聞之。祇不祥。况復日間止我屋。猶額鷹爪睛。不旋簷前羣。雀遭其戮。持杆喧逐。亦不驚。嗟爾氣勢何崢嶸。吾聞鳳凰盛文彩。徘徊霄漢五雲橫。只今聖世不來儀。惟有鷓鴣處處鳴。鳳兮鳳兮。不可見。獨立空庭涕如霰。

賈開宗

海船失枕歌

東海大洋有海船。規模巨敞驚初闢。橫聯重樓五百尋。縱延長市三萬尺。高檣御風接扶搖。巨艑入底鎮逆洑。其中大賈聚盈千。金玉輝煌連天碧。鮫鬚細織染峯嵐。鰕眼射星含琥珀。飄泊萬里指扶桑。泛駕窮年盡溟渤。擁護自應皇天功。安瀾全仗神龍澤。憶昨棲遲佇海湄。颶風吹蕩砂中積。忽忽中夜霹靂聲。後區剗然一枕折。我聞海枕如天樞。幽居迅轉無轍迹。夫何天樞中夜淪。南北東西安

溯洄集

卷四

三十五

所拍厥載弗濟。陷厥舟萬寶沉溟深。爲惜衝山犯難。剗爾間蛟怒。鯢號隨之厄。舟人泣血苦未休。恨扶洪濤心爲辨。安得東海長不波。盪漾中流永朝夕。

吳聖宮

北邙行

北邙山下哭聲苦。洛陽城中沸歌舞。昨日歌舞城中人。今日淒涼山下土。山下土無今古白。狐寒嘯。獨懷煙青燐。夜灼遙科雨。英雄異代不知名。高封

大樹如掌平。喪車轆轤日不絕。後人來葬前人穴。後來葬者還應多。可憐歌舞何時歇。

彭楚伯

蔡丘行

馳驅荒原三百里。據馬搖看黃河水。河干風雨日蕭蕭。斷碑古廟識舊址。聞說當年會蔡丘。桓公諸侯皆於此。萬年伯業今何如。千古英雄心欲死。荒野孰能考勝事。西風空傷落日紫。鐘鼓薄莫不聞聲。憑弔徒悲高臺圯。

溯洄集

卷四

三十六

楊繼芳

昭關行

昭關之下東流水。昭關之上白雲起。雲中老樹怒藏風。岩際窮猿飲石髓。空谷迴合發寒煙。殘碑蕪沒蒼苔裏。却憶當年過關人。恩怨於今俱已矣。嗟乎吳楚已往。門不關。千年險要成荒山。山色空濛不可問。車塵馬足幾時閒。

祀竈歌

七年作吏骨珊珊。不能拔足宦海之波瀾。愁懷結

暮雨燈影帶餘寒。薄言送君酌江紫。四壁風塵愧此官。官貧由來易得過。清濁惟有君勘破。守拙無能媚要津。焚香恕我安然卧。卧起正黃昏。想君到天門。何不引我孤臣萬里魂。屋漏無慙達至尊。至尊不可見。薄俗多遷變。倏而神交倏而心戰。吾自任吾真。虛中無所羨。不敢落落漫同羣。不敢悠悠負聖君。白水青松堪卒歲。空堂日日鎖閒雲。

登報恩寺塔

我來登寶塔。塔上起白雲。迷離金陵千萬戶。側耳

溯回集

卷四

三十七

彷彿江聲聞。江上遊人有風波。江城日夜襍笙歌。天地漫漫無窮已。巖巖一塔竟如何。云藏牟尼舍利珠。精堅貫日不可污。不可污。寄浮圖。枯骨今何殊。意喜人有舍利。自焚屠羞生惜死。良可吁。黃金修塔胡爲乎。

張

櫟

舍利一物乃精氣所積而成不足異也。心經言舍利子是諸法空相。空有形質。趙州亦不尚此。世之建塔而崇奉之。並禮拜其光氣之變幻者。總無當于大道。延仲此作破惑。

漂母祠

人云漂母肝腸真。余曰漂母非婦人。當時兩淮之間。隱君子睥睨雙眼處。風塵君不見。楚重瞳執戟不辨雌與雄。又不見漢高祖得信。乃與衆人伍。以彼劉項且無知。淮陰少年安足數。丈夫生未逢時。困沮無所長。低眉寄食壯心傷。王孫數語感激堪入骨。詎止一針之恩。不忍忘天爲蒼生儲國士。故遣經綸厄淮水。假使人人盡漂母。塵埃將相等閒皆可指。

溯回集

卷四

三十八

登報恩寺塔

何年振錫觸地戶。湧出琉璃五色光。鈴鐸風颭聞數里。雲山流閣桶旁俯看長江一衣帶。亂山蹲沓點青蒼。百萬人。家渺茫。裏天風獵獵吹衣裳。塔前巨殿久已燬。聚衆鳩工將重起。檀那喜捨恒千金。積財如山人如蟻。噫。兩淮迤北饑骨撐拄無人憐。此地日靡億萬錢。人寧務此不務彼。皆曰寶塔舍利光徹天。

張晨

塞下曲

戰國以還貳千歲。秦雲突岬長城端。黃河一曲蕩
紫塞。天馬葡萄來漢關。漢家功臣壯天紀。麟閣嗟
峨向天起。衛霍勲名瀚海陰。烏孫幽怨黃沙裏。征
婦家家嘆落暉。征夫夜夜聽流水。鴻雁南歸雪滿
天。塞門月落萬峰烟。不知旄節何時盡。青海霜飛
又一年。

汪宗周

錦車歌

朔河集

卷四

三十九

漢書西域傳馮夫人名嫋。漢宮人也。善史
書。乘錦車持節和戎。回。按此事甚奇。而六
朝唐人無入篇詠者。惟劉孝威詩云。錦車
勞遠駕。韋元旦詩。國命錦車傳。駱賓王詩。
錦車朝促候。刁斗夜傳呼。徐堅詩云。風搖
錦車節。月照角端弓。僅一句一聯而已。此
事可誦可傳。勝詠明妃之失節。文姬之傷
化。爰作歌以表之。

漢家三十六將軍。立心塞外掃塵氛。橫劍馳鞍幾

萬里。瀚海天山無暮雲。公主琵琶凝幽怨。馬上淚
透石榴裙。薄命豈但憐妃去。損威何可令人聞。丈
夫詎料在中樞。願得和戎報明君。安坐錦車辭鳳
闕。麒麟帶鏤紅玉紋。蛾眉具有英雄氣。寶蓋霓旌
多芳芬。萬乘親推見鄭重。千官出餞申慇懃。迢迢
自持蘇武節。指顧能成魏絳勲。克汗稽顙問名姓。
部落嚙指驚同羣。歸來明堂錫上賞。一時文武何
所云。

奇事久矣。淹
沒得此拈出

朔河集

卷四

四十

盧傳

懷古吟

思陶淵明邵堯夫二先生作

有美人兮山之阿。宅邊五柳樹婆娑。中寫桃源詩
一幅。樂天知命聽鵬歌。有美一人婉清揚。驅車四
出遍齊梁。心在唐虞若擊壤。醉裏乾坤日月長。予
生末季弔踽涼。每念伊人今之望。庶頑立懦百世
師。山高水長天一方。陶兮邵兮安得與爾期。今
嬉歌咲傲而偕臧。

哀斯世

哀斯世。世堪哀。到處萑苻天不災。因此上官勤備。樂勤令州道縣府督催來。今日供夫役。跋山度水。不得回。明日供粟米。取盈益貸。未肯開。家有母。今子不顧。室有兄。今弟莫陪。并棄妻孥。走異域。死喪疾苦等塵埃。勉強數民。戀廬舍。猛虎四出。啣入山之隈。一望平原。沒阡陌。高高下下。成蒿萊。哀哉田無收。今租莫出。課不輸。今官敢裁。為此囊頭并夾指。滿身痛苦。不冤哉。為問斯民。斯苦何時出。必須

溯洞集

卷四

四十一

天心憫。覆萑苻。盡灾猛虎。莫胎上官弛備。禦縣府不督催。小民樂業。君子惡財。始熙熙。然棄茶苦而登春臺。

道州詩痛摯夷中詩簡切此詩真實吾嘗痛哭而讀之凡為民父母者皆宜痛哭而讀之

思親作 巳亥中元日

雙親不見我心酸。敬展儀容細細看。面目宛然無一語。呼爺呼母恁多般。憶昔庭前教幾許。撫摩膝下輒多歡。每道讀書人不負。青燈黃卷苦心觀。何

名稍成親已逝。目中有淚空自彈。所以曾子孝。鷄

豚逮親餐。子路負親米。百里亦心安。痛我為人子。雙親早乘鸞。豈親在世少。致子棘樂樂。嗟哉父長母。今十五歲。父先母沒。五冬寒。各享春秋六十五。父今加壽十支。千人生七十。稱稀古。雙親之年。豈云難。祇因為子不早奮。致使風木之感。徒漫漫。嗟哉人子。宜早奮。母使風木之感。徒漫漫。

趙修

人子意中事正不必追琢為工

溯洞集

卷四

四十二

拜郭林宗墓

東漢相高大雅名。超羣獨數郭先生。先生夙望齊山斗。絳帳弘開百世榮。道氣深藏何所美。入洛訪賢多繾綣。珊珊丰骨欲凌霄。冷然不受司徒掾。雅度汪洋未可量。折巾瀟灑更疎狂。貞隱推心范孟博。作銘不愧蔡中郎。我來謁墓青松下。蒼鼠千羣竄古瓦。物換風移幾歷年。挺挺玉樹埋荒野。綿山頂上走麋鹿。汾水河邊飛鷓鴣。墳頭欲掛延陵劍。生芻一束為君哭。今朝痛哭因為君。尤為大道在

君身瞻仰無計招魂起。但見頽垣度夕塵。

乃來從余弟辨若言詩其學已超然執羣觀此作可以尚友古人

鄭履聲

浩歌

鑄劍莫鑄徐夫人。讀史莫讀漢建寧。飲酒莫飲新豐市。行路莫行京洛塵。蕭艾蔽華谷。蘭玉摧芳馨。鳳鸞不得食。鳴鵲噉瓊英。趙趙此身何太苦。長歎周遭無國門。

吳潔

溯河集

卷四

四十三

述內

有田種稌休種黍。有池漚麻復漚紵。黍稌油油均靡成。麻紵漸漸未就杼。登儲傾罄析衣單。柴門晝靜日初署。買絲難繡平原君。乘鸞唯畫秦王女。季子倦遊曼刺錐。文章諱足任烹煮。牛衣對泣空爾為。男兒為虎非為鼠。

白銘

歸來行

與君結好華顏敷。低眉宛頸宿金鋪。思深怨重愁

思蕪倚徒今何所。龜甲屏風雙膝紆。倚徒今何所。紫花之墩紅氍毹。脫我金釵珥珊瑚。珠香奩細物。時青珉香唾。孟還君耳邊。明月雙佩珠。香奩細物。不可數碎之堦前。承以跌承以跌。復踟躕望君歸。來待君娛。

香艷似漫庭筠

黃周星

麻姑艸堂詩贈徐次律

大丈夫何不驂龍鸞。騎蟠螭。東凌滄海坐蓬壺。又

溯河集

卷四

四十四

何不走蜚廉。鞭剗缺西陟。崑崙瞰桃都。安能跼蹐眼前十笏斗大室。獨抱蠹簡窮年兀坐如囚拘。世間難遊盡者好山與好水。難見盡者異人與異書。百年昇鼎茵螭耳。積蘇累塊空雄圖。且莫言五嶽遠。且莫言九州殊。卽如宛陵近在家山咫尺地。敬亭華陽諸勝安得驅之枕案供人耳目娛。謝眺李白空叫絕。愚公移山豈是今之愚。忽有徐子笑而起。曰吾學得少文法。能使千峯萬壑晨夕繞吾廬。吾家近在姑山麓。父老兒孫山與吾。衆峯羅立紛

拱揖蒼者如吏翠如姝白雲五里或十里長松千
株更萬株鸞飄鳳泊虎豹蹲好女狀貌神仙居茲
山雖小頗靈閼岫嶠宛委似不如草堂數椽無聖
艘青山滿屋泉流渠風雨欲來惟宿雷雲霧將去
還踟躕徐子高卧恣觴咏醉呼懷葛嘲黃虞朱輪
絳幘那敢到籬下下叱五侯七貴皆羣奴盧鴻終
南神智稿杜甫花溪形影癯何如徐子巖澗樂可
遊退谷泛杯湖我更對君發浩想天下名山非一
區峨眉匡廬競雄灝台蕩九子奇秀俱君何不結

溯洞集

卷四

四十五

廬于巨靈之掌夸娥之跌象王之鼻玉女之顧雲
海盪其胸魂簾瀑滌其神膚何但規規家山一片
石直欲跨嵩嶽岱吞衡巫徐子大笑君莫迂姑山
草堂天下無噫吁嘻誠如君言姑山艸堂天下無

才思橫溢亦見
胸懷之廓落

魏喬介

過楊忠愍祠

我行八月燕山道白溝河邊秋欲老堤平沙靜雲
不飛易水西來波浩浩道傍舊有椒山祠忠魂直

上逼蒼昊拜瞻公像起徘徊酒泣再讀擊奸草奸
人殺公公不死藏血化碧不可燥燦燦列星是公
精十年歲社敝蘋藻世蕃之屬獨何為嗟哉豚鼠
多顛倒

贈喬文衣

中丘倜儻有喬生十年杖策走春明途窮慟哭彈
長鋏揮毫咳唾吐蒼蘅一官黃綬輕如羽郊鄆之
間留治譜杖履忽復凌波濤海外冥心觀太古不
見安期與美門但見晚潮落青浦厓山大艦鼓聲

溯洞集

卷四

四十六

腐黑風吹起蛟螭怒戰罷歸來血滿股手持露布
橫槊舞丈夫生有力如虎紛紛肉食何足數飲子
酒讀子詩金石之氣備四時春來積雪冷空齋我
有奇文向子語子才真可萬戶侯何為又向海濱
去

桃源行

有引

昔晉有高士陶淵明置身三代嘆其身遭
劉宋禪代之際世之人莫已知也故作桃
花源記綴之詩以自明其古處其文云此

中人語云不足爲外人道也。嗚呼非此中
人足道乎？又云：劉子驥親往，未果後遂無
問津者。嗚呼！非其人，津可問乎？乃唐人如
王摩詰、劉夢得、韓退之等，皆以桃源爲神
仙而東坡亦不能辨，以爲漁人所見，乃避
秦者之子孫，是皆無異於說夢也。余嘗熟
讀陶集，偶有所見，擬作數句，雖詞意膚淺，
庶幾有窺于作者之意云爾。

淵明自謂義皇人，作爲詩句擬避秦。秦人宋人一

游洞集

卷四

四十七

而已。詐力篡殺不足詢，柴桑自有桃源渡。洞口雲
深落英聚，鷄犬尚有古音聲。衣裳不作新制度，此
中避世可千年。春花秋月自娟娟，峽中不知人何
事。世人遙望惟青山，山色溪光終不改。武陵白雲
自相待，却笑時人欲問津。避秦之宅竟安在？

雲龍吟

昔有退之與東野，欲爲雲龍相追逐。抒其不平之
鳴，吾友又見猶龍氏，肝胆無猜共此生。奈何落羽
復分飛，驚心雷雨之砰訇。西出井陘，塞南走城皐。

道汾水悠悠，無盡時。黃河東下連滄島，安得與子
徘徊鉅鹿下。讀史遷奇文之浩浩，不然憂能傷人，
使我鬚髮皓白如雪而將老。

玉泉篇

玉泉之水橋下過，既清且漣非洪波。誰家孤子髮
初純，翩翩游戲城之阿。命如飛蛾投漩渦，炎天白
日怒蛟鼉。中流失壺空駭駭。

又

呂梁十丈奔如駿，丈人常涉洄湍裏。豎子之能不

游洞集

卷四

四十八

我知魂逐涓涓玉河汜，褰裳欲往不可止。鬼母啾
啾髮垂耳。

又

嗚呼！人間風濤何其深，洞庭旣波灩澦侵。長鯨
齒若霜，鐔左徒空弔楚江濤。彼君子兮，大川舟楫
濟一世而爲心。

送王思齡歸合肥

長安有客思山桂，掛席秋風潞河濱。邊城一雁正
高飛，爽氣澄霞雨。新霽憶昨承恩衣，繡衣太倉充。

溢鼠雀稀。六軍白粲滿區釜。君王玉饌有光輝。左
省高資重寔闕。特簡清秩班鄉月。入告我后盡嘉
謀。退食委蛇無請謁。江上雲山夢裏來。知君肝胆
幾徘徊。金樽滿酌不辭醉。狀然清興使人哀。君不
見。八公仙去空山色。濡須之水流不息。功成方可
拂衣去。莫到淮南忘薊北。

冬日祝竟甫家兄

戲馬臺邊山色濃。黃樓高處宴羣公。項王宋公俱
已邈。寒烟千載空濛濛。吾兄東方擁千騎。兩漢循

湖洞集 卷四

四十九

良重經義秋水無波。家室安呂梁。洪下蛟龍睡契
濶。于今有七年。素懷耿耿各依然。安得飛墮彭城
前。棣華燦燦賦百篇。

征人婦

譙鼓鼙。鼙樓上鳴。閨中思婦最傷情。誰言嫁娶不
須啼。良人三年事遠征。遠征昨歲過仙霞。嶺上無
人寄梅花。今年又聞渡瀟水。瀟水慘淡發哀絃。哀
絃悲怨雜羌笛。北風茫茫吹蘆荻。回首燕山歲月
老。天地無情雨浙瀝。浙瀝雨聲濕征衣。寇賊未滅

敢言歸。葡萄江上春暉少。點蒼山下雁鴻稀。雁
杳淚潛潛。北旋思渡連雲棧。滇黔崎嶇不可論。
人似猿猴醉碧眼。昨日巴才到樞部。捷音喧傳有
露布。降旗已豎大理城。前鋒欲向騰越路。聞此中
心更怛然。絡繹蕭蕭吟暮天。安得獻書聖人前。
莫向八百媳婦戍荒邊。

邯鄲少年行 周高達夫韻

邯鄲少年良家子。輕裘肥馬平千里。拒守朱山曾
突陣。大戰凌河身未死。時移去事何紛紛。易水燕

湖洞集 卷四

五十

山大轟屯。負米何曾逢李白。有策不得獻吾君。
不見今日交情薄。五侯七貴自相索。以此抱犢西
山游。欲將仙人大藥求。夢回明月寒燈夜。猶憶射
雉三十頭。

湖洞集卷四七言古下終

清詩溯洄集目錄卷之五

五言律

宋權

字雨恭商丘人

冬夜客至

雨中遊王氏菓園

楊思聖

三見

過伏羲墓

初祖菴

登華山

三首

郭汾陽祠

王景畧墓

班仲升墓

馬嵬

茂陵

溯洄集

卷之五

一

至寶雞將入棧計啟行之日已歷春而夏寒

暄遂易物色亦殊蓋不勝旅人之感云

苦雨山店夜坐

漢丞相武侯墓

金牛驛

入蜀

早春遊覽

秋日閒居

梁清標

三見

感興

對雨

冬日從獵南苑

寄贈趙聖根令武安

夏夜集金魚池同石生總憲洪瞻司馬似斗

司寇湛求方伯喜而有作

二首

王大捷

字仙掌武陵人

曉發黃牛青草諸峽

秋杪自蜀還楚望沙津時風日清佳

王永吉

字鐵山高郵人

遊蝶園和楊贊皇韻

王熙

字胥庭宛平人

春日扈從南海子觀大蒐

二首

杜芳

三見

溯洄集

卷之五

二

晝寢

遺題

積山寺

去河南別同鄉張生

入董固

讀書蔡氏園

秋夜

病起

許作梅

字傳巖新鄉人

雨日常朝

過依水園

比干墓

百泉

安樂窩

送史煥章都諫假歸

暮登烟雨樓舊臺

過慶都

行河

嚴正矩 二見

涉園 三首

送五弟歸里

送友人還武昌

寄友人陳信菴

龔鼎孳 二見

錢塘江行

枕上過釣臺

夜發木樨灣趨瑞洪

嶺南歸興

雨中入南華禮六祖

嚴沆 三見

溯河集

卷之五

春日漫興 二首

塞上曲

朱紹鳳 字蒿菴華亭人

明妃怨

懷友

柯聿 字素培嘉善人

署中習射

申涵光 三見

遣興 二首

雨後林慮道中早行

郡樓秋望

固關

鄴中客夜

寄楊猶龍時爲蜀中方伯

寄懷容城孫鍾元先生隱居蘇門

贈魏子

周肇 二見

南昌雜詠

薛所蘊 字行塢孟縣人

韓家莊謁文公塚

周亮工 字元亮祥符人

空隱和尚俗臘

溯河集

卷之五

王無咎 字藉茅孟津人

送五溪歸越 二首

張文光 二見

醉別

望月

季振宜 二見

西曹七夕

趙賓 字錦帆陽武人

秋日謁邑侯魏公祠 二首

送王舍人開右頒詔大梁

唐世徵 三見

懸軍

吳洪 二見

元日

黃金臺

吳雯清 三見

段橋月坐

山寺雨懷

宿邯鄲遇友人夜話

偶集

真州道中

沈荃 二見

湖洞集

卷之五

五

朱仙鎮謁岳忠武祠 二首

丁澎 二見

瀛臺直奏恭紀

舟山提至

劉芳聲 字何實山陽人

舟過青山有懷

采石弔李青蓮先生

杜鎮 字子靜南宮人

銅雀臺遺址

胡文學 字道南襄縣人

歲莫閱軍城

汪琬 三見

出塞

早朝

懷旣庭下第時已出都

蔡含靈 二見

淮陰侯祠

王元晉 字康侯寧晉人

送別孫麓樵

劉府早發值雪

壽春早行

游洞集

卷之五

六

毛達 三見

寒鴉

奉賀李坦園先生九日武闡監射遇雨

初冬

冬至次日

臘月二十三夜晚祀

司命

鄉客來京未得家音賦

燕京候選無期送家叔蜚壹先歸

歸雁

塞下曲 二首

過居庸關

魏裔魯 字竟甫相鄉人

登放鶴亭 聞王總鎮夾江之捷

新軒落成

魏裔訥 三見

自魏家庄赴順德途次口占

赴彭城省兄作

過湯陰望岳武穆廟有感

欽枕 渡黃河

永城道中晚行投宿郭外話前朝事

溯洄集 卷之五 七

馴鶴亭 風

詠慈仁寺松 報國寺市

東汪別墅 二首 賀劉石帆鄉薦

李嘉胤 二見

讀太白詩 宿興化院

王士禎 三見

新柳 賦得邊馬有歸心

同劉大田家兄子側汎湖分韻

秋雨 秋猿

山頭店曉行

宿一叔山齋曉起卽事

雨止 冬曉渡江

蒜山 過丹徒鎮

訪昭明讀書臺 竹林寺題壁

別焦山

王朴 二見

金陵雜感 三首

王曜升 三見

溯洄集 卷之五 八

許九日王鴻調過飲留英閣兼懷周二雲彥

東村 夏日閒居

入塞曲

王摠 二見

登金山寺 謁延陵季子祠

曾琬 三見

同黃仲聚浦口秣陵

廟埭 升溝聞鬼哭

赤壁阻兵 陳倉口

隴夜擣衣 二首

再赴漢中賦別平西王

喜入大孤 歸賦

丙申送弟燦歸耕烏石壠

新峰偏 折灘

午日金山園雜興 姑蘇旅懷

汎浙江 中秋臨淄獨酌

申涵煜 字觀仲永年

登金山

溯河集

目 卷之五

九

夜聽周睿初山人彈琴

虎丘 登丹陽暮抵閭門

申涵盼 字隨叔永年人

清明過友人齋頭 春雪

王維坤 二見

常山大佛閣

葉方恒 字眉初崑山人

慰同學諸子

崔鳴鶯 字大綱片丘人

重陽獨坐 冬日村居有懷

春夜與友人集飲中山

宿寶泉寺

獨酌 新秋聞雁

李芳莎 字臺辰永年人

千字詞 有引

鄭茂 字子勉永年人

早春聞布穀 二首

鳧盟再招飲南園賦謝

溯河集

目 卷之五

十

登叢臺

徐乾學 三見

次宿遷示殿間雲亭

劉梁嵩 二見

晚泊燕子磯

魏杏祥 字素公栢鄉人

輓嫂

曹宜溥 字子仁黃崗人

閒居偶吟

魏學渠 字子存嘉善人

泛微山湖

濟上卽事

林雲鳳 字 人

韓淮陰廟

東蔭商 字雲雛渭南人

臨洮

蘭州

溯洄集

卷之五

十一

溯洄集卷五五言近體上

栢鄉魏喬介石生選評

禹航嚴曾渠方貽 校訂 錢唐顧之瑜不瑕

五言近體上

宋 權

冬夜客至

嘉客中宵集。虛牕雪霽初。寒光孤月下。清籟一燈餘。鷄黍頻相約。風光迥自如。自然無俗累。安事絕交書。

溯洄集 卷五 五言近體 一

雨中遊王氏菜園

小園一夜雨。青翠響梧桐。繁菓多於葉。垂垂受晚風。烟收雲外白。花放草間紅。保此華胥地。休令賦小東。

置身千仞之上。德輝四映。協於元音。豈沾沾聲律者比。

楊思聖

過伏羲墓

莫測洪濛意。頽然土一杯。何年蒼草長。終古卦臺留。野水隨沙尾。孤雲抱遠洲。興亡千載事。憑弔漫

生愁

初祖菴

落日披素入空山。若有人。片峰留色相。石有達摩像相傳爲

面壁時。孤樹老龍鱗。菴有樹云是崖瞑烟嵐障菴

所遺。荒虎豹鄰。誰將一葦渡。到處是逃津。

登華山

白帝蟠西陸。川原彌望中。真形胎造化。惟石老鴻

濛。鐵鎖千尋引。天門一徑通。超然人境外。俯視盡

虛空。

湖洞集

卷五

二

又

凌空高不極。大地盡紛紜。渭水波光細。咸陽陵樹

暉。龍雷當晝動。鐘鼓半天聞。何日潛雲壑。常隨羽

士羣。

又

山雨澄新霽。天清踏嶽蓮。神泉空外落。古木竇中

懸。撥草尋丹竈。囊雲譜內篇。游塵何處息。目盡只

蒼烟。

灝氣蟠空覺。崔嵬巖峩。太華之作。平平無奇。

郭汾陽祠

道傍遺廟在。立馬歎斜陽。一代中興業。當時異姓

王。山河圍棟宇。鳥雀亂祠堂。多少興衰事。空懷弔

古傷。

王景畧墓

捫虱談何壯。江東無此人。入山謀出處。哀亂托君

臣。伐晉策終失。吞燕志不伸。徘徊古墓下。落日見

荒秦。

四十字中已盡畧生平

湖洞集

卷五

三

班仲升墓

投筆緣何事。封侯願已酬。黃沙漢闕遠。白髮玉門

秋。望遠家人切。生還聖主優。可知千載下。寂寞祇

高丘。

馬嵬

鼙鼓漁陽急。鑾輿西幸長。娥眉遂碧血。將帥且銀

章。落月深宮恨。淋鈴夜雨傷。墳頭芳草色。猶似戀

君王。

說得不寂寞。而隱諷甚深。

茂陵

寂寞高原上。疎風禾黍哀。豪華追往事。拓畧想雄才。封禪終何益。神仙竟不來。可憐民力盡。遺恨在輪臺。

祈招之遺

至寶鷄將入棧矣計啟行之日已歷春而夏

寒暄遂易物色亦殊蓋不勝旅人之感云

行李何曾定連雲入蜀天鄉遙風物異客久歲時

還隴樹飛鸚鵡巴山啼杜鵑蕭蕭官署靜旅夢幾

溯洄集

卷五

四

回牽

苦雨山店夜坐

泥淖何時淨驚流衆壑分客愁連雨足鄉夢入山

勤雲氣千林失灘聲靜夜聞自傷流滯久孤坐念

離羣

漢丞相武侯墓

定軍山下路丞相有孤墳故國空流水荒阡足夜

雲君才自十倍天意竟三分行客年年過鶯啼不

忍聞

少陵無此快後

金牛驛

蜀山方恃險漫道五丁開鐵騎飛常過金牛去不來烽烟劍閣迴殺氣錦江催可笑公孫輩徒稱割據才

入蜀

殘黎嗟爾在。城市幾人過。世亂漁歌隱。廬荒虎跡多。青山供涕淚。白日度干戈。中野餘鴻雁。勞來事若何。

溯洄集

卷五

五

蚤春遊覽

鴉鳴春樹曉。初日照城樓。寶騎聯公子。金輿度列侯。歌鄰南陌動。客過北堂留。誰念青門外。啼鴻滿道周。

秋日閒居

傳說魚池地。金元有舊銘。興亡時已易。歌舞昔曾經。老樹壇墻黑。殘陽壁壘青。依違堪玩世。無用泣新亭。

梁清標

感興

太液流波靜。秋霞入苑明。曉鐘仙仗出。委佩鳳池鳴。殿陛興綿蕞。橋門拜老更。漢家天子貴。猶召魯諸生。

對雨

寂寂多歸夢。濛濛起暮寒。蚤為婚宦悞。始識道途難。車馬羞時態。親朋憶舊歡。喜餘牕外竹。獨傍雨中看。

寄贈趙聖根令武安

溯洄集 卷五

六

攜琴從鄙上。綰綬向中原。家有精忠詔。人知廉吏孫。穠花開滿縣。蔓草刈當門。治行推高第。雙鳬達至尊。

冬日從獵南苑

宮錦壓鞍紅。韓盧逐遠空。弮弓殘雪外。威策暮雲中。馬嚼霜原草。鷹呼苑囿風。千夫赤羽膳。共試佩刀雄。

夏夜集金魚池同石生總憲淇澹司馬似斗

司寇湛求方伯喜而有作

晚涼池上好。蕭颯似漁村。燈火明林屋。星河落酒樽。放歌吾輩在。擊筑幾人存。欲問乘槎客。蒼茫水氣昏。

又

落日共披襟。關關聽水禽。醉鄉司馬態。濁俗石交心。波定天光見。臺高暑氣沉。悄然羣動寂。風雨有龍吟。

矜貴中有蒼秀人。知其度之雅。不知其意之沉。此五言長城也。

王大捷

溯洄集 卷五

七

曉發黃牛青草諸峽。晴嵐催棹去。欹枕看山容。岸折舟疑轉。崖旋峽類封。開闢常見鳥。理楫快登峯。不憚搜奇秀。飛流度幾重。

秋杪自蜀還楚望沙津時風日清佳

一別經年後。歸歟且汎槎。橋烏明遠渚。旅雁畫平沙。浩淼巴山盡。清醒楚客賒。淡容無所累。烟艇足生涯。

余師鴻飛冥冥世莫得而物色之者作甚富詩中偶獲二首奚啻拱壁

王永吉

遊蝶園和楊贊皇韻

白狼爭問字。誰道草玄非。潑墨濃雲起。論詩大雅歸。重逢國士聚。不信古風微。喬岳高千仞。掀髯獨振衣。

王熙

春日扈從南海子觀大蒐

上苑回春馭。傳呼夜漏催。六龍雲裏下。八陳日邊開。細草鳴鶯地。雄風買駿臺。應知宸算遠。不爲

溯洞集 卷五

八

話戎來

又

大閱乘時令。宸遊想大風。騎騰急電外。鴈叫微雲中。時聞鴈鳴。禽獲三驅遠。扎穿七校同。願言海晏後。無復事車攻。

燕許大手

杜芳

晝寢

隱几莊非昔。渺愁朱是予。九招迷遠道。一醒恨多

遼兵火經年事。山川計日書。獨憐陳處士。乞得泰華居。

遺題

秋風吹客起。匹馬度沙汀。到此頭堪白。往來山故青。浮雲燕趙士。落日短長亭。慙彼黃花笑。文章漸不靈。

積山寺

春水桃花下。亂紅山寺邊。雲歸晴滿岫。風定影涵天。飛鳥人相忘。談經石亦玄。浮生閒半日。塵劫自

溯洞集 卷五

九

何年

去河南別同鄉張生

乾坤甘自腐。江漢有同情。問我方知姓。憐君久得名。文章仍舊在。世態此新生。總是天涯別。悠悠道路情。

入董固

啞啞鳥聲起。深溝藏數家。纔經白馬渡。錯認武陵花。落日啣空樹。回風咽斷沙。近來擬避地。或此駐窮車。

讀書蔡氏園

風晴兩夜雨。半落海棠花。茅屋松聲渺。竹牆日影斜。遊蜂迷徑草。歸鳥撲林霞。白酒青春晚。蹉跎感歲華。

秋夜

落葉散如雨。庭空似有情。明月涼於水。虛牕不可橫。長天來鴈影。半枕自風聲。此際心何限。吾亦愛吾情。

溯洄集

卷五

讀破萬卷超然心。悟遺詩得之道。宜年兄前此立雪未嘗言及。固知義蘊宏深。神明

十

浩曠者不可
以尋常測

許作梅

病起

病起臨書几。塵封經月餘。身勞唯藥石。鄉信一鴻魚。白髮寒花妬。青松好客疎。難言學大隱。何地可樵漁。

雨日常朝

金闕曉烟溢。濛濛啟禁鐘。雨餘開御仗。雲起護飛龍。王政存周禮。朝儀肅漢宮。氤氳天氣合。湛露九

霄同

過依水園。勝地私吾黨。相思寂寞多。朱亭迎白日。綠岸逝晴波。幾載看花去。今辰乘馬過。風塵秋又老。幽賞意如何。

起有
高致

比干墓

憑弔蕪門麓。孤臣墓草枯。云何七竅血。不獻九疇圖。山水湯孫樹。桀盛宋子腰。焉能戊午日。慷慨固

溯洄集

卷五

十一

殷都

可作殷有
三仁論

百泉

瞻彼百泉下。朱亭漱灑侵。乾坤多戰後。烟雨此溪深。白鷺橫秋影。青蘋亂石沉。泉源不厭客。瀾瀾逝如今。

無限
感慨

安樂窩

大道龍蛇在。高閒樂不如。河山歸浩嘆。雲壑謝徵

書天靜梅花落。風輕竹影疎。蘇門一片石。千載更盈虛。

較太白贈孟襄陽作可以伯仲

送史煥章都諫假歸

客中難送客。又見錦帆開。潞水河梁樹。燕山春郭杯。白雲今日往。青瑣隔年迴。握手休驚別。空江候鴈來。

暮登烟雨樓舊臺

烟雨寒流濶。荒臺暮影偏。蘭舟登此日。繡草自何年。

溯洄集 卷五

十二

年歌管空閒巷。漁燈近市廛。猶憐一片月。落落照湖邊。

過慶都

洞寮仍堯甸。來遊嘆物華。那堪流水岸。猶度使星槎。中澤哀鴻切。西風落鴈斜。田疇新草闢。茅茨幾人家。

行河

野馬驚塵起。長鯨夾岸吞。堤前仍負土。河外未歸村。舊穀逢年盡。飛沙力役煩。行踪看欲徧。無地不

銷魂

傳岩詩一往情深令人低徊不能去

嚴正矩

涉園

剪棘成茅屋。臨溪廠竹軒。遊魚隨意樂。浴鳥自相喧。榛草從填徑。扁舟長繫門。桃花流近岬。彷彿武陵源。

又

遠樹蒼茫外。環溪碧水深。繁花非一色。好鳥有遺音。

溯洄集 卷五

十三

音竹露垂秋月。松風響玉琴。白雲堪送老。引興自長吟。

又

蓬門啟復閉。曲徑少行車。避地堪終隱。浮生應有涯。臨流哀網罟。望野羨桑麻。種秫方將熟。村醪暫可賒。

送五弟歸里

送爾何能遽。高堂念老親。倚門看落日。翹首憶天津。栽水煩吾弟。萍藻嘆此身。三休如獲遂。孝友娛

良晨

送友人還武昌

黃鶴烟波去。秋風葉落初。臨岐斟濁酒。揮袂上征車。楚樹連天碧。湘雲映水虛。寄言江畔客。吾意念鱸魚。

寄友人陳信菴

故人分手處。回憶却沾巾。君欲南歸楚。我將西入秦。暮雲橫斷嶺。烟樹繞平津。尺素爲相報。塞垣白髮新。

溯洄集

卷五

十四

龔鼎孳

錢塘江行

霸業消烟水。潮荒萬弩風。片駟殘炤下。孤月亂流中。歸馬方嘶北。征鴻日向東。喜聞金革定。丹壑繼衰翁。

枕上過釣臺

孤客愁中夜。空江人語長。前驅防虎穴。急鼓過魚梁。鳥味西臺慟。羊裘故態狂。夢回驚掉臂。一臥負滄浪。

夜發木樨灣趨瑞洪

綠舫奔沙激。臨淵宿火寒。且須愁獬獬。夫敢訝風湍。身世危樁小。江湖獨夜寬。健兒弧矢意。飛動慰衰殘。

嶺南歸興

戰鼓驚相亂。歌臺鹿竟遊。月應晴故國。花已放春愁。殷齒蠻烟滑。歡場老鬢休。錦帆絲竹路。閉戶亦丹丘。

雨中入南華禮六祖

溯洄集

卷五

十五

老石盤榕大。修篁拔地陰。到山羣籟息。過雨翠微深。遲暮悲塵事。兵戈長道心。風帆珠塔外。真有妙香尋。

嚴沆

春日漫興

吏隱淹微尚。栖遲帝里春。虛名慙諫草。薄祿慰慈親。馬度垣松直。鶯啼苑柳勻。主恩殊未報。不敢慕垂綸。

又

補衣瞻天近。班衣愛日長。生成看鷺雀。戰伐剩豺狼。紙筆兒誰好。柴桑婦不忘。閉門焚草畢。歸夢五湖傍。

揮塵而談
其人如玉

朱紹鳳

塞上曲

書生本燕額。結客度龍沙。朔氣金戈冷。邊風玉轡斜。射鵬千嶺雪。落鴈數聲笳。坐看樓闌滅。銘功報漢家。

溯洄集

卷五

十六

明妃怨

淒淒寫殿月。黯黯玉關風。有淚辭明主。無金買畫工。黃雲秋鴈冷。碧草夜臺空。傳得琵琶調。千年泣漢宮。

懷友

不信經綸手。飄然理釣竿。高吟飛白燕。幽夢斷青鷺。秋水芙蓉暮。空山橘柚寒。相思千里月。長向畫梁看。

柯聳

署中習射

漫說公餘逸。時從射圃臨。以茲當運甓。豈必異鳴琴。氣靜調弦正。神清沒羽深。不須矜貫甲。聊爾散幽襟。

輕裘緩帶可想
羊叔子當年

申涵光

遣興

豈敢名高尚。山園已定居。數椽風雨外。萬事死生餘。避地尋丹訣。傳家有素書。天寒松酒熟。日日潤

溯洄集

卷五

十七

樵漁

又

沙岸長林白。鷄豚委巷深。幽偏遺薄俗。昏旦倚天心。終日看飛鳥。有時彈素琴。蘆笳吹塞雪。何處鴈書沉。

雨後林慮道中早行

曉渡青泥坂。秋花亂馬蹄。不知山寺近。漸覺遠村低。萬事驚鞦鼓。孤雲入杖藜。蘓門高卧處。爲訪碧峰西。

郡樓秋望

草際鳴蟲急。蕭然窮巷秋。聞看林外水。獨上城南樓。落日浮蒼莢。西風動白鷗。晚山青欲近。昨夜雨初收。

固關

一路蒼烟曲。雙崖跨石門。隔林遙負水。穴土自成林。棗栗荒城少。唐陶舊俗存。晚看投宿處。鷄犬聚雲根。

鄴中客夜

溯洄集 卷五

十八

傷脾停晚食。滅燭厭鄰聲。舊事思何益。羈愁病易生。山風吹鴈落。隙月射牀明。不見應劉輩。何人在鄴城。

寄楊猶龍時爲蜀中方伯

貴陽新入貢。邊馬亂昆池。蜀是徵兵地。君當轉餉司。追呼嗟力盡。凋敝倚官慈。懷古多名作。應先漢相祠。

寄懷容城孫鍾元先生隱居蘇門

地自孫登後。高名屬許衡。君來前跡掩。更覺百泉

清饌薄供春。蕨寇存濯舊。纓向時親捧杖。谷口約同耕。

贈魏子

愛客貲常盡。浮家餽草亭。茶香兼茉莉。酒白汎雲苓。方術閒多悟。人情薄懶聽。因君兄弟好。里俗化原鴒。

周肇

南昌雜咏

百年形勝地。過客動悲思。鹿走寧王殿。鴉啼劉綬

溯洄集 卷五

十九

祠波濤豐劍去。風雨鐵官移。只有章江水。蒼茫到此時。

薛所蘊

韓家莊謁文公塚

孤墳村壠畔。瞻理景蕭蕭。後裔人誰辨。韓莊名自標。斷碑橫野草。古栢認前朝。獨有雄文在。河山光氣遙。

周亮工

空隱和尚俗臘

生天良不易。選佛亦難成。但說慈悲力。能銷戰伐聲。病猶甘敗寺。老益賤虛名。一笑桃花發。春風第幾庚。

納子多為妄語
讀此猶見實証

王無咎

送五溪歸越

大地吾徒在。分飛一葉還。殘陽明野水。遠路亂青山。禹穴丹楓老。曹江白鷺閒。勿言歸計晚。今日少鄉關。

溯洄集

卷五

二十

又

歲月干戈盡。霜華老客星。夢從今夜遠。月向故人清。秋夜梅梁雨。人烟瓜步城。臨岐翻不語。江水故何情。

藉茅書法得宗伯之遺自謫江南後詩格一變未幾而徂矣天假之年必有可觀

張文光

醉別

虛堂寒共被。醉語見情真。薄俗從高隱。長貧念老親。雲濤江上夢。烟草雨中春。同是無家客。何山可

卜鄰

野月

野曠烟初斂。孤輝更杳茫。長天籠遠樹。古渡泊空航。夜冷流民屋。春寒戰骨霜。荷鋤聊自慰。草露借餘光。

季振宜

西曹七夕

蘭麝細生香。鄰家樹半黃。雲鬟清照月。鶴骨瘦支牀。天上津梁潤。人間鳥雀忙。牛衣霜夜泣。空對兩

溯洄集

卷五

二十一

星光

趙賓

秋日謁邑侯魏公祠

公字見玄栢鄉人甲辰進士

秋風吹杖履。一徑入青苔。雨霽朝曦濕。天空候鴈哀。斷碑人墜淚。灑酒獨登臺。令抱祠前樹。諸生手自栽。

又

未載玄亭酒。猶存畏壘堂。莓苔斑石鼎。神鬼護甘棠。落日妖狐嘯。西風野菊香。白頭諸父老。涕泗薦

丞嘗

余祖見玄公初仕陽武相鄉之愛至今不忘讀錦帆二作知三代之直道猶存

送王舍人開右領 詔大梁

丹詔勞中翰。皇華賦蚤秋。焚香梁父老。負弩漢諸侯。嶽色浮開樹。河聲上驛樓。知交零落盡。三徑共誰遊。

唐世徵

懸軍

懸軍轉劇邑。斬竹列營房。淺草春肥馬。寒城火獵。

潮洞集

卷五

二十二

狼。屢傳燒棧道。又報遣名王。尙肯遲明發。分符自有疆。

吳 洪

元日

節遇上元日。青陽動物華。良辰觀禮樂。瑞氣卜桑。脉柳欲迎風。葉梅仍帶雪花。藉田新賦就。准擬獻

天家。

黃金臺

燕主懷齊怨。築臺招列賢。樂生能拓地。鄒衍善談。

天既定七雄。霸更求三島。仙寧知荒堞。上落日集寒。

伯其之學無所不窺五言近體矜飭近于自然殊無浮響

吳雯清

段橋月坐

峰靜晚鐘寂。幽襟寄水濱。村遙燈影暗。樹黑鳥聲聞。風碎一湖月。天空半夜雲。西泠波已淡。我獨挹清芬。

山寺雨懷

潮洞集

卷五

二十三

播落陰霾久。滂沱足慰耕。苔深連草碧。泉滿帶沙平。寺午殘鐘咽。風寒老樹鳴。竹鷄啼不住。應動客心驚。

宿邯鄲遇友人夜話

邂逅投茅店。他鄉樂夕晨。燈殘驚馬鐸。酒薄拂車塵。霜冷官程月。風先帝里春。相將尋舊蹟。此夜夢誰真。

偶集

星聚忘賓主。歡成山水緣。清狂隨意適。嘯傲任情。

偏秋爲寒峰老林。夕照鮮劇遊看欲暮。歸鳥落城邊。

眞州道中

澹月碾林杪。霜花妬路新。鷄聲連野店。鳥影背孤城。曙色催星逝。朝寒較夜深。應憐殘歲客。俱是未歸人。

沈荃

唐人各家詩不在多。每首必有三聯。獨到處如方漣諸作。所謂胷中自有丘壑。

朱仙鎮謁岳武穆祠

湖汭集 卷五 五言近體 二十四

奕奕朱仙廟。荒荒白日陰。金戈百戰地。毳帳兩宮心。風雨靈旂暗。丹青古殿深。堦前有松柏。每夜作龍吟。

又

宋室偏安日。將軍盡瘁時。奸回真悞國。痛哭竟班師。碧血千年恨。丹心異域知。往來瞻拜者。不忍讀遺碑。

丁澎

瀛臺直奏恭紀

輦路開清蹕。宸遊動曉鐘。射鵬傳校獵。憫雨念先農。仗轉西山翠。珂鳴左掖松。小臣齊鵠立。雲裏望眞龍。

舟山捷至

上將王寧朔。中權謝鎮西。蛟門秋結陣。禹穴夜聞鼙。白羽搖沙島。青帆散水犀。長鯨新築壘。麟閣會標題。

劉芳聲

舟過青山有懷

湖汭集 卷五 二十五

水光天際合。殘日歛晴沙。帆轉羣峰變。江空一雁斜。寒鑪茶自供。荒市酒誰賒。莫負臨岐約。南枝欲放花。

采石弔李青蓮先生

亥岸岩非古。輕舟遡浪遲。青山愁去鳥。白日冷荒祠。宦謫懷偏放。才孤世不宜。騎鯨人已去。明月更誰知。

杜鎮

銅雀臺遺址

霸圖今已矣。指點說高臺。古道留殘碣。秋風到客杯。行山雲外出。漳水鄴城回。寂寞西陵上。年年雁影來。

似陳伯玉

胡文學

歲暮閱軍城

北望重關遠。旌旗擁樹來。雪連溪徑合。風競刺門開。不入參軍幕。誰憐戍士哀。春回兵不試。寒塞鎖蒼苔。

湖洞集

卷五

二十六

氣通盛唐

汪琬

出塞

窮邊踰萬里。辛苦事從軍。馬臥陰山雪。鵬盤瀚海雲。孤亭明戍火。千障暗妖氛。何日憑龍劍。還成衛霍勲。

蚤朝

紫陌晴光蚤。皇州瑞氣深。雲浮仙闕動。月傍御溝沉。柳外銀河發。花邊彩仗臨。一時霄漢侶。相對整

華簪

花迎劍佩柳拂旌旗可擬其度

懷既庭下第時已出都

知君新失意。驅馬復南行。地盡河流急。天低岱嶽明。鶯聲迴旅夢。草色引歸程。漸喜園林近。無勞動客情。

蔡含靈

淮陰侯祠

背漢誠無意。持盈道未通。猶留百戰業。不逐一時

湖洞集

卷五

二十七

空。赤帝從來忍。蒯生預見終。良弓如可念。組上顧而翁。

王元晉

送別孫麓樵

百年身是客。宦跡漫浮沉。君去臨瀛海。予方愛碧岑。青尊堪笑傲。白髮任侵尋。爲有岐塗別。清歌獨倚鐔。

劉府蚤發值雪

時庚子元旦之次日

令節方稱兕。星輶忽漫游。風微清曉動。天濶野雲

時休。稠草閣欹。水。瓊花曲倚樓。蒿萊滿四望。鴻雁幾

壽春蚤行

雪霽晨光燦。風清寒籊呼。山疏看掌刻。松密見屏
鋪。高岸長橋古。微波小艇孤。蒼茫粉堞近。垌牧盡
平蕪。

憂時愛物
動於言表

毛達

寒鴉

溯洄集 卷五

二十八

寒鴉小於鴿。白項半相追。反哺曾無意。饑驅任所
之。侶。矜。毛。羽。好。未。見。語。言。奇。應。愧。隨。凡。鳥。上。林。亦
借枝。

奉和李坦園先生九日武關監射遇雨

秋闈今選將。講武出郊原。震電鳴桴鼓。星旗拂雨
痕。插黃環射圃。揚解倒金樽。猛士真難得。登臺好
細論。

初冬

但覺寒來漸。冬衣取次加。親朋幾日到。風雨一簾

斜。裘薄常依酒。囊空祇思家。庭前看暮影。獨立數
歸鴉。

冬至次日

昨日已冬至。今宵更夜長。增寒方數九。刻漏未燭
香。地。冷。梅。難。購。天。陰。雪。易。光。不。知。宮。裏。線。添。得。幾
回忙。

臘月二十三夜晚祀司命

手把芙蓉水。送君朝玉京。匪因求富貴。敢復問枯
榮。展轉經年事。沉淪四海情。置身非物外。何以慰

溯洄集 卷五

二十九

神明

鄉客來京未得家音

有鳥朝離楚。御霜夜渡燕。曾經五柳宅。應有數行
箋。窓下嬌兒長。機中內子賢。匡峯非斷鴈。欲問搗
衣篇。

燕京候選無期送家叔蜚壹先歸

新草都門路。傷神拜別初。今朝去上國。何日到吾
廬。督僕耕荒隴。課孫讀舊書。古人榮仕宦。媲美重
雙疏。

歸鴈

嘹○噓○數○聲○恨○乘○風○渡○遠○岑○寄○書○投○北○首○啣○韋○戀○南○
心○黑○水○樓○形○冷○黃○雲○護○影○深○想○君○居○兩○地○哀○怨○一○
般○音○

塞下曲

寂○寞○荒○微○戍○長○年○遠○別○離○四○時○邊○霧○慘○萬○里○朔○風○
知○草○白○沙○飛○重○雲○黃○見○日○遲○思○鄉○一○歲○內○兩○度○鴈○
聲○悲○

又

溯洞集

卷五

三十

一○望○平○沙○磧○邊○風○日○暮○呼○馬○肥○知○放○草○人○怨○定○吹○
蘆○雨○洗○刀○頭○出○塵○埋○戰○馬○枯○不○銷○千○載○恨○班○血○尚○
模糊○

過居庸關

侵○晨○離○上○國○薄○暮○渡○雄○關○天○險○登○臨○內○皇○圖○指○顧○
間○馬○蹄○銷○白○石○雉○堞○抱○青○山○中○外○今○無○阻○重○門○夜○
不○閉○

魏裔魯

登放鶴亭

一○年○秋○又○半○撫○事○且○啣○杯○慷○慨○存○燕○筑○交○遊○盡○楚○
材○臺○荒○名○戲○馬○水○急○似○奔○雷○落○日○穿○林○去○霜○風○拂○
面○來○

聞主總鎮夾江之捷

昔○日○恢○龍○郡○羌○人○胥○畏○之○碣○樓○巢○已○破○木○塞○火○堪○
炊○陷○陣○身○先○戰○登○峰○馬○不○騎○劍○南○諸○將○帥○露○布○更○
誰○期○

新軒落成

爲○愛○庭○前○綠○山○光○雨○後○烟○杜○鵲○聲○入○座○鸚○鵡○影○翻○

溯洞集

卷五

三十一

天○松○戶○堪○容○膝○蓬○門○止○數○椽○空○齋○無○一○事○苦○誦○少○
陵○編○

魏裔訥

自魏家莊赴順德途次口占

迤○邐○西○南○去○遙○看○黛○色○寒○秋○催○砧○杵○動○霜○染○菊○花○
殘○蟋○蟀○吟○何○苦○征○鴻○影○未○安○岐○塗○隨○老○馬○薄○暮○尚○
蹒○跚○

赴彭城省兄作

同○氣○憐○分○袂○于○今○已○七○年○江○關○千○里○隔○風○雨○寸○心○

懸馬踏延津水書攜大陸烟雲龍山色好相待小
春前

過湯陰望岳武穆廟有感

宗臣挺至性遺廟在湯陰恢復中原志迎還二帝
心權奸沉鬼域忠烈永椒馨桂酒何時奠憑鞍淚
滿襟

欹枕

欹枕何曾寐披衣百感生風颭吼落木沙磧掩孤
城兵燹神州泣蕭條旅夜情牀頭寶劍在拂拂欲

溯洄集

卷五

三十二

悲鳴

渡黃河

脉自崑崙發奔流落海東驚濤千里浪巨艦一帆
風北拱幽燕壯南連汴泗雄懷襄思往事永慕夏
王功

永城道中晚行投宿郭外話前朝事

連水環隄外鞭弭落鏡中暝烟歸澗黑返照映天
紅星與房心接波將淮海通停驂咨遺老興廢感
余衷

馴鶴亭

家竟甫長兄防

亭匿無碍眼竟日對青山不意宰官署如遊泉石
間林幽琴韻冷人靜鶴飛閒千載登臨興相將一
解顏

風

不意京華裏新春日日風幽林鳥羽亂深殿古松
鳴沙觸鬚眉變寒侵短褐輕衙門夙有願擾擾滯
浮名

詠慈仁寺松

溯洄集

卷五

三十三

盤曲多奇狀階前翠色濃樂爲開士友耻受大夫
封潤渴餐朝露清談對晚鐘禪心能似此貝葉總
無庸

報國寺市

百貨臚階砌闐闐車馬來若甘瓦作缶安用玉爲
杯象箸商臣泣綺羅賈傳哀移風思太朴蘭若一
徘徊

蒼然古色命
意落不落羣

東汪別墅

與瓢宜曠野。况復面當山。地僻塵囂遠。林空秋氣閑。槽丘新築壘。蓮社好開顏。尚恨繁華誤。相期早閉關。

又

此地稱荒瘠。名賢古所稀。自余成小废。稍覺有光輝。嗜酒因情洽。談詩入夜微。何人甘枕漱。共著薜蘿衣。

賀劉石帆鄉薦

豎志能堅忍。長安歷幾秋。但珍青玉案。不惜黑貂裘。

溯洄集

卷五

三十四

裴流水音堪奏。凌雲賦已收。曲江春正好。相望策驂騑。

李嘉胤

讀太白詩

雪案披書史。誰憐白也才。暫開妃子笑。長對夜郎哀。仙骨珊珊動。浮名冉冉頽。只應江上月。杯酒脫纖埃。

宿興化院

輿馬頻經險。殘陽到院門。澗翻苔上石。塔掛雨中。

村樹老知朝換。山高見月昏。枯禪逢宿契。相對各無言。

王士禎

新柳

憔悴江潭樹。今年發幾枝。故人天際別。無日不相思。贈別憐新折。攀條惜漸垂。春風送客處。長憶武昌時。

賦得邊馬有歸心

朔風邊草勁。代馬向風嘶。聳耳驚鳴角。哀聲雜鼓。

溯洄集

卷五

三十五

輦天山秋帶雪。瀚海草連泥。落日隨旗影。蕭蕭度隴西。

同劉大田家兄子側泚湖分韻

白雲何歷歷。淥水正悠然。欲奏江南曲。菱花秋可憐。柳陰攢蟹網。絃尾出茶烟。一向空明去。沿洄望渚田。

秋雨

殘燭蕭蕭雨。空堂欲二更。暗蛩喧夜砌。響柝急孤城。敗葉梧桐亂。新寒枕簟生。雲中今夜鴈。噉噉况。

哀鳴

秋猿

寒江風颯颯。松柏雨冥冥。此際猿聲苦。何堪獨夜聽。巴雲迷楚峽。灘月下空舫。萬里悲秋客。孤舟去洞庭。

山頭店曉行

殘星在林樾。積雪滿清流。颯颯孤峰曉。潺潺石澗秋。夢猶京洛客。春入故鄉遊。歲序驚雙鬢。誰能對蒯緱。

溯洄集

卷五

三十六

宿一叔山齋曉起卽事

草堂今夜宿。清夢雜諸峰。不辨羣溪響。遙傳何寺鐘。春禽喧礪戶。涼雨滴杉松。欲竟前山約。烟中好曳筇。

雨止

碧漢歇微雨。美人橫素琴。窓前明月影。洞口綠蘿陰。丘壑結遙想。茅茨清道心。遠聞西澗水。寂寞響空林。

冬曉渡江

江南鷄唱早。舟子報潮生。估舶聞人語。沙洲集鴈聲。寒烟瓜步水。雜樹潤州城。重鎮南徐地。茫茫恨不平。

蒜山

龍宮開別島。石趾入江深。水接南瀛近。山連北固陰。寄奴空壁壘。公瑾罷登臨。顧盼英雄盡。東流自古今。

過丹徒鎮

舟過丹徒鎮。霜楓夾岸稠。潮迴楊子夕。山接秣陵秋。

溯洄集

卷五

三十七

秋斜日低帆影。輕寒閉水樓。江城多戍壘。哀角動新洲。

訪昭明讀書臺

王孫讀書處。梵夾自蕭森。無復維摩室。空餘雙樹林。荒臺梁徑沒。夕景楚江陰。古像悲能在前踪。不可尋。

竹林寺題壁

日暮南城裏。山僧獨自歸。竹林覆殘雪。石礪掩荆扉。行道花常落。焚香鳥自飛。京江泉壑好。朝夕在。

清暉

別焦山

帆影乘流下。冷然別梵音。相逢乞食侶。未愜住山心。紺殿明松日。清江照竹林。長懷焦處士。千載濯塵襟。

臨上詩讀之如清風
謾謾令人塵心都盡

王杼

金陵雜感

南北長江限繁華。數建康。東山千樹碧。西浦片雲

湖汨集

卷五

三十八

黃地險。蟠龍虎臺空。憶鳳凰。屋不堪憑弔。處六代寢園荒。

又

帝城雙闕迥。雲樹望中微。百戰山川在。千官第宅非。井邊槐正落。巷口鴈還飛。回首鍾山路。西風露滿衣。

又

南內凋殘甚。重經御輦過。謀臣橫鐵鎖。壯士泣銅駝。萬戶愁聞詔。三軍盡倒戈。殿前降表出。李昊更

鳴珂

金陵雜感名作如林風
流蘊藉憐民尤為擅場

玉曜升

許九日王鴻調過飲留英閣兼懷周二雲彥
何處倚秋風。千門夜色空。涼生人語外。愁盡酒杯中。峻閣迴江鳥。深更咽砌蟲。徘徊今夜月。燕市照應同。

東村

屋老秋先破。村荒夜獨寒。借書貧不易。完稅熟猶

湖汨集

卷五

三十九

難野服。輕聲鼓。卑棲任羽翰。賞心叢竹在。留選釣魚竿。

貧家涉歷語何以
得之王謝子弟

夏日閒居

不識求閒樂。何如守拙宜。屋茅風任捲。林實雨教垂。椎髻真鴻婦。蓬頭少霸兒。自誇塵累減。五岳儘堪期。

入塞曲

歸來笳鼓競。不數霍將軍。髯點龍庭雪。心懸鳳闕

雲三驅曾有罪百戰敢言勲未許邊烽靜天家早
右文

古朴似杜子美
豪宕似駱賓王

王 摠

登金山寺

八寺復登樓江天望欲浮征帆依岼轉落日逐波
流樹色來瓜步潮聲到石頭憑欄正懷古一笛起
漁舟

謁延陵季子廟

潮河集 卷五

四十

三讓遺風在孤城廟貌新禍雖生骨肉義已正君
臣劍掛空林月碑埋野草春乾坤多涕淚對此重
沾巾

曾 曉

同王仲聚浦口望秣陵

畧見石頭城秋風掃舊京千山俱葉落一浪與雲
平河北新都護江東老步兵勞人易感動鵲鳩莫
先鳴

廟埵

夾石垂楊暮荒村傍水灣漁歌喧古渡樹杪見秋
山血戰蛟龍窟竟招虎豹關何能從謝李醉臥白
雲間

邢溝聞鬼哭

城南繞一戰四望失援師赤日天流血黃昏鬼哭
碑招覓吹角後絕命渡江時不是笙歌地人間恐
未知

赤壁阻兵

晉魏留孤壘江風日暮吹殺人還祀鬼遭亂尙題

潮河集 卷五

四十一

詩枯港殘兵伏沙溪箭鏃遺十年奔走意到此轉
艱危

陳倉口

屯雲層嶺蔽閃閃過南星南星地名漢代遺祠廟高帝
祠在巖關只翠屏戰場烏自起衛士血猶腥萬古真人
氣江山舊勒銘

隴夜搗衣

羌笛關山遠關山屬隴州秦風鐵駟寒高秋懸漆甲盛
暑戴皮冠幕府誰分績將軍未築壇從戎夫婿隔

妾夢敢懷安

又

遼水歸無計。隴山別又多。盛年妾不待。秋色夜如何。築室巢鸚鵡。園田養橐駝。中原直北望。回首是西河。

再赴漢中賦別平西王

向來懷李固

李固墓在漢中

忽已似陳琳。回首間關盡。西歸空好音。春秋無代序。日月總浮沉。不忍趨江海。

王門汚漢深。

溯洞集 卷五

四十二

喜入大孤

此外無天地。湖山入望虛。秋風失彭蠡。霧氣自匡廬。飽聽三邊鴈。歸收萬里書。所親能遠飲。吾弟有園蔬。

歸賦

中原飄泊久。親老且歸耕。井邑無安土。山城尙甲兵。霜花餘蔗畝。風鴈走河聲。子弟不相識。呼童數問名。

丙申送弟燦歸耕烏石壠

每羨西周古。千家尙力耕。高原無與草。春日少人行。鶩鴨空山長。衣冠亂世輕。鹿門歸去早。閉戶自松聲。

新峰偏

何難稱最險。此際命如絲。水悍山難直。舟輕席屢移。岸花飛馬磔。馬磔地名落日指篙師。掩面隨峰轉。翻嫌急浪遲。

折灘

輕生且醉眠。失計下山巔。船自峰頭落。人從浪裏

溯洞集 卷五

四十三

穿春波。傾白雪。石竇迸青天。回首龍巖上。千川與萬川。

午日金山園雜興

海邊天易雨。城外盜如瘡。有市都爲廢。無村不建牙。潮各園皆自設總兵腥風吹虎鬚。官課稅龍蝦。潮多土官稅競渡韓江急。還堪聽暮笳。

姑蘇旅懷

又作吳趨客。南園晚步遲。無風林欲動。落日鳥先知。耽酒留春色。愁眠聽竹枝。此中民力苦。半盡採

桑時

汎浙江

移舟就月影。不寐聽灘聲。木魅鳴風入。江鼉濯甲鳴。雲從天姥亂。潮自富春平。石瀨懸星漢。烟波徹夜明。

中秋臨淄獨酌

作客秋無夜。開樽月近人。關山同此照。齊魯竟誰鄰。古樹前朝寺。殘燈異代身。紛紛陽鳥過。羨爾到江津。

溯河集

卷五

四十四

瑰璋豪宕異才也。西夏居邊陲之地。故多秦聲。然酷似少陵矣。或曰。庭間江右人鄉薦於秦。

申涵煜

登金山

萬樹含秋色。探奇竹杖輕。暗隨幽徑轉。忽見遠山晴。塔動翻江影。天空落鴈聲。蒼然落日外。知是廣陵城。

夜聽周詹初山人彈琴

黃花香。縷索幽。響入寒。更不謂朱絃上。能令萬慮。

清樓高生雨氣。山近滿秋聲。此調君應絕。知非浪得名。

虎丘

古寺寒烟際。郊晴問短筇。船來先見塔。坐定始聞鐘。黃葉連高級。朱欄間老松。平生思勝蹟。延賞惜秋容。

發丹陽暮抵閶門

三日楓橋路。高帆一日回。偶因風力好。遂使客愁開。雙櫓搖江月。千峰度酒盃。夜來經虎埠。燈火照

溯河集

卷五

四十五

樓臺

觀仲於甲午從余遊白雲觀。便有遺世之志。江航草中。遽此四作。令人有王江寧之思。

申涵盼

清明過友人齋頭

一路春烟冷。疎籬帶落暉。沿溪尋野渡。繫馬問柴扉。苔綠侵行屐。花香染客衣。忘機看鳥雀。款款近人飛。

春雪

曉起色冥冥。鄰人戶半扃。冰花迷徑草。簷雪透彫櫺。就煖爐依膝。啼寒鳥聚亭。皓然天地白。已有柳條青。

詩貴有悟然忌色相鏡花水月得其意而已隨叔詩未多作偶以此質之余然天真不染雕繪

王維坤

常山大佛閣

高閣低青靄。登臨慧口懸。春開何代樹。晴俯滿城烟。佛性豈千手。山形小一拳。故鄉渺不見。獨鳥入

溯洄集 卷五

四十六

長天

俊鶴摩天不可羈縈

葉方恒

慰同學諸子

盛子同學也足科鄉薦

濟濟梁園客。論才孰後先。文章吾自主。時命鬼能專。璧昔三年棄。珠今十乘懸。只須看盛子。足可信羣賢。

崔鳴鶯

重陽獨坐

未可舒高眼。繁霜思不禁。蕭疎雲外志。偃蹇病中心。生計憑醇酒。幽懷託素琴。爲儒難稱意。憔悴獨長吟。

冬日村居有懷

積雪晝陰陰。虛齋只掩門。霜花明遠樹。宿霧鎖孤村。豈有千秋業。空令白晝昏。甕頭新酒綠。寂寞獨開樽。

春夜與友人集飲中山

柳絮迎風舞。春花滿正鮮。且將千日酒。同醉杏花天。

溯洄集 卷五

四十七

天。世事慵逾淡。交情老更堅。挑燈話積愫。長夜不知眠。

宿寶泉寺

野寺蒼苔遍。逶迤一徑通。迴廊封茂草。古殿隱疎燈。月洗石牀靜。僧歸別院空。遺泉何處是。烟冷寶蓮宮。

獨酌

且自盡清尊。春光不惜人。年華隨序老。風物逐時新。檻外柳應綠。庭前草似茵。臨軒無限意。不爲嘆

沉淪

新秋聞鴈

蕭颯微涼夜。遙空一鴈嘶。纔聞遠浦外。已復數峰西。天濶看宜小。山長去若低。更深何處落。白露轉淒淒。

李芳涉

千字詞

偽權將軍劉芳亮錄余併郡紳十二人加以曳鋌之刑徵金不已求死不得及賊

溯洄集

卷五

四十八

自薊門敗歸偽官以漸逸去得昇入西山肥鄉偽弁張汝行嗾賊再來殺倡義庠生宋湯齊郭珩王拱宸等爲賊代徵余金余問行至樓裏至頭道河再至中

岩山

權制將軍號胸中未識丁。七情惟有怒。三約總歸刑。廉吏宜先死。方兄或最靈。悔從師友學。悞我一函經。

又

殉難多南士。操戈半武人。疾鳴天震怒。久戍日灰塵。經費先除陌。編年亦効顰。不知枵腹子。何以媚丘民。

鄭茂

蚤春聞布穀

樓高鳴布穀。積雪減春城。不識年華變。惟看徑草生。傷時宜縱酒。用拙似逃名。散帙空窓下。無營意自清。

溯洄集

卷五

四十九

又雨積池頽岸。亭高落遠風。衝泥尋野徑。踏草散幽蟲。宋玉悲何益。稽康懶未工。危橋防馬滑。競渡莫匆匆。

鳧盟再招飲南園賦別

柳合池塘暗。園幽翡翠鳴。溪風涼野榻。人事隔孤城。漉酒閒中醉。披襟物外清。田文高義在。復見古人情。

登叢臺

風雨侵臺綠。憑將舊跡尋。笙歌何處在。徑草逐年深。欲放登臨目。翻勞慷慨心。荒庭看往事。莫自苦行吟。

子勉爲昆仲好友其人沈靜而高韻正令人遠

徐乾學

次宿遷示殿聞雲亭

幸有張平子。還同馬少游。不辭桑落酒。共醉水蘭舟。虹捲荒城暮。鴟鳴古廟秋。餘生老湖海。搖落復何憂。

湖汭集 卷五

五十

虹捲一聯可傳

劉梁嵩

晚泊燕子磯

向晚山更碧。歸舟路轉窮。悲風吹暗樹。寒火出孤蓬。月起江聲急。猿啼客思同。相從頻旅泊。書劍愧西東。

魏杏祥

輓嫂

青鳥卿書至。鸞輿上碧霄。韓九遺虎徹。孟案斷鴻鵠。

調塵入龍章暗。香隨鳳帶飄。音容何處是。那復可爲招。

曹宜溥

閒居偶吟

枳棘棲鸞鳳。何須問羽翰。君王遲夢卜。磻叟尙蒼嚴。大澤魚龍吼。深山虎豹盤。幾時伴簞笠。獨立向嚴灘。

子仁爲厚菴家嗣學有淵源五言卓犖軼羣

魏學渠

湖汭集 卷五

五十一

泛微山湖

不盡扁舟興。中流發櫂歌。青山圍大澤。白日淡微波。芒碭龍蛇沒。淮徐風雨過。十年征戰後。生計在漁簑。

濟上卽事

孤帆隨處泊。歸路半山東。嶺色連齊甸。烽烟入魯宮。人行沙岸雨。燕掠戍樓風。李杜遺踪在。登臨氣象雄。

子存家世忠孝淑氣迎人讀此如見叔度

林雲鳳

韓淮陰廟

韓侯遺廟在過客不勝悲。未請真王印。先收大將旗。功忘百戰後。恩報一餐時。何似清淮上。終身把釣絲。

令人憐王孫
令人恨呂雉

東蔭商

臨洮

金城控上遊。洮水傍城流。阪峻泉多急。山空氣易

朔洞集

卷五

五十二

秋斷雲分遠戍。哀角咽邊樓。萬古防戎地。雄藩獨此州。

蘭州

此地昔全勝。川原今若何。長城連紫塞。奔峽走黃河。風雨殘山在。蒿萊故苑多。五泉尋舊跡。惆悵倚巖阿。

朔洞集卷之五終

清詩朔洞集目錄卷之六

五言律下

陳祚明

二見

北征雜感

三首

中秋夜長安對月有感

送曹秋嶽少司農分藩粵東

送楊猶龍太史分臬

顏泰颺

字慶先始寧人

春暮

寄所親

朔洞集

卷之六

目

秋雨

吳江道中

吳閶舟中贈別金二秉叔

送劉巨津王道原之江右

舟次浦口

二首

舟次京口

魏之佳

字元襲壽光人

遊北固山

侯方域

二見

皓魄

湖上

登江過韓氏園亭

寄平涼兄

胡介 字彥遠仁和人

寒食客舍寄李雲田 二首

葉大緯 字玉峯錢塘人

懷丁叔范 二首

黃祐 字更生邢臺人

永定門

喬鉢 字文承內丘人

澄江卽境

楊繼芳 三見

湖洞集

卷之六

夢題文衡山畫有雲覆高峯白之句起而足

之

雛燕

望嶽

張櫛 三見

登岱 二首

周鏞 二見

寄懷鄭子勉

同申鳬盟花招蒼訪篁溝郝元直

感懷

過黃更生宅有感

賈開宗 二見

過淮浦

歸村舍

顧豹文 二見

春雨遲友

宋犖 二見

舟次立秋

趙修 一見

晚歸別墅

赴晉中宿井陘南臺子

湖洞集

卷之六

許世忠 字常熟

極目

沈九如 二見

昭關

彭楚伯 三見

呂園夏集次覺斯先生

讀鄒南夫子魏公嶼舫詩

讀楊猶龍先生且亭詩 二首

對張天如楊維斗二先生書

廣平晤申鳧盟

魏憲萬招同辨若先生飲其齋中

訪白方玉前輩隱居

清明有感

棲鴉

顧之瑜

字不瑕錢塘人

秋野卽事

王潤民

字雨若保定人

同諸子集飲

魏裔介

三見

游洞集

卷之六

四

九日集樸園

典試山西獲鹿道中漢淮陰侯祠

二首

井陘西瞻白面將軍祠而嘆之

柳墅

過定州觀雪浪石

過定興拜楊椒山墓

送傅掌雷按察東昌

故鄉

送辨若弟歸里

春日憶山中園林寄諸弟

偶感

二首

送宮紫玄歸廣陵

二首

洪瞻劉年丈邀集徐園同猶龍太史青嶠給

諫卽賦

咏螢

送楊猶龍年丈赴晉臬

送友人白青玉歸

春日

送楊冬可守潞

追送田髯淵

丁酉仲春寄猶龍楊方伯

季夏同梁玉立大司馬奏事西苑因詢及秦

游洞集

卷之六

五

早

上獵于南苑恭紀其事

送高念東請告歸里

贈殷伯巖

祈穀陪祀

顧羽士精舍晤閣院李坦園胡予袞沙會清

艾長人諸年丈

二首

春夜陪祀方澤

二首

自安定門旋由水關南望德勝門述目所見

寄梁昭性

春雨有懷

冬日飲半齋卽賦 題申端愍公遺墨

五言排律

嚴 沆 四見

新秋釋奠紀事八韻

秋祭歷代帝王恭紀十韻

賜表忠錄

楊思聖 四見

乙未元日卧病感懷

魏象樞 二見

溯洄集

卷之六

六

送解法周之任池州

沈 荃 三見

戊戌四月恭紀一十六韻

佟國器 字滙白遼東人

覽勝湖山偶賦二十韻 二首

徐元文 字立齋崑山人

大闢恭紀

上祀 太廟迎 駕恭紀

毛 達 四見

釋褐國子監恭謁 先師十二韻

丁 澎 三見

上胡尚書予克先生十六韻

顧龍文 三見

雲山夜雨

堵廷棻 字芥未無錫人

奉檄岱頂淨殿兼視修十八盤鐵鏈述懷十

二韻

錢 棻 字仲茶嘉善人

溯洄集

卷之六

七

寄懷總憲魏石翁年臺二十四韻

和 羹 二見

贈魏石生都憲

李世洽 字君渥東鹿人

悼女八十韻

耿雲嶠 字爾瞻柏鄉人

同魏辨若涵一郊遊三十韻

劉 雲 字望之寧城人

神仙篇

魏裔介 四見

送傳星巖內閣諸假歸里

溯洄集

卷之六

八

溯洄集五言近體卷之六

栢鄉魏裔介石生選評

禹航嚴曾渠方貽校訂
錢唐顧之瑜不瑕

五言近體

陳祚明

北征雜感

梁王城北道入關鎖南河水納紋沂小山連鳧嶧
多空村驚盜賊古壁斷笙歌野宿非於主栖栖意
若何

溯洄集

卷六

又

聞說清淵郭繁華不可求歌鐘連市陌羅綺積山
丘稍稍人烟集荒荒戰伐愁維舟耆舊少風土問
齊謳

又

帆轉天津口清流界獨流魚鹽來海上舟楫聚城
頭萬里人爲市重關鐵作樓依然捩形勝風景不
勝愁

中秋夜長安對月有感

雙闕暮青青。西山倚畫屏。更懸明月照何處。翠華
停。桂子飄仙苑。霓裳奏廣庭。白頭宮監在簫管。夜
深聽。

送曹秋嶽少司農分藩粵東

才大容何易。官遷遠未妨。聲名留北闕。瘴癘且南
荒。雨濕恍慟暗。山空薜荔香。倘能懷五柳。松菊故
蒼蒼。

送楊猶龍太史分臬晉中

芸省資喉舌。河東切股肱。山形連上黨。邊色繞雲

潮洞集 卷六

中。丹筆仍彤管。稽帷試玉聰。訟庭疎吏事。高詠對

梧桐。

山林之人詩易寂寞。非兼才也。微情於遠
遠中有高華。非飽道之腹。烏能如是。包舉

顏泰颺

春暮

薊北軍猶盛。江南春欲歸。深宮首肯暗。荒殿鷓鴣
飛。歲月消金甲。乾坤老布衣。鄉關薄暮望。幾處斷
斜暉。

寄所親

對酒不能飲。思君只淚零。月臨霜降白。山到浙江
青。宿鷺驚沙浦。寒蛩入戶庭。別來難計日。蹤跡况
飄萍。

秋雨

小閣層陰積。秋光雨後殘。涼深疎枕簟。客少罷衣
冠。卧病清狂減。泥途道路難。城南叢桂發。憔悴幾
曾看。

吳江道中

解纜雨初斷。吳江風未平。亂雲猶黯淡。遠嶂欲分

潮洞集 卷六

明。溪近泉聲合。天高海氣清。村村農事急。愧爾野
人情。

吳閶舟中贈別金二秉叔

故人具鷄黍。共醉閶門城。風雨他鄉夢。關河送客
情。銓深臨萬井。月暗飲三更。此去歸宜早。高堂白
髮生。

送劉巨津王道原之江右

五月鵬初鳴。送君江上行。炎風吹浪急。細雨度帆
輕。烽燧連吳楚。間關念舅甥。相思千里外。何日是

歸程

舟次浦口

萬壑奔流急。千帆去國賒。聞鐘知遠寺。落水見人家。宮闕浮雲暗。長河寒日斜。客愁正欲絕。何處起悲笳。

又

水落秋原迥。天高宿霧寒。落鳬翻浪急。羣鷺出雲端。人世雙蓬鬢。江湖一釣竿。關山飄泊客。愁絕獨憑欄。

潮洞集 卷六

四

舟次京口

挂席中流急。風高一葉輕。寒雲沙更白。落木水兼清。寺遠浮屠立。城空畫角鳴。傷心江上月。猶是故鄉明。

魏之佳

遊北固山

共向維揚渡。相攜北固遊。翠來山嶂合。青去海潮收。晴照孤帆遠。寒烟亂樹浮。倚欄頻悵望。不是慨孫劉。

侯方域

皓魄

皓魄清如此。高懸桂影稀。星河疑到地。空翠欲霏衣。夜寂松筠靜。秋深蟋蟀微。遙思成往事。無路問支機。

湖上

臨安行在地。尚有望湖亭。堤柳和烟嫩。山風夾岼青。故宮雙燕子。過水一蜻蜓。可惜葛坡嶺。長愁戰血腥。

潮洞集 卷六

五

澄江過韓氏園亭

不訪幽人去。安知野興長。江城連薜荔。秋色到衣裳。檻外收平楚。杯中落遠檣。登樓一萬里。醉眼卽吾鄉。

寄平涼兄

苦憶風霜地。孤懸鴻鴈心。邊開秦障盡。棧入劍門深。宦署二毛見。田園三徑沉。幸能寬老父。清白著朝簪。

朝宗才氣奔放著有文集盧次梗徐文長不能過也五言近體亦在中盛之間

胡介

寒食客舍寄李雲田

旅○食○逢○寒○食○章○流○接○貢○流○燕○巢○人○異○地○花○雨○客○登○樓○
樓○易○失○三○春○月○難○消○一○徹○裘○陳○蕃○與○徐○羈○往○事○話○南○州○

又

漢○上○雒○諸○李○雲○田○又○不○羣○名○材○同○拔○地○徒○翻○愛○凌○雲○
雲○古○寺○樓○花○發○春○江○夜○雨○聞○秣○陵○應○早○去○桃○葉○久○氤○氲○

蒲洞集

卷六

六

葉大緯

懷丁叔范二首

憶○別○橫○塘○路○秋○深○河○上○原○蒹○葭○空○極○目○風○雨○總○消○
竟○衰○鬟○愁○中○換○離○情○客○裏○煩○遠○遊○徒○磔○磔○羨○爾○在○衡○門○

又

故○人○久○不○見○相○訊○復○何○如○長○日○無○他○事○玄○亭○只○著○書○
書○青○山○春○雨○後○明○月○夜○燈○初○知○有○啣○杯○興○應○憐○踪○跡○疎○

黃祐

永定門

玉○輦○經○行○路○離○宮○夜○幸○時○半○天○聞○鼓○角○夾○道○宿○旌○
旗○樹○暗○重○樓○闔○沙○平○萬○馬○嘶○御○香○應○不○斷○常○待○曉○風○吹○

喬鉢

澄江卽境

日○落○長○江○靜○殘○霜○水○底○明○忽○驚○天○在○下○窺○見○月○翻○
生○空○界○於○茲○透○虛○舟○何○處○行○塊○然○餘○一○物○兩○岸○受○

溯河集

卷六

七

松聲

楊繼芳

夢○題○文○衡○山○畫○有○雲○覆○高○峯○白○之○句○起○而○足○之○

遙○天○烟○沒○盡○曲○岸○水○迴○通○雲○覆○高○峯○白○霜○過○遠○樹○
紅○孤○城○挂○落○日○亂○石○坐○秋○風○不○似○人○間○世○桃○源○如○可○逢○

雛燕

新○巢○未○幾○日○雛○燕○已○毛○豐○嘖○嘖○如○思○母○翩○翩○欲○舞○

風知幾或遠害。守分可全終。莫道依人好。人情自不同。

望嶽

山容原自遠。仰眺勢猶雄。石潤青無極。烟虛靜可通。雲雷嘗在下。日月出其中。遙想天門上。時吹萬里風。

張櫟

登岱

千古登封地。森森御嶂松。渾龐浮一氣。浩蕩俯羣

溯洄集

卷六

八

峯洞口晨光異。天邊鳥道重。凌風恣遠眺。蒼海白雲濃。

又

石徑通霄漢。泉聲驚暗雷。風來諸壑動。雲散亂峰開。玉簡沉荒草。殘碑蝕古苔。空山明月落。霜滿望仙臺。

周鎬

寄懷鄭子勉

雲急正秋天。涼風過雁前。路長不百里。書斷已三

年。君種康成草。我栽茂叔蓮。故人清興發。烟雨上湖船。

同申息盟苑括蒼訪篁溝郝元直

鶯花迷客路。數里入篁溝。雲白村西寺。烟深柳下樓。讀書增道氣。習靜畏時流。相見同人少。爲歡十日留。

感懷

薄俗時人好。摧殘老布衣。鬚眉七尺是。肝膽十年非。風斷秋花冷。雲寒雁影稀。吳鉤常自按。豈肯素

溯洄集

卷六

九

心違

過黃更生宅有感

亂瓦埋荒砌。淒涼宅舍空。故人方宿草。朋輩各秋風。子去關河外。妻留風雨中。相逢皆意氣。誰肯念孤窮。

賈開宗

過淮浦

已棄君平世。猶來問舊間。依然流水岸。尙有故人居。事業雙杯酒。行藏數卷書。并州已十載。客興復

何如。

歸村舍

尚有丘園在。蒹葭到壁茨。凌晨望野火。玄夜聽啼鴟。亂自無秣糗。荒應斷肉糜。鹿門妻子慰。何處用愁咨。

顧豹文

春雨遲友

車馬紛紜地。烟霞且自閑。僧留魚子過。人寄藥苗還。石路從雲濕。松扉爲雨關。憑軒曾久待。的的望南山。

湖洞集 卷六

十

南山

宋 肇

舟次立秋

流火萬方同。虛舟納好風。南山終隱豹。北地見征鴻。河勢憑天白。蓼花逐岸紅。年年搖落意。自分避牆東。

趙 修

晚歸別墅

策馬沙堤上。橋梁大小橫。林深歸鳥靜。風細著衣

輕。落日依山暮。紅霞過水明。行來烟霧遠。回首直孤城。

赴晉中宿井陘南臺子

晉陽何處是。舉目皆崇巖。陡陁穿雲轉。歸鴉夾岬過。松梢虛挂月。塔影倒懸河。止宿荒臺上。愴然拂劍歌。

許世忠

極目

天上雲如石。船頭浪作花。官堤連復斷。魚港直還

湖洞集 卷六

十一

斜。曉日一株柳。晴空數點鴉。秋風歸客思。極目浩無涯。

無涯

沈九如

昭關

天塹連吳楚。山城接水濱。悲歌江上出。忠孝客邊身。有劍酬恩怨。無書悉主臣。閭閻差可意。不負此關津。

彭楚伯

呂園夜集次登斯先生韻

園亭清夏。慮烟水護柴扉。曲檻花爭簇。高牆鳥獨飛。雨過新沼徹。林薄亂山圍。招隱年來事。休傷客路違。

讀鄒南夫子魏公嶼舫詩

秋風連夜雨。嘉意寄遙思。理靜文成奧。心清氣自宜。雕蟲輕薄技。鳴鳳重光儀。近代何能匹。官商性所師。

讀楊猶龍先生且亭詩

風雅宗前代。揮毫樹廣論。羣音聞共奏。衆慮渺爲

潮洞集

卷六

十二

言簡策文難滅。丘墳字盡存。清秋雲氣肅。歌吹滿林園。

又

幾日秋風發。華堂月色媚。洞庭探異蹟。薄海勒奇篇。燈火分長夜。詩書樂盛年。晴窓搖竹影。曉露濕寒烟。

對張天如楊維斗二先生書

風流悲喪亂。曠義未堪泯。禮樂成儀鳳。春秋絕獲麟。古篇誰漢魏。廣覽識周秦。岐路楊朱淚。應知獨

苦辛。

廣平晤申鳧監

風流勞夢想。十載一登堂。山海多奇字。鼎彝發異香。入林期把臂。對月欲連床。雨雪情深日。清言破渺茫。

魏憲萬招同辦若先生飲其齋中

循盟思舊約。并轡到高軒。草發新鶯囀。花明古石蹲。三年傷別緒。十日慕平原。良夜占星聚。吾徒信有緣。

潮洞集

卷六

十三

訪白方玉前輩隱居

靜止尋高隱。深居見故人。京華思舊好。岐路又良辰。采藥來山麓。編書列逸民。非熊應有夢。載汝大河濱。

清明有感 時在柏鄉

失路悲遊子。傷心念墓田。鳴禽聲切切。石馬自年年。廣陌驚新柳。荒郊送紙錢。鄉關遙一奠。風木恨終天。

棲鴉

羣飛何處去。星月向南林。遶樹棲無定。空巢反哺心。寒冬多雨雪。靜夜有哀吟。愁極翻增恨。高枝冷色深。

顧之瑜

秋野卽事

亦○有○好○崖○客○同○居○數○十○家○誅○茅○留○徑○窄○編○竹○夾○門○
斜○山○樹○吹○紅○葉○溪○田○漲○白○沙○杖○藜○看○父○老○搔○首○悵○
天○涯○

王潤民

朔湖集

卷六

十四

同諸子集飲

鳥啼園更靜。草淺漸眠麋。詩酒憐陶杜。疎狂任阮
稽。飲酣傾琥珀。視遠仗玻璃。長嘯歸林樾。村烟冒
暮堤。

魏裔介

九日集樸園

移樽登小閣。雲物晚來清。烟外霜砧落。霞前白雁
橫。寒山吞落日。流水匝孤城。登眺悲今古。長吟賴
友生。

典試山西獲鹿道中過漢淮陰侯祠

大漢承天運。偉哉命世才。土門赤幟出。河朔陣雲
開。相背豈君意。假王是禍胎。未央鐘室血。憤懣有
餘哀。

又

咄咄○崩○通○討○豈○知○烈○士○行○秘○謀○羞○絳○灌○武○畧○失○良○
平○漢○世○無○茅○土○中○原○幾○戰○爭○拜○瞻○遺○像○肅○古○廟○近○
荒○城○

井陘西瞻白面將軍祠而歎之

朔湖集

卷六

十五

漢軍輕轉戰。天數豈能爭。身死井陘口。人傳白面
名。亂山堆落日。古木竄寒飈。可恨左車子。區區尙
戀生。

柳墅

雨後林園好。寒臨見翠屏。荒城平野出。孤樹斷霞
停。地僻桑麻長。人閑鷄犬寧。濁醪慰父老。努力事
郊垌。

過定州觀雪浪石

不有坡公識。誰知雪浪名。鴻濛歸片碣。江漢入清

聲勝蹟金元變奇懷涕泪橫地經百戰後无稼滿山城

過定興拜楊椒山墓

何世無龍比哀君王佐姿孤墳留易水碧血黯荒祠正氣無今古招魂有歲時白溝舊戰壘樵徑野風吹

送傅掌雷按察東昌

中年多坎壈同志惜離羣吹角東藩日藏書大陸雲素心誰共數佳夢必能分莫作長沙賦相期有

溯洞集

卷六

十六

聖君

故鄉

故鄉雖慕爾傳是栢人城烏噪蕭王廟地連亞子營屠孤有趙魏戰代弔元明何日名心盡依依事耦耕

送辦若弟歸里

薄俗耻高隱歸與其若何寒雲起涿鹿秋色滿滹沱執手聲中淚離腸醉復歌山中方努力中歲易蹉跎

春日憶山中園林寄諸弟

雪霽長安道風吹遊子顏高齋春不暖獨臥夢常開古樹家寒鳥白雲鎖夜山同胞應念我何處下松關

偶感

地是先王地人多兩代人威儀新氣色蹀躞舊風塵貂錦華元老流離繪小臣九重獨業業朝夕易欽降

又

溯洞集

卷六

十七

曠覽何時盡狂歌忽有人天維尊五嶽地勢重三秦文字銷今古干戈怨鬼神誰爲調燮者水旱恤遺民

送宮紫玄歸廣陵

秋盡寒山出旅人不可留劍光衝暮雨霜氣冷征裘薊北黃金貴淮南桂樹幽送君從此始濯足大江流

又

出處關千古君歸意若何酒徒燕市散海色廣陵

多○世○事○憐○匆○狗○吾○生○愛○薜○蘿○草○堂○春○雨○足○蒔○藥○養○
天○和○

淇○瞻○劉○年○丈○邀○集○徐○園○同○循○龍○太○史○青○嶠○給○

諫○卽○賦○

縱○下○憂○時○淚○何○妨○醉○碧○岑○虛○檐○侵○鳥○道○危○檻○迫○濤○
音○晚○水○斜○陽○照○高○城○岸○柳○陰○忽○驚○雙○鬢○老○燒○燭○共○
長○吟○

咏○螢○

入○室○復○依○檐○凌○空○不○碍○簾○偏○宜○秋○徑○澹○豈○愛○暑○風○

湖○洞○集○

卷○六○

十○八○

炎○高○下○疑○星○墜○參○差○畏○露○霏○孤○光○甘○一○燭○不○敢○効○
幽○潛○

送○楊○猶○龍○年○丈○赴○晉○臬○

十○載○稱○良○友○胡○爲○四○牡○駢○無○言○可○用○贈○有○淚○欲○同○
揮○出○處○既○如○此○文○章○寧○遂○微○芳○名○各○自○保○庶○共○美○
荷○衣○

送○友○人○白○青○玉○歸○

故○園○一○片○月○相○照○共○生○平○儉○歲○無○憂○色○山○田○惟○力○
耕○床○頭○留○舊○醪○世○事○盡○浮○名○余○亦○明○年○去○閒○看○春○

草○生○

春○日○

上○駢○畢○南○苑○閱○武○行○蒐○禮○召○廷○臣○恭○視○賜○宴○

行○宮○各○賦○詩○應○制○

海○甸○春○風○滿○昆○池○瑞○氣○開○六○師○貔○虎○動○八○陣○軒○轅○
來○魚○藻○歌○周○譙○金○莖○賜○漢○杯○修○文○兼○耀○武○天○眷○懋○
隆○哉○

送○楊○冬○可○守○潞○安○

冬○官○初○罷○草○劇○郡○待○謳○歌○祖○帳○傾○華○省○高○車○到○薜○

湖○洞○集○

卷○六○

十○九○

蘿○地○連○關○陝○近○山○入○太○行○多○此○日○女○紅○急○勞○來○意○
若○何○

追○送○田○鬲○淵○

數○日○勞○鞅○掌○悵○然○君○遠○行○飛○蝗○殘○晚○稼○積○雨○黯○秋○
城○前○路○龜○山○蔽○孤○舟○吳○月○并○華○堂○有○醴○酒○誰○與○共○
啼○鶯○

丁○酉○仲○春○寄○猶○龍○楊○方○伯○

老○髮○欲○成○絲○寒○威○春○病○知○五○更○常○憶○友○三○載○不○論○
詩○白○馬○黃○河○渡○襜○車○嵩○岳○陞○莫○言○方○伯○易○豫○土○有○

瘡痍

季夏同梁玉立大司馬奏事西苑因詢及秦

旱

昨爽趨西苑沿溪欲到天。喬雲拂曉闕。雨色靜芳
年。啓事分曹進。嘉言並座聯。更端詢稼穡。憂早在
秦川。

上獵於南苑恭紀

凌晨謁黃幄。烟中雨露微。過橋平野濶。吹角絳旗
威。雲破饑鷹出。草鳴鐵騎歸。天顏思喜起。作賦

湖洞集

卷六

二十

漫光輝

送高念東請告歸里

澹然無世慮。秋雨茂陵人。偶爾華簪脫。何妨藥裏
親。青山好曳杖。新月漫垂綸。舊有丹丘侶。應同卧
草茵。

贈殷伯巖

不作淮南令。歸來事桔槔。名山多杖履。田舍有風
騷。爽氣虬鬚動。清言河漢高。卜隣已有願。終共隱
蓬蒿。

祈穀陪祀

農務肇嘉禮。鸞輿出鳳樓。威儀肅漢典。甲仗控吳
鉤。暖氣回春律。精城備庶羞。豐年欣有咏。端拱可
垂旒。

顧羽士精舍晤閣院李坦園胡予袞沙會清

艾長人諸年丈

曲徑逶迤入。香燈花外幽。春風峭不暖。梅蕊暗初
浮。世事雲霞變。仙箇歲月收。當年投分友。高會古
丹丘。

湖洞集

卷六

二十一

又

虛樓直人外。豁達來天風。如在吾廬下。更聞遠寺
鐘。思深歸未得。氣靜偶相逢。問夜無暇寐。雲中望
六龍。

春夜陪祀方澤

方澤近城陰。春來爽氣侵。鐘聲雲外轉。柳色雪中
沈。侍衛迎華輦。星燈照夜林。馨香唯主德。作頌繼
元音。

又

南郊復北澤。嘉禮肅冠簪。已賜豐年瑞。復聞大雅音。風和噓古柳。夜寂見橫參。明發同奔走。懷丹欲獻箴。

自安定門旋。山水關南望。德勝門述目。所見曉。曉映朝。朝瞰人家野。水村樓殘遺。堞立寺廢古。鐘存解凍春。雲漾呼鷹獵。馬馴干戈息。數載猶有哭聲吞。

寄梁昭性

爾汝當年契。于今情倍殷。高齋留舊墨。春柳寄停

湖洞集 卷六

二十二

雲朗照何時。醉清心得妙。聞平生燕趙氣。慷慨惜離羣。

春雨有懷

晨夕但陰陰。泥潦小徑侵。茶烟騰鶴背。花氣伏蟲心。風動牕如雪。雲深野失禽。曠然懷雅操。清響出高林。

冬日飲半齋卽賦

言念蓴羹美。君恩未可違。故人相對飲。明月照烏飛。雪色歸青鬢。梅花發舊幃。明年更有約。火樹燦

春衣

題申端愍公遺墨

伊人不可見。書卷若爲逢。蘭氣芬幽谷。秋雲澹碧空。佳言總玉屑。墨妙亦垂虹。古道誰相似。平原憶魯公。

湖洞集

卷六

二十三

五言排律

嚴沆

新秋釋奠紀事八韻

館課

於樂開東序。明禋及早秋。贊門星欲曙。壁水露還流。祭藻清泉潔。陳牲旨酒柔。烟寒庭廡潤。風肅鼓鐘幽。莖夏棧金僭。箭韶舞羽周。苾芬升黍稷。盼饗答柴禋。息馬看論道。環橋值獻囚。趨陪欽聖澤。文物滿皇州。

秋祭歷代帝王恭紀十韻

湖洞集

卷六

二十四

闕宮崇秩事。西陸逮秋成。一氣通羣帝。千年拱上京。乾坤留道法。盼饗合寅清。鳳曆傳天位。龍旗萃兩楹。晷旒凝露氣。劍履肅風聲。華黍瑤簋列。香雲寶鼎生。純義登俎重。玄水上尊明。秉瓚欽金震。升階錫玉鳴。編鐘宣啓筦。八佾舞咸莖。克配看昭假。高齊萬古名。

賜表忠錄

在宥乘龍御。鳴陽想鳳臣。臨軒褒指佞。異世感批鱗。白獸樽宜滿。蒼鷹羽不馴。籌邊謀故老。請劍氣

能伸再疏懸星日。孤忠泣鬼神。不辭留折檻。偏欲

問埋輪。跋扈櫻持斧。威稜抗秉鈞。清霜憐謫戍。碧

血竟投身。氣迥山河在。文傳象緯新。正逢求駿骨。

重喜下龍綸。毅魄泉壤懷。雄篇勒素筠。借才寧

往代。通夢憶斯人。卷帙頌青瑣。光華耿玉宸。片

言榮袞蔽。陳列受陶甄。仗馬鳴何異。寒蟬耻並真。

會聞韜鐸起。日贊帝堂春。

楊思聖

乙未元日臥病感懷

湖洞集

卷六

二十五

錯料吾生事。韶華迨此晨。人情誰念舊。物態各懷新。病體朝難謂。中心困不伸。沉憂迷歲月。踴躍走風塵。婚嫁緣多累。功名夢未真。何當逢道泰。莫卽耻家貧。山徑烟蘿隔。海天鼓角振。行藏虛攬鏡。身世負垂綸。幾歷金門曙。依然韋曲春。鶯花私上苑。車馬塞平津。獨有楊雲宅。玄成羞自陳。

魏象樞

送解法周之任池州

一陽傳令節。中夜氣孳孳。小雪推寒蓋。停雲護老

枝。正當求友日。恰際拜官時。太守推人望。司農邁等夷。文章須豹變。風格自魚麗。作珮思蘭茝。防身問蒺藜。昭明遺舊蹟。杜牧有前規。書賦登南國。麟符出右螭。蒼生方欲起。長吏更何爲。每矢清如水。休辭苦若飴。催科王事急。撫字內廷知。政以桑麻見。情同婦子嘻。敢忘三尺法。永報百年慈。北鴈書難寄。爲熊夢可期。寒帷周綠野。賜服憶丹墀。先濟陽舉卓。愛馬先祛。靈觀風只採。詩九華青兀兀。二水白漓漓。願爾追廉范。憑人說項斯。虎狼能寂

淵淵集

卷六

二十六

寬髮髮各差池。碑上功名淺。亭前聚散遲。贈言千古意。聘老是吾師。

沈荃

戊戌四月恭紀一十六韻

象齒收南服。梯航引越裳。懷柔真遠畧。納款自遐方。禮重康侯錫。恩加具信王。春卿賁寶勅。學士捧宸章。武偃威靈電。文敷德化長。銘碑標百粵。旌節照三湘。槎比張騫汎。遊同陸賈裝。還朝多燕喜。回路有輝光。擁蓋臨河汴。停軒及許昌。華筵開

憲府。雅爵坐南牀。上相皆鸞峙。羣僚儼雁行。和風搖晚幕。靈雨降春桑。聖澤流逾溥。天休感未央。蚤看江海晏。彌重股肱良。旣醉稱魚麗。留歡卜露瀼。微躬忝嘉會。優渥最難忘。

佟國器

覽勝湖山偶賦二十韻

北闕承新簡。南虔蒞浙疆。高牙開曉岫。文旆肅青霜。運際堦平盛。名隨黼座揚。安民勤問俗。諮治屢觀鄉。入越山川壯。連吳道路長。近郊聊覽勝。出郭

潮洲集

卷六

二十七

偶浮觴。西子湖如鏡。蘇公樹遶塘。錦雲春作綺。蓮浦夏傳芳。霽嶺丹楓艷。寒花凍雨香。烟霞藏澗壑。瀟爽著風篁。龍井泉聲細。林亭鶴夢涼。流鶯朝度柳。嶠雪夜歸航。麴院颺無暑。潭心月有芒。魚波溶瀲灩。松影矗蒼蒼。雲合雙峰迥。鐘疎水一方。晴江看灝淼。雉堞亘輝煌。簫鼓遊人意。桑麻婦子糧。畫圖懸景槩。撫字念醫瘡。夙秉澄清志。今爲廊廟綱。擬將屈海靖。敷奏報君王。

又

萬邦咸輯玉。率土盡承天。廟算各神畧。長籌注漸
邊。星分牛斗際。地綰越吳全。百戰遺前烈。方剛假
獨賢。江山千里秀。鎖鑰幾人肩。要郡都濱海。雄兵
習控弦。烽烟傳經窟。樓櫓接鯨川。甌嶺初欣捷。蛟
門歛進旌。羽書紛絡繹。徵會積駢闐。曲突猶疑後。
綢繆敢慶先。王威既聲討。仁愛亟昭宣。濟以招徠
術。惟期反測還。飛揚誰泮集。鐵騎可饒旋。舊星安
耕鑿。新疇服幹田。鶯花春月酒。蘭漿晚湖船。碧浪
連青靄。平蕪浥露鮮。取涼常傍竹。選勝每題箋。執

潮涸集

卷六

二十九

掌民瘼事。登臨物外緣。幸能逢宴豫。仍計恤顛連。
帝闕頻瞻仰。丹心香漢懸。

徐元文

大閱恭紀

帝治澄河岳。宸謨儼宴安。德威揚絕徼。震疊靖遐
瀾。秋彌三驅整。春田萬族歡。御場開北陸。左纛試
師干。仗簇雷霆耀。鉦提日月寒。魚麗銜勁尾。鶴翼
迅飛翰。咨命登方叔。經綸統夏官。羅人收果毅。鼓
吏習駢桓。地用龍爲馬。車攻駁振鸞。董蒲青鐵簇。

蜀錦紫絲盤。條忽羣增翠。須臾九旆丹。林花鮮欲
墮。山果苑相攢。太白精芒躍。招搖爽氣蟠。順時昭
敵愾。誓伏戢兵端。猛士常分守。雄兵職控搏。開鐘
歸壁澤。脫劍掃瑤壇。永衛英風肅。挺垓大道寬。止
戈元有象。忘戰每持難。將拜華貂服。軍需琥珀盤。
觀揚尊哲后。奕代式弘觀。

上祀 太廟迎 駕恭紀

曆數承天序。山河表地中。顯謨昌奕葉。峻烈廓併
幪。皇極均元始。神靈際昊穹。差哉嚴太廟。靜謐位

潮涸集

卷六

二十九

清宮。左个青陽啟。齋衣紺飾充。履端陳法駕。來道
盡呼嵩。肅肅騶駟整。鞞鞞鵷鷺翀。雙楹輝鎮玉。列
廡報遺弓。冊是川淵寶。琴爲華霍桐。嗣孫虔主鬯。
孝享薦民豐。九土歡娛集。千官志氣通。龍旂春繞
電。麟定夙趨風。瑞鼎璠璣彩。宗彝琥珀融。精誠孚
至德。被濯拜重瞳。禮樂驅周頌。梯航狹禹功。艱難
思創業。續述卜長隆。祝嘏申詞妥。開炮受福同。殷
雷聯五輅。湛露答羣公。警蹕旋黃道。簫韶應碧空。
聖慈觴萬壽。祥靄宿珠璣。

毛達

釋褐國子監恭謁先師十二韻

風來從虎變。雷動蟄龍驚。先聖留遺古。諸生拜賜榮。丘園光束帛。庠序列千旌。盛薦觀顯若。循牆類捧盈。步雲依日月。望海識蓬瀛。祭菜傳千祀。酌杯歷兩楹。文章食舊德。世業啟平生。碩彥尊明志。前賢重達行。一朝同譽髦。四國蔚耆英。欲卜天心泰。先占吾道亨。聖朝崇理學。多士樂功名。幽壑無綸隱。中天已鳳鳴。

朔河集

卷六

三十

丁澎

上胡尚書予袁先生十六韻

上苑司彤管。中臺倚重臣。趨朝常聽履。入直儼垂紳。北斗開天象。東封紀帝巡。文章原吏部。出納近楓宸。牧馬庭多暇。題輿意轉新。揮毫珠錯落。拾俊玉嶙峋。秘省圖書重。天顏密勿親。談經高碣石。開閣小平津。日射銅池曉。花迎紫禁春。作箴懷傳奕。著史續崔駰。扶日鶴班並。含香雉尾馴。殿中多啟沃。池上有絲綸。紫氣瞻雙闕。蒼生寄一身。長

陪宣室席每望屬車塵。殊錫懸靈壽。逢時異渭濱。聖朝看喜起。歌頌答臣鄰。

顧龍文

雲山夜雨

空山晨夕雨。客旅倍凄然。夜久爐應燼。更寒漏不傳。梵移僧寺火。響落碧溪烟。雲氣千巖濕。江聲萬樹懸。剋風驚宿鳥。複嶺下飛泉。嵐重腥迷屋。林深寔接天。撫觴嗟獨旦。破夢發陳編。白髮經年歲。消磨是此邊。

朔河集

卷六

三十一

堵廷藻

奉檄岱頂淨殿兼視修十八盤鐵鏈述懷十

二韻

列嶽稱東長。分星指角推。天縈周觀紫。日射漢封開。汶濟交羣派。滄溟動一杯。文章千古記。玉帛萬方來。吳越微茫認。燕齊指顧猜。履冰承異命。陟峻感坤垓。物育皆生烝。材成識厚培。鷹愁通幻竅。馬歇仰崔嵬。峭級懸梯嶓。金繩斷雪苔。持危靈構接。汎愛谷春回。虎步超雲棧。龍銓轉澗雷。罡風蒼嶺

遠帝女五山迴

錢 茶

寄懷總憲魏石翁年臺二十四韻

昌期開聖世。間氣獨呼嘯。賜履標恒岳。承家啟大名。悲歌來趙郡。慷慨應星精。筆露秋垂潤。詞源峽倒傾。燃藜誇子政。削簡授陽城。指佞神羊觸。匡時威鳳鳴。言多關主德。疏必恤民生。紫禁三千牘。丹心一寸誠。掄才同相馬。侍從快聞鶯。滄浪鵬擊。遇天鵬。鵬橫崇階升。獨坐峻業裕。調羹赤棒羣僚。

衡河集

卷六

三十二

悚紅綃百辟驚。除封今魏相。引裾古玄成。國紀資鈞石。朝章賴玉衡。明良占漢頌。喜起叶虞賡。麟閣將來繪。鷄壇當日盟。雲泥傷契濶。車笠嘆分行。瞻斗南林肅。逃名東海耕。窮途狂阮籍。虛左禮侯嬴。飛蓋空樽酒。論詩共短檠。青雲羞驥尾。白雪愧鸞聲。歲月烟花澹。江湖芳草清。懷人思管葛。彈劍慕高荆。遙望沙堤路。彌深杳日情。

和 羹

贈魏石生都憲

熙時開憲節。丹景曜崇銓。喉舌三公寄。絲綸五玉

全。花磚白鳳吐。繡闥紫霞聯。望以摘詞重。名隨起草傳。垣梧秋漏永。溫樹夜鐘懸。折檻光先詔。櫻簪羨後賢。寵深唐鸞鷟。威著漢鷹鷂。岌岌丘山峻。澄澄沔水漣。臯夔司舜日。禹稷重堯天。堂老專枚卜。孤卿試鼎鑄。掄材資國儲。采訪備經筵。桃李中原屬。蒲櫟比郡連。拔茅慙學淺。筮仕愧才偏。久被裁雲帳。長規點露篇。光依鄰斗下。潤接邇波前。韋術題能類。山濤欣欲箋。敢言深似鼠。願效潔于蟬。亞

衡河集

卷六

三十三

相惟寅亮。羣工稟肅虔。謀猷垂史竹。勛業在褒烟。金筋行將錫。貽謀世德妍。

李世洽

悼女八十韻

今古無窮恨。酸辛并集時。弱孫方輟哭。嬌女又橫眉。七月孫既殤。不信俄旬日。竟成長別離。荒荒天女旋得疾。問遠望望返。覓遲細憶十年事。悲吟百感詞。翻疑拾紫易。偏覺孕珠奇。筮仕叨彭澤。趨庭只袁師。未生長兒。髻鬢度辟咤。鳩竹倚堦墀。熊兆急難吐。纔八歲。

施徵聊可期。感祥乘織室。謫妾下河涓。女生以七歲
談陳瓜菓針。穿結壽絲命。各承右咳。假序乞分慈。
女行一假友人方子。賺笑援頤頰。微言辨喔咿。纔
諸女稱序故行三。能勝踉拜。即喜讓榛梨。俸薄常烹菲。官貧每減飴。
不誇知六七。已定識無之。共羨幽蘭質。殊憐刻玉
姿。崎嶇還里舍。生分認姑姨。輦轂風光近。鄉關服
食宜。趨朝驚夢寐。退燕問威儀。郎署原清暇。高軒
辱委蛇。穴屏探客貌。秉笏學命噓。剪髮鬚犀角。垂
璫稱素願。縱橫羅筆墨。曲折面果恩。左賦騰姻族。

潮涸集

卷六

三十四

溫臺耀閭楣。大梁福遠胃。郎上峻華支。採菲慚邪
莒。施蘿附晉姬。石生魏公謬有朱陳之約迎翁來席戶。繞母乞
瓊璫。起伏能閑雅。周旋絕忸怩。絮鹽才應爾。閨閣
秀何其。句讀兼求義。臨書亦染池。聞當役齊魯。問
可便追隨。行餉蓮爲贐。歸誇菊滿籬。彭城新簡
命。燕路舊征羈。掌穎恒持護。郊蓬任轉移。星霜挽
睡起。雨雪冒寒馳。驛次需糕餌。車中紉杜籬。計程
詢近遠。望道識旌旗。行李饒瞻矚。風塵藉慰嬉。成
人矜儼是。慧性實非夷。宛轉承親旨。更端折婢紕。

摘花留半葢。數果記高枝。對鏡嫺膏沐。藏鈞妙解
披。素箋臨月寫。紅袖惜風吹。度夏炎蒸骨。凌秋濕
沁脾。三旬憂姪殆。十起慰兄疲。殤墜災難遣。芻靈
禍更罹。呻吟彌永夜。藥石廢餐糜。漸漸訛妖夢。看
看窘俗醫。獻方多不驗。問卜乃無知。強起挂香惜。
庭前桂蕊初發。強共出視。頻勞鶴羽窺。署有二鶴
自嘆尚能及。見花開否。頻勞鶴羽窺。署有二鶴
病中猶憑窓忘倦。夢娘重疊喚。使令咄嗟罷。撫弟
還顰笑。期兄只孝思。閒奩看弄具。檢篋換新綦。絲
色親分畫衣。襦悉指麾。先夕即與家人訣。凡紫羅

潮涸集

卷六

三十五

貽母訣。珍珥任檀施。任世因緣已。浮生夢幻而不
哀。因淚竭。無怖豈覓癡。曠已仍張目。含餘更吐辭。
叮嚀申眷眷。骨肉願怡怡。已曠且含。俄吐珠視久
復孝親愛弟。狠藉餘九散。參差賸梳匣。殉環緣風
果抱聘結來。茲聘時替珥。悉以玉化成烟霧。香銷
爐惠芝。人間猶仗溫泉路。尚依誰。宵鼠侵肴案。寒
蛩泣總帷。一靈馮婢舌。再宿訴幽岐。覲面薄如歷。
聽言始信兒。既殮憑一婢行行煎恨血。寸寸斷腸
詩。旅櫬愁孤泊。荒涼料忍饑。瀕行焚刻楮。振緝莫

離卮。燧道依台祖。魍狸不爾欺。我哀猶暫解。母哭
奈無期。可有生來再。惟應夢與持。幾回看影悞。俄
爾聽聲疑。淚眼迎花落。愁心觸緒悲。感應騰鶴市。
痛欲勒鷄碑。可惜聰明枉。難將笑語追。淒涼百事
懶。惆悵五更滋。阿寄傷何極。元樊痛亞斯。有情終
一慟。此恨直千期。

余兒勸聘李公女。謂得佳婦不
意溘然讀此詩。爲謝庭惆悵。

耿雲嶠

同魏辨若渥一郊遊

溯洞集

卷六

三十六

尋歡出北郭。豪興逼寒烟。人生雕鞍上。馬奔柳陌
前行雲。聚復散。飛鳥去仍還。傍水瞻平野。登橋望
遠阡。小春天尚暖。短晝日初偏。玉海推敲字。錦囊
次第篇。絲鞭隨指示。銀鹿任周旋。鳳閣家臨趙。金
臺氣蓋燕。朔風迎面冷。霜葉滿林懸。未卜分花縣。
恍疑到酒泉。雄心社鼓雅。况命繁絃巨。口饒鱗
細。玄裳鶴羽翩。猷爲如反掌。經濟豈空拳。憇息方
停棹。行厨又整筵。言歸情未已。休報夕陽遷。

劉雲

神仙篇

採藥攀危險。尋師渡海遙。但能常靜篤。何用遠塵
囂。道向靈臺覓。丹從密戶燒。齋心浴日慧。恭已運
星杓。絳闕飛天鏡。滄溟起夜潮。鶴唳青山曙。龍吟
赤水漈。紅霞鎖碧落。翠靄籠晨霄。虛谷黃芽長。晴
空白雪飄。駐顏超浩劫。煉魄匪崇朝。倏變羽人質。
俄聞太乙招。聳身遊滄溟。揮手入清寥。聞苑謁王
母。蓬萊訪子喬。上征凌倒景。降望御回巖。

魏喬介

溯洞集

卷六

三十七

送傅星巖內閣請假歸里

魁榜羣英伏。調元天下安。朴誠結聖主。直亮著
朝端。大手推燕許。雄文繼孟韓。拔茅連衆正。距脫
斥羣姦。胸是羅星斗。人曾慕鳳鸞。慇懃思俊乂。流
涕問艱難。張幄天顏近。披圖霜月寒。心齋併危微。
口實得琅玕。寵賚君恩渥。仰瞻民力寬。教騎龍廐
馬。常與大官餐。壯節嶙峋峻。詩思河漢濶。百工修
雅度。蒼赤滌瑕癥。疆場銷燧燧。宗祏定石磐。蕭疎
耻溫飽。豁達見心肝。負米情何痛。焚膏惜自乾。曠

懷無遠瑣尊足有躊躇。悵望宸楓遠。遲回白露漙。
將循波浩蕩。卽向岫噴。憶昔觀光日。同遊白虎。
觀步趨文石陛。于今一紀看。相期學稷契。寧敢比。
其驪。言別多騷屑。臨風寄苦酸。西山戍草草。東野。
馬。嗶嗶鞭撻猶未已。貪婪豈盡抗。每慚亞相職。無。
補惠文冠。坐望軒車至。蒸黎起瘁殘。厦旃時論道。
葵藿共抒丹。莫學陶朱氏。五湖歸去漫。

溯洄集五言排律卷之六終

溯洄集 卷六

三十八

清詩溯洄集目錄卷之七

七言律

梁清標 四見

望椒山先生墓

寄諸兄弟

送施長也比部守紹興

慰友人居塞外

贈胡體舜年兄撫治郎襄

寄津年兄書來却寄

送宋玉叔僉憲之任隴西

溯洄集 卷之七

贈胡蒼恒備兵洮岷

送高念東年兄假歸淄川省覲

望三屯營 贈俠少年

送吳先生赴河東參藩蓋舊遊地也

寄懷呂見齋宗伯兼訊湯餅之喜

夏日漫書次家少宰韻

輓胡體舜年兄 二首

楊思聖 四見

潼關

過驪山觀湯泉 西安懷古

次喬文衣上元集春雪齋韻

魏石生年丈新起書屋携喬文衣晚過納涼

送喬文衣之任萊州兼訊王玄芝諸年丈

卜築 不寐

登太原城樓 卽事

瓜州 秋懷

杜芳 四見

登牖臺 重遊子路墳志感

溯洄集

卷之七

初秋以事留滑侯武雲台生祠經旬雨

答友

癸未冬出京聞賊陷西安

冬至 懷歸

南歸 入山

閒日詠

嚴沆 五見

駕幸瀛臺侍從恭紀

寒食出永定門掃祖墓有感

贈張仲若前輩出鎮宣雲

贈魏石生都憲

送龔芝麓先生使粵東

送郭玄菴分守大同

懷季天中遼左

高珩 字念東淄川人

送官紫玄歸海陵

杜立德 字純一寶坻人

世祖皇帝哀詩

溯洄集

卷之七

陳煥 字公朗孟津人

平西王提師入蜀 入覲詩 二首

郊望

王大捷 二見

贈友出使越中秋仲還朝 二首

龔鼎孳 三見

送宮孳玄年翁 玉山舟行趨饒江

廬陵紀事 春日遊粵秀山

登滕王閣兼美蔡中丞修復

劉達

字淇瞻濟縣人

先皇退升哀輓

二首

送盛公退任高平

舟中有感

魏象樞

三見

送王近徵少叅分守慶陽

哭昭華先生

嚴正矩

三見

遊禹門

次涑川驛

趙賓

二見

湖洞集

卷之七

四

先農壇

登太仵山

送彭禹舉赴湖南幕府

同李芳洲遊高梁橋

秋日過劉超凡邸中

送周宿來出守括蒼

張文光

三見

九月八日喜禹峯至

懷李龍衮

送季天中秋日東行

送李蓮舟致政歸里

二首

懷楊猶龍太史分轄豫中

飲泗州譙樓

二首

施閔章

二見

陪祀郊壇

元夕

季開生

字天中泰興人

秋晚同王敬哉梁玉立諸公登鏡秋臺有感

二首

至卧佛寺同年友周伯衡

二首

述懷

湖洞集

卷之七

五

清源舟中賦送座師洪相公經畧西南

五日卽事同長松兄說分弟

許作梅

二見

燕京秋思

四首

決口

胡文學

二見

讀總憲魏石生先生評選觀始詩集燕臺文

選

登真定大佛閣

成性 二見

謁諸葛武侯祠墓

李世洽 二見

呂梁洪

鄧侯宅

歌風臺

孔胤樾 三見

真定大悲閣

秋閨

柯聳 二見

卜隣願慰屬詠情深卽席賦詩

溯洄集

卷之七

六

顧大申 三見

送魏竟甫明府遷龍安寺

毛達 五見

次日又引見乾清門下 上諭以再三引見

無非憐才至意外一體各宜自勉無負

培植 天語諄切退朝志感

送熊嘉會通判懷來

篋中檢杜詩

擬冬至郊祀大赦應制

獵雪

憶曉園寄家叔弟

擬元旦輯瑞應制

擬元旦早朝應制

送別伍芻偶年兄司李順慶

過鞏華城

過昌平望陵墓

鵲水

申涵光 四見

登城南水閣步張覆輿韻

步伯巖韻

寄西山張覆輿王都降殷伯巖張上若

溯洄集

卷之七

七

春郊

田茂遇 字翳淵華亭人

燕臺漫興 二首

周肇 三見

金陵憶舊

岳王墳

吳受 字修齡太倉人

田齊

魏

趙

燕

吳

越

秦

蜀漢

隋

燕山懷古

蜂

倭刀

病馬

燈花

留侯

子陵

空林鬼嘯

哀蘭

血

朱紹鳳

二見

感懷

二首

溯洞集

卷之七

八

蔡中丞重修滕王閣賦紀

王廣心

字伊人華亭人

冬至

季振宜

三見

送兄謫戍過通州河

送別顧子蒨來

三首

西曹忽得家書

顧如華

字西嶽漢川人

宿鄴城南同澹山

沈荃

四見

戊戌六月直指李公驄馬將北同僚諸子送河

上賦詩言別即席次韻益美許田戡亂之伐也

周體觀

字伯衡遵化人

荅魏環極

吳洪

三見

詠洛陽古跡

汴梁感懷

燕京雜興

五首

大兵次磁州

銀灣

王元晉

二見

溯洞集

卷之七

九

漂母祠懷古

淮上晚發感賦

戒首夜泊值雨

田駐壽春見衢燈高懸賦此時元宵前二日

暮行天長道中

摩訶庵

魏裔魯

二見

黃樓落成

雨中同李兵憲周計部登黃樓

馴鶴亭

邊城晏歲

春雨課蔬兼示雪涓

送徐叅府勦寇成都

王總鎮三路進兵捷寄至龍感而賦贈聊作

凱歌

魏裔訥 四見

重建黃樓詩為家兄敬甫吟

燕臺漫興 二首

重陽日趙季茂招飲薄暮同登高廟拈得十

三元 二首

溯洄集

卷之七

十

王士禛 四見

潤州懷古

登金山

天津

渡易水遇下南師

淮安新城有感 二首

述樓懷古 二首

文選樓懷古

秋柳

秋日漫興 八首

王 揆 字端士太倉人

寧陵道中大雪

銅雀臺遺跡

春日村居次異公弟韻

金陵感舊

汴梁感舊

贈大總戎梁公

溯洄集

卷之七

十一

溯洞集七言律詩

栢鄉魏裔介石生選評

禹航嚴曾架方貽
錢唐顧之瑜不瑕
校訂

七言律

梁清標

望椒山先生墓

曾讀遺書嘆直臣。遙肝極望更沾巾。一身生死留
天地。兩疏淋漓泣鬼神。鳥集墓門名不忝。鶴歸華
表恨如新。行行立馬秋風急。杯酒何年薦澗蘋。

溯洞集

卷七

寄諸兄弟

葱蔥雲樹帝城浮。濁浪衝沙動白溝。霜落蒹葭河
朔早。風高禾黍太行秋。詞場空老庾開府。鄉里曾
稱馬少游。剩有青氍寒漸入。賦成遊子數登樓。

送施長也比部守紹興

朱旛裊裊送君行。百里諸侯負弩迎。蘭渚舊臨逸
少宅。春潮自落越王城。花深臥閣啼鶯緩。雨入芳
湖縱櫂輕。久領西曹推砥柱。東南待奏海波平。
慰友人居塞外

生別妻孥出塞門。嚴城哀角動黃昏。文章自昔憎

時命。痛哭終當感至尊。漢吏多持廷尉法。中朝誰
舉鮑生旂。此行學道君宜進。不必投詩弔屈原。

贈胡體舜年兄撫治鄖襄

擁旄曾破黑山戎。南國重看節鉞雄。戲下六千君
子卒。幕中萬里大王風。身當江漢稱名鎮。帝念
甘陳有舊功。軍府烽銷常緩帶。好從峴首憶羊公。

寄津年兄書來却寄

幾夜屋梁照月虛。燭光新剪覩雙魚。經年去國風

溯洞集

卷七

前淚。一紙懷人塞上書。善病閉門親藥裹。感恩牽

犢種新畬漢家早。晚開宣室好待金鷄下玉除。

送宋玉叔僉憲之任隴西兼學政及茶馬

吹角蕭蕭出塞雄。雙旌遙下暮雲中。錦裘行部衝
邊雪。清嘯登樓對朔風。牧豎飯牛諸葛壘。巢烏哺
子隗囂宮。少陵此地詩篇在。千載何人綵筆同。

贈胡蒼恒備兵洮岷

開府西羌擁佩刀。關河形勝自臨洮。雁飛汝水蒼
葭冷。雪壓秦山太白高。塞上秋風聞戍策。幕中春

酒醉葡萄。懸知青海無傳箭。露布文成弄彩毫。

送高念東年兄假歸淄川省親

東歸棹臂問山靈。擾擾何人嘆獨醒。滄海初迴高士駕。少微今傍戴筐星。數開蓬徑看欄藥。閒就晴牕著酒經。乘興過從曾不厭。幾時重訪艸玄亭。

望三屯營

塞門刀斗徹宵聞。此地曾傳上將勲。列嶂千山明斥候。當風一劒動星文。沙寒咒吼林端月。雪盡鵬盤戰後雲。當日燕然留片石。百年誰繼戚將軍。

朔河集

卷七

三

贈俠少年

錦裘年少曼胡纓。萬里辭家事遠征。結客中原推劇孟。和歌燕市識荆卿。笑看玉劒千人廢。顧盼黃金一諾輕。破賊歸來芳艸綠。翩翩白馬獵春城。

送吳先生赴河東叅藩蓋舊遊地也

數載江湖汗漫期。先生意氣重當時。孤虛夜半譚兵畧。吐納朝來學鍊師。驛路霜清寒角動。河梁雪霽暮旌遲。股肱舊屬河東郡。保障功成聖主知。

寄懷呂見齋宗伯兼訊湯餅之喜

儒臣未老碧山居。頗怪今年斷鯉魚。同舍弟兄多聚散。懸車門巷自清虛。須求懷內宜男艸。莫作田間種豆書。學道知君齊寵辱。別來戰勝竟何如。

夏日漫書次家少宰韵

官閒清晝簿書稀。無語開軒坐落暉。征稅東南連歲急。烽烟嶺海幾人歸。禾真久負三山約。閉戶從知萬事非。遙憶西疇新雨足。韓河月冷舊漁磯。

輓胡體舜年兄

勞臣已抱文園病。制府猶傳詔墨溫。峴首有碑餘涕淚。成都無產付兒孫。千年空返遼陽鶴。萬里誰招楚澤魂。愧我素車難執紼。臨風掩泣對黃昏。

朔河集

卷七

四

又

十載中丞仗鉞勞。笑譚每自許龍韜。賜衣乍冷新貂錦。報主猶存舊寶刀。雨灑孤墳春艸暮。沙飛戰地陣雲高。傷心尚憶臨岐日。看劒燕山醉濁膠。

楊思聖

潼關

飛樓千尺啓重垣。列柵連營勢尚存。但使將軍高

壁壘。豈令戎馬。寇關門。城連華岳。嵐烟合郭。遶黃河。沙戍昏。慚愧從來。稱設險。哀笳。羌笛。滿中原。

過驪山觀湯泉

繡嶺春迴。雲樹陰。六龍想像翠華臨。朝元閣。啓翠
愚曉。賜浴池。開警蹕。深。誰使笳聲。鳴朔漠。何來烽
火。照高林。遊人枉憶當年事。山色泉聲。自古今。

西安懷古

艸色萋萋。滿漢官。山川憑眺杳難同。金莖朝渴仙
盤露。錦纜春。收畫鷁。風。古道從來。迷渭水。行人何

湖洞集

卷七

五

處識新豐。驚心城闕。蕭條暮。落日寒烟。恨不窮。

次喬文承上元集春雪齋韵

佳節輕寒。雪作花。圍爐小閣。隱燈紗。客懷易感難
成醉。老友相看。卽是家。但遣金門。閒白日。何須絕
域問丹砂。可憐此夜。笙歌劇。握手同驚。兩鬢華。

魏石生年丈新起書屋。攜喬文承晚過納涼。
聞君築室報新成。相訪無煩禮數迎。脫帽狂呼星
欲曙。携琴密坐月初生。剝來鮭菜諳鄉味。行傍花
欄隔世情。稍待西風消息近。何辭百罰倒深觥。

送喬文承之任萊州兼訊王玄芝諸年丈

楊柳風吹遊子顏。東萊馬首隔燕關。一生宦跡多
瀕海。到處奚囊不厭山。春老鶯花誰共醉。夢迴島
嶼幾時還。故人儻憶長安客。爲報踈狂鬢已斑。

卜築

一官蕭散會投閒。卜築何妨近古闌。病裏關門開
古帙。塵中驅馬見西山。驚傳鄉信風濤惡。愁聽軍
聲道路艱。况值年光催雨雪。猿啼鶴怨幾時還。
不寐

湖洞集

卷七

六

輾轉中宵客計忙。訟庭寂寞怨年芳。五更迴夢析
聲咽。千里望鄉關路長。職在平反常自念。畧於筆
墨許誰狂。無端忽下憂時淚。滿眼江湖不易藏。

登太原城樓

樓臺面面駕長空。落日平臨雉堞雄。檻外群山連
大陸。簷間一水下河東。驚沙自振飛狐口。蔓草空
繁帝子宮。聞道昔時多戰伐。西來風火徹雲中。

卽事

西風蕭瑟促流光。愁病何堪滯晉陽。抱贖可容高

吏臥吟詩真減老夫狂。鴈聲墜地綠邊郡。秋色連天下。太行誰識年來爲客苦。自憐無夢到家鄉。

瓜州

芙蓉露冷暗香銷。仗劍從遊客路遙。落日人歸京口雨。孤帆風打廣陵潮。大江水濶魚龍會。澤國秋深鴈鶩驕。擊楫祇今誰士雅。白頭空自老漁樵。

秋懷

流滯何心歌採芝。疎風吹髮影絲絲。向從亂後偏多感。每到秋來倍有思。久客未須輕薄祿。無才焉

湖汨集

卷七

七

敢怨明時。身疑暮鳥歸林晚。栖息強因借一枝。

杜芳

登嘯臺

無事獨吞酒百杯。夜深嘯到孫登臺。插空草木浮天起。撲影星河捲地來。明月啼猿千嶂合。蒼松流水萬川開。一絃曲上人何許。此日偏憐阮籍才。

重遊子路墳志感

半壁虛堂門自鎖。依稀景物失前時。天疎綠樹風聲怒。草淡黃花日影悲。野鳥驚人飛古瓦。亂雲倚

砌護殘碑。千秋衛事誰能問。感慨於今重所思。

初秋以事留滑侯武雲台生祠經旬雨

獨坐書空亦何有。荒祠秋氣總難聞。情隨落木風前葉。夢遶寒山雨後雲。白雪舊遊雙睥睨。青尊時事一氤氳。浮沉老大誰堪此。況復蕭蕭送鴈群。

答友

數尺茅堂覆小園。幾年于此避塵喧。非緣明月無同調。除却閑雲不到門。此日多君來尺素。異時誰復過高軒。都來感慨無窮事。一醉床頭老瓦盆。

湖汨集

卷七

八

癸未冬出京聞賊陷西安

烽火西京羽檄難。關泥函谷倒封丸。誰人誤國中。原盡此地連兵右。臂單高廟有靈還。三尺明庭無策問。千官尋常匹馬燕山道。白雪朔雲不欲看。

冬至

氣轉黃鐘物候明。旅懷靜閉夜三更。年華都向愁中盡。人事偏驚物外生。心已成灰因律起。日緣初放見天晴。安能速使陽和遍。肆樂復同亞歲情。

懷歸

半載求官猶布衣。黃金已盡不能歸。秋風管破三更夢。孤鴻頻有萬里飛。蔡澤咨嗟奪上相。魯連談笑解重圍。幾因劇夢言如此。又悔青山有是非。

南歸

情起秋風爲鱸魚。那能天上待吹嘘。一鉅未脫三千穎。六國空歸十萬書。松徑再斟陶令酒。梅花都上灞橋驢。黃梁夢醒人何處。騎鶴揚州笑不如。

入山

四海一肩一擔老。纔然脫得此山居。爲憐偶日都

溯洄集

卷七

九

無曆且喜齊民亦有書。雲止多緣山意嬾。天開時見水心虛。漫尋多種桃千樹。便是武陵如不如。

閒日咏

石頭半枕簾床冷。曉到羲皇知那年。架上風翻書到眼。窓前日定鳥窺箋。綠和流水竹間樹。白點青山雲外天。幾咏藥籠尋不見。兒童引至野花邊。

嚴沆

駕幸瀛臺侍從恭紀 第課

翠蓋龍旗入建章。啼鶯百轉柳初黃。昆池水泮三

山近。阿閣花深九陌香。徑轉虹梁通紫極。庭含玉樹隱霓裳。待臣緩步隨鸞輅。同上應看集鳳凰。

寒食出永定門掃祖墓有感

逢時端欲重清明。宋末兼容拜九原。可是牛眠瞻祖德。能留馬鬣亦恩。翻悲故國先靈遠。何處青山落日昏。老母肩輿聊悵望。百年親爲剪蘋蘩。

贈張仲若前輩中鎮宣雲

唐時北築受降城。千甲雲中上將營。此日名王多款塞。不勞天子更論兵。詔書數問籌充國。表

溯洄集

卷七

十

餌何妨試賈生。到日師旋聞虎拜。彤墀燕喜玉樽清。

贈魏石生都憲

春風簪筆禁庭趨。亞相名高汲大夫。自有封章陳十漸。從來詞賦準三都。深花西掖來馳馬。列柏南臺起夕烏。退食從容愛圖史。過從轍迹總吾徒。

送龔芝麓先生使粵東

栖遲不厭直長楊。叱馭何辭百粵荒。瘴癘重過韓愈嶺。琴書豈是陸生裝。借秦封事傳青史。論蜀雄

文倚皂囊遙想題詩同子建海陽庭畔萬山蒼

送郭玄菴分守大同

何嗟作牧遠楓宸爭識明庭獻納臣白豹城頭
懷諫獵飛狐谷口問理時趨朝久憶同青瑱惜別
他時感綠蘋聖主終能恩淚黯即看曳履鳳墀
濱

懷季天中遼左

萬里邊城問謫居躬耕遼海意何如龍沙更作投
湘賦鳳闕長懸諫獵書鳴絲流漸春水下醫閭積

溯洄集

卷七

十一

雪暮寒餘柳條漸識陽和近未必君恩雨露疎

風流儒雅
珮玉鳴鸞

高珩

送宮紫玄歸海陵

好友相訂賦遂初長竿歸釣孟諸魚紅香塵裏休
回首黃葉村中欲卜居蘇管遺祠桑落盡維摩抱
病貝多書紫清自是瓊臺客一卷琴心應起予

杜立德

世祖皇帝哀詩

紫躔星望老人存明作千秋今莫論昆水鉦聲方

絕響長楊風水已黃昏河山拱北瓊居矗雲錦徠
西天馬屯鼎鑄燕湖成此日深山誰不涕深恩

又

玉輦遙傳仙路茫朝端猶誦舊周行穀翁蠶母通
寰極輯瑞承纁闕八荒殿迥瀛臺雪樹在橋停龍
舳雨風長千年化土思誰創景宿朱霞綬萬方

陳曠

平西王提師入蜀

溯洄集

卷七

十二

帝命親承蜀道來芙蓉夜嘯五丁開連山壁壘元
戎畧鼓角風雲上將臺地入瀘江看喙伏威行八
郡戴星廻馬頭羅拜邊氛淨黃石成符貫斗魁

入覲詩

朝天重仰黼雲高帝里煙光憶彩毫金殿爐香清
午漏玉河官柳舊綈袍馬頭晨路千門月鳧影秋
風五夜禱敢說席前酬問切周南已久念民勞

又

去國三年傍主恩又携清珮入楓宸雙龍遙帶秦

川樹一騎重沾冀。北塵上苑鶯聲雲外囀。長亭芳草望中新。夢來時繞春明月。猶向天涯說比隣。

郊望

清風習習宿雲收。極目郊原四望秋。岱嶽鬱蔥連綠野。濟河浩淼接青疇。鋤犁已散干戈氣。禾黍全消閭井愁。載筆卽看書大有。何須更拜富民侯。

王大捷

贈友出使越中秋仲還朝

絡繹王程浙水涯。東南民力省輪蹄。峰峰煙笏迎

湖洞集

卷七

十三

僊佩片片湖光印紫泥。八月人驚河渚客。五雲望重斗牛齊。稔知流水高山調。帝簡夔龍應在此。

又

皇華周道日遲遲。傳吏行春食委蛇。江岸蘆花帆口浪。蘇堤柳絮櫓牙絲。自維魚水明良契。敢負圭璋特達知。幾曲驪歌何所贈。端揆願繪鄭圖書。

龔鼎華

送宮紫玄年翁

秋盡盧龍畫角哀。朔雲宮樹晚登臺。六朝丘壑無

名士。列國文章起霸才。龍腹可容滄海臥。鳳毛又見碧山開。爲宗衮武承也十年奏賦長楊地。忍聽驪駒陌上催。

玉山舟行趨饒江

亂葦寒沙斷客魂。鳴鷄呶水車喧。地經層嶂天疑黑。峽闕中流浪卽翻。白晝弓刀防伏虎。孤舟江國伴啼猿。淒涼野飯虛葵藿。何似田家老瓦盆。

廬陵紀事

章貢爭流大壑中。孤城殘照萬山通。愁看赭壁盤

湖洞集

卷七

十四

蒼鼠舊有黃蒿泣暮鴻。遺逸幾逢青眼待。滄桑猶幸赤眉空。解懸急望寬征歛。莫放川原鼓角雄。

春日遊粵秀山

木棉花爛四山紅。春晝攀蘿到梵宮。樹色迴浮樓觀日。經聲晴捲海潮風。香銷歌舞珠簾外。頭白登臨戰馬中。臺上鷓鴣啼碧草。霸圖猶憶昔人雄。

登滕王閣兼美蔡中丞修復

燕去朱門落照深。龍沙風雨未全沈。檻空吳楚高城日。天入悲歡獨立心。鐵戟烟銷臺榭出。風潮蓬

起柁樓陰。千秋開府憐才意。莫遣鳴笳蔓棘侵。

劉達

先皇遐升哀輓

獵騎回宮羽士休。連宵恭默罷宸遊。哀鐘半夜出長樂。遺詔三更下鳳樓。月落烏啼霜欲墮。鼎成龍去髯空留。東方豈出人爭訝。垂象何曾蒼瘠修。

又

聖主憂勤志未酬。親覩玉几意夷猶。不忘宗社垂長計。何忍臣民痛莫留。南花春愁新柳暗。西山壑

溯洄集

卷七

十五

冷暮雲稠。開疆萬里臨中外。一日哀音遍九州。

送盛公選任高平

澤潞名封需大賢。喜君懷抱正翩翩。朝廷恩愛原無已。百姓瘡痍何日痊。海內誰人猶弄盾。荒村幾處見殘煙。相持不下別離淚。努力明時各勉旃。

舟中有感

扁舟不及一身輕。飄泊年來萬里情。問渡何人思擊楫。見山誰不愛逃名。風前霜色迷鷗影。雨後蘆花催鴈聲。漢月楚江空有恨。哀猿隔岸與愁橫。

魏象樞

送王近微少叅分守慶陽

腰○下○吳○鉤○久○不○懸○。重○看○壽○戟○出○幽○燕○。神○明○有○定○詩○。堪○筮○功○令○無○私○宦○。亦○仙○評○吏○夜○張○青○玉○案○。省○耕○春○駐○白○雲○。阡○明○年○鴈○叫○桑○乾○曲○。知○和○先○生○第○幾○篇○。

哭昭華先生

昔○年○未○去○身○猶○健○。昨○夜○空○傷○萬○里○魂○。海○上○鱷○魚○駭○。白○日○庭○前○鵬○鳥○下○。黃○昏○遺○書○暗○灑○孤○臣○血○。垂○死○仍○啣○故○國○恩○。最○是○聖○朝○容○直○諫○。許○君○骸○骨○葬○平○原○。

溯洄集

卷七

十六

昭華忠節夙著卒見知于聖明此作足使幽光吐氣

嚴正矩

遊禹門

五○丁○開○鑿○百○靈○憂○。石○裂○重○崖○鎖○巨○流○。峭○壁○千○尋○夾○。面○立○洪○河○九○曲○一○門○。收○天○關○激○浪○蛟○龍○吼○。地○軸○迴○。清○日○月○浮○。萬○古○禹○功○思○不○盡○。縱○觀○瀾○若○水○悠○悠○。

次涑川驛

古○驛○摧○頽○落○照○邊○。蘼○蕪○深○鎖○草○芊○芊○。荒○村○有○屋○依○。陶○穴○墟○井○何○人○種○。石○田○鴻○鴈○幾○時○來○。北○地○鷓○鴒○終○。

日度南天兒。童走倅。知司馬無慮。迷津問涑川。

趙賓

先農壇

華道青青草色侵。鶯聲隔苑散空林。雲霞縹緲西山出。檜栢森沉白晝陰。元日君臣求黍稷。百年壇坫歷遼金。不堪頽仰成今古。薄暮東風冷客襟。

登大伾山

藤蘿沐雨覆山梁。翠縷盤空接大行。禹貢黃河流大伾。漢家瓠子塞宣房。嶽松祠宿千年鶴。海客帆

溯河集

卷七

十七

開萬里航。財賦中原民力竭。可堪歲歲事隄防。

送彭禹峰赴湖南幕府

十年烽火照昆明。虎韞琬弓壯此行。丞相平淮須記室。通侯定遠本書生。春深幕府朱旗閃。戰勝饒歌畫角鳴。金馬碧鷄他日事。漢家銅柱舊崢嶸。

同李芳洲遊高梁橋

燕市勞勞夢未閒。晴郊策馬縱幽攀。聽鶯屢坐高低樹。帶雨遙看遠近山。澗水千年流碧色。林花幾度老朱顏。故園河岸煙雲滿。卜築垂綸占一灣。

秋日過劉超凡邸中

超凡由國子轉比部司務。貧不能餽數椽。結茅署中。僅倍方丈。應門無五尺童子。余過而賦之。

草徑蕭條驟雨鳴。短衣匹馬滯燕京。白頭官舍無僮僕。黃綬生涯仗友生。六館人材曾問字。一簾燈火自傳經。梧桐葉落秋風早。久客愁聽蟋蟀聲。

超凡竟以貧困而死。此作足以傳之。

送周宿來出守括蒼

溯河集

卷七

十八

五馬凌辰嘶建章。風流太守出含香。當時七子推司寇。天下名山數括蒼。畫閣花開調鶴舞。空庭吏散看雲翔。春深按節行諸邑。爲問青田舊草堂。

張文光

九月八日喜禹峰至

蘇門別後幾經霜。異地音書各渺茫。握手十年纔一夕。驚心明日又重陽。江湖月冷魚龍臥。邊塞風高鴈鷺翔。欲問元龍天下計。漫言中散舊時狂。

懷李龍克

天○高○野○戍○鴈○聲○長○月○滿○邊○城○海○霧○黃○別○後○幾○時○雙○
涕○淚○殊○方○經○歲○半○冰○霜○自○甘○白○髮○爲○遷○客○誰○道○青○
山○非○故○鄉○迢○遞○夢○魂○千○萬○里○思○君○一○夜○到○龍○荒○

送李天中秋日東行

千○山○落○日○淡○高○旻○萬○里○秋○風○促○去○輪○自○是○聖○朝○
無○闕○事○何○妨○天○末○有○孤○臣○霜○侵○列○戍○猿○聲○急○雲○捲○
平○沙○月○影○新○我○亦○梧○桐○花○下○客○至○今○魂○夢○媿○斯○人○

送呂蓮舟致政歸里

賦○罷○歸○來○便○是○仙○蕭○蕭○匹○馬○入○秋○煙○門○前○預○種○先○

溯洄集 卷七

十九

生○柳○郭○外○全○無○季○子○田○興○至○花○邊○垂○竹○釣○醉○餘○月○
下○枕○書○眠○獨○傷○留○滯○周○南○客○皓○首○驅○馳○尚○未○旋○

又

落○日○燕○山○鴻○鴈○鳴○送○君○轉○動○故○鄉○情○迴○看○桑○海○同○
朝○暮○細○數○交○遊○半○死○生○梁○花○梅○花○風○未○綻○隋○堤○柳○
色○雨○初○晴○何○緣○得○踐○縣○車○釣○携○手○林○間○踏○月○明○

懷楊猶龍太史分轄豫中

嵩○峰○拔○地○壓○羣○蠻○紫○氣○中○原○翹○首○看○一○代○人○推○周○
召○伯○千○秋○名○重○漢○長○安○香○分○上○苑○薇○花○好○翠○滴○空○

庭○玉○樹○寒○杯○酒○懷○人○明○月○夜○幾○迴○沉○醉○石○欄○干○

飲泗州譙樓

危○樓○四○顧○遠○蒼○茫○寥○落○人○煙○舊○帝○鄉○棟○接○層○霄○雲○
氣○出○檐○垂○半○壁○雨○聲○涼○民○間○蒿○里○同○陵○寢○世○外○桃○
源○盡○戰○場○滿○目○山○川○須○痛○醉○乾○坤○今○古○有○斜○陽○

又

迴○合○山○光○入○望○虛○淹○留○杯○酒○意○何○如○雲○深○古○木○藏○
金○刹○雨○過○諸○陵○冷○玉○魚○楚○國○久○傳○烽○火○地○漢○家○誰○
上○治○安○書○可○憐○河○畔○青○青○草○白○露○西○風○鴻○鴈○呼○

溯洄集 卷七

二十

施閏章

陪祀郊壇

紫○壇○田○燭○曉○氤○氲○拜○舞○衣○冠○鷄○鷩○分○碧○殿○朱○堯○列○
宿○繞○黃○鐘○清○磬○九○霄○聞○雪○澄○河○漢○光○連○海○柴○望○天○
門○氣○作○雲○肅○穆○祠○官○能○備○物○馨○香○還○賴○聖○明○君○

元夕

燕○臺○夜○永○鼓○逢○逢○蠟○炬○金○樽○爛○熳○紅○列○第○侯○王○飛○
輦○出○九○衢○士○女○踏○歌○中○華○燈○遠○照○城○陰○雪○火○樹○能○
禁○塞○北○風○惟○有○一○天○明○月○好○他○鄉○故○國○此○宵○同○

李開生

秋晚同王敬哉梁玉立諸公登鏡秋臺有感
秋晚同登萬里臺。高峰古寺鬱崔嵬。秦關跨嶺雲
相續。易水當軒月正來。鐘磬數重杯底聽。芙蓉千
疊鏡中開。下方多少笙歌地。漠漠寒煙畫角哀。

又

可憐國事誤拘儒。漫說幽州古壯圖。異代粧樓飄
敗瓦。先朝享殿鎖寒蕪。潮歸極海孤鴻返。雲盡空
霄獨鶴呼。回首江南烽未息。羽書愁繞酒家壚。

潮洞集

卷七

二十一

至臥佛寺同年友周伯衡

悵望豐碑臨圯寺。懸泉當路映人涼。巖虛孤兔平
華表。塔破塵煙漲石床。高樹離陽收岫紫。蒼苔經
雨送萍香。客心正在聞鐘後。斷壑飛青出女牆。

又

殘山破寺逢僧病。幽瀑深林帶日涼。亂疊芙蓉懸
絕澗。雙吹泉雨灑孤床。銅龍夜咽梧枝老。野鶴冥
投貝葉香。猶愛白雲無倦色。相依古佛臥空牆。

迷懷

漢庭誰與薦雄文。花漏終將隔五雲。游倦旅人難

縱飲。憂深諫草欲重焚。鐘浮古寺懸龍角。第落荒
城空鴈群。更訝江門峰未息。征南簫鼓正紛紛。

清源河中賦送座師洪相公經略西南

元戎十乘自天行。烽火西南立可平。念及戢綬非
黠武。時將清晏視專征。旌旗日射鯨蛇色。笳鼓秋
翻江漢聲。馬上讀書還草檄。還聞奏凱動神京。

五日卽事同長松兄詵弓弟

休嗟遊子倦天涯。兄弟相攜一似家。雲附詞壇垂

潮洞集

卷七

二十二

白雪夜分歌板映青霞。杯浮蒲影盧龍酒。瓶薦蘭
芬陸羽茶。共憶老親當令節。誰扶拄杖看榴花。

天中豪情亮節言事無所避忌其好賢不
倦對之若期月投懷昔與同事樞垣每承
推獎詩思超逸無一點塵煙雲供養追美
文董不幸徘徊衣急召雖光生玉樓而詞壇
削色今錄其佚帙
以誌人琴之感

許作梅

燕京秋思

蒼涼原說古幽州。自昔皇都控上游。晝接鷄鸞多
舊侶。夜聞笳鼓動新愁。玉河仍瀉樓臺影。琴峽還

隨園塞流莫倚崆峒看明月朔雲無數暗吳鉤

又

九月九日風景好滿街車馬赴慈仁凌雲棲鶴枝
依舊跨馬垂貂眼一新北去居庸悲九塞西連韋
杜憶三秦尋秋有閣還登望萬疊雲山置此身

又

文皇定鼎古漁陽遙望金堤是汴梁二百餘年同
感慨三千里外獨蒼茫天空草木開沙漠城繞山
川俯大荒宮殿岿然煙霧鎖斜暉立馬暫傍徨

溯洞集

卷七

二十三

又

參差苑柳裊晴空魚鑰初開桂殿風南海暫臨看
御幄西山遥望隔高楓昭陽樹色千門動長樂鐘
聲萬戶通翹首鳳城新氣象夜闌惆悵舊菁蔥

決口

水泛金堤泊岸秋才遺皮骨盡洪流青林未老門
前柳黃鳥長啼河上洲禹甸玄圭猶有恨漢家璧
馬未沈憂霜寒又見南飛鴈似向西風怨不休

胡文學

讀總憲魏石生先生評選觀始詩集燕臺文

選

功業文章兩盛時姚韓絕勝既兼之憲邦早奏清
風穆秉德還歌白雪奇砥柱三唐登雅頌摠裁四
部拭尊羹南憲快讀融心果何異親承塵尾揮

登真定大佛閣

寶刹崔嵬百尺樓登臨遠眺晚風秋開軒恒岳春
雲起入檻滹沱平野流燈火萬家稱巨鎮香花數
塔照丹丘叅禪未得逢僧語栢子庭前古趙州

溯洞集

卷七

二十四

成性

謁諸葛武侯祠墓

漢室河山代既遷武侯名字肅垂髫出師二表傳
千古定業三分話一朝吳魏有人非勁敵高光無
運起炎苗長吟絕響稱梁父壁上琴聲未寂寥

李世洽

呂梁洪

龍門鑿後險如何曾道洪懸于仞波流沫當年驚
汨沒安瀾此日狎鼉鼉滄桑始信麻姑傳璧馬徒

聞瓠子歌俯仰山川幾變易可禁人事若翻河

歌風臺

置酒高歌昔沛公故鄉父老喜來同還家湯沐瞻
隆準立國規模振大風泗水湯湯餘王氣戚山靄
靄尙春融蕭疎惟有臺前柳日拂鴻溝水向東

鄧侯宅

丞相經營帝業收何心治第爲家謀進賢早識無
雙士轉餉成功第一籌策出楚先藏版籍污從客
計買田疇蒼茫那見垣牆在堪笑人懷後世憂

潮河集

卷七

二十五

孔胤樾

真定大悲閣

閣飛十丈傍星躔嗟爾空王異代傳河漢近牕恒
鴻月雲霞映戶半開天當年佛骨垂青簡此日晨
鐘泛碧煙萬彙自來皆就化細思何處是真禪

悟有

秋閨

聞說旌旂宿塞城淒風昨日送離情小窓秋入憐
砧亂幽幕燈殘憶夢成金鼎香消青簟冷銀河影

渴暮樓平寒霖滴盡閨中淚但願烽消罷遠征

柯聳

卜隣願慰屬詠情深卽席賦酬

華門如水遠城闌設說當年南阮貧竹筇携來餘
諫草梧垣歸後接花茵從知蔣詡常開逕竊效僧
珍近買鄰還念故園松菊好今宵對酒倍思尊

顧大申

送魏竟甫明府遷龍安寺

宣房底績璽書頒別酒臨岐不可攀此去輿圖當

潮河集

卷七

二十六

地險君行戎馬正時艱千盤劒閣通雲棧三月桃
花照雪山諭蜀不須持檄往歸朝應乘傳車還

毛達

次日又引見乾清門下上諭以再三引
見無非憐才至意內外一體各宜自勉無負
培植天語諄切退朝志感

九重異命又重申溫語諄諄不厭頻體國有經惟
簡吏讀書可用必親民高卑爵祿皆君德內外工
司盡帝臣願奉聖朝霖雨意普天率土散平均

送熊嘉會通判懷來

蒼梧種竹舊痕斑。再濕青衫司馬還。幕府開屯今
內地。參軍轉餉古重關。嚴冬雪度桑乾水。寒谷春
回太白山。漢代富民應有爵。爲君穩擬破愁顏。

篋中檢杜詩

十載芸窓老一身。只今民社亦相親。但教薄祿能
沽酒。敢羨微官可去貧。俗吏面顏慙瘦鶴。清華人
物盡祥麟。篋中惟有少陵子。肯到天涯作比隣。
擬冬至郊祀大赦應制

湖河集

卷七

二十七

金鷄紫詔出天關。又見春風日下還。一線陽聲含
地底。十分藹氣在人間。將東斗柄知乾象。欲曙龍
光護聖顏。聞道覃恩頒祀典。幾行環珮盡呼山。

獵雪

地白天黃雲暗飛。羽林傳令出王畿。彎弧拂箭先
爭勇。分枝屯營大合圍。眼深鷹鷂心上下。窟平狐
兔跡依稀。選禽獻罷龍顏喜。將士懸牲帶血歸。

憶曉園寄家叔弟

欲問吾家舊曉園。流泉無恙過衙門。耐霜松樹針

爲葉散綺芙蓉玉作根。閒閣久乾書內蠹。開簾誰
瀉月前樽。歸來不待青山老。握手花邊好弟昆。

擬元旦輯瑞應制

輯玉今朝覲紫宸。御香飛繞自紛紛。欲知風俗殊
方異。須使民情率土陳。闔闔雲開三殿霽。扶桑日
上萬年新。太平聲教來重譯。有道惟應祝聖人。

擬元旦早朝應制

鳳城漏水尚潺潺。猶是年前滴未闌。星拱紫微常
北極。霜涵爽氣自西山。宮梅帶白寒仍住。御柳將

湖河集

卷七

二十八

青春要還稽首丹墀瞻瑞色。融和恍忽在天顏。

送別伍菊偶年兄司李順慶

芙蓉西望疊千山。幾日纔能達劍關。漢相尙嚴稱
治蜀。文翁立教善區蠻。時平莫憚之官遠。地僻先
知報最閒。聖主憐才方竚待。爲君虛席有臺班。

過鞏華城

蕭蕭馬首渡荒城。水遠離宮故國情。雙鳳猶存金
闕局。六龍無復玉階行。園陵往日夕陽在。奉祀從
今春草生。匝殿可憐新燕雀。每年風雨自飛鳴。

過昌平望陵墓

朱墻碧瓦出硤磳。路入雲峰第幾層。空說前朝二百載。僅餘舊土十三陵。玉魚金盃間仍在。石虎山龍望不勝。翻羨北邙寒食候。尋常猶有子孫登。

嬌水

西向

清波倒走挾長城。折入桑乾上玉京。月落關山江色冷。風鳴沙磧岼聲驚。千年漠漠西歸水。萬里悠悠北望情。莫謂滄田都變易。嬌流到底未東行。

中涵光

溯河集

卷七

二十九

登城南水閣步張覆輿韻

秋光遙入望秋心。野蕺平橋水半侵。病信方書初斷酒。悶登幽閣屢攜琴。沙虫挹露鳴衰草。海雁衝寒掠遠林。風景不殊人欲老。誰憐雙淚落清砧。

步伯巖韻

一葉清江任去留。浮名處處有悠悠。回思多難危縣髮。莫以無援羨曲鉤。野客常閒青筍笠。勞人應厭紫貂裘。歸來漫說山資少。水國香杭正滿葦。

知已法世之言

寄西山張覆輿王都降殷伯巖張上若

蒼葭白月繞寒城。萬里霜飛旅鴈驚。欲向山園尋綺季。誰從土室問袁閔。空餘慷慨猶多事。不廢謳吟亦近名。方外草深天地在。卽今何處聽秋聲。

春郊

晴煙落日淨暉暉。坐愛村橋晚未歸。亂後鶯花春自好。城中車馬客來稀。浦沙向暖鴛鴦臥。徑草初青蛺蝶飛。待到南園花滿樹。相過百徧定無違。

田茂遇

溯河集

卷七

三十

燕臺漫興

帝里春遲尙有花。同人載酒興還賒。遠山白對殘年雪。古寺紅開滿樹霞。每怪秦裘客裏敝。不堪潘髻鏡中嗟。東歸滄海潮初上。作賦還應擬水華。

又

玉山爭羨碧嶙峋。此日論心感故人。旅夢朝辭三殿月。歸帆晴掛五湖春。交情苦向樽前盡。世事驚看別後新。識得舊園野鶴意。怪予猶是十年身。

周肇

金陵憶舊

南枝花發古梁園。邸第朱旂繞禁門。萬里江濤迎
帝子。百年陵樹識王孫。鏡歌雀渚星辰動。羽獵龍
潭風雨渾。獨有淮楊一片月。橫吹短笛是劉琨。

岳王墳

六陵荒雨塔邊分。酌酒平蕪拜岳墳。寢殿寒風批
檜栢。陰房殺氣捲燕雲。已知北狩成虛戰。獨有南
枝捧故君。異代祠堂于少保。靈旗閃閃夜相聞。

吳 爰

潮河集

卷七

三十一

古宮詩

田齊

祇將蜃蛤換川原。折齒寧憐孺子恩。懸廟無人援
伯主。灌園有女識王孫。虎狼勢遠猶安土。松栢成
歌已斷魂。莫向牛山重悵望。爽鳩詛祝至今存。

魏

監者屠人已足奇。竊符何處更如姬。平原羅綺空
編伍。晉鄙營壕祇致師。終遣宮中疑獵火。莫禁身
後墜降旗。諫書兵法英魂迥。千載遙思亦淚垂。

趙

山河骨肉共嶙峋。冬日餘光睎暮塵。探轂宮中趙
主父。磨笄石上代夫人。擊牛聞鼠聞良將。碎壁輸
荆難直臣。東過邯鄲西關與。只須金印落強秦。

燕

山作屏風海似盃。勝流遺蹟遽相催。律非協樂還
吹黍。金不雕釵祇築臺。倚笑藥囊憐共起。悲歌鉛
筑恨重來。滔滔易水流無已。每到秋風響倍哀。

吳

潮河集

卷七

三十二

秋風撼撼雨瀟瀟。追歎先王氣正驕。壯士短簫吳
市乞。美人雄劍越溪邀。三更娃館樽前蠟。千載胥
江月下潮。只有忠祠今尚在。行人指點過臯橋。

越

功名全賴薏蘿村。式到鳴蛙失士尊。徒見白猿飛
竹杖。空師素女闢天門。鑄金自喜三陽去。賜劍因
愁六術存。二子讐吳非員比。何須長頸共鯨吞。

秦

質子妖姬盡可居。六王猶在已丘墟。鞭橋東去無

靈藥驗。築西歸。有鮑魚。黃犬淚。中漸廢。立白地。醉裏報。駢除。當時好。爲秦非計。牧地爲封。食有餘。

蜀漢

季世唐虞。只此時。泗亭天壤。哲人違。三交城下。波聲惡。五丈原頭。日色微。西國無煙生火井。東隣有女落蟻磯。不關鐘鄧。能緣險黃皓。譙周盡識幾。

隋

汴水龍舟咽管絃。新堤千里綠垂煙。司花女正吟黃鶴。來夢兒猶望紫泉。何處楊枝歌勝李。有人朕

溯洞集

卷七

三十三

字拆成淵。不須宮監延佳客。驍果臨江已着鞭。

燕山懷古

直方請奉繞宸旒。誰念憂勤十六秋。縱有靈旗駢石馬。竟無行殿下金牛。春深苑樹參雲發。水泮宮池入海流。事事盡同曩日好。一吟無奈雪堆頭。

託物詩

蜂

名園幽砌每逡巡。居卜香畦買蝶隣。利劍行空猶俠客。細腰成病似詩人。群開牙仗常尊主。徧宿花

房不染塵。甘苦入脾皆自省。肯將口腹怨陽春。

倭刀

璀璨金璣五尺粧。冰襟歛袖意摧藏。解縈已覺風生座。出匣如看水溢塘。每訝雀環騰虎氣。却驚牛斗失龍光。風塵暫息真憐汝。僻遠空勤道路長。

病馬

爲恥天閑只選毛。敢將筋力伴弓刀。窮秋枯草馳冰海。絕域崎途負鐵袍。髓血盡塗三折坂。夢魂獨傍九方臯。啄瘡剪鬣俱閑事。失道猶堪一建勞。

溯洞集

卷七

三十四

燈花

已爲灰燼意難平。更向人前笑一莖。桃失春蹊何灼灼。桂非秋圃孰英英。脂浮初夜根無託。地落深更子不成。慟汝行藏全似我。雨窓雪壁倍傷神。

留侯

茫茫大海望安窮。鱗介憑生孰識龍。一擊報韓鴉見鷁。五年輔漢日聞鐘。辭封尙恐羞黃石。辟穀何曾慕赤松。大道卷舒方盡善。青田殊自恨憧憧。

子陵

總非冠笠滯岩廊。別有天衢出大荒。猿鶴風雲相漠漠。蒹葭月露共蒼蒼。掉頭豈爲耽江海。加足何心傲帝王。未免人間知姓氏。千秋豪嘖伴興亡。

空林鬼嘯

獨屋疎窓坦不局。冷幽響發中庭。深宵欲奪稽康火。到晚應傳輔嗣經。疑有贈珠來漢女。將無鼓瑟動湘靈。他年爾我終相易。此際何須隔杳冥。

哀蘭

誰令騷客在菰蘆。題目春風異束芻。葉不成香終

溯洄集

卷七

三十五

受炳根非當戶定。教鋤一辭空谷歸無計。屢避虛名禍已徂。爲語深山舊徒侶。不妨泉石久踟躕。

血

染鍰膏。鐔氣未平。漬心漸骨。恨難勝。千年不泯成青火。七日停流見紫冰。已向春殘憐杜宇。更從國破識長弘。頸濺舌砥。同今古。賴此忠魂。吊有蠅。

修齡奇士世無識者其詩酷似李義山余獨心賞吳下近皆知有修齡矣

朱紹鳳

感懷

十載盟心削諫書。登朝輒問夜何如。聖朝不罪狂生淚。衰老應歸處士廬。事去古今同塞馬。悲來天地一池魚。翟門莫訝堪羅雀。維雀猶知慰索居。

又

朔風獵獵勁征鞍。壯士悲歌立馬看。痛哭自憐哀鵬賦。烽煙何處下漁竿。夜過燕市頻呼酒。春到天門獨掛冠。諫草盡焚無復憾。空餘別淚洒長安。

蔡中丞重修滕王閣賦紀

千帆落日大江西。高閣臨風極望迷。劫火乍銷開

溯洄集

卷七

三十六

楚甸。畫樓重啓見銀題。豐城水湧雙龍合。鐵柱雲連萬堞低。勝蹟古今同不朽。庾公常自躡丹梯。

王廣心

冬至

長安客舍傍靈臺。宿霧寒雲節序推。自惜朝衣緣病捲。誰憐官燭向愁開。東堂宦興銷殘雪。南國鄉心散早梅。不是陽回倍惆悵。春風曾見十年來。

季振宜

送兄謫戍過通州河

披星饑餓歷高岑。獨是今朝天欲陰。新馬不知高下路。大河難問淺深心。弓刀跋扈無親友。詩書蕭條自古今。過渡乾坤渾隔世。相看秋水滿衣襟。

送別顧子蒔來

長安門外盡康莊。鼓吹輕橈入月霜。朝夕不離黃髮母。功名堪笑白頭郎。山公事少辭金闕。水部詩多溢錦囊。昨夜洞庭來入夢。芙蓉秋老思茫茫。

又

交道誰論重與輕。今人難見古人情。他鄉獨得如

溯洄集

卷七

三十七

膠漆。四海何曾是弟兄。患難乾坤催白髮。蕭條行李剝清名。東門大道平如掌。心畏離歌撥不平。

又

明時何敢問蒼穹。得失從來塞上翁。嶺表秩卑原有罪。篋中書蠹已無功。猶能京口盈樽綠。最愛淞江切鱸紅。去去莫嫌秋鴈少。子規聲急萬山空。

西曹忽得家書

涼風蕭瑟日三竿。奴子持書墨未乾。但有數行須檢點。猶能一字報平安。瑯瑤早閉蝸牛舍。刀劍偏

防。解薦冠爲問故鄉秋稼好。半年霖雨水漫漫。

又

千端萬緒置如遺。入目山川總入詩。世路不妨冷處看。人情偏到老來知。幾間舊屋羲皇樂。數架殘書管樂期。看劍引盃渾不醉。當今誰是帝王師。

顧如華

宿鄴城南同澹山

漢祚中移猶爲名。強將丞相自題旌。漳流不洗君臣恨。老去虛迷兒女情。一槩詩雄開繡虎。幾家才

溯洄集

卷七

三十八

鬼泣流鶯。霸王事業歸塵土。歲歲停車弔古城。

似漁陽
慘澹

沈荃

戊戌夏六月直指李公駿馬將北同僚諸子送河上賦詩言別。卽席次韻。蓋美許田戡亂之伐也。

深宵把酒復論兵。明發驚聞驄馬行。八郡謳思通帝座。一時丰采動神京。霜飛驛路潛消暑。雨灑郊原急課畊。莫謂還朝旌節遠。知君無念不蒼生。

周體觀

答魏環極

南浦青楓遠自違。勞勞江國庶僚稀。孤征幾度人寒食。旅鬢雙催鴈北飛。白雉會移炎海貢。烏蠻未解摠戎機。年來敢效淮陽臥。夜半霜寒拂鐵衣。

吳洪

詠洛陽古跡

宣王狩洛築盟壇。紫氣千秋尚未闌。萬里山河朝虎窟。四時風雨護龍盤。夏家雙闕浮雲暗。漢代諸

湖洞集

卷七

三十九

陵落日寒。一自黃巾經此地。遂教烽火遍長安。

汴梁感懷

夷門落日野煙黃。衰草寒沙侵女牆。剩有金銀浮夜氣。漫將樓閣問寒蟄。可憐遊子臨殘戍。却憶孤臣泣舊疆。徒爾睢陽能保障。成功誰是郭汾陽。

燕京雜興

蘇門形勢鬱崔嵬。十二層城傍嶮開。赤羽材官騎馬去。青鞵使者按鷹迴。懸金昔日燕臺香。擊筑何人易水哀。懷古那堪勞遠眺。寒煙滿目鎖荒萊。

又

局從淮撫東西判。時比甘陵南北爭。昌啓正當天未厭。左楊不借黨成名。與援依舊收中侍。跋扈何人結外兵。朝政今歸豐沛侶。謾容蜀落兩相傾。

說盡明末門戶相攻習氣

又

聖主龍飛驅衆策。人文一代盡雲蒸。賈終年少俱英發。姚許中原尙典型。焉用黃冠傳列史。自開金馬譯元經。堪憐魯國諸生腐。何必百年禮樂興。

湖洞集

卷七

四十

又

華表蕭條啼亂鳥。居庸關下舊蒼梧。可憐鳬鴈飛銀海。寧復蛟龍護鼎湖。闕閣猶存凋粉畫。長松已盡罷樵蘇。霸陵打土猶如此。何用驪山役萬夫。

又

回首鄉關自薜蘿。風塵永日嘆蹉跎。點金王吉真難比。避穀留侯不啻過。柳引條山臨衛盡。雲從碣石入燕多。日歸何得便歸去。空把蒯緱發浩歌。

大兵次磁州

六軍何處駐旌旄。春盡卽鄱半野蒿。角橫寒風漳水動。旗翻落日大行高。林間獵騎搜千室。帳外材官索百牢。此去皇畿仍咫尺。猶聞軍令肅穉毫。

銀灣

金明門外銀灣曲。不減滄江白鷺汀。曲徑籠煙春艸碧。疎簾捲雨暮山青。著書空自懷園令。執戟何人識歲星。最愛小堂雙粉壁。曾經逸少寫蘭亭。

銀灣有王覺斯先生書壁

王元晉

湖洞集

卷七

四十一

漂母祠懷古

世傳古祠歷江瀕。一飯高風邁里門。叱咤豈能庸國士。塵埃獨解餉王孫。事成報德人爭美。業就誅功漢少恩。一代君臣千載恨。淮陰衰艸弔黃昏。

高感慨於漂母之中
劉隨州有此曠達

淮上晚發感賦

春風蕩蕩柳青青。百感還從此夜生。野水遠浮兩岬白。疎燈獨照片帆明。孤衾冷落家千里。寒露蕭條月五更。回首長淮無限思。清歌嘹唳唱離聲。

戒首夜泊值雨

搖落春風客裏過。孤帆南下意如何。樹連芳艸成青障。水接平湖起白波。別浦舟藏燈暈小。高樓花近雨香多。披衣獨酌難成醉。清漏疎鐘聽掉歌。

回駐壽春見衙燈高懸賦此時元宵前二日

細艸微霖暝色浮。芳華迢遞望中收。春成水泛高闌築。珠樹星開見水流。樂處管絃銷客夢。花時臺榭黯鄉愁。綸明日還征邁。王事馳驅敢告休。

暮行天長道中

湖洞集

卷七

四十二

凜冽寒冰古道難。自慚何事客程繁。風塵荏苒悲霜鬢。世路崎嶇怯羽翰。野水棲雲驚夜色。遊人踏雪颯衰顏。何時解綬歸林去。牧豎田傭任往還。

摩訶庵

圍牆薜荔千尋起。中建飛甍遶石垣。十笏維摩饒貝葉。一堂優鉢自桃源。東南財力銷風火。楚豫魚龍黯旅魂。憂國長沙空隕涕。俄驚塵外長蘭蓀。

魏喬魯

黃樓落成

舊址荒蕪五百年。江淮東注自瀘淵。青蓮盛事吾曹在。坡老遺踪宋代傳。檻外霞飛魚鱉窟。城邊煙落鷺鷥川。憑虛遠眺彭門月。獨上高樓一醉眠。

雨中同李兵憲周計部登黃樓

軒楹繚繞對高秋。巨石莊嚴宿斗牛。十丈洪波圍戲馬。百年霸業歎冠猴。蘇公遺像煙霞貯。韓子流風蘋藻收。忽憶當時秦茂學。憑欄環眺賦登樓。

馴鶴亭

翠嶂遙連爽氣迎。亭陰深處步閑行。竹空夜月留

湖洞集

卷七

四十三

清影松瀉寒濤度。曉鶯龍渚自看秋水靜。鶴巢常見白雲盈。忘機海客閑舒嘯。坐對雲山憶老彭。

邊城晏歲

雪霽層陰覆艸堂。青青柳色掛前崗。欲傾竹葉銷春夢。開對松林看月光。鵬盡梅花猶未放。陽回雁影若相忘。離家十載關河異。卻望彭門是故鄉。

春雨課蔬兼示雪潛

艸閣柴扉山麓平。課蔬竟日只謀生。一樽哭世江湖淚。萬里逃名雨雪情。地界流沙隣塞人。居天

未傷邊城。關山笛裏家園夢。永夜孤燈照月明。

送徐參府勦寇成都

郊甸霓旌障遠天。江城高鳥沒狼煙。連營細柳方垂線。返旆芰荷可放船。壯士控弦皆北地。征人擐甲半西川。一杯馬上葡萄酒。痛飲長歌奏凱還。

王總鎮三路進兵捷寄至龍感而賦贈聊作

凱歌

聞說雅州戈未休。傳來露布豁雙眸。兵屯牛口軍聲壯。馬過雞關敵氣憂。三路貔貅明月夜。峽江刁

湖洞集

卷七

四十四

斗靜朝桴公孫據。蜀終何濟大將功。成○萬○里○侯○魏喬訥

重建黃樓詩爲家兄竟甫咏

捍災禦患伊誰事。俗吏勞勞惟簿書。不是高樓追往蹟。焉能平土盡安居。塞河豈必沉蒼壁。退食何妨曳軟輿。歌詠咎賢雖獨步。風流願接古人餘。

燕臺漫興

虛殿弱冠久嶙峋。廿載猶爲落莫人。寒夜風吹碣戶雨。幽棲地遠曲江春。染衣未報宮袍燦。看鏡還

驚華髮新。羈旅自憐。翻自慰。升沉總是夢中身。

又

祖劉何必共聯翩。叱馭從教着一先。帝里可如鄉里樂。宦遊爭似客遊還。興來虛室攤書坐。醉後長林枕石眠。爲念三吳饒勝境。扁舟擬泛大江前。

重陽日趙季茂招飲薄暮同登高廟拈得十

三元

廟貌歸狀千載存。每逢佳節一攀援。地因荒僻炊煙少。客爲登臨笑語喧。萬里秋風木葉墜。幾重山

湖洞集

卷七

四十五

色日光吞。年年共作茱萸會。坐對蕭條原上村。

又

重陽促膝泛清樽。乘醉還披臺上門。灑落不須玄圃晏。悲歌遙憶鶴鴒原。十年病骨經秋瘦。一派詩情入野繁。更酌未能歸去急。回看馬跡亂雲根。

王士禎

潤州懷古

楚雲直下大江流。鐵甕城高落木秋。宋帝南徐猶作鎮。蕭公北顧更名樓。江山勝蹟留三國。海道峰

煙動五州見。說孫盧西。祀日青燐白浪使人愁。

登金山

三山縹緲望如何。有客褰裳俯逝波。絕頂高秋盤鶴鶴。大江白日踏鼉鼉。冷鈴梵雲間出。歷歷帆檣檻外過。京口由來開府地。不堪東望尚干戈。

天津

風起中流擊楫歌。千年形勝此經過。西連細柳營猶在。南下桃花漲漸多。地倚滄溟吞碣石。水分漳絳帶滹沱。會聞開府襟喉重。鯨海于今已息波。

湖洞集

卷七

四十六

渡易水。下江南師。

斷靄平蕪夕照紅。蕭條易水起悲風。波濤正怒公無渡。河朔猶寒土不同。候鴈經時離塞北。明駝千隊下江東。年光彈指驚新歲。遊子天涯尚轉蓬。

淮安新城有感

澤國陰多暑氣微。一城煙靄畫霏霏。春風遠嘯江蘿長。暮雨空堤燕子飛。四鎮蟲沙成底事。五王龍種竟無歸。行人淚墮官橋柳。披拂長條已十圍。

又

開府當年據上游。建牙鴈號通侯。卽看別苑連雲起。更引長淮作帶流。荒徑人稀。鼙鼓嘯野塘。風急荻蘆秋。永嘉南渡。須臾事忍。向新亭問楚囚。

迷樓懷古

東都無復翠華遊。樵牧千年識廢丘。錦纜銷沉餘落照。垂楊憔悴覆寒流。祇今清梵留空宇。自昔逃藏有舊樓。回首穠華盡黃土。斷烟渺渺見邗溝。

又

鳬舫鷄臺蔓艸荒。偶尋故蹟一霓裳。綺羅何處空

溯洄集

卷七

四十七

隋苑風景依然在。蜀岡桃葉陳兵猶旦暮。楊花聽曲益淒涼。景陽宮畔。臙脂井。江北江南。總斷腸。

文選樓懷古

何處登臨起暮愁。蕭梁人代幾悠悠。心悲寶誌詩中語。淚灑維摩江上樓。玄圃風流人已盡。蕪城日落草先秋。銷沉故蹟遺書在。佛火寒鐘對暝流。

秋柳

秋來何處最銷魂。殘照西風白下門。他日笙池春燕影。祇今憔悴晚煙痕。愁生陌上黃鸝曲。夢遠江

南鳥夜村。莫聽臨風三弄笛。玉關哀怨總難論。

秋日漫興

露下穉高蕙艸催。楚人搖落感恢台。猿啼白帝江聲合。雁入蒼梧木葉哀。海氣不分韓信壩。邊風如近李陵臺。清商慷慨燕歌發。潦倒吾廬且盡杯。

又

長安西接鳳翔東。漢闕唐陵感慨同。驪嶺但餘宮瓦綠。曲江虛見野棠紅。三秋渭水寒雲裏。萬里崤函落照中。束馬投戈諸將在。不知天險爲誰雄。

溯洄集

卷七

四十八

又

江南郡縣金陵郡。虎踞龍盤舊帝鄉。四鎮軍容同蔡博。一時高卧失荆楊。功臣廟在丹青老。太子湖空蔓草荒。南渡當年餘將相。鐘陵松柏自蒼茫。

又

秋來日日報峰烟。楚塞風高羽檄傳。飛曠衆軍全出甲。熊湘千里盡開邊。中原鳥鼠多空壘。江介鷄鷩少闔舡。壯士恐憂輸輓竭。大農蚤計水衡錢。

又

之萊形勢至今存。潮打秦皇舊石罅。士馬防邊猶
越。樓船飛渡已津門。關城貂颶秋風急。海嶠魚
龍白日昏。左輔祇今憂不細。島田十萬恐成屯。

又

十年東冶襟喉地。蛋戶從人指顧間。但有戈舡橫
荔浦。豈無精甲阻梨關。鑿空未見張騫入。賜印虛
傳陸賈還。桂蠹文犀他日事。幾時庭實憫天顏。

又

燕雁三千拂塞橫。衝風雜雨落寒聲。秋深故國鶯

潮河集

卷七

四十九

花老戰。急江天。角鼓鳴。少府頒金馮翊部。後宮給
纈羽林兵。卽看絕檄無甌脫。馬放西南玉乞城。

又

沅湘騷賦接梁園。鄴下風流亦不存。帝子佳期空
悵望。美人遲暮欲安論。異時文筆誰詩史。今日衣
冠奉大樽。但使諸公尊六籍。談經何待鄭玄門。

感慨時事發揮風雅不
獨其音節之似崢嶸也

王 揆

寧陵道中大雪

片片春愁漲遠空。鄉心堆積凍雲中。紛飛玉屑千
林絮。暗擣冰山半夜風。絕嶺望迷孤跡斷。層崗踏
遍馬啼窮。漫漫已沒來時路。歸夢如何到海東。

銅雀臺遺址

立馬臺邊落日斜。寒鴉古木客愁賒。六朝煙雨沉
歌舞。百戰山川怨鼓笳。丞相衣冠埋幾處。佳人香
殿落誰家。當年橫槊今何在。大陸驚風捲夜沙。

春日村居次異公弟韻

柴門深掩水西堂。敢說村居是輞莊。雨過麥痕旋

潮河集

卷七

五十

作浪。月高柘影短于牆。掛書一卷牛當隴。補屋三
間竹覆牀。聊喜亂餘風物好。蛙聲春晚鬧池塘。

金陵感舊

王氣銷沉歌舞傍。雄畿一載竟荒唐。秦廷拜爵貂
璫盛。代邸論勳帶礪長。相國有心聯衛霍。君王無
計動方黃。空傳虎踞龍蟠地。又見降旗出建康。

汴梁感舊

神都無復舊繁華。風物蕭條駐客車。八郡輿圖歸
赤浪。三宮寶玉葬黃沙。金堤枉有龍蛇廟。銅馬空

爭魚鼈家共道上官消息早朱門一夜盡浮樅

○贈大總戎梁公

碧油風靜夜鳴弓一戰休兵便勒功陣壓龍蛇推
武庫營開星斗護元戎秋潮警息千帆外春雨農
耕萬馬中鈴閣雅歌軍事少何如叔子在江東

溯洞集

卷七

五十一

清詩溯洞集目錄卷之八

七言律下

王 昊 二見

感秋 二首

雜感 二首

卽事 二首

已亥秋日卽事 二首

顧豹文 三見

西湖懷古 四首

王 朴 三見

楊州次吳梅村師韻 二首

溯洞集

卷之八

送張佩將北上 偶感

霍叔瑾 字龍淮井陘人

泊東昌荅耿道子 補水衡漫咏

沈九如 三見

雲山禪舍

王維坤 三見

喜袁杜少見過

蔡含靈 三見

西楚霸王廟

徐元文 二見

春日 闕武 召百官詣 南苑

送丘曙戒侍講移倅瓊州

官于宣 字雪淵 閬縣人

邊城晏歲 二首

吳雯清 四見

懷古

吳農祥 二見

懷祖望大文諸子

溯洄集

卷之八

吳 初 二見

讀琴牧先生鄉居詩感和

村居卽事

李森先 字琳枝 掖縣人

弔魏武故宮

黃與堅 字庭表 太倉人

八月廿八日黎明候 上引見同榜進士三

百七十七人于 乾清門外恭賦

九月廿一日 賜晏禮部廿二日 賜折鈔

銀兩恭紀

九月廿四日 上御太和殿同榜進士叩

恩畢 命坐賜茶恭紀

王 攄 三見

贈大總戎梁公

顧 湄 字伊人 太倉人

閨江樓 八月海上作

王曜升 四見

登北固山 懷孝威

溯洄集

卷之八

獨坐 生計

計 旭 字九日 太倉人

過弘濟寺 燕子磯

秋興 二首

王無咎 二見

江上 二首 鳳凰臺

姜圖南 字真源 仁和人

湖中雨望 登北固和吳明卿韻

張純熙 三見

登初祖菴

雨中遊盧巖寺

題雷州署中

廉州海角亭同蕭舍之劉世培兵憲

丁彭

四見

贈魏石公副憲

盛藻

二見

獨山嶺

悶

木采河

張晨

二見

溯洄集

卷之八

四

興勝寺

高粱橋

江上

陳祚明

二見

燕山雜興

二首

盧傳

二見

大行皇帝輓詩

四首

丁文策

留別姚芬木

同人小集

茅衡廣

字居甫寧夏人

度紫荊關

二首

入春融和風景媚人春仲八日予方伏枕忽

傳門外飛雪甚寒訝爲奇事戲取一團嚼

之肺腑清冷若飲玉液漫爾賦此

張光昌

字玄祿楚州人

郊居遣懷

四首

夏六月總憲崑林先生抗疏彈時相因下

議病中聞邸抄感賦時六月二十九日

寄訊總憲魏崑林先生

溯洄集

卷之八

五

世祖皇帝哀詩和崑林韻

二首

王汝弼

字欽隣趙州人

栢林寺

左車塚

十萬壘

宋子城

顏泰颺

二見

錢塘旅舍送姜行先開先之揚州

峴山

王岱

二見

銅雀臺

魏武故都

文王演易處

恨這閑

毛蕃 三見

燕京雜感 四首

白珩 字方玉 柘鄉人

贈魏崑林先生刻感應篇 二首

趙修 三見

三月雪

過豫讓橋

丁雁亢 二見

長安漫興

溯洄集

卷之八

六

徐林鴻

字大文 海寧人

豫章秋懷 二首

楊繼芳 四見

醉翁亭

張樾 四見

清明

周鑄 三見

京口夜坐

張伯虞書自和州見訊

趙鎰 字千門 萊陽人

燕邸感懷 二首

曾琬 四見

阻風燕子磯 漢中王城秋興

立春日雪中公劉里同劉石生懷江左詩子

山塞十六夜同陳葵西觀燈半箇城

鳴沙洲

塞上清明丁辰如招同唐采臣張西鵬詩子

集高台寺

溯洄集

卷之八

七

題唐采臣寧夏署四柳亭

將試京兆劉孝吾總戎城樓夜餞

李芳蒨 二見

登西嶽閣望華山

鄭茂 二見

深秋雨霽

魏杏祥 二見

壽長兄魏燕二子并封

劉逢源 字有宜 曲周人

村居 二首

秋興 二首

冬日寫懷 二首

過荒園

趙湛 字秋水永年人

寄申兒盟

計東 字甫草嘉興人

將至京師有作寄呈 研德麗京近修

陳濟生 二見

游仙詩 四首

彭楚伯 日見

湖洞集 卷之八 八

柏鄉魏辨若先生齋中次韻

寄同學賈靜子葉荃伯

馮雲驤 字訥生代州人

雲中秋日 二首

曹宜溥 二見

冬日偶書

胡廉 字洪洞人

雨晴

侯方岳 字仲衡商丘人

秋興 二首

吳懋謙 字六益蘇州人

春日雜感 泰嶽

毛先舒 字馳黃錢塘人

越中 伍公祠望江

王光承 字珍右松江人

讀西域傳 詠史

陳葵 字伯倫江寧人

壬辰新秋病起靜攝於城南小庵賦此

湖洞集 卷之八 九

陸輿 字人

順治十六年十一月十七日

巡幸展祭 二首

魏允枏 字交讓嘉善人

暨陽

陳增新 字子更嘉善人

送魏子存司理成都

陳鉞 字雲錦嘉善人

送魏子存司理成都

朱適成 字求仲嘉善人

送毛稭賓入都

劉世燧 三見

聞鶯夜守 中秋夜雨

東蔭商 二見

臨洮楊忠愍公祠 碣石觀海

魏一鰲 字蓮陸新安人

采石遇雨

魏裔介 五見

淵村集

卷之八

十

至中山

秋日過蘆溝橋 入直遇雪

贈申子晃盟 仲秋守埭日暮

燕臺秋興 八首

宴丘節同猶龍文永觀仲環極遊白雲觀

吳駿先生贈余有自是漢廷直諫議蕭王陌上

賦東都之句賦此答之

清明日同諸年友送堊張義門外過天寧寺

觀塔因憶先塋有感

和梁瀛可年伯元旦韻

夜談詩于猶龍齋中歸而酌隱花庵菊藥欲

放愴然有感 春蒐賜宴應制

憶楊猶龍並贈李灌叟

戊戌仲春宿海會寺朝

上於南苑留作示僧

龔芝麓留酌有詠疊韻奉贈

奉送朱蒿庵都諫謫閩

奉寄環極魏年兄時終養在蔚州並憶楊子

溯洞集

卷之八

十一

自宣武門沿堤行出西便門西北行至八里

莊慈壽寺明神宗母太后所造也浮屠蠹

立與天寧寺爭勝殿傍有石鐫漢前將軍

關侯像遇蜀僧與之論禪

自慈壽寺返數武至摩訶庵中有十八體篆

字金剛經後有中貴墓 二首

真覺寺在西直門西內有金剛寶座上有五

塔皆石爲之永樂時西僧所進中印度規

式也

興勝寺花園內有高樓二層

萬壽寺大鐘十萬餘觔擊之聲聞百里

七夕立秋 九月偶感漫成

和辨若諸弟重陽登崔府君廟 二首

贈潘藏山

世祖大行皇帝哀詩 八首

七言排律

毛達 二見

擬 上祀祈穀壇躬耕籍田應制排律二十

朔洞集

卷之八

十二

韻

霍叔瑾 二見

客秋十八韻

朔洞集卷八七言近體下

栢鄉魏喬介石生選評

禹航嚴曾渠方貽 校訂
錢唐顧之瑜不瑕

七言近體下

王 昊

感秋

卧病漳江節候逢。不堪湖海寄浮踪。清秋朔雁入
千里故國南雲路萬重。白日江風吹薜荔。青天山
色照芙蓉。乾坤入眼情何限。西北高城接戰烽。

朔洞集

卷八

又

朔漠哀笳遍野吹。漢家遼業重堪思。千門月色銅
龍咽。雙闕鐘聲鐵鳳悲。甲第樓臺低柳市。離宮花
艸暗蘭池。百年回首興亡地。只有秋風似管時。

雜感

極天烽火倦登樓。兵甲遙傳控上游。絕徼趙佗新
屬國。雄藩劉表舊封侯。湘潭浴馬千營曉。彭蠡吹
笳萬帳秋。回首古來龍戰地。不堪江左望荊州。

又

越嶺行過別有山。漢家邊燼在兵間。五峰艸木江城戍。七道帆檣海舶蠻。久說羽書通荔浦。近聞鉦鼓出梨關。錢唐亦有南征將。下瀨樓船竟不還。

卽事

長安紫陌接天開。景色依肱郭隗臺。萬戶風煙移上谷。九關雲氣鎖蓬萊。西山羽騎乘秋出。南苑龍舟近夜廻。入直屢傳親賜對。侍臣應有洛陽才。

又

湖湘白羽正縱橫。重戍連年更益兵。日落艸迷充

湖湘集

卷八

二

國帳秋深雲暗伏。波營炎風朔雪愁難盡。銅柱珠崖險未平。爲問南征諸將帥。幾時麟閣有聲名。

已亥秋日卽事

嚴○臚○空○自○列○戈○矛○鐵○騎○俄○驚○擁○上○流○帆○勢○欲○侵○通○海○路○笳○聲○還○出○枕○江○樓○初○傳○侯○景○園○姑○孰○轉○嘆○孫○恩○向○石○頭○戰○罷○僅○留○殘○壘○在○蘆○花○楓○葉○不○勝○愁○

又

江北江南路未逢。眼看烽火總蕭條。離宮花草千年淚。故國旌旗半夜潮。舊夢漫從愁裏過。秋聲欲

何雨餘銷樽前有客堪同醉。且對殘陽話六朝。

顧豹文

西湖懷古詩

三義廟

讀史喟然懷季漢。千秋盤敦聚風塵。中山苗裔衡三國。艸澤英雄敵萬人。分屬君臣還序鴈。誼同兄弟幸攀鱗。只今帝魏幾陳壽。不見西湖俎豆新。

三賢祠

人知刺史賢。唐宋寧識當時大。禹謨穿井意爲哀。

湖湘集

卷八

三

瀉○鹵○築○堤○功○在○闢○荒○蕪○江○潮○憑○怒○終○趨○海○運○舶○從○客○夜○入○吳○國○計○民○瘼○殊○不○愧○也○應○食○報○祀○西○湖○

陸宣公祠

兩湖細柳老樵漁。每過祠堂輒歎歎。翰苑詩謫陪從。日山南險澁失官初。不虞直諫逢多難。何敢違心負乘輿。拚老忠州書不著。蠻烟瘴雨到吾廬。

林逋墓

孤山林樾最幽澄。空谷長呼人自磨。雪瘦獨攜梅百樹。秋高時蹤鶴雙騰。夢迴栗里懷彭澤。水隔桐

江憶子陵生寄虎歸棲一壑夕陽衰艸暮烟凝

王抃

楊州次吳梅村師韻

馬首東來塞上謳廣陵風物動悲秋謝玄此地曾
移鎮杜牧當年已倦游蓮浦遙分楊柳岸江湖暗
接海山樓傷心一片那溝月卻照雷塘白骨丘

又

牙門置酒宴公卿錦纛雕鞍命北征縛袴健兒誰
轉戰借籌策士總虛名百年洛蜀關時運六代煙

鴻洞集

卷八

四

花兆甲兵擊楫中流無限恨夜闌欹枕聽江聲

送張佩將北上

三月和風絮正飛扁舟曉發試春衣張華江左文
章重郭隗金臺裘馬肥已有知交忘客路獨將書
劍侍親闈憑君早到長安日爲語東南事半非

偶感

銅符拜命下丹霄雪夜南征舊賜貂月到朱樓歌
乍發日高錦帳酒初消雙鬟粉黛擲筆侍諸將弓
刀載寶朝盡道元戎移鎮處村烟寥落馬蕭蕭

霍叔瑾

泊南昌答耿道子

蕭疎傲骨懶趨迎俗得扁舟一葉輕天肯因予應
有意詩投放者始關情羽儀吾道猶南指肝膽同
途是性生獨怪世多私喜怒何能開眼一縱橫

補水衡漫咏

年來寂寂若無聞卻憶含香舊署芬新捧全然供
麴米藏書絕不與時文已慚管豹成斑見敢謂籠
鵲有八分燕市論交知幾許何如長嘯卧松雲

湖洞集

卷八

五

沈九如

雲山禪舍

講堂高處見雙峰石壁無人苔自封粥飲漫調馴
字鶴安禪不問聽經龍秋深野菊舒千葉衲破寒
燈繡百重何必有懷游五嶽湖山蒼翠削芙蓉

王維坤

喜袁杜少見過

逢君此夕樂何如新雪花飛十月餘小弟敢當青
玉案故人幸過碧蘿居夜寒莫漫愁沽酒年少無

妨且著書剪燭渾忘蓮漏盡鶴盤落葉響空除

蔡含靈

西楚霸王廟

黃河古岍楚王祠巨浪翻空入地奇史氏代持成
敗論里人歲結蒸嘗思天心止借除秦亂人力徒
教屈漢師五載霸圖益世氣英雄坐恨不逢時

徐元文

春日 閱武 召百官詣 南苑

逶迤上苑帝城東御輦巡臨振武功甲鎖鍊金寒

溯洞集

卷八

六

白日旗翻翠羽動春風龍驤萬騎軍麾轉鵠立千
官拜舞同莫以清時忘戰伐至尊親爲挽雕弓

送丘曙戒侍講移倅瓊州

丘遲珥筆重承明乍見金羈出鳳城詔動百蠻
聖主意雲橫萬嶺故人情鯨宮風定揚鈴過海嶼
花開攬轡行此去不須愁鵬鳥佇看前席問蒼生

官于宣

邊城晏歲

常掩公門畫不紛羣居離索似河汾窻前山色時

相見夜靜水聲始得聞萬竈軍中連雨雪三冬塞
上罷耕耘官閒竟日渾無事屋角籬東看白雲

又

肯容稅駕卽吾廬覓竹移花此卜居歲去獨愁邊
上客遇窮始憶古人書相憐僕馬閒堪語難越關
山夢亦踈莫謂寒冬無青蓄官勤課得一園蔬

吳雯清

懷古

西子風流事已殊當年歌舞竟何如新愁莫剪吳

溯洞集

卷八

七

宮艸舊恨難消越絕書元老孤忠千古廟大夫深
識五湖居蘇臺不復蛾眉妬夜夜啼烏訴閨閤

銅雀臺

豪奢浪說英雄事遺跡空留過客嗟春艸迷陽歸
鹿夢野雲涵渚濕鷗沙許都舊業殘烟滅漳滸餘
情落照斜莫憶建安堪紀歲只今荒蔓宿寒鴉

吳農祥

懷祖望大文諸子

同爾讀書城北日金尊日日對愁開天清樓閣千

峰入地。僻江湖。一鴈來。朱戟幾人能下士。丹楓何處共登臺。窮途已自慚。知已門戶蕭蕭看艸萊。

吳初

讀琴牧先生鄉居詩感和

當年川陝亂。蘇如四海分。崩天啟餘鷄。犬村村供射獵。桑麻岸岸盡。芻儲卽憑陶。徑難消酒任。有嚴灘莫羨魚。極目乾坤何處穩。空山明月一床書。

村居卽事

何必桃源問古人。儂家幽勝得如君。屋食徑好因

湖洞集

卷八

八

依竹溪。愛村深。故有雲菱藕。疎香朝雨過。牛羊小隊夕陽分。漁耕罷後消樽酒。不脫蓑衣共論文。

李森先

弔魏武故宮

銅雀春歸何處花。漁陽鼓已不勝撾。分香遺令尋芳草。橫槊雄圖數落鴉。鐘鼎雖曾移漢室。山河誰復識曹家。只今惟有臨漳月。猶照宮人十里斜。

琳枝。邇方有聲三吳。存此以見落落之氣。

黃與堅

八月廿八日黎明候

上引見同榜進士三百七十七人於乾清門恭

賦

朦朧樹色繞銀河。僊掌霞明射駁姿。禁鑰漸開看列仗。講筵纔輟聽鳴珂。身隨玉筍龍顏霽。音徹銅鞮帝詔和。咫尺幸瞻天日近。草茅均喜被恩波。

九月廿一日 賜宴禮部廿二日 賜折鈔

銀兩恭紀

湖洞集

卷八

九

桂蕊扶蘇發建章。春官列譙喜秋光。天廚彩簇珠盤豔。御苑花籠玉饌香。夾陛金錢頒大府。聯驄裘馬騁長楊。曲江酒罷恩稠疊。俱荷蒼華出上方。

九月廿四日

上御 太和殿同榜進士叩

恩畢 命坐賜茶恭紀

秋風紫闥玉蕭森。多士趨鏘午殿陰。香擁螭頭天仗立。扇開雉尾御袍臨。排雲管籥殷闐闐。燦日旌旗壯羽林。列坐絳墀鵷鷺整。再霑仙露主恩

深。

世祖嘉意作人士于掌恩隆渥千載奇遇也庭表紀述弗緩他日可入國史

王 摠

贈大總戎梁公

關隴英名久著聞。東南專閫策奇勲。戈船早樹橫江幟。水寨還張下瀨軍。半夜彎弧沙岳月。三秋吹角海天雲。不知誰向蓮花幕。爲艸袁家倚馬文。

顧 湄

閱江樓

在獅子山舊名盧龍山

溯洞集

卷八

十

萬里長江一望收。高皇親建閱江樓。雲開蓬島星河曙。月出盧龍天地秋。碧艸自生宮寢路。青山仍繞帝王州。憑君莫問當年事。禾黍同歸六代愁。

八月海上作

坐聽城頭畫角哀。野花還傍戰場開。悲風急鼓天涯去。落日降旂海上來。但說烏能銜木石。空聞蜃已結樓臺。只今事事成陵谷。一片秋陰生綠苔。

王 躍升

登北固山

雄峰高枕石城斜。有客登臨送晚霞。水氣暗吞山頂寺。江雲遙護海門沙。天低鴈鷺來千里。地迴星河落萬家。指點舊朝形勝在。吹愁何處起悲笳。

懷孝威

聞君昨夜剡溪還。何事琴裝又客關。江上一舟衝細雨。窗中數卷對寒山。家園綠蟻應須憶。邸舍青瑣好是閑。此日西堂賓客會。婆娑庭樹幾回攀。

獨坐

情懷如水對朝暾。三徑無人常掩門。中散論交違

溯洞集

卷八

十一

俗尚長鄉抱病託空言。檐花色借琴書冷。窗竹聲隨鳥雀喧。聞道輕肥原有相。閑身未擬負丘園。

生計

生計迂疎莫用猜。秋深門巷總荒苔。病兼廢酒真難療。貧到無書更可哀。幾樹綠陰寒雨送。半牆紅日暝煙催。多情只有黃花在。寂寞籬邊爛熳開。

許 旭

過弘濟寺

中流遙見鴈飛斜。一水蒼蒼起暮霞。崖罅挿江懸

樓閣洞門鑿石走平沙。幾年北望成荒戍。憶昔南
巡待翠華。寺爲武宗南巡諸瑞所造乘興獨來尋薜壁。空堦開
徧海棠花。

燕子磯

突兀孤亭數仞遙。扁舟乘此一停桡。巉巖直下魚
龍駭。濫瀕中分荻葦搖。故國壘空雲淡淡。夕陽人
去艸蕭蕭。千尋鐵絙依朕在。未許江心鎖怒潮。

秋興

砧杵聲殘夜正中。高樓縹緲望應同。舊堤楊柳枝

湖洞集

卷八

十二

空舞禁苑芙蓉沼。自通玉笛響飛千里。月金微路
斷。五更風遙憐寂寞。西園客此夜佳期恨未窮。

又

車馬鄉關未忍看。風塵暫喜報平安。東堂飲射羣
公盛。北府旌旗故壘殘。山影隔江青漸薄。秋聲入
夜響逾寒。幾回獨立瞻南斗。畫角哀笳興已闌。

王無咎

江上

大江疎樹起朝暾。指點三山隔遠村。東望金焦支

海口。西看彭蠡薄天門。鼉鼉騎卧風濤壯。龍虎高
蟠霧氣昏。滿眼荻蘆征戰後。蒼煙幾點是中原。

又

江天鼓角竟無聲。寂寂寒潮打石城。塞鴈忽來黃
葉下。寺鐘欲動野烟平。錦官舊日歸王會。金筑新
聞欵漢營。何事沙鷗驚不定。朝廷今已漸休兵。

鳳凰臺

新梧幾簇列崇岡。猶自臺名舊鳳凰。誰繼青蓮傳
絕響。獨餘碧草伴斜陽。園陵老樹空山盡。城闕孤

湖洞集

卷八

十二

煙大漠荒回首長安。曉日近桑乾。古渡正蒼茫。

姜國南

湖中雨望

渺渺雙峰雲霧遮。扁舟臨眺倍堪嗟。昔依古寺迷
僧屐。火落空潭傍客槎。哺子鷓鴣衝暮雨。避人鴻
鴈走春沙。長堤柳色還無賴。歲歲相催老鬢華。

登北固眺望和吳明卿韻

望盡迴沙遠樹多。金焦卷石亦嵯峨。千帆賈客城
邊起。萬里晴雲檻外過。直北風烟生白晝。江南春

草度黃河何時鼙鼓無聞處漁子清歌到薜蘿

張純熙

登初祖菴

煙寺清秋聽曉鐘。攜僧策杖歷孤峰。雲迷古徑尋樵路。樹繞層崖問鹿蹤。面壁無心非涉像。折蘆有志竟傳宗。惟餘一片靈光石。永鉢何年期再逢。

雨中遊盧巖寺

嵩陽宮北盧巖寺。傳是徵君舊艸堂。卅詔何年辭鳳闕。青山此日憶龍光。雨侵萬壑增秋氣。洞老一

溯洞集

卷八

十四

僧卧石床客愛登臨歸去晚。煙巒暝色樹蒼蒼。

題雷州署中

馳驅王事到天涯。雷嶠愁生感歲華。山海幾年消寇盜。閭閻何日問桑麻。人希古道惟餘虎。草滿荒城但有鴉。欲繪監門先下淚。傷心徒倚坐殘衙。

謁雷公廟

雷公雷州人姓陳氏五代時爲州刺史有功德設而民祀之故稱雷公廟距城南十里世傳

以爲雷神其說誕矣

曾于書傳仰高風。廟貌依然景不同。荒艸殘碑環壁列。夕陽古殿半塵蒙。焚香下拜擊銅鼓。伏臘祈

年問老翁。邑誌不存遺澤在。門前秋稻正芄芄。

廉州海角亭同蕭舍之劉世培兵憲

攬轡邊亭野眺寬。荒城流水夕陽殘。三洲沙磧珠光隱。八月秋濤海氣寒。漢使採風空駐馬。將軍平寇幾登壇。故人暫對天涯酒。民瘼關心未敢安。

丁 澎

贈魏石公副憲

漢廷封奏皂囊開。抗直無如魏相才。按部幾人投劾去。免冠何事上書來。珮環朝動新霜簡。風雨秋

溯洞集

卷八

十五

陰古栢臺見說驂驪增顧盼。長驅誰羨出羣材。

盛 藻

獨山嶺

一重山過萬重低。四十里遙百磴奇。馬蹄逐線超雲穴。人影緣藤落印泥。鬼花晝泣蕭蕭雨。怪石寒敲簌簌枝。故鄉天末音書絕。况是戎車六月時。

閔

老樹荒嵐鎮日過。風塵無計奈愁何。人啼只覺鳥啼少。僕病較於身病多。磨劍十年慚孟浪。抱軀七

尺付蹉跎。乾坤客我真多事。折肱歸林理釣簑。

木采河

擘艸連營。檄古荒。截流水。木采望舟橋。萬山雨合飛。
泉湧一夜水高三尺強。正爲囊沙思上將。莫教航。
葦憶家鄉。烏蠻傳說新招撫。榼酒籠鷄各頂香。

張晨

興勝寺

碧殿朱樓跨野田。登臨不覺小幽燕。初秋蟬噪千。
花暝上刹鐘聲萬井懸。是處碧蘿皆貝葉。無時禪。

湖洞集

卷八

十六

徑不春烟再來豈似漁人棹。不向桃源也自妍。

高梁橋

踏青頗憶慢亭遊。青艸茫茫映碧流。一自馬蹄春。
獵勁但餘柳色暮。煙浮橋邊古刹先。朝寺道上新。
阡子姓侯。紫陌風光猶在眼。杜蘅空自滿汀洲。

青明和余八首不
能盡錄二其尤者

江上

江上寒煙日夜生。霸圖銷盡夕陽平。雲開牛渚帆。
檣穩潮下荆門鴈。羽輕六季河山餘古寺。十年禾。

黍閉空城。可憐結綺樓頭月。猶爲嘶風石馬明。

陳祚明

燕山雜興

冀州禹甸帝京雄。三面河流萬國通。自掃上都留。
毫社。旋營洛邑像新豐。烽烟一起明庭廢。土木重。
看鳳闕工。仙掌正宜承濯露。金人不事泣秋風。

又

白馬黃巾犯帝居。長安城闕莽丘墟。風吹荆棘銅。
駝陌。雨澁莓苔石鼓書。海淀芙蓉池閣廢。香山松。

湖洞集

卷八

十七

栢寺門疎。詞臣前代經行樂。彤管留題侍從餘。

盧傳

大行皇帝輓詩

少年天子正中星。光照山河萬國寧。忽爾深宮驚。
頃墜。遂令寰宇失儀刑。雲天渺渺開金闕。玉殿煌。
煌鎖翠屏。自是至人觀化盡。春秋不必問遐齡。

又

爲臣忠愛本無期。萬壽祝君誠有之。祇見黃虞同。
過去。那聞唐宋尚當時。承先佐後歸圖錄。考相宣。

猷在訓辭卓矣先王遺手詔真堪奕代帝王師

又

憶昔來燕值旱天。我皇昭格倍乾乾。省刑肆赦新恩沛。步禱心虔上帝前。已見甘霖隨輦下。環觀赤地盡桑田。至今百室歌盈止。每念君恩涕泗漣。

又

十八年來氣運新。滇南蜀北悉皆臣。車書一統同雲日。正朔遙頒暨海濱。文治聿稱冠解豸。策勳還擬畫麒麟。小臣閩海希恩久。端屬英儲嗣服宸。

溯河集

卷八

十八

丁文策

留別姚芬木

江上羣峰列畫屏。故人官署冷沙汀。傳觴賴爾能浮白。入座看予獨見青。今日有花催疊鼓。十年無淚灑新亭。樽前共指來春約。湖畔菱歌次第聽。

同人小集

吳山佳氣滿前峰。曉入層軒翠萬重。往歲琴書嘗對酒。故人風雨自攜筇。南陽龍卧雲皆濕。東國鶯啼柳正濃。今夕不嫌重秉燭。衡泥歸去亦從容。

茅衡廣

度紫荆關

表裏河山設險偏。際臨西北界幽燕。神工剏鑿丘陵圻。石棧鈞盤斥埃連。縹緲戍樓侵太白。微茫雉堞接居延。四方根本深長策。百戰無忘世守年。

又

芙蓉萬疊繡爲城。天闢雄關拱帝京。紫塞西看雲外直。滄瀛東瞰鏡中明。風號古木先秋色。雨過迴谿盡水聲。長嘯峯頭頻指顧。無人知是魯連生。

溯河集

卷八

十九

入春融和風景媚。人春仲八日。予方伏枕忽傳門外飛雪甚寒。訝爲奇事。戲取一團嚼之。肺腑清冷。若飲玉液。漫爾賦此。

青陽冉冉動蘭皋。已覺輕寒讓布袍。正喜暖烟生曙谷。忽驚凍雪捲春濤。江梅落後花疑續。郢曲和殘調轉高。肺病十年思妙藥。試從枕上嗽瓊膏。

張光昌

郊居遣懷

也學灋西卜築成。荆扉日杜少逢迎。評雲得句疾

書葉調鶴憑欄偶弄笙。飯供山芋僧問。燭炬分樵。火客談經。縑塵怪爾。衣難浣。曾爲輪租。一到城。

又

全拋薄沐只科頭。艸帛攤書青蠹流。莫訝典栗頻乞藥。何妨扶杖獨登樓。門園綠樹風常到。簾捲青山雨乍收。天予無能閒是福。不因貧病日耽愁。

又

青衫白恰愛閑居。半老生涯在著書。扇底汚塵聊避客。袖中奇石儘娛予。地當種樹泉時灌。徑可棲

溯洞集

卷八

二十

屢艸不鋤。假息頓忘滄海變。遑將榮瘁問何如。

又

心與浮雲淡自如。人間不識歲華除。田荒隴上從兒嬾。病卧山中任客疎。繞屋風香花是障。沿塘沙篆鳥能書。東陵瓜戔王孫草。尚得青映敝廬。

夏六月總憲魏崑林先生抗疏彈時相因下

議病中閱邸抄感賦時六月二十九日

逐鷗原不畏。櫻鱗氣拔風霜辟。易入三世繡衣真。御史一生鐵面古名臣。興朝自肯能容諫。直道

于今尚在民披瀝。丹心終遇巷何須。酒汨向楓宸。

寄訊總憲魏崑林先生

字絨相思風雨哀。病魂迢遞繞寧臺。交情今昔惟推俠。塵世功名多忌才。蓴菜吳江秋未晚。積薪漢室日相催。樸園何日同攜手。徙倚花林笑舉杯。

世祖皇帝哀詩和崑林先生韻

大漸王春纔七日。黠狀艸木目無輝。九游望斷龍輿晚。萬里恩沾鳳詔稀。賞諫直追吁咈烈。鋤奸肯

溯洞集

卷八

二十一

使放流達于今四海思。扳髯雲樹蒼茫遺鼎徽。

又

龍去蒼梧不可留。鬱葱佳氣一時收。周成稚泖稱垂拱。漢武輪臺省購求。圖治因人羞自聖。購書異代積如丘。艸茅未預蒼生問。首善霑濡曾近陬。

王汝弼

栢林寺

蕭蕭古寺鎖煙霞。蘭若孤雲栢影遮。檐外離離深蔓草。壁間隱隱泛仙槎。空階此日苔流翠。石徑當

年天雨花開士不知何處去更無人啜趙州茶

左車塚

花宮皆下樹闌珊孤塚苔封華表殘百戰魂歸平
棘冷千年淚灑趙陵寒古碑有字幽人讀石馬無
聲稚子看西望陞山多少恨不禁惆悵哭邯鄲

十萬壘

漠漠平沙沒水湄當年曾宿羽林兒雕鞍橫劍催
飛將玉帳分弓射月支十萬旌旗遮翠嶂五千貂
錦勒金羈祇今殘壘餘燐火落日空原泣子規

溯洄集

卷八

二十二

宋子城

雉堞荒涼秋水濱蕭條不復舊時春城頭薄暮人
吹角堤畔黃昏鳥弄茵綠樹重陰遮野樞白雲無
際鎖寒榛可憐一片纖纖月曾照當年擊筑人

顏泰輿

錢塘旅舍送姜行先開先之揚州

霜飛木落滿江城道上逢君意不平秋思每從愁
裏動離情況是客中生十年征戰昏天地千里間
關念弟兄須憶堂前雙白髮莫將詩酒滯歸程

峴山

吳興城外峴山丘墳翠遙連震澤浮蕭鼓平明開
書鶴壺觴竟日對芳洲盡天睥睨參差出背郭南
湖曉夜流向夕漸看車馬散更聞漁唱落輕舟

王岱

銅雀臺

吞吳霸業盡飛灰銅雀荒涼鎖舊臺青塚草深蘭
麝淚白楊風起管絃哀空令總帳分香履無復西
陵泣故釵獨有百年驢背客漁陽依舊鼓聲催

溯洄集

卷八

二十三

魏武故都

許州

華林悵望夕陽低漳水空流故國迷芳草已真成
兔穴月明依舊看烏棲黃初白骨悲文藻赤壁青
燐泣鼓鼙往跡更無人共語春來唯有鷓鴣啼

文王演易處

湯陰縣文王墓有
著艸叢生九十

憂患若開前聖意大文天地定應舒自須寡過加
年學豈類窮愁浪著書河洛自今無秘密陰陽終
古失乘除欲知同患生民處著艸叢生覆墓墟

恨這關

德安五闕之
一壽亭會過

萬疊嶙峋劍戟痕。髯公遺恨至今存。蠶叢一綫幾無路。天闕雙懸恰有門。漢祚未移終繫蜀。壽亭雖拜豈懷恩。當時鼎峙灰飛盡。獨有千秋俎豆尊。

毛 蔭

燕京雜感

楊柳千條繞建章。東風飄拂綠陰涼。禁城日落山容靜。御苑春深樹色蒼。明月依然來五柞。寒烟空自鎖連昌。遙瞻佳氣蓬萊外。弓劍遺徽竟渺茫。

又

溯洞集

卷八

二十四

嵯峨天壽俯羣山。華表空存鶴未還。長使蘭亭埋宿艸。已傳玉盃出人間。淒涼劍寫荒原暮。寂寞松楸白日閒。鳳舞龍盤堪據否。春來溪漲水潺湲。

又

傳呼萬乘獵長楊。羽騎繽紛出未央。策馬竟馳平樂觀。尋弓先命左賢王。至尊親射連三發。侍從饒歌奏九章。籍地醴醢欽賜酒。短刀次第擊生麇。

又

詔下詞臣各著書。內庭披覽惜居諸。校文五夜來

天祿析義諸家聚。石渠元朔得人三。策重栢梁高會七。言初漢皇本是崇文主。誰爲相如奏子虛。

白 玠

贈魏崑林先生刻感應篇

古人遺教豈徒然。諄切無如感應篇。疏奏九重。慶喜起。澤流萬姓解顛連。憂時施濟多方設。淑世文章到處傳。過盡功全天亦定。分明陸地有神仙。

又

周昌矯矯二千年。易地相擬得並肩。忠孝奇才推

溯洞集

卷八

二十五

捧日。聖明虛位待凌烟。白髭偶逼憂勤出。丹訣徐從道義還。御史大夫天下士。調元坐論應無先。

趙 修

三月雪

天意無常時序移。重教青女降春期。杜鵑啼血侵雲冷。瑞葉飛瓊入地遲。久困不羞東郭履。新愁難作灞橋思。掩扉僵卧頻搔首。蒿目誰歌黃竹詩。

過豫讓橋

仗劍伏橋事亦奇。徘徊河上暗中疑。不聞獻策君

存○日○却○忍○輕○生○國○破○時○斷○碣○雲○侵○山○月○冷○荒○林○風○
悲○夜○猿○悲○潺○潺○流○水○石○催○淚○似○是○幽○魂○恨○轉○癡○

徐林鴻

豫章秋懷

楓○樹○蘆○花○兩○岬○霜○江○分○九○派○是○潯○陽○帆○檣○晚○趁○秋○
濤○轉○鴻○鴈○寒○依○水○驛○長○遠○客○星○霜○殊○渺○渺○孤○城○風○
景○自○悲○悲○琵琶亭外千秋月詞客經行淚滿裳

又

爲○尋○孺○子○到○東○湖○湖○水○猶○青○墓○有○無○莫○問○興○亡○悲○

湖洞集

卷八

二十六

孝○獻○只○看○風○雨○對○司○徒○陳祠在徐墓東烏○啼○獨○樹○秋○陰○合○
苔○卧○殘○碑○夜○月○孤○寂○寂○南○州○誰○祭○祀○方○塘○香○艸○薦○
生○芻○

丁耀亢

長安漫興

燕○臺○王○氣○接○幽○并○南○北○千○年○有○廢○興○烏○譯○應○尋○崔○
浩○史○草○深○遙○拜○魏○文○陵○侍○臣○簪○筆○時○驅○馬○御○帳○屯○
營○自○臂○鷹○聞○道○上○休○親○羽○獵○相○如○詞○賦○莫○誇○能○
楊繼芳

醉翁亭

常○有○青○山○入○我○思○登○臨○乘○興○不○妨○詩○亭○前○午○日○浮○
梅○冷○竹○下○流○泉○響○澗○遲○道○在○人○間○春○未○老○風○來○物○
外○草○先○知○孤○身○半○醉○深○雲○裏○想○見○歐○公○得○意○時○

張櫟

清明

物○外○年○光○已○不○同○杏○花○泣○露○柳○悲○風○華○清○宮○裏○鶯○
啼○綠○凝○碧○池○頭○水○漾○紅○北○地○旌○旂○連○陌○上○西○湖○簫○
鼓○隔○雲○中○愁○腸○着○酒○都○成○淚○咄○咄○無○言○書○遠○空○

湖洞集

卷八

二十七

周鑄

京口夜坐

片○雲○孤○石○小○庭○幽○竹○樹○蕭○蕭○動○客○愁○風○送○江○聲○來○
枕○上○月○移○山○影○到○床○頭○天○涯○歲○序○催○鴻○雁○旅○况○凄○
涼○望○斗○牛○最○是○不○堪○徙○倚○處○角○聲○吹○老○甕○城○秋○

張伯虞書自和州見訊

客○中○消○息○近○如○何○一○路○聞○知○冠○盜○多○每○念○都○隨○風○
雨○去○有○懷○共○待○月○明○過○黃○雲○夜○覆○陰○陵○道○白○雁○秋○
同○牛○渚○河○探○索○山○川○莫○汗○漫○故○園○清○夢○冷○漁○蓑○

趙 倫

燕邸感懷

客舍虛窗晝掩關。暫翻書冊破愁顏。榴花入眼驚
朱夏。杏子傾筐憶碧山。千里隨身長劍老。十年墮
淚故衣班。紅塵車馬吾何意。鎮日喧塵逐市闌。

又

遊子勞生賦遠遊。連年燈火及皇州。風烟千里漁
陽鼓。花月三春燕市樓。易水投鞭聊寄況。中山貰
酒詎消憂。往來踪跡空萍梗。贏得蕭疎兩鬢秋。

溯洄集

卷八

二十八

曾 曉

阻風燕子磯

獨坐津亭步紫苔。無端風雨向南來。不知芳草隨
春去。但見潮聲徹夜催。六代笙歌餘夕照。百年征
戰老塵埃。江天一色城如帶。惟有漁人掉月迴。

漢中王城秋興

漢中民力最艱澀。運艸運豆無休時。十里寨火眠
幾日。萬山秋水命如絲。軍儲畚鍤歸屯晚。馬廐壺
漿忍淚炊。我到西鄉荃莒出。蠻烟滿雨插天垂。

立春日雪中。公劉里同劉石生懷江左諸子

姜嫄河北雪霜飄。卒歲終依劉孝標。胡鼻到今無
月令。庫桃從此又春朝。雪深枯草溝中出。天入懸
崖。幾裏燒惆悵。江東人不見。五陵裘馬日蕭條。

山塞十六夜同陳蔡西觀燈半簡賦

參戎小隊赴西岷。山塞今逢入蜀人。鷄豕誰家不
上屋。羊酥此日復沾唇。三更臘雪吹青鬢。萬戶銀
燈散碧燐。聊與將軍成薄醉。風招霜甲一相親。

鳴沙洲

溯洄集

卷八

二十九

不見黃河春氣動。却從沙磧辨陰晴。流漸着水天
皆凍。大漠無風山自鳴。飲馬浪尋荒燒窟。射鵰貪
出苦泉營。傳聞烽火年來熄。張素三巴已盡平。

塞上清明丁辰如招同唐采臣張西鵬諸子

集高台寺

忽出東門回首望。赫連勃勃有孤城。井田溝洫歸
河直。婦女鞦韆墮管絃。衣紫還從渠外哭。踏青空
向磧邊行。開罽絕塞皆南客。愁斷松楸萬里程。

題唐采臣寧夏署四柳亭

官衙日日愁。羣比喇嘛西來騎馬難。熊掌軍厨聊
拚醉。駝峰塞俗且加餐。樓臺隱現懸靈武。草木參
差寄賀蘭。齒痛非關邊水苦。桐琴夏夜正須彈。

將試京兆劉孝吾總戎城樓夜餞

賀蘭山下朔方城。鷄犬千家屋上鳴。大纛樓中逢
塞妓。高秋風裏度秦箏。黃河直向胡天瀉。白艸翻
從漢苑生。爛醉且騎元帥馬。曲江春宴亦虛名。

歷衣尺馬隨李廣看射猛
虎終殘年可想此公高致

李芳莎

別洞集 卷八

三十

登西嶽閣望華山

嶙峋伏壓九州衝。紫翠陰陰拂面濃。尺地紆迴秦
鎖鑰。晴川明滅渭朝宗。神清直暖金人露。籟靜遙
呼玉女峰。坐久但觀高鳥背。不知身被白雲封。

鄭茂

深秋雨霽

邊笳脫水轉秋光。客夢頻醒午夜涼。鳥噪晨窻雲
淡淡。馬鳴衰草日蒼蒼。簾吹吳市身寧老。賦擬長
楊。楊已霜。梨落風塵歸未得。倚間空自望衡漳。

魏杏祥

壽長兄魏燕二子并封

當日曾將花縣輕。新朝曠典兩馳旌。雙枝已見
寧陵秀。列桂還看次第榮。色借恒山侵髻碧。波分
泃水照眸清。遙知聖主臨雍際。定有蒲輪下帝京。

劉逢源

村居

徑轉溪迴有數椽。陰森榆柳綠爲天。散懷解帶圍

潤洞集 卷八

三十一

新竹。煮石攜瓢汲古泉。岩下每尋栽藥地。花間偶
著養生篇。晚來隣父相邀去。樽酒西溪一放船。

又

清溪竹樹間。花叢銜沁今成半。畝宮掃地焚香韋
應物。筆床茶竈陸龜蒙。溪流忽漲朝來雨。墟里猶
存太古風。稍謝時名慕真懶。僧牛甘飲老墻東。

秋興

籬邊白鳥沒寒汀。天外遙山數點青。石徑花叢半
蕭索。紙窗燈火已青熒。白衣送酒尋元亮。皂帽窺

因說管寧真懶未能無一事閒收菊露注丹經

又

武安形勝千年在○兵火蕭條此一時○禾黍已深毛○
遂塚雲霞常護呂仙祠○偶看鴻爪留沙畔○稍有漁○
歌集水湄勝地只今成往事○寒雲落水繞荒陴○

冬日寫懷

朝來雲物果何詳○日至花臺影漸長○敗絮何妨聊○
自擁濁醪偶爾共賓嘗○炊爐溪畔收殘葉○盥手佛○
前續印香如豹犬聲溪巷裡竹梢新月墮寒塘○

溯洄集

卷八

三十二

又

裂破冰紋响石渠○滿天風雪困樵漁○藏名何必逃○
吳市高卧猶能讀漢書○已向琴尊消歲月○無勞鐘○
鼓饗鷄鵬茅齋土銚炊烟冷委巷誰來長者車○

過荒園

霜滿長林風氣淒○數家茅屋野雲西○無端杖策來○
幽徑偶爾分蔬立○小畦橋外人聲喧○早市溪邊鴻○
爪印秋泥衰年一飽無餘慕○悵望東南多鼓鼙○

趙湛

寄申臬盟

持竿何處避征車○品第高風占不如○掃石寒巖秋○
坐月看雲絕澗曉○擔書夕陽杖底穿喬木○落葉村○
邊掩敝廬○君向桃源摩事隔○可聞烽火徹南徐○

沈商書

贈悟上人

卓錫誅茅吳岫低○入林還許結幽棲○漫因康樂辭○
蓮社○卻爲淵明過虎溪○秋樹湖山雲不斷○夜牕松○
菊月初西頻年嘗說游方外○願禮生公爲指迷○

溯洄集

卷八

三十三

計東

將至京師有作寄呈研德麗京近脩

帝城隱隱接雲霄○又見梯航萬國遙○遂有黃金能○
市駿○不妨青海看橫鵬○乘風搖曳三千里○感舊淒○
涼十四朝○多少菰蘆遺老在○敢將詞賦問漁樵○

陳濟生

游仙詩

流落塵寰非舊容○十洲三島漫相逢○竭來未得從○
黃石○老去先思伴赤松○天上浮雲三萬里○人間山○

水幾千重。時人莫問真仙訣。寄與當年石戶農。

又

上清端拱百神朝。爲問仙踪久寂寥。金簡字來春漠漠。玉京人去夜迢迢。藍田采玉燒無變。太乙栽松雪不凋。解得南華真說法。養生無處不逍遙。

又

憑高一上栢梁臺。盡是昆明劫後灰。上苑靈根看外徙。名山仙掌只東開。金丹浩劫無生死。石火塵身有去來。自是未通齊物論。彭殤千古漫悲哀。

潮洞集

卷八

三十四

又

北闕仙人若列麻。靈旗婀娜駕雲車。聞風蹀馬凌西景。渤海開帆散早霞。沈潛飲水調六氣。神魂合處聚三花。不須更訪先天術。太古鴻濛是一家。

遊仙多爲幻語此有真骨

彭楚伯

栢卿魏辨若先生齋中次韻

厭看裘馬逐翩翩。博物誰能匹茂先。鶯囀新聲思伐木。鶴巢高樹故飛還。囊頭酒滿應須醉。樓上人

清日自眠。賦艸凌雲同古昔。相期早獻聖明前。

寄同學賈靜子葉荃伯

驛路風寒暮氣催。牢騷誰識洛陽才。三秋紅葉江南樹。萬里黃金薊北臺。落日中原空弔古。孤舟湖上好啣杯。梁園望斷音書邈。何處相思首重回。

馮雲驤

雲中秋日

錦帳貂裘紫索馳。將軍射獵過渾河。幾聲蘆管悲風起。十丈紅旗秋色多。手解繚鶯臨大漠。自追野

潮洞集

卷八

三十五

又

馬踏山阿。昔年此地曾征戍。指點泥沙認斷戈。

又

李牧祠堂接雁門。青山萬仞古臺尊。龍蛇壤壁秋雲暗。劒戟虛廊夜月昏。千載風烟銷舊壘。異時松栢老孤根。迢遙玉塞憑高望。過客還來薦野繁。

曹宜溥

冬日偶書

冬暖庭前葉已凋。柴扉獨閉靜蕭蕭。忘機顏瓦飛黃雀。乞食微軀敝黑貂。鵝眼錢無清到骨。鴨頭丸

在病潛消美人迢遞滄洲隔幾欲從容賦洞簫

胡廉

雨晴

桃花魚陣滿溪流不遣兒童下釣鈞閒斷蛛絲蘇
粉蝶晴移桐樹覆沙鷗忘機事聽三姑說高卧圖
酣五岳遊何用買山方卜隱風波定處盡瀛洲

侯方岳

秋興

寂寞平臺有所思西風搖落不勝悲何人實請封

溯洄集 卷八

三十一

侯印當日空張大將旗短髮幾迴羞事業孤懷長
目恨茅鵝老來學艸山中賦萬里烽烟又一時

又

萬里波濤湧素秋金陵形勢據江流大臣誰計興
王業上將空憐效楚囚地閃旌旗難恃險天迴烽
火恨無謀六朝風景應時盡烟樹寒雲處處愁

吳懋謙

春日雜感

南天雙闕俯江東龍馭軒皇想像中晉花衣冠逃

曉霧秦淮歌舞怨春風邊笳悲動三江水夜雨寒
生六代宮最是繁華形勝地瓊臺玉館一時空

秦嶽

碧霞日觀勢稱雄漢碣秦松路不窮縹緲層巒通
帝座蒼茫元氣接洪濛地臨滄海蓬瀛近天入燕
齊日月空獨喜本朝封禪絕曾無御蹕駐山中

毛先舒

越中

千秋霸事悵長空城裏崑崙鎮尚雄春色暗湖西

溯洄集 卷八

三十七

子石白雲長護禹王宮江迴龍鳳天池北海截梯
航日本東此日萬方多阻化可能後至戮防風

伍相祠望江

伍相祠前江倒迴看江欹馬霽雲開江南樹色羣
峰出雪後濤聲萬騎來多病經春扶短杖有情終
日倚高臺朱甍盡拱傷遺烈蓬鬢顰顏照酒杯

王光承

讀西域傳

一奉軍書出遠邊故鄉雲物又經年皮山落月難

爲度。積石浮沙。未可前。薤上遊魂。招谷。古城南。思婦怨。張騫寄聲。塞外功名。客休勸。君王戎酒。泉

詠史

南國花光上紫霄。芙蓉水殿白雲遙。貢琛使者朝乘傳。按舞中官舊賜貂。千斛葡萄浮夜月。六宮簫鼓動春潮。君王不信毛延壽。親駕朱龍選孟姚。

陳 葵

新秋病起靜攝城南小庵賦此

負苓人去月初高。放鶴翁歸雪滿舸。劍向匣中鳴

溯洄集

卷八

三十八

午夜客於醉後讀離騷。梭聲靜擲誰家雨。笛韻空流小閣濤。莫向窮途論去住。十年心事怨征袍。

陳重光

蔣菊

乞得仙苗手自栽。青柯翠葉立蒼苔。春雲落照池清淺。野柳垂風鳥去來。荒徑頗耽居士癖。賦詩殊愧大夫才。也知天意憐秋艸。醉卧其間寄酒杯。

陸 輿

順治十六年十一月十七日

皇上巡幸畿輔道經昌平特命所司具禮躬祭明

崇禎帝陵遣官分祭諸陵

帝展祭時

天顏悽愴瞻顧殿壇傾圯艸木芟伐園出內帑俾

司空脩葺并增陵戶且命道臣歲時巡徼

敬咏二律以志崇感

寂寂軒丘雲暗移。空教魚鑰鎖威儀。感懷舊德崇新典。仰勸前徽署特碑。風雨千林圍閣道。松楸五夜帶靈旂。蒼苔鹿跡渾無覓。石虎年年泣路岐。

溯洄集

卷八

三十九

又

帝肅旌幢景輅前。遙看馬鬣枕寒烟。誰知漢代游行地。猶見堯堦浩蕩天。一路霜華留日月。九重雲物悵山川。荒原夜半松燎出。絕勝冬青問杜鵑。

魏允枏

暨陽

暨陽天險控南州。保障三吳屬上游。短褐客臨滄海岸。孤城日傍大江流。射鵬驅馬黃雲暮。鳴雁清砧白艸秋。莫上君山更西望。秣陵風雨使人愁。

陳增新

送魏子存司理成都

錦城三月醉醺醺。佐郡西行去莫遲。鳥道新開雲
棧路。鴻書遠寄雪江時。從知益部邀星使。且聽巴
人唱竹枝。化俗文翁無事日。畫簾長自對峨眉。

陳 弑

送魏子存司理成都

不辭叱馭蜀江濱。總爲高堂有老親。萬里橋西還
積雪。七盤山外始知春。花深馬渡蠶叢夕。艸綠猿

溯河集 卷八

四十

啼魚復晨。此地向多詞賦客。公餘應念長卿貧。

朱適成

送毛稭賓入都

萋萋芳艸及春生。攜手河梁一送行。客到黃金馳
上駟。人過碣石聽流鶯。漢庭經術當年重。燕市朋
簪滿座傾。聞道魏舒將入蜀。雙魚憑寄錦官城。

存司理
成都

聞警 已亥十一月十四日
日降邑商城失守

中原十載已銷兵。今日復聞鼓角鳴。司牧由來持

國計。帝心寧弗問民生。南隣百里聞烽火。東海

終年列旆旌。極目關河堪涕泪。樓頭雪夜聽殘更。

中秋夜雨

時同親友
東園賞桂

驚見陰雲帶曉虹。已知秋月蔽長空。同人載酒攜
花去。老樹搖腮聽雨攻。簷外蛩聲偏入夜。天邊露
氣度飛鴻。啓扉四望蒼茫色。禾黍油油喜歲豐。

東蔭商

臨洮楊忠愍公祠

山畔祠堂夕照餘。洮流幽咽渺愁予。一官豈抱投

溯河集 卷八

四十一

荒恨。萬死猶懷痛哭書。已有遺詞傳九辨。未同漁
父識三閭。非君誰起鄒張輩。爲比高風恐不如。

碣石觀海

碣石東臨水域開。中間一柱並崔嵬。滄田幾見秦
皇跡。秦莽徒傳漢武臺。情劇但憑山作舫。眼空敢
謂海如杯。西歸誇與丘園叟。親向扶桑看日迴。

魏一鰲

采石遇雨

衝雨冒雨到江邊。正是江南二月天。築室高吟懷

謝朓放舟豪飲憶青蓮。烟迷古寺峰腰見。驢壓危橋岸尾懸。最美漁人篋笠穩。孤舟一葉自安眠。

魏裔介

至中山

壬辰年服闋起補

人傳舊國是中山。百戰蕭條民力艱。尚有室家依野水。可能烽火靖嚴關。捐軀漫許膺重補。戲綵何由永再斑。此地松醪雖可飲。不禁回首暮雲殷。

春日過蘆溝橋

桑乾直下連滄海。天矯青龍控帝隄。寥落長空寒

朔河集

卷八

四十二

過雁蒙籠烟樹曉。聞鷄香山晴氣歸。雙關榆塞風霜上。馬蹄咫尺五雲頻。眺望春風已到帝城西。

入直遇雪

年來佳氣鬱宸闈。初見瓊英助夕霏。蕩漾寒光搖紫塞。崢嶸曙火照丹墀。惟將樂聖酬詩癖。遮莫臨風羨鳥飛。封事明朝思補闕。幸逢色霽敢依違。

贈申子晃盟

定交杵臼聞揚子。倒屣迎門我亦然。人若伯鸞夏甫輩。詩猶河漢梧桐篇。蘆華洛水今將老。秋月燕

山且共憐。世事名心久寂寞。看雲他日傍君眠。

仲秋守垣日暮

鳳闕崔嵬返照深。禁林玉樹自森森。廟懸鐘簴觚稜肅。殿接罍恩月陛陰。水旱方憂聖主色。謀猷未竭侍臣心。梧垣徙倚頻回首。華髮還驚歲月侵。

燕臺秋興

北平千載興王地。况是澗瀝定鼎時。三輔村官雄虎豹。九州牧伯理瘡痍。翠華警蹕天威肅。宮闕參差夕照移。何事荆蠻獨未靖。十年戎馬亂軍麾。

朔河集

卷八

四十三

又

西苑粧樓餘廢址。世宗芝殿鎖荒芊。不聞葛藟歲形管。空採丹砂羨倖倖。太掖晚波翻漢月。曲江細柳動秋烟。翠微北望諸峰杳。古木龍鱗已有年。

又

黃金雖係尋常物。好士能留萬古情。歲晚清笳悲戰壘。風高落木響孤城。劉蕡對策身空老。賈島能詩墓已耕。痛哭呼天頻悵望。誰將國士遇荒飢。

又

洪流浩浩百川騰。昏墊頻嗟歲不登。瓠子築宮空
往事。淇園礎石竟無能。蒸黎室室隨魚腹。天地江
湖。脰釣督側席。近聞恩譴論何人。慷慨咏春陵。

又

蘆溝橋畔山烟積。銅馬門前秋艸墮。畫角聲隨鴻
雁度。黃蒿城放索駝回。時艱欲上安邊畧。國訕獨
庸治賦才。嘆惜豪華成寂寞。嚴城風雨晚砧催。

又

燕支黃葉下桑乾。八月幽州霜露寒。歌舞笙竿喧

朔洞集

卷八

四十四

九陌王侯甲第壯。三韓旌旗遠障飛。狐塞烽火遙
通雲。棧盤安得伏波專。關外封疆爲請一泥丸。

又

悠悠坐憶東籬菊。悵悵時懷雙鯉書。稽古桓榮終
見用。散金疏廣可能如。霜黃梧碧侵寒月。秋老楓
丹向索居。瑣闥幾年隨曉仗。爲郎皓首漫躊躇。

又

複嶺重關勢若奔。皇畿形勝建瓴尊。蟠龍踞虎來
天險。帶濟襟河入薊門。重譯何年通越雉。乘槎有

使問崑源。宜雲密邇神京地。鎖鑰還應奠右藩。

宴丘節同猶龍文。衣觀仲環溪遊白雲觀。

乘春結侶尋仙跡。尚有白雲日日留。一井滄泓餘

碧水。人間咫尺是丹丘。荒臺繁馬平林晚。野寺悲

歌古木幽。却憶青山園故國。幾番興廢使人愁。

吳駿公先生贈余有自是漢庭真諫議。蕭王

陌上賦東都之句賦此答之

雄談相視客懷孤。竹檻高齋鳥共呼。燕市悲歌多

酒侶。延州風雨半平蕪。文成絕調空春雪。道有冰

朔洞集

卷八

四十五

心在玉壺北。面丹書須帝佐。豈因作賦重三都。

清明日同諸年友送葬張義門外過天寧寺

觀塔因憶先塋有感

雨後郊原亦可憐。雙柑斗酒共陶然。誰家酒淚北

邨下。使我懷歸南陌前。草苗長堤分野色。花飛古

寺蹴春烟。竭來車馬何多事。欲棄人間學大還。

春蒐 賜宴應制

鸞發霆驅萬騎行。順天講武豈禽荒。羽林試技穿

楊巧。梟嘶風汗血良。雉尾移雲開麗日。大官分

磨近爐香一時警戒同無逸簪筆彤墀頌穆皇

和梁慎可年伯元旦韻

鶴髮脩然萱艸前班衣介壽俱歡盛傳家應有長
生訣積善何庸辟穀九官邸依依同晚歲春風歷
歷到林巒梅花坐對心如雪不爲屠蘇始耐寒

夜談詩於猶龍齋中歸而酌隱花菴菊藥欲

放愴然有感

竹籬藥檻亦隣東客有新詩佐碧筒半畝自甘人
境外一身全寄晚香中秋深殘照虹蜺現日暮黃

溯洄集

卷八

四十六

雲巖嶸空自審行藏應任運何妨衰髯欲成翁

憶楊猶龍並贈李灌叟

老友相看卽是家十年宦跡混京華雪泥鴻爪知
何定姪女嬰兒敢自誇身傍青霄瞻鸞鶴心遊巖
壑伴麝麝酒酣忽憶楊廉使萬點行山雲樹遮

戊戌仲春宿海會寺朝

上於南苑留作示僧

藍輿晴日是閒身一徑烟霞野色春流水過門成
古渡鐘聲到午靜松筠長堤簇簇圍花幄日落蕭

蕭散馬羣朝罷不須參秘偈金鞭玉勒控清塵

龔芝麓留酌有咏疊韵奉贈

東西南北細論文靜夜溶溶梅影紛肅政已稱真
亞相封侯終是故將軍關心時事催黃髮入歲高
吟變舊聞蟲臂鼠肝遮莫辨簷前春色正三分

奉送朱嵩菴都諫謫閩

作賦文稱大國風犯顏敢諫古人同路過嶺嶠梅
花外語盡春燈細雨中賸有鴻章留瑣闥獨憐好
友悵飄蓬六朝舊事難憑弔穩睡菰蘆江水東

溯洄集

卷八

四十七

奉寄環極魏年兄時終養在蔚州並憶楊子

神京西去盡奇峰花信春來偏向東憶昔仙壇成
痛飲只今江路阻帆風承歡百歲依萊綵采葛三
秋寄竹筒悵望澄清乏伴侶軒車久滯懶雲翁
楊魏二子同遊白雲觀飲酒今猶龍爲蜀方伯故云

自宣武門沿堤行出西便門西北行至八里

莊慈壽寺明神宗母李太后所造也浮屠

矗立與天寧寺爭勝殿傍有石鐫漢前將

軍關侯像遇蜀僧與之論禪

高曹向孟有芳箴何用雙林不億金四角鬼工星
日掛千松龍甲雨霜深呆愚風落巢荒燕楞首塵
封走白蟬隔代惟存香火地起人憑弔是碑陰
自慈壽寺返數武至摩訶菴中有十八體篆
字全剛經後有中貴墓
百年欲作千年計纍纍孤丘綠石垣驀見山僧蔭
竹木誰知秋士隔蘭蓀江淮戰艦催烽火楚豫寒
潦有哭魂高誦金剛佛偈子空嗟世外自桃源
又

溯洞集

卷八

四六

辟雍曾見古遺文同馬攻車繼典墳貝葉寫心曇
鉢現蟲書復古點波分邈斯絕技空秦漢顏柳無
傳詫骨筋誰向六經重摹勒鴻都千載播清芬
真覺寺在西直門西內有金剛寶座座上有
五塔皆石爲之永樂時西僧所進中印度
規式也
金剛蘭若勢穹窿此意原非色相中一自傳來中
印度當年用盡鬼神工城陰水浸臨高闕日暮天
低過塞鴻寂寂頽垣生杞菊然燈猶照象王宮

興勝寺花園內有高樓三層
寺南寺北皆禾黍獨上危樓望古燕萬點太行秋
色照一灣東海薊門懸流觴石逕荒金谷華表高
原胥野烟山衲相期更不淺花開待我度春妍
萬壽寺大鐘十萬餘觔擊之聲聞百里
誰移鷲嶺到塵囂咫尺白雲供夕朝梵典欲同蒼
頡篆鐘聲似聽浙江潮清谿曲曲宜香稻古木陰
陰聒晚蛸不向艸間頻策馬爭知林外有逍遙
七夕立秋

溯洞集

卷八

四十九

萬里白雲忽送秋清商颺發暑先收天媛未必貪
靈匹人事何煩話柳州羈縲佩蘭空往事曝承南
阮自風流季鷹入洛多愁思一夕蓴鱸憶故洲
九月偶感漫成
泰運欣逢利用賓寧甘白屋作閒人十年諫艸虛
名誤一夕秋風白髮新蘇綽致君差可學許衡
道亦空陳生平賸有東臯志澗石寒泉願作隣
和辨若諸弟重陽登崔廟君廟
年年曾此對青樽臺上蕭蕭樹掩門因慕信陵爲

俠舉深慚康樂醉。高原黃花入髻。青山淚白雁翻。秋野水繁。安得連床風雨話。著書更欲扶天根。

又

寥落高臺傍水村。王孫何代跡空存。杯流霞影秋聲墮。山飲陽光灝氣繁。接翅寒鴉添暮色。掇英叢菊照前軒。明年莫負茱萸約。藜杖同敲羽士門。

贈潘藏山

扶杖飛狐第幾峰。幽棲世外有奇蹤。丹成自得龍宮藥。春賃甘從海上傭。澗鳥數聲爲好友。嶺雲千

溯洄集 卷八

五十

畝是實封。卜居他日爲鄰舍。兜率蓬萊總不庸。

世祖大行皇帝哀詩

丹霞鸞輦逢人日。御仗颺搖淡落暉。鵲觀前春色閉蓬萊苑。內曉星稀鴻猷奕奕歌承烈。遺詔煌煌教弼違。夢覺尚疑登啟事。聽傳午夜漏聲微。

又

乾清宮殿闕宸旒。百丈寒雲雲不流。梧野皇英竹有淚。喬山弓劒水如秋。哀傳毳帳咸揮涕。音到百蠻亦動愁。物色蒼茫增感慨。潏潏御水咽春溝。

又

春王憑玉歎彌留。豹尾龍旂一夕收。不惜憂勤成大業。每因水旱省徵求。廣搜文獻師三代。盡覽經綏重九丘。原廟他年興郡國。神光應是照遐陬。

又

上天共受伊耆恩。獨有葵傾更向根。龍馬曾教試玉轡。樓船兼許侍文軒。旌旗掩映春風勁。葵鼎參差白日昏。北望微垣雲漢渺。幾回夜半哭聲吞。

溯洄集 卷八

五十一

戊戌秋林上會命介同內閣學上及大司馬諸公隨獵南苑上御金鞍黃轡馬賜騎仍命公一人導之每有顧問竟日而罷又丙申端午日設宴於瀛臺之樓船各令盡醉

又

憶得天言在紫宮。無偏無黨戒雷同。五年憲長推朱博。十漸疏章愧鄭公。金殿觚稜何突兀。瀛臺玉樹自蒼葱。朝臣泣罷猶於邑。趺坐龍媒御苑東。

初授介副憲卽命學士馬公傳至中人和殿面諭朕之用爾朕自知之非有他人薦說真勿隨人偏黨也

又

聖武周陞南苑傍也同驂乘獵長楊雕弧猝發雙
鴻落玄甲爭鳴萬馬良露飲金莖依翠幄炙承天
饌美黃羊可憐兩月無遊幸熊館春風遍野棠

又

勝園園陵半艸萊登臨暇日幾徘徊謚存莊烈芬
青史祀用牲牢走隸僮莫植冬青悲義士空憐雪
窖發深哀卓然盛德真難紀疇範何人答聖裁

朔洞集

卷八

五十二

上憫明崇禎之死社稷也命立豐碑謚莊烈又命明諸帝皆照舊祭祀

又

問道空同鍊至精緒餘墨妙軼群英平吳不樂羊
車戲定粵思裁南詔兵好惡生成皆廣大賢愚黜
陟自分明即今冲主垂裳日薄海瞻依頌治平

上精於性理之學儒書則周子太極圖且兼通二氏之旨平漢之後介與內閣臣馮公同

見

上日雲南既平朕喜于

戈從此偃息

七言排律

毛達

擬上祀祈穀壇躬耕藉田應制排律二十

韻

雙鳳啣雲捧玉皇六龍御輦出青陽王謨載政書
無逸月令隨時警太康欲使一身親社稷但期四
海樂耕桑民爲邦本先求歲食乃民天首積倉願
學深官分五穀須教後世識三王一年歲事春居
首萬里民情帝作綱天子三推躬秉耒庶人百畝

朔洞集

卷八

五十三

自分疆熙朝著德來黃茂太史陳詩佩紫囊玉斗
移衡嘉種布金犁翻土落梅香服勞始惜畯夫苦
有喜應知田暖忙霹靂執鞭驅厲魃義和馭轡逐
商羊農祥九穗歌禾黍市價文錢易稻粱盛世淳
風廣醇皞豐年大有卜穰穰田疇我佐非阡陌菽
帛他盈足篚筐莫鄙愚翁于斛麥唯祈太府萬斯
箱大臣恪職詢牛喘聖主怡顏受兕觥祀典惟馨
粢盛潔天心克協雨風常儉勤有象思文景早潦
無能窘禹湯五服八荒爭獻藉千年億載正垂裳

霍叔瑾

客秋十八韻

早逐風塵羞此地。十年心事付諸天。爭教趙客多悲興。不道燕山幾變遷。啗淡久拖軒冕味。逢人漫說寶刀懸。門無干謁真如水。性有烟霞是處泉。何物黃金來贈答。誰知白壁肯周旋。要知困頓非云病。遂覺遨遊也是仙。封事有懷籌國計。曠官且得著書便。偶然聯句驚雷起。既至呼樽見月還。我爲圖龍成畫虎。客休題鳳願隨鞭。愁中懶債魔爲睡。

湖洞集

卷八

五十四

醉裏禪關艸欲顛。前輩風流堪誦讀。近人花鳥共垂涎。共言宰相龍猶卧。自信書生鶴獨眠。雨洗天空雲益薄。時行人物眼同然。逶迤日是酬難應。迢遞年來俸盡捐。謝眺詩名爭海隅。張衡宦跡滯清澗。壯心肯老雕蟲技。緩帶應留置酒錢。書到八分鵝欲叫。秋逢九日雁相連。先生五柳莊何處。併攬江烟載願舡。

湖洞集卷八七言近體下終

清詩湖洞集目錄卷之九

五言絕句

王鐸

字覺斯五津人

愁怨曲

宋權

二見

傷宋中諸子

許作梅

三見

河上曲

李嘉胤

三見

湖洞集

卷之九

一

杜甫川

杜芳

五見

白泉

二首

雪夜

松林居

過山彪訪僧不遇

申涵光

五見

夜溪

曹本榮

三見

與盧爾唱夜坐

劉逢源

二見

雨後

張文光 四見

留雲亭

春閨怨

杜鎮 二見

卜居

王士祿

夏夜偶書

古意

王士禎 五見

絕句

溯洄集

卷之九

盛藻 三見

從軍行古意 四首

魏裔訥 五見

八關亭觀顏魯公墨跡

讀劉簡齋詩次韻 二首

陳祚明 四見

燕市春歌 四首

曾曉 五見

涉渭宿安陽屯

志感

宋榮 二見

歲暮

落花

柴紹炳 字虎臣仁和人

子夜歌

姚安 字哲符秀水人

田家

韓宕 字康海內丘人

和韓再見東籬四絕之一

溯洄集

卷之九

彭楚伯 五見

題家仲飲光畫

盧祺 字介眉蕪州人

擬閨中怨

李京 字玉都那臺人

夕佳樓

楊繼芳 五見

題畫

張櫟 五見

黃梁夢

魏裔介 五見

肅水層

慧香郎

垂虹亭

猶龍與文衣詩有雪夜打空廊君詩在何處
之句文衣和之余步其韻

山行

清詩

卷之九

四

清詩溯洄集目錄卷之九

七言絕句

王鐸 二見

望邊詞

宋權 三見

北固山

侯恂 字六真商丘人

昭君

曹本榮 四見

溯洄集

卷之九

五

雜咏 四首

杜芳 六見

訪元道人

次蘆溝

夢題吳山

雪夜

申涵光 六見

南園省梅

燕京卽事 二首

龔鼎孳 四見

百嘉材見梅花

張文光 五見

春宮詞

嚴沆 六見

水師凱旋歌

趙賓 三見

過程箕山半野園偶成

丁澎 五見

塞上曲

周肇 四見

南海子觀獵詞 四首

溯洄集

卷之九

六

顧大申 四見

元旦高麗國使朝見

燕京元夕

嚴正矩 四見

春暉堂偶然作 三首 送人從軍

聽杜鵑 聽馬驅 二首

成性 三見

過馬嵬坡

過唐武則天陵墓有感

周鑄 四見

舟次淮安 郭璞墓

三里橋別人

王昊 三見

竹枝詞和顧伊人 二首

魏裔魯 三見

陰平 二首

孔胤樾 四見

葦社吟菊 春閨怨

溯洄集

卷之九

七

咏雪 遇天真友

讀書得解

盛藻 四見

聞書眉聲

陳祚明 四見

元夕燈詞 報國寺松歌

宮中行樂詞 三首

王世祿 三見

渡桑乾遇鄉人

魏裔訥 六見

黃梁夢 邯鄲題壁

銅雀妓 過雕水

路傍碑

燕臺值上元夜同涵一家弟

鄭茂 三見

訪友西園不遇 都門作

吳初 三見

懷南村方孟升 獨坐

溯洄集 卷之九 八

季開生 二見

舟中讀吳駿公先生新樂府

宮女馬走馬彈鶯不得 二首

沈商書 三見

古意 六首

東蔭商 三見

送宋大奎還萊陽

胡廉 二見

訪隱不值

宮偉鏐 字紫玄秦州人

別燕題壁

沈永令 字一指長洲人

渡曹娥江

彭楚伯 六見

桃花

杜鎮 三見

晚秋

陳燹 二見

溯洄集 卷之九 九

春日幽居

許旭 二見

過功臣廟廢址 崇禎官詞 三首

追懷友人齋中讀書之作

王揆 二見

孔光 王衍

陳重光 三見

山夜

彭源 字飲光歸德人

少年遊 二首

賈開宗 三見

胡循蜚畫石

曾 畹 五見

詠虞美人草 蓼臺

沉香亭懷李白 過馬伏波墓

西湖燈夕夢得下二句續成

拜岳武穆墓 倦遊

陸 輿 二見

溯洞集 卷之九

順治十六年十一月十七日

皇上躬祭明崇禎帝陵特諭追謚莊烈以昭其勵

精圖治身徇社稷之義恭紀 四首

抱樸子有採五芝之法意不在服餌今人誤

作草木會便懸絕矣聊賦此正之

官于宣 二見

春雨

沈 誌 字正子商丘人

李腹公太史園

朱萬禧 字宛菴松江人

閨情 二首

趙 修 四見

早發平陽

劉梁蒿 二見

長橋月下聽吳人曲

王維坤 四見

途中

趙 湛 二見

溯洞集 卷之九

題雪石墨竹

韓 宕 二見

經古太原

魏裔介 六見

涿州公廨古槐吟 二首

東河縣南渡河

閏五月三日瀛臺啟事同高念東梁葵石楊

崑嶽聽太液池流水聲

遊祖將軍別業 明妃詞 三首

過小南城 上愍明懷 詔建貞弼

戊戌秋日隨 上獵于南苑恭紀

春夜聞鴻 題畫 二

溯洞集

卷之九

十二

溯洞集卷九五言絕句

栢鄉魏裔介石生選評

禹航嚴曾渠方貽 校訂
錢唐顧之瑜不瑕

五言絕句

王鐸

愁怨曲

來。桐葉驚幽夢。音書尚未回。如何萬里月。偏向繡簾

宋權

溯洞集 卷九

傷宋中諸子

磨。枯骨迷荒艸。生魂號大河。鄒枚空姓氏。遺藁亦銷

許作梅

河上曲

鼓。逢人荷鋤來。近水無乾土。日暮大河濱。官衙尚簫

李嘉胤

杜甫川

我愛秦中詠。竟作秦中客。驅馬過杜川。三年卧沙磧。

杜芳

白泉

水從山下流。流出青山影。沿流到上頭。笑倚白雲嶺。

又

石上生青艸。春風吹不起。天上月明來。照出石下水。

溯洄集 卷九

雪夜

曉。牕。白。于。水。推。牕。看。太。虛。不。知。一。夜。雪。恍。疑。天。上。居。

松林店

不知何處人。問我平干路。言借囊底錢。共醉松林雨。

過山彪訪僧不遇

門閉芳艸合。白雲自來去。半壁影猶存。總是無心處。

申涵光

夜溪

上。昨。日。山。雲。黑。沙。邊。見。新。漲。夜。靜。水。空。明。魚。遊。星。月。

曹本榮

與盧爾唱夜坐

音。一。室。有。天。地。羣。生。無。古。今。秋。風。吹。落。葉。爲。我。發。幽。

劉逢源

溯洄集 卷九

雨後

雨。漁。舟。隱。長。林。山。深。近。太。古。鳥。語。弄。新。晴。花。光。留。宿。

張文光

留雲亭

飛。朝。望。白。雲。起。暮。望。白。雲。歸。淮。陰。多。少。樹。不。礙。白。雲。

春閨怨

終。日。高。樓。上。香。烟。繞。鏡。臺。誰。家。飛。燕。子。雙。去。復。雙。

回

杜鎮

卜居

卜居何處好。桃源雲外深。莫問漁郎路。但隨花片尋。

王士祿

夏夜偶書

歷歷白榆光。渺渺黃姑渚。惆悵雙星心。秋期奈何許。

溯洄集

卷九

四

古意

秋盡芙蓉凋。春來蘭葉紫。流光不待人。愁殺紅顏子。

王士禎

絕句

春樹接江城。孤舟泊芳艸。歷歷白雲晴。懷人漢陽道。

魏裔訥

八關亭觀顏魯公墨跡

節義高千古。非因字得名。至今亭尚在。流覽有餘情。

讀劉簡齋詩次韻

遊子歸南山。葭深秋氣冷。閒庭人足稀。日對寒花影。

陳祚明

燕市春歌

長安古狹邪。道隘不容車。溝水春泥擁。愁君白鼻驕。

溯洄集

卷九

五

又

盡廢平原飲。春醕禁從官。退朝齊却掃。花柳曲江寒。

又

宣室通長樂。齋宮起露臺。盡隨將作監。十萬梓人來。

又

寒食郊壇路。香車隊隊逢。玉肌宮袖窄。青髻挽盤龍。

曾 曉

涉渭宿安陽屯

春風迴渭水。獵火出周原。馬帶斜陽色。聲聲向塞垣。

宋 犖

歲暮

橘柚洞庭熟。江船已販來。君王新有詔。不用貢燕臺。

落花

溯洞集 卷九

六

昨日花簌簌。今日落如掃。反怨盛開時。不及未開好。

柴紹炳

子夜歌

牀頭鴛鴦被。不知天炎冷。三百六十夜。夜夜長交頸。

姚 安

田家

數家共一溪。比屋多姻婭。柴扉映修竹。鷄鳴落花下。

下

韓 宕

和韓再見東籬四絕之一

黃花滿院香。獨坐清思發。天地一虛舟。空勞嗟歲月。

彭楚伯

題家仲飲光畫

嶺接浮雲暮。徑紆亂竹斜。空山風雨後。處處見飛花。

溯洞集 卷九

七

盧 祺

擬閨中怨辭

臨行頻下拜。高堂有老親。不念紅顏妾。詎忘白髮人。

李 京

夕佳樓

一樓僅兩楹。西受萬峯挹。樓牕常不關。恐碍雲出入。

楊繼芳

題畫

茅屋寒泉下。灘聲響若聞。雙鳥驚自起。踏亂樹頭雲。

張 幘

黃梁夢

疎槐臨碧沼。明月在天心。擾擾風塵裏。仙踪何處尋。

魏喬介

嘯木層

溯洞集

卷九

八

崇砌步超然。森森古木侍層臺。咫尺間便有萬山意。

慧香廊

春在葳蕤中。衆芳噴不歇。心幽得妙聞。皎皎花間月。

垂虹亭

城隅集暮靄。樹杪隱孤峯。谷澗來霓飲。烟花復幾重。

猶龍與文永詩有夜雪打空廊。君詩在何處。

之句文永和之余步其韵

夜雪打空廊。不知花落處。只在風雪中。風亦吹不去。

山行

久負青山約。今來雲上遊。野花滿谷口。流水出丹丘。

溯洞集

卷九

五言絕句

九

七言絕句

王鐸

望邊詞

北○斷○中○原○萬○仞○山○
雷○鳴○銅○鼓○寶○弓○班○
獨○憐○十○載○長○
征○戍○不○放○春○風○出○漢○關○

宋權

北固山

地○迥○真○看○千○嶂○合○
天○成○不○待○五○丁○開○
東○南○民○力○今○
堪○念○鵲○尾○相○銜○一○帶○來○

溯洞集 卷九

是輔相語

侯恂

昭君

紫○臺○漠○漠○起○胡○沙○
回○首○長○安○是○漢○家○
多○少○將○軍○懸○
旗○纛○美○人○馬○上○抱○琵琶○

曹本榮

雜咏

渭○路○雲○帆○舊○四○千○
河○流○新○沒○汶○陽○田○
莫○輕○月○給○京○
倉○米○費○盡○官○旗○轉○運○錢○

又

里○戶○今○來○較○昔○殘○
屢○聞○疏○請○易○知○單○
兒○童○不○識○簪○
司○例○輸○稅○終○年○半○在○官○

又

東○南○機○戶○悲○杼○軸○
西○北○農○民○厭○鼓○鼙○
聽○罷○城○工○寬○
織○造○普○天○煙○雨○濕○春○堤○

又

盧○櫛○新○傳○罷○漢○中○
尚○衣○聞○道○滅○洮○絨○
諸○州○節○使○休○
獨○助○聖○主○清○心○在○合○宮○

溯洞集 卷九

二

罷城功織造
櫛袖洮絨皆

世祖皇帝盛事此詩紀其實
也詞意溫厚無愧近臣

杜芳

訪元道人

白○雲○倒○掛○一○松○樹○
唯○見○松○門○鶴○在○家○
寂○寞○半○山○天○
似○水○夕○陽○都○上○碧○桃○花○

次蘆溝

十○年○幾○度○桑○乾○水○
千○里○秋○風○蘆○溝○橋○
獨○依○闌○干○看○
落○日○斷○煙○殘○樹○馬○蕭○蕭○

夢題吳山

水泊孤舟萬里萍。相思一夜過吳城。虎頭岩上松風響。流出長江舊月明。

雪夜

爐中炭火半生滅。酒少夜長人乍歇。松下風聲窸上清。枝枝透出碧天月。

申涵光

南園省梅

土寒北地梅開少。每憶林香欲作家。可惜數朝人

潮河集 卷九

三

事裏春風吹老隔年花。

燕京卽事

寒雲宮月遠蒼蒼。蕭后粧樓亦渺茫。四百餘年池水換。依狀風動芰荷香。

又

聞道西山翰墨留。風雷午夜護銀鈎。可憐石馬荒榛裡。明月霜笳萬里秋。

冀鼎孳

百嘉村見梅花

天涯疎影伴黃昏。玉簫高樓憶掩門。夢轉乍驚身是客。一船寒月到江村。

張文光

古春宮詞

梅花落盡柳花遲。春去宮中總未知。小苑迴廊花影靜。暗攜金餅過昭儀。

嚴沆

水師凱旋歌

錦帆遙下白雲間。雪甲霜刀賦入關。聖主雄才殊

潮河集 卷九

四

漢武不勞方士問三山。

趙賓

過程箕山半野園偶成

每過門前定下車。解衣高枕卽吾廬。經年怪爾朝參懶。是處松陰可著書。

丁澎

塞上曲

百戰洮河西。備羌合黎山外。月如霜。白頭老將沙場臥。尚說彎弓從武皇。

周肇

南海子觀獵詞

漢家芳甸鎖西山。昔日宮鴉鎮自閒。御柳萬條今不見。空餘熊館水潺潺。

又

新祠太乙白雲深。長信離宮在上林。自是祝釐頻幸此。吾皇元不愛從禽。

又

歛忽飛龍上百盤。赭駟新試果如翰。驚弦穩搭玄

湖洞集

卷九

五

孤鼻親褫珠璣侍從看

又

昨夜軍書下貴州。羽林豪氣動高秋。卻將露布懸宮樹。偷看降王也舉頭。

孫可望自貴州來降此詩實錄也

顧大申

元旦高麗國使朝見

遼水茫茫貢使通。朝元燈火殿頭紅。更吹樂府高麗曲。白馬金花照海東。

燕京元夕

九門魚鑰鎖重重。燈下新粧月下逢。紅粉千行搖翡翠。金花百道出芙蓉。

閨元大曆盛世之音

嚴正矩

春暉堂偶然作

頻來清夢遶西湖。幾欲移帆出海隅。曾對垂簾懷李白。自因孤鶴憶林逋。

又

湖洞集

卷九

六

厭聞粗淺說神仙。丹皂黃精事杳然。但去深山營竹屋。齒冷白石臥青泉。

又

草堂岑寂易爲幽。獨坐時時悟晚秋。况有空池涵竹月。澹然宛是一林丘。

送人從軍

白玉裘懸金錯刀。長驅駿馬下臨洮。君王早歲麒麟閣。待爾功成錫錦袍。

氣體渾厚

聽杜鵑

子規何事泣三春。古帝靈魂事未真。似有不平無處訴。一聲遙聽淚沾巾。

驄馬驅

紫塞風翻白玉裘。金羈蹀躞控驂驕。葡萄美酒珊瑚色。醉踏龍沙碧浪流。

又

客裏重驚賦別離。湘雲隴樹使人悲。關山夢繞腸堪斷。莫再行吟出塞詞。

溯洄集 卷九

七

成性

過馬嵬坡

治亂興亡豈偶然。半由人事半由天。洗兒錢是君王賜。兆禍歸妃亦可憐。

為貴妃解嘲亦是

過唐武則天陵墓有感

悍后規模亦自殊。朝官石馬列荒蕪。賓王淪落嗟時相。尚是憐才女丈夫。

一節之善未可盡沒

周鑄

舟次淮安

柳曳寒塘煙雨枝。隔河秋色遠離離。天涯多少征人淚。莫向山陽笛裏吹。

郭璞墓

石排山嶺水沄沄。西嶼人傳郭璞墳。萬古清流如一日。孤魂截斷過江雲。

三里橋別人

野岸依依楊柳風。殘雲猶傍古橋東。行人二月長。

溯洄集 卷九

八

安道一路桃花細雨中。

王昊

竹枝詞和顧伊人

女伴相邀去踏青。江花江草望冥冥。莫經香水溪邊過。中有鴛鴦睡不醒。

又

青油畫舫木蘭橈。猶趁吳王送女潮。郎心未識分離苦。容易行過寶帶橋。

魏裔魯

陰平

暗渡陰平入蜀都。姜維計失信堪吁。當年若有德兒駐。烏道羊腸詎敢徂。

又

嚴寒雨雪入陰平。架閣攀藤渡甲兵。鄧艾至今稱漢賊。中興事業嘆無成。

孔胤樾

專社咏菊

聊將宦興寄林丘。隨分登臨風物幽。上有哀鴻下

湖洞集

卷九

九

有菊誰云花鳥不宜秋。

春閨怨

大堤諸女入春深。閒說人輕買笑金。路草隔年黃變綠。懸知郎異舊時心。

詠雪

夜半霜英貯凍槐。晨暉湛湛漸烟開。誰人踏破梨花徑。想是山翁乞火來。

遇天真友

試問交情何處真。淡雲疎雨對松筠。時流動說輕

生死那有多軀可借人。

讀書得解

靜閉蓬門百事疎。清齋日讀腐遷書。偶然會得古人意。掩卷無言步出廬。

盛藻

聞書眉聲

龍潭水靜澄無底。鬼國雲深夏轉清。不是道人真有限。幾曾愁聽畫眉聲。

陳祚明

湖洞集

卷九

十

元夕燈詞

翠鉤珠靨競新粧。社鼓燈毬月似霜。閒說鰲山啣火樹。宮中依舊舞霓裳。

報國寺松歌

花宮雙樹倚瑤壇。老幹蕭疎拂地寒。千古興亡人不見。春風秋月舊長安。

又

屈鐵虬枝翠葉齊。秋陰古殿夕陽低。人間亦有千秋物。不必烟霞鎖碧溪。

宮中行樂詞

桂館陰岑接露臺。春風上苑百花開。梨園樂府翻新曲。爭捧屠酤琥珀杯。

又

新選昭陽第一人。翠眉蓮臉迥生春。火明南內排宮宴。更促金盤膾紫鱗。

又

平明魚鑰九重開。共待長楊夜獵迴。馬後齊懸雙白鹿。武皇元有射鵬材。

溯洞集 卷九

十一

姬美王建

王士祿

渡桑乾遇鄉人

馬蹄此日渡桑乾。千里風塵行路難。回首故園東去路。齊雲燕水淚闌干。

魏裔訥

黃梁夢

木落霜黃秋氣悲。征人一夜夢迷離。雞聲催過邯鄲道。正是盧生未醒時。

邯鄲題壁

平原曳履三千客。鑒拔何能識一人。毛遂當時非自薦。囊中閒殺百年身。

銅雀妓

圖王定霸已成空。憑弔堪悲亂世雄。綠黛朱顏何處是。年年鷓鴣叫西風。

過睢水

咸陽一炬成何濟。富貴東歸亦可嗤。睢水揚沙天滅項。不須刎頸大江時。

溯洞集 卷九

十二

路傍碑

甘棠勿剪剪誠佳。事末世何為多譽詞。豈是人皆羊叔子。道傍遍豎峴山碑。

燕臺值上元夜同涵一家弟

須臾爆竹罷喧喧。寂寞非關玉漏催。始信繁華真幻景。垂鞭一任馬蹄回。

鄭茂

訪友西園不遇

孤城下接水雲居。石磴樓高槐影餘。坐待主人歸。

未得閒心翻盡竹窻書

都門作

薊門寒葉響西風。千里關山塞雁通。我憶高堂聞夜雨。應憐遊子異鄉中。

吳初

懷南村方孟升

經春細雨日昏昏。每欲招尋懶出門。但得天晴風日好。看花一路到南村。

獨坐

溯洞集

卷九

十三

幽○窻○長○閉○寂○無○譁○白○石○紅○蘭○映○碧○紗○冷○暖○覺○來○無○處○說○閒○將○春○雨○煮○秋○茶○

季開生

舟中讀吳駿公先生新樂府

芙蓉凝豔綠雲灣。野客停舟心自閒。新展一編清似鏡。卻疑秋入藐姑山。

宮女走馬彈鶯不得

姑射峰高日欲垂。楚王宮裡打圍時。桃花馬上空飛轡。正是流鶯不語時。

又

蛾眉承命打鶯兒。寶馬珊瑚鞭不可知。折得垂楊分上賞。路人愁絕細腰肢。

沈商書

古意

綽約僊居迥不開。花期竟日許追陪。囑君莫寫陳思賦。綺閣何曾親看來。

又

稱腰卻掛翠琅玕。相見無多聚首難。私誓未經郎

溯洞集

卷九

十四

信○否○夜○來○獨○拜○七○星○壇○

又

錦字重題慙索居。隨潮是處寄雙魚。不須押篆防人覺。郎識新臨大令書。

又

參差翠袖響珊瑚。睡起芙蓉無力扶。小膽不因懷抱惡。絳囊時珮辟邪符。

又

蓬立羅裳亦小開。柔肌撫過自驚猜。深宮不獨傳

飛燕吹得身輕掌上來

又

琅函千軸載仙廬。字字親承手授初。隔座每留丹頂鶴。教來一一識郵書。

東蔭商

送宋大塗還萊陽

海天秋濶雁行斜。到得重陽已到家。小弟關河猶作客。羨君先看故園花。

胡廉

溯河集

卷九

十五

訪隱不值

滿陌遊塵撲柳樹。抱琴獨訪高人處。高人不在堂更清。自彈一曲出門去。

宮偉鏐

別燕題壁

幾方中原志不灰。香名白傳但能詩。如何剪燭深杯夜。卻共紅粧笑口開。

沈永令

渡曹娥江

香魂千古護江濱。湘水娥英是後身。此去苧蘿應不遠。溪邊差問浣紗人。

彭楚伯

桃花

萬樹桃花接遠山。晚烟繚繞滿層巒。郡飛夕鳥千村亂。人在清泉白石間。

杜鎮

晚秋

景靜秋山萬木陰。那堪落葉影蕭森。杖藜獨對寒

溯河集

卷九

十六

光晚惟有清流淡客心

陳彛

春日幽居

夕陽芳草晴無盡。無數春山青渡江。江上送春惟有酒。落花如雨坐西牕。

許旭

過功臣廟廢址

五百功勳紀太常。風雲誰得並侯王。丹青廟貌今何在。一片鷄籠滿夕陽。

崇禎宮詞

銀燭燒殘禁漏長。君王猶自理封章。宮門夜報邊
圍急。手捧軍書進御牀。

又

窄袖盤龍小戰袍。殿前親演內家操。一時牌子先
承旨。御輦前頭盡帶刀。

又

賊破潼關勢震驚。九門齊擺羽林兵。六宮盡道江
南好。無那君王不肯行。

溯洄集

卷九

十七

追懷友人齋中讀書之作

高館沉沉玉漏低。紗窗燈火坐來遲。夜深移看庭
間月。正照疎桐石上時。

王 揆

孔 光

靈杖朝餐禮太姝。聖孫甘作篡臣徒。果然不愧儒
林傳。楊子何稱莽大夫。

王 衍

塵尾空揮談笑同。十年文酒壞江東。惜乎石羯排

墻夜何不逃藏三窟中。

陳重光

山 夜

白屋黃茅山逕迴。滿湖斜雨鬪風開。主人相見能
相慰。知帶龍湫寒色來。

彭 源

少年遊

下馬同傾酒一樽。侍兒七首擘蒸飧。生平不着黃
金甲。醉袒貂裘數箭痕。

溯洄集

卷九

十八

又

紅玉鞍嬌碧玉驄。樂游原上柳絲風。詔裘季布今
何處。只在三千奴僕中。

賈開宗

胡循蜚畫石

胡公授筆作雲根。空曲高蟠似虎蹲。不用遨遊尋
五岳。窻前形勢接崑崙。

曹 曉

咏虞美人艸

一夜歌聲起帳中。玉雕曾逝大江東。自從化艸生
西楚。不遂楊花入漢宮。

蓼臺

夾岸啼猿夢澤孤。荆王墓畔半頭湖。須知倭色傾
人國。覆楚非關伍大夫。

沉香亭懷李白

纔罷粧樓倚輦前。玉簫吹徹李龜年。人間盡是華
陰令。誰識金鸞殿裏僊。

過馬伏波墓

朔洞集

卷九

十九

墮水飛鳶百粵東。天高銅柱峙奇功。傷心藁葬城
西日。不入雲臺圖畫中。

西湖燈夕夢得下二句續成

絕塞天空鴈幾羣。榆關南北渭河分。秋風八月黑
山動。吹落黃沙無數雲。

拜岳武穆墓

一望神州百戰中。金牌已盡十年功。孤臣尚有埋
身地。二帝游魂斷故宮。

倦遊

未必畫長能悞客。明湖華注兩相忘。愁來歸臥華
林寺。新得希夷大小方。

陸輿

順治十六年十一月十七日

皇上躬祭明崇禎帝陵後旋復特諭追謚莊烈以

照其勵精圖治身殉社稷之義恭紀四首

鶴去龍歸一紀餘。玉晨新表五雲除。直教寫盡千
年血。兩字春秋帝特書。

又

朔洞集

卷九

二十

五夜靈光出寶箋。寢門初日照寒煙。那堪燃指
帝聞雉陽之蒙頭淚。帝臨絕時謂無顏見祖宗未
變然指哭祭肯模糊待問天。于地下將髮披面以謝之

又

生顏一片勒秋霜。血洒紅亭帝自盡
于紅亭痛未央。最是
魂銷猶骨在。不甘劫後說天亡。

又

天地風塵社火移。偏于板蕩樹威儀。不知往史
傷心處。月上西湖話子規。

抱樸子有採五芝之法意不在服餌今人誤

作艸木會便懸絕矣聊賦此正之

修竹閒雲影不移。爐烟初盡鶴來遲。青霞沐浴渾閒事。空向深山訪紫芝。

官于宣

春雨

紙窗春雨自紛紛。布被高眠半不聞。曉起開門艸堂靜。萬峰無影一溪雲。

沈誌

湖洞集

卷九

二十一

李腹公太史園

一幅蒲團半壁山。終朝兀坐自安閒。雙柑獨聽黃鸝後。堪笑人間煉九還。

朱萬禧

閨情

望斷蘭橈掩院門。桐風暮雨正銷魂。侍兒莫拂粧臺鏡。不擬明朝照淚痕。

又

帶圍早自臨行減。何待重教疊錦衾。明月不知人

意緒。盈盈又上擣衣砧。

趙修

早發平陽

月落天高唱曉鷄。蒼蒼山萬望中迷。踈狂不爲途窮哭。一任西風送馬蹄。

劉梁嵩

長橋月下聽吳人曲

金角吹殘鴈北飛。渡頭楊柳映橋稀。開元白髮人何在。聲徹江南淚滿衣。

湖洞集

卷九

二十二

王維坤

途中

冰雪稜稜野氣昏。澆寒濁酒勝芳尊。還家應及梅花放。夢過烟南第幾村。

趙湛

題雪石墨竹

淡掃寒梢入素絲。如君清節古人期。幾竿石上瀟瀟影。宛對巴江夜雨時。

韓宕

經古太原

晉代叔虞舊有名。四圍山色一川平。可憐桐葉今搖落。猶聽汾波蕩漾聲。

魏喬介

涿州公解古槐咏

古槐蒼鬱氣如虬。飽歷風霜五百秋。試看門前車馬道。紅塵滿目夕陽愁。

又

王謝臺前燕已飛。西京禾黍幾歔歔。行人若問興

淵洞集

卷九

二十三

亡意古樹年年對夕暉。

東河縣南渡河

長途驛路出東阿。艸色蒙茸秋色多。馬上不知身在魯。臨流錯憶是淖沱。

閏五月三日瀛臺啟事同高念東梁葵石揚

崑嶽聽太液池流水聲

千頃琉璃太液圖。幾行鳬鴈唼菰蒲。石橋一枕聞流水。夢入扁舟舊五湖。

遊祖將軍別業

英英桃李迎人笑。泛泛鷗鳬向水翻。借問將軍雙鬢老。何爲空鎖辟疆園。

明妃詞

豔質長辭出鳳城。和親從此罷交兵。誰知千載琵琶怨。猶向孤墳對月明。

又

深宮不覩君王面。命薄何由怨畫師。時上龍堆聽曉角。高鴻陣陣過焉支。

又

淵洞集

卷九

二十四

金屋自藏傾國色。寧甘沙漠死紅顏。年年青艸知何意。牧馬悲鳴散黑山。

過小南城

月明南內角聲殘。供奉猶歌行路難。一自英皇復辟後。憂勤八載問饑寒。

上愍明懷宗之勤於治而身殉社稷也

詔建貞珉命史臣闢其幽俾後世勿槩以

亡國主目之余既嘆

聖德廣大因追咏往事以志慨息

二八年來宵肝主誰教冠賊遺君父鼎湖龍去水
悠悠惟有仙人泣若雨

又

幸蜀當年事已非肅宗靈武御戎衣如何輕棄南
遷策魂逐蒼梧竟不歸

戊戌秋日隨

上獵于南苑恭紀

玉靶雕弓斜控鞍箭如鴟叫萬人歡儒臣後騎承
恩寵指點黃羊親與看

溯洞集 卷九

二十五

春夜聞鴻

春鴻幾點向江淮猶有餘聲到小齋聲帶孤雲天
際去幽人寒夜立空階

題畫

青山一片紫霞堆紅樹桃花相間開應是天台迷
去路不教劉阮出雲來

溯洞集卷九七言絕句下終

清詩溯洞集目錄卷之十

四言古

黎祖功 字耆爾南昌人

勵志詩

魏裔訥 七見

春日同彭子士報及家弟涵一起東望別墅

古樂府

宮偉鏐 二見

東門行

將進酒

溯洞集

卷之十

劉生

夜夜曲

秦女卷衣

將歸篇

顧大申 五見

登高丘而望遠海

將進酒

彭楚伯 七見

將進酒

上陵

枯魚過河泣

猛虎行

關山月

擣衣曲

江南曲

少年行

顧豹文 四見

聖人出

彭源 二見

短歌行

燕歌行

飲馬長城窟行

關山月

企喻歌辭 二首

石城樂 二首

沈謙 字去矜仁和人

行路難 二首

林佳璣 字衡者莆田人

溯洞集

卷之十

鳳凰曲

子夜吳歌

古意 二首

董以寧 字文友常州人

讀曲歌 二首

康若生 字上若安福人

懊儂曲 二首

魏裔介 七見

短行歌

觀蒼海

龜雖壽

薤露歌

蒿里曲

子夜吳歌 四首

燕歌行效曹子桓送田髡淵

今樂府

魏裔介 八見

飛來燕 二首

吳農祥 三見

孤兒行

陳增新 二見

當雁門太守行

溯洞集

卷之十

哀本客當登高丘而望遠海

海水深 悲老大

雨珠記異也客爲余言去建城可十里計天

忽雨珠形如穗子中有積血粒相若也

魏裔介 八見

哀流民 王泉篇 三首

琴操

魏裔介 九見

擬將歸操

擬拘幽操

擬雉朝飛操

擬別鶴操

擬龜山操

溯洄集

卷之十

四

溯洄集卷十四言古

栢鄉魏喬介石生選評

禹航嚴曾樂方貽校訂
錢唐顧之瑜不瑕

四言古

黎祖功

勵志詩

神龍變化德始其潛。君子愛敬道尊其謙。桃李早榮。凋先松栢。狐貉晚成。厚踰絺綌。與璫腹璞。虎豹文皮。蘊瑟而貴。炫燿以危。西施蒙穢。不如嫫母。賢

溯洄集

卷十

豪辱名不如下。走適口唯嚮。適躬唯善。行遠匪車。學古匪書。日月既出。遍於晝室。聖王之治。海隅是畢。德逮無卑。威臻靡挫。賢哉夷齊。西山死餓。魚笱之設。必求諸淵。後人創法。必稽諸先。泰山受礫。河海聚流。昌言累積。大道優游。

魏喬訥

春日同彭子士報及家弟涵一赴東望別墅
世自愛喧。我自愛寂。小結茅茨。泥塗其壁。闢地栽花。籬前頓頓。興來攜友。緩步入林。南山在望。相對

嘔欬。春風芳艸。觸景幽吟。紅塵誤人。終當引避。築室於茲。安意肆志。

劉生

中材涉亂。棄職躬耕。叩友何人。雨雪劉生。千金匪重。一飯非輕。呼酒平原。掘手班荆。贈君縞帶。貽我青萍。努力天下。弘此德聲。

古樂府

宮偉鏐

東門行

淵洞集

卷十

二

男兒生不封萬戶。侯牛衣交謫聲。啾啾拔劍出門去。三村安用鯢鵬留。出門妻孥牽衣泣。嗚悵燕吳萬里風。帆急。舖糜半給足。調饌何必錦堂歌。舞炊鷄粒。君不見親春老孟光。五噫歌轉心徬徨。

將進酒

聖人出嘉瑞。成歌魚麗賦。鹿鳴貢圓丘之玄碧。列蒼梧之縹清。豈必觴西王母於瑤池。白雲美貌液之名。

夜夜曲

銀河耿耿雙星乾。欲眠不眠燈半殘。宮鴉移坐垂楊線。露濕蓮房掩嬌面。香篝冷暖不知年。刻燭成珠整翠鈿。刀鐮破鏡無消息。愁聽玉堦蛩唧唧。

秦女卷衣

繡幃鴛頸春參差。寶枕香濃選夢遲。小鬟調笑兩相向。夢裏悄來儂自知。平明霧重爐煙小。影入菱花紅窈窕。盤螭百結昔同心。相送玉堦宮苑曉。

將歸篇

君不見石頭城。樵蘇雜沓焦桐鳴。又不見秦郵路。

淵洞集

卷十

三

綵蚌含珠飲清露。圮橋傾廢老人悲。隆中何處堪三顧。烟花百里是吳陵。謾說吳陵朱鳳騰。剩得漁舟入水國。流嘶臘月不成冰。與子卜築河之潛。鷓鴣巢林。斥鷃槍榆。安知海天有石鯢。與鵬噫吁嘻。把酒鳴榔何太遽。傳柑早晚期君至。

顧大申

登高丘而望遠海

黃帝且戰且學仙。喬山弓劍攀龍髯。吁嗟政微不及此。扶桑滄海空青天。沙丘之雲茂陵樹。萬弩射

魚氣張怒。童男未返。青雀遙。銀鴈金鳧。起泉路。瓊田草不死。蓬萊塵不飛。丹丘靈藥。如可致。千秋萬歲。詎相辭。汾陰宮。瑯琊碣。石麟秋草。莽蕭蕭。銅仙望斷。咸陽闕。不見當時九鼎成。鼎湖雲氣。時明滅。

將進酒

奉君琉璃紅玉之寶觴。清歌妙舞。迴中央。和風微搖。雜花香。問君何為牛馬走。問君何不飲醇酒。躍靈西逝。海水枯。少壯未幾。成白首。昔時朱履游平原。今聞芻牧歌聲喧。梁王一去冠蓋散。惟見平臺。

溯洞集

卷十

四

黃土生孤烟。醉後不辯醒時路。主人何有囊中錢。劉伶墳。杜康宅。草碧泉香。萬古惜入門。苦對妻子。愁出門。畏逢車馬客。且沽美酒。日沉飲。世事相驅復何益。

盛 漆

從軍行古意

相逢從軍者。問爾家何處。言是江南人。淚下已如。如。解。桃李何曾黃。摘下軍中糧。插禾何辛苦。禾。舊作馬脯。二解。前山曉作雨。後山曉出日。前後不。

相知。青山永不失。三解。戰士不宿飽。良馬不夜艸。美女不嫁人。那得不速老。四解。

彭楚伯

將進酒

將進酒。浮霞卮。須作樂。貴及時。紛佳哉。盛威儀。燕嘉賓。歌雅詩。天子萬歲。羣臣稱觴。賜酒漿。各植蒲。荷上林苑中。年年殿拜。祝君壽無疆。

上陵

上陵何鬱鬱。下津曠以斜。冠蓋走廣衢。服騎矜以。

溯洞集

卷十

五

誇黃金為君屋。白玉為君車。遊戲銅池側。盤桓驅麗駟。我聞神仙居海外。往來附依日月傍。羽衣玉節。奉酒介觴。醴泉之液。紫樾之漿。開曲室。坐朝堂。伐鐘考鼓。樂未央。延年益壽。千秋萬歲。天子吉康。

枯魚過河泣

枯魚過河泣。涕淚念昔時。生于河。長于河。掉尾遊大淵。出入任所宜。蛟龍為羣。鱗甲相隨。偶誤見芳餌。乃為人所欺。何不遊釜中。別家歲月知復獲。涉舊浦。欷歔不自持。作書寄魴鱖。相教慎出入。莫誤。

見芳餌乃爲人所欺

猛虎行

原廣艸茂猛虎在林咆哮號發白日沉陰一解虎
蹲而處人莫近虎威奪魂魄畏其善怒二解虎
三雛中有豹文骨肉慎防弗爾紛紜三解長嘯風
生聲動山谷羣行噬人驚聞夜哭四解衆獸相追
風淳俗仁虎忘殺機世有麒麟五解

關山月

關山自古月圖缺總愁人曾傍漢宮女偏迷邊騎

朔河集

卷十

六

塵鄉思窺白髮野景照青燐色映征衣濕光聯葑
屋新舉頭長望者幾能不沾巾

擣衣曲

擣衣無定聲月下獻長夜鄰女未驚秋停鍼還相
訝蚤知爲婦更牽愁何如當時不出嫁

江南曲

江南歲蚤芳垂柳復垂楊沙淨宜春浣川明媚曉
粧跳波浸玉腕濺水濕羅裳日莫歸珠閣鴛鴦正
在梁

少年行

翩翩美少年問是誰家子揮手擲萬錢揚鞭走千
里笑游古戰場醉臥咸陽市意氣不能降佳人誓
相死

顧豹文

聖人出

聖人出曆數歸蒼鼠走黃龍飛聖人出當今世審
法度永年歲聖人出人莫窺福寬德厚深基聖人
出人莫爭同異解黨論平聖人出照天下施我文

朔河集

卷十

七

威我武聖人出植家國安瘡痍剪蠹賊大字兆和
氣流莫水火封公侯坐明堂赦有罪以弘子孫制
四海

彭源

短歌行

對酒婆娑母慮千戈百年一瞬日月如梭一解切
莫徘徊且自卮杯事大如天醉亦不來二解龍固
可居海固可枯反本還元無智無愚三解皎皎月
明憂從中生悽悽我心誰是長庚四解憂不可輟

願不可折。意氣如雲。肝胆如雪。五解 有山可尋。有水可臨。四海兄弟。以固此心。六解

燕歌行

君今千里寄他方。秋風誰與製衣裳。一解 閉關落

葉。樹粧黃。飄泊思歸。欲斷腸。二解 勞勞夜夜聽鳴

蟬。月明如水。夜何長。三解 相隨形影自相將。孤燈

獨守。悵空房。四解 淹留何處不還鄉。隣家有酒與

誰嘗。五解 嫁郎本欲作鴛鴦。蓮花零落散其香。六解

解 天河遙隔牽牛郎。愁殺盈盈織機娘。悲莫悲兮

潮洞集

卷十

八

參與商七解

飲馬長城窟行

冉冉河邊柳。空牀難獨守。獨守不勝悽。良人遠別

離別離。結寸心。惟有泪沾襟。沾襟泪如霰。遠道難

相見。牛女知七夕。蟋蟀知素秋。自媚願無人。佛鬱

上高樓。客從塞外來。遺我錦征袍。親手接征袍。上

有血書字。惶惶讀厥字。字字書何事。先言離別久。

後言師不利。

關山月

關山月冷冷。清輝照鐵衣。可憐身是女。無奈下織機。火伴同爲食。高堂獨依扉。夜夜水輪轉。不載戍兒歸。

企喻歌辭

放馬大澤中。馬亦躍長林。男兒有意氣。塵土視黃金。

又

手拈狼牙箭。腕挽扶桑弓。沙場百戰餘。年少自言雄。

潮洞集

卷十

九

石城樂

石城羣少年。芳艸坐萋萋。風起石城東。香過石城西。

又

本自生石城。城樓高百尺。登樓無所見。諸俠歡日夕。

二彭樂府不惟音節似古精神含蓄可解雙壁

沈謙

行路難

熊膽搗薑日○其中辛苦當自知○壽命亦有限○今胡
戚戚多所思○歌舞以解愁○悲歌緩舞反增憂○今我
時運太輒軻○停杯俯首涕泗流○

又

造車作方輪○九牛力盡推不轉○追思昔年初見時○
比肩加膝偏衣戀○焚香持告天○但願世世常相見○
誰知顏色逐年衰○自應恩義隨時變○每觀舊物使
心悲○還君七寶畫團扇○

林佳幾

溯洄集

卷十

十

鳳凰曲

弄玉已簫史○鳳凰侍佳人○人非千秋別○曲傳天下
春○綵雲無餘影○臺迹在西秦○

子夜吳歌

採蓮鏡湖裏○羞見菡萏花○薄命竊自恐○畏入吳王
家○回舟明月上○惆悵滿若耶○

古意

衰年急清商○玉階風不歇○秋來舊恨生○非但怨明
月○

又

明月滿帝城○樓高鴻鴈行○愁心異秋草○霜雪下還
生○

董以寧

讀曲歌

怪侍妾○侍妾好顏色○葉上小青牛○秋來變蝴蝶○
又

歡如繡綵針○儂如繡綵線○聯脫任從郎○纏綿終不
厭○

溯洄集

卷十

十一

康若生

懊儂曲

日夕與郎期○郎來過夜半○漸漸曙星微○開幃郎自
看○

又

郎自騎馬去○不復為儂慮○癡儂一片心○愁郎山路
雨○

哀流民和魏都諫

流民自北來○相將南去○問南去問處○言亦不知處○

日暮荒祠淚下如雨一解 饑食草根草根春不生
單衣曝背雨雪少晴二解 老穉厄羸喘不及喙壯
男腹雖饑尚堪負戴早春糧夕牧馬姬幸哀憐許
宿茅簷下三解 主人自外至長鞭驅走東家誤留
旗下人殺戮流亡禍及鷄狗日淒淒風破肘流民
掩泣主人握手四解

魏喬介

短歌行

我有長劍掛壁不試我有旨酒盈樽不醉一解 年

溯洞集

卷十

十二

華一去不可再來讀書萬卷涕潸奇懷二解 天下
多故宜用俊傑筐篚小智難與植業三解 爲爾寂
寂鄧禹笑人顏色憔悴自冬徂春四解 折脅拉齒
范睢則相褚冠疇伍與人是謗五解 周道如砥其
直如矢百練之剛化爲繞指六解 鴻鴈啣蘆載翺
載翔畏彼綰繳遠至瀟湘七解 維水有潯維山有
岑高卧雲霞慰此素心八解

觀滄海

滄海非東崑崙非西倬彼天漢元氣混齊蓬萊三

山是邪非邪銀臺金闕候不乘槎潤色萬物震蕩
九土沐日浴月天樞地戶幸甚至哉歌以詠志

龜雖壽

神龜雖壽塊然一物龍德變化超然羅蔚委蛇委
蛇與時偕宜孔光則詐黃石可師達人之理彭殤
一視憤然任運哀彼代匱幸甚至哉歌以詠志

薤露歌

大海湯湯鴻濛閉兮出日入月景不滅兮人命無
常遞相閱兮

溯洞集

卷十

十三

蒿里曲

天地曠兮悠悠死不復生兮奚憂古今北邙兮高
丘

子夜吳歌

悄悄與郎語聞郎大都去須待春泥乾爲郎治行
李

又

燕京女兒多何如吳下好萱蕙花正開甘作閨中
老

又
鐵甕城邊路。掛帆到揚州。儂欲隨歡去。不是覓封侯。

又
浪船利帆風。況是搖輕櫓。儂心已斷絕。泣涕淚如雨。

燕歌行效曹子桓送田髯淵

燕山吳水路。修長離筵。絲竹發清商。古人遺事空斷腸。一語知心誰能忘。黃鶴千里自翱翔。不能奮

溯洞集 卷十

十四

飛白雲鄉。春寒陰雨忽高涼。佳人欲爲公卿裳。天涯回首一徬徨。今何夕。幸同堂。置酒臨風嗟未央。長歌忽下衆星光。高車駟馬如履霜。懷憂不覺髮毛蒼。良平事業漫相望。慙慙執手賦河梁。

今樂府

魏晉詩

飛來燕

飛來燕燕飛無所止。瞥見王謝有書堂。飛飛意欲爲巢壘。主人愛燕燕亦愛主人。飛來飛去日驚我。梁上塵。

又

飛來燕燕飛無所容。主人愛燕燕鳥衣捲簾巢燕燕。燕燕又傍別家燕。又傍別家歸來啄其主。主

溯洞集 卷十

十五

人對之長咨嗟。燕巢可毀燕壘可破。燕兮燕兮爾其與鴟鴞爲羣。鷓鴣爲佐。

讀崔顯孟門行。令人思成陰結實之報。讀辭若飛來燕。又令人有毀巢破壘之思。余以一言斷之。日聽其自來自去而已。不必望報。亦不必彈射也。

吳農祥

孤兒行

孤兒來前。吾與爾言。田有禾。不可食。樹有薪。可爨。孤兒何不歸耕田。奈何龜手膠足。朝飲馬。夜不得閒。行出市。不持一錢。面目慘黑如風煙。孤兒氣結徐

能言孤兒父爲二千石。兄亦貴仕。一門車騎何副。
孤兒少時衣重襦。雙乳母。孤兒啼。父母驚。貴侍。
女爲買餌。孤兒笑。父母時時問。不知何處人。草。
草羅衣。與父兄相次死。我母携我。逃草間。軍中有。
嚴法。骨肉不許全。使我十載寒無衣。饑無食。拾馬。
矢。不如歸地下。黃泉。亂日市上人。多有市苦李。我。
欲不爭。饑不得已。市上人多。失李折齒。慎莫見笞。
良久不起。爲我傳語孤兒。孤兒寧忘十載啼泣時。

陳增新

溯洞集

卷十

十六

當雁門太守行

今皇帝十七年歲在庚子。衢州太守袁君爲郡清。
如水。每催科。寓撫字。上官無不遇。以禮嚴于馭下。
要令知法紀。治行第一。十郡真莫比。
用金錢。藩司功曹歡喜。太守強項吏。那顧功曹毀。
深文忽中之。課殿遂乃爾。
寒屋執相與。聚旂訟冤謀。額驄馬御史。
未及上。賴有黃門。疏白治行各各稱。肯惟良二。
十石太守與崔李三人耳。就中誰最賢。僉曰太守。

美更畱太守得五年。衢州萬姓願足矣。
哀木客常登高丘而望遠海。
高丘且莫登。山空無尺木。遠海且莫望。怒濤雜鬼。
哭。可憐千艤。鱣盡飽吞舟腹。鬼愁彼岸難。木何年。
命促。我思戚將軍。我思湯信國。出洋豈得已。要令。
邊境肅。果爲嚴斥堠。鯨鯢終就僇。自此波不揚。奇。
木彌巖谷。

哀木客常登高丘而望遠海

海水深。一何深。千艘下瀨愁苦心。海波濶。一何濶。

海水深

海水深。一何深。千艘下瀨愁苦心。海波濶。一何濶。

溯洞集

卷十

十七

田廬且與汝俱沒。共逐鯨人水底居。嗟乃天吳之。
降。哥。島。耶。洲。耶。市。耶。樓。耶。橫。來。大。者。王。小。者。侯。耶。
我聞有命不敢告人。望洋波濶向若水深。

悲老大

誰驅十萬良家子。揚帆直入雲濤裏。大帥令嚴孰。
敢違。尅期決戰推堅壘。一心破敵攫環琛。輕視夏。
門。隔帶水。漢兵不進滿兵進。失路故勒縹緲。可。
憐。老大苦口諫。立斬以徇。厲衆士。前軍濡首渡未。
半。島上伏兵四面起。倉皇收卒復登艦。舟中之指。

可掬矣。剛愎不用秦人謀。喪師辱何由。流血汚
洪波。盡哭聲。至今海氣尚冥冥。若寬老大須臾死。
管取重標銅柱銘。

雨珠記異也。客爲余言去建城可十里計天

忽雨珠形如穗子中有積血粒相若也因
賦雨珠一章

天久不雨。北民失所。枕疏澹災。救荒策阻。何彼建
南雨珠無數。剖而瞰之。血如赤黍。占在繁冤。氣結
成顆。不出三年。將有傳禍。禍由秦盜。釀于公府。爾

溯洞集

卷十

十九

猶不悛。帝益爾怒。

魏裔介

哀流民

田廬水沒無乾處。流民紛紛向南去。豈意南州不
敢留。白晝閉戶夜蹲踞。簷前不許稍踟躕。恐有東
人不我恕。上見滄浪之天下。顧黃口小兒命也如。
何婦語絮絮。逃人逃人。今爾獨何爲。背爾主。使我
罹此荼毒。我將爾詛。我欲爾詛。其口維坎。路有杖
杜。盜者誰子。烏鳶噉噉。既啄而翥。彼蒼者天。哀此

黎庶

玉泉篇

玉泉之水橋下過。旣清且漣。非洪波。誰家孤子髮
初純。翩翩游戲城之阿。命如飛蛾投旋渦。炎天白
日怒蛟鼉。中流失壺空駭駭。

又

呂梁十丈奔如駛。丈人常涉洞湍裏。豎子之能不
我知。魂逐涓涓玉河汜。蹇裳欲往不可止。鬼母啾
啾髮垂耳。

溯洞集

卷十

十九

又

嗚呼人間風濤何其深。洞庭旣波滌瀕侵。長鯨礪
齒若霜鐔。左徒空弔楚江潯。彼君子兮。大川舟楫
濟一世而爲心。

琴操

擬將歸操

河之水兮波洋洋。我不濟兮非無梁。迴車東望涕
沾裳。

擬拘幽操

載瞻西郊。今同雲油油。觀象布著。今天道可求。率
遵祖德。今服事揚休。諛人孔棘。今於君何尤。終當
有悟。今脫我羈囚。

擬雉朝飛操

有雉有雉。南崗上。日出杲杲。羽初颺。雄用其雌。羣
雌和鳴。而飲啄相望。我獨何爲。今七十無家。皤然
成翁。牧犢中野。誰與餉。

擬別鶴操

黃鵠海上來。翩翩比翼飛。弋者誰氏子。矰繳發其

湖洞集

卷十

三十

機雄雌各驚顧。悲鳴向落暉。構巢五年未生雛。雲
中相傍徘徊欲下將何歸。

擬龜山操

望東魯。今龜山蔽之。豈不懷歸。畏羣婢之我疑。山
之陰。其雨瀟瀟。父母之邦。實勞我思。龜山龜山。吾
將移爾填滄海。

湖洞集卷十古今樂府終



ZW 21181886575183

湖洞集十卷

浙江汪啟淑家藏本

國朝魏裔介撰裔介有孝經注義已著錄裔介嘗選
國初詩爲觀始集今未見傳本是編乃所選康熙中
詩以續前集者也意求備一時之人故限於卷帙
不能備一人之詩大抵一人三數首而已惟每體
之末必附以已作所收較他人爲夥則似不若待
諸他人之論定焉